



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





7515-

**E P I T O M E
CHRONOLOGICA**

R E R V M

**HVNGARICARVM,
TRANSSILVANICARVM**

E T

**I L L Y R I C A R V M,
CONCINNATA**

A

STEPHANO KATONA.
METROPOLITANAE COLOCENSIS ECCLE-
SIAE CANONICO.




P A R S I I.
PERIODVS MIXTA.



B V D A E,
TYPIS REGIAE VNIVERSITATIS.

M D C C X C V I.

**Talis igitur mihi sit historicus, intrepidus, incorruptus,
nulli obnoxius, libertatis et veritatis amicus, fi-
cum, ut inquit comicus, appellans ficum, et
scapham scapham. *Lucianus in lib. Πῶς δὲ ἱστο-
ρίαν συγγράφειν.***



PARS II.

PERIODVS MIXTA.

Andrea III. virilis Arpadianae stirpis ultimo, praematura morte sublato, regum e quacumque stirpe legendorum potestas ad libera gentis Hungaricae suffragia deuoluta fuit. Hac vti potestate Hungari, quia variis e domibus sibi reges adsciuerunt, mixtae stirpis appellatione veniunt XIV. illi reges, qui 226. annorum intervallo Hungariae scepra tenuerunt. In mixta porro hac periodo praefuit I. ordine XXIV. Wenceslaus Bohemus annos 4. II. ordine XXV. Otto Bauarus annos 3. III. ord. XXVI. Carolus I. an. 34. IV. ord. XXVII. Ludouicus I. an. 40. V. — XXVIII. Maria I. an. 5. VI. — XXIX. Carolus II. dies 39. VII. — XXX. Sigismundus imp. an. 51. VIII. — XXXI. Albertus imp. an. 2. IX. — XXXII. Wladislaus I. an. 4. X. — XXXIII. Ladislaus V. an. 13. XI. — XXXIV. Mathias I. Coruinus an. 32. XII. — XXXV. Wladislaus II. an. 26. XIII. — XXXVI. Ludouicus II. an. 10. XIV. — XXXVII. Ioannes Zapolya an. 14.

WENCESLAVS, REX XXIV.

Coepit A. C. 1301. desit A. C. 1305.

A. C. 1301. Wenc. 1. Ind. 14. P. 2. A.

II. Quamuis, extincta virili stirpe regum ex Arpadiana domo, Hungari hereditarium succedendi ius in feminis non agnouerint; libertate tamen eligendi reges ita deinceps vsi sunt, vt, praecipuam sanguinis Arpadiani, per sequiorem sexum propagati, rationem habendam esse, semper existimauerint. Neque vero semper eosdem, Arpadiano sanguini genere materno propinquiores exterarum familiarum principes remotioribus antetulisse, prima statim electio libera docet. Nullus enim genere materno propius Arpadianam stirpem contigit Ottone Bauaro, qui matrem Elisabetham, Belae IV. filiam, habuit. Hungari tamen, isto primum neglecto, quum alii Carolum Robertum, Mariae Hungarae, Stephani V. filiae, nepotem, admisissent, plures in Wenceslaum Bohemum, Annae Hungarae, Belae IV. filiae, peraeque nepotem, vota sua transtulerunt. *Qui Wenceslaus, inquit Turotzius, (a) venire noluit; sed filium suum, ex filia imperatoris Rudolphi procreatum et genitum, nomine similiter Wenceslaum, — in regem Hungariae tradidit naturalem: et ipsi, confectis instrumentis litterarum, et roborato fidei firmitate, unanimiter susceperunt.* Atque hic Wenceslaus, inter Bohemiae principes aliis tertius, aliis quartus, nobis quintus, hunc nexum cum Arpadiana stirpe habuit:

Bela

(a) Chron. P. II. cap. 24.

R E X X X I V .

Bela IV. R. H. = Maria Graeca

Anna = Radislaus, dux Halic.

Cunegundis = Ottocarus II. R. B.

Wenceslaus IV. = Gutha, Rud. F.

Wenceslaus V. Rex Hung. Boh.

Ottocarus porro II. qui Cunegundem, Belae IV. neptem, coniugio sibi iunxerat, aviam habuit Constantiam, Belae III. filiam, quae coniux Ottocari I. fuit, et Wenceslaum III. patrem Ottocari II. genuit. Praeter geminum hunc sanguinis nexum, id quoque Hungaros ad Wenceslaum V. admittendum permovere potuit, quod Elisabetham, Andreae III. filiam illi pater desponsauerit anno 1298. licet numquam matrimonium illud coaluerit. (a).

III. Turotzius praecipuos Caroli fautores nominat *Matthaeum, Omodeum et Vgrium*; Wenceslai vero *Dominicum, Demetrium et Henricum*; praeterea *Ioannem, archiep. Colocen. Andream, ep. Agrien. Emericum, ep. Varad. Haab, ep. Vacien., Antonium, ep. Chanad. Nicolaum, ep. Bosnen. et Iacobum, ep. Stepusien.* Hi Wenceslaum, nonnisi XII. annos natum, Albam regalem adduxerunt; ubi, pergit Turotzius, *Ioannes, archiep. Colocen. cum episcopis aliis — honorifice eum coronarunt.* Sedes namque tunc *archiepiscopatus Strigonienfis vacabat.* Nullam nempe Gregorii, qui Caroli partibus adhaeserat, tamquam factiosi, nec umquam confirmati, rationem habendam Hungari censuerunt. Auctor quidem chronici Bohemici scribit, Wenceslaum hunc *quasi totius Hungariae regni pacifica possessione poti-*

(a) Hist. Cr. T. VIII. p. 1. — 6.

tum fuisse; multos tamen eidem aduersatos esse, vim quoque patrem eius quibusdam admouisse, colligimus ex canonicorum Strigoniensium querelis, quarto post anno contra Wenceslaum conscriptis. (a) Vnde factum est, vt, licet mense Iulio Wenceslaus in Hungariam accitus fuerit; multis tamen aduersantibus, die 12. mensis Augusti nondum coronatus fuerit. Aduersabatur eius inaugurationi pontifex quoque Bonifacius VIII. a factionis persuasus, (b) *regnum successionem regia per lineam masculinam post mortem regis Ladislai (IV.) — fuisse destitutum.* Hinc vbi Wenceslaum, dictum ab Hungaris Ladislaum, ab archiepiscopo Colocensi fuisse coronatum intellexit; et illum ad dicendam causam *XVI. kal. Nou. pontif. an. VII.* Romam euocauit, (c) et eadem die Wenceslaum seniorem admonuit, *quatenus per seipsum corrigeret, — quae circa praefatum natum suum in hac parte minus prouide — fecisset.* Addit tamen: „Siqua iura tibi „ vel memorato nato tuo competerent in regno „ Vngariae, — eaque prosequuti fueritis coram nobis; illa disponimus illibata seruare; nec minuire, sed augere.“ Hinc apparet, non alia de causa Bonifacium Hungariae rebus se miscuisse, quam vt discordias, illic enatas, sine bello sopiret, regnumque, tot dissensionibus vehementer turbatum, pristinae tranquillitati restitueret. Quod alia ratione perfici non posuit, quam vt, postquam vna pars ad apostolicam sedem causam suam detulisset; aliam itidem audiret et acciret. (d)

A. C.

(a) Ap. Pray Hier. P. II. p. 171. (b) Ibid. (c) Ap. Rayn. 1301. n. 4. 10. (d) Hist. Cr. T. VIII. p. 6.—19.

A. C. 1302. Wenc. 1. Ind. 15. P. 22. A.

IV. Quia Caroli factio vim ac potentiam Bohemorum, cum potioribus Hungaris iunctorum, sustinere non potuit; Wenceslaus seu Ladislaus pro rege Hungariae haberi coepit; Carolus autem, in Illyricum se recipere coactus, etsi regem se gesserit; nondum tamen impetrare potuit, ut eius nomen in Dalmatia publicis tabulis inscriberetur. (a) Hinc Wenceslaus, audacior factus, pontifici respondit, filium suum legitimis Hungarorum suffragiis regem electum, citra vim et fraudem regno potiri. Bonifacius aliis iterum literis eundem admonuit, ut, siquid iuris in Hungariam haberet; illud non ferro persequeretur; sed in curia Romana, quam sibi fauentem experturus esset, disceptaret, (b) *IV. id. Iun. an. VIII.* Quia, secundum illius aetatis morem, iuribus dubiis ad apostolicae sedis tribunal delatis, ac argumentis utriusque partis diligenter excussis, implexae lites saepe sine bello dirimebantur; Bonifacius quoque, Carolianis id volentibus ac urgentibus, ad tribunal apost. sedis aemulos Hungarici sceptri, Carolum et Wenceslaum, euocavit. In hunc finem Nicolaum cardinalem, episcopum Ostiensem, in Hungariam legatum destinavit: qui, teste Turotizio, (c) *Budae residendo diebus aliquot, videns, se nihil posse proficere, reuersus est in curiam.* Nempe, quod chronicon Claustro-Neoburg. perhibet, (d) *Vngarorum nobilium ac ciuium pars maior, filio regis Bohemiae Wenzlao in regem accepto, ipsi contrarii erant,*

A 4

mune-

(a) Farlat T. III. p. 298. (b) Ap. Rayn. 1302. n. 20. (c) Chron. P. II. cap. 86. (d) Ap. H. Perz T. I. col. 475.

muneribus patris inducti, speque ampliorum munerum suspensi. Praecipuus huius Wenceslai defensor erat Matthaeus Trenchiniensis, ut ipse rex publicis litteris in haec verba testatur: (a) „Ladislaus, „D. gr. Hung. Dalm. Croat. Ram. Seru. Gallic. Lod. „Cumaniae Bulgariaeque rex. — — — Matthaeus „palatinus, filius Petri, condam palatini, de genere Chzak, — dum adhuc essemus in Boemia, primus et praecipuus inter omnes, regni „Hung. nobiles, suo consilio et auxilio nos promouit et sollicitè procurauit, ut eligeremur. — „(*Trenchinium illi confert*) — Anno dom. MCCCII. „kal. Mart. regni autem nostri anno II.“ Non aliter *secundum* dicere potuit, quam, si paullo post Andreae mortem ante kal. Mart. rex electus est. Distinguendus est hic Matthaeus Trenchinienſis ab illo, quem Turotzius inter Caroli fautores recenset, ac ab illo, cui Gyalam alio diplomate donat. (b)

A. C. 1303. Wenc. 2. Ind. 1. P. 7. A.

V. Alium hoc anno palatinum, Stephanum, Ernei bani filium, Wenceslaus habuit, ac rursus Ladislaum se vocauit, quum Agriensi capitulo terras occupatas restitui iussit. (c) *Dat. in villa Paszruh, in dom. prox. post fest. inuent. S. Crucis, anno dom. MCCCIII.* Senior quoque Wenceslaus erepta Strigoniensi capitulo bona reddi iussit. Quia tamen neuter ad tribunal apost. sedis causam suam detulit; Carolus contra, *per procuratores idoneos, sufficienter instructos*, ut Bonifacius loquitur, (d) com-

(a) Ex MSS. Cornides. (b) Hist. Cr. T. VIII. p. 19.—35.

(c) Ex MSS. Batthyani. (d) Ap. Rayn. 1303. n. 17.

comparuit; pontifex, a Caroliana factione persuasus, regnum ipsum *Vngariae successionis iure provenire, electionis arbitrio non deferri*; decrevit, ut „ Maria in toto ipso regno Vng. — regina Vngariae; et dictus Carolus nepos rex nuncupetur — “ omnibus sub poena excommunicationis *iniungens*: „ vt eisdem reginae ac regi Vng. circa „ recuperationem, defensionem et conseruationem „ regni praedicti auxiliis, consiliis et fauoribus operantibus assistant: — neue memoratos regem Bonifacii, vel eius filium, regem Vng. nominare vel „ titolare — praesumant. “ — His tamen 4. mensium spatium definivit, quo *per se vel alios aut alium, siqua iura de proprietate dicti regni Vng. habere se credunt*, coram apost. sede producere possint. Dat. Anagninae, 11. kal. Ian. pont. anno IX. Hanc sententiam *in nonnullis locis et terris, in quibus propter statum impacati regni et insidias aduersae partis fieri potuit*, solemniter fuisse publicatam, Bonifacio Stephanus, Coloc. archiepiscopus; et Michael, Zagrab. episcopus, litteris suis significarunt, (a) datis in Vasca, V. id. Sept. anno dom. MCCCIII. Idem in Dalmatia factum, Carolumque regem agnitum esse, tabulae, quae nomen eius praeferunt, docent. (b) Eandem pontificis sententiam etiam in Transiluaniam Gregorius, el. Strigon. et Stephanus, archiep. Coloc. direxerunt. Interea Bonifacius, de restituenda Hungariae tranquillitate tam sollicitus, 7. Sept. a Sarra Columnensi captus est, ac in eodem tumultu, teste Magio, (c) *D. electus Strigonien. Gregorius nomine, occiditur a filiis de Columna*. Bonifacio, paullo post ex moerore mortuo, suffectus est

(a) Ibid. n. 22. (b) Ap. Farlat. T. III. p. 298. (c) Ap. Schwandt. T. III. p. 638.

est 22. Octobris Nicolaus ille, qui hoc anno legatus apost. sedis in Hungaria fuit, dictusque Benedictus XI. rebus Hungaricis ad mortem usque se non miscuit, quam anno sequente 7. Iulii beatorum numerum aucturus, obiit. (a)

A. C. 1304. Wenc. 3. Ind. 2. P. 29. M.

VI. Postquam Wenceslaus senior intellexit, Hungariae quosdam antistites et proceres, anathematis metu perculsos, ad Carolinas partes defecisse, ne filium suum, a plerisque destitutum, quem unicum alioqui ditionum amplissimarum heredem habebat, periculis obiiceret, armata manu Hungariam ingressus, eundem cum corona secum in Bohemiam reduxit. Turotzius id factum ait, (b) *an. dom. MCCCIII.* subiicitque, Wenceslaum *in suum regnum in pace reuersum esse.* Neutrum bene; nam et reuersum esse tam Germanici, quam Bohemici scriptores asserunt *anno MCCCIV.* et non pacifice, sed cum hostilitate reuersum affirmant, praeter Pulkauam, etiam canonici Strigonienses, ita questi: (c) — „Transiens Danubium, fugato ven. P. Michaele archiepiscopo *bon. mem.* de castro et de „ecclesia Strigontensi, contractis portis castri, et „foribus ecclesiae B. Adalberti destructis, intrauit „cameram siue sacristiam ipsius ecclesiae cum magna „multitudine nefandorum; in qua quidem camera „thesaurum depositum, vasa sacra, ornatus, „ad cultum diuinum praeparatos, priuilegia, litteras tam nobilium regni, quam ipsius ecclesiae „fecit asportari. — — Dat. in festo OO. SS. anno „domini

(a) Hist. Cr. T. VIII. p. 35. — 46. (b) Chron. P. II. cap. 85.

(c) Ap. Pray Hier. P. II. p. 170.

domini MCCCIV. Quum hic Michael archiepiscopus, etiam dum Zagrabiensis esset, Carolo constanter adhaeserit; Wenceslaus, irarum plenus, in ecclesiam Strigon. bilem suam effudit. Sed qui kal. Nouembris *bonae mem.* dicitur, adeoque mortuus innuitur, superstes adhuc erat, quum foedus cum Austriae duce, Rudolpho, percusserunt, (a) *Michael Strigon. Stephanus Coloc. archiep. Petrus Transsiluanus, Theodorus Iaur. Nicolaus Bosnen. et Ioannes Nitrien. ecclesiarum episcopi; M. Vgrinus, Omodeus palatinus, Rorandus palatinus, Copaz banus, — Theodorus banus; — Opour palatinus, Petrus woyuoda; Laurentius woyuoda — Posonii, in festo B. Bartholomaei ap. anno dom. MCCCIV.* Quod quidem foedus etiam Carolus cum eodem Rudolpho percussit; nec multo post patuit, in quem haec faba cusa fuerit. Iunctis enim viribus Bohemis et Morauis bellum intulerunt; ac sub initium Octobris magnam ubique stragem ediderunt. (b)

A. C. 1305. Wenc. 4. Ind. 3. P. 16. A.

VII. Bellum hoc, instante hieme, fuit abruptum, nec anno hoc resumtum, sub cuius medium Wenceslaus, senio confectus, obiit. Eius filius et successor, postquam spem retinendae Hungariae posuit; Elisabetham etiam, Andreae III. filiam, septem abhinc annis sibi desponsam, reiecit, filiamque Micislai, ducis Teschinensis, uxorem duxit. Tempus omne, quo hic Wenceslaus seu Ladislaus, non tam regni moderator, quam turbarum spectator, nudum fere regis Hung. titulum gesserat, dum tandem suum qualequale ius in Ottonem Ha-
uarum

(a) Ibid. p. 343. (b) Hist. Cr. T. VIII. p. 70—86.

uarum transtulisset, quadriennium non explet. Nam, si, quod ex Turotzio colligimus, Hungariam ingressus non est ante Iulium anni 1301. Si, quod Claustro-Neoburgense chronicon indicat, Hungariam egressus est sub initium Octobris anni 1304. tribus annis totidemque fere mensibus in Hungaria haesit. Nec diu post superstes, Olomucii caesus est pridie non. Aug. 1306. natus annos 17. Eo regnante, leguntur archiepiscopi *Strigonien.* Gregorius 1301. Michael 1303. Thomas 1304. *Coloc.* Ioannes 1301. Stephanus 1302. Episcopi *Agrien.* Andreas 1301. *Bosn.* Nicolaus, *Tsanad.* Antonius; *Vacien.* Haab; *Varad.* Emericus, eodem anno 1301. *Zagrab.* Michael 1301. S. Augustinus Gazotus 1303. *Quinqueeccles.* Paullus 1302. *Nitrien.* Ioannes 1302. *Iaur.* Theodorus 1303. *Vesprim.* Benedictus 1303. *Trans.* Petrus 1304. *Palatini:* 1302. Matthaeus; 1303. Stephanus; Ioannes; 1304. Omodeus, Rolandus, Opoir, Coposch; *bani:* 1304. Copaz; Theodorus; *vaiuodae:* Petrus; Laurentius, eodem anno 1304. (a)

§. II.

O T T O , R E X XXV.

Coepit A. C. 1305. desit A. C. 1308.

A. C. 1305. Otton. 1. Ind 3. P. 16. A.

VIII.

Quum Turotzius Ottonis genealogiae nusquam meminerit; eam a Bauaris petere cogimur, qui patrem

(a) Ibid. p. 86—88.

patrem Ottonis Henricum, Bauariae ducem; matrem Elisabetham, Belae IV. H. R. filiam fuisse perhibent. (a) Nuptias Elisabethae cum Henrico quidam ad an. 1244. figunt; Sunthemius retrudit ad 1254. His parentibus Otto natus anno 1261. decennio post, matrem amisit, seu 1271. patrem vero 1292. Quum Otto tanta necessitudine sanguinis Arpadianam stirpem contigerit, ut ille dumtaxat ex aemulis avum Hungariae regem habuerit; illum Hungari regem post Andream III. eligere debuissent; si genere materno propinquiores Arpadiano sanguini principes remotioribus anteferendos agnouissent. Quum igitur hac lege numquam se teneri censuerint; ad tuendam electionis libertatem, plerique vota sua primum in Wenceslaum seniore, licet is non avum, ut Otto, sed proavum dumtaxat eundem Belam IV. habuerit, contulerunt; eoque recusante, tandem in eiusdem filium consenserunt. Postquam iste quoque suis in Hungariam iuribus a morte patris renunciasset, ne, si Carolus e pontificis declaratione rex admitteretur, gravissimum electionis iuri praeciudicium crearetur; multi procures Ottonem Bauarum regem designarunt. Erat hic Otto cum Alberto, rege Romanorum, anno superiore contra Wenceslaum profectus; et rex Bohemus, ut chron. Clauistro-Neob. testatur, (b) — ducem Bauariae, datis multis marcarum militibus, sibi confederat; loco sui capitanem belli constituit. Post illius ergo mortem, intellecta Hungariae procerum voluntate, non difficulter a Wenceslao iuniore tam coronam, quam ius in Hungariam obtinuit. (c)

IX.

(a) Ap. Oefel. T. II. p. 337. 565. (b) Ap. H. Per. T. I. col. 475. (c) Hist. Cr. T. VIII. p. 88—92.

IX. Tanto munere laetus, magnis itineribus in Hungariam properavit. Verum, ut Turotzius narrat, (a) *quum sancta corona per dictum Othorrem ducem ad Hungariam portaretur; propter timorem hostium fecit illam includi per artem tornatorium in flasconem. Quum autem equitaret cum suis; sub noctis silentio in strata publica, in qua plurimi viatores transibant, casu de sella, corrigiis, quibus erat flasco ille ligatus, resolutis, quasi vas vinarium, nullo vidente, collapsus est. Postmodum vero, luce clarescente, dum vidissent, non adesse thesaurum illum pretiosum; quo citius potuerunt, timore perculsi, retro celeriter cucurrerunt; atque coronam, inter multos transeuntes in terra iacentem, in medio publicae stratae inuentam a nemine, reppererunt. Male tam Szentivanyius, quam Timon hoc sacrae coronae periculum ad Ottonis iter Transsilvanicum, et ille quidem ad an. 1306. hic ad 1307. refert. Nam et Turotzius habet: quum ad Hungariam portaretur; et Salisburg. chronicon ad an. 1305. narrat, id contigisse, (b) quum idem dux — Austriam cum suis, quos de Bavaria secum duxerat, sub forma mercatoris latenter transiit. Superatis feliciter periculis ac insidiis, quas eidem Albertus caesar et Rudolphus, Austriae dux, in via struxerant, teste Turotzio, (c) coronam regni, a Wenceslao ablatam, — secum ferens, anno dom. MCCCV. Albam regalem civitatem petiit, ut ibi coronaretur legitime in regem: quem Benedictus, episcopus Vesprimiensis, ac Fr. Antonius, episcopus Tsnadiensis, in regem inunxerunt, et dicta corona regia coronarunt. Inde Budam veniens, et in die sollemni, in decore regio, coronam*

(a) Chron. P. II. cap. 88. (b) Ap. H. Pez. T. I. col. 402.

(c) Chron. P. II. cap. 87.

coronam sanctam habens in capite, per omnes plateas et vicos incedebat eques cum populo copioso, ut cunctis se esse regem legitimum publicaret. Hac ille regiae dignitatis ostentatione fauorem ac venerationem Hungarorum venabatur; efficere tamen minime potuit, ut Carolinam sibi factionem conciliaret. Praecipuum illius fautorem compilerum Boicarum, qui coronatum illum festo S. Nicolai perhibet, vocat *Ibanum*, (a) alias Iuancum seu Ioannem, Henrici bani filium, qui fratrem item Henricum, eiusdem secum desultoriae fidei, habuit. Hi, fidem in reges pro sua libidine mutare soliti, primum, Andrea III. rege deserto, Carolum euocarunt; deinde Wenceslao, tum Ottoni fauerunt. Vtrumque, tamquam sacrilegos ecclesiae Strigoniensis inuasores, Thomas archiepiscopus anathemate percussit, *Albae, pridie kal. Aug. MCCC.V. (b)*

A. C. 1305. Otton. 1. Ind. 4. P. 3. A.

X. Illos errare, qui sexta quidem Decembris Ottonem esse coronatum admittunt, sed hanc eius inaugurationem ad hunc annum 1305. differunt, colligi potest ex eius diplomate, quo Kertziensis abbatiae privilegia confirmat, hoc usus titulo: (c)
 „ Otto, D. gr. Vng. Dalm. Croat. Ram. Seru. Gal-
 „ lic. Lodom. Cuman. Bulgariaeque rex. — Datum
 „ per manus ven. P. F. Antonii, D. gr. ep. Cha-
 „ nad. aulae nostrae cancellarii, — anno dom.
 „ MCCC.VI. quarto idus Apr. regni autem nostri
 „ anno primo.“ Regium igitur ius Aprili mense hoc anno iam exercuit. (d)

A. C.

(a) Ap. Oefel. T. II. p. 340. (b) Hist. Cr. T. VIII. p. 63.—
 103. (c) Ex MSS. Cornid. (d) Hist. Cr. T. VIII. p. 103.—108.

A. C. 1307. Otton. 2. Ind. 5. P. 26. M.

XI. Sub initium adhuc anni huius mensisque Martii liberum Ottonem fuisse regiamque potestatem exercuisse, docent illae litterae, quibus M. Doufa possessionem Elep contulit, (a) *IV. nonas Mart. anno regni secundo*. Sed enim post Wenceslai iunioris necem eius fortuna, quae Bohemis potissimum innitebatur, sensim nutare coepit. Quum Bohemiam tam Rudolphus, Austriae, quam Henricus, Carinthiae dux, ambirent; Otto Henrico potius, quam Rudolpho, quem cum Alberto patre sibi iam prius infensum expertus fuerat, studuit. Quum, praevalente Rudolpho, res Ottonis in dies magis defluerent; Oettingano praeposito teste, (b) *MCCCVII. — ut magis Vngariam tenere posset; consilio Vngarorum ei desponderetur filia ducis Ladislai Transilvani; sed postea infidiis Alberti caesaris per Vngaros et ipsum Ladislaum capitur; plus anno detinetur*. Huius captivitatis Turotzius in haec verba meminit; (c) *Qui in breui terram Erdeel cum Beke, filio Thomae, censuit visitare; ubi Ladislaus variuoda ipsum captiuauit, et in castro suo tenuit vinculatum multis diebus*. Ex reditu Ladislai, iudicis Budensis, quem, quod Carolinae factionis fuerit, Wenceslaus in Bohemiam abduxerat, apparet, captiuitatem Ottonis ante finem Maii collocandam esse. Nam Ottone praesente rerumque potente, non ille fuisset ausus in Bohemicam factionem tantopere saeuire, redux ex captiuitate feria *V. post festum B. Petronellae virginis*, vt, eodem Turotzio teste, (d) *iuratos ciues de XII. in caudis equorum per*

(a) Ap. Spies P. I. p. 142. (b) Ap. Oefel. T. I. p. 694.

(c) Chron. P. II. cap. 87. (d) Ibid. cap. 88.

per vicos et plateas ciuitatis crudeliter trahi fecerit. Eiusdem Ladislai iudicis operam adhibuit Omodeus palatinus ad B. Mauritium Chakium, suum generum, a religiosae vitae proposito dimouendum; sed incassum. (a)

XII. Quum Omodeus palatinus cum plurimis proceribus Caroli partibus addictus fuisset; frigescentibus plerorumque Hungarorum in Ottonem studiis, eius causam omnium grauissime Clemens V. affixit. Exemplum enim Bonifacii, decessoris sui, sequutus, sicut ille contra Wenceslaum, ita hic aduersus Ottonem, secundum Carolum sententiam tulit; Ottoni tamen animum concessit, *infra quem per se vel aliam seu alios, si qua de proprietate praedicti Vngariae regni iura se habere crederit, illa sedi apost. reuerenter ostendere possit. — Dat. Pictavis, IV. id. Aug. pontif. an. II. (b)* Transmisit, subiicit Raynaldus, eam constitutionem patifex ad Strigon. archiepiscopum ac Vincentium, Coloc. designatum, quibus provinciam imposuit, ut haec decreta in Vngariae regno diuulgarent. Trieto prius, quam Clemens eam sententiam pronuntiasset; Gentilem, ex ord. min. creatum cardinalem, in Hungariam destinauit. (c)

A. C. 1308. Otton. 3. Ind. 6. P. 14. A.

XIII. Card. Gentilis, legatus in Hungariam et Dalmatiam missus, tum ut ecclesias harum regionum lustraret ac reformaret, tum ut gentes istas

(a) Hist. Cr. T. VIII. p. 108.—115. (b) Ap. Rayn. 1307: n. 15. (c) Hist. Cr. T. VIII. p. 115.—131.

istas, studio partium distractas, in concordiam ac Caroli fidem et obsequium adduceret; ineunte Iunio, teste Madio, (a) Dalmatiam ac Spalatum intravit. Postquam Wenceslaus mortuus, Otto captus, Carolus extra Hungariam agere coactus fuisset; regnum, velut acephalum, nouis partium studiis obiiciebatur. Vt his malis legatus apost. sedis mederetur; acceleratis itineribus Zagrabia Budam accurrit, nec multo post effecit, vt, Ottone repudiato, Carolus a plerisque Hungaris rex optaretur. Hoc igitur anno iam exeunte, non quidem viuere, regnare tamen Otto desit. Postquam a Ladislao vaiuoda captus ac in carcerem coniectus fuisset; magis de libertate recuperanda, quam Hungaria sibi vindicanda, sollicitus erat. Kerchelichius illum hoc anno *kalendis Nouembris interceptum, esse* perhibet; (b) at alii hanc captiuitatem ad annum superiorem figunt, et procuratam aiunt *insidiis Alberti caesaris*, quem ad kalendas Nou. huius anni non prouixisse, iamque kalendis Maii caesum esse constat. Ottophoc anno libertati restitutus, duobus annis liber, vno captiuis, solo fere nomine Hungariae triennio praefuit, vitamque produxit ad annum vsque 1312. aetatis 52. Quo tempore *Strigoniensis* archiepiscopus erat Thomas; *Colocensis* Stephanus; deinde Vincentius anno 1307. Episcop. *Agrien.* Andreas; deinde Martinus 1307. *Vesprim.* Benedictus; *Tsanadiensis* Antonius; *Zagrabien.* Augustinus; *palatinus* Kupaz, qui, si cum *Kopos* idem est, ad Carolum postea defecit. Huic Carolo fauebant *palatini*: Omodeus, Kopos, Stephanus, Rolandus; *bani*: Ladislaus, Paullus; *vaiuodae*: Nicolaus,

(a) Ap. Schwandt. T. III. p. 638. (b) Hist. Eccl. Zagr. p. 101.

laus, Ladislaus. Quum plures simul palatini, bani, vaiuodae leguntur; non omnes idem munus eodem tempore gessisse; sed gesti iam antea magistratus titulum dumtaxat aliqui retinuisse videntur; quemadmodum etiam Otto, licet, amisso regno, regis tamen titulum ad obitum vsque retinuit, vt ad hunc annum Claustro-Neoburgense chronicon asserit. (a)

§. III.

CAROLVS I. REX XXVI.

Coepit A. C. 1301. pleno iure 1308. desinit A. C. 1342.

A. C. 1308. Car. 8. Ind. 6. P. 14. A.

XIV.


Carolus Robertus originem suam ex peruetusta Capetiorum, in Gallia iam ab anno 987. regnantium, stirpe ducit, ex qua tam S. Ludouicus rex, quam alter S. Ludouicus episcopus prodiit. Postquam nempe Ludouicus VIII. ex Blancha duos filios, S. Ludouicum regem et Carolum Andegauensem, sustulisset; illo successore relicto, Carolus in Italiam a Clemente IV. contra Manfredum euocatus, rex vtriusque Siciliae hac conditione creatus est anno 1265. vt 8000. vnciarum auri quotannis pontifici dependeret. Carolo huic, anno 1285. defuncto, Carolus II. Claudus, eiusdem filius, successit, cui Maria, Stephani V. H. R. filia, nupsit sub an. 1269. Ex hoc connubio nati sunt: Carolus Martellus, rex

B 2

Hun-

(a) Hist. Cr. T. VIII. P. 133.—141.

Hungaris obtrusus; S. Ludouicus Tolosanus episcopus; Robertus, rex Neapolitanus; Philippus, dux Tarentinus; Ioannes, dux Dyrrhachinus; Tristanus, princeps Salernitanus; qui postremus, cum tribus eiusdem Caroli Claudi filiabus, nullam in historia Hung. partem obtinent. His igitur omissis, hoc schema genealogicum consurgit:



Hanc genealogiam Turotzius ita proponit: (a) *Rex Stephanus V. filius Belae IV. R. H. inter alias filias habuit unam, nomine Mariam vocatam, quam Carolo Claudio, filio Caroli M. (primi) qui ex donatione ecclesiae fuit rex Siciliae, tradiderat in uxorem: qui rex Carolus Claudus ex illa filia Stephani regis genuit Carolum, Martellum nomine; Carolus vero Martellus ex filia imperatoris Rodolphi, Clementia nomine, genuit filium — Carolum Robertum. Quia Turotzius eodem hoc loco Carolum puerum XI. annorum vocat anno 1299. vicesimum is aetatis annum agebat; quum regnum Hungariae pleno iure capeffruit hoc anno 1308. (b)*

XV.

(a) Chron. P. H. cap. 83. (b) Hist. Crit. T. VIII. p. 142.

XV. Card. Gentilis, ad conciliandos Carolo Hungaros Pestinum profectus, comitiis in campo Rákos celebratis, de regni calamitatibus disserere coepit. Verum, vt acta comitiorum referunt, (a) *sub specie tuendae libertatis eiusdem regni, inter ipsos barones et nobiles murmur, quod ipsius D. legati attigit aures, per querelam patulam, in publicum productam, exoritur, videlicet: „ quod no-
„ lebant, nec erat aliquatenus intentionis eorum,
„ quod ecclesia Romana, vel ipse D. legatus eius
„ nomine, saepe dicto regno de rege vllatenus
„ prouideret; sed placebat eis, quod illum, quem
„ ipsi ex antiquo et approbato eiusdem regni mo-
„ re vocauerant, et in regem assumserant, praefa-
„ tus D. legatus, eiusdem ecclesiae Rom. nomine,
„ in verum regem Vng. confirmaret. —* Hac contestatione praemissa, cui legatus nihil opposuit, postquam electus ita confirmatus fuisset; *receperunt et recognouerunt singulariter et diuissim ipsum D. Carolum verum regem ac regni Hung. successorem: — statimque ipsum D. Carolum regem, cateruatim eleuatam, sustollentes manibus; plausu ac vocibus extulerunt regium laetis ad sidera nomen, subsequenter Te DEVM laudamus sollemniter decantando.* Praesentes ibidem tunc fuisse dicuntur archiepiscopi, Thomas Strigonien. Vincentius Coloc. episcopi, Haba Vacien. Benedictus Vespriem. Ioannes Nitrien. Petrus Quinqueeccles. Martinus Agrien. Augustinus Zagrab. Nicolaus postulatus Iaur. praeterea palatini, Homodeus, Kopos, Matthaeus Trinze per oratorem; banni, Henricus, Ladislaus; *vainoda* Ladislaus per oratorem; Beka, *magister tquernicorum* D. reginae. Carolus igitur iam tunc vxorem habuit, quam La-

B 3

dislaus

(a) Ap. Rayn. 1308. n. 23.

dislaus Turotzius *Catharinam* appellat; Ioannes autem Turotzius trium aliarum Caroli coniugum meminit, quarum obitus et Elisabethae postremae proles hoc ordine consignantur: Vxor I. Catharina † 1313. II. Maria † 1317. III. Beatrix † 1319. IV. Elisabeth † 1380. ex qua natus I. Carolus 1321. II. Ladislaus 1324. III. Ludouicus 1326. IV. Andreas 1327. V. Stephanus 1332. de quibus suis locis vberius agemus. (a)

XVI. Multi quidem fidem suam Carolo iam obstrinxerunt; non pauci tamen adhuc supererant, qui turbare nondum desierunt. Ad hos igitur obices publicae tranquillitatis amouendos arma quidam induerunt, vt arces, quas factio Bohemica nondum dimiserat, in Caroli potestatem redigerent. Multum in ea re praestitisse M. Kokosium, seu Gallum, de gente Berzeuizia heroem clarissimum, testatur ipse Carolus edito diplomate, (b) *prope Czegled — MCCCVIII. regni — anno similiter VIII.* Ad stabiliendam Caroli dignitatem, card. Gentilis, antistitibus in consilium vocatis, ineunte Decembri, quasdam constitutiones concinnauit; nec tamen eas ante sequentem annum euulgauit. *De statu regis* ita constituit: (c) „ Qui dictum D. Carolum pro „ rege Hung. recusauerit, aut aliam personam pro „ rege Hung. aduocauerit, vel deliberate nominauerit; — excommunicationis; si fuerit singularis „ persona: si vniuersitas; interdicti, — sententia, „ et in morte ecclesiastica sepultura priuati, praesentis sint constitutionis auctoritate ligati. — — „ *De immunitate regis.* — Siquis in hoc flagitii „ genus irreperit, quod in D. Carolum — manus violent.

(a) Hist. Cr. T. VIII. p. 145.—155. (a) Ap. Wagn. Scep. P. I. p. 34. (c) Ap. Peterf. Conc. P. I. p. 148.

„ violentas ~~inter~~erit, aut aliquod in personam ipsius
 „ nocumentum procurauerit; — omnibus feudis,
 „ gratiis, priuilegiis, indulgentiis et beneficiis spi-
 „ ritualibus et temporalibus, ei ab ecclesia quacum-
 „ que concessis, sit priuatus et perpetuo spolia-
 „ tus. — — *De corona regis.* — Si praesenti —
 „ corona vel futura durante, regnum ipsum debita
 „ informatione curreret (*f. careret*) illud sequetur
 „ absurdum, quod, ea irrecuperabiliter occupata,
 „ seu cuiuscumque casus euentu deperdita vel
 „ consumpta, irrecuperabiliter confunderetur et re-
 „ gnum. — — *De consilio igitur et assensu ven. in*
 „ *Christo PP. et DD. archiepiscoporum, episcopo-*
 „ *rum et baronum regni praedicti praesentium,*
 „ *duximus statuendum, quod corona praefata, quae*
 „ *per nobilem virum, Ladislaum vaiuodam, deti-*
 „ *netur ad praesens, nisi vsque ad proximum fu-*
 „ *turum concilium — nobis libera et expedita re-*
 „ *soluta fuerit; ex nunc — sit penitus interdicta:*
 „ *— et quod alia fabricetur, quae per nos, no-*
 „ *mine Rom. ecclesiae, eidem regi et regno done-*
 „ *tur, et per nos — benedicatur. — — De bonis*
 „ *regalibus.* — — Qui — regalia vel reginalia de cetero
 „ occupauerit vel vsurpauerit; — si fuerit singularis per-
 „ sona; excommunicationis: si vniuersitas vel colle-
 „ gium; interdicti sententiam ipso facto incurrant.
 „ — — Dat. Budae, anno dom. MCCCVIII. — III.
 „ non. Decembris. “ Postridie noua lis assumpta
 „ fuit, quam Nicolaus, cantor Quinqueecclesiensis,
 „ suscitauit contra Petrum episcopum, quem legiti-
 „ mis suffragiis electum negauit; sed nihil euicit. (a)

B 4

A. C.

(a) Hist. Cr. T. VIII. p. 155. — 170.

A. C. 1309. Car. 9. Ind. 7. Mo. M.

XVII. Constitutionibus anni superioris 8. Maii hoc anno publicatis, postquam et Carolus Hungaris, et Hungari Carolo fidem suam obstrinxerunt; nihil morae fuit, quin eidem coronam nouam, ad eum finem praeparatam, archiepiscopus Strigonien. Budae 15. Iunii sollemniter imponeret. Peraetae huius inaugurationis testimonium Hung. praesules ita confecerunt: (a) „ Nos, D. gr. Thomas Strigon. Petrus, Spalat. Vincentius Coloc. ecclesiarum „ archiepiscopi; Benedictus Vespri. Haab Vacien. „ Emericus Varad. Ioannes Nitrien. Fr. Augustinus „ Zagrab. Ladislaus S. Irnei (*Sirmien.*) Petrus „ Quinqueecccl. Martinus Agrien. Benedictus Chanad. „ et Fr. Gregorius Boznen. ecclesiarum episcopi. — „ — Postquam — diuersis coepit regnum Hung. „ languere periculis ante hos IX. ferme annos; re- „ gale diadema, quod a summo pontifice S. Ste- „ phano, gentis eiusdem primo regi, destinatum, „ et ab eo transmissum in posteros, in Alben. ec- „ clesia cum summa diligentia seruabatur; — — „ per diuersas manus non sine multo eiusdem re- „ gni discrimine deuolutum, adhuc priuata violen- „ tia occupatum detinetur: quumque ad ipsius „ recuperationem nulla sollicitudo potuisset profi- „ cere; tandem R. P. D. Fr. Gentilis — omnium „ nostrum, itemque baronum regni Hung. consilio „ et assensu, idem diadema, donec sic occupatum „ existeret, — penitus interdixit: ac idem D. le- „ gatus, ex nostro et baronum beneplacito et as- „ sensu, egregio opere ex auro et lapidibus pre- „ tiosis nouum fecit diadema parari: quod etiam
cum

(a) Ap. Koller H. E. Quinq. P. II. p. 297.

„ cum magna sollemnitate, coram cleri ac popu-
 „ li numerosa frequentia, III. id Iun. — per ipsum
 „ D. legatum cum missarum sollemniis benedictum,
 „ et sacro per nos tactum est chrismate: — cum
 „ quo etiam praedictus D. Karulus, rex illustris,
 „ sequenti dominica, scilicet XVII. kal. Iul. — per
 „ meas Strigon. archiepiscopi manus, — de vo-
 „ luntate et assensu nostrum et baronum exstitit
 „ feliciter coronatus. — Dat. Budae VIII. kal. Iul.
 „ A. D. MCCCIX. “ Haec igitur altera Caroli co-
 ronatio fuit; postquam primam eius coronationem,
 a Gregorio citra voluntatem potiorum regnicola-
 rum peractam, Hungari legitimam non agnouerunt.
 Tum vero card. Gentilis, synodo Posonii *IV. id.*
Nov. celebrata cum Hungariae praesulibus, innoua-
 uit poenas, a Clemente V. constitutas, (a) *contra*
recusantes dictum Carolum pro rege naturali Vng.
recipere. In Vduardiensi quoque synodo congre-
 gati praesules iidem Hungariae Bonifacii VIII. sen-
 tentiam rursus instaurarunt ac promulgarunt (b) *in*
omnes — qui D. Carolo, naturali regi Hungariae,
non adhaererent. Ibidem communi consensu statu-
 tum fuit, *ut vniuersi ecclesiarum parochialium sacer-*
dotes, ad instar tintinnabuli, campanas sonari fa-
cient; quo signo audito, vniuersi Christi fideles ad
honorem B. V. ter dicant Ave MARIA, ut sic suo-
rum remissionem mereantur accipere peccatorum; lu-
craturi X. dierum indulgentias. (c)

A. C. 1310. Car. 10. Ind. 8. P. 19. A.

XVIII. Tot poenis ecclesiasticis constricti Hung.
 procures ac nobiles, qui Carolo prius aduersabantur,
 eius

(a) Ap. Peterf. Conc. P. I. p. 141. (b) Ap. Pray Hier. P. I.
 p. 165. (c) Hist. Cr. T. VIII. p. 170.—199.

eius partes amplecti coeperunt. Ex His Ladislaus, Transsilvaniae vaiuoda, reddita tandem sacra corona, his verbis eidem suam fidem obstrinxit: (a)

„ Nos Ladislaus — significamus, — quod ab hac
 „ hora — D. Carolum, D. gr. regem Vng. cogno-
 „ scimus et recipimus in dominum nostrum natu-
 „ ralem, legitimum. — Et tacto viuificae domini-
 „ cae crucis ligno in manibus ven. P. D. Thomae,
 „ archiep. Strigon. promissimus, fide data, quod —
 „ in omni securitate eidem fideliter seruiemus.
 „ Coronam etiam regni sui ad diem assignatum,
 „ ad octauas S. Ioannis B. eidem reportabimus. —

„ Dat. in Segnedino; feria IV. prox. post domin.

„ *Iudica. A. D. MCCCX.* Corona praestituto tem-
 pore restituta, Carolus tertium inauguratus die
 27. mensis Augusti hoc eodem anno 1310. De

hac inauguratione, pluribus praemissis, ita Turo-
 tzius loquitur: (b) *Quum igitur puer Carolus abs-
 que regni solatio in Hungaria moraretur; Fr. Gen-
 tilis — A. D. MCCCVIII. Pannoniam intrauit.*

*Vno siquidem anno in pace transacto, A. D. MCCCIX.
 constitutione terribili promulgata, nobiles regni ana-
 thematis vinculo innodauit, pauperibus vero et di-
 uitibus uniuerfis diuina strictius interdixit. — Ladi-
 slaum vero, vaiuodam Transsiluanum, speciali excom-
 municatione feriens, eo quod coronam regni, quam
 ab Othone duce, dum eum captiuauerat, receperat,
 indebite detinebat. — Quapropter, quum praefati
 nobiles extra coemeteria corpora iacentia conspi-
 cerent defunctorum; amaro spiritu perturbati, A. D.
 MCCCX. congregati in campum Rakus circa Pest,
 Carolum saepe dictum in regnum concorditer susce-
 perunt,*

(a) Ap. Fridualfzki Miner. p. 107. (b) Chron. P. II. cap.

perunt, et *Albam* properantes, feria V. in octavis S. regis Stephani, sollemniter cum laetitia coronantur, cum sancta corona, a Ladislao vaiuoda restituta. Ioannes Tomcus Augustino Zagrabiensi sermonem aliquem, in campo Rákos pro Carolo habitum, affingit, quem merito Schierius ob crassissimos errores genealogicos eidem abiudicat. (a) Tertia haec Caroli coronatio fuit, de qua simul et secunda testimonium ipsius Caroli habemus in haec verba: (b) „— Quia corona S. regis Stephani — per infideles et illicitos detentores rapta detinebatur; noua corona, specialiter pro nobis fabricata, — per ipsum D. Thomam archiep. — ipso nouo diademate exstitimus coronati. Et licet huiusmodi coronationis modus sufficiens exstitisset; vt opinioni tamen gentis Hungaricae satisfaceret, — recuperata — per sollicitam curam eiusdem D. archiepiscopi ipsa S. corona ab illicitis detentoribus, rursus in loco debito, videlicet in Albaregali, — de manibus eiusdem D. Thomae archiep. diademate regio, videlicet eadem S. corona, de nouo exstitimus coronati. —“ (c)

A. C. 1311. Car. 11. Ind. 9. P. 11. A.

XIX. Magna laus archiepiscopo Thomae debetur, quod tam periculosum in Transsiluaniam iter ad restituendam patriae tranquillitatem sacrumque diadema recuperandum suscepit. Eiusdem etiam opera Carolus vti voluit ad pacem inter diffidentes Cassouienses conciliandam, quam dum Omo-

deus

(a) Serm. August. p. 12. (b) Ap. Pray Hier. P. I. p. 106.

(c) Hist. Cr. T. VIII. p. 200.—210.

deus palatinus, quem socium itineris Transsiluani-
ci habuit, restituere voluit, filiosque suos, Ladi-
slaum et Ioannem, quod neque regi, neque legi-
bus obtemperarent, redarguit; a tumultuantibus
interfectus est. (a) Thomas archiepiscopus et Ste-
phanus, Vesprimien. episcopus, dissidentes ad con-
cordiam tandem reduxerunt, prolixis tabulis *feria*
VI. post octauas B. Michaelis arch. MCCCXI. con-
fectis. Inde Thomas videtur profectus ad prouin-
ciam Seepusiensem, vbi, laudata Pauli praepositi
munificentia, donationem eius, Carthusianis de
lapide refugii factam, confirmavit, (b) *in festo B.*
Luciae V. A. D. MCCCXI. Paulus alter, banus
maritimus Bosnaeq̃e dominus, Iadertinos, Vene-
torum rursus pertaefos, ad Caroli partes reduxit,
vtq̃e rex veteres eorum praerogatiuas *IV. id. Oct.*
hoc anno ratas haberet, obtinuit. (c) Veneti, plu-
ribus ad Carolum datis litteris, suum in Iadrenses
ius ostendere conabantur; sed iis Carolus non ac-
quieuit, ac iterum iterumque scripsit; *Iadram,*
quam multis iam elapsis temporibus occupatam Ve-
neti tenuerunt, nunc sponte ad regias manus rediisse;
neue molestias illi porro facerent, verbis asperis
inhibuit. (d)

A. C. 1312. Car. 12. Ind. 10. P. 26. M.

XX. Marinus, Venetorum dux, quum vide-
ret, apud Carolum se nouis argumentis non pro-
ficere; Iustinianum Belettum cum duabus triremi-
bus

(a) Timon. Cassou. V. et N. p. 33. (b) Ap. Wagn. Seep.
P. I. p. 397. (c) Ap. Schwandt. T. III. p. 314. 315.
(d) Hist. Cr. T. VIII. p. 212.—238.

bus ad Iadram obsidendam misit. Intercepto Beletto, Iadrensis, obsidione noua pressis, Mladinus quidem, Paulli bani filius, succurrit; veritus tamen, ne sibi dominationis arbitrium a Carolo coarctaretur, Iadrenses de pace cum Venetis agere permisit. Haec impedire tunc Carolus, intentus alteri grauiorique bello, minime potuit. Causa motorque belli huius erat Matthaeus Trenchinienfis, cuius facinora Timon ita perstringit: (a) *Sepulcrum S. Zoerardi depeculatus, muros arcis Nitriensis solo aequat. — Vrit villas archiepiscopi Strigoniensis: incolas partim caedit, partim in carcerem compingit: castrum Berzencze euertit: infestis signis imminet Strigonio et Thomae archiepiscopo.* — Haec ipsius archiepiscopi testimonio certa sunt, apud Iaurinense capitulum deposito, *feria VI. post dom. Lactare, A. D. MCCCXII.* Matthaeus igitur, iusta Caroli regis arma tot sceleribus in se prouocauit, quorum successum ita Turotzius describit: (b) *Anno dom. MCCCXII. quum regale castrum, Sarus vocatum, a Demetrio, filio Nicolai, ex mandato Matthaei, potentissimi principis, possessum, suis viribus obsideret; idem Matthaeus, filius Petri de Trinchino, 1700. milites lanceatos conducticios et omne penitus suum posse contra regem in adiutorium Demetrii destinauit. — Quorum aduentum rex audiens, putauit, se non posse resistere, in Scepes se recepit: cui Scepestenses, equites pariter et pedestres feliciter concesserunt; cum quibus rex hostes suos audacius est aggressus: qui quidem interdum ciuitatem, Cassa vocatam, expugnare coeperunt pro morte Omodei palatini, quem in Cassa Cassenses Teutonici, vel Saxones potius, peremerant innocentem: quibus quum ex-*
ploratores

(a) Epit. Chron. p. 91. (b) Chron. P. II, cap. 90.

hunc annum defigit. Agnes etiam, Andreae III. superstes adhuc vidua, *Neufidel* seu *Szombathely*; Aegidius vero, praepotens dynasta, plures ecclesiae Strigoniensi possessiones contulit. (a)

A. C. 1314. Car. 14. Ind. 12. P. 7. A.

XXII. His accessionibus sensim et ecclesia Strigoniensis, et aliae, magna turbulento regni statu damna passae, conualescebant. Carolus certe, gnarus, episcoporum inprimis opera Hungaros sibi conciliatos esse, multa variis per regnum ecclesiis beneficia contulit; utque necessariam, ad reparanda damna pacem firmiorem redderet; Fridericum, Austriae ducem, quem aliqui hoc anno 19. Octobris imperatorem elegerunt, aliis Ludouicum Bauarum eligentibus, nouo sibi foedere iunxit. (b)

A. C. 1315. Car. 15. Ind. 13. P. 23. M.

XXIII. Fridericus, Caroli regis aduersus aemulum suum amicitiam sibi magis deuincturus, dotem Agnetis, suae sororis, eidem restituit, ut Martini Poloni continuator perhibet. (c) Ac, ut Praius refert, (d) *lectissimum militiae robur Comaromio, quod in Matthaei Trenchinien. potestate erat, admo-uit, breuique expugnatum Carolo reddidit.* Ita Carolus, opportunitatem nactus, ecclesiae Strigoniensis damna resarciendi, recensitis ingentibus archiepiscopi Thomae meritis, Comaromium illi donauit, (e) *in festo ad vincula S. Petri, A. D. MCCCXV,*
Huic

(a) Hist. Cr. T. VIII. p. 263.—289. (b) Ibid. p. 289.—295. (c) Ap. Eccart. T. I. col. 1443. (d) Annal. P. II. p. 11. (e) Ap. Pray Hier. P. I. p. 106.

Huic diplomati post episcopos, alias recensitos, subscribuntur *Dominicus palatinus; Nicolaus, vauoda Transiluanus. (a)*

A. C. 1317. Car. 17. Ind. 15. P. 3. A.

XXIV. Matthaeus ille Trenchiniensis, tot barbarum ac malorum auctor, videri posset iam mortuus, quum illum Carolus in diplomate, Thomae vauodae dato, *malae memoriae* iam hoc anno vocet; nisi constaret, illum anno sequente rursus anathemate percussum esse. Carolus autem Comaromii donationem, archiepiscopo Thomae duobus abhinc annis factam, sollemni diplomate confirmavit, *(b) IV. non. Aug. A. D. MCCCXVII. ven. in C. PP.— ipso videlicet Thoma Strigon. archiepiscopo; — Colocensi sede vacante; Emerico Varad. Augustino Zagrab. Stephano Vespri. Ioanne Nitv. Vacienfi sede vacante; Martino Agr. Nicolao Iaur. Benedicto Transilu. et alio Benedicto Chanad. Ladislao Quinqueseccles. Georgio Sirm.— Demetrio M. tau. Dominico palatino, — Lamberto iudice cur.— Colocensi metropoli, quae hic vacare dicitur, Ladislaus iam praefuit, dum VIII. kal. Nou. in expeditione sub castro Kamarum Senyeniis diploma Carolus dedit. Erat hic Ladislaus ex ordine minorum assumptus, reiectoque Demetrio, quem canonici Colocenses elegerant, ad Caroli commendationem a Ioanne XXII. confirmatus, (c) XVIII. kal. Sept. an. pont. 1. Hic pontifex hoc anno Ludouicum, Caroli regis patrum VII. id. Aprilis, sanctis adscripsit, cuius ipse socius ac magister fuit, morientique coram adstitit. Sicut autem Andreas II. Elisabetham*

(a) Hist. Cr. T. VIII. p. 295.—302. (b) Ap. Koller H. E. Qu. T. II. p. 319. (c) Ap. Wadd. T. VI. p. 479. Epit. Chron. P. II. C.

sabetham filiam, ita Maria regina Ludouicum filium, viuens adhuc inter caelites venerabatur. Hoc anno primum in Hungaria collectionis pontificiae vestigium ex fructibus primi anni vacantium beneficiorum occurrit. (a)

A. C. 1318. Car. 18. Ind. I. P. 23. A.

XXV. Memorabilem hunc annum fecit synodus Colocensis, quam duo metropolitae cum suis suffraganeis ad tuendam libertatem ecclesiasticam celebrarunt, nominibus ita praemissis: (b) „ Thomas, „ archiep. Strigon. Ioannes Nitr. Martinus Agrien. „ Stephanus Vesprim. Nicolaus Iaur. et Ladislaus „ Quinqueeccles. — Strigon. ecclesiae suffraganei; „ Fr. Ladislaus, arch. Coloc. aulae regiae cancellarius; Fr. Augustinus Zagrab. Benedictus Chanad. „ Fr. Benedictus Transsiluanus; Georgius de Kw et „ S. Irenaei; Fr. Petrus Bosn. et Iwanka Varad. — „ ecclesiae Coloc. suffraganei, — congregati in „ vnum Colociae in ecclesia metropolitana. — „ Hic Ioannes Nitriensis iniurias, quas ecclesiae Nitriensi Matthaeus Trentsinienſis intulit, fuisse recenſet, ac in eum ſententiam excommunicationis profert, *Coloczae, fer. VI. prox. ante dom. Eſto mihi, anno MCCCXVIII.* Male Kollarius fingit, Nicolaum, Iaurinensem episcopum, anno hoc vel superiore defunctum, ac alterutro Colomanum eidem ſuſſectum fuiſſe; quum hunc hoc primum anno natum eſſe, ſynchronum MS. ita perhibeat: (c) *Anno MCCCXVIII. rex habuit filium ex concubina ſua; quam acceperat de magna inſula Danubii, quem appella-*
uit

(a) Hiſt. Cr. T. VIII. p. 325.—333. (b) Ap. Koller H.E. Q. T. II. p. 340. (c) Ap. Pray Hiſt. P. II. p. 712.

uit Colomanum. Nempe Carolus sub exitum anni superioris, amissa coniuge Maria, rursus viduus euasit. Procères igitur, veriti, ne iuuenis rex effrenibus cupiditatibus abriperetur, effecerunt, vt, (a) anno dom. *MCCCXVIII.* acceperit *D. Beatricem*, filiam regis Romanorum (Henrici VII.) sororem regis Bohemorum (Ioannis) de terra Lucelburgenfi. (b)

A. C. 1320. Car. 20. Ind 3. P. 30. M.

XXVI. Hanc quoque coniugem tertiam non multo post Carolus amisit; nam, vt Turotzius ibidem subiicit, *in reuolutione eiusdem anni obdormiuit in domino, et Varadini in cathedrali ecclesia tumulata est.* Eius obitum ad superiorem annum ita Pulkaua refert: (c) *Quae in partu primae prolis suae una cum foetu occubuit.* Nec illum diu viduum mansisse, hoc Turotzii testimonio discimus: (d) *An. dom. MCCCXX. accepit rex Carolus filiam Ladislai, regis Polonorum, Elizabeth nomine.* Dlugossus eam ait: (e) *Carolo, Hung. regi, die dominico, in octaua SS. Petri et Pauli apost. copulatam esse.* Carolus, noua coniuge iam in Hungariam traducta, commodiorem in Poloniam commeatum et viam aperturus, nouam in superiore Hungaria ciuitatem Bartfam excitauit, amplissimisque priuilegiis ornauit, *V. kal. Dec. (f)*

C 2

A. C.

(a) Turotz. P. II. cap. 91. (b) Hist. Cr. T. VIII. p. 360.—390. (c) Ap. Dobn. Mon. T. III. p. 279. (d) Chron. P. II. cap. 92. (e) Libr. IX. col. 975. (f) Hist. Cr. T. VIII. p. 410—428.

A. C. 1321. Car. 21. Ind. 4. P. 19. A.

XXVII. Ingentem Caroli laetitiam, quam hoc anno natus ex Elisabetha filius, nomine Carolus, adtulit, turbauit temerarius ille Petrus, qui quemdam ex Ruthenia ducem ausus est in Hungariam inducere, conatus eundem, nonnullis factionis in suas partes allectis, in regiam dignitatem euehere. Nullum quidem tantae temeritatis vestigium in patriis historicis occurrit; eius tamen ipse Carolus in diplomate, quo poenam eius complectitur, diserte meminit, *anno dom. MCCCXXI. IV. id. Febr.* vbi Dausam Transilvaniae vaiuodam laudat. (a)

A. C. 1322. Car. 22. Ind. 5. P. 11. A.

XXVIII. Mladinus, Croatiae banus, prodita Iadra, Venetorum amicitiam adeptus, in Dalmatia tyrannidem arripuit. Irritatis eius crudelitate Dalmatis, vt Madius refert, (b) *anno dom. currente MCCCXXII. mense Ianuarii, luce XVI. ciues Sibeniceses unam ligam insinul fecerunt contra banum Mladenum, — adhaerendo — communi et dominationi Venetorum.* Mladeno necquicquam eos ad fidem reuocare conato, *Tragurienses et Sibeniceses cum galeis Venetorum — ceperunt Almisium et Scardonam. — Tandem banus Mladenus, videns, se esse confusum et deuictum sine bello, misit C. Georgium, fratrem suum, ad regem Vng. vt sibi impenderet auxilium.* Interea victus a Ioanne bano Babonig, constituit ire ad regem Vng. honorifice cum donis et xeniis, sperans, his illum placandum esse. Verum

(a) Hist. Cr. T. VIII. p. 428.—438. (a) Ap. Schwandt. T. III. p. 646.

Verum Carolus, Tininium profectus, eum cepit, et in comitatu suo ipsum duxit secum usque Zagrabiam, habendo super eum custodiam armatorum. In fine autem, — captiuato etiam Mladeno bano, fuit reuersus in Hungariam. Cur Carolus nihil in Tragurienses et Sibenicenses, qui se protectioni Venerorum subiecerant, egerit; causa fuit, quod illi, nequid iuribus regum Hungariorum derogaretur; pactorum tabulis haec inseruerint (a) „Saluis honorificentis et iuribus D. regis Hung. quae haberet, vel deberet habere in ciuitate praedicta.“ Tum quoque, quum Paullum, Mladini consanguineum, in foedus armorumque societatem aduersus Mladinum pertraxerunt, hanc pactis conditionem rursus adiecerunt: (b) „Salua semper fidelitate et honore D. regis Hung. — anno MCCCXXII. Ind. V. die XXIV. Aprilis.“ Ceterum causam accelerati reditus Madius, supra laudatus, assignat, quod audierit rumores de Vngaria, qualiter exercitus, quem miserat in auxilium ducis Austriae, fuerat deuictus. Fridericus enim Austriacus, cum aemulo suo, Ludouico Bauaro, decretorio praelio congressus, ad Muhldorfum victus et captus est. (c)

A. C. 1323. Car. 23. Ind. 6. P. 27. M.

XXIX. E pluribus Caroli diplomatibus, quibus suorum merita variis donationibus remuneratus est, constat, archiepiscopum *Strigoniensem*. hoc anno fuisse Boleslaum; *Colocen.* Fr. Ladislaum; episcopum *Nitrien.* Ioannem; *Chanad.* Benedictum; *Iaurien.* Nicolaum; *Sirmien.* Georgium; *Quinqueeccles.* Ladislaum;

C 3

(a) Ap. Luc. L. IV. C. XIV. p. 333. (b) Ibid. p. 337.

(c) Hist. Cr. T. VIII. p. 438—454.

dislaum; *Bosnen.* Fr. Petrum; *Varad.* Iuānkam; *Transsiluan.* Andream; *Vesprim.* Henricum; *Agrien.* Chanadinum; *palatinum* Philippum; *iudicem curiae* Lambertum; *vaiuodam Transsiluan.* Thomam; *banum totius Sclauoniae* Nicolaum; *banum de Machow* Paulum. — Boleslaus archiepiscopus erat e genere ducum Tostensium (qui ducatus in Silesia superiore fuit olim hereditas principum Opoliensium) quem Carolus in diplomate huius anni *proximum* suum vocat. Mathias Dause, vel Deusa palatinus anno superiore tam Martio, quam Iulio mense legitur, cui successus Philippus Drugeth, ex Italia cum Carolo huc delatus, *compatrem* vocat Chanadinum, *Agrien.* episcopum, superiore quidem anno canonicorum suffragiis electum, sed hoc anno confirmatum et consecratum. S. Augustinus Gazottus, antea Zagrabiensis, deinde Lucerinus episcopus, ad Christum hoc anno migravit. (a)

A. C. 1324. Car. 24. Ind. 7. P. 15. A.

XXX. Quum, Mladino iam capto, Georgius, frater eius, Dalmatiam turbasset; ad illum Ioannemque Babonich coercendum Carolus Nicolaum, C. Soproniensem, cum exercitu misit, banumque creauit. Magnum ei solatium adtulit Georgius, praecipuus barbarum auctor, interceptus; multo tamen maius alter ex Elisabetha filius kalendis Octobris natus, quem Ladislaum appellari voluit. (b)

A. C. 1325. Car. 25. Ind. 8. P. 7. A.

XXXI. Vt Carolus pro tam fecundi tori beneficio se DEO gratum praestaret; anno hoc *inchoauit*,
teste

(a) Ibid. p. 461.—500. (b) Ibid. p. 500.—515.

teste Turotzio, (a) *fratribus minoribus aedificare ecclesiam in Lippa, ad honorem B. Lays (Lajos, seu Ludouici) noui sancti, episcopi Tolosani et conf. qui fuit frater carnalis patris sui.* Templum hoc et coenobium ita furor barbarus in ruinam egit, vt ne vestigium quidem eius ibidem ante paucos annos videre potuerim. Dedit illic hoc anno Carolus diploma pro M. Ricolpho, cuius epilogus exhibet nouum *curiae iudicem*, Alexandrum; nouumque *banum* Michaellem. (b)

A. C. 1326. Car. 26. Ind. 9. P. 23. M.

XXXII. Hanc in S. patrum Caroli pietatem caelum remunerari visum est, quum, vt Turotzius rursus perhibet; (c) *anno dom. MCCCXXVI. tertio nonas Martii natus est eidem regi filius, quem nomine huius sancti confessoris, consanguinei sui, Lays prae gaudio appellauit.* Atque hunc demum Ludouicum, nunc natum, praemortuis duobus antea susceptis, suorum regnorum et virtutum heredem relinquet, qui nominis Hungarici gloriam altius ipso patre prouehet. Exuberantem Caroli laetitiam iterum interpellarunt turbatae res Dalmaticae, ad quas componendas Mikchius, seu Michael, nouus banus, cum exercitu missus, teste Madio, (d) *habitis castris filiorum Babonig, intrauit Croatiam, associato sibi Stephano, Bosniensi comite.— Finaliter videns, quod habere non posset suum intentum,— abiit in Vngariam ad regem.* Nempe haec gloria pacandae Dalmatiae reseruata fuit Ludouico, qui

C4

laudati

(a) Chron. P. II. cap. 93. (b) Hist. Cr. T. VIII. p. 523.— 531. (c) Chron. P. II. cap. 94. (d) Cap. XXVIII. p. m. 653.

laudati Stephani, Bosnensis comitis, filiam Elisabetham secundis sibi nuptiis copulabit. (a)

A. C. 1327. Car. 27. Ind. 10. P. 12. A.

XXXIII. DEVS, laeta tristibus miscere solitus, primogenitum quidem Caroli filium hoc anno sustulit, sed nouum illi paullo post filium Andream dedit. Illum ante kal. Nou. decessisse, colligimus ex hoc pietatem spirante regis diplomate: (b) „Carolus — Quum nos, deuota consideratione ducti et permoti pietate, ad ea, quae officio nostri regiminis incumbunt, nouissime diebus istis, carissimo primogenito nostro, Carolo paruulo, vocante diuina voluntate, decedente, ob nostram ac eiusdem filii nostri ac progenitorum nostrorum sempiternam salutem, votum vouerimus, restituendi vniuersas possessiones ecclesiarum regni nostri quarumlibet ac iura omnia; — — Anno dom. MCCCXXVII. pridie kal. Nou. —“ Huic diplomati palatinus non subscribitur, qui diplomati, dato VI. id. Ian. subscribitur. Philippus igitur medio tempore diem suum obierit, et quidem ante mensem Augustum, quum iam *felicis memoriae* dicatur (c) *feria II. prox. post festum B. Iacobi ap. A. D. MCCCXXVII.* Moestum de iactura tam filii, quam palatini Carolum DEVS consolatus est, quum hoc eodem anno, in festo S. Andreae apostoli, natus sit filius ei, quem Andream appellauit, vt Turotzius ait: (d) Tertius hic, mortuo Carolo, filius regis erat. Et quia dum rex Carolus, Tirnauiam noui foederis

(a) Hist. Cr. T. VIII. p. 543—545. (b) Ex MSS. Cornides.

(c) Ap. Wagn. Dipl. Sar. p. 330. (d) Chron. P. II cap. 95.

foederis cum Ioanne, Bohemiae rege, percutiendi causa profectus, Annam, eius filiam, Ladislao, filio suo, despondit; hic Ladislaus *idibus Februarii* iam *primogenitus* vocatur; Carolus ante 13. Ian. decesserit. Nouum doloris argumentum Carolus accepit, quod, ut chronista Venetus testatur, (a) *hoc tempore Spalatum et Nona, quae in extremo statu perturbationis versabantur, eo modo, quo de Sibenico et Tragurio dictum est, — dediderunt eisdem conditionibus et pactis MCCCXXVII. mense Septembris. (b)*

A. C. 1328. Car. 28. Ind. 11. P. 3. A.

XXXIV. Dissidiis quibusdam inter Fridericum et Ottonem, Austriae duces enatis, Carolus Ottoni contra Fridericum auxilia misit, de quibus ita chron. Austr. scribit: (c) *MCCCXXVIII. Austria fuit cremata ex utraque parte Danubii per Vngaros et Saracenos, ex parte ducis Ottoris.* Mirum autem videri potest, cur arma maluerit in Austriam Carolus conuertere, quam in Spalatenses aut Venetos, quibus illi se dediderunt. Causa fortassis haec est, quod quum Spalatenses dicantur *iisdem conditionibus et pactis* se dedidisse, quibus Sibeniceses et Tragurienses; sicut illi, id quod praeiudicium Hungariae regibus inferretur, ita hi quoque pactorum tabulis haec inseruerint *saluis honorificentis et iuribus D. regis Hungariae. (d)*

A. C. 1329. Car. 29. Ind. 12. P. 23. A.

XXXV. Vix Carcus dolorem, ex obitu Caroli haustum, digessit, quum eius luctum instaurauit
prae-

(a) Ap. Lac. L. IV. CXIV. p. 339. (b) Hist. Cr. T. VIII. p. 555.—580. (c) A. H. Per T. L. col. 727. (d) Hist. Cr. T. VIII. p. 60.

Et or ad eundem hunc annum narrat bellum Valachicum, infeliciter a Carolo gestum, aduersus Alexandrum Bazaradum, quem tamen perhibet (a) *censum debitum regiae maiestati semper fideliter persoluisse*. Persuasus erat ad bellum hoc suscipiendum partim a Thoma, vaiuoda Transsiluano, partim a Dionysio, Nicolai filio, cui Seuerinum, sine difficultate receptum, illico gubernandum cum dignitate banatus tradidit. Tum vero Bazaradus, Valachiae princeps, per honestos legatos regem orauit, ne porro pergeret: ad expensas belli sarcindas se 7000 marcarum argenti promittere: Seuerinum, vi captum, vltro cedere: censum consuetum quotannis fideliter numeraturum: vnum e filiis etiam obsidem daturum, suis sumtibus alendum. Ad has pacis condiciones acceptandas postquam frustra regem Donch seu Dominicus adhortatus fuisset; quum exercitus intra montes vltra promoueretur; mox et famem sentire coepit, et omnes vndique vias a Valachis obsessas conspexit. Frustra iam rex in oblatas pacis condiciones consensit, eoque pacto securum se credidit. Nam Valachi, per latera montium circumfusi, regis exercitum, in vallibus indagine clausum; ad satietatem vsque iaculis interficiebant. *Facta est*, inquit Turotzius, *ibi strages maxima; et cecidit militum et principum ac nobilium incomputabilis multitudo feria VI. in vigilia B. Martini.* — *Ibi etiam occubuerunt tres praepositi, videlicet M. Andreas, praep. Alb. eccl. — vice-cancellarius regiae maiestatis existens, cum sigillo regis, periit.* — Quia hic Andreas multis diplomatibus hoc anno subscriptus, vt vice-cancellarius, legitur; anno superiore non occubuit, ad quem tamen referri hoc bellum

(a) Ibid. cap. 97.

bellum deberet, si feria VI. in vigilia B. Martini haec strages facta fuisset. Haec enim vigilia non anno 1330. quo littera dominicalis erat G. sed anno 1329. quo diem dominicam A. littera signabat, in feriam VI. incidit. Quare feria V. hic est rescribenda; quum potior sit habenda fides diplomatibus, quibus subscriptus legitur (a) *M. Endre, praep. eccl. Alb. A. D. MCCCXXX. pridie kal. Maii.* Item *M. Andreas, praep. eccl. Alb. — vice-cancell. A. D. MCCCXXXVIII. kal. Aug.* (b) Nec illud Turotzii testimonium, quo Bazaradum iniusto bello petatum ait, fidem meretur; quum rex tertio post anno vocet eundem *manifestum et notorium infidelem* in eo diplomate, quod Bartalti posteris dedit. (c)

A. C. 1331. Car. 31. Ind. 14. P. 31. M.

XXXVIII. Ad cauendas fraudes, amisso regis sigillo, nouum confici debuit, cuius fabro, M. Petro, Carolus possessionem Iemnik contulit, propter meritorium seruitium, inquit, (d) quod in *sculptione, fabricatione seu paratione sigilli nostri authentici exhibuit.* — *Dat. in Vizegrad., fer. V. prox. post dom. Ramis palmarum, anno dom. MCCCXXXI.* Quum autem Carolus, Roberti, Siciliae regis, vnicus filius, tribus abhinc annis obierit, neque Carolus regni portionem, ad se iure hereditario pertinentem, a Roberto patruo per legatos impetrare potuerit; Ioannes XXII. ea de causa per Carolum interpellatus, aequam eius petitionem agnouit, ad eamque complendam Robertum admonuit. (e) San-

am

(a) Ap. Schmitth. Ep. Agr. T. I. p. 265. (b) Ex tabul. Vespri. (c) Hist. Cr. T. VIII. p. 634.—644. (d) Ap. Wagn. Scep. P. I. p. 131. (e) Ap. Rayn. 1331. n. 26.

ciam quoque, Siciliae reginam, orabat, vt conciliandis inter Ioannam neptem et Caroli filium nuptiis operam daret. Quae res quam infeliciter Andreae cesserit, suo loco videbimus. Interim Carolus, res suas magis firmaturus, mortuo Friderico, quem ad pacem cum fratribus ineundam adegerat anno 1328. foedus cum superstitibus Austriae ducibus, Alberto scilicet ac Ottone, rursus instaurauit, tabulis Posonii confectis anno 1331. *quarto nonas Septembris. (a)*

A. C. 1332. Car. 32. Ind. 15. P. 19. A.

XXXIX. Ad hunc animum Turotzius noui principis natiuitatem, quae noua laetitia Carolum cummulauit, ita refert: *(b) Anno dom. MCCCXXXII. in festo S. Stephani regis habuit rex filium, quem Stephanum nuncupauit. Hunc Chanadinus archiepiscopus e sacro fonte leuauit, vt MSS. testantur, quae haec subiiciunt: (c) Compatri suo, more praeursorum regum, illico se beneficium praestat Carolus, donato oppido Gyrah, Comaromiensis prouinciae, omnibusque priuilegiis Strigon. ecclesiae confirmatis. (d)*

A. C. 1333. Car. 33. Ind. 1. P. 4. A.

XL. Carolus, filio hoc auctus, filium Andream ad Siciliae solium euecturus, longinquum in Italiam, patriam suam, vnde tricenis et amplius annis aberrat, iter suscepit, quod Turotzius ita describit: *(e)*

Anno

(a) Hist. Cr. T. VIII. p. 645.—670. *(b)* Chron. P. II. cap. 97. *(c)* Ap. Schmitth. Ep. Agr. T. I. p. 269. *(d)* Hist. Cr. T. IX. p. 17. 18. *(e)* Chron. P. II. cap. 97.

Anno domini MCCCXXXIII. egressus est rex de Vi-segrad cum Andrea, filio suo, puero sex annorum, in mense Iulii: et perrexit cum bona comitua militum per Zagrabiam ultra mare, ut filium suum, per voluntatem summi pontificis, domini scilicet Ioannis XXII. et ad instantiam et petitionem inclitissimi Roberti, regis Siciliae, regni eiusdem coronaret in regem. In cuius regis comitua profecti sunt Chanadinus, archiep. Strigoniensis; Andreas, episcopus Vardienfis; et Iacobus, Longobardus physicus, episcop. Chanadien. et M. Donch. — Qui rex rediit cum sospitate in mense Martii, cum sanitate omnium suorum, qui ipsum fuerant comitati; filium autem suum ibidem reliquit, non tamen coronatum, sicut optabat; sed sub tutamine et protectione regis Roberti. Huius filius Carolus, anno 1328. mortuus, duas reliquit filias, Ioannam et Mariam; hanc Ludouico destinata, illam Andreae desponsam, cum dotalicio Siciliae regno. De Ludouico quoque, quem in regno Hungariae successorem destinabat, sollicitus rex Carolus, pontificem interpellauit, ut, si Chanadinus, aut post illum alius archiepiscopus, eundem, se superstiti, coronare vel nollet, vel non posset; id aliis antistitibus facere liceret. Annuit pontifex, datis ea de re litteris ad archiep. Colocen. epp. Vard. et Zagrab. 11. kal. Aug. pont. an. XVII. (a)

A. C. 1334. Car. 34. Ind. 2. P. 27. M.

XLI. Etsi Belgradum ab Emerici temporibus ditionis Hungaricae fuerit; episcopus tamen ecclesiae huius in diplomatibus regum hoc anno primum comparet, quum Carolus fundos et priuilegia sacrarum

(a) Hist. Cr. T. IX. p 29.—36.

crarum virginum in insula Leporum confirmat, hoc
 vsus epilogo: (a) „Dat. — anno dom. MCCCXXXIV.
 „ sexto idus Dec. — ven. in C. PP. DD. Chanadi-
 „ no Strigon. Fr. Ladislao Coloc. archiepiscopis;
 „ Nicolao Iaur. Ladislao Quinqueeccles. Andrea
 „ Transsilu. Andrea Varad. Ladislao Zagrab. Nicolao
 „ Agr. Meskone Nitrien. Fr. Rudolpho Vac. *Fr. Paul-*
 „ *lo Albenfi de Nandor*; Iacobo Chanad. episcopis,
 „ — sedibus Vespri. Sirmien. et Bosn. vacantibus,
 „ magnificis viris Willermo Drugeth palatino; —
 „ Thoma vaiuoda Transsilu. — Paulo — iudice cu-
 „ riae nostrae; Michaele bano Sclauoniae; Ioanne
 „ bano de Machow. — “ Quis fuerit conditor Bel-
 gradensis episcopatus; deficientibus monumentis,
 definiri non potest. Vacantes sedes non multo post
 impletae sunt, ad Vespriensem translato Mesko-
 ne, cui Fr. Vitus in Nitriensi successit. Sirmiensis
 Georgius, vita functus, Gregorio locum fecit;
 Laurentio Bosnensis cessit, (b) an. 1335.

A. C. 1335. Car. 35. Ind. 3. P. 16. A.

XLII. Carolus, victoria de Tartaris relata, quam
 illi, Benedictus XII. Ioanni XXII. 20. Decembris an-
 no superiore susceptus, nonis Aug. gratulatur, (c)
 arma vicinis et amicis principibus excussurus, ar-
 bitrium pacis inter Bohemiae Poloniaeque reges et cru-
 ciferos in se suscepit, magnaeque sapientiae laude
 concordiam inter dissidentes conciliauit. Priusquam
 hoc fieret; perpetuum cum Ioanne, Bohemiae re-
 ge; Carolo, Moraviae marchione; Ioanne, Carin-
 thiae duce, foedus pepigit, tabulis confectis (d) *die*
dom.

(a) Ap. Schmitth. Ep. Agr. T. I. p. 287. (b) Hist. Cr. T.
 IX. p. 42.—49. (c) Ap. Rayn. 1335. (d) Ap. Dobn.
 Mont. T. IV. p. 297.

dom. prox. ante festum natiuitatis B. V. an. dom. **MCCCXXXV.** Tertio post mense magnos Vise-
gradi hospites externos reges habuit, in quibus ex-
cipiendis Caroli magnificentiam ita Turotzius descri-
bit: (a) *Anno domini MCCCXXXV. circa festum*
S. Martini, Ioannes, rex Bohemorum, cum Carolo,
filio suo, et rex Polonorum, venerunt ad regem Ca-
rolem in Hungariam, ad castrum Visegrad, pro
perpetuae pacis concordia componenda. — Omni die
ad prandium regis Bohemorum, ex magnificentia re-
gis Hungariae, expendebantur 2500. panes et de ci-
bis regalibus copiose; pabulum etiam equis eius per
singulos dies 25. garletae (cubuli). Ad prandium
vero regis Polonorum 1500. panes; de cibariis autem
abundanter. De vino autem expensae sunt 180.
tunnellae (vascula). Remuneravit autem rex Hung.
regem Bohemorum diuersis et pretiosis clinodiis, vide-
licet 50. vasis argenteis, duabus pharetris, duobus
balthreis et unaq tabula pro scacis mirabili, duabus
sethis inaeestimabilis pretii, uno bicello, valente 200.
marcas argenti, et una concha margaritarum, mira-
bili opere composita. Item, quia rex Poloniae erat
regi Bohemorum censualis; et quia rex Hung. Caro-
lus habebat sororem regis Poloniae in uxorem; dedit
ei rex Hung. idem Carolus, ad redimendum eundem
regem de solutione censuali regi Bohemorum 500.
marcas auri purissimi. Et ibi ordinatum est, ut, si
quempiam ipsorum regum vel regna eorum hostis in-
uaderet; ceteri in eius adiutorium et iuuamen festina-
rent. Tabulae pacis signatae sunt (b) die S. Elisa-
beth, anno dom. MCCCXXXV. Haec Turotzius ex

anonymo

(a) Chron. P. II. cap. 97. (b) Ap. Dogiel Cod. Dipl. T.I.
p. 2.

anonymo synchrono, quem magnam rerum notitiam habuisse tam minuta recensio docet. (a)

A. C. 1336. Car. 36. Ind. 4. P. 31. M.

XLIII. Visegradum, vbi Carolus regiam sedem primus omnium defixerat, quoddam veluti concordiae templum euasit, postquam grauissimae principum lites illic disputatae foederaque sancita sunt. Illic Casimirus longiore tempore commoratus, teste Dlugosso, (b) *diem natalis domini Budae celebravit.* Illic foedus quoque contra ducem Austriae conclusum esse, Carolus, Ioannis regis filius, ita testatur: (c) — *Rex Hung. promisit esse in adiutorium patri nostro contra ducem Austriae, qui abstulerat fratri nostro ducatum Carinthiae.* Huius igitur Carinthiae causa hoc anno bellum erupit, idque factum, quod Salzburg. chronicon ita tradit: (d) *MCCCXXXVI. Karolus, Vngarorum rex; Ioannes, Bohemorum rex, insinul confederati, mirabiliter discordant cum Alberto et Ottone, ducibus Austriae; propterea tota fere Australis prouincia grauer est incendiis et rapinis deuastata.* Datis acceptisque mutuis damnis, induciae Laureaci IX. Octobris ad festum vsque pentecostes initae sunt. (e)

A. C. 1337. Car. 37. Ind. 5. P. 20. A.

XLIV. Ex his induciis pace tandem consequuta, Carolus omnia foedera, quae cum Austriae ducibus antea pepigerat, nouis litteris instaurauit, vn-

(a) Hist. Crit. T. IX. p. 57.—77. (b) Libr. IX. col. 1035.

(c) Epit. R. B. L. III. C. XVIII. p. 338. (d) Ap. H. Perz, T. I. col. 411. (e) Hist. Cr. T. IX. p. 84.—101.

namque solum conditionem, qua promiserat, se Bohemiae regi communem cum ducibus hostem futurum, antiquavit, (a) *Posonii fer. IV. prox. post natiuitatem B. V. A. D. MCCCXXXVII.* Postridie de restitutione quarundam arcium et captiuorum egit, ac simul instrumentum pacis, inter Bohemiae regem et Austriae duces initae, suis litteris firmavit. (b)

A. C. 1338. Car. 38. Ind. 6. P. 12. A.

XLV. Post bellum Austriacum rursus Visegradum inclaruit aduentu ducis Ruthenorum, de quo Turcotius ita scribit: (c) *Anno dom. MCCCXXXVIII. circa festum apostolorum Petri et Pauli dominus Loth- ta, dux Ruthenorum, venit in Visegrad, cum electo populo militum suorum, ad regem Carolum Hung. promittens ei omnis amicitiae incrementum.* Eodem anno nouorum illic foederum, iam prius percussorum, ita Dobnerus meminit: (d) *Confoederatio inter Carolum, regem Hung. et Carolum, marchionem Morauiae: „ quod „ si Casimirus, rex Poloniae, decederet sine here- „ de masculino; rex Hung. obtinebit regnum ipsius „ cum auxilio marchionis Morauiae: „ contra, rex Hung. promittit: „ sese nullam Casimiro aut eius „ heredibus assistentiam laturum aduersus terras va- „ sallosque seu regis Bohemiae, seu marchionis „ Morauiae. „ Dat. in Visegrad, dominica Inuoca- uit, MCCCXXXVIII.* Eadem die celebratus fuit contractus matrimonii inter Ludouicum, primogenitum regis Hung. et Margaritam, filiam marchionis Mo-

D 2
rauiae

(a) Ap. Pray Ann. P. II. p. 41. (b) Hist. Cr. T. IX. pag. 102.—112. (b) Ap. Rayn. 1307. (c) Chron. P. II. cap. 98. (d) Mon. T. IV. p. 301.

rauiat. Carolus, tot foederibus foris munitus, in-
 uidiam domi declinare non potuit, vt ex antistitum
 Hung. litteris, ad Benedictum XII. datis, apparet,
 quibus queruntur: (a) „ regem, a quo rerum po-
 „ taretur, generales ordinum conuentus vetare, in
 „ quibus regni status ex communi consultatione
 „ hactenus temperari consueuerit: obturato hoc
 „ fonte, cetera omnia, quibus publica felicitas com-
 „ prehenderetur, languere: nobiles, sine iudicio-
 „ rum ratione, magistratu deiici. — Neque melius
 „ cum episcopis agi, quorum auctoritas, quae qui-
 „ dem ex regni legibus maxima adhuc fuisset, ita
 „ obsoleuerit, vt, quum res DEI et suas agendas
 „ apud regem haberent; foedissimam repulsam pa-
 „ tiantur: si quem mori contingat; eius bona, siue
 „ ecclesiastica, siue paterna essent, continuo a re-
 „ gis ministris occupari; vixque relinqui tantum,
 „ quantum humando praesulis corpori satis sit. —
 „ Neque id inconsulto rege patrari, cui vterque
 „ archiepiscopus 200. episcopi ceteri 50. argenti
 „ marcas, ineunte quouis anno, xeniorum nomi-
 „ ne, offerre cogere: iuris autem rationem
 „ adeo ab aequitate defluxisse, vt profanis homi-
 „ nibus 30. annorum praescriptione contra ecclesia-
 „ sticos se tueri integrum sit; his contra ne cen-
 „ tenariam quidem aduersum illos patrocinari; nisi
 „ privilegiorum instrumenta exhibeant; quae tamen
 „ Tartarorum irruptione Helae temporibus aut flam-
 „ mis corrupta, aut hominum rapacitate sublata
 „ constet. — Benedictus pontifex, profanis causis,
 „ ad suum forum non pertinentibus, reiectis, ea
 „ dumtaxat, quae causam DEI concernebant, si ve-
 „ ritate niterentur, emendanda Carolo maiorem in
 modum

(a) Ap. Rayn. et Pray ad 13, 1.

modum commendabat, — *XII. kal. Aug. pontif. anno IV.* Pontificem non plenam fidem capitibus accusationis adhibuisse, patet ex conditionibus interiectis: *si vera sint; si veritate nitantur.* Carolus autem, siquid peccavit, emendavisse, patebit ex ingenti luctu Hungarorum, quo mortem optimi regis quarto post anno prosequuti sunt. (a)

A. C. 1339. Car. 39. Ind. 7. P. 28. M.

XLVI. Raynaldus iterum meminit instauratarum apud pontificem querelarum contra Carolum regem in haec verba: (b). *Delatae fuerant de rege Hungaro apud pontificem graues querelae: „ occu- „ pata fuisse, vacuo Colocensis et Bachiensis con- „ iunctarum ecclesiarum archiepiscopali solio, „ et „ praedia, et castra, quae iuris erant ecclesiastici, „ a regiis administris, dissimulante eodem rege. „ Ac tum ipsam monuerat Benedictus: „ ut a sacris „ opibus temperaret manus, atque antecessorum „ suorum, qui ecclesias loquebantur, exempla „ sequeretur. „ Qui quum pontifici rescripisset: „ id „ ad tuendum limitem regni Hungarici, ne Rasciae „ rex schismaticus iisdem oppidis inuadendis inhia- „ ret; gestum: „ partes datae sunt a Benedicto Strigoniensi archiepiscopo: „ ut eiusdem rationes, in „ publica documenta redactas, ad sedem apost. „ transmitteret. „ Reipsa haereticos in Bosnia Rasciaeque hoc tempore multum grassatos esse constat. Iustam igitur excusationem Carolus adduxisse dicendus est. Certe pietas, qua semper in DEVM et religionem flagrabat, omnem ab eo sinistram*

D 3

suspi-

(a) Hist. Crit. T. IX. p. 139.—144. (b) Ad an. 1339.

suspicionem amolitur. Hanc eius pietatem et singulare tam illius in pontificem, quam in illum pontificis studium loquitur epistola, qua Benedictus votum eius de prolixis precibus ad DEVM et B.V. quotidie fundendis in aliud opus commutauit, (a) *XVI. kal. Febr. an. M.* Posthaec magnum iterum Visegradi hospitem, Casimirum regem, excepit: qui quum masculo herede caruisset; Ludouicum, Caroli filium, suum ex Elisabetha sorore nepotem, filium adoptauit, ac in regno Poloniae successorem suum designauit. Dlugossius perhibet, (b) id primum in Cracouiensibus comitiis, mense Maio celebratis, conclusum fuisse; Visegradi vero mense Iulio litteris publicis firmatum, vt Turotzius quoque consentit. (c) Eam vero haec pacta vim habuerunt, vt Casimiro, post tricenos annos mortuo, Ludouicus successerit an. 1370. (d)

A. C. 1340. Car. 40. Ind. 8. P. 16. A.

XLVII. Vtilem FF. minores operam in Bosnia nauasse, Waddingus ad hunc annum ita narrat: (e) *Gerardus, gen. minister, in Hungariam profectus, atque a Carolo rege persuasus, vt in Bosnam se transferret, serpenti haereticorum veneno antidotum adhibiturus, obuiam habuit ipsum principem Bosnae seu banum Stephanum, qui eundem excepturus honorifice, magno itinere ultro processerat. Permanfit illic dies aliquot Gerardus magno rei catholicae incremento. Nam Stephanus libenter audiuit verba catholicae veritatis: veram fidem ipse admisit: et reliquos*

(a) Ap. Rayn. ibid. (b) Libr. IX. col. 1055. (c) Chron. P. II. cap. 98. (d) Hist. Cr. T. IX. p. 149.—161. (e) Annal. Tom. III.

liquos suae gentis ad eam amplectendam hortatus, haereticos omnes suo iussit excedere principatu. Haec narratio confirmatur litteris, a Benedicto XII. tam ad Carolum regem, quam ad ipsum Gerardum datis, 11. kal. Mart. pont. an. VI. Atque hic ille Stephanus, Bosniae banus, est, cuius subinde filiam Elisabetham, in aula Hungariae regis educatam, Ludouicus rex, mortua coniuge prima, secundis sibi nuptiis copulauit anno 1353. (a)

A. C. 1341. Car. 41. Ind. 9. P. 8. A.

XLVIII. Etsi Carolus cum Austriacis principibus saepe iam foedus instaurauerit; quia tamen propter damna, quae tam Hungari, quam Austriaci mutuis sibi procursionibus inferebant, identidem odia recrudescebant; innouandae pacis causa rursus utraque pars arbitrorum iudicio se submisit. Steyerus quidem in historia ducis Alberti II. Carolum, Morauiae marchionem, arbitrum huius litis fuisse scribit; (b) at rex Carolus huius Caroli non meminit, dum arbitros hoc diplomate constituit: (c) „ Nos Karolus, D. gr. rex Hung. — profite-
„ mur, quod amicabilem et fraternam considera-
„ tionem habentes de puritate vnionis et amicitiae,
„ inter magnificum principem, ducem Albertum
„ Austriae, fratrem nostrum carissimum, et nos,
„ sincerius obseruanda, nec non pro pace, terra-
„ rum nostrarum tranquillitate vtrunque firmiter et
„ indissolubiliter conseruanda, disposuimus mutuo
„ super damnis, iniuriis, hinc inde terris et homi-
„ nibus nostris alterutrum hucusque in metis et

D 4

„ alibi

(a) Hist. Cr. T. IX. p. 172.—173. (b) Cap. I. p. 6. (c) Ap. Pray Ann. P. II. p. 49.

„ alibi factis et illatis, amicabiliter concordare,
 „ hoc modo, quod frater noster, Austriae dux,
 „ tres, videlicet ven. in C. P. D. Petrum, ep. Sir-
 „ mien, Thomam, vaiuodam Transilv. et C. Paul-
 „ lum de Merteinstorff, de nostris consiliariis rece-
 „ pit et elegit; — nos vero similiter de consiliariis
 „ dicti fratris nostri, Austriae ducis, etiam tres,
 „ videlicet C. Ludovicum de Oetting, C. Vlricum
 „ de Phanberche, Vlricum de Pergow recepimus
 „ et elegimus; — quibus — plenam dedimus —
 „ — potestatem, iniurias, damna, nobis ac fra-
 „ tri nostro — hinc inde facta, audiendi, cogno-
 „ scendi, arbitrandi ac diffiniendi, quemadmodum
 „ ipsis visum fuerit expediri. — Datum — Posonii,
 „ in die R. Briccij episc. (*XIII. Nov.*) anno MCCC-
 „ XLI. “ (a)

A. C. 1342. Car. 42. Ind. 10. R. 31. M.

XLIX. Anno vitae suae postremo Carolus emen-
 dandam rem monetariam, quae fraude praefecto-
 rum, vilius metallum admiscientium, a pristina pro-
 bitate non parum deflexerat, aggressus, antiquatis
 veteribus Hungaricis peregrinisque profligati metal-
 li denariis, novos e sacrae probitatis argento fe-
 riundos curavit. Rei huius perficiendae curam C.
 Hyppolito, camerae regiae praefecto, commisit, ac
 pro certa pecuniae summa locavit. Exstat in codi-
 ce iuris patrii prolixum hac de re decretum, ru-
 bricis destitutum, ex quo discimus, quid nomine
 portarum veniat, per quas nempe currus, cum fe-
 no vel frugibus oneratus, intrare potest et exire,
 siue sub eadem porta — plures existant homines resi-
 dentes

denarios, siue solum unus commoretur in eadem. Singulae porro huiusmodi portae seu curiae denarios 18. pro lucro camerae contribuere debebant. Tandem Ludouicus post 9. annos exegit, seu tres grossos, *quorum, inquit, (a) grossorum unus sex denarios camerae nostrae — valeat.* Carolus etiam voluit, vt vnum grossum 6. denarii constituent; sed simul decreuit, vt e 4. latis Viennensibus tres dumtaxat denarii nouae cusionis fierent. Quia vero hic lati grossi similes illis, quos hodie *Marianos* dicimus, intelliguntur; denarii quoque nostris maiores accipiendi sunt, quorum 90 grossos latos 15. seu numum aureum exaequabant. Laudatum decretum meminit etiam *aurei denarii*, seu floreni, cuiusmodi monetam primus hic Carolus feriundam curauit. Dicebantur autem aurei hi *floreni*, seu quod *Florentinis* similes fuerint; seu quod ex *aurei flore*, vel cum *libi flore* cuderentur. Sed iam, postquam materia florenorum immutata fuit, etiam ex argento cufos appellatione veteri Germani *Gulden*, Siani vero *Zlaty* dicunt. Aurei, seu floreni Caroli regis, qui hodie rarissimi sunt, ad imitationem Florentinorum S. Ioannem B. exhibent, cui Ludouicus I. S. Ladislaum substituit, moremque hunc retinentibus ceteris regibus, primus quod sciam, Mathias II. hoc ornamentum sustulit. Carolus, re monetaria tam sapienter constituta, non mediocriter aerarium regium auxit. Accessit ad lucrum camerae non contemnenda pecuniae vis, ex collectione decimae pontificiae, quae pro subsidio terrae sanctae constituta fuit in concilio Viennensi 1312. Huius enim collectionis tertiam partem ad aerarium Caroli

(a). Decr. 1351, art. 4.

Caroli deriuatam esse, discimus ex M. Petri, noui collectoris, instrumento. (a)

L. Haec inter Carolus, de regno Hungariae quam optime meritus, non tam annis ac aetate, quam curis morbisque confectus, quum 54. aetatis annum egisset, in arce Visegradiensi, quam semper in deliciis habebat, 16. Iulii vitae cursum confecit. Mortem eius sinceris lacrimis deploratam fuisse, Turotzius ita perhibet: (b) *O quantus fletus, quanta lamenta praelatorum, procerum, baronum, nobilium, virginum, dominarum et cuiusuis status et ordinis hominum!* Quumque postridie delatum fuisset eius corpus in templum Visegradiense; *planxit*, inquit, *eum uniuersus populus ciuitatis planxit* *Et magno valde.* Repetitus fuit planctus, quum corpus Budam naui deucheretur, ubi quum exsequiae pro Carolo celebrarentur, ait, *homines prorupisse in fletus, validissimis aethera ululatibus propulsantes.* Quumque hinc Albam procederetur; *omnes homines, — clamore maximo in amaritudinem conuersi, aethera propulsando, resonabant. —* Rursus Albam venientes, *in inenarrabiles fletus proruperunt:* ac postquam Chanadinus archiepiscopus de laudibus defuncti regis perorasset, corpusque tumulasset; *omnes unanimiter planxerunt eum in tantum, ut marmorei lapides densitate lacrimarum plurimum fuerint humefacti. —* Hae lacrimae satis indicant, quantopere Hungari Carolum ob restitutam regno tranquillitatem dilexerint. Adiutores eius in gubernando regno fuerunt, archiepiscopi *Strigonien.* Thomas 1304. Boleslaus 1321. Nicolaus el. 1328. Chanadinus 1330, *Colocen.* Fr. Ladislaus 1317. episcopi

(a) Hist. Cr. T. IX. p. 209.—239. (b) Chron. P. II. cap. 99.

scopi *Agrien*. Martinus 1307. Chanadinus 1322. Nicolaus 1332. *Bosnen*. Fr. Gregorius 1309. Benedictus 1312. Fr. Petrus 1317. Laurentius 1337. *Iaurin*. Nicolaus 1304. Colomanus 1338. *Nitrien*. Fr. Ioannes 1302. Mesko 1330. Fr. Vitus 1335. *Quinqueeccles*. Petrus 1308. Ladislaus 1315. *Sirmien*. Ladislaus 1309. Georgius 1312. Fr. Gregorius 1335. Petrus Beke 1338. *Transsiluan*. Fr. Benedictus 1310. Andreas 1320. *Tsanadien*. Benedictus 1307. Iacobus 1333. *Vacien*. Haab 1308. Laurentius 1324. Fr. Rodolphus 1330. *Varad*. Emericus 1305. Iwanka 1318. Andreas de Bátor 1329. *Vesprim*. Stephanus 1310. Henricus 1322. Mesko 1335. *Zagrab*. Fr. Augustinus Gazottus 1303. Fr. Augustinus II. 1320. Stephanus — Ladislaus 1324. *Palatini*: Homodeus et Koposius 1308. Homodeus 1309. Kopoz 1313. Dominicus 1315. Deusa 1322. Philippus Drugeth 1322. Ioannes 1329. Willermus 1334. *Iudices curiae*: Lambertus 1312. Alexander 1325. Paullus 1328. *Vainodae Transsiluan*. Ladislaus 1308. Nicolaus 1315. Dausa 1321. Thomas 1322. *Bani Sclauoniae*: Henricus 1308. Stephanus 1313. Ioannes 1318. Nicolaus 1322. Mikch seu Michael 1325. *Machouige*: Paullus 1323. Ioannes 1328. Nicolaus 1335.

§. IV.

LYDOVICVS I. REX XXVII.

Coepit A. C. 1342. defuit A. C. 1382.

A. C. 1342. Lud. I. Ind. 10. P. 31. M.

LLI.
Ludovicus, paternarum non minus virtutum, quam ditionum heres, annos 40. Hungariam moderatus

deratus, regnum hoc ad illam potentiam et gloriam euexit, vt numquam deinceps ad tantum amplitudinis et maiestatis apicem eluctari potuerit. Hungari, futurae huius felicitatis veluti praesagi, noui principis inaugurationem, licet nondum 17. aetatis annum expleuerit; accelerandam magno consensu decreuerunt; vtque tergiuersationem, in recipiendo Carolo commissam, sua promptitudine sarcirent; tumulto patre, mox filio sacram Hungariae coronam imposuerunt, sextoque post illius obitum die, seu 21. Iulii, noua hac inauguratione moerorem, ex optimi regis morte haustum, si non penitus absterferunt, magna parte leniuerunt ac temperarunt. Turotzius, vel potius Ioannes archidiaconus, omnium fere, quae Ludovicus gessit, spectator et conscius, quem Turotzius suum deferibendo fecit, hanc Ludouici coronationem ita describit: (a) *Quum idem rex Ludovicus — dom. inc. MCCCXLII. suae vero aetatis XVII. anno, die dominico proximo post festum diuisionis apostolorum, in vrbe Albaeregalis, — sollemniter et feliciter in regem coronatus exstitisset; — cogitare coepit et in animo discutere, quomodo et qualiter iura regni sui, per confines vicinos et principes occupata, — ad statum debitum, diuino fretus auxilio, reuocaret. Auulsa has a sacra corona ditiones feliciter subinde Ludovicus vindicauit, vt suis locis videbimus. Quali vero corona fuerit redimitus; C. Paullus, iudex curiae, sic indicat: (b) „Ludouicus rex — die dominico prox. ante B. Iacobi ap. anno domini „MCCCXLII. — corona, beatissimo Stephano, primo regi Hungarorum, diuinitus data, sollemniter et honorifice fuit coronatus. — “ Quia Ludouicus*

(a) Chron. P. III. cap. 1. (b) Ex MSS. Wagnerianis.

ludouicus nonnisi 17. aetatis annum 4. mensibus et 16. diebus inchoauerat, quum Hungariae solium conscendit; aliorum consiliis in tractandis tam vastarum prouinciarum negotiis indigebat. Et tenera haec aetas, et constans in matrem Elisabetham pietas effecit, vt sapientissimis eius consiliis non tantum adolescentior, sed etiam adultior, per spatium annorum 38. quibus illa superstes fuit, obtemperaret. Hinc etiam, quum Margaritae, Caroli Moraviae marchionis, filiae, quatuor abhinc annis desponsae, nuptias, quod nubiles annos nondum attigerit, in quartum annum differt; ita loquitur: (a) — *Matura deliberatione cum eadem domina genitrice nostra.* Haec ipsa consensum suum ita subiungit: „ Nos etiam Elisabeth, regina Hung. — D. „ Ludouicum regem, filium nostrum carissimum, — „ admonebimus, — vt dictum matrimonium inter „ ipsum et puellam praeclaram, filiam D. marchionis, in ipsa quarta reuolutione festi B. Michaelis arch. — debeat et velit — consummare. — „ Datum in Visegrad, in festo inuentionis B. Stephani protomart. A. D. MCCCXLII. “ Ludouicus, primis regni curis vtcumque digestis, S. Ladislaum in Bota sua vocaturus, Visegrado Varadinum profectus est. (b) Diplomati, quo suum hoc iter describit, ac donationem ecclesiae Varadinensi facit, magistratus subscripti non sunt, qui tamen in litteris, in fauorem Carthusianorum Lechniczensium an. dom. 1342. 14. kal. Ian. confectis, ita leguntur: (c) „ Chanadino, arch. Strigoniensi; Coloc. „ sede vacante; Ladislao Quinqueeccles. et altero „ Ladislao Zagrab. Colomano Iaurin. Andrea Varad. „ et

(a) Ap. Lunig Germ. Dipl. P. I. col. 1041. (b) Ap. Pray Hier. P. II. p. 137. (c) Ap. Wagn. Seep. P. III. p. 178.

„ et altero Andrea Transilu. Iacobo Chanad. Petro Sirmien. — Nicolao Agr. Mescone Vesprim. — Laurentio Bosnen. Fr. Vito Nitr. Vaciensi sede vacante; — Nicolao palatino; — Thoma M. tatern. Nicolao Pecheith vaiuoda Trans. — Michaelle bano totius Sclauon. Dominico bano de Machow; Stephano — bano de Zeurino; C. Paulo iudice curiae — — “ (a)

A. C. 1343. Lud. 2. Ind. 11. P. 13. A.

LII. Ad vacantem metropolim Colocensem translato Ladislao Zagrabiensi, huic Iacobus, antea Tsanadiensis episcopus, successit, operamque Ludouicus dedit, ut utriusque sedis damna repararentur. Obconstans istud, quod per omnem vitam retinuit, tuendarum rerum sacrarum studium, DEVS, qui numquam liberalitate hominum se superari sinit, illius ditiones aduersus hostes internos et externos semper tutatus, in plerisque bellicis expeditionibus felicem illum praestitit. Primi Saxones in Transilvania, contemta noui regis adolescentia, regis vectigalibus interceptis, obedientiam aperta seditione detrectarunt. Ludouicus, quantus bello fuisset, ostensurus, ipse collectum exercitum in Transilvaniam duxit, et, ut chronica patria perhibent, (b) *eis refrenatis ac ad obedientiam reductis, laudabiliter triumphando, remeauit.* Antequam tamen remeasset; rem aliam maximi momenti peregit; dum Alexandrum, seu Bazaradum, Valachorum principem, qui, Carolo turpiter eluso, regum Hung. fidelitati se subdlexerat, post 12. annos ad fidem virtutum

(a) Hist. Cr. T. IX. P. 275.—299. (b) Chron. P. III. cap. 2.

virtutum suarum existimatione reuocauit. (a) Felix hoc Ludouici regnantis auspiciū omnes Hungaros maxima spe repleuit, futurum, vt eius virtute regnum hoc non tantum aduersus hostes fortiter ac feliciter defendatur; sed magnis etiam incrementis ad summum gloriæ fastigium euehatur. (b)

LIII. Hic iura gentis Hungaricæ tuitus, alibi stirpis suæ iura tuiturus, quum Robertum, Siciliae regem, cuius neptem, Ioannam, Andreae, Ludouici germano, desponsam fuisse, supra diximus, hoc anno 19. Ianuarii decessisse comperisset; Elisabetham matrem orauit, vt ad res illic componendas iter Italicum suscipere vellet. Haec, partim Andreae, filio suo, consultura; partim visendae Romæ desiderio permota, testibus patriis annalibus, (c) *de Visegrad in festo beatissimæ Trinitatis* (8. Iunii) anno dom. MCCCXLIII. iter arripuit versus Italiam cum honesta familia; — habens secum pro expensa 27. millia marcarum puri argenti (fl. 648000) et 17. millia marcarum purissimi auri (si marcā auri per 380. fl. computemus; flor. 52360000.) Dominus autem Ludouicus, rex Hung. filius eius, misit post eam 4000. marcarum auri electi (flor. 1520000.) Habuit etiam secum de florenis fere cum media garleta (Hung. Köböl) de denariis vero paruis usque ad exitum regni multum. — Transito autem mari multum pacifice, peruenit in Apuliam, cui obuiam rex Andreas, filius eius, cum consorte sua, D. Ioanna regina; et D. Elizabeth reginam cum magna sollemnitate et gloria receperunt; et ita Neapolim, cunctis gaudentibus, in vigilia S. Iacobi aperuenerunt.

(a) Ibid. cap. 3. (b) Hist. Cr. T. IX. p. 302.—303. (c)

Chron. P. III. cap. 4.

peruenerunt. Istinc Auenionem ad Clementem VI. anno superiore 7. Maii Benedicto XII. suffectum, sollemnes nuncios, Nicolaum palatinum, Paullum comitem curiae regiae, Thomam Ruphum, Fr. Vitum, ep. Nitrien. — archiepiscopum Beneuentanum — destinavit: „ vt dominus apostolicus sua benedictione „ D. Andream regem faceret corona regia decorari. “ Interea D. Elisabeth regina, volens conceptam deuotionem ad DEVM et ad sanctos effectui mancipare, ad visitanda BB. Petri et Pauli apostolima in festo exaltationis S. Crucis de Neapoli egressa, cum tota familia et archiepiscopo Neapolitano ac pluribus nobilibus de Apulia progreditur versus Romam. — Quum autem Romam intra paucos dies feliciter peruenisset; commota est vniuersa ciuitas in eius aduentu. — Magni et parui, mulieres et puellae currebant, ubi transibat regina, et alta voce clamabant: „ Viuat regina Hungariae! “ Perueniens autem ante fores ecclesiae B. Petri ap. totum collegium Romanum recepit reginam processionaltiter cum magna gloria et honore. Oblulit denique ad altare B. Petri ap. et ad reliquias sollemnia munera in calicibus et ornamentis insignibus et florenis iuxta magnificentiam reginalem. — His itaque gestis atque perfectis, valesaciens, infra octauas S. Francisci reuersa est Neapolim cum exultatione et gaudio. (a)

A. C. 1344. Lud. 3. Ind. 12. P. 4. A.

LIV. Elisabetha, postquam alterum itineris Italici scopum attigisset; alterum se difficilius assequuturam esse clarioribus in dies argumentis didicit. Quum igitur haec regina, pergunt chronica patria

(a) Hist. Cr. T. IX. p. 309.—316.

patria, in Neapoli resideret, et vidisset nurum suam, D. Ioannam superbam et ambitiosam; — nec regi Andree, marito suo, exhibere honorem regium; commota sunt omnia viscera eius. — Quum itaque — nuntii longam moram contraherent in Aduione; — anno dom. MCCCXLIV. relinquens filium suum, regem Andream in Apulia sanum et incolumem, circa festum S. Mathiae ap. recessit de Neapoli. — Rediit autem regina de Apulia in Hungariam, — et peruenit in domum suam in Visegrad in anniuersario sui recessus: et receperunt eam filii eius, scilicet D. Lodouicus, rex Hung. et D. dux Stephanus ac procures regni cum magna exultatione et gaudio. Nondum Elisabetha Neapoli discessit; quum Clemens VI. in coronationem Andree consensit, (a) IV. non Febr. an. pont. II. Causa cunctationis erat, quia, si Caroli II. Siciliae regis, testamentum attendatur; Carolo nostro non regnum Siciliae, sed tantum duo millia unciarum auri, semel et in regno Siciliae soluendarum, destinabantur. (b) Quare 44 millia marcarum, non propter consensum, quem ante reginae discessum pontifex dedit, sed ob aliam aliquam causam, vel ad refarciendum hoc aurum, vel ob censum antea non solutum, exacta fuisse videntur. Nec pontifex meminit, inter condiciones concessae coronationis, ullius pecuniae persoluendae; sed obedientiae, legato sedis apost. praestandae. Ratus enim administrationem regni, quoad Ioanna maturesceret, ad se pertinere, card. Aymericum regni procuratorem constituit. Et illa quidem in arbitrio legati se futuram, publicis litteris

(a) Ap. Rayn. et Pray ad an. 1344. (b) Ap. Dumont
T. I. p. 346.

litteris spondit. At, postquam 28. Augusti coronata fuisset, ac Andreae coronationem malis artibus impediuisset; precibus apud pontificem egit, ut ad tuendum reginae nomen auctoritatem sibi maiorem, administratore reuocato, concederet. Pontifex igitur importunis reginae precibus cessit, eamque lege, quā publica rerum administratio pupillis prohibetur, absoluit. Ioanna, propter adteriorum consuetudinem in transuersum acta, ne maritus, pari dignitate secum ornatus, viuendi licentiae frenum imponeret, communicatis cum Carolo Dyrrhachino consiliis, Andream, antequam coronari posset, e medio tollere constituit, et anno sequenti tollet. (a)

A. C. 1345. Lud. 4. Ind. 13. P. 27. M.

LV. Laudatus Carolus, Ioannis Dyrrhachini filius, Mariam postumam, Ioannae sororem, primum Ludouico, deinde Stephano, Ludouici fratri, destinatam, properatis nuptiis, uxorem duxit, ne rex Andreas inauguraretur, omnibus modis impediuit. Postquam tamen Clemens VI. in Andreae coronationem anno superiore 2. Febr. consensisset; crebris hoc anno litteris Ioannam admonuit, ne porro ritum inaugurationis differret. Post multas disceptationes Andreae quidem coronatio decreta fuit; praeventa tamen indignissima caede, cuius tragicam historiam auctor synchronus ac Italus, Dominicus de Grauna, fuscē describit, e qua huc pauca traducemus. *Videntes*, ita de coniuratis loquitur, (b) — *proximum esse sibi tempus coronationis*

(a) Hist. Cr. T. IX. p. 327.—340. (b) Ap. Murat. T. XII. col. 559.

nis, cogitauerant illum perdere; priusquam sceptrum regale reciperet. — Et adeuntes proditores ipsi ad ducem eundem, praedixerunt ei: „Domine rex, si „dignetur vestra maiestas, sequenti die summo „mane equitemus ad venationem.“ — Dux autem miser, animo iuuenili acquiescens verbis fallacibus iniquorum, ad venationem eandem se promisit iturum. Mane autem facto, — — apud Auersam venando euntes, apud Auersam ipso sero hospitati fuerunt, et coena parata, discubuerunt. — Iam appropinquante somno oculorum palpebris, paratis insidiis suae necis, omnes de hospitio regio recesserunt. — Idem dux miser cum uxore sua aulam ingredientem, toro parato, recubuerunt. Proditores autem nequissimi, — in constituta prima noctis hora surgentes, — accedentes ad salam, — et vocantes eundem dominum; subito dominus idem excitatus — a lecto surrexit, et — exiuit inermis. — Subito proditores iniqui manus iniecerunt in eum, ut eum morte necarent. — Dux autem ipse, quia iuuenis fortis erat, — viriliter manibus se defendens, atque horribilibus vocibus; euasit manus illorum, excussis crinibus aureis. — Sed diuertens ad portam salae, vociferans, auxilium fidelium requirendo, portas omnes clausas inuenit. — Iniquissimus Bertrandus, filius Caroli Artus, — eundem ducem potenter accepit, et cum eo luctans, tenuit ipsum; et conuocatis aliis, ipsum ducem — crinibus aureis lacerantes et diris calcibus opprimentes, funem sibi immittentes in gutture, more furum suspenderunt eundem, tenentes sic eum, usquequo necauerunt; et deinde ipsum in iardeno (horto) inferiori a summo usque deorsum praecipitauerunt. — De Ioanna vero haec subiicit: Velut delicti conscia, facta confusa, usque mane surgere non curauit. — Vultum, carentem lacrimis, ne-

sciebat erigere, quin posset respicere quempiam. Tanta erat confusio sui delicti; et derelicto viro defuncto, ad aliud hospitium statim iuit. Truculentam hanc Andreae caedem, qua lecta vel audita, nemo tam ferrei pectoris est, qui non commoueatur, auctor hic ad 20. Augusti 1345. figit; sed melius alter synchronus anonymus eandem ad 18. Septembris deponit. (a) Supplicium de quibusdam parricidis Bertrandus de Bauclo, montis Caueosi comes, cuius fidei filium Andream Elisabetha discessura commisit, grauissimum fuit. Huic accessit etiam Carolus Dyrhachinus, qui Ioannae propter negatum Calabriae ducatum, vxorio nomine sibi debitum, infensus, Ludouicum per celeres nuncios ad caedem fratris vindicandam inuitauit. (b)

LVI. In Hungariam perlato tristissimae necis nuncio, factus quidem est, vt Turotzianus archidiaconus testatur, (c) *luctus et planctus magnus in toto regno; sed cum primis rex Lodouicus, ultra modum dicendi, vehementi dolore cordis sauciatus, condolens et anxius, coepit cogitare et tractare de vindicta.* Vehementem hunc dolorem et tenerrium in caesum fratrem amorem, dum merita Stephani vaiuodae recenset, exquisitis hisce verbis explicat: (d) „ Ser. D. princeps Andreas, inclitus rex „ Ierusalem et Siciliae, — germanus frater noster „ dulcissimus, adolescens innocens, agnus immacu- „ latus, DEO et S. ecclesiae deuotus, hominibus „ graciosus et placidus ac multis virtutibus reful- „ gens, per acerbae mortis excidium, per occultos „ prodi-

(a) Ap. Schwandt. T. III. p. 680. (b) Hist. Cr. T. IX. p. 390.—410. (c) Chron. P. III. cap. 9. (d) Ex MSS. Wagnerianis.

„ proditores, ausu nefario et detestabili, DEI et
 „ hominum timore postposito, in ipso regno Sici-
 „ liae, in ciuitate Auerſa, quae potius fuiſſet ſub-
 „ uerſa, exſtitit immolatus. — “ Ne ſtatim Ludo-
 uicus in vindictam tanti ſcleris rueret, obicem po-
 ſuerunt bella, quae hoc eodem tempore varia geſ-
 ſit. Nam et cum Bohemis ac ſocero ſuo Carolo
 contra Lithuanos expeditionem ſuſcepit, quam ta-
 men glacies, opinione citius reſoluta, corrupit;
 (a) et Caſimiro contra Bohemos auxilia cum Nico-
 lao Szetſiq miſit ac obſidione Cracouiam liberauit;
 (b) et perfidia Vladislauae, Neliptii rebellis viduae,
 vehementer irritatus, ad illius aliorumque Croata-
 rum pertinaciam edomandam, Stephanum, Boſniae
 banum, exciuit, exercitumque 20. millium ad il-
 las prouincias iuri Hungarico vindicandas infudit:
 (c) et eundem Stephanum, futurum ſuum ſoce-
 rum, ac Nicolaum, totius Sclauoniae banum, ad
 Iadertinos, a Venetis obſeſſos, obſidione liberandos
 properare iuſſit: (d) quibus auro Veneto corruptis,
 ſoli Iadrenſes vim belli ſuſtinere debuerunt, nec a
 Ludouico prius iugo Venetorum liberari potuerunt,
 quam is de caeſo fratre vindictam ſumſiſſet. (e)

A. C. 1346. Lud. 5. Ind. 14. P. 16. A.

LVII. Vt Ludouicus et vicinioreſ Dalmatiae ci-
 uitates a Venetis recuperaret, et indignam fratris
 necem in Neapolitano regno facilius vindicaret;
 cum vicinis Auſtriacis pacem ſub exitum anni ſu-
 perioris inſtaurauit. Eiusdem anni poſtremo die no-

E 3

uis

(a) Chron. P. III. cap. IV. (b) Ibid. cap. V. (c) Ibid.
 cap. VII. (d) An. ap. Schwandt. T. III. p. 669. — 685.
 (e) Hiſt. Cr. T. IX. p. 359. — 388.

uis litteris Iadrenses obseſſos erexit, ac rursus hoc anno 3. Martii seipsum in auxilium illorum cum exercitu venturum promissit: (a) Veneti, de promissis Hungariae regis certiores redditi, castrum illud, quod Itali *bastidam*, Dalmatae *sticatum* appellabant, ad orientem Iadrae constructum, altioribus propugnaculis communiuerunt. Atque haec erat illa munitio fatalis, ad quam omnis Ludouici conatus adhaesit. Anonymus tamen, Iadrensis obsidionis descriptor, praecipuam irritorum conatum causam refundit in Stephanum, Bosniae banum, quem Veneti iam alias experti, facile corrumpi posse, rursus ad easdem artes conuersi, tam illum, quam alios quosdam proceres, quibus iuuenis rex plurimum deferebat, clandestinis colloquiis ac muneribus sibi conciliarunt. Ab his, auro Veneto iam corruptis, rex circumuentus, ac ad reditum accelerandum persuasus, Iadrenses, quorum causam tam generose susceperat, sibi reliquit, ac exercitum, quem 25. Iunii Iadrae propius admouerat, indidem inglorius 3. Iulii reduxit. Ceterum ideo potissimum Venetos diutius nunc premendos non censuit, quod, quum ad vindicandam Andreae caedem bellum Neapolitanum meditaretur; militiae florem hic consumere noluerit, expertus per aliquot dies, ut Turotzianus archidiaconus scribit, (b) *hostes, intra munitionem inclusos, per ictus balistarum magnam stragem in suis edidisse.* — *Et hoc videns rex, non sine magno damno personarum et rerum, cum suo exercitu ad propria reuersus est.* Subinde vero de crudelitate Venetorum, quam in Iadrenses expromserunt,

(a) Ap. Farlat. T. IV. p. 97. Ap. Schwandt, T. III. p. 697. 698. (b) Chron. P. cap. 3.

ferunt, edoctus, *se vindicaturum firmissime proposuit; dum tempus se adhuc offerret.* (a)

LVIII. Antequam Ludouicus expeditionem Italicam, in quam omnes cogitationes conuerterat, aggrediretur; oratoribus ad Clementem VI. missis, de caede fratris Andreae questus, petiit, ut alteri fratri, Stephano, regnum Siciliae conferret. Quia vero pontifex in re tam graui caute procedebat, non illico precibus eius detulit; dilutisque quibusdam eius suspicionibus, cur illius votis subscribere nequiret, causam ita reddidit: (b) „ — Licet „ desideremus tibi et dicto germano tuo, quantum „ cum DEO et rationabiliter possemus, istis praesertim temporibus, quibus vobis, sic dire afflictis, compatimur, complacere; attamen scire „ potes et debes, fili dilectissime, quod hoc facere sine DEI offensa et laesione iustitiae praesentialiter non valemus. Quum enim dicta Ioanna, regina Siciliae, ad quam dictum regnum hereditario et successionis iure peruenit, — — nondum de dicto scelere conuicta sit aut confessa; „ nec iudicialiter dicto regno priuata; — et ob hoc „ nondum sit certum, praedictum regnum ad nos „ et Rom. ecclesiam — deuolutum; videat et prudenter attendat, quaesumus, regia celsitudo, „ quomodo id, quod ipsa regina, tamquam domina, possidet, et quod adhuc nostrum esse non „ apparet, — possimus tibi concedere. — In hoc „ autem fiduciam te volumus habere, quod si dictam reginam de nece praedicta culpabilem reperiri, et ob hoc regnum ipsum ad nos deuolui

E 4

con-

(a) Hist. Cr. T. IX, p. 451.—471. (b) Ap. Rayn. ad an. 1346.

„ contingat; — si vias aliquas aperias, iustitia et
 „ ratione suffultas; eas — fauorabiliter admittemus.
 „ — — Dat. Auinione, II. id Mart. pont. an. IV.“
 In eandem sententiam Elisabethae reginae scripsit;
 — „ Quia sicut alias, *inquit*, scripsisse magnitudini
 „ tuae meminimus, iuris non patitur aequitas, nec
 „ ratio persuadet, quod exsequutio cognitionem
 „ praecedat; mirari non debet tua circumspectio;
 „ — si Ioanna, donec conuicta et condemnata de
 „ iure fuerit, nominetur regina. — — Et quam-
 „ quam modus, quem dicta Ioanna mortis tem-
 „ pore et post mortem dicti Andreae regis, viri
 „ sui, scribitur obseruasse, commendandus procul
 „ dubio non existat; scire tamen debet tua excel-
 „ lentia, quod ecclesia Rom. praedicta, quae veri-
 „ tatem quaerit et iustitiam in omnibus factis suis,
 „ non consuevit, sicut nec debet, praesertim in
 „ tanto casu, ex praesumptionibus iudicare. — Dat,
 „ Auinione, XIV. kal. Aug. an. V.“ Ioanna quo-
 que se purgare conabatur apud Ludouicum, qui
 hoc illi responsum, si Scipioni Muzzellae credimus,
 reddidit: (a) „ Impudica vita, quam iam pridem
 „ duxisti; occupatum regnum, neglecta vindicta,
 „ vir alter susceptus et excusatio subsequens necis
 „ viri tui, probant noxiam te prorsus fuisse: pro-
 „ inde DEVM immortalem scelerum vindicem su-
 „ peresse memineris. Vale.“ Ludouico suum etiam
 auxilium Edwardus, Angliae rex, ad vindicandam
 Andreae caedem obtulit; hoc potissimum vsus ar-
 gumento, quod, si hoc scelus impunitum maneret;
 aliorum quoque regum vita huiusmodi periculis
 exponeretur. (b)

A. C.

(a) Ap. Pandulph. et Pray P. II, p. 74. (b) Hist. Cr. T. IX.
 p. 473—484.

A. C. 1347. Lud. 6. Ind. 15. P. I. A.

LIX, Ludouicus igitur, ardens vindictae studio, bellum quidem Italicum hoc anno iam inchoauit; ipse tamen ad initium vsque sequentis in Hungaria mansit. Nam et litteras, quibus 150. marcas a tribus Hungariae superioris ciuitatibus pendendas, ita partitus est, vt Eperiesienses 54. Sarosienses 53. Cibinienses 43. argenti marcas pendere debeant, (a) dedit *Budae in festo B. Nicolai conf. anno dom. MCCCXLVII.* et mandatum, capitulo Posoniensi de constituendo teste fide digno datum, signauit *in Visegrad quinto die festi epiphaniarum domini, anno eiusdem MCCCXLVIII.* Nihil non egit pontifex, vt ab Italia bellum hoc auerteret. In hunc finem card. Bertrandum Neapolim misit, vt, si Ioanna vel regno cederet, vel mortem obiret; Carolum Martellum, Andreae regis postumum, regni heredem declararet, ac in eius verba Neapolitanos iurare cogeret: tum obuiam Ludouico profectus, ageret, vt iratum ad mitiora consilia flecteret. Sed iam rex, vt Turotzius ex archidiacono perhibet, (b) *Nicolaum, filium Laurentii Thor, qui postea Konth fuit cognominatus, ad tractandum cum magnatibus, comitibus et baronibus illarum partium illuc destinauit: qui in Aquilam, ciuitatem famosam (ad montem Apenninum in Abbrutio) superueniens, cum Lallo, viro prudente, et de morte ipsius regis Andreae multum anxio, capitaneo ipsius ciuitatis, habito tractatu, dominium illius obtinuit; et protracta mora ibidem quam plurimos una cum ipso Lallo ad regis Hungariae obedientiam confortauit et perduxit.*

(a) Ap. Wagn. Dipl. Saroa. p. 213; (b) Chron. P. III. cap. 9.

duxit. Postquam exemplo ciuitatis Aquilae plures ad Hungaros defecissent; Ioanna regina, ne malum latius serperet, Carolum Dyrrhachinum, Mariae, sororis suae, maritum, qui primus Andreae caedem Ludouico nunciauerat, et acerbissimam in parricidas quaestionem exercuerat, in suas partes pelliciendum censuit, quod illius auctoritas magnum in omnem partem momentum allatura videretur. In hunc igitur finem Calabriae ducatum, quem ille dudum vxorio nomine petebat, hucusque negatum, illi promisit. Hoc promisso delinitus, exercitum congregauit, et ciuitatem Aquilam contra Lallum oppugnandam suscepit. Quae res subinde causam illius plurimum afflixit. (a)

A. C. 1348. Lud. 7. Ind. 1. P. 20. A.

LX. Etsi dies et mensis abitus Ludouici regis ex Hungaria nobis incertus sit; non tamen superiore, sed hoc anno, si diplomatibus, quae laudauimus, credimus, iter Italicum iniuit. Si vero scriptorum Italicorum auctoritatem sequi malimus, ut ex iis Praius narrat, (b) per Vtinum, Paduam profectus, anno superiore *Veronam IV. non. Dec. tenuit. Inde, praeterita Ferraria, Mutinam ingressus, — per Bononiam et Ariminum profectus, XX. Decembris in Fulginatam agrum copias traduxit.* Lucius scribit illum venisse (c) *Aquilam die 22. Decembris an. 1247. — Auersam 17. Ian. 1348. Quumque Ioanna mari; Ludouicus autem Tarentinus terra aufugisset; ceteri procures et consanguinei certatim Ludouicum conueniebant, eidemque homagium faciebant:*
qui

(a) Hist. Gr. T. IX. p. 485.—519. (b) Annal. P. II. p. 75.

(c) Libr. IV. cap. XVI. p. 367.

qui omnes ea conditione recepit: „ nisi conscii fraternae caedis essent:“ *consanguineosque ad osculum et mensam admisit. Ad mensam, ut Graulina perhibet, (a) composito repente ad saevitatem vultu, Carolum ferociter intuitus, in haec verba alloquitur:* „ Iniquissime dux Duratii, scias, te in manibus nostris esse. — Dic ergo nobis, dux, quare tractatu tuo — ducis Andreae, nostri germani, coronatio fuit dilata? Unde sequutum est, quod regia sibi potestate sublata, fuit crudeliter interemptus necesse tam vili. — Ecce, quas sigillo tuo litteras tu subscripsisti, licet clam scripseris, in publico te accusant. Item, bene nosti, quod ex testamento — regis Roberti, Maria, sua nepos, quam fraudulentè tibi coniugem sociasti, nostra consors fuerit constituta. — Quia nobis scripseras sub falsa fide tua, nos venire debere in regnum; — quomodo proditorie praesumisti civitatem nostram Aquilae — contra D. Lallum aliosque fideles nostros, de mandato Ioannae, reginae tuae, exercitum congregare! —“ Sic accusatum Carolum, ut chronica Turotziana referunt, (b) *tamquam culpabilem, in Aversa civitate, in domo dicti regis Andreae, in qua tunc habitabat, et fuerat iugulatus et occisus, decollari fecit. Et dictos alios regulos (duos Caroli fratres, Ludouicum et Robertum, Philippum Tarentinum et Ludouici Tarentini fratris filium) in comitatu Caroli pueri, filii praedicti regis Andreae, in Hungariam per certos barones et milites destinavit: — qui deputati fuerunt in castro Visegradiensi custodiendi, et cum magna diligentia et honore, bene et laute,*

(a) Ap. Murat. T. XII. sol. 581. (b) Chron. P. III. cap.

laute, fuerunt conseruati. — Demum idem D. rex Lodouicus, volens redire in Hungariam cum gente copiosa, ibi magnificum et strenuum virum, Stephanum, filium Latzk, vaiuodam Transsiluanum, capitaneum regni; et Wolfardum de Wolfart, Teutonicum, capitaneum in ciuitate Neapolitana, in persona suae maiestatis praefecit, et ad Hungariam remeauit. Lucius ait, (a) propter luem, per Italiam grassantem, — circa finem Maii, triremi conscensa, per Adriaticum in Sclauoniam illum peruenisse, iam prius Clementem VI. interpellauit, vt praeposituram Scepusiensem in episcopatum eueheret; sed hoc consilium ad annum vsque 1776. adhaesit. (b)

A. C. 1349. Lud. 8. Ind. 2. P. 12. A.

LXI. Ludouicus, in Hungariam ex Italia reuersus, duobus legatis ad pontificem missis, eorum, quae hac expeditione gesserat, rationem reddidit, vtque sibi regnum Siciliae confirmaretur, petiit. Pontifex, vt tam graua negotia facilius transigerentur, Guidonem card. in Hungariam misit, (c) *IX. kal. Febr. pont. an. VII.* Sequenti mense Ludouicum per litteras interpellauit, vt captiuos regiae stirpis liberos dimitteret, e quibus Roberto titulum imperatoris Constantinopolitani, quum rem ipsam Ioannes Paleologus haberet, adscribit, *idibus Febr. pont. an. VII.* Eadem die scripsit ad reginam Margaritham, quae hic Ioanna dicitur, vt Ludouicum, virum suum, ad id permoueret. Sed hanc hoc anno decessisse, Benesi chronicon ita testatur: (d)

Anno

(a) Lib. IV. C. XVI, p. 367. (b) Hist. Cr. T. IX. p. 515. — 544. (c) Koller H. E. G. T. III. p. 48. (d) Ap. Dobn. Mon. T. IV. p. 84.

Anno MCCCXLIX. — regina Hungariae, filia Karoli imp. moritur. Scripsit etiam pontifex Stephano, nato clarae mem. Caroli, R. H. duci Transsilvaniae; comiti Ciliae; bano Sclauoniae; vaiuodae Transsilu. palatino Hung. archiepiscopo Strigon. episcopo Quinqueeccles. electo Vespri. Tantam industriam Clemens adhibuit, ut regii captiui libertati restituerentur! Deinde vero, quid ad singula capita querelarum et precum Ludouici respondendum esset, Guidonem card. edocuit. “ Praefato regi, scribit, (a) „ siue velo sumendae ultionis, — siue pro iure, si quod idem rex in eodem regno competere sibi praetenderet, conseruando, intrare honestiliter non licuerat dictum regnum; quum ad nos et eandem ecclesiam, sicut ad superiorem praedicti regni dominum, — huiusmodi ultio pertineret. — — De occisione praefati ducis Duratii turbati merito fueramus; — quum ipse, priuata persona, eundem ducem, in quem iurisdictionem — non habebat, — non auditum, nec confessum, nec alias conuictum, — fecisset occidi. — Dat. Auinione, X. kal. Aprilis pont. anno VII. “ Quum magnam haec Caroli Dyrrhachini caedes inuidiam Ludouico conflasset; post eius abitum, ut Turotzius refert, (b) quidam Neapolitani et ibidem milites Capuani, seditionem concitantes, Wolfardum expulerunt, praedictum capitaneum; et superbia inflati, ad expellendum ipsum Stephanum vaiuodam insurgentes, inter Auersam et Neapolim habito congressu, fortissimum praelium est commissum, in quo, volente DEO ipso, Stephanus vaiuoda cum exercitu D. regis victoriam obtinendo, multos

(a) Ap. Rayn. ad an. 1349. (b) Chron. P. III. cap. 13.

multos comites, barones, milites, nobiles et ciues de Neapoli, aliis interfectis, captiuauit. — Iterum, aliquibus diebus transactis, idem Stephanus vaiuoda ducem Vernerium, capitaneum exercitus Lodouici (Tarentini) cum 500. armatis — captiuauit. Ipse Ludouicus Tarentinus, coactis ingentibus copiis, Stephanum ad Neapolim aggressus, quamuis longe plures — gentes in suo exercitu haberet; — tamen idem Stephanus vaiuoda, — victoriam obtinuit optatam. — Medio autem tempore ipsa Ioanna regina et Lodouico de Tarento, eius marito, in Neapolim redeuntibus, et regnum sibi subiugare nitentibus, ipse Stephanus vaiuoda dictum regem Hung. ad defendendum ipsum regnum suum contra ipsos euocauit. (a)

A. C. 1350. Lud. 9. Ind 3. P. 28. M.

LXII. Ludouicus, quum celeribus auxiliis opus esse videret; inducias cum Venetis in octennium pactus, sine aliqua retardatione, pergit Turotzius, (b) nec expectata exercitus congregatione, cum quibusdam suis baronibus et militibus — in Apuliam transfretauit, et ad portum Manfredoniae applicuit. Ipsam ciuitatem pacifice de consensu communitatis ingressus, Theanum et Barlerum subiugauit; nec non ciuitatem Barii, ubi S. Nicolaus pontifex requiescit, obsidendo obtinuit et intrauit. — Interim autem gentes suae de Hungaria per nauigia ad ipsum confluebant, et exercitus eius nimium multiplicabatur. — — Postmodum rex — castrum Canosii obsedit, et expugnando obtinuit. — Sed ibidem, quum ipse armatus per scalam ascendere festinaret; ictibus

(a) Hist. Cr. T. IX. p. 549. — 599. (b) Chron. P. III. cap.

Ætibus lapidum grauitè percussus, in fossatum est prolapsus. — Postquam deinde Luceriam et Salernum occupasset, ac Auerlam oppugnare coepisset; sagitta balistae in pede fuit letaliter vulneratus, et vix — mortem euasit. Durauit autem obsidio bene per 3. menses. — Qua obsidione durante, victualia in ciuitate defecerunt. — Propter quod soldati, ulterius durare non valentes, ciuitatem una cum castro fortissimo — restitunt. — Tandem — rex bene conualescens, — propter annum iubilaeum, zelo deuotionis accensus, versus Romanam — est profectus. Cui tribunus cum Romanis potioribus per IV. milliaria Gallicana, — obuiam venientes, ad urbem Romanam, cuius plateae pannis pulchre stratae et decoratae fuerant, introduxerunt. — Rex autem quotidie in basilica S. Petri — missam audiebat; — pluribusque diebus cum deuotione sic deductis, rex, auctoritate D. papae absolutus, super altare S. Petri 4000 florenorum auri offerri fecit ac praesentari. Exinde cum suo exercitu per partes Italiae reuertebatur. — Primum in Italiam itinere terrestri profectus, per Adriaticum mare rediuerat. Nunc eodem mari profectus, per continentem in Hungariam reuertit. Familiae de Kolta diploma dedit in urbe Romana, die dominico proximo ante festum B. Michaelis arch. anno dom. MCCCL. Ioannem vero Németh remuneratus est Budae, in festo OO. SS. anno domini MCCCL. Mensis igitur vnus spatio Roma Budam peruenit, vbi primus regum stabilem hoc tempore sedem defigere coepit. (a)

A. C. 1351. Lud. 10. Ind. 4. P. 17. A.

LXIII. *Etsi Hungari semper e praeliis in Italia superiores excesserint; quia tamen eorum vires ipsis victoriis*

(a) Hist. Cr. T. IX. p. 599. — 632.

victoriis sensim accidebantur; nec in Italia sine
 classe Dalmatiaeque possessione bellum continuari
 posse videbatur; Ludouicus, antequam inde re-
 uertisset, totum controuersiae huius arbitrium pon-
 tifici permisit, induciis in Aprilem huius anni san-
 ctis in has leges: (a) „ Vt summus pontifex de
 „ Ioanna cognosceret: si caedis mariti consciam re-
 „ periret; regno priuaret, idque Ludouico adiu-
 „ dicaret: si infonem; eidem relinqueret; regi-
 „ naque 300. millia aureorum pro expensis Ludo-
 „ uico solueret; consanguineique e carcere rela-
 „ xarentur.“ Quum tempore harum induciarum
 Clemens VI. actionem in Ioannam instituisset, et
 maiorem eidem inuidiam, extracta lite, conflandam
 esse comperisset; infonem illam pronunciauit. Lu-
 douicus, licet dolore fraternae caedis adhuc fau-
 cius, huic pontificis sententiae non tantum ac-
 quieuit; sed etiam suos ad Clementem oratores
 cum plena potestate pacis conficiendae misit, (b)
*Dat. Budae, XI. die mensis Octobris, anno dom.
 MCCCLI.* Ludouicum regiam suam ante hunc
 annum Budam transtulisse, diplomata, quinquen-
 nio prius Budae plerumque confecta, docent. Quo-
 minus tolerari potest sententia Timonis, hanc re-
 giae mutationem ad annum 1355. differentis. Cer-
 te iam hoc anno Budae sua diplomata dedit ciui-
 bus Eperiesinensibus, *feria II. prox. post dom. pal-*
marum: pro sanctimomialibus Varadiensibus, *sabba-*
to prox. post octauas ascensionis; ad Iaszouensem con-
 uentum, *sabbato prox. ante festum assumptionis virginis*
gloriosae; ad Nicolaum palatinum, *eadem die*; pro
 Thatamerii donatione, *in festo B. Michaelis arch.* pro
 suis

(a) Ap. Rayn. et Luc. p. m. 367. (b) Ap. Rayn. et Pray
 Ann. P. II. p. 89.

luis ad Clementem oratoribus, ut vidimus, *XI. die mensis Octobris*. Indidem etiam *Stephanus, dux Transilvanus* in fauorem Coronensis decani dedit *in die S. Lucae euang.* Mense Iulio nullum diploma vel Budae, vel extra Budam datum occurrit, quod fortasse tunc bellum Ludouicus cum Lithuanis gesserit, cuius Ioannes archidiaconus ita meminit: (a) *Contra Lithuanos, Christianis et maxime regno suo Rusciae insultantes personaliter cum exercitu copioso et militia sua propria, nec non aliis nationibus, ad eum confluentibus, proficiscens, terris ipsorum, seu tenutis, in magna parte deuastatis, duce eorum capto, sed in continenti, sibi promissionem de fidelitate et obedientia faciente, liberato, feliciter ad Hungariam est reuersus.* Russiam synchronus hic scriptor Hungarici; Dlugossus, fere sesqui seculo hinc remotus, Polonici iuris esse dicit; vtri plus credendum sit, sana critice docet. (b)

LXIV. Ludouicus, precibus Hungarorum, bello Neapolitano de se tam bene meritorum, permotus, singulares illas Hungaricae gentis praerogatiuas, quas Andreas II. anno 1222. concesserat, nouo diplomate confirmauit, votaue suorum non tantum expleturus, sed etiam superaturus, proceribus in consilium aduocatis, Andreae decreto 25. nouos articulos adiecit, hoc ordine: *Artic. I.* Ecclesiastici viri, pendente lite, contra nobiles per censuras ecclesiasticas procedere non possint. *II.* Archidiaconi pro funere interfecti nihil exigant. *III.* Conuentus minuti ab emanatione litterarum, factum possessio-

(a) Chron. P. III. cap. 29. (b) Hist. Cr. T. X. p. 1.—

possessionum tangentium, cessent. *IV.* De lucro camerae instituto. *V.* De exemptis a solutione lucri camerae. *VI.* De nonarum solutione et exactio-
 ne. *VII.* De litterarum redemptione, super posses-
 sionibus donatis, in cancellaria. *VIII.* De tributis iniustis, super siccis terris non exigendis. *IX.* De conuictis in iudicio per iudicem captiuandis et in-
 fra triduum causa pacis conseruandis. *X.* Filii, fratres, proximi, sorores et vxores condemnato-
 rum pro horum excessibus non debent aggrauari. *XI.* Nobiles regni vna et eadem libertate gaudeant. *XII.* Nobiles inter fluuios Drauae, Sauae ac de Posega et de Valko a solutione marturinarum exempti habeantur. *XIII.* Nobilium possessiones, in quibus minerae reperiuntur, rex absque aequiualentibus possessionibus non auferat. *XIV.* Regium nomen super factis possessionum donatarum litigio-
 nariae quaestioni non immisceatur. *XV.* Nobiles ad loca tributorum ire non compellantur. *XVI.* Coloni violenter non abducantur. *XVII.* Nobiles tempore nuptiarum ad solutionem vnus marcae in locis tributorum non cogantur. *XVIII.* Coloni pro pristinis excessibus non possint arestari; si migrare velint. *XIX.* Filius pro excessibus patris non puniatur. *XX.* Ecclesiastici viri cum tribus litteris inquisitoriis possessiones acquirere non possint. *XXI.* De testimoniis capitulorum et conuentuum et de salariis eorundem. *XXII.* Regius homo fieri non possit; nisi de eodem comitatu, in quo fit exse-
 quutio. *XXIII.* Inquisitiones non possint aliter fieri, nisi nobilibus simul congregatis. *XXIV.* Pro iudicio pacis tres marcae exigantur, et non plus. *XXV.* Vniuersae causae in facto possessionum absque dilatione in tertio termino terminentur.— *A. D. MCCCLI. III. id. Dec. regni X.* Subscripti sunt:
 Nicolaus

Nicolatus *Strigon.* Fr. Dionysius archiel. *Coloc.* Nicolaus *Agr.* Demetrius *Varad.* Andreas *Trans.* Colomianus *Laur.* Nicolaus *Quinqueeccles.* Michael *Vac.* Ioannes *Vesprim.* Thomas *Chanad.* FF. Thomas *Serem.* Pelegrinus *Bosn.* Stephanus *Nitr.* Nicolaus *pala-*
tinus. Nicolaus, F. Laurentii, *vaiuoda Trans.* C. Thomas *iud. curiae;* Stephanus *banus totius Sclau. et*
Croat. Dominicus *banus de Machow;* Nicolaus *banus*
a Zewrino. — (a)

A. C. 1352. Lud. II. Ind. 5. P. 8. A.

LXV. Quum Andreas II. art. VII. decreuerit, ne *seruientes extra regnum* regem ad bellum sequi teneantur, *nisi pro pecunia ipsius;* nunc autem et extra regnum iuerint, et regi pecuniam ad bellum obtulerint; ne liberale hoc eorum factum in exemplum traheretur; confirmationem decreti huius et articuli petierunt ac obtinuerunt. Impetrarunt etiam abrogationem articuli IV. ne quis, herede masculino destitutus, ecclesiis bona sua legare possit, ut inter fratres et cognatos proximos ea diuidantur. Nihil tamen propterea Ludouicus a solita pias in causas liberalitate remisit, qui condito hoc anno pro Paullinis Noztrensi claustro tanta munificentia prouidit, ut ab ordinis praeside rogari debuerit, ut liberalitati modum poneret. (b) Interea contro-
uersia Neapolitana finem accepit, et Ludouicus, ne Ioannae bellum auri cupiditate potius, quam studio vindicandae fraternae necis intulisse videretur, pacta 300. millia numum aureorum remisit. Hac insperatae beneficentiae magnitudine, quae multorum subinde calamis celebrabatur, attonitus Clemens

F 2

VI.

(a) Ibid. p. 241—53. (b) *Annal. ord. Turotz.* P. III.

VI. conciliatum praeter omnium opinionem foedus Ioannae Ludouicoque Tarentino gratulabatur, *kalendis Febr. anno X.* Quare Ioannes archidiac. non Innocentium VI. qui nonnisi 18. Decembris electus est; sed Clementem VI. qui prouixit ad VI. Decembris huius anni, nominare debebat, quum pacem compositam ita describit: (a) *Quum autem fere tribus annis Andreas vaiuoda, capitaneus regni generalis, Nicolaus Drugeth — cum aliis militibus — in partibus illis remansissent, ac gentes Lodouici (Tarentini) saepius debellassent; — D. papa Innocentius (Clemens) — per nuncios sollemnes viros pro liberatione dictorum regulorum — salutaribus monitis institit apud regem, ut gentem suam de regno illo reuocaret. Ad cuius instantiam, tamquam deuotus et obediens filius, ipsum regnum, nec non castra, ciuitates, munitiones et terras, quas tenebat, per suos ambasiatores — ad manus papae assignauit; iure tamen suo in regno, sibi competenti, saluo reseruato. Regulos etiam praedictos, quos in castro Vise radiensi tenebat, liberauit, et usque Venetias cum securo conductu honorifice destinauit, ad propria remeantes. (b)*

A. C. 1353. Lud. 12. Ind. 6. P. 24. M.

LXVI.. Opportunus erat Andreae vaiuodae reditus in Transsiluaniam, cui Tartarorum gens imminabat. Vt eorum rabiem procul a regno Ludouicus amoliretur; Andream extra regni limites hosti cum 40. millibus equitum occurrere iussit. *Qui terram, inquit Turotzius, (c) in qua habitabant, potenter subintrantes, cum principe eorum, nomine Athlamos ad resistendum eisdem cum magno exercitu in campo obuiantes, debellauit, et ipsum principem*
eorum

(a) Chron. P. III. cap. 25. (b) Hist. Cr. T. X. p. 53. — 63.

(c) Chron. P. III. cap. 6.

eorum decapitavit, et multa banderia et captivos regiae maiestati in Visegrad transmisit. Expeditionem hanc Dlugoffus ad hunc annum ita narrat: (a) Tartari, magna glomerati multitudine, — terram Podoliae, regno Poloniae subiectam, varia caede et spoliis vastarunt. Poterat iam hanc terram Poloniae subiectam dicere; postquam Ludouicus Casimiro hac conditione Russiam cessit: (b) „ Si rex Poloniae „ prolem masculinam susceperit; tunc filius regis, „ acceptis 100. millibus flor. Hung. regi cedere „ Russia tenebitur: sin vero Casimirus absque masculina prole decesserit; regnum Russiae, ita quemadmodum et Poloniae, deuoluetur, secundum „ priora pacta, ad regem Hung. Dat. Budae, infra octauas festi paschae, A. D. MCCCLIII. “ Quum anno superiore Ludouicus amicitiam cum Casimiro hac ratione confirmasset; hoc anno cum Carolo IV. primo socero suo, Viennae, tum Pragae, mense Martio conuenit, factisque quibusdam commutationibus, suis in Swidnicensem et laurensem ducatum iuribus, quae fortasse titulo dotis habebat, renunciavit. Viduus iam in quintum annum, secundis nuptiis Elisabetham, Stephani, Bosniae bani, filiam, sibi copulauit. Id factum du Fresne refert (c) ad an. 1357. melius tamen Dlugoffus ad hunc an. 1353. quum Innocentius VI. in suis litteris, ad sorores S. Clarae de Veteri Buda *pridie kal. Sept. anno pont. i.* datis, (d) ita scribat: „ Sicut ex parte „ — Ludouici regis, et — Elisabethae matris et „ Elisabethae, *consortis regis eiusdem*, reginarum „ Hung. illustrium, nuper accepimus. — “ Errat
F 3 igitur

(a) Libr. IX. col. 1096. (b) Ap. Sommersb. T. II. MSS. Dipl. p. 81. (c) Illyr. V. et N. p. 119. (d) Ap. Wadding. ad an. 1353.

igitur etiam Car. Andr. Belius, qui has nuptias defigit ad an. 1363. (a) Nec minus etiam errant illi, qui Stephani, Ludouici fratris, obitum ad hunc annum deponunt. Hunc Kerchelichius regendam a Ludouico Dalmatiam, Croatiam et Sclauoniam accepisse vult anno 1350. (b) Sed illum errare discimus ex hoc eius diplomate: (c) „ Nos Stephanus, „ D. gr. totius Sclauoniae, Croatiae et Dalm. dux. „ — Feria III. prox. post festum corporis Christi, „ anno inc. eiusd. MCCCLIII. de Graecensi ciuitate, loco mansionis nostrae, — progrediendo — „ — — Dat. — IV. kal. mensis Iunii — *ducatus* „ *nostri anno primo.*“ Nuptias is cum Margarita, Ludouici Bauari, Rom. regis, filia, celebrauit anno 1350. ex quo Ioannem et Elisabetham, Alberto III. Austriae duci, desponsam, sustulit. (d)

A. C. 1354. Lud. 13. Ind. 7. P. 13. A.

LXVII. Stephanum ducem anno superiore nondum obiisse, certissimum est ex eo Ludouici diplomate, quo Belae IV. donationem, ecclesiae Zagrabienſi factam, confirmauit; sic enim illic loquitur: (e) „ — De consensu et beneplacita voluntate excellentissimae principissae, D. Elisabeth, genitricis, ac *Stephani ducis*, fratris, nostrorum carissimorum; nec non de consilio praelatorum et baronum regni nostri. — In cuius confirmationis testimonium — praesentes concessimus litteras nostras priuilegiales, duplicis sigilli nostri *noui* et authenticici munimine roboratas“ (*nihil tamen et penitus*

(a) Comm. de Maria p. 7. (b) Hist. Eccl. Zag. p. 132.
 (c) Not. Praelim. p. 147. (d) Hist. Cr. T. X. p. 70.—90.
 (e) Ap. Kerchel. H. E. Z. p. 332.

penitus de appensione trium sigillorum, paterni unius videlicet demactati, et alterius in Transalpinis perditum, tertii quoque nostri, *Wzura casualiter amissi, in hac parte aduertentes*) „ Dat. per manus RR. D. „ Nicolai, arch. Strigon. summi canc. nostri, XV. „ kal. Iunii, anno dom. MCCCLIV. regni autem „ nostri an. XIII. Ven. in C. PP. DD. Nicolao arch. „ Strig. et Fr. Dionysio archipostulato Coloc. — — „ vt an. 1551. nisi quod hic *Gregorius Chanad. Nicolaus Zagrab. Stephanus vaiuoda Transsiluanus*, legantur. E. suo videtur ea Kerchelichius addidisse, quae de sigillis interiiciuntur. Bellum enim in Vzura vel Bosnia gestum non est ante an. 1359. Neque Nicolaus Konth, a quo gestum illud fuit, palatinus erat ante 1356. annum; neque Nicolaus ille, qui sigillum amisit, archiepiscopus, vt postea videbimus. Ad hunc tamen annum referri potest expeditio, quam Ludouicus contra Stephanum Duscianum, Rasciae regulum, qui titulum imperatoris vsurpabat, suscepit. Huius enim disertam mentionem facit Nicolaus Drugeth, iudex curiae, his verbis: (a) — „ ad praesentes quindenae residentiae „ exercitus regii, *versus Rasciam moti.*“ — Quod quidem testimonium anno sequenti datum est; quia tamen Turotzius ait: (b) *saepius contra Rachenos et Moldauos* — mouit exercitum; et maxime circa regnum *Rachiae Dominicus, filius Oslo, banus de Macho*; bellum, quod hic Dominicus gessit, vltra hunc annum, post quem Nicolaum Gara successorem in munere bani Machouiensis accepit, differri non potest. Ad hunc item annum Praius ex Matthaeo Villano refert alteram ipsius regis in Tartaros expeditionem

F 4

peditionem

(a) Ap. Koller H. E. G. T. III. p. 75. (b) Chron. P. III. cap. 39.

péditionem cum 200. equitum millibus, cuius aduentu perculsus Tartarorum princeps, impetrata securitate publica, cum primoribus suae gentis ad Ludouicum venit, eidemque clientelam ac annua tributa pollicitus, euangelii praecones, a quibus Christi religionem ediscere cum suis possit, flagitavit. *Quia vere loqui videbatur*, inquit Villanus, (a) *facile fidem Ludouicus habuit, iētisque publico ritu foederibus, Tartaros in clientelam recepit.* (b)

A. C. 1355. Lud. 14. Ind. 8. P. 5. A.

LXVIII. Quum Ludouicus Polonos in expeditione Tartarica socios habuerit; Casimiro dilationem debiti soluendi, quod ob Russiam rubram, Poloniae regno tantisper adiunctam, contraxerat, concessit, amplioraque, quam alias consueuerit, subsidia contra Lithuanos addixit, (c) *Budae 24. die mensis Ian. anno dom. 1355.* Tertio post mense, legatis in Poloniam missis, pactionem, olim inter Carolum et Casimirum initam, de successione filiorum illius in regnum Poloniae, si hic sine prole mascula decederet, confirmauit, *in vigilia SS. Philippi et Iacobi apost. anno dom. MCCCLV.* Pactis illis per legatos iureiurando firmatis, Poloni quoque suos in Hungariam legatos miserunt, ad quorum preces Ludouicus regni Poloniae libertates se factas tectasque conseruaturum, edito diplomate, promisit, (d) *Budae, XXIV. mensis Ian. anno dom. MCCCLV.* Liqueat ex utroque diplomate, Stephanum ducem, quum ea conficerentur, iam ob-

iisse

(a) Ap. Murat. T. XIV. L. IV. C. V. (b) Hist. Cr. T. X. p. 95.—105. (c) Ap. Dogiel Cod. Dipl. T. L p. 37. 38. 39. (d) Ap. Dlogof. Libr. IX. col. 1101.

ſſe. Sic enim legati loquuntur: „ Dominis An-
 „ drea et Stephano ſublatis de hac vita, inter vos
 „ et praelibatum D. regem (*Ludouicum*) ac inclitum
 „ principem D. Ioannem, ducem totius Sclau. Croat.
 „ et Dalmatiae, ſupradicti D. Stephani ducis filium. —“
 De hoc autem Ludouicus, nulla patris eius iam
 defuncti mentione tacta, haec ſuis litteris inferit:
 „ Si, quod abſit, nos, aut D. Ioannem, nepotem
 „ noſtrum, ducem, absque herede masculini ſexus
 „ decedere contingat; ex tunc omnia pacta — an-
 „ nihilentur. —“ Quare certum eſt, Stephanum
 ducem ante Maium huius anni deceſſiſſe, quem
 anno ſuperiore 18. Maii ſuperſtitem adhuc vidimus.
 Quum autem idem Stephanus Zagrabiam ingreſſus
 ſit anno 1353. menſe Maio; monumentum autem
 Kerchelichianum teſtetur, (a) Zagrabiae tunc Ste-
 phanum fuiſſe, quum Ioannes illi natus eſt; hic
 nunc plus, quam bimulus, eſſe non poterat. Lu-
 douicus interea, habitatione decennio circiter prius
 Budae iam deſixa, controuerſiam, inter Veteris Bu-
 dae praepoſitum et nouae Budae caſtellanum ex-
 ortam, communi cum Eliſabetha matre conſilio,
 diremit, (b) *anno dom. MCCCLV. VII. kal. Sept.*
regni XV. Ex hoc diplomate patet, caſtrum illud,
 quod a praepoſito Budenſi conditum dicitur, non
 illud, in quo regia conſedit, fuiſſe, ſed paullo ſu-
 pra Budam veterem, qua ſcilicet ad Albae MARIAE
 templum ibatur, ſtetiſſe, quae pars deinde *regina-*
lis ciuitas a Ludouico dicta fuit. Indidem patet,
 non Geiſam I. vt Turotzius ſcribit, (c) eccleſiae Bu-
 denſi conſtituiſſe — *tres villas in Sinnigio*, ſed Ludo-
 uicum cuiusque matrem Eliſabetham in redemptionem
 illius

(a) Ap. Kerchel. H. E. Z. p. 132. (b) MSS. Heuenes. DD.
 p. 49. (c) Chron. P. II. cap. 53.

illius castelli, pro quo reginarum castellani marcam auri praeposito quotannis pendere debebant, illas villas, quae dimidio plus inferebant, attribuisse. (a)

A. C. 1356. Lud. 15. Ind. 9. P. 24. A.

LXIX. Quum iam Ludouicus ad bellum, Venetis inferendum, animum obfirmasset; vt plures armorum socios aduersus illos sibi conciliaret, vetera cum Austriacis foedera, saepius instaurata, rursus innouauit. Primum autem Rasciis arma voluit inferre, tum vt illud *regnum ad fidem Christianam et sanctae matris ecclesiae unitatem, obedientiam, reuerentiam debitam et honorem*, tum vt *ad ius suum trahere et traducere posset*, vt ipse loquitur. (b) Innocentius VI. generosa piaque hac regis voluntate nimium delectatus, eundem in publico cardinalium consessu *signiferum ecclesiae* nominauit. Mirum videri potest, cur post proposita tam firma Ludouicus arma non in Rascios, sed in Venetos conuerterit. Causam mutati consilii Praius e Venetis scriptoribus eam reddit, (c) quod *Veneti Rasciis —, quicquid virium in promptu fuit, in suppetias miserint*. Ludouicus igitur hos prius, contra quos alioqui bellum iam dudum coquebat, aggressus, eorum rationes vehementer conturbauit. — *Innocentius, qui tanto maiorem dolorem ex conuersis in Venetos armis percepit, quanto solidiore gaudio prius ob bellum, schismaticis indictum, affectus est, grauissimas ad Ludouicum litteras dedit, quibus frustratam orbis Christiani spem, quam de domandis schismaticis et ad ecclesiam reducendis praeceperat, vehe-*

(a) Hist. Cr. T. X. p. 106. — 146. (b) Ap. Rayn. ad an. 1356.
(c) Annal. R. H. P. II. p. 103.

vehementer queritur, IV. non. Iul. anno IV. Sed, antequam has litteras Bonioannes, antea Bosnensis, nunc Firmanus antistes, ad Ludouicum detulisset; longius ille progressus, copiis in plures partes diuisis, Venetos multiplici bello pressit, eorumque vires distraxit. Aliis enim ad maritimas Dalmatiae ciuitates oppugnandas relictis, ipse cum 100. fere millibus per Istriam in Forum Iulii penetravit. Quum, inquit Turotzius, (a) rex principatus, tenutas et dominia regni sui, sacrae coronae subdita, vellet conseruare, et usurpata ad statum pristinum reuocare; inclitum principem Andream de Dandolo, ducem Venetiarum per ambasiatores sollemnes, litterasque et nuncios speciales, pluries, ut zelator pacis, requisuit et monuit „ ad restituendum sibi et „ sacrae coronae regnum Dalmatiae et ciuitates „ maritimas, in toto occupatum et detentas. Quae quidem dux et domini Venetiarum negarunt, — et resistere decreuerunt regiae maiestati. Super quo facto rex cum suis vicinis, consiliariis, principibus, regnicolis, marchionibus et ducibus, contra ducem Venetiarumque communitatem de tali iniuria grauiter est conquestus, ne videretur eos indebite et iniuste impugnare: ad vindicandumque et propugnandum iniuriam, sibi et regno illatam, cum valida potentia pro recuperandis iuribus regni sui, per ipsos a multo tempore occupatis, versus Italiam contra ducem Venetiarum cum propria gente sua, nec non comitibus militibus Teutonicis, extraneis ipsi fauentibus et auxilium praestantibus; quos, praecipue Teutonicos, idiomatis eorum conscius, multum diligebat, et eisdem de stipendiis ac donariis largiflue prouidebat, ex eoque ad ipsum libenter consuebant, eique

(a) Chron. P. III. cap. 26. 27.

eique fidelia seruitia exhibebant, personaliter est profectus; et per terras ac tenutas Venetorum, circa castrum Serawal transiens, Coniglanum obtinuit; et abhinc in ciuitatem Teruisii veniens, ipsam obsedit. Quum Ludouicus, relicta parte copiarum ad Iadram obsidendam, istuc irrupit; non aliud spectauit, quam, ut, captis istis urbibus, Venetos ad restituendam Dalmatiam, quam, classe destitutus, aliter obtinere non poterat, adigeret. Licet autem Dalmatiam in manibus fere iam habuerit; exhortationibus tamen Petri Thomasi, Pactensis episcopi, quem pontifex ad illum destinauerat, permotus, ad eam Venetis remittendam ac aeternam pacem inuendam paratus erat; (a) si Veneti, causa amicitiae, tantum quolibet anno unum equum album regi praesentarent. Domum rediturus, Thomam obsidioni Taruisii praefecit. (b)

A. C. 1357. Lud. 16. Ind. 10. P. 9. A.

LXX. Quum Veneti nullis Petri Thomasi precibus ad leuem illam pacis conditionem admittendam induci potuissent, quinque mensium induciis tunc ad Martium vsque huius anni confectis et iam elapsis, bellum cum Venetis instauratum est, cui prosequendo Ludouicus, teste Turotzio, (c) primum quidem Nicolaum Konth, regni Hung. palatinum, deinde Thomam, tum Benedictum, denique rursus Thomam praefecit, qui viriliter ac potenter castra et terras acquisitas sub dominio regis conseruauit tamdiu, donec, expugnata et recuperata fuit ciuitas Iadrensis: quod Cortusius factum ait (d) die XVII. Septembris. Prius igitur Spalatum et Tragurium

(a) Aët. SS. Vng. Sem. I. p. 100. (b) Hist. Cr. T. X. p. 147.—181. (c) Chron. P. III. cap. 28. (d) Libr. II. cap. X.

rium, illud 8. hoc 9. Iulii, 1357. Ludouico se dederunt, vt Acutheanae tabulae referunt. (a) Quum enim Veneti, sera poenitudinis tacti, quod Ludouicum, a Petro Thomasio sibi conciliatum, leuissima conditione reiecta, magis irritassent; legatos ad eum destinassent, per quos, ad illum facilius placandum, Spalaturn et Tragurium obtulerunt; hae ciuitates, deditione sponte facta, maluerunt regis gratiam occupare, quam a Venetis quaestum de se fieri. (b) Postquam Ioannes banus has ciuitates recepisset, ad Nonam, quae portas clauferat, oppugnandam profectus, Sibenicensibus, ultro seudentibus, priuilegia confirmauit, (c) *Dat. in obsidione ciuitatis Nonae, die XIV. mensis Decembris, anno don. MCCCLVII.* „Nona, fame coacta, deditionem et ipsa tandem fecit. (d)

A. C. 1358. Lud. 17. Ind. 11. P. 1. A.

LXXI. Veneti, tot urbium maritimarum deditione permoti, veritique, ne cum Dalmatia Taruisium quoque cum aditis locis amittant; pacem virgendam, et quamcumque duris conditionibus emendicandam censuerunt. Legatis igitur anno superiore 28. Nouembris ad Ludouicum Iadram missis, pacis tandem tabulae hoc anno 25. Februarii signatae sunt a Ioanne Delfino, duce Venetiarum.— „Renunciamus, *inquit ille*, (e) de facto in manibus supra scripti regis, suo et suorum successorum nomine, toti Dalmatiae, a medietate scilicet Guarnarii (*Golfo di Quarner ad Orientales Istriae*) „*limites*

(a) Ap. Schwendt. T. III. p. 657. (b) Villan. L. VII. cap. 82. (c) Ap. Luc. L. IV. cap. 17. (d) Hist. Cr. T. X. p. 181. 7210. (e) Ap. Luc. L. IV. cap. 17.

„ *limites*) vsque ad confines Duracii, omnibus ci-
 „ uitatibus, terris, castris, insulis, portubus et
 „ iuribus, quae habuissimus — in eisdem quoquo
 „ modo; et specialiter ciuitatibus *Nonae, Iadrae,*
 „ *Scardonae, Sibenici, Tragurii, Spalati et Ragusi,*
 „ in terra firma existentibus; item ciuitatibus et
 „ terris adiacentibus, videlicet *Cherso, Veglia, Ar-*
 „ *bo, Pago, Brachiae, Lesinae, Curfulae,* cum in-
 „ sulis earumdem, cum omnibus pertinentiis et
 „ vtilitatibus earumdem, ac titulis Dalmatiae,
 „ Croatiae, quibus vti consueueramus. — — Et
 „ versa vice, ipse D. rex — promisit, quod omnes
 „ terras — in partibus Taruisii et Cenitae ac Istriae —
 „ faciet tradi, restitui — — Quodsi partium aliqua
 „ huic — paci niteretur contraire; — ex tunc pars
 „ altera id sedi apost. intimare debeat; et D. papa
 „ — velit intra spatium vnus mensis, simpliciter
 „ et de plano, — ad obseruationem dictae disposi-
 „ tionis — adstringere, censura ecclesiastica median-
 „ te. — — “ Ioannes archidiaconus violatae pacis
 ita Venetos accusat: (a) *Cuius regni Dalmatiae et*
ciuitatum pleno regimine consequuto, rex — castra
et tenutas, quas tenebat ipsis restituit; sub pacto
iuramenti per ducem et consiliarios Venetorum: „quod
 „ neminem in terris eis, per regem restitutis, offen-
 „ derent pro fidelitate regis, vel punirent. “ *Sed*
tamen postea ipsi Veneti — potiores terrarum ipsa-
rum, specialiter vero de Coneglano decapitauerunt.
 Ludouicus, Dalmatia hac arte recuperata, Iadrensis
 Traguriensibus, Spalatenibus aliisque ciuitatibus partim
 antiqua priuilegia confirmauit, partim noua con-
 cessit, (b)

A. C.

 (a) Chron. P. III. cap. 28. (b) Hist. Crit. T. IX. p. 211.

A. C. 1359. Lud. 18. Ind. 12. P. 21. A.

LXXII. Ludouicus, bello Veneto perfunctus totaque Dalmatia potitus, expeditionem, quam ante hoc bellum in Rasciam meditabatur, suscepisse non legitur, ideo fortasse, quod Stephanus Duscianus, in quem tunc arma parabantur, teste du Fresne, (a) *febre correptus, obiit 18. Decembris, anno 1356.* quando iam bellum cum Venetis feruebat. Nec illius filius et successor Vrosius ullum cum Hungaris bellum gessisse legitur. In Bosniam tamen susceptam expeditionem ad hunc annum patrii scriptores defigunt, quam ita Turotzius ex archidiacono describit: (b) *Item ad terram Boznæ, similiter regiae coronae subiectam, ad conterendam proteruiam quorundam rebellantium, magnificum virum; Nicolaum Konth, palatinum regni sui, et ven. in C. P. D. Nicolaum, archiep. Strigon. cum quibusdam aliis baronibus et militibus regni sui, cum magno exercitu destinauit: qui intrantes, castrum Zrench (Strebarnick, Argentinam) obsederunt; sed minime capere potuerunt; ac cum magno damno personarum et rerum discesserunt. In quo quidem exercitu quadam nocte de tentorio eiusdem D. archiepiscopi cancellarii sigillum D. regis duplex authenticum per quosdam filios Belial furtive est subtractum. — De quo tamen facto, ex fortuito euentu accidente, rex minime curauit, aliud sigillum authenticum praeparari faciendo, et eidem D. archiepiscopo cancellario assignando: sub quo sigillo omnia priuilegia seu litteras, cum alio sigillo deperdito emanatas, confirmauit. Causam belli huius sexto post anno Ludouicus innuit, quum ait, ad extirpandos de Bosnia haereticos ex una parte*

(a) Illyr. V. et N. p. 62, (b) Chron. P. III. cap. 33.

parte se personaliter profectum fuisse. Bellum istud ante hunc annum geri non potuit, neque post annum 1364. quo Ludouicus eundem fuisse Strigoniensem archiepiscopum asserit, cui sigillum regis surreptum fuit; iam autem ille Nicolaus archiepiscopus, qui hanc iacturam fecit, sub exitum anni superioris tantum postulatus Strigoniensis, hoc tandem anno praecise dicitur archiepiscopus Strigoniensis, alio Nicolao, qui cancellarius non erat, anno superiore mortuo. Collegae huius archiepiscopi, Ludouici litteris, quas in fauorem sanctimonialium Varadiensium VII. kal. Oct. dedit, ita subscripti leguntur: (a) Nicolaus Strigon. Thomas Coloc. Vgolinus Spalat. Nicolaus Iadren. Elias Ragusinus, archiepiscopi; Nicolaus Agr. Demetrius Varad. Dominicus Transsilu. Nicolaus Quinqueecl. Colomanus Iaur. Gregorius Chanad. el. confirm. Michael Vacien. Ladislaus Vespri. Petrus Bosn. Stephanus Zagr. FF. Stephanus Nitr. Thomas Sirm. Ioannes Tinin. Bartholomaeus Tragur. Demetrius Non. Stephan. Faren. Valentinus Macar. Matthaeus Sibinic. Michael Scardon. Portina Segn. Ladislaus Corbau. — Nicolaus Konth palat. Andreas vaiuoda Transsilu. C. Nicolaus, filius Vgrini, iudex curiae; Leustachius Sclauoniae; Nicolaus de Machow; Nicolaus de Zeech, totius Dalm. et Croat. bani. — Tantis episcopatibus ditio Ludouici regis aucta fuit. Nicolaum, Strigoniensem archiepiscopum, hoc anno synodum celebrasse, Petrus, Neogradiensis archidiaconus, testatur, (b) 3. Jul. 1359. (c)

A. C.

(a) Ap. Ganotz. Ep. Var. P. I. p. 202. (b) Ap. Péterf. Cons. P. I. p. 171. (c) Hist. Cr. T. X. p. 249.—259.

A. C. 1360. Lud. 19. Ind. 13. P. 5. A.

LXXIII. Vt Ludouicus bellum in Bosnia tuenda religionis causa gessit, ita plures in Italiam expeditiones tuendorum ecclesiae iurium causa suscepit. Belli causam Ludouicique studium in ecclesiam Romanam ex his Innocentii VI. litteris, ad eum *VI. Maii pont. an. VIII.* datis, intelligere possumus: (a) „ — Ad notitiam celsitudinis perdu-
 „ cto, qualiter ciuitatem Bononiensem, ad nos et
 „ Rom. ecclesiam pleno iure spectantem, Bernabos
 „ de Vicecomitibus, miles Mediolanensis, manu
 „ armata, hostiliter oppugnare — conabatur; tu,
 „ eiusdem ecclesiae, matris tuae, negotia, tua re-
 „ putans, — Ioannem, praepositum Colocensem, —
 „ cum tuis litteris destinare ad ipsius Bernabonis
 „ praesentiam curauisti; — significans, ipsumque
 „ requirens, quod ipse ab obsidione terrarum ec-
 „ clesiae — cessaret, alioquin tu, tamquam prin-
 „ ceps catholicus, — tolerare nequies, ecclesiam
 „ ipsam in suis iuribus impugnari. — “ Et ille
 quidem regis monitioni se delaturum et exercitum
 ab urbis obsidione reuocaturum promisit; sed quia
 promissis non stetit; Ludouicus idemtidem copias
 armatas aduersus illum in Italiam misit, vt Ioannes
 archidiaconus in haec verba memoriae prodidit:
 (b) *Item ad instantiam summorum pontificum Rom.*
Innocentii, Gregorii et Urbani V. beatae mem. pri-
ma vice Nicolaum, filium Latzk, qui multas ciui-
tates, oppida et castella ad obedientiam S. R. E. re-
duxit; — et post eum Simonem; filium Mauriti,
qui nihil profecit; — subsequenter — Petrum banum,
tempore

(a) Ap. Rayn. ad an. 1360. (b) Chron. P. III. cap. 31.
 Epit. Chron. P. II. G

tempore D. Urbani PP. in defensionem ciuitatis Bononien. contra Barnabonem et Galeacium, dominos Mediolanenses, eandem ciuitatem impugnantes, destinavit. Et idem Petrus banus ciuitatem eandem pro D. papa retinuit et defensauit. Ludouicus, qui foris res ecclesiae tanto studio defendit; easdem domi non minore cura complexus, earum iura partim vetera confirmabat, partim noua conferebat. Regis ad exemplum alii quoque proceres in res sacras liberales erant; et Colomanus quidem, Iaur. episcopus, Sabariae Minoritis; Nicolaus Konth, palatinus, Tſatkae Paullinis; Theodorus Keriäteuich, dux Munkatsiensis, Basilitis coenobium erexit. Praeterea Ludouicus academiae Quinqueecclesiensi hoc anno fundamenta iacere coepit. (a)

A. C. 1361. Lud. 20. Ind. 14. P. 28. M.

LXXIV. Iacta quoque sunt eodem anno fundamenta noui belli, quod hoc anno contra Carolum IV. imp. et Austriacos gestum fuisse, recentiores scriptores sine teste tradunt. Verum est, veterem animorum consensionem inter Carolum et Ludouicum turbatam fuisse, quod Carolus *detractiuis susurrantium leuelis et malis sermonibus* adscribit, (b) ac ad suam in Ludouicum amicitiam magis declarandam et fortius adstringendam, illi Casimiroque regi ducatum Plotzensensem cessit. (c) His tamen Ludouicus illi conciliatus non est, armorum societatem cum Austriae principibus aduersus illum et Ioannem, eius germanum, pactus, (d) 7. Ian. an.

(a) Hist. Cr. T. X. p. 268.—279. (b) Ap. Dobn. Mont. T. II. p. 379. (c) Ibid. p. 382. (d) Ap. Pray Ann. P. II. p. 115.

an. dom. 1361. Nemo facile sibi persuaserit, Ludouicum adeo defultoriae fidei fuisse, ut aduersus Austriae duces, cum quibus et nunc, et nuper *an.* 1359. firmissimum foedus percusserat, tam cito bellum mouerit. Ad id persuadendum necessaria forent veterum testimonia, quae nulla citantur. Hoc ipsum veterum silentium suadet, ne bellum cum Carolo iam anno hoc gestum fuisse credam. (a)

A. C. 1362. *Lud.* 21. *Ind.* 15. *P.* 17. *A.*

LXXV. Vtramque hanc sententiam firmat novum cum Rudolpho foedus, quo Ludouicus ita spondet: (b) — „ In casu, quo ipsum (*Austriae ducem*) et nos cum quouis seu quibusvis hominum, cuiuscumque status, conditionis et praeeminentiae existant, etiam imperiali vel regia fulgeant dignitate, litem et guerram contrahere vel inire contingeret (*nondum igitur bellum erupit*) quod omnes homines, ciuitates, oppida, castra et fortalicia seu munitiones partis aduersae, quos et quae capiemus, cum dicto D. duce — condiuidere debemus. — Budae, X. die Martii, A. D. MCCCLXII. “ Clarius futurum dumtaxat bellum indicant illa Ludouici verba: „ Quamprimum lis seu guerra, quae eidem fratri nostro, duci Austriae, et nobis verisimiliter instat et imminet contra Romanorum imperatorem et Bohemiae regem, et contra marchionem Moraviae, eius fratrem, terminata fuerit. — — “ Datum eodem die. Causam belli huius, quam patrii scriptores non exprimunt, Dlugossus ita prodit: (c) *Ad rescinden-*

G 2

(a) Hist. Cr. T. X. p. 286.—288. (b) Ap. Dament. T. II. P. I. p. 34. (c) Libr. IX. col. 1134.

*scindendas componendasque quasdam inter Hung. et Boh. regna differentias, — legatis Ludouici R. H. ad Carolum R. I. et B. R. questum ambulantes, — ex Caroli — probroso verbo, quo — matrem Ludouici H. R. parum pudicam asserendo, protulerat, maior flamma subito prodire — coepit. Ludouicus, suae matris reuerentissimus, his ad se relatis, vt Ioannes arch. perhibet, (a) contra clarissimum principem, D. Carolum imp. — personaliter cum magno exercitu et potenti versus metas Moraviae processit, ac ipsum D. imperatorem per suas litteras diffidauit, et oppidum Trinchinium intrauit. Ludouicum Trinchinii fuisse 15. mensis Aug. colligimus ex nouis cum Austriae duce pactis, ibidem hac die subscriptis. Quum Carolus Brodae cum exercitu constitisset; commeantibus vtrisque legatis, induciae sunt compositae. Copiis igitur dispersis, Austriae duces alique principes, Posonium profecti, nouum foedus iniuerunt, cui tam Casimirum Polonum, quam Maynhardum Bauarum incluserunt, (b) *ultima die mensis Decembr. A. D. MCCCLXII.* (c)*

A. C. 1363. Lud. 22. Ind. 1. P. 2. A.

LXXVI. Induciis elapsis, vt Ludouicus indicaret, se hostilem animum nondum deposuisse, velleque bellum, ad vindicandam matris famam susceptum, continuare, dum maior exercitus vndique conflueret, copias validas in Morauiam irrumperere iussit, vt Ioannes arch. in haec verba scribit: (d) *Postea etiam D. Ladislaum, ducem Opoliae, et Petrum*

(a) Chron. P. III. cap. 35. (b) Ap. Dumont. T. II. P. I. p. 42. (c) Hist. Crit. T. X. p. 297.—313. (d) Chron. P. III. cap. 36.

Petrum barum cum gente satis valida in Moraviam destinavit; qui incendia et maxima damna ibidem intulerunt. Urbanus V. Innocentio VI. die 13. Sept. anno superiore suffectus, nihil diligentiae praetermisit, ut hanc Christiani sanguinis effusionem sisteret ac impediret. In hunc finem Petrum Corsinum episcopum ad dissidentes principes conciliandos misit, (a) IX. kal. Febr. anno I. Dlugoffus narrat, (b) ad id ab Urbano delectum fuisse Fr. Ioannem, ord. minor. prudentia et eloquentia pollentem, — qui unumquemque regem singulari prece persuasionequae ad rescindendum impium bellum cohortatus est. — Carolus imp., qui bello praefato se causam dedisse et illud suscitasse non ignorabat, se — in summi pontificis potestate futurum esse respondendo spondit. Nuncius itaque apostolicus — iam Ludouicum Hung. iam Casimirum Poloniae reges — orabat: „ ut, „ passione animi frenata, se populosque suos et „ regna, propter unius verbi, leuitate prolati, — „ probrum, non ponerent in discrimen. — “ Siue huius, siue Petri praefulis opera, dissidentes eo perducti sunt, ut arbitrium causae Casimiro, Poloniae regi, Bolkonique, Suidnicensi duci, detulerint, qui communiter inter utramque partem amnestiam promulgarunt, (c) in vigilia B. Luciae V. an. MCCCLXIII. (d)

A. C. 1364. Lud. 23. Ind. 2. P. 24. M.

LXXVII. Carolus et Ludouicus, promulgatam ab arbitris amnestiam amplexi, non multo post
G 3
nouo

(a) Ap. Rayn. ad an. 1363. (b) Libr. IX. col. 1136. (c) Ap. Steyerer et Pray ad 1363. (d) Hist. Cr. T. X. p. 314. — 324.

nouo stabiliq̃ue foedere veterem amicitiam instaurarunt, (a) *in die S. Scholasticae V. A. D. MCCC-LXIV.* Ludouicus, paterna pontificis cura Carolo conciliatus, vicem sollicito patri redditurus, vt primum eius ditiones a Bernabone rursus vexari comperit; ad eius impetus coercendos eidem auxilia se missurum, quin, si pontifici videretur; seipsum copias in Mediolanensem prouinciam deducturum esse, promisit. Bernabos, hac Ludouici regis oblatione territus, ad pacem cum Urbano V. sanciendam facile descendit, promissisque 500. millibus florenorum delinitus, quicquid armis pontifici rapuerat, restituit. Urbanus, qui pacem compositam Ludouici studiis debebat, ita pietatem eius dilaudat:

(b) „ O princeps deuotissime! — Tu es vere gratitudinis filius, qui datam tibi a DEO potentiam — nunc contra Christianos, iniquos hostes ecclesiae, nunc contra schismaticos et haeretica foeditate respersos, nunc contra infideles et ethnicos satagis exercere. Tu vere rex et princeps Christianissimus, qui non vacas vitiosis deliciis; sed iugiter laboras pro tui nomine redemptoris. — Dat. Auinione, V. kal. Mart. pont. an. II.“

Nec alia de causa bellum in Bosniam se suscepisse, datis *III. id. Maii, A. D. MCCCCLXIV. regni XXIII.* litteris, asserit, (c) quam quod *in regno Bosniae innumerabilis multitudo haereticorum pullasset.* Hoc autem diplomate constituit, vt, ne propter amissum eodem bello sigillum fraudi locus in iudiciis esset, nouo sigillo litterae, prius editae, confirmarentur. Mirum certe videri potest, si bellum multo prius in Bosnia gestum priusque sigillum

(a) Ap. Pray Ann. P. II, p. 121. (b) Ap. Rayn. ad an. 1364.

(c) Corp. Iur. Hung. T. I. p. 165.

lum amissum est; non prius nouo sigillo reip. consultum fuisse. Quare videtur bellum illud, cuius ad an. 1359. meminimus, ad posteriores annos retrudendum, nec anno 1361. producto diplomati, quod noui sigilli meminit, multum esse fidendum, in quo videtur annus oscitantia scribarum male notatus, quum plura dehinc diplomata Ludouici regis occurrant, in quibus nulla noui sigilli mentio habetur, vt vel hoc anno iam habetur in diplomate Lelesziensibi s dato. Talis error irrepsit in capituli Scepusiensis testimonium iuridicum, cum hoc epilogo: (a) *Dat. die dominico, prox. post festum pentecostes, A. D. 1364. regnante D. N. Ludouico, ill. R. H. ven. in C. PP. Thoma Strigon. Stephano Coloc. archiepiscopis.* — (b)

A. C. 1365. Lud. 24. Ind. 3. P. 13. A.

LXXVIII. Certum enim est, neque Thomam Strigoniensem, neque Stephanum Colocensem archiepiscopum anno superiore fuisse, quum etiam hoc anno legatur Nicolaus Strigon. Thomas Coloc. in diplomate, quo Ludouicus introductionem Nicolai, praepositi Hantensis, in possessionem Beer confirmauit, (c) *XVI. kal. Febr. A. D. MCCCLXV.* Item, quo sanctimonialibus Budensibus ius tributorum asseruit, (d) *XIII. kal. Iun.* Item, quo Strigonienfium canonicorum cum ciuibus controuersiam diremit, (e) *X. kal. Oct.* Item, quo peculiare praerogatiuas Wratislauenfibus mercatoribus in gratiam Caroli IV. R. I. concessit. (f) Postquam autem

G 4

Ioannem

(a) Ap. Wagn. Dipl. Sar. p. 343. (b) Hist. Cr. T. X. p. 324.—351. (c) Ex autographo. (d) MSS. Heuener. B. p. 415. (e) Ex apographo. (f) Ap. Lunig. p. 245.

Ioannem, e Stephano fratre nepotem, amisisset; Carolum Dyrrhachinum, eius Caroli, quem capite plectendum curauerat, ex Ludouico fratre nepotem, euocauit, ac Spalatenſibus demandauit, *ut eum, tamquam consanguineum et filium, in spem ſucceſſionis educandum, honorarent.* (a)

A. C. 1366. Lud. 25. Ind. 4. P. 5. A.

LXXIX. Iidem archiepiscopi ſubſcribuntur diplomatibus etiam huius anni; primum quidem illi, quo Ludouicus Belae IV. litteras ad preces Nicolai de Chemernye confirmauit, (b) *II. id. Febr. A. D. MCCCLXVI. regni XXIV.* Item, quo poſſeſſionis Dius donationem ſtabiliuit, (c) *VII. kal. Mart.* Item, quod ad coercendam in Tranſſiluania furum licentiam dedit, (d) *IV. kal. Iulii.* Pluribus in Tranſſiluania datis diplomatibus, indidem egreſſus, Sclauos ſacerdotes in comitatibus Kraſſouienſi Keuenſi, que ſupremo comiti M. Benedicto praefentari iuſſit, (e) *Dat. in Lippa, in die S. Eliae proph. A. D. MCCCLXVI.* Quos ea de cauſa conquiri iuſſerit, ut, iis remotis, ſibi ſubiectos ad vnionem eccleſiae Rom. facilius adducere poſſet; quo Turotzianum illud ex archidiacono pertinet: (f) *Item Sclauī diſtrictus de Lipna, (chron. Bud. Lippua) durae ceruicis populus, ad fidem erat conuerſus et baptizatus; cui ſacerdotes catholici — ſacramenta eccleſiaſtica miſtrabant.* Idem ſtudium prouehendae verae religionis etiam in Bulgariam porrexit, ut Fr. Marcus Viter-

(a) Hiſt. Cr. T. X. p. 351.—364. (b) Ex autographo.

(c) Ex MSS. Heuenes. D. p. 147. (d) Ex MSS. Corajd.

(e) Ex MSS. Bibl. Quinquesecl. (f) Chron. P. III.

Viterbinus, ordinis FF. MM. praeses, ad prouinciae S. Francisci ministrum in haec verba perscripsit: (a)
 „ Accepi hesternae die regis Hung. Ludouici et
 „ Bosniae vicarii litteras iucundissimas. Vt hic
 „ nunciat, rogatu regis, in regionem vicinam mi-
 „ sit ordinis nostri fratres 8. qui dierum 50. spatio,
 „ plus 200. hominum millia salutis fonte tinxerunt:
 „ ac ne numerus vocaretur in dubium; rex singu-
 „ la eorum nomina in tabulas publicas referri ius-
 „ sit. Attamen nondum tertia regionis pars se
 „ nostris addixit sacris. Principes cum subiectis ad
 „ baptismum turmatim confluunt. Haeretici aequè
 „ ac schismatici ad sinum ecclesiae Rom. redeunt
 „ suis cum sacerdotibus et monachis, antea tam
 „ obstinatis. Laetitiam minuit operariorum pauci-
 „ tas pro messe tam ampla, *et metus amittendae*
 „ *Bulgariae*, tot populis frequentatae, quam rex
 „ Hung. in potestatem redegit suam. Patarini et
 „ Manichaei solito melius affecti sunt ad bap-
 „ tismum accipiendum. Rex sibi duo fratrum nostro-
 „ rum millia mitti cupit; suamque ipsius vitam
 „ periculis vellet oblicere, vt errantes ducerentur
 „ in viam. — “ Luculentum hoc est Ludouicaeae
 pietatis studiique — verae religionis testimonium, ex
 quo praeterea colligimus, Bulgariam hoc tempore
 Ludouicum sibi subiecisse; huc igitur illud e chro-
 nicis patriis pertinere: (b) *Post haec regnum Bulga-*
riae, sacrae corone Hung. subiectum, cum magna
potentia intrauit, et Bodan (Vidinum) ciuitatem
capiens, regnum sibi subiugauit: principem ipsius,
nomine Strachmerum (Strascimirum) qui se impera-
tozem Bulgariae nominabat, capiens et in Hunga-
riam

(a) Ap. Fleur. Tom. XXIV, p. 219, (b) Chron. P. III, cap.
 34

riam transmittens, — ad regendum ipsum regnum, sub nomine et titulo suae maiestatis, sub certis patris et seruitiis, cum gaudio remisit. (a)

LXXX. *Metus amittendae Bulgariae*, cuius in epistola sua M. Viterbinus meminit, aliunde vix ortus fuerit, quam a successibus Turcarum, qui multas deinceps historiae Hungaricae paginas implebunt. Hi primum ex ultimis Asiae finibus egressi, seculo VIII. cum Saracenis se coniunxerunt, iisque subinde potentiores effecti, Mahometis deliria, qui rapinas et carnis illecebras suis sectatoribus indulgebat, amplexi sunt. His igitur illicitis mirum quantum aucti, quum omne suum ius in armis circumferrent; Asiae iam Africaeque magna parte potiti, tandem etiam in Europam effusi, nobilissimas eius provincias sibi vindicarunt. Postquam autem *Ottoman*, subactis omnibus calyphis, nouum in Natolia principatum constituit anno 1303. non iam calypha, sed *sultanus*, seu rex regum, appellari voluit, a quo nouum Turcae nomen *Ottomanorum* acceperunt. Huius filius, *Orchanes* Ioanni Cantacuzeno contra Ioannem Palaeologum opem ferendo Callipolim anno 1356. huius successor, *Amurathes*, Adrianopolim occupauit anno 1359. *Ipse Anrathes*, inquit Turotzius, (b) *non id, quod promisit; sed, quod sibi prodesse posse sperabat, animo voluebat.* Ioannes quidem Cantacuzenus ultro purpuram posuit; sed Ioannes Palaeologus, eam retenturus, auxilia finitimorum principum Christianorum, ac inprimis Ludouici H. R. implorabat, pollicitus, se Romanam vnionem amplexurum. Satis hoc Ludouico fuit, vt suam eidem opem et operam

(a) Hist. Cr. T. X. p. 365.—385. (b) Chron. P. III. cap. 8.

operam addiceret; sed ab Urbano V. certiora huius unionis indicia iussus est expectare, (a) *X. kal. Iul. an. IV.* Palaeologus interim Budam ipse venit, iurando pollicitus, se cum filiis ad ecclesiae Rom. sacra transiturum esse. Tum vero pontifex archiepiscopos et palatinum per litteras hortatus est, ut pium hunc regis ardorem ad reuocandos Graecos et Turcas armis reprimendos fouerent, petentique pro suis copiis Ludouico lubens concessit, (b) *illam plenam indulgentiam, quae dari solet transfretantibus in terrae sanctae subsidium. — kal. Iul. an. IV.* Dubitat quidem Spondanus, utrum Ludouicus in Graeciam penetrauerit; et Prayus negat, a Ludouico quicquam contra Turcas patratum esse; Mansdorferus tamen scribit, (c) *eum huic genti cum 20. millibus equitum peditumque occurrisse, ac ope B. Virginis 80. millia Turcarum profligasse.* Hinc in propylaeo Cellensis templi haec leguntur: *Ludouicus, rex Hung. per matrem misericordie, victoriam Turcorum gloriose obtinuit.* (d)

A. C. 1367. Lud. 26. Ind. 5. P. 18. A.

LXXXI. Ludouicus, tot partis victoriis, tot vindicatis prouinciis, non sibi satis clarus magnusque videbatur, nisi bellicae virtuti scientiarum quoque gloriam adiiceret. Quod igitur ad Hungariae decus adhuc desiderabatur, ut domi comparari posset, quod magna non tantum aeris, sed et morum persaepe iactura foris quaerebatur, academiam, cui septem abhinc annis fundamenta iecerat, auctoritate pontificis hoc anno stabiliendam curauit.

Quis

(a) Ap. Rayn. ad an. 1366. (b) Ibid. (c) Ap. Fridual. Reg. Mar. 76. (d) Hist. Cr. T. X. p. 326.—395.

Quis ille pontifex fuerit, auctores non conueniunt. Wallaszkius id Innocentio VI. tribuit. (a) Sed enim, etiamsi quatuor dumtaxat anni foundationem inter ac confirmationem intercessissent; Innocentius VI. mortuus anno MCCCLXII. praestare hoc non potuisset. Cocquelines Urbano VI. tabulas foundationis adscripsit, annumque marginalem 1383. expressit. (b) At enim anno hoc Ludouicus inter viuos non erat, de quo tamen, tamquam superstitē, pontifex loquitur. Palmius maluit annum marginalem corrigere, quam Urbano VI. quintum substituere. (c) Sed adiuncta rerum suadent, eas Urbano V. congruere, qui hoc anno 30. mensis Aprilis Auenione discesserat, ac aliquamdiu Massiliae commoratus, deinde Viterbium profectus, 4. menses ibi permansit, ibique *kal. Sept. pont. an. V.* Quinqueecclesiensem academiam confirmauit. (d) Quia haec vrbs medio quasi loco Hungariam inter et adnexas provincias posita fuit, et facillimus ad eam accessus vndique haberi potuit; ibi Ludouicus celeberrimum illud scientiarum emporium, in quo quatuor milia scholasticorum plerumque numerabantur, collocauit. (e)

A. C. 1368. Lud. 27. Ind 6. P. 9. A.

LXXXII. Interea fratres minores, quos Ludouicus ad Bosniam, Rasciam et Bulgariam apostolicis eorum laboribus excolendam petiit ac obtinuit, magnis ibidem incrementis rem Christianam promouerunt. Qua de re pontifex certior redditus, Ludouico

(a) Tent. Hist. Litter, p. 51. (b) Bull. T. III. P. II. p. 367. (c) Not. R. H. Ed. III. P. I. p. 149. (d) Ap. Koller H. E. Q. T. III. p. 96. (e) Hist. Cr. T. X. p. 412.—420.

louico primum gratulatus, deinde hortatus illum erat, ut ad earum gentium conuersionem porro quoque fauorem et auxilium praestaret, (a) *II. id. Jul. an. VI.* Quum vero Ludouicus per suos oratores pontifici significasset, moleste se laturum, si regnum Siciliae, sibi debitum, ad extraneos deueniret, mortua Ioanna, quam tamen in vita sua turbare nollet; securum illum Urbanus de suis fauoribus, *in quantum patiatur conscientia et ius alterius non laedatur*, reddidit, (b) *V. kal. Sept. an. VI.* Hoc anno Sigismundus, rex Hung. futurus, 15. Febr. natus est. (c)

A. C. 1369. Lud. 28. Ind. 7. P. 1. A.

LXXXIII. Eo minus poterat de pontificis in Ludouicum studiis dubitari, quo maiora fuerunt in ecclesiam et pontificem Ludouici merita. Certe, quum rursus in Italia Bernabos tumultuatus fuisset; quam promptus ad auxilium ferendum Ludouicus fuerit, ex his Urbani litteris, ad episcopum Albanensem datis, apparet: (d) — „Ambasiatores carissimi in Christo filii, Ludouici R. H. illustris, qui apud nos fuerunt diebus quam pluribus, super arduis petitis per eos, bene contenti a nostra praesentia discesserunt, dixeruntque nobis, quod ipse rex, prout ab eo habuerunt, paratus erit ad depressionem hostium Rom. ecclesiae et colligatorum ipsius personaliter venire. — — Dat. Romae apud S. Petrum, XVII. kal. Ian. an. VIII.“ Bernabos, rursus apparatu Ludouici territus, ad ami-

(a) Ap. Farlat. T. IV. p. 62. (b) Ap. Rayn. ad an. 1368.

(c) Hist. Cr. T. X. p. 422.—432. (d) Ap. Rayn. ad an. 1369.

amicitiam, cum pontifice redintegrandam, animum adiecit. (a)

A. C. 1370. Lud. 29. Ind. 8. P. 14. A.

LXXXIV. Pietatem suam Ludouicus etiam Aquisgranum extendit, vbi sacram aedem, honori SS. Stephani Ladislaique regum ac Emerici ducis dicatam, erexit, amplissimamque dotem eidem addixit, ex qua duo capellani, natione Hungari, vitam sustentare, DEVMque pro salute regni iugiter deprecari possint, tabulis signatis (b) *A. D. MCCCLXX. IV. non. mensis Ian.* Huc igitur pertinet illud Ioannis archidiaconi: (c) *Item vnā capellam Aquisgrani et aliam Cellis ad B. V. pulchro et miro opere construxit, sufficienter et largiter dotauit, ac pretiosis utensilibus ad cultum diuinum, vasis, calicibus, libris, et ornamentis diuersis ac calice de puro auro decorauit.* Quem in Cellis MARIANIS ipse vidi. Huc item pertinet, quod idem auctor sine certa temporis nota his verbis tradit: (d) *Mortuo Casmerio, rege Poloniae, auunculo eius, cum ingenti exercitu Poloniam intrauit, vbi in regem, ex iure successorio eiusdem auunculi sui, exstitit feliciter coronatus.* Dlugossus Casimirum regem hoc anno 5. Nouembris obiisse scribit; (e) quum annum aetatis sexagesimum impleuisset; addit Ludouicum, a Polonis inuitatum, aliquanto tempore recusasse, dixisseque: „non conuenire duos greges, locis distantibus, ab vno pastore probe a moribus luporum seruari:“ — Precibus tandem celsisse, Craco-

(a) Hist. Cr. T. X. p. 446. 447. (b) Ap. Pray Diss. de S. Lad. p. 25. (c) Chron. P. III. cap. 45. (d) Ibid. cap. 37. (e) Libr. IX. col. 1159.

Cracouiamque profectum 17. Nouembris inunctum et coronatum esse. Ludouicus, exsequiis Casimiri 19. Nouembris Cracouiae celebratis, Gnesnaque visitata, Poloniam Elisabethae matri gubernandam commisit, ac insignibus regni secum acceptis, in Hungariam rediit. Die 28. Decembris in Dios-Györ iam diploma dedit. (a)

A. C. 1371. Lud. 30. Ind. 9. P. 6. A.

LXXXV. Bene sapienterque Ludouicus prouidit, vtrumque regnum ab vno principe rite gubernari non posse. Prouinciarum enim amplitudo, quas inter tria maria, Balticum, Adriaticum et Pontum Euxinum, obtinuit, ita curas et vires illius distraxit, vt; quamuis magna mente praeditus fuerit, aegre tamen omnibus sufficere potuerit. Poloniam quidem, vt diximus, administrandam matri suae commiserat, quam, vtpote Polonam, defuncti Casimiri sororem, popularibus suis non displicituram sperauit. Secus euenit. Licet enim ipse Ludouicus eius eximia prudentia consilioque Hungariam optimo successu gubernauerit; contra femineum tamen eiusdem in Polonia regimen saepe Dlugossus queritur, qui mox Heduigem, tertiam Ludouici filiam, infeliciter Poloniae praefuturam, hoc anno natam esse testatur. (b) Ludouicus subinde cum Elisabetha coniuge Dalmatiam petiit, ac aliis vrbibus obitis, Iadram tandem accessit. Huc vno prius seculo corpus S. Simeonis, qui Christum vlnis suis complexus fuerat, e Palaestina translatum est, de quo certiores redditi rex et regina, sacrum pignus caste

(a) Hist. Cr. T. X. p. 448.—46: (b) Libr. X. col. 14.

caste pieque venerati, regiis illud muneribus excoluerunt. (a) Roma tunc Ioannes Palaeologus, fidem illic ritu catholico professus, redibat, postquam auxilia contra Turcas a Christianis principibus nequicquam corrogasset. Quum Turcae magis in dies per Thraciam grassati fuissent; Graecis illorum impetui resistere non ausis, Rascii tandem arma corripuerunt, ac Turcas vinci posse docuerunt. Sed enim Vucasius, quem Acutheanae tabulae Valchasinum vocant, (b) caesis Turcarum 30. millibus, a victis in insidias praecipitatus, cum victoria vitam amisit. Peraeque Nicolaus, vaiuoda Transsiluanus, quum ad fluxae fidei Valachos aggrediendos a Ludouico missus fuisset; initio quidem, ut archidiaconus refert, (c) victoriam obtinuit, et ipsum capitaneum, multis interfectis, in fugam conuertit; sed postmodum incaute ulterius procedens, inter indagines et ueprium densitates ac passus strictissimos conclusus, per multitudinem Olachorum de siluis et montibus inuasus, ibidem cum — nobilibus potioribus exstitit interfectus. — Tandem — Nicolao de Gara, bano de Macho, viro strenuo et bellicoso, in manu potenti ipsum regium exercitum ultra Danubium, contra insultus bellatorum et sagittariorum ipsius Layk vaiuodae, velut imbres, sagittas emittentium Olachorum, per nauigia moenibus et fortaliciis firmatum, traducente, inimici, in fugam conuersi, velut fumus, euanuerunt; et residui totius exercitus terram versus Zewrinum intrauerunt, et eandem occupauerunt. (d)

A. C.

(a) Ap. Farlat. T. V. p. 33. (b) Ap. Schwandt. T. III. p. 659. (c) Chron. P. III. cap. 38. (d) Hist. Cr. T. X. p. 468.—485.

A. C. 1372. Lud. 31. Ind. 10. P. 28. M.

LXXXVI. Atque hunc *Laykium* siue Ladislaum, qui se *vainodam Transalpinum et banum de Zeurino* vocat, agnouisse hoc anno Ludouicum suum principem, ex illo diplomate, quo Ladislaum de Dokka, cognatum suum, remuneratur, quod *viriliter contra saeuissimos et infideles Thorcos*, — propter fidem Christianitatis et gratiam ser. principis, *Lodouici, regis Vngariae* pugnauerit, patet. Subiicit enim in fine: (a) „Quare supplicamus ser. D. N. Ludouico, R. V. domino nostro naturali, eiusque successoribus, quatenus litteras nostras praesentes in vigore suo confirment. — Datum in Argiosin (f. *Argensi*) nostra residentia, sub A. D. MCCC. LXXII. in die diuisionis apost. proximę praeterito.“ Quia vero dissensiones inter Carolum imp. et Ludouicum regem iterum gliscebant, quod Ludouicus Bauariae duces, sibi foedere iunctos, quibus Carolus Brandenburgiam eripere volebat, destituere noluerit; Gregorius XI. Urbano V. 30. Decembris an. 1370. susceptus, Alexandrinum patriarcham in Hungariam et Bohemiam legatum misit, cuius opera factum est, quod Benessius ad hunc annum ita scribit: (b) *De mense Martii, D. imperatore existente in Wratislauiā, misit Ludouicus R. V. sollemnes ambasiatores ad D. imperatorem, petens: „ut filia ipsius regis Vng. nomine Maria, copularetur filio D. imperatoris Sigismundo.“ Et facta est pax, inter D. n. imperatorem, ex una, & regem Vng. et duces Bauariae, parte ex altera.* Dlagossus

(a) Ap. Fridualszki Reg. Mar. p. 80. (b) Ap. Dobn. Mont. T. IV. p. 58.

goffus idem ad hunc annum refert; quod etiam Ioannes arch. sine certa nota temporis ita perhibet: (a) *Ipsam Mariam, claram augens prosapiam, illustri principi Sigismundo, marchioni Brandenburgensi, in puerili aetate utroque existente, — in Tirnauia — matrimoniali foedere desponsauit, et apud se nutriendos conseruauit.* Quia tertio post anno Maria filio Galliae regis oblata fuit; hoc anno sponsalia plene conclusa non sunt; quod Ludouicus a foedere Bauarico recedere nec voluerit, nec, saluo honore, potuerit. Dobnerus plures in hac caussa litteras Alexandrini patriarchae recitat, (b) ac inter cetera Ludouicum ita Carolo laudat: „Numquam vidi principem, et signanter tam potentem, quam magnum, cum tanta humilitate et modestia, et absque aliqua inordinatione loquentem, et pacem et tranquillitatem, suo cum honore seruato, desiderantem. — “ Hinc apparet, quantam Ludouicus in tanta potestate moderationem praesetulerit; quantum a bello, licet alias felix, abhorruerit, ut, nonnisi coactus, ad arma descenderit, omnesque modos ineundae pacis honestae prius explorauerit. (c)

A. C. 1373. Lud. 32. Ind. 11. P. 17. A.

LXXXVII. Quia Ludouicus a foedere, cum Bauaris inito, discedere nulla ratione voluit; Carolus imp. eius constantia victus, ad pactionem pecuniariam cum Ottone Bauaro, genero suo, descendit; quem Grebnerus perhibet (d) Brandeburgicum

(a) Chron. P. III. cap. 52. (b) Monn. T. II. p. 391.—398.

(c) Hist. Cr. T. X. p. 497.—525. (d) Comp. Hist. T. III. p. 81.

gicum marchionatum anno 1373. pro 200000. aureis Hungaricis vendidisse Carolo IV. imp. Huius subinde marchionatus Brandenburgici ius et titulum Sigismundus, Caroli IV. filius, futurus Hung. rex, obtinuit. Ita hac parte Ludouicus, necessitate belli gerendi liberatus, ad Turcicam expeditionem facilius omnia comparare potuit, ad quam suscipiendam iam anno superiore Gregorius XI. ita fuit illum adhortatus: (a) „ — Quum ad obuiandum sufficienter ingruenti turbini tantae cladis aliud, „ quam tuae praegrandis potentiae valituum non „ videatur remedium; — deuotissimam magnificen- „ tiam tuam, quae inter omnes reges catholicos „ consuevit esse et persequutrix infidelium, et de- „ fensatrix catholicae fidei, omni, qua possumus, „ affectione precamur, quatenus pie grateque re- „ cognoscens, eximiam potentiam tuam ad hoc a „ domino tibi datam, ut ea utaris ad defensionem „ sui populi, quem pretiosissimi cruoris sui sparsio- „ ne redemit, et per hoc de caduco regno secu- „ li conscendas aeternum; ad occurrendum poten- „ ter rabiei et praesumptioni tam crudelis tamque „ execrabilis nationis, tamquam leo fortis et ani- „ mosus, exurgas. — —“ Ludouicus, ad arma Turcis inferenda promptus, pontificem rogauit, ut, propositis indulgentiarum praemiis, Christianos ad sacrum bellum excitaret. Respondit voto regis pontifex, datis ad archiepiscopum Strigonensem ea de re litteris, (b) *X. kal. Aprilis an. III.* Omnis tamen hic contra Turcas conatus, ex occultis diuinae sapientiae consiliis, euauit. Bellum enim eodem tempore Franciscus de Carraria, dux Paduanus, finium causa cum Venetis gessit, cui Ludoui-
H 2 cus

(a) Ap. Rayn. ad an. 1372. (b) Ibid. ad an. 1373.

eus auxilia secundum pacta misit. Ac primum quidem Iustinianus cum quibusdam Venetis Hungarorum insidiis exceptus ac in Hungariam transmissus est; verum ad Taruisium, versa fortuna, Stephanus variodea cum 1000. Hungaris interceptus fuit.
(a)

A. C. 1374. Lud. 33. Ind. 12. P. 2. A.

LXXXVIII. Admittente Ludouico, pax cum Carrariensi composita fuit, ut arma contra Turcas verti possent, ad quos impugnandos novos illi stimulos Gregorius admouit, eo potissimum usus argumento, (b) quod *regnum Hung. vicinum sit nunc Tartis.* — XIII. kal. Oct. an. IV. Allata haec epistola fuit per Ludouici nuncios, ad Carolum, Galliae regem, missos, pro sponsalibus contrahendis, ut Ludouicus loquitur, (c) *inter illustrem D. Ludouicum, Franciae primogenitum, — et alteram de nostris filiabus, Catherinam videlicet, Mariam et Aduigam, illam videlicet, de tribus dictis nostris filiabus, quae nobis videbitur.* — Dat. Budae, 16. die mensis Aprilis, A. D. MCCCLXXIV. Hinc patet, contractum sponsalitium inter Mariam et Sigismundum, sub conditione belli Bauaris non inferendi nuper oblatum, nondum esse confirmatum. Ex tribus Ludouici filiabus Catharinam fuisse Ludouico desponsam, ex his Laurentii de Monacis verbis intelligimus: (d) *Moritur Catherina primogenita, desponsata filio regis Franciae.* Hanc Catharinam ante 17. Septembris hoc anno mortuam esse, colligimus e Dlugosso, qui nonnisi duarum Ludouici

(a) Laur. de Mon. L. XV p. 318. Hist. Crit. T. X. p. 554—565. (b) Ap. Rayn. ad an. 1374. (c) Ap. Pray. Ann. P. II. p. 136. (d) Lit. VI. p. 116.

uici filiarum, Mariae ac Hedwigis, meminit; quum in comitiis Cassouiensibus Ludouicus effecit, ut, si tributo liberari Poloni vellent, in successionem alterutrus in regnum Poloniae consentirent. — *Omniuni*, inquit, (a) *consensu et voluntate accedente, filias nostras, non exstante prole masculina, sibi in dominas et heredes regni Poloniae acceptarunt.* — *Dat. Cassouiae, 17. Sept. an. 1374. (b)*

A. C. 1375. Lud. 34. Ind 13. P. 22. A.

LXXXIX. Ludouicus Catharina iam mortua, Mariae Hungaria cum Sigismundo sponso destinata, Hedwigi Poloniam et sponsum Wilhelmum, Austriae ducem, designauit; qui ex Austria in Pannoniam adductus, ut Dlugossus scribit, (c) *sub omni tempore, quo Ludouicus rex vitam praeduxerat, filiali indulgentia sub oculis et in aula seceri nutrebat.* Sed, licet haec sponsalia decimo post anno, constituta dote 200000 florenorum, iniquata fuerint; Hedwigis tamen, ut Polonia potiri posset, Wladislaw Jagelloni nubere debuit. Interea Ludouicus Russiae regendae, quae, mortuae sine prole mascula Casimiro, secundum pactum, anno 1352. confectum, ad Hungariam redire debebat, praefecit Ladislaw ducem Opoliensem, qui palatini munus in Hungaria gessit ab anno 1368. ad 1373. Huius opera Ludouicus Haliciensem archiepiscopatum, ac Premisliensem et Wladimiriensem episcopatum, schismaticis ademptum, catholicis usibus addixit. Wladislaw autem Album, ut Ladislaw Opoliensem, aliquo sanguinis nexu sibi coniunctum

H 3

iunctum

(a) Ap. Zeluszk, Spec. Hist. Cr. p. 147. (b) Hist. Cr. T. X. p. 565.—584. (c) Libr. X. col. 21.

iunctum, dimisso Cuiaviae ducatu, primum ordinem Cisterciensem, deinde S. Benedicti professum, abbatae montis Pannoniae praefecit. Duabus rursus a Gregorio XI. litteris admonitus est ad ferendam contra Turcas opem, (a) *ob reuerentiam DEI et Christianitatis tutelam, — ut Turcos, longius praepeditos, ad suos fines accedere non permittat.* Quod quia Ludouicus, incertum, quibus de causis, facere neglexit; Turcae primum quidem ad fines Hungariae propius accesserunt, deinde regnum ipsum inuaserunt tristisque iugo prefferunt. (b)

A. C. 1376. Lud. 35. Ind. 14. P. 13. A.

XC. Ludouicus igitur, aliis tot regnorum curis distractus, magno Hungariae damno, hanc in Turcas expeditionem neglexit: qui, si principio repressi fuissent; numquam tantam in Hungaros tyrannidem serius exercere potuissent. Fortasse tamen ideo Ludouicus Tuartko, Bosnensi bano, regios honores hoc anno contulit, ut maioribus animis et viribus sese barbaris grassantibus opponeret. *Tuartkus*, inquit Farlatus, (c) *post hostes domesticos et extraneos deuictos, anno 1376. concessu Ludouici regis, affinis sui, titulum regis Bosinae assumpsit, — et Stephanus Mirce appellari voluit. Quum autem in iis bellis, quae Ludouicus gessit cum regibus Serbliae, collatis cum eo copiis suis auxiliariis, partem Rasciae occupasset; titulum regis Rasciae sibi adiunxit. — Itaque in suis diplomatibus inscribitur: „ Stephanus Tuartkus, D. gr. Rasciae, Bosnae maritimaeque (seu Chulmiae) rex. — “*

Idem

(a) Ap. Rayn. ad an. 1375. (b) Hist. Cr. T. X. p. 585. — 600. (c) Illyr. S. T. IV. p. 63.

Idem auctor ad hunc annum Caroli Dyrrhachini reditum in Italiam, quem Timon duobus annis occupat, ita describit: (a) *Tres fere annos Carolus Dalmatiae et Croatiae principatum tenuerat; quum visum est Ludouico, illum in Italiam ad patriam remittere, visendi et salutandi causa Ioannam reginam, uxoris suae materteram, cui successurus erat in regnum. Carolus indidem subinde reuocatus est ad bellum contra Venetos gerendum: quod Ludouicus si iam nunc animo destinasset; vix illum hoc anno Neapolim remisisset. In illo certe foedere, quod hoc anno cum Aquileiensi patriarcha duceque Paduano contra Venetos iniuisse dicitur; nulla differte mentio Venetorum iniicitur, (b) contra quos nonnisi tertio post anno bellum erupit. Creuerunt Ludouici curae, postquam Elisabetha, Poloniae turbas perosa, semel ac iterum illi regno valedixit. Nam et anno superiore, quo Wladislaus Albus Poloniam turbabat, et isto, quo Lithuani regnum illud incurfabant, eius gubernacula Ludouico filio reddidit, ac Hungariam, quam Poloniae multum dissimilem experta fuit, repetiit. (c)*

A. C. 1377. Lud. 36. Ind. 15. P. 29. M.

XCI. Ut primum Ludouicus de Lithuanorum in Poloniam incursione certior redditus est; coactis copiis, iter in Poloniam accelerauit, in Lithuanos inde profecturus, captamque praedam e manibus illorum excussurus. *Cracouienses, inquit Dlugossus, (d) et Sandomirienses milites — ad obsidendum castrum*

H 4

strum

(a) Ibid. T. V. p. 99. (b) Ap. Murat. A. I. T. III. (c) Dlugoss. Libr. X. col. 31. Hist. Cr. T. X. p. 600.— 629. (d) Libr. X. col. 35.

strum Chelmenſe transmittit; ipſe cum reſiduis verſus Beltz ire pergit. — Illi, Chelmen caſtro infra dies octo — expugnato, — aliis inſuper caſtris — expugnatis, ad Ludouicum regem, obſidionem caſtri Beltz agentem, peruenerunt. — Aduentu interim Kieyſtuth, dux Lithaniae, et caſtra regis ſub ſaluo conductu ingreſſus, ex hoſte mediator factus, pacem iis conditionibus componit: „ vt captiuis, quos „ Lithuani ceperant, reſtitutis, Georgius dux caſtrum Beltz regi dedat, et illius gratiae ſe permittat. — “ Deditione caſtri facta, Ludouicus rex, iniuriam beneficio penſaturus, Georgio duci caſtrum Beltz, obliganti, ſe illud regio nomine pro eo et prole ſua regnoque Poloniae fideliter adminiſtraturum, reddit. Ludouicus, in Hungariam reuerſus, ſponſalitium contractum, inter Mariam et Sigismundum ante quinquennium iam inchoatum, ſed foedere Bauarico tunc interceptum, hoc anno tandem abſoluit, ſi Dubrauiſ, ſcriptori Bohemo, credimus. Huc igitur illa Ioannis archidiaconi, quorum alias meminimus, ſunt referenda: (a) — Mariam — Sigismundo — in Ternauia, praefente imperatrice, matre eius, et ſuis baronibus de Bohemia, — matrimoniali foedere deſponſauit, et apud ſe nutriendos conſeruauit, qui nunc conregnant, in regni ſolio ſublimari. Haec igitur archidiaconus poſt Ludouici mortem; hoc tamen ſeculo, quo Maria regnare viuereque deſiit, in litteras retulit. (b)

A. C. 1378. Lud. 37. Ind. I. P. 18. A.

XCII. Stabilitis Mariae cum Sigismundo ſponſalibus, alterius filiae, Hedwigis, dotem ita conſtituit:

(a) ChronP. III. cap. 52. (b) Hiſt. Cr. T. X. p. 629. —

tuit: (a) „ Nos Ludouicus — Licet ipse (*Leopoldus, dux Austriae*) 200. millia flor. quae nos eidem nostrae filiae pro maritagio et dote tradimus et donamus, recompensare per 300 flor. millia debuisset; — suo filio, duci Wilhelmo, ad praefatam nostram dilectam filiam, Hedwigem, dare et expedire debet — eadem 200000. flor. a festo S. Georgii proxime futuro post quinquenium in parata pecunia soluendorum. — Dat. — XV. Iunii A. D. MCCCLXXVIII. — Haec inter Polonia Ludouici curas idemtidem interpellauit, ad quam gubernandam Ladislaum Opoliensem e Russia post reditum matris anno superiore transtulerat. At, quum hoc anno Poloni per legatos, Visegradum missos, declarassent: (b) *illius regimen non esse quoquo modo se passuros; eundem a gubernatione regni Poloniae reuocauit.* Nec tamen illum Russiae regendae deinceps admouit; archidiaconus enim de Ludouico scribit, (c) *Petrum banum primo, nec non ven. in C. P. D. Emericum, episcopum Agriensem, ac Georgium Zudar, consequenter, fratres eius, et post haec Emericum Bebek, ac post eum Ioannem de Capol, ad regendum ipsum regnum (Rusciae, sacrae coronae Hung. subiectum) varioudas seu capitaneos illum praefecisse.* Ladislaus igitur illud porro non rexit. (d)

A. C. 1379. Lud. 38. Ind. 2. P. 10. A.

XCIII. Ludouicus, rebus in Polonia compositis, a Liguribus in armorum societatem aduersus Venetos inuitatus, haud difficulter in eorum postulata

(a) Ex MSS. Cornid. (b) Dhugoff. I. X. col. 39. (c) Chron. P. III. cap. 30. (d) Hist. Cr. T. X. p. 640.—650.

lata concessit. Causas, cur id faceret, Lucius e Caroldo sic depromit: (a) *Quum Ludouicus, vetito ciuitatibus priuatisque personis per Dalmatiam salis commercio, officialibusque electis, cameram salis instituisset; — ab eisdem edoctus: „ Si sal Ferrariam, Patauiumque transueheretur; maiori emolumento futurum: „ hac de causa legatos — Venetias misit, quibus responsum fuit: „ Patauinum et Ferrariensem teneri ex pacto salem a Venetis recipere.“ — Ludouicus autem, quod maiorem partem litoris Adriatici et omnes fere insulas in sua ditione haberet; maris imperium penes Venetos esse, aequo animo non ferebat; et eo magis, quod in successione regni Neapolitani Venetos impedimenta sibi futuros suspicabatur: quum eo tempore, nullis aliis distractus curis, regna Vng. et Poloniae pacata possideret eiusque auctoritatem patriarcha Aquileiensis et Carrariensis palam sequerentur; — factum est, ut oblatam armorum societatem cupide arriperet: et praetextu vetiti per Adriaticum salis Pagensis comitatus, bellum Venetis — indixit. Postquam igitur Veneti Catharum, Sibenicum Arbamque cepissent; Tragurium bis incassum oppugnassent; Iadram saepius obsedissent ac infestassent; Carolus Dyrrhachinus, a Ludouico cum 10. millibus Hungarorum in auxilium foederatorum missus, in eum terrorem Venetos coniecit, ut ad deliniendum eius animum 5. legatos obuiam illi miserint. Bellum 8. Maii iam gestum fuisse, patet ex his Ludouici litteris, ad regni iudices datis: (b) — „ Vniuersas causas Wbul de Kálló, in praesente nostra expeditione, contra Venetos mota, in Italia existentis, — debeat prorogare. — Dat. in Diosgewr, dominico die*

(a) Libr. V. Cap. I. p. 385. (b) Ex MSS. Cornid.

„ die prox. post fest. inuent. S. Crucis, A. D.
 „ MCCCLXXIX. “ Quum Carolus pridie kal. Sept.
 ad Taruisium confedisset, *auditis*, vt Lucius iterum
 perhibet, (a) *Genuensium et Patavinorum de pace*
sententiis legatorumque Venetorum responsis, — omnes
in Vngariam ad regem misit. Ipse interim expe-
ditioni Neapolitanae intentus, praesenti Venetorum
indigentiae, maximo proprio emolumento, satisfacere
decreuit. Permisit enim ipsis, vt cuiuscumque ge-
neris annonam in Taruisium inferrent, solutis pro
quolibet boue ducatis duobus, — —. Ex quo non
 solum Taruisium, sed ipsae quoque Veneriae com-
 meatibus, quibus maximopere indigebant, instructae
 fuerunt. Pacis condiciones, illic propositas, ita re-
 censet: „ I. Quod in platea S. Marci sollemniori-
 „ bus diebus festis vexillum regis Vng. erigeretur.
 „ II. Pro expensis 5000. ducati (*alii 500000. ha-*
 „ *bent*) soluerentur statim temporibus. III. Electio
 „ ducis a rege confirmaretur. IV. Soluerent regi
 „ annuum tributum 50. millium ducatorum. — “
 Carolus, non multum istic moratus, in Apuliam
 properauit. (b)

A. C. 1380. Lud. 39. Ind. 3. P. 25. M.

XCIV. Expeditioni Neapolitanae causam dedit
 Urbanus VI. die 8. mensis Aprilis 1378 pontifex
 renunciatus, cuius seueritate quidam Galli cardina-
 les offensi, Clementem VII. pseudo-pontificem ele-
 gerunt, ac Auenionem secesserunt. Hoc fuit ini-
 tium diuturni schismatis, quod post annos 40, Si-
 gismundus H. R. in concilio Constantiensi feliciter
 exstinxit. *Urbano parebant*, inquit Fleurius, (c)
 (pars

(a) Libr. V. Cap. I. p. 396. (b) Hist. Cr. T. X, p. 649—
 655. (c) Libr. XCVII. §. LXII. p. 347.

(pars maxima Italiae, Anglia, Germania, — Bohemia, Belgii pars maior et Hungaria; cuius regem Ludouicum arctius sibi obstricturus papa Urbanus, anno 1379. cardinales creauit duos Hungaros, nempe Demetrium, Strigon. archiepiscopum, et Valentinum, antistitem Quinqueecclesiarum. Demetrius in diplomate huius anni, pridie kal. Martii, nondum; at VI. id. Sept. iam SS. IV. coronatorum presbyter cardinalis legitur; Valentinus autem ante 1384. hoc axioma non ornatur; post hunc igitur annum cardinalis creatus fuerit. Quum, inquit Lucius, (tunc Ioanna, regina Neapolis, schismaticis cardinalibus contra Urbanum, summum pontificem, adhaesisset, Clementisque antipapae electionem fouisset; Urbanus Ludouicum in eam inuitauit, regnumque Neapolitanum obtulit. Sed ipse, iam senex, Carolo, vegetae aetatis, ut propinquiore consanguineo, — tradendum consuluit, auxiliaque valida libenter pollicitus est. Haec ex Theodorico Niemio, scriptore synchrono, deprompta sunt, qui deinde subdit: (b) Sed rex Ludouicus, ut dicitur, recepit ante ab eodem Carolo iuramentum: „ quod „ numquam contra ipsas filias eiusdem regis Ludouici facere, aut Hungariae, siue Poloniae regna huiusmodi vel aliqua alia dominia, eis debita, conquirere seu recipere vellet.“ Quo facto, dictus rex Ludouicus eundem Carolum ad Italiam cum competenti exercitu destinauit. Hic aduentus Caroli, de Pace dicti, Ioannam ita terruit, ut, quum ex 4 coniugibus nullum filium haberet, Ludouicum Andegauensem, Gallorum regis fratrem, filium adoptauerit 29. Iun. 1380. ut Fleurius testatur,

(a) Libr. V. Cap. I. p. 396. (b) Ap. Leibnitz. T. II. p.

tur, (a) ita ut reginae Ioannae, postquam decessisset, in regno Neapolitano, comitatu Provinciae ac terris ipsius omnibus Ludouicus et huius posterii succederent. Multum molestiae hic Ludouicus Andegauensis Carolo Dyrrhachino facessuit; nèque tamen illum possessione regni Neapolitani deturbare potuit. Ioanna porro primum maritum habuit Andream Hungarum, alterum Ludouicum Tarentinum, tertium Iacobum Aragonium, quartum Ottonem Brunswicensem. Carolo iam ex Hungaria profecto, Ludouicus, Elisabeth utraque, mater et coniux, contractum nuptialem Hedwigis cum Wilhelmo nouis tabulis instaurarunt, dom. *Inuocauit.* Elisabetha vero, regina senior, supremæ voluntatis tabulas, magno pietatis sensu condidit, *Budae VI. die mensis Apr. A. D. MCCCLXXX. (b)*

A. C. 1381. Lud. 40. Ind. 4. P. 14. A.

XCV. Condito testamento, non diu superstes Elisabetha, vel eodem, vel hoc anno decessit. Dlugossus quidem obitum Elisabethæ cum rebus huius anni permiscet; eam tamen sub exitum anni superioris obiisse, his verbis innuit: (c) *Elisabeth — genitrix Ludouici, Hung. et Pol. regis, 29. Decembris, in ætate grandæua, in castro Buda moritur. — Qua excedente, Ludouicus, — praelægis et baronibus Poloniae conuentum apud Budam pro medio quadragessimæ indicit. Quum igitur hæc comitia hoc anno post mortem Elisabethæ sub medium quadragessimæ celebrata sint; dubitari non potest, illam anno superiore decessisse. Laudatus auctor ad eundem*

(a) Libr. XCVIII. §. II. p. 354. (b) Hist. Gr. T. VIII. p. 655.—682. (c) Libr. X. col. 48.

A. C. 1382. Lud. 41. Ind. 5. P. 6. A.

XCVII. Quia Ludouicus Urbano VI. fauebat; Clemens pseudo - pontifex aemulum illi Wladislaum, qui Poloniae regnum ambiebat, opposuit. Quum vero nihil apud Polonos profecisset, alibi negotium eidem exhibiturus, Ludouicum Andegauensem, quem Ioanna regina filium et heredem adoptauerat, ad inuadendum in Italia Carolum Dyrrhachinum permouit. Carolus, apparatu potentis hostis territus, missis in Hungariam nunciis, a Ludouico necessaria belli subsidia militumque supplementa petiit. Ab erat tunc rex, comitia Veterosolii cum Polonis paullo post celebraturus; aderat tamen Visegradi regina, quae, quia periculum erat in mora, celere mandatum ad ciuitates maritimas, vt Carolo praesto sint, misit, (a) *die 23. mensis Apr. A. D. MCCCLXXXII.* Ipse Ludouicus, de praesenti discrimine certior redditus, ad eadem Dalmatiae loca Zolio *kalendis Maii* consimile mandatum expediuit. Sed antequam Andegauensis in Italiam irrupisset; teste Lucio, (b) *Ioanna in carcere mortua vel suffocata fuit, 22. Maii.* Ludouicus tamen Andegauensis Auenione 31. Maii discessit, ac exercitum in Italiam promouit. Ludouicus rex, intellecto nouo Caroli periculo, nouos ad eum iuuandum stimulos Dalmatis subdidit, (c) *Zolii 20. Iulii.* Post octo dies Anconitanos hortatus est ad resistendum Andegauensi, cui quum pares copias Carolus opponere non potuisset; decretoria pugna diligenter ciuitata, partem hostilem ex insidiis carpere solebat. Duobus annis ita traductis, aemulo 20. Sept. 1384. mortuo

(a) Ap. Luc. L. V. C. I. p. 400. (b) Ibid. p. 399. (c) Ibid. p. 400.

mortuo, pacate deinceps, donec in Hungariam accitus fuisset, regnavit. (a)

XCVIII. Ludouicus, Poloniae securitati consulturus, quum, pluribus in dies morbis tentatus, appropinquare sibi finem vitae persensisset; comitia Zolium ad festum St. Iacobi Polonis indixit, ac Sigismundum generum, 14. annos natum, exacto fidelitatis in eum sacramento, cum copiis Hungaricis ad res illius regni componendas misit. (b) Ipse vero, de regno caelesti praecipue sollicitus, dies aeternos in mente habuit, ac venationibus etiam intermissis, quibus semper addictus erat, teste Ioanne archid. (c) *contemplatiuam vitam, a tumultu multitudinis hominum segregatus, ut piis operibus insistere, et orationibus vacare studiosus et deuotius valeret, elegit, et in his perseuerauit.* (d) Tandem hanc vitam laboriosam derelinquens, et ad vitam perpetuam adspirans, — ex hoc mundo migravit XI. die mensis Septembris. — Tantus autem luctus, eo mortuo, in regno fuit, ut omnes quasi mortem suam deflerent. Et sepultus est in vrbe Albaregali, in capella, quam ipse in latere ecclesiae B. virginis collegiatae construxit, — XVI. eiusdem mensis die, anno dom. MCCCLXXXII. regnavit autem XL. annis et mense uno et XX. diebus; a coronatione, 21. Iulii 1342. peracta, natus annos 56. Nullus regum in Hungaria latius illo dominatus fuit. Praeterquam enim, quod omnia regna, quorum titulos gerebat, *Hungariae, Poloniae, Dalmatiae, Croatiae, Ramae, Seruiae, Galitiae, Lodomeriae*

(a) Hist. Cr. T. X. p. 700.—710. (b) Dlugoff. L. X. col. 67. (c) Chron. P. III, cap. 54. (d) Ibid. cap. 55.

*meriae, Bulgariae, Cumaniae, reipsa possederit, ius etiam in regnum Siciliae, quod Carolo Dyrrhachino cesserat, vindicauit. Tot igitur paene regnis vnus, quot ceteri per Europam principes Christiani, dominabatur. Ita Hungaria sub illo viribus, opibus, fama per totum orbem clarissima, sed religione potissimum florentissima fuit. Nec enim male scriptores quidam asserunt, Ludouico regnante, tertiam Hungariae partem diuino cultui per oblationes pias dicatam fuisse; si ratio tot coenobiorum, quae partim ante Ludouici tempora, partim eius aetate, vel excitata, vel instaurata, vel aucta meliusue dotata fuerant, habeatur. Religiosorum ac imprimis patrum Seraphicorum operam ad heterodoxos ac schismaticos, ad Cumanos et ipsos Iudaeos conuertendos adhibere solitus, quum istos pertinaciores expertus fuisset; exsilium omnibus indixit. *Iudaeos, inquit archidiaconus, (a) ad fidem catholicam conuertere et Christo lucrari, tamquam zelator salutis, desiderans, propter obstinatam duritiam ipsorum Iudaeorum, propositum ad effectum perducere non valens, omnes Iudaeos per totum regnum Hung. licentiauit, et expelli mandauit. Volebat scilicet, vt omnes sibi subiectae nationes eandem secum fidem catholicam profiterentur, quo se gratum DEO, cui tot prouincias in acceptis ferebat, testaretur. E singulari hac in DEVM religione singulares etiam regendi dotes, ob quas non minus ab hostibus formidatus, quam a subditis suis amatus erat, profluxerunt. (b)**

XCIX. Ecclesiam Hungaricam felicibus hisce Ludouici temporibus gubernarunt, archiepiscopi
Stri-

(a) Ibid. cap. 41. (b) Hist. Cr. T. X. p. 717.—724.

Szrigonenses. Chanadinus ab an. 1330. Nicolaus III. an. 1350. Nicolaus IV. 1358. Thomas III. 1367. Ioannes II. 1376. Demetrius 1379. *Colocen*. Ladislaus ab an. 1343. Stephanus IV. 1345. Nicolaus I. 1349. Dionysius 1350. Nicolaus II. 1356. Thomas II. 1358. Fr. Stephanus V. 1367. Episcopi *Agrien*. Nicolaus II. ab an. 1332. Michael 1363. Emericus Zudar 1378. *Bosnen*. Laurentius ab an. 1338. Bonioannes 1348. Fr. Peregrinus 1349. Petrus 1356. Fr. Dominicus 1376. *Iaurin*. Colomanus ab an. 1338. Petrus II. 1376. Guilielmus 1378. *Nitrien*. Fr. Vitus ab an. 1336. Nicolaus III. 1347. Fr. Stephanus 1349. Ladislaus 1368. Fr. Dominicus 1373. *Quinqueeccles*. Ladislaus I. ab an. 1315. Nicolaus I. 1347. Wilhelmus 1361. Valentinus 1378. *Sirmien*. Petrus ab an. 1338. Fr. Thomas I. 1349. Fr. Ioannes II. 1360. Fr. Thomas II. 1361. Demetrius I. 1364. Stephanus I. 1368. Ioannes III. 1374. *Transsilu*. Andreas II. ab an. 1333. Dominicus I. 1357. Demetrius I. 1368. Goblinus 1376. *Tsanadien*. Iacobus 1342. Stephanus II. 1343. Salardus 1344. Gregorius II. 1345. Thomas I. 1350. Gregorius III. 1359. Dominicus 1360. Nicolaus I. 1372. Paullus II. 1377. Thomas II. 1379. Ioannes III. 1380. *Vacien*. Michael I. 1343. Ioannes I. 1364. Petrus I. 1378. *Varad*. Andreas Bathor ab an. 1329. Demetrius 1345. Dominicus I. deinde Benedictus 1373. Emericus 1376. Ladislaus 1318. *Vesprim*. Mesko 1342. Stephanus III. 1345. Ioannes III. 1347. Ladislaus 1358. Petrus IV. 1378. Benedictus II. 1380. *Zagrabien*. Ladislaus 1342. Iacobus II. 1343. Dionysius 1349. Nicolaus I. 1350. Stephanus III. 1356. Demetrius 1376. Paulus 1379. *Palatini* munus obiit Wilhelmus 1342. Nicolaus Giletus 1343. Nicolaus Konth 1356. Ladislaus, dux Opuliae, 1368. Emericus 1373. Nicolaus

colaus Gara 1376. *Iudicis curiae*: Paullus 1342. Thomas 1349. Nicolaus Drugeth 1355. Nicolaus de Széts eod. 1355. Nicolaus, filius Vgrini, 1359. Stephanus Bebek 1360. Nicolaus de Széch 1369. Iacobus de Scepus 1373. Nicolaus de Széch 1382. *Vainodae Transflu.* Thomas et Nicolaus 1342. Andreas 1344. Stephanus 1347. Nicolaus Konth 1351. Stephanus 1354. Nicolaus 1355. Andreas 1355. Dionysius 1360. Nicolaus 1367. Emericus 1369. Stephanus 1373. Ladislaus 1376. *Bani totius Sclauon.* Michael 1342. Nicol. 1344. Stephanus 1351. Nicolaus 1355. Leustachius 1356. Stephanus 1363. Nicolaus Széch. 1367. Petrus Zudar 1368. Stephanus de Lindua 1382. *Dalmatiae et Croatiae*: Ioannes Chunitz, al. Zuus 1358. Nicolaus de Széch 1359. Konya 1367. Emericus 1368. Simon 1369. Carolus, dux Dyrrhachinus, 1373. Nicolaus de Széch 1379. Emericus Bubek 1382. *Machouien.* Dominicus 1342. Nicolaus 1355. Nicolaus de Gara 1366. Ioannes 1376. Paulus de Liskow 1382. *Seuerinen.* Stephanus 1342. Nicolaus 1352. Ioannes Treucel 1376. Hos ille, habita ratione non tam maiorum, quam meritorum, ad primas dignitates euexerat. (a)

§. V.

(a) Hist. Cr. T. X. p. 734.—734.

§. V.

M A R I A , R E X XXVIII.

*Coepit A. C. 1382. desit A. C. 1386.**A. C. 1382. Mar. 1. Ind. 5. P. 6. A.*

C.

Tanta Ludouici regis in vniuersam gentem Hungaricam merita fuerunt, vt, illo 16. Septembris in tumultum illato, Mariam, eius filiam, postero die sacro diademate redimitam, mira consensione *regem* omnes salutauerint. Multa sane poterant ab hac illos sententia dimouere; nullum enim adhuc exemplum mulieris, in Martia hac gente regnantis, praecesserat; nec ipsa tenerae virginis aetas ad regnandum idonea satis erat. Nondum enim illam vel thoro, nedum throno maturam fuisse, dum orbatam patre fuit, his verbis Turotzius innuit: (a) *Rex Ludouicus — duas liquit natas; quarum altera — Maria, — nondum thoro matura, puero impubi, Sigismundo, — tali pacto: „ vt, dum virgo nubile „ veniret ad annos, nuptias simul et de sponso „ regem faceret, „ matrimoniali foedere irretita est.* Quum igitur nuptiae, viuentem patre, factae non fuerint; videtur illa nubile annos nondum attigisse. Quia Diugossus Heduigis, iunioris eiusdem sororis, natiuitatem refert ad annum 1371. (b) dici posset, Mariam ante hunc annum natam esse; si recte natalis ille Heduigis consignatus esset. Sed enim Laurentius de Monacis dicit, illam, captiuitatis iugo liberatam, quod pridie non. Iunias anno

I 3

1387.

(a) De Car. Par. cap. I. (b) Libr. X. sol. 14.

1387. contigit, 16. annos natam fuisse; quod dici non potuisset; si nata fuisset ante 1371. annum. Alteruter igitur in chronologia labitur. Ex utroque tamen, ac etiam Turotzio recte sequitur, illam admodum teneram fuisse, dum patrem amisit. Non tamen aetas eius, non sexus Hungaros absterruit, quo minus illam, ob grandia Ludovici merita, pro rege reciperent ac venerarentur. *Omnis vulgus*, inquit Turotzius, (a) *concordi animo hanc virginem reginam (regem) appellat: femineum hoc celebri sexum nomine illustrent: illam alto parentis in solio locantes, sacro virgineum caput diademate coronant.* Tam Augustana, quam Brunensis editio Turotzianorum chronicorum anni 1488. habet: *Omnis vulgus hanc virginem REGEM appellat.* Nec enim Hungari *celebri nomine sexum femineum illustrassent*; si reginam dumtaxat illam appellassent. Ipse fons Turotzii, Laurentius de Monâcis, Mariae regis appellationem ita tribuit: (b)

„Hanc *regem* appellant animis concordibus omnes

„Regnicolae: *illustrant hoc regis nomine sexum.*“

Etsi vero Maria rex a pluribus etiam aliis scriptoribus appelletur; deinde tamen promiscue *regina* quoque vocata fuit, habita nempe ratione sexus, non potestatis et dignitatis. Et Maria quidem, ut rex coronata, regiam potestatem obtinuit; eam tamen per aetatem exercere statim non potuit. Eius igitur loco mater Elisabetha, iam a Ludovico prius in partem curarum assumpta, regni negotia procurabat. Iadrenses in utramque sacramentum fidelitatis edidisse, Paullus de Paulo testatur. (c)

Ac

(a) De Car. Par. cap. I. (b) Carm. de Car. Par. p. 325.

(c) Ap. Schwandt. T. III. p. 724. et 405.

Ac Elisabetha suum et ipsa legatum tam Iadram, quam ad alias ciuitates maritimas cum mandatis miſit. (a)

CI. Haec ostendunt, Elisabetham pro filia remp. administrasse, quae. mox curas suas etiam ad componendas res Poloniae conuertit, vbi Sigismundus, ad preces Polonorum nimis asper et durus, multorum animos exulcerauit, et a se penitus abalienauit. *Exsequiis*, inquit Dlugossus, (b) *pro Ludouico rege, magnifico sumtu sollemnique ritu, in Gnesnensi ecclesia, vltima die Septembris celebratis, Cracouiam diuertit.* Rogatus idemtidem a maioris Poloniae procèribus, vt inde Domarathum, omnibus grauem et molestum, amoueret, *ex consilio iuuenili, prauo et parum digesto, se id nullo pacto facturum, adiectis insuper quibusdam comminationibus, si Poloni suum imperium abnuerent, respondit.* Dum Poloni de reiciendo Sigismundo variis in conuenticulis disceptassent; duo episcopi, videlicet Stephanus (Emericus) Agrien. et Ioannes Chanadiensis, totidemque Hungariae barones ab Elisabeth, Hung. regina, Ludouici relictæ, destinati, venerunt: qui, obtenta audientia, ingentibus primum, nomine praefatae reginae Elisabeth et filiarum eius, praelatis et baronibus Poloniae, „ quod erga se et filias suas „ gessissent intemeratam fidem, „ actis gratis, ad extremum precati sunt: „ ne cui alteri, sed nec „ Sigismundo marchioni, fidem et subiectionem „ praestent; donec per eam de vtraque filia certior ordinatio subsequuta fuerit. „ *Gratis et aequis auribus legatio huiusmodi audita est, proceribus Poloniae Sigismundo — quam maxime infensis.*

I 4

Ita

(a) Hist. Cr. T. XL. p. 1.—15. (b) Libr. X. col. 69.

Ita Sigismundus, a Polonis exclusus, in Hungariam rediit. Narrat deinde Dlugossus, quosdam Hungaros castra Russiae, quibus a Ludouico praefecti fuerant, magno pretio vendidisse, *turpique lucro suffarcinatos, in Hungariam rediisse; — sed Elisabetham plerosque eorum aut in carceres coniecisse, aut capite mactasse, bonaque eorum applicuisse fisco regio; et tam ipsis, quam vniuersae stirpi eorum notam perpetuae infamiae inussisse.* Inconsulta haec seueritas, rebus nondum firmatis exercita, primus gradus ad executiendum regimen femineum erat, multis illustribus familiis, necessitudine sanguinis cum illis coniunctis, ad sumendam vindictam conspirantibus. (a)

A. C. 1383. Mar. 1. Ind. 6. P. 22. M.

CII. Elisabetha, reuerso Sigismundo, *crebris, vt Dlugossus refert, (b) a Polonorum nunciis fatigata precibus,* „ vt celerius vnā ex filiabus in Poloniae regnum, principi Polonis grato coniungendam, et apud Polonos regnaturam transmittat “ — *Vesprimiensem episcopum et duos barones transmittit. Hi — singulos praelatos, barones et procures regni Poloniae — fide, qua filiae Ludouici regis natu maiori, Mariae, et eius sponso, Sigismundo, — se deuinxerant, absolunt,* „ relictamque Ludouici, reginam Elisabeth, alteram filiam „ natu minorem, Hedwigim, Austriae duci, Wilhelmio, — desponsatam, pro festo paschae instanti, in regnum Poloniae destinaturam, *adstrunt,* „ dummodo praelati et procures regni Poloniae scripto et iureiurando primum se adstringant, „ virginem

(a) Hist. Cr. T. XI. p. 16.—20. (b) Libr. X. col. 77.



„ virginem regiam praefatam, Hedwigim, Poloni-
 „ co insignituros diademate, et illico genitrici suae
 „ — triennio propter aetatis teneritudinem sub cu-
 „ ra materna educandam, in Hungariam remissu-
 „ ros.“ Quum plerisque Polonis haec legatio dis-
 „ plicuisset, et plurimi *Semouitum, Masoviae ducem,*
 „ *in Poloniae regem assumendum, eique regiam virgi-*
 „ *nem Hedwigim desponsandam* censuissent; *Iaschko de*
 „ *Thaczin, Voyniczensis castellanus,* persuasit, „ Hed-
 „ wigis aduentum pro festo pentecostes proximo
 „ illi peremptorie indicendum: — qua pro consti-
 „ tuto die non veniente; tum demum ad proui-
 „ sionem et substitutionem regis procedendum esse.“
 „ *Ea sententia ab omnibus collaudata,* legatisque de-
 „ nunciata, mox Elisabeth cum filiabus ad iter Polo-
 „ nicum se comparavit. Nondum reginae Buda mo-
 „ uerunt mense Martio, quum illic Maria litteras de-
 „ derit in fauorem Veterosolensium *sabbato prox. an-*
 „ *te dom. Iudica,* seu 7. Martii; Draghiorum vero
 „ *caussa, festo resurrectionis Christi,* seu 22. Martii.
 „ Rursus ibidem in Aprili regium diploma dedit Ragu-
 „ sinis, (a) *sabbato prox. post quindenae festi paschae*
 „ *domini.* Sed in octavis festi ascensionis domini iam
 „ in *Nagy-Hatvan* fuit, ac M. Ladislao, filio Kakas
 „ de Keza, possessionem Sulom litteris suis addixit.
 „ Cassouiae iam illam 17. Maii fuisse, constat ex man-
 „ dato, quod ad Scepusiense capitulum inde direxit,
 „ (b) *in festo S. Trinitatis, anno 1383.* Hinc Elisa-
 „ beth Polonis, Sandecii congregatis, per Sandiuo-
 „ gium, Cracouiensem capitaneum, nunciauit, (c)
 „ se Cassouia propter inundationem aquarum in
 „ Poloniae regnum venire non potuisse: — si id
 „ sibi

(a) Ap. Luc. I. V. C. III p. 414. (b) Ap. Wagner Dipl. Saros. p. 148. (c) Dlugoss. L. X. col. 80.

„ sibi non remittatur; etiam cum periculo ventu-
 „ ram.“ Praecipuis proceribus Cassouiam venien-
 tibus, conclusum est: „ vt pro die S. Martini fu-
 „ turo Heduigis filia Cracouiam adueniat, regnum
 „ Poloniae, sponso ex sententia praelatorum et ba-
 „ ronum illi iungendo, possessura.—“ Reginae,
 hinc reuersae, Sigismundum marchionem contra Se-
 mouitum, electionem, de se factam, armis tuitum,
 in Poloniam cum 12. millibus Hungarorum mise-
 runt, (a) qui, magnis cladibus illatis, *inducias,*
ad festum paschae duraturas, Semouito concessit. (b)

CIII. Dum haec in Polonia mense Septembri
 Sigismundus agit; eius sponsa, Maria regina, Trans-
 siluanos quoque sibi magis deuinctura, quasdam
 episcopo prouinciae huius ac eius fratribus posses-
 siones donauit, (c) *Budae, in festo B. Nicomedis*
M. (15. Sept.) A. D. MCCCLXXXIII. Sequenti
 mense, cum matre rursus et sorore, maritimas
 res compositura, Iadram descendit. Quae quidem
 ciuitas, licet initio statim reginis obsequium et fi-
 dem professæ fuerit; propter nouas tamen motuum
 suspiciones, rursus ad iuramentum fidelitatis ada-
 cta fuit. (d) Id factum est 2. Februarii coram Nicolao,
 praeposito Poslegano, Detricoque Bubek, qui vices
 Emerici Bubek, alias Dalm. Croatiaeque bani, pro-
 curandis Russiae rebus impediti, suppleuit. Quum
 igitur turbatus maritimarum partium status prae-
 sentem banum postulauerit; Latzkouitsius ei suffe-
 ctus est, vt Paullus de Paulo testatur. (e) Sed,
 quia neque huius praesentia motus excitatos com-
 ponere

(a) Ibid. col. 86. (b) Hist. Cr. T. XI. p. 34.—49. (c)
 Ap. Pray Hier. P. II. p. 262. (d) Ap. Luc. L. V. C. II.
 p. 405. (e) Ap. Schwandt. T. III. p. 724.

ponere potuit; ipsae tandem reginae die XXIV. Octobris, eodem teste, *Iadram applicuerunt*. Quantum praesentia reginarum profuerit, ex his eiusdem scriptoris verbis apparet: *Eodem anno, die 28. Octobris, castrum Auranae reddidit se, quod modicum prius rebellauerat iussu Ioannis de Palisna, olim prioris Vranae*. Haec igitur Aurana fidem, quam antea detrectabat, reginis praestitit, exauctoratoque Ioanne de Palisna, quies Dalmatiae tantisper restituta fuit. Comitem reginarum fuisse laudatus auctor ait *cardinalem episcopum Quinqueecclesiae*. Nondum tamen ille cardinalis legitur, quum Maria singulares quasdam praerogatiuas contulit Priuidiensibus, hoc vsa titulo: (a)  Maria, D. gr. Vng. „ Dalm. Croat. Ram. Seru. Gallit. Lodom. Coman. „ Bulgariaeque regina, princeps Salernitana et honoris ac montis S. Angeli domina. —“ Subscripti sunt *V. kal. Febr.* Demetrius card. gubernator eccl. *Strigon.* Emericus *Agr.* Paullus *Zagrab.* Gublinus *Trans.* Valentinus *Quinqueecccl.* Benedictus *Vesprim.* Ioannes *Chanad.* Georg. *Bosn.* Petrus *Vac.* Ioannes  *Sirm.* Fr. Dominicus *Nitr.* — Nicolaus de Gara *palat.* Ladislaus *vaiuoda Trans. C.* Nicolaus de Zeech *iudex cur.* Stephanus de Lindua *totius regni Sclau.* Emericus Bubek *Dalm. et Croat.* Stephanus, filius Phylpus, *de Machow bani.* In litteris, *VI. non. Maii* datis legitur *Ludouicus Coloc, archiep.* Ioannes *Varad. ep.* Quum Maria hunc an. 1383. *V. kal. Febr.* dicit esse regni sui *secundum*; pro primo quatuor prioris anni menses non integros accipit. Diutius Buda reginas abfuisse, patet inde, quod Elisabetha Ianussio, Masouiae duci, libertates quasdam

(a) Ex apographo.

dam concefferit, *Cryſi*, XX. die menſis Decembris
A.D. MCCCLXXXIII. (a)

A. C. 1384. Mar. 2. Ind. 7. P. 10. A.

CIV. Non exſpectato hiemis exitu, reginae Hungariam repetierunt. Nam Maria Strigonii 13. Martii iam ad Caſſouienses litteras dedit, quibus præcipit uſum nouae monetae, *Koronás* dictae, molis exiguae, quae ſolam coronam exhibet. Reginas ad accelerandum reditum amittendae Poloniae periculum impulit. Dum enim Eliſabetha negotiorum cauſa cum filiabus per Dalmatiam et Croatiae commeabat tempus, ad Hedwigem in Poloniae regnum transmittendam præſtitutum, præteriit. Indignatus Santiuogius eluſam iterum ſpem Polonorum, earum reditu non exſpectato, iadram ſe contulit, reginaeque tam diuturnam tergiuerſationem exprobrauit. Quumque nihil profeciſſet; eius, inquit Dlugoffus, (b) *relatione moti principes, conuentum — in diem 2. Martii et in oppidum Radomſcie* — indicunt. Plures vias Eliſabetha, tenerae filiae Hedwigis amore victa, tentauit ad exſpectationem ac poſtulationem Polonorum eludendam; nec alia de cauſa Sigismundum ad gubernandum Poloniae regnum præmiſit, quam ut eam diutius apud ſe retinere poſſet. Sed quam parum hic conatus illi ſucceſſerit; ex noua legatione patuit, qua denunciatum illi fuit: „Polonos iureiurando ſe obſtrinxiffe, feſto S. Stanislai (8. Maii) lapſo, ſibi de rege, ſi Hedwigis, regia filia, Cracouiam conducta non fuerit, prouiſuros.“ — *Sigismundus id aegre perſuaſit; ut aduentus Hedwigis, regiae*

(a) Hiſt. Cr. T. XI. p. 49.—59. Libr. X. col. 91.

regiae filiae, a festo S. Stanislai ad festum pentecostes prorogaretur. Magna vis et amoris in filiam Elisabethae reginae, quod eam cum tanto regni perdendi periculo tamdiu dimittere noluerit, et fidei Polonorum in explendis promissis, Ludouico factis, esse debuit, quod toties elusi, nondum alium sibi regem delegerint. Postquam ad extrema ventum est, et omnem Poloni patientiam exhausterunt; cessit regina votis eorum, seque dulcissimo pignore, non sine maximo dolore, spoliavit. Crebras promissiones suas Elisabeth, pergit Dlugoffus, — impletura, dum spes Polonorum in longius tempus sine rerum discrimine extrahi non posse intelligeret; ipsam in magno baronum et militum, et praecipue Demetrii, tit. SS. IV. Coronatorum presb. card. et archiep. Strigon. et Ioannis, Chanad. episcopi, comitatu — transmittit. Dlugoffus vna serie mox etiam Heduigis coronationem refert; quae tamen, si notas temporis rite consignauit, ad sequentem annum differri debet. Regina tamen Poloniae iam hoc anno vocatur in iis litteris, quibus Ladislaus, dux Opolien-sis, et Nicolaus Gara, Hung. palatinus, reconcilia-ti sunt, (a) Budae, in festo B. Stephani proto-M. A. D. MCCCLXXXIV. polliciti reginis perpetuam et omnem fidelitatem. (b)

CV. Quid dissensionis inter illustres hosce viros intercesserit, quum nec ipsi, nec historici huius offensionis meminerint, hariolari non libet. Id cer-tum est, praecipuam motuum, qui contra reginas gliscebant, causam in Ladislaum Gara refundere Laurentium de Monacis, dum ita canit: (c)

„Prima

(a) Ap. Spies Archivische p. 162. (b) Hist. Cr. T. XI. p. 59.

—59. (c) Carm. de Car. Par. f. 326.

MCCCLXXXV. Kalendis autem Nouembris *Emertus Bubek*, totius regni *Russiae capitaneus*, in easdem possessiones *Palugyaio*s induxit. Suum quoque consensum abbati *Tihanyensi Maria* pro cambio dedit, (a) *in festo Demetrii M.* adeoque tam in *Russia*, quam in *Hungaria* sub initium autumnii huius anni regiam adhuc auctoritatem exercuit. At eodem Octobri mense, quo has abbati litteras dedit, eius auctoritatem in *Dalmatia* iam impeditam fuisse, *Lucius* his verbis innuit: (b) *Quum regnare non permetteretur; pro regnante*, impedita regina *Maria*, *Scriptura Spaleti 1385. die 13. Octobris exprimit.* (c)

CVII. Eruperunt nempe iam in apricum studia coniuratorum, e quibus *Paullus*, *Zagrabiensis* episcopus, sceleri larua virtutis affuta, *Romam* iter ad limina SS. apostolorum simulauit, rectaque *Neapolim* ad *Carolum Paruum*, ad capeffendum *Hungariae* regnum inuitandum, properauit. *Carolus*, redditis ab eo litteris, multorum procerum signo munitis, quibus illi regnum offerebatur, attonitus aliquamdiu haesit. Dubium, an contra iusiurandum, *Ludouico* factum, eius filiae, heredi legitimae, corona foret eripienda, nouis argumentis antistes aggressus est. Ille tamen, eodem tantisper a se dimisso, responsum sapienter suspendit, remque tanti momenti matura deliberatione prius discutere voluit. Re cum *Margarita* coniuge communicata, *Hungariam* iccirco se petiturum dicebat, vt filium suum *Ladislauum*, exauctorata *Maria*, *Hungaris* regem imponat, validisque *Hungarorum* auxiliis adiutus, ad tuendum aduersus aemulos regnum

• Neapo-

(a) Ap. Wagn. Seep. T. I. p. 325. (b) Libr. V. Cap. II. p. 408. (c) Hist. Cr. T. XI. p. 92.—104.

Neapolitanum fortior euadat. Expalluit, his auditis, regina, lacrimisque perfusa, maritum orauit, ne sortem alienam peteret, neue suspectis inuitantium verbis fideret. Sed Carolus, ambitione iam excaecatus, nullis reginae lacrimis, nullis precibus flecti potuit. Tum vero coniux, precibus in iram versis, virum suum magnis clamoribus insequuta, tandem effecit, vt filium pater domi relinqueret, solusque Hungaricum iter susciperet. Haec fusc Laurentius de Monacis carmine describit, ex quo sua quidem Turotzius depromsit; e suo tamen etiam huic narrationi quosdam errores immiscuit. Ait ille, quod Laurentius non attingit, (a) *nec adhuc regem femineum paterno in solio duos per annos sedisse*; quum Carolus in Hungariam accitus est: quod tamen, anno Mariae tertio iam completo, fuisse factum, ex dicendis apparebit. Ait, ipsum Carolum, ab Andrea, Siciliae rege, fratre quondam D. Lodouici regis carnali, genitum esse; quem tamen tam Maria, quam Sigismundus Carolum de Duratio vocat: ex eo proinde stirpis Andegauensis ramo descendit, cui Duratium seu Dyrhachinum obtigit. Eius pater fuit Ludouicus; pater Dyrhachinus ille Carolus, quem rex Ludouicus capite plecti iusserat, cuius filiam Margaritam, e Ionnae sorore Maria susceptam, coniugem habuit. Quum haec nullis precibus et rationibus maritum a proposito dimouere potuisset; *conscensis nauibus*, inquit Turotzius, (b) — *optatis ventis spirantibus, alta maria sulcat, — quousque Segniense applicuit ad litus. Est enim Segnia maritima ciuitas, — in qua ipse rex Carolus condecienti hospitio acceptus*

(a) De Car. Par. cap. 2. (b) Ibid. cap. 4.

acceptus est. Segnienses enim ciues Italico de principe laetabantur; nam ipsi Italica potius, quam veteri patriae lingua garriunt. — Idem rex, — ab illic suorum mouens agmina, — ad ciuitatem Zagrabiensem, ubi illum eiusdem ciuitatis episcopus, in multarum affluentia rerum, grata hospitalitate receptum, fouit. Placuit igitur regi Carolo interim, donec sui Hungariam per omnem fama diffunderetur, ciuitate in eadem expectare. Labitur iterum Turotius, quum adiunctis verni temporis hoc iter Caroli circumscribit. Nullum ille ver, acceptis ex Hungaria nunciis, superuixit. Nam anno sequente 6. Februarii vulnere letali percussus, corruet. Hoc autem anno 6. Febr. Nuceriam, ad quam Urbanus VI. se receperat, cepit ac incendit, ut ex Niemio, qui rebus gestis intererat, Fleurius refert: (a) Tum, inquit, arcem, cui papa se incluserat, obsidione tinxerunt, quae 7. mensibus durabat. — Urbanus vero quotidie ter quaterue, cum face ac tintinnabulo stans ad fenestram, hostilem exercitum detestatione sacra deuinciebat. Quum igitur ante mensem Augustum obsidio soluta non fuerit; Carolus non in vere, sed sub exitum aestatis iter hoc fecit, et 4. Sept. Barletta profectus, octauo die Segniam apulit. (b)

§. VI.

(a) Libr. XCVIII. §. XXII. XXIII. (b) Hist. Cr. T. XI. p. 104. — 121.

§. VI.

CAROLVS II. REX XXIX.

Coepit A. C. 1385. desinit A. C. 1386.

A. C. 1385. Car. 1. Ind. 8. P. 2. A.

CVIII.

Aduentantis Caroli fama Budam nunciata, nuptiae Mariam inter ac Sigismundum deproperatae sunt, ut proceribus, imperium muliebri factioni praetextentibus, hoc seditionis velum eriperetur, soliumque Bohemicorum auxiliorum spe firmitus redderetur. *Quum, inquit Turotzius, (a) haec erga Carolum regem aguntur; caesareus natus (Sigismundus) — fide pariter et thoro prius conditas nuptias firmavit. Hic enim, rege Ludouico superstite, ut in futurum regnaturus, Hungarico informaretur idiomate, simulque et mores hominum acciperet; per parentes domo imperiali reginae in aulam translatus erat. Ne igitur insidiis aduenientis tyranni, connexique illi furia populi circumueniretur; deserta coniuge, patrios ad fines fugit. Harum nuptiarum dum fama ad Carolum delata est; spem eius, res secundas aspicientem, magna in parte minuit. Caesarem enim nati (fratris) praeiudicio excitari, et in suas res vim et arma inferre cogitabat. Carolus caesar, Sigismundi pater, iam anno 1378. mortuus, arma pro filio sumere non potuit. Haec igitur de Wenceslao, Sigismundi germano, qui tunc imperitabat, accipienda sunt. Carolus, apud Zagrabiensem episcopum trimestri spatio commoratus, quum a con-*

K 2

iuratis

(a) De Car. Par. cap. 5.

iuratis omnia tuta post Sigismundi fugam intelligeret, ac sibi persuaderet; Budam venit reginasque circumuenit. Omnia hic simulatis vtriusque verbis agebantur. Non ignorabant reginae, quo consilio Carolus ex Italia venerit; aduentus tamen eius causam per legatos exquisierunt, quibus ille responsum amicitiae simulatae reddidit, ad dissidia tollenda tranquillitatemque conciliandam et pacatum Mariae regnum reddendum se venisse. Haec quoque fingi reginae nouerunt, dissimulato tamen dolore, venienti sollemniter occurrerunt, ac ipsae fictas itidem pro tanto labore gratias eidem egerunt. Ille, sumpto non regis, sed gubernatoris titulo, comitia Hungaris edixit. Hic, pluribus sibi conciliatis, postquam factiosi plebem, in vtramque partem vehementem, concitassent; ausi sunt tandem coniurati regnum a Maria repetere, Carolo tradendum, qui mox Italos milites castris custodes constituit. (a)

CIX. Carolus, extorto hunc in modum reginae consensu, rex omnium voce proclamatus, cum magno comitatu procerum et nobilium, Albamregalem, consuetum coronationis locum, acceleratis itineribus, petiit. Ad triste hoc spectaculum reginae quoque sunt inuitatae, quae mox in sacellum, a Ludouico rege constructum, se receperunt, ac marmoreum illic conditi regis simulacrum multis lacrimis irrigarunt. Resumptis animis, in magnificam basilicam, in qua primos et ultimos honores Hungari regibus suis exhibere solebant, concesserunt. Hic ubi Strigoniensis archiepiscopus, pro more temporis illius, quo reges non hereditate, sed

(a) Hist. Cr. T. XI. p. 131.—131.

sed electione coronam adipiscebantur, ter sublata
 voce senatum populumque Hungaricum interroga-
 bat: *Si Carolus placet in regem!* non, vt alias, lae-
 tis vocibus acclamabatur: *placet*. Haec omnia Lau-
 rentius de Monacis eleganti carmine descripsit,
 ac ita tristia quaedam omina subiicit: (a) „Ecce
 „ autem infaustum regi mox panditur omen. Nam
 „ de more, sacrae dum post sollemnia missae,
 „ regali in pompa, procerum comitante caterua,
 „ rex templum egreditur, ostroque auroque mi-
 „ cantem ascensurus equum, Stephanique insignia
 „ sancti regia procedunt, iam tot seruata per an-
 „ nos, religione pia, venturis regibus, illud mis-
 „ sile vexilli, quo freta est auspice dudum prima
 „ dies regni, tactum testudine valuae, frangitur
 „ in partes, dedignatumque tyrannum et regum
 „ auspicio et sacris regalibus vti. Et dum secu-
 „ rus Budae male parta teneret; successu infausto
 „ fatalis fraudis ouantem ex alto omnipotens
 „ ostentis territat atris. Turbiné terribili rapido-
 „ que volumine ventus horrifer emergit, quantum
 „ per secula nulli Hungariae meminere senes: tur-
 „ resque superbas elatasque domos Budae vi fla-
 „ minis acris concutiens, tremulare facit, vertit-
 „ que per auras culmina, ceu volucrum plumas.
 „ — — Iam penes occasum pompae vitaeque
 „ ruinam per triduum, dictu horrendum! nume-
 „ rosa caterua coruorum scandit regis sublime cu-
 „ bilis culmen, et horrissono crocitamine fidera et
 „ aures attonât humanas, versisque in vulnera
 „ rostris mutua: deplumant alternis ictibus artus:
 „ purpureoque nigrae rubuerunt sanguine pennae.“

K 3

Haec

(a) Carmin. de Car. Par. p. 333.

Haec ostenta, quibus interitum regis historicus hic poeta portendi censebat, Turotzius itidem attingit; sed e suo rursus perperam illud addit: *Quum vero securus castro in Budensi manens, noua gloriaretur de dignitate; illum DEVS atris ab alto portentis territat. Diebus enim autumnii mediis, nimbus —* Nullum autumnum, nullum ver, nullam aestatem in Hungaria Carolus, ad solium euocatus, egit. Hieme venit, hieme periit. Spondanus ait, (a) *ultima Decembris*, quae *dominica* hoc anno fuit, coronatum esse. Quae chronotaxis lucem accipiet e Mariae litteris, quibus anno sequenti Blasium Forgách remunerata fuit, ob caesum Carolum, de quo iam agemus. (b)

A. C. 1386. Car. 1. Ind. 9. P. 22. A.

CX. Laudatus Forgachius, reginae Mariae semper fidus, apud quam magistri pincernarum munereungebatur, vnus omnium maxime videbatur idoneus, qui, sublato Carolo, pristinam illi dignitatem vindicaret. Turotzius id factum asserit anno 1385. Quam sententiam, a quibusdam aliis adoptatam, satis superque refellit diploma, quod *Karolus, D. gr. rex Vngarie, Ierusalem et Sicilie — fidelibus suis, capitulo ecclesie Alben. Transsiluane, dedit Bude, sub paruo suo sigillo, die XV. Ianuarii, VIII. ind. A. D. MCCCLXXXVI.* (c) Sequenti quoque mense, priusquam tristi nece sublatus fuisset, regias litteras in fauorem Valentini de Fejéregyház dedit: „Consideratis, *inquit*, fidelium seruitiorum meritis ipsius Valentini, quibus
„ illo

(a) Ad an. 1385. n. 7. (b) Hist. Cr. T. XL p. 131. — 136. (c) Ex MSS. Cornides.

ille primitus olim ser. principi D. Lodouico, re-
 gi Hung. venerando, domino et patri nostro
 carissimo, fel. rec. et tandem, eodem, nutu di-
 uino mediante, absque heredum masculinorum
 solatio, de hoc seculo decēso, nobis ex hoc,
 uti vero fratri ipsius condam D. regis, ad solium
 dicti regni nostri Hung. succedentibus, et sce-
 ptrum regiminis eiusdem regni nostri feliciter,
 annuente domino, gubernantibus, — stūduit —
 complacere. — — Budae, in festo B. Agathae V.
 et M, anno dom, MCCCLXXXVI. Postridie,
 si Turotzium audimus, anno ■■■■ ad fidem ho-
 rum diplomatum apud eum correcto, Carolus re-
 gnare, non tamen illico viuere desit. Erant, in-
 quit, (a) tunc rigidi mensis Febr. dies, festa vir-
 ginis sacrae, cui Christus rosas cum pomis sua
 misisse de rosario recolitur (S. Dorotheae) domini-
 caeque incarn. mille trecentos octoginta post annos
 quintus (sextus) nouo volumine currebat; quum re-
 gina Elisabeth, illius diei circa occasum: „ a mar-
 chione Sigismundo, genero suo, nouas sibi al-
 latas litteras, regi Carolo intimaui; rogans ipsum,
 ut suam descenderet in domum, et dissolutio-
 nem simul et secreta litterarum intueretur, ac
 occulta, quae secum haberet, conferre audiret.“
 Infelix Carolus, — cubili ab alto descendens, Ita-
 licis comitatus aulicis, reginale adiit hospitium. Ea-
 dem et palatinus Garenensis hora, — plurimam secum
 trahens cohortem, castrum regale intrauit, suisque
 cateruatim, prout illis commiserat, in portis castri
 remanentibus, ipse ad palatium, quod regem ac re-
 ginam simul tenebat, sequenti luce, ad filiae nu-
 ptias se transiturum dissimulans, ut domino dominae-

(a) De Car. Par. cap. 8.

que suis valediceret, coniuratum sub veste ensem accinctum secum deferens, intrauit. Regina igitur et palatino regis ad latera sedentibus, et variis tractatibus incumbentibus, Italici sponte consilio cedunt, domoque egressi bini et bini, ut eorum moris est, per castrum feruntur. Dum ergo palatinus congestum ad facinus optatum tempus se exhibere vidit; Blasium Forgách-adstantem obliquo lumine intuitus est. Ille, accepto signo, de sub chlamyde mox rutilantem educens gladium, illum in regem in tantum fulminat, et in ~~for~~um virtute brachiorum ipsum graui ictu aggrediens, verticem simul et supercilium lumenque eius medium miserabili vulnere scindit; et scelere commisso, aulam egrediens, Italicis ingenti undique clamore et concursu inualescentibus, ense cruentato, palatinales usque ad turmas sibi viam aperit.

(a)

CXI. Atque hic fatalis ictus eius regno, non tamen vitae, finem imposuit. Nam, collectis viribus extremis, infelici surgens, in quo sedebat, de loco, pergit Turotzius, lento nutantique gressu procedens, per pavimentum cruore longa vestigia signabat; et rubile, a quo sanus descenderat, aeger adiit. — Palatinus vero, conceptum nefas se peperisse laetatus, munimina castris intrepidus aggreditur; portasque simul et arces Hungaricis reparat armis. Italici autem, sine principe, sine armis, medios se volui inter hostes, ac regem sanguinem fundere, dum conspiciunt; — castrum egressi, totam percurrunt ciuitatem; — et primae noctis sub tenebris, regalibus comitati fautoribus, fugientes, Italicas tendebant versus oras. Eiusdem tandem noctis sub conticinio, reginales et palatini complices, — regale

gale irruentes ad cubile, — regem saucium extrahunt, et captum altae turri seruandum tradunt. — Et quam Titaneus axis rubentem aduexit auroram; — cumulis viribus, plateas ciuitatis vagantur per omnes; et „ regem regnare Mariam “ clamitant; — irrumpentesque domos Itolorum, congestas illorum gazas voraci praedae exponunt. — Rex postea Carolus tollitur, et celsam ad arcem Visegradi seruandus mittitur; ubi vulnere, ut quidam aiunt, venenata medela adhibita, faucibus elisis et respiramine clauso, moestam consummauit vitam. — In claustro S. Andreae, infra arcem Visegradiensem praedictam constructo, non paucos per annos, tabidum in cadauer redactus, intumulus iacens, aerumnarum humanae ingens spectaculum, regibusque futuris documentum et exemplum satis grande praebuit. Estense chronicon defigit caedem (a) ad huius anni diem VII. Febr. mortem autem eiusdem regis ad XXIV. Febr. Fleurius e Niemio characteres illius ita pingit: (b) *Erat statura breui; unde Carolus Paruus plerumque dicitur, capillis flauis, facie decora, voce amoena, incessu moderato; probe versatus in poematibus et historiis, quibus oblectare se post cibum solebat. Occisus est anno aetatis suae quadragesimo; regni die 39. quod ex Mariae diplomate mox videbimus.* (c)

S. VII.

(a) Ap. Murat. T. XV. col. 512. (b) Libr. XCVIII. f. XXX. (c) Hist. Cr. T. XI. p. 141.—143.

MARIA RESTITUTA, REX XXVIII.

*Coepit et desit A. C. 1386.**A. C. 1386. Mar. 4. Ind. 9. P. 22. A.*

CXII.

Princeps Mariae, solio restitutae, cura fuit, ut illum, cuius opera suum aemulum e medio sustulit, regia munificentia remuneraretur. Carolo iam 24. Februarii mortuo, Forgatio Gimesium, in patris facinoris praemium, prid. kal. Martii vel contulit, vel abalienatum restituit. Rem ab eo gestam in litteris regiis, in eius fauorem confectis, ita dilaudat: (a) „ — Quidam Carolus de Duratio, „ rex Hierosolymae et Siciliae, non iusta usus ratione, sed affectu cupiditatis ductus, — quorundam nostrorum rebellium infidelium verbis allectus, — regnum nostrum subiit, — et in tantum — palliata malitia laboravit, ut se in regem ipsius regni nostri Hung. — fecerit coronari; nosque, quemadmodum promittebat prius, in corona nostra et eius ditione tueri, — ipsa corona proditorie priuavit, et regimine regni nostri spoliavit. Immo, quod deterius est et inauditum, serenissimam principem et D. Elisabetham, reginam Hung. Pol. Dalm. — genitricemque nostram carissimam, cum cunctis suis praelatis et baronibus, facere iugulari ac exterminari, ac nos in exilium redigi, clamdestine decreuit. Vbi fidelis noster miles, M. Blasius, dictus Forgách, — leonina fretus audacia, uti vir strenuus, audito et

„ et percepto praemisso nefas et sceleroso conce-
 „ ptu, iniuriam praemissam — malens — vindica-
 „ re, quam tolerare, se et personam suam, ac
 „ fratrum et omnium proximorum suorum, casui
 „ mortis et fortunae opponendo, — ipsum Caro-
 „ lum regem, *trigesimo nono* die praemissae perni-
 „ ciosae coronationis, — audacter est aggressus,
 „ et ipsum tam immaniter inuasit, et adeo cre-
 „ bris sibi datis bicillorum ictibus plagas sibi im-
 „ posuit, quod paullo post paucos dies spiritum
 „ emisit. — — Dat. Budae, feria IV. prox. ante
 „ dom. *Esto mihi*, an. dom. MCCCLXXXVI.“ Ca-
 rolus igitur ante kalendas Martii non tantum cae-
 sus, sed etiam extinctus est. Ioannes Horuathius,
 vnus e praecipuis coniuratis, Buda post Caroli
 caedem elapsus, magnas in Croatia turbas excita-
 bat, quarum metu reginae tantisper intra Budae
 moenia se continebant. Hic Maria quasdam Wil-
 helmi, quondam Quinqueecclesien. episcopi, litteras
 transsumsit, *feria 2. prox. post dom. Oculi*. Hic
 factam ecclesiae Vespermiensi donationem ratam ha-
 buit, *in festo natiuitatis B. Ioannis B.* Sequenti
 mense Strigonium profecta, pro Cibiniensibus di-
 ploma dedit, *die dom. prox. post festum S. Marga-*
rethae V. et M. Quum igitur anno sequente sub
 initium mensis Iunii libertatem recuperauerit; an-
 num integrum in captiuitate non exegit. (a)

CXIII. Excubabat ad Iaurinum cum exercitu
 Sigismundus, vt motus, siqui post Caroli caedem
 excitarentur, reprimeret. Nam illic eum constitisse
 mense Maio, patet ex illo diplomate, quo litis
 arbitrium de Morauia Wenceslao fratri detulit, hoc
 vsus

(a) Hist. Cr. T. XI. p. 148.—156.

usus titulo: (a) „Nos Sigismundus, D. gr. marchio Brandenburg. S. R. L. archi-camerarius. — — „Dat. in campo prope Iaurinum, A. D. MCCC. „LXXXVI. die 11. Maii.“ Nec Elisabetham adhuc captam esse, dum haec scriberentur; immo nec Buda profectam post vnum a datis illis litteris mensem, apparet ex foedere, quod cum Wladislao, destinato Hedwigis marito, pepigit, (b) *Budae in vigilia pentecostes* (IX. Iun.) A. D. MCCC. LXXXVI. Haec pactio videtur indicare, iam tunc, quum ea confecta fuit, Wladislaum, Iagellonem antea dictum, et Poloniae regem, et Hedwigis coniugem fuisse. Quod etiam chronista Salisburgensis his verbis affirmat: (c) MCCCLXXXVI. — *Filius ducis Austriae Leopoldi, Wilhelmus nomine, de Cracouia est expulsus; et regina Cracouiae, filia regis Ungariae, cum qua dictus dux Wilhelmus matrimonium contraxerat, post ipsius expulsionem, regi Lithuaniae., praedicto matrimonio non obstante, matrimonialiter est sociata, ex dispensatione D. Urbani PP. VI. qui rex occasione eiusdem matrimonii ad fidem catholicam conuersus, sacrum baptismum suscepit.* Dlugossus quoque hoc matrimonium ad an. 1385. in margine notatum, refert, at notae chronologicae, quibus acta distinguit, annum sequentem indicant. (d) Ait enim Iagellonem Cracouiam ingressum *die Martis, XII. Febr.* sacro latice tinctum et Hedwigis connubio iunctum, *die Iouis, XIV. Febr.* coronatum denique *XVII. Febr. quae in dominicam quinquagesimae cadebat.* Anno 1385. quo pascha fuit 22. Apr. littera dom. G. non incidit in diem

Martis

(a) Ap. Balb. et Pray P. II. p. 178. (b) Ap. Dogiel T. I. P. I. p. 40. (c) Ap. H. Pez T. I. col. 429. (d) Libr. X. col. 101.—105.

Martis XII. Febr. sed in diem lunae; nec in *diem Iouis XIV. Febr.* sed in diem Mercurii; nec in *XVII. Febr. dominica quinquagesimae*; sed in IV. Martii. Quum igitur hi characteres chronologici conueniant anno 1387. quo pascha fuit VII. Apr. littera dom. F. dicendum est, vel Dlugossium tam connexos errores commentum fuisse, vel Wladislai baptismum et matrimonium ad an. 1387. figendum esse, quo pontifex etiam Urbanus VI. illi de conversione gratulatus est, *litteris XV. kal. Maii pont. an. X. datis*. Quia vero Hedwigis, a Polonis persuasa, matrimonium, ab impuberi cum Wilhelmo contractum, non obligare, consensit in Wladislaum; per regium sanguinem Hungaricum et Poloniae regnum, et religio catholica magnum accepit incrementum. (a)

CXIV. Ex litteris supra citatis, tam ad Wladislaum ab Elisabetha IX. Iunii, quam pro Vespriemienfibus a Maria XXIV. Iunii, Budae datis, apparet, illos scriptores patrios errare, qui reginarum captiuitatem vel ad annum superiorem, vel ad anteriorem Iunio menssem defigunt. Immo Mariam adhuc Strigonii fuisse 15. Iulii, patet ex diplomate, pro Cibiniensibus mercatoribus ibidem dato, *die dom. prox. post fest. S. Margarethae V. et M. anno dom. 1386*. Quare Turotzius, qui quartam chronicorum partem, cuius solius auctor vere dici potest, hic inchoat, bene quidem inauspicatum reginarum iter ad menssem Iulium differt; in anno tamen designando grauitur labitur. Errat etiam in adiunctis quibusdam captiuitatis, quam ita describit: (b) *Rege Carolo nequiter perempto, et regnum habentis*

(a) Hist. Cr. T. XI. p. 156.—172. (b) Chron. P. IV. cap. I.

habenis rursus per reginas arreptis; regis Caroli qui erant auxilarii, metu concutiuntur non modico, et partes sibi tutas quaeritantes, non minus regem extinctum vindicare ardebant. Reginae autem et palatinus omnia eis contraria, ipso rege interfecto, complanasse et deuicisse arbitantes; illa parte anni instante, quum sol feruidus, leonis inrediens signum, feruido messorum quassabat aestu; infelices reginae simul et palatinus, dementia ductrice, aulicorum tantum comitati cateruis, Budam egrediuntur, et partes regni lustrant inferiores. Et quum celeberrimo die festi B. Iacobi ap. versus oppidum Diako, nulla insidiarum suspitione pulsati, medium graderentur per campum; Ioannes de Horuáth banus, ingenti hostilitatis manu collecta, ultrici aestuans animo, furibundus in agmina aulicorum irruit. Graue certamen committitur hostes inter utrosque. Et quum reginales palatinalesue gentes imparitate hostium se excedi viderent; illi, qui nondum ceciderant, terga dantes, praecipiti fugae se commiserunt. Blasius vero Forgách, ut erat audax, primitias excipiens congressus, ex impulsu hostilis lanceae medios inter belantes deiectus ab equo, capitur; et intuentibus reginis, decollatur. Garense autem palatinus, dum tanti discriminis praesidium solum esse mortem considerat; descendens ab equo et reginarum iunctus curru, in hostes gladio utitur, seque ac reginas viribus defendit totis. Sed, quid profuit solitariae manus defensio? quum undique inimicum insistens brachium cum letalibus sagittarum ictibus sauciabat, quas ille, suo infixas corpori, ne sibi feriens praepediretur manus, arundinum ad instar confringebat: et interim tantae cohorti obstitit; donec per quemdam militem reginali de sub curru, unde non timebat, per pedes arreptus, in terram deiicitur; ac reginis

ginis et earum pedissequis, futurae mortis metu, stridenti clamore inualescentibus, ibidem capite truncatur. Quo peremto, et reginalibus aulicis, aliis deletis, aliis fugatis, feritas illa Croacorum, honoris ignara, reginales currus inuadit pariter et euerit; ac reginas simul et domicellas earum, sine venia sexus, et absque reginalis reuerentia dignitatis, curribus de eisdem extrahendo, et multis afficiendo contumeliis, captiuas sui boni adducunt in praesentiam. (a)

CXV. Vera haec esse, discimus ex diplomate, tam a Sigismundo 1408. (b) quam ab Alberto rege familiae de Gara dato; (c) neque haec diplomata, quum *versus oppidum Gara* nefarium hoc facinus a coniuratis attentatum fuisse perhibent, Turotzio, qui *versus oppidum Diako* hoc factum esse docet, contraria sunt; nec enim *Gara*, hodie *Gorian* a *Diakovár* procul abest. (d) Cetera tamen, quae Turotzius subiungit, cum veteribus scriptoribus et diplomatibus conciliari non possunt. Scribit enim ille, *reginam Elisabeth*, sequenti nocte, *frenatis faucibus, amnis Bozwotha altas demersam in aquas* fuisse. Nec tempus, nec locus, nec genus *Elisabethae* mortis ab eo hic rite consignatur. Nam Paullus de Paullo, scriptor synchronus, eius mortem ad sequentem annum ita differt: (e) *MCCC. LXXXVII. — XVI. Ianuarii, applicuit novum, quod D. regina senior obiit in castro Nouigrad. in captiuitate. — Die sabbathi, IX. Februarii, fertur, quod corpus*

(a) Hist. Cr. T. XI. p. 172.—174. (b) Ap. Pray Ann. P. II. p. 177. (c) Ap. Kaprin. H. Dipl. P. I. p. 358. (d) Koll, H. E. Quinqu. T. III. p. 157. (e) Ap. Schwandt. T. III. p. 726.

corpus praedictae D. reginae fuit portatum Iadram, et repositum in monasterio S. Grisogoni. Carestinus quoque, non aquis haustam, sed in carcere caesam Elisabetham ita refert: (a) Ductis captis matre et filia apud Iadram; subsequenter ipsa regina Elisabeth exstitit in carcere, proh dolor! interfecta. Sigismundus quoque testatur, eandem in captiuitate caesam fuisse: in qua quidem, inquit, (b) captiuitate, ipsa D. mater nostra, proh dolor! per eosdem miserabiliter exstitit interemsa. Si Turotium audiamus; locus captiuitatis Mariae Krupa fuit. Sic enim ille scribit: (c) Regina iunior in castro, Crupa denominato, in partibus Croatiae situato, tenebatur. At Carestinus ibidem alium illi captiuitatis locum his verbis assignat: Rex autem Maria diu detenta fuit in carcere castri Novi. Paulus item de Paulo, liberata fuit, inquit ibidem, a captiuitate, et exiit de castro Nouigrad, in quo detinebatur. Quae conciliari facile possunt; si dicamus, primum Krupam, prioris Auranae iuribus obnoxiam, eandem ductam; deinde Nouigradum traductam fuisse. Locum captiuitatis Carestinus castrum Nouum; Nouigrad Paullus; Sigismundus in diplomate sequentis anni castrum Ujvár appellat; quae nomina variis linguis idem significant. (d)

§. VIII.

(a) Ap. Luc. L. V. C. II. p. 409. (b) Ap. Kerehel. Not. Prael. p. 382. (c) Chron. P. IV. cap. 2. (d) Hist. Cr. T. XI. p. 175.—181.

§. VIII.

SIGISMUNDVS, REX XXX.

Coepit A. C. 1387. defuit A. C. 1437.

A. C. 1387. Sig. 1. Ind. 10. P. 7. A.

CXVI.

Sigismundus, stirpe Lucemburgica natus anno 1368. patrem habuit Carolum IV. imp. auum Ioan- nem, Boh. regem; proauum Henricum VII. imp. cuius filiam, Beatricem, Carolus H. R. Sigismundi vero sororem, Margaritam, Ludouicus H. R. con- nubio sibi iunxerant. Sigismundus igitur, tantis maioribus ortus, Ludouico dignus est visus, cui primogenitam suam, Mariam, vxorem destinaret anno 1372. desponsaret an. 1377. Nuptiis anno 1385. cum Maria celebratis, nonnisi 10. annis cum ea conuixit, ad quam e captiuitate liberandam, copiis propere collectis, expeditionem in Dalmatiam suscepit, ac ineunte hoc anno iam illum in Croa- tia fuisse, hae Chasmenfis capituli litterae docent: (a) „ Illustrissimo principi D. Sigismundo, D. gr. „ marchioni Brandenburg. S. R. I. archi - camerario. „ — — Datum in Kaproncha, fer. V. prox. post „ festum epiphaniarum domini, anno eiusdem MCCC- „ LXXXVII.“ Indidem eodem mense Ianuario, sabbato prox. post diem S. Antonii conf. addito sibi nouo titulo, litteras Sigismundus hoc initio de- dit: (b) „ Nos Sigismundus, D. gr. march. Brand. „ S. R. I. archi - cam. nec non regni Hung. capita- „ *neus*

(a) Ap. Pny-Diff. VII. p. 142. (b) Ibid. et p. 151.

„ *neus et dominus.* — “ Hunc illi titulum et amplio-
 rem Hungari potestatem contulerunt ; postquam
 factiosi reginas in captiuitatem coniecerunt : qua
 kalendis Martiis vsus erat, quum sua Ginsiensibus
 priuilegia confirmauit, ac in fine haec addidit : (a)
 „ quas litteras ipsis ciuibus nostris, dum, dante
 „ domino, scepro et corona regni Hung. feliciter
 „ insigniti fuerimus, confirmare volumus et corro-
 „ borare. Datum in Kewsegh, fer. VI. prox. ante
 „ dom. *Reminiscere*, A. D. MCCCLXXXVII. “ At-
 que hinc apparet, Sigismundum amplam potesta-
 tem ante coronationem, quae iam constituta, po-
 stremoque huius mensis die peracta fuit, exercuisse.
 Dlugossus ante, Turotzius post captiuitatem Mariae,
 Sigismundo coronam impositam esse perhibet. Neu-
 trum bene. Nec enim ante captiuitatem Sigismun-
 dus in diplomatibus rex scribitur. Nec Maria ca-
 ptiuitate fuit exempta, quum Sigismundus se coro-
 natum ita testatur : (b) „ — Nemine discrepante,
 „ in dominica Ramis palmarum, in anno dom.
 „ MCCCLXXXVII. tunc euoluta, cum ea solle-
 „ mnitate, quam regalis culminis requirit fastigium,
 „ nos conscendentes in thronum regiminis, — per
 „ manus ven. patris quondam D. Benedicti, Ves-
 „ prim. eccl. episcopi, dicta alma eccl. Strigon. suo
 „ pastore et gubernatore — pro tunc vacante. — “
 Carestinus igitur optime tempus coronationis Sigis-
 mundi consignauit, dum ait a Venetis missum in
 Hungariam legatum, Pantaleonem Barbo, qui Hun-
 garos ad coronandum Sigismundum *regis Mariae*
detentae maritum, induxerit. *Et sic*, inquit (c)
 MCCC

(a) Ex MSS. Cornid. (a) Pray Hier. P. II. p. 109. (c) Ap.
 Luo L. V. C. II. p. 409.

MCCCLXXXVII. ultimo Martii, in dominica palmarum, exstitit in Albaregali, ante altare BB. MARIAE, sollemnissime coronatus. (a)

CXVII. Errat igitur Turotzius, quum scribit, (b) Mariam, venia Horuathio iureiurando promissa, liberatam, Budamque deductam esse; tandem, illa satagente, Sigismundum diadema regium suscepisse festo pentecostes anno 1386. Certe nondum illam libertati restitutam fuisse, quum Sigismundus corona redimitus erat, Carefinus his verbis innuit: (c) *Rex atque regnum diu laboravit pro regis Mariae liberatione.* Liberatae tandem Mariae gloriam Venetis tribuit, qui priorem Auranae suis armis ad eam restituendam coegerint, Segniamque suis galeis eandem deduxerint. Ceterum plures etiam ex Hungaris, Dalmatis et Croatis ad eam liberandam concurrerunt, postquam illos ad arma contra seditiones sumenda Sigismundus post coronationem adhortatus est, (d) *Budae in die coenae domini, A. D. MCCCLXXXVII.* Patet ex aliis tam Sigismundi, quam Alberti diplomatibus, quantum in eam rem praestiterit Nicolaus Gara, caesi palatini filius, qui Ioannem Horuatium Posegae cepit, quem tamen Stephanus de Simontornya perfide dimisit; (e) quantum item Ioannes Maroth, qui cum eodem Ioanne Horuathio conflixit; (f) quantum Stephanus Losontzius, capitaneus generalis regnorum Dalm. Croat. Sclauoniaeque, banus Zaurinensis.

L 2

(a) Hist. Cr. T. XI. p. 182.—188. (b) Chron. P. IV. cap. 2. 3. (c) Ap. Luc. L. V. C. II. p. 409. (d) Ibid. p. 410. (e) Ap. Pray Ann. P. II. p. 182. (f) Ap. Kersch. Not. Prael. p. 382.

sis. (a) Tot Hungaris et Croatis vndique pro salute Mariae fortiter pugnantibus, difficile non fuit Venetis Auranae priorem, ab Horuathio iam destitutum, ad Mariam reddendam cogere. Paullus de Paulo scribit, (b) anno 1387. die 4. Iunii, Mariam, a captiuitate liberatam, exiuisse de castro Nouigrad; iuisse 7. Iunii Nonam; 15. Iunii Segniam; 1. Iulii Zagrabiam, vbi 4. Iulii cum Sigismundo conuenit. Eadem Maria *Crispi*, *feria III. ante festum B. Laurentii* Stephano Kanisai diploma dedit. (c) Cum eiusdem reginae consensu Sigismundus Iuanio duas possessiones contulit, *Budae in festo B. Catherinae V. et M.* Eadem die Ioanni Vegliensi prolixum ibidem diploma dedit, cui, quod ex castro *Ujvár* Maria liberata sit, adscribit; quae porro non plus potestatis, quam ordinariae reginae habebant, arrogasse sibi videtur. (d)

A. C. 1388. Sig. 2. Ind. 11. P. 29. M.

CXVIII. Sigismundum pleno iure, tam ante, quam post liberatam Mariam, potestatem regiam exercuisse, patet ex donatione possessionis Somogy, Ioanni, quondam vatuodae Russiae, et magistro Desew, filiis Benedicti de Kapolya, fratribus quondam archiepiscopi Strigoniensis, quam primum fecit (e) *Budae fer. V. prox. post festum paschae domini, anno eiusdem MCCCLXXXVII.* Deinde vero, post Agriensis capituli de peracta statutione relationem, confirmavit, *anno dom. MCCCLXXXVIII. quarto kal.*

(a) Ap. Kerch. H. E. Z. p. 147. (b) Ap. Schwandt. T. III. p. 726. (c) Ap. Kerch. H. E. Z. p. 337. (d) Hist. Cr. T. XI. p. 189.—212. (e) Ap. Wagn. Seep. P. IV. p. 9.

kal. Iunii, hoc vsus titulo: „ Sigismundus, D. gr.
 „ Hung. Dalm. Croat. Ram. Seru. Gallic. Lodom.
 „ Cuman. Bulgariaeque rex, ac march. Brande-
 „ burg. S. R. I. archicamerarius, nec non Boh. et
 „ Lucenburgenſis heres. — “ Subſcripti ſunt: Va-
 lentinus, tit. S. Sabinæ S. R. E. preſbyter card. et
 almae eccl. *Quinqueecl.* gubernator; Ioannes archi-
 ep. *Strigon.* Ludouicus *Coloc.* — Ioan. *Varad.* Eme-
 ricus *Transſiluan.* Stephanus *Cyzow Agr.* Ioannes
Zagr. Ioannes el. *Bosn.* Ioannes *Iaur.* Demetrius el.
Vespr. Ioannes *Sirm.* Petrus *Vac.* Ioannes *Chanad.*
 Gregorius el. *Nitr.* — Stephanus *palatinus*; Ladi-
 ſlaus *vainoda Trans.* Emericus Bubek *iudex curiae*;
 — Ladislaus de Loſontz *totius regni Sclau.* Diony-
 ſius, filius Thomæ, *regnor. Dalm. et Croat.* Nico-
 laus de Gara *Machouien. bani.* Heredem Bohemiae
 hic Sigismundus ſe vocat; quia ius ſuccedendi
 Wenceslao fratri, ſi ſine legitimis heredibus is de-
 ceſſiſſet, habuit. At paullo poſt, datis 3. *Iulii*
 litteris, (a) in poſſeſſione regni Hungariae iam ſe
 firmum ratus, omne hoc ius Ioanni, fratri natu
 minori, ceſſit. Sed enim ille, fratribus ſuis anno
 1395. praemortuus, hoc ſuccedendi iure frui non
 potuit. Vt autem Sigismundus adulto mori, quo
 coronati reges aliquid eccleſiae Strigoniensii donare
 ſolebant, ſatiſfaceret, licet a Benedicte Veſprimien-
 ſi, vacante ſede Strigoniensii, coronam ſuſceperit;
 metropolitanam tamen eccleſiam inſigni dono mu-
 neraturus, quasdam eidem poſſeſſiones contulit,
 (b) *Budae*, in feſto conceptionis virginis *glorioſae*,
 anno dom. *MCCCLXXXVIII.* (c)

(a) Ap. Pray Ann. P. II. p. 183. (b) Ap. Pray Hier. P. I.
 p. 108. (c) Hiſt. Cr. T. XI. p. 218.—238.

CXIX. Ex hoc diplomate, quo Sigismundus ait, se dominica palmarum anno superiore coronatum esse, supra iam innuimus, Turotzius errare, quum anno 1386. festo pentecostes, praesente Maria, coronatum illum tradit. Anno correcto, dicere fortasse possumus, Mariam, post liberationem suam, praesentibus regni proceribus, omnem regiam potestatem, hoc anno, festo pentecostes, in Sigismundum transtulisse: qui licet in suis diplomatibus consensus Mariae nonnumquam meminerit; id tamen non semper facit. Et alioqui, mortua Maria, consensus etiam Barbarae, coniugis secundae, mentionem saepe facit, quin propterea dici possit, aequatam cum illo potestatem Barbaram habuisse. Kerchelichius refert, (a) vtriusque voluntate hoc anno Kanisaiis donatam esse possessionem Korpád, cuius possessor Ioannes Korpád, quum seditiosis adhaesisset, *captus catenatusque Budam allatus, ibidem per vicos et compita in cauda equi tractus, et saxeis aculeis membratim corrosus, et extra muros dictae ciuitatis praecipiti tractatus translatus, ibidem decollatus, et per dolabrum quadripartitus et bis duo in frusta concisus est.* Con simile huic supplicium, Ioanni Horuathio dictatum, Turotzius narrat; (b) sed id melius referri potest ad an. 1392. quo castrum Dobor verisimilius expugnatum est. Nunc Horuathius, in Bosniam elapsus, ceteris factiosis se coniunxit, in quos Nicolaus Gara, nonnullis Sclauoniae castris expugnatis, copias suas dimisit, praelioque commisso, victi perduelles, et quidam ad Sigismundum, meritas daturi poenas, adducti sunt, (c) inter quos videtur

(a) Hist. Escl. Zagr. p. 337. (b) Chron. P. IV. cap. 4.

(c) Ap. Ksprim. H. D. P. I. p. 360.

detur Korpadius illè fuisse, cuius supplicium e Sigismundi diplomate, *fer. VI. prox. ante fest. natiuitatis B. Ioannis B.* dato, retulimus. Praebuit asy- lum factiosis Stephanus Tuartkus, Rasciae Bosniae- que rex, contra quem, teste Lucio, (a) *Spalaten- ses* — cum Sibenicensibus, Scardonensibus et Bre- beriensibus foedus iniuerunt, 6. Oct. 1388. Pertur- bato hoc rerum statu Ioannes, Segniensis episco- pus, *in regnis Dalm. et Croat. vicarius generalis,* Iadrae ius dicebat. (a) Praeter hunc Sigismundi vicarium, suum eadem regna banum habuerunt Dionysium; suum item gubernatorem Ladislaum Losontzium, simul Sclauoniae banum. Quia vero Spalatensibus extremum exitium seditiosi minaban- tur; hi legatos idemtidem ad Sigismundum auxiliū petendi causa miserunt, protestati, (b) *quod, si quid fecerint pro salute sua, quod regi forsitan non placeret; imputari sibi non deberet.* Sigismundus, multis curis distractus, interpellatus tamen ab Vr- bano VI. qui variis propter schisma necessitatibus premebatur, consensit, ut in eius vsum 4000. flor. aureorum per Hungariae dioeceses colligerentur; (c) per *Strigonien.* 600. per *Agr.* 400. per *Iaur.* 300. per *Nitr.* 60. per *Vac.* 160. per *Quinqueecl.* 320. per *Vesprim.* 260. Praep. et capit. *Alben.* 50. Abbas S. M. *Pannon.* 40. Reliquos fl. 1810. metro- politana Colocensis ecclesia cum suffraganeis suis colligere debuit. (d)

L 4

A. C.

(a) Ap. Parl. T. IV. p. 122. (b) Ap. Parl. T. III. p. 331.
(c) Ap. Schmitth. Ep. Apr. T. I. p. 371. (d) Hist.
Cr. T. XI. p. 238.—255.

A. C. 1389. Sig. 3. Ind. 12. P. 18. A.

CXX. Urbano VI. die XV. mensis Octobris mortuo, Bonifacius IX. 2. Nouembris successus, si Dlugosio credimus, (a) paullo post, quam assumptus fuit in papam, Ladislaum, filium Caroli de Duracio, in 17. anno constitutum, in Siciliae regem coronari fecit; patrem vero suum, Carolum, in Pannoniis occisum, necdum tunc sepulcrum, absoluit. Quum videret Sigismundus, perduelles in dies magis insollescere; iustam in eos seueritatem exseruit. Ex eorum numero fuit Tybaldus de Zenche, cuius possessiones castellani de Szentlélek filio contulit, (b) feria VI. prox. post fest. S. Crucis, A. D. MCCCLXXXIX. Sequenti mense, Lazarus Rasciae despota, bellum cum Turcis acerrimum gessit, in quo tandem ipse quoque cum Amurate, Turcarum principe, perit. Subornauit enim quemdam e suis proceribus, qui defectionis specie, sultani tentorium ingressus, eundem pugione confodit. Lazarus, ab hostibus captus, ab iisdem in eodem tentorio concisus ac in partes discerptus est. Erat is Nicolai Gara socer, cuius opera reductus ad obedientiam regis, ab eodem auxilia petiit, et verisimiliter obtinuit. Sublatis vtrimque ducibus, victoriam a Christianis stetisse, discimus e Stephani Tuartki litteris, ad Tragurienses datis, (c) die 1. Augusti anno MCCCLXXXIX. Tuartkus, his elatus, ad maiora coepit adspirare, beneficiorumque Ludouici, cui coronam debebat, oblitus, Hungariae ditiones incurfare. Stephanus autem Bukouitsius, quem patris nomine Lazarum aliqui vocant;

(a) Libr. X. col. 119. (b) Kerehel. H. E. H. p. 337. (c) Ap. Luc. L. V. C. III. p. 415.

cant, ut Baiazethem, Amuratis filium et successorem, sibi conciliaret; Milieum, sororem suam, coniugem illi dedit. Affinitate tanta superbus, obedientiae Sigismundi subducere se voluisse videtur; quum certum sit, istum hoc anno Rasciae bellum intulisse, castraque nonnulla suae potestati subiecisse. Hoc ex gemino Sigismundi diplomate colligimus, quorum altero veniam reo, praemium altero bene merenti largitur. Primo Petrum de Gyulahaza, quod a perfidis cito recesserit, in gratiam recipit, ac ita laudat: (a) „ — In praesenti nostro exercitu, contra Rascianos, nostros rebelles, habito, „ gratis servitiis se nostrae claritati fidelem exhibuit. — Dat. in terra Rasciae, in descensu nostri exercitus campestri, prope castrum nostrum „ Boroch, feria II. prox. ante fest. S. Martini. „ Altero Stephani de Zeredna filio Iacobo ius gladii confert, quod, inquit, (b) „ in praesenti nostro exercitu, contra Rascianos nobis rebelles habito, „ in expugnatione castrorum, Borith et Chestyn „ vocatorum, in terra Rasciae existentium, *laudabilem operam impenderit.* „ Datum in Temesvár, in crastino festi S. Andreae apost. A. D. MCCC. LXXXIX. „ Haec igitur expeditio Sigismundo feliciter cessit. At interea Spalatenses, Tragurienses ac Sibenitenses, quod a Sigismundo, hic occupato, destituti fuerint; Tuartko se dediderunt. (c)

A. C. 1390. Sig. 4. Ind. 13. P. 3. A.

CXXI. Tuartkus, Spalatenses arctius sibi devotus, et privilegia, quae Ludovicus illis concesserat,

(a) Ex MSS. Bibl. Quinqueeccles. (b) Ap. Wagn. Coll.

Dec. I. p. 77. (c) Hist. Cr. T. XI. p. 255.—284.

ferat, 8. *Iunii*, et archiepiscopi iura, *die* 30. *Augusti*, hoc anno confirmavit. (a) Pluribus maritimis ciuitatibus exemplum Spalati sequutis, Iadra tamen Sigismundo fidelis mansit, liberata maximo hoste, postquam Ioannes de Palisna, prior Auranae, 16. Febr. hoc anno decessisset, vt Paullus de Paulo perhibet. (b) Turbis Dalmaticis, quae Sigismundi vires distraxerunt, in rem suam vsa Hedwigis, Russiae possessionem armata manu sibi vindicauit, (c) et Hungariae possessioni, non item iuribus, eripuit. Quicquid enim titulo Hungariae Ludouicus possedit; id totum ad Mariam, eius primogenitam, iure transiit. Atqui multis iam locis ostendimus, Russiam rubram Ludouicum, antequam Poloniae regnum obtinuisset, adeoque non iure Polonico, sed Hungarico, possedisse. Non igitur Hedwigis, quae Poloniam sortita fuit; sed Maria, quae prouinciarum, sacrae coronae subiectarum, hereditatem a morte patris adiuit, ius in Russiam habuit, et hucusque constanter exercuit. Ceteram ius Mariae I. nunc laesum, Maria II. post IV. fere secula reparauit. Nunc Sigismundus, aliis ditionibus recuperandis intentus, hanc iniuriam dissimulare debuit. Nam eodem tempore, non tantum in Dalmatia Croatiaque Iadrenses alique tutandi, sed etiam contra Rascios regni limites defendendi, Moldauique, qui sub Maria iugum excusserant, ad officium reuocandi fuerunt. Dum igitur Detricus Bubekius, Sclauoniae banus, ad Tininium excubabat; Nicolaus Gara, Machouiensis banus, Rasciis oppositus, contra Ioannem Horuathium depugnabat. (d) Ipse
vero

(a) Ap. Farlat. T. III. p. 334. (b) Ap. Schwandt. T. III. p. 739. (c) Dlugoss, Libr. X. col. 116. (d) Alb. R. ap. Kapr. P. I. p. 360.

vero Sigismundus alterius contra Moldauos expeditionis legatum assumpsit Stephanum Kanisium, comitem Sicularum; quo praemisso, mox ipse cum exercitu consequutus, teste Turotzio, (a) *quarto postquam coronatus est*, anno Stephanum vaiuodam ad pristinam obedientiam reuocauit. (b)

A. C. 1391. Sig. 5. Ind. 14. P. 26. M.

CXXII. Postquam Turotzius narrasset, angustiis viarum, per quas a Valachis Hungari sagittis impetebantur, superatis, Stephanum vaiuodam territum, Sigismundo cum suis supplicem accidisse, veniamque precatum et *sinceram post haec fidelitatem et annualem census solutionem* pollicitum, in gratiam a Sigismundo receptum esse; subiicit: *quapropter rex Sigismundus rediens, milites simul et arma unius anni recreauit quiete*. Quies tamen haec vix annum vnum durare potuit; quum constet, Sigismundum etiam hoc anno copias in Turcos eduxisse. Sic enim ipse loquitur in diplomate, quod nobilibus de Markusfalua dedit: (c) „ — In praesenti „ nostra expeditione exercituali, contra Turcos, „ nostros et regni nostri aemulos, imperata, qui „ iuxta statuta sanctorum regum et nostram sanctionem, infra limites dicti regni Hung. proficisci „ tenebuntur, *illos interfuisse* attestamur. — Dat. „ in descensu nostro campestri, prope castrum Gerebunk, ipso die B. Ladislai regis et conf. A. D. „ MCCCXCI.“ Non multo post Sigismundus Turcas extra limites Hungariae propulisse videtur, quum
sequenti

(a) Chron. P. IV. esp. 5. (b) Hist. Cr. T. XI. p. 284. — 294. (c) Ap. Wagn. Scep. P. I. p. 137.

sequenti mense iam in fauorem Girsensium diploma confecerit, *datum Zolii, in festo B. Iacobi ap. A. D. MCCCXCI.* Postquam autem Sigismundus inde recessit; partim Nicolao de Gara, partim Ioanni de Maroth tutandos ditionum Hungaricarum limites commisit. Vterque Turcos incurstantes saepius repulit; et ille quidem, ut ex Alberti diplomate patet, (a) *in custodia regni Hung. deputatus, loca ipsorum hostium pluries inuadens, cum eisque militares agens conflictus, gloriosae triumphalis militiae praefignia — plerumque reportauit;* hic autem in provincia Sirmiensi semel iterumque cum Turcis congressus, non modicam illis stragem intulit, ut ipse Sigismundus in haec verba perhibet: (b) „Dum „ nefandissimi crucis Christi hostes, vtpote Turci, „ valido eorum cum exercitu comitatum nostrum „ Sirmiensem hostiliter subintrassent; tunc idem „ Ioannes de Maroth banus, cis ciuitatem Nagio- „ laz (*Nagy-Olasz*) cum eisdem pro nostri regii „ honoris incremento conflictum commisisset. — „ Animaduertentes etiam, quomodo, dum alias „ scelerata cohors Turcorum, in sua pluralitate „ confisa, iam dictum comitatum — vice iterata „ hostiliter inuasisset; — tunc etiam memoratus Ioan- „ nes banus, pro nostri regii honoris exaltatione, „ cum eisdem penes ciuitatem Nagzeng conflictum „ personalem viriliter commisisset; — — “ (c)

A. C. 1392. Sig. 6. Ind. 15. P. 14. A.

CXXIII. Sigismundum hoc anno rursus bellum gessisse, patet ex eius diplomate, quo Nicolaum Gombos

(a) Ap. Kapr. H. D. P. I. p. 360. (b) Ap. Koller. H. E. G. T. III. p. 289. (c) Hist. Crit. T. XI. p. 316, — 320.

Gombos expeditioni iuxta suum decretum interfuisse declarat. (a) *Dat. in descensu nostro campestri, prope castrum Gerbench, A. D. MCCCXCII.* Huic expeditioni Bohemos etiam interfuisse, condiscimus ex hoc epilogo litterarum Alberti Sternberg: (b) — „Praesentem litteram nostro sigillo, — vna cum „sigillo illustr. principis D. D. Bolkonis, — ac „gillis nobilium, DD. Ctiborii de Stiborzicz, „comitis Posonien. regni Vng. — — feria II. die „natiuitatis S. Ioannis B. in metis Croatiae, iuxta „Danubium, in exercitu iussimus communiri, A. „D. MCCCXCII.“ Nullum igitur est dubium, hoc anno Sigismundum aliquod bellum gessisse; sed, cum quibus hostibus? non ita certum est. Omnes fere bellum, cum Turcis ad minorem Nicopolim gestum, ad hunc annum defigunt; quod Maria regina sub eo bello decesserit; illam autem hoc anno decessisse, plerique crediderint. Sed enim illam ante 1395. annum non obiisse, iam certissimum est. Dedit illa hoc anno 9. Iunii litteras Leibitzii pro nobilibus de Kromlow. (c) Sigismundus quoque, quum in fauorem Ioannis Frangepanii diploma concessit; *III. id. Nou. A. D. MCCCXCII.* Ioannem archiepiscopum non tantum suum, sed etiam *reginalem* cancellarium vocat. Quare bellum, cum Turcis in Valachia gestum, sub quo Maria diem obiisse dicitur, ultra differri debet. Certe Sternbergius, quum litteras suas in *exercitu* signasset; id non in Valachia, sed in *metis Croatiae* factum esse scribit. Quare mihi quidem, expensis rerum adiunctis, expeditio huius anni directa videtur ad expugnandum castrum Dober, praecipuum factiosorum nidum, inter

(a). Ex MSS. Bibl. Quinqu. (b) Ap. Dobn. Mon. T. IV. p. 382. (c) Ap. Wagn. Scep. P. I. p. 137.

illorum et ingens contemptus regnantis principis in considerationem veniat; excusationem aliquam rex alias mitissimus meretur. Certe iam alias quoque vidimus, quantam in hostes clementiam expromferit, et hoc anno nouum benignitatis huius specimen edidit; quum Sirokiis vitae bonorumque gratiam fecit, (a) *Budae, secundo die festi B. Francisci conf. (b)*

A. C. 1394. Sig. 8. Ind 2. P. 19. A.

CXXV. Sigismundus, expromptam in hos nobiles feueritatem lenitate rursus conditurus, Ioannem Hertzegium publicis litteris in gratiam recepit, ingenue fassus, (c) *pietatem regiam magis misereri solere, quam ulcisci, et delinquentium excessus et enormitates lenitate misericordiae temperare consueuisse.* — *Szegedini, octauo die ante festum OO. SS. A. D. MCCCXCIV.* Videtur has litteras confecisse, quum ex inferioribus suis ditionibus reuerteretur. Nam in *Dyako, sabbato die proximo ante festum B. Margaritae V. et M.* diploma dedit, quo testatur (d) *Wokmeros de consensu — Stephani Dabisciae, regis Boznae — fidelitatem — ipsi Sigismundo iurasse, ac suis litteris mediantibus, se propensus obligasse: „ quod nostram, inquit, maiestatem, post mortem praedicti D. Stephani Dabisciae, regis moderni Boznae, in vestrum verum dominum naturalem assumeretis. — “* Atque hinc apparet, hanc praecipuam pacis, inter Sigismundum et Dabiscium initae, conditionem fuisse

(a) Ap. Wagn. Dipl. Saros. p. 349. (b) Hist. Cr. T. XI.

p. 337.—343. (c) Ap. Pray. Ann. P. II. p. 193. (d)

Ap. Luc. L. V. C. III. p. 416.

fuisse; ut hic illi Dalmatiam et Croatiam illico cederet; Bosniam ad dies vitae retineret, post eius obitum ad pristinum regum Hungariae ius redituram. Vnde Spalatenses, qui prius Dabisciae; iam Sigismundi nomen ita suis tabulis inscripserunt: (a) „ Anno 1394. Ind. 2. 17. Aug. regnante ser. principe et domino nostro naturali, D. Sigismundo, „ D. gr. Hung. Dalm. Croat. rege inclito. — “ Neque Dabiscia Dalmatiae vel Croatiae titulum adhibuit, quum sub initium Aprilis hoc anno Mamaitium laudat ob praestita Sigismundo contra Turcas obsequia, hoc tantum usus titulo: (b) „ Stephanus Dabissa, D. gr. rex Serbiae, Bosniae, „ maritimarum partium, significamus — “ Nutante prioribus annis ciuitatum maritimarum fide, Iadra Sigismundo constanter adhaesit, fideique sacramentum quotannis instaurauit. Sigismundus, quum donationes, comitibus de Veglia factas, confirmat; (c) iterum Ioannem archiepiscopum aulae suae *reginalisque maiestatis* cancellarium vocat. Adhuc igitur superstes Maria regina fuit, cuius sororem Hedwigem, teste Dlugosso, (d) *Sigismundus, H. R. visitaturus, XXIV. Iulii, in Poloniam aduenit.* Refert idem auctor, (e) consentiente Sigismundo, Wenceslaum imp. eius fratrem, a Bohemis custodiae traditum fuisse. Wenceslaus, inter reliqua scelera, Ioannem Nepomucenum, excellentis sanctimoniae virum, ob seruata sacramentalis sigilli fidem, in Moldauam demergi iussit; quod Pulkauae continuatores

(a) Ap. Farlat. T. III. p. 336. (b) Ap. Kerchel. Not. Prael. p. 247. (c) Ibid. p. 195. (d) Libr. X. col. 141. (e) Ibid. col. 143.

nuatores intuent esse factum anno 1393. sed alii 1383. (a)

A. C. 1395. Sig. 9. Ind. 3. P. 11. A.

CXXVI. Postquam Sigismundus Heduigem in Polonia visitauit; annus integer non abiit, quum soror eius Maria, nulla prole suscepta, viuere desit. Eius mortem Dlugossus ad 17. Maii huius anni defigit. (b) Huic chronologiae duo diplomata fidem conciliant. Primum ita habet: (c) „Nos „ Maria, D. gr. regina Hung. Dalm. Croat. (*Georgio Dees donationem facit*) Datum in Werewche, „ in festo conuersionis B. Paulli ap. anno dom. „ MCCCXCV.“ Alterum ita: „Nos Stiborius de „ Stiboriz, Woiuoda Transsiluanus et C. Posonien- „ sis“ *Iakussio donat villam N.* „ omni eo iure et „ proprietate, sicut nobis et heredibus nostris a „ serenissimis principibus et dominis, Sigismundo „ rege, et domina Maria, regina, *piae recordatio- „ nis*, Hungariae, consorte sua, data, donata fuit „ et collata. Datum Schintauiae, in die corporis „ Christi, anno dom. MCCCXCV.“ Quum igitur in 10. Iunii hoc anno festum corporis incidere; ante hunc et post 25. Ianuarii Maria decessit: cuius mortem male quidem Turotzius ad Sigismundi sextum annum, bene tamen ad bellum Valachicum ita figit: (d) *Post haec rex Sigismundus, sexto (nono) sui regiminis anno, gentibus Transalpinis arma intulit. Haec gens, suis non contenta potentiis, ut se defenderet, validam Turcorum conduxerat manum. Dum igitur regales copiae, alpi- bus transitis*

(a) Hist. Cr. T. [XL. p. 350.—370. (b) Libr. X. col. 147.

(c) Diss. de S. Lad. p. 31. (d) Chron. P. IV. cap. 6.

transiis, illius terrae ad plana descenderunt; — mox Turci pariter et Volachi, radiantium armorum — fulgore territi, tutrici se fugae commiserunt. — Rex igitur Sigismundus, contrariis fugatis copiis, castrum minus Nicapol ardua cinxit obsidione — et expugnauit, et eiusdem defensoribus aliis interfectis, aliis captiuatis, illud Hungarico commendauit praesidio. — Nondum tamen redierat; quum regina Maria, graui praeuenta aegritudine, regnum pariter et vitam liquit. — Rex Polonorum, Ladislaus, — conjugem suam sceptro mortuae sororis potiri ratus, contra regem Sigismundum exercitum copiosum mouit. Et nisi pater reuerendissimus D. Ioannes de Camysa, archiepiscopus Strigoniensis, multo armatorum coetu regni confinia muniuisset; ambitiosus princeps, absente rege Sigismundo, regimen eius non minus turbare potuisset. (a)

CXXVII. Aberat nempe Sigismundus, magna huius anni parte bello Valachico distentus. In Transilvania iam illum 16. Martii fuisse, liquet ex eius litteris, in quibus ita loquitur: (b) — „Fidelis noster dilectus, RR. in C. P. D. Ioannes, archiep. eccl. Strigon. — ac apost. sedis legatus (hunc illi titulum anno priore 8. kal. Maii Bonifacius IX. contulit) nostrae regiae reginalisque maiestatum cancellarius (nondum igitur 16. Martii Maria decessit) — litteras quondam Ludouici regis — sub transcripti forma dari — postulauit. — Dat. in Cibinio, fer. III. prox. ante Laetare, anno 1395.“ Ioannes igitur archiepiscopus interfuit expeditioni Valachicae, sub qua Sigismundus possessionem

M 2

(a) Hist. Cr. T. XI. p. 384.—388. (b) Ap. Benk. Milkon. T. I. p. 126.

possessionem Bayon illi transcripsit, (a) *IV. kal. Maii*. Mortua subinde regina, remissus ad funus curandum, Wladislaum opportune repressit, ut ipse Sigismundus in diplomate, stirpi Kanisaianae dato, his verbis memoriae prodidit: (b) „Medio tempore (*belli huius*) inclita principe, D. Maria regina, — rebus exempta ab humanis, et Varadini telluris gremio — commendata, annotato D. Ioanne archiep. pro tuitione regni nostri per nos pro tunc deputato, ibidem adhaerente, et cuncta, exsequiis incumbentia reginalibus, insignite moderante; et his expeditis, versus Cassouiam confiniaque regni nostri, per quae Ladislaus, rex Poloniae, cum consorte sua, nobis affinitate annexa, regnum nostrum occupare nifus fuit, et toto nifu voluerunt potenter subintrare; nonnullos nostros fideles subditos sibi associante, cum suis armigeris gentibus obuam ipsius Ladislai regis hostiliter protinus progrediente, et viam tutam — praeccludente, — et cuncta iurgia, — quae praetextu obitus ipsius reginalis et ob absentiam nostrae maiestatum — oriri valuissent, penitus sua peritia sedante, — annotatus D. Ioannes archiep. praetaxata regna nostra condigno moderamine praefulciendo, sub pacis condigna tranquillitate indemniter et indilate pro nostra reseruauit maiestatem.“ Dubium illud moueri potest, quod Turotzius Valachis simul et Turcis bellum intulisse Sigismundum asserat; quum tamen existent tabulae foederis, inter illum et Myrchen, Valachiae principem, initi, de mutuis auxiliis, contra Turcas ferendis, (c) signatae *Brassouiae*,
in

(a) Ap. Schmitth. Ep. Agr. T. I. p. 391. (b) Ap. Wagn. Collect. D. I. p. 30. (c) Ap. Pray Dissert. VII. p. 144.

in dominica Reminiscere, A. D. MCCCXCV. Sed enim Myrchen cum Turcis colluisse, potest ex his eiusdem Sigismundi verbis colligi: (a) „ — Tandem cum felici triumpho versus regnum nostrum Hung. nobis remeantibus, in alpibus, Pazara dictis, strictissimis indagibus conclusa et obdurata multitudo Valachorum, per ipsum Myrche vaiuodam, *in pristinae infidelitatis ingratitude, que viam relapsam*, cum intoxicatis et mortiferis iaculis contra nos et nostros insidiosè destinatorum, exercitum nostrum circumdedit.“ (b)

A. C. 1396. Sig. 10. Ind. 4. P. 2. A.

CXXVIII. His ad minorem Nicopolim actis, maiora sunt ad maiorem Nicopolim acta: victor ibi Sigismundus; hic victus, fuga salutem quaesivit, et Hungariam in maximum discrimen, orbem Christianum in maximum metum coniecit. Postquam Baiazetes in Hungaricas ditiones saepius irrupisset, ac Bulgariam quoque iam inuasisset; Sigismundus, veritus, ne dominationem suam sensim latius porrigeret, legatione prius illum pertentandum, quam armis laceffendum censuit. Ille, donec tota Bulgaria potitus fuisset, responsum distulit. Tandem, inquit Turotzius, (c) *diuersitatem armorum — singulos per parietes unius domus appendi fecisse, introductisque regiis caduceatoribus, ad illos dixisse fertur: „Reuertimini ad regem vestrum, et dicite illi: quoniam et ego terram ad hanc, vt videtis, ius habeo sufficiens.“ — Haec res Sigismundi regis animum non parum vleiscendi in timorem*

M 3

morem

(a) Ap. Pray Ann. P. p. 191. (b) Hist. Cr. T. XI. p. 371. — 381. (c) Chron. P. IV. cap. 8.

morem excitauit. Quapropter sui regni decimo; dominicae autem incarn. MCCCXCVI. anno, com-mota uniuersa sui principatus armorum virtute, in-gentem conflauit exercitum. In quam quidem regiam expeditionem tam grandem dux Burgundiae inter alias nationes, ac Francorum siue Gallorum populus arma non pauca fortiaque virorum bellatorum agni-na aduexerant. — Mota igitur rex Sigismundus tam grandi sui exercitus congregatione, Danubium transiit. — Regno tandem Rasciae crueti furore — pertransito, Bulgariae venit ad oras. Inde oppi-dis Oriszo et Bidino aliisque partium earundem mu-nitionibus nonnullis — expugnatis, — circa festum S. Michaelis arch. in campo castris maioris Nicopolis sua castra fixit. — Maior Nicopolis in Bulgaria, minor in Valachia, non procul ab ostiis Alutae, fuit. — Franci, pergit Turotzius, aduenientis hostis fama pulsati, regem adeuntes, et eum, belli primi-tias — illis in se excipere ut annueret, “ rogatum effecere. Dum igitur caesar ipse — regiis opponi castris visus est; mox Franci, praecipienda pugnae insolenti cupiditate capti, priusquam uniuersae regales copiae, instructis ex ordine aciebus, signis colla-tis, praelium inirent, e castris proficientes et prae-cipites, ab equis, ut eorum moris est, pedites certa-turi, descendentes, contrarias irruerunt in turmas. Diro itaque bello hostes inter utrosque vigente, quum Hungari sellatos Francorum equos, cursu transuerso, regia petere castra conspiciunt; — illos omnino ho-stilem in manum exstinctos fore credentes, graues dissoluti in tumultus, castra pariter et bellica relin-quentes ingenia, campo undique fusi, hostibus acriter insistentibus, in fugam conuertuntur. (a)

CXXIX.

(a) Hist. Cr. T. XI. p. 401. — 411.

CXXIX. Sigismundus, suis fugientibus, et ipse fugere coactus, conscensa naui, Constantinopolim defluxit. *Inde*, scribit Turotzius, (a) *ad Rhodum*, post haec regnorum Dalm. et Croat. ad oras nauigauit. Comitabantur illum viri in regno potentes, D. Ioannes, archiep. Strigon. et Stephanus de Kanyfa, frater eiusdem. Horum fugae comitum ipse Sigismundus meminit, dum eos anno sequente hoc diplomate remuneratus est: (b) — „Dum nos anno et tempore — proxime retrolapsis, — aduersus Turcorum — saeuitiam comprimendam, — ad climata dicti regni Bulgariae — applicuissimus; et Vidino ac Orchou — expugnatis, — ulterius proficiscendo — et stragem grandem inter ipsos schismaticos perpetrando, penultimoque fortuna nobis nouercante, — inuiti reflexos gressus fecissemus; et cum ipsis nostris fidelibus, D. Ioanne archiepiscopo, et magnifico viro Stephano, nostro lateri pro tutione nostrae personae fideliter adhaerentibus, per Danubii et pelagi flumina in galeis remigando, ad ciuitatem Constantinopolitanam peruenissemus; ibidem Christicolas degentes et per ipsos Turcos obfesos et compressos opitulamine opportuno in nomine domini praefulciendo; et ab eadem per ipsius freti amnes in praefatis galeis eminus proficiscendo; extremum, DEO duce, ad climata regnorum nostrorum Dalm. et Croat. praedictorum ingressum habuissemus; memorati D. Ioannes archiep. et vir magnif. Stephanus — deferere nullatenus voluerunt. —“ Errant igitur, qui Sigismundum Constantinopolim nauigasse negant.

M 4

Voluerit

(a) Chron. P. IV. cap. 9. (b) Ap. Wagn. Collect. D. I.

Voluerit nempe cum Manuele Palaeologo, Graecorum imp. consilia de coercendis victoribus Turcis conferre. Quod si Rhodum quoque petiit, quod ipse non commemorat, videtur etiam id auxiliorum, a Rhodiis militibus petendorum, causa fecisse. Remisit autem Nicolaum Kanisaium et Ioannem Garam, ad Hungaros de statu regis ipsius edocendos ac interea gubernandos. Bonfinius vicena Christianorum, sexagena Turcorum millia hoc praelio hausta fuisse tradit. (a) Quae res impediuit, quominus Baiazetes suas victrices copias in Hungariam statim infunderet. Vt animi Turcarum ex victoria Nicopolitana creuerunt; ita Christianorum ex accepta clade conciderunt, cuius sensus ad multas Europae prouincias pertinuit. Omnis enim prope-modum Europa huc excita fuit. Rascii tamen et Bosnenses abfuerunt; hoc enim anno, Dabiscia mortuo, regnum, ex pactis et iure S. coronae Sigismundo debitum, Tuartkus Scurus, Tuartki I. nothus, occupauit. (b)

A. C. 1397. Sig. 11. Ind. 5. P. 22. A.

CXXX. Falsum esse, quod Dlugossus perhibet, (c) Sigismundum Constantinopoli *uno anno* obuersatum fuisse, certum est ex diplomate, quod in fauorem ecclesiae Spalatensis dedit, (d) *Tinini feria 2. post festum purificationis virginis gloriosae, anno dom. 1397.* Immo colligitur ex Paulo de Paulo, (e) 17. *Ianuarii* iam illum in Dalmatia fuisse, nauibusque non Venetorum, sed Iadrensiū aduectum.

(a) Decr. III. L. II. p. m. 404. (b) Hist. Cr. T. XI. p. 411. -- 421. (c) Libr. X. col. 145. (d) Ap. Farlat. T. III. p. 339. (e) Ap. Schwandt. T. III. p. 735.

actuedum esse. Ceterum vel breui hoc tempore fundamenta magnarum regni perturbationum iacta sunt. *Inter haec autem, inquit Turotzius, (a) Stephanus filius Latzk, vaiuoda, et alter Stephanus de Simontornya, — ad illustrem iuuenem Ladislum, natum regis Caroli (II.) — suos mittentes nuncios, sceptrum regni Hungarici illi quam leuiter tradere promittebant. Ille vero, miseram sui genitoris sortem, qua Hungarico in regimine comitatus erat, prae oculis praeque corde ferens, quamuis illi regem Sigismundum eliminare, et regimen tranquillum ei dare promitterent; ad capeffendas res Hungaricas parre tardior fuit. Cum igitur illum grauiter moueri animaduërterent; — ipsi, uterque Stephanus, ab eodem rege Ladislao per internuncios iuramentum pariter et litteras receperant: „ vt, quod „ illi vice eiusdem in regno operarentur; id sibi, „ dum sceptro potiretur, gratum fieret. “ Magnam partem nobilium haec conditio infidelitatis per deuiam traxit. Alibi vero de Stephani Latzkouits alio scelere sic loquitur: (b) Hunc Stephanum vaiuodam, — eadem tempestate, quum rex Sigismundus post cladem, sub Nicapoli receptam, maritimis demorabatur in partibus, tale scelus commisisse accusabant: „ Etenim illum ad caesarem Turcorum Pasaythem „ nuncios misisse, filiamque illius regi Ladislao — „ ea conditione, vt illi contra regem Sigismundum „ adiumento fieret, iugó matrimoniali ducere spo- „ pondisse, et in huius documentum ingentia Tur- „ corum agmina Hungaricas in partes, inter flu- „ mina Zawe et Trawe situatas induxisse — “ dice-
bant. Vtrumque scelus, alterum altero fauius, omni supplicio dignum erat. Vtrumque Sigismun-
dus*

(a) Chron. P. IV. cap. 9. (b) Ibid. cap. 12.

dus quoque, post varios errores in regnum suum
 reuersus, quum horum perduellium bona Kanisais
 confert, in diplomate suo commemorat, (a) *Dat.*
anno dom. MCCCXCVII. IV. non. Martii. Subinde
 Hermannum quoque, Ciliae comitem, itineris sui
 socium, remuneratus est, (b) *in Vyhel, in vigilia*
festi assumptionis V. M. anno dom. MCCCXCVII.
 Rursus ecclesiae Strigoniensi, propter merita Ioan-
 nis archiepiscopi, 400 florenos auri, quotannis sol-
 uendos, addixit, (c) *kalendis Iunii*; beneficiumque
 cumulauit, quum vicos Hynyeren et Ryblyen me-
 tropolitae donauit (d) *octauo idus Decembris*, sub-
 scriptis „ Valentino card. eccl. *Quinqueecl.* guber-
 „ natore; Ioanne *Strigon.* Nicolao Bubek *Coloc.*
 „ archiepp. Luca *Varad.* Martino *Transflu.* Ioanne
 „ *Zagr.* Stephano Chyko *Agr.* Ioanne *Iaur.* Petro
 „ *Vac.* Ioanne *Bozn.* Demetrio *Vesprim.* Fr. Gre-
 „ gorio *Sirm.* Michaelē *Nitr.* — epp. — Detrico
 „ Bubek *palatino*; Styborio *vaiu.* *Trans.* Ioanne de
 „ *Pastuh, iud. curiae*; Nicolao de Gara, *Dalm.*
 „ *Cr. et Sclau.* Ioanne de Maroth et Petro de Pe-
 „ rény, de *Machow banis.* —“ (e)

A. C. 1398. Sig. 12. Ind. 6. P. 7. A.

CXXXI. Indefessus rex Sigismundus, a clade
 Nicopolitana nullam sibi quietem indulgere visus,
 diuersas regni partes obibat, variaque diplomata
 Tinninii, Budae, Tirnauiac, Vihelini, Strigonii, Te-
 mesuarini, Viglesini, Kesmarkini signabat. Rursus,
 ineunte hoc anno, Croatiam inuisit, comitiisque
 Crisum

(a) Ex MSS. Wagnerianis. (b) Ex MSS. Cornidesianis.

(c) Ex apographo. (d) Ap. Schmitth. AEp. Strigon.

p. 72. (e) Hist. Cr. T. XI. p. 421.—451.

Crifum indictis, digno supplicio Latzkouitfium affecit. *Quum*, inquit Turotzius, (a) *rex primoresque regni, et ipse vaiuoda finit eadem constituti in domo essent; ipse Stephanus vaiuoda ibidem, medios consilii inter tractatus, captus pariter et decollatus est.* Quod quidem apud Paullum de Paulo legitur ad an. 1395. his verbis: (b) *Eodem anno, die Martis, XXVI. Febr. in Crifi, in curia D. N. regis Sigismundi, interfectus fuit Stephanus Latzkouich cum nepote suo per certos barones Vngariae.* Quia tamen anno 1395. quo littera dominical. erat C. 26. Febr. non in diem Martis, sed in diem Veneris, incidit; nec umquam in diem Martis incidere potest, nisi quando littera dom. est F. quae fuit anno 1398. ad hunc potius annum illud Latzkouitfii supplicium est referendum. Sigismundus, in inferioribus regni partibus ad res illic perturbatas praesentia sua componendas diutius adhaesit: et quia Ioannes Heruoia, Bosniae vaiuoda, dum de regno Bosniae Tuartkus Scurus et Ostioia post Dabisciae mortem inter se decertassent, ad Turcas descivit, multasque regiis ditionibus iniurias intulit; Sigismundus, copias in illum educturus, a Tragurinīs balistarios petiit. — „Sciatis, inquit, (c) nos veridico accepisse ex relatu, quod Heruoia vaiuoda, veluti perfidus alumnus, prodicionis ductus malignitate, nostrorum immensorum regalium beneficiorum immemor, seipsum in coetum infidelium crucis Christi, Turcorum videlicet, connumere et coadunare, nostrique et S. coronae regiae fideles, in regno Bosnae existentes, offendere et expugnare proponeret — — Dat. in Posegawar,

(a) Chron. P. IV. cap. 12. (b) Ap. Schwandt. T. III. p. 736. (c) Ap. Luc. I. V. C. III. p. 417.

„ wár, in festo S. Trinitatis, anno dom. MCCC-
 „ XCVIII.“ In tanta perturbatione regnorum suo-
 rum, in tanta mole negotiorum, mirum est profe-
 cto, Sigismundum in Poloniam ad Wladislaum re-
 gem iuisse; quod tamen Dlugossus asserit. (a)

A. C. 1399. Sig. 13. Ind. 7. P. 30. M.

CXXXII. Sublato Latzkouitsio, non tam
 extincta, quam aucta seditio fuit, eoque tandem
 euasit, ut Sigismundus primum ab ipsis praelatis
 et proceribus Budae caperetur, tum honestae cu-
 stodiae seu Visegradi, seu Siklosini traderetur. Caus-
 sas ignominiosae huius captiuitatis Turotzius ita
 pandit: (b) *Concitauerat maxime Hungaros contra
 illum in odium tunc duorum et triginta mors mili-
 tum; cum vero calamitosus Nicopolitanae expeditio-
 nis exitus; nec minus ipse rex, soluto thoro, carnis
 dissolutus in lasciuiam, virginum violentae deditus
 corruptioni, Hungaris opprobrio erat. Atque haec
 praecipua captiuitatis causa fuit, Hungaris vitium
 hoc ita semper detestatis, ut ob illud etiam Ladi-
 slaum Chunum a suis baronibus et regni nobilibus
 odio habitum fuisse, Turotzius itidem testetur. Ad-
 iuncta captiuitatis Turotzio melius quibusdam con-
 signasse videtur Eberhardus Windeckius, Sigismun-
 do familiariter notus, in haec verba: (c) *Dum nu-
 merabatur annus 1399. tunc Hungariae proceres ce-
 perunt legitimum suum regem Sigismundum.— Ita
 rex Sigismundus captiuus a suismet ministerialibus
 ductus est in arcem Blindenburg (Visegradum) Inde
 porro**

(a) Libr. X. col. 154. Hist. Cr. T. XI. p. 451.—466. (b)
 Chron. P. IV. cap. 9. (c) Ap. Mencken. T. IV. p.
 1078.

porro in domum Gara (Siklosinum) ubi duodeviginti hebdomades in carcere exegit. Quo mense huius anni Sigismundus in carcerem coniectus sit; non meminit. Non certe Ianuario, cuius die 27. Hermanno, comiti Ciliae, castra quaedam contulit. Non Febuario, cuius die 2. litteras ad Ioannem, metropolitam Iadrensem, Budae dedit; die vero 27. mensis eiusdem Leutschouiae Saarosienfes ob aliquem in excipiendo rege neglectum redarguit; non Martio, cuius 23. die Cassouiae nosodochium S. Spiritus cruciferis Darotziensibus ademit. Palmius ex Windeckio quidem annum 1399. at ex patriis scriptoribus 28. Aprilis adoptat. Quia tamen mense Maio Sigismundus Petfuaradiensis abbatiae privilegia confirmavit, (a) Budae, in festo viuici corporis Christi, anno eiusdem 1399. et 2. Iunii cum Iadrensis de restituendis Pagenfis egit; (b) haec conciliatio Turotzi cum Windeckio locum habere non potest. Captiuitas igitur regis, si Windeckio deferre velimus; ad postremos huius anni menses differri debet, vt 18. hebdomades ad initium sequentis anni, quo liberum illum videbimus, confici possint. (c)

A. C. 1400. Sig. 14. Ind. 8. P. 18. A.

CXXXIII. Haec eorum gratia, qui plus Windeckio, quam Turotzi deferendum censent, dicta sunt. Ceterum Windeckiana chronologia multis difficultatibus est obnoxia, quarum praecipua haec est, quod Sigismundus litteras ad Nonenses et Tragurienses canonicos de Spalatensium dissidiis, teste Earlato,

(a) MSS. Heuenes. T. M. p. 364. (b) Ap. Schwandt. T. III. p. 740. (c) Hist. Cr. T. XI. p. 479.—493.

Farlato, (a) dederit in *Visegrad*, in festo cathedrae B. Petri apost. anno dom. MCCCC. Ac inquisitione peracta, litteras eodem anno 1400. receperit, a Nonensibus kalendis Aprilis; a Traguriensibus VIII. idus Maii, cum hac inscriptione: „ Ser. principi et domino, illustriss. D. Sigismundo, DEI „ omnipotentis gratia, Hung. Dalm. et Croat. cet. „ regi faustissimo, marchioni Brandenburgensi, cet. „ nec non aequitatis iugiter aequatori aeque miserabilibus personis praecipue et oppressis, eorum „ domino naturali.“ Accedit et illud, quod 17. Februarii rex agnoscatur etiam in Spalatensibus tabulis, quarum initium hoc est: (b) „ — Anno „ — MCCCC. Ind. VIII. regnante ser. principe et domino nostro naturali, D. Sigismundo, D. gr. „ Hung. Dalm. Croat. cet. rege inclito, ac marchione Brand. cet. —“ Horum enim documentorum auctoritas videtur praeferenda testimonio Lucii, qui, nescio, quo monumento nixus, asserit, (c) anno Christi 1400 mense Maio Sigismundum carcere liberatum fuisse. Quod tamen etiam Paulus de Paulo, dum res anni 1400. narrat, his verbis innuit: (d) *Die V. Maii audiui novum, quod dominus noster rex Sigismundus reuersus est Ungariam.* Sed, an ex captiuitate reuersus sit in Hungariam, quia clare non exprimit; huic testimonio non magna vis inest. Nulla vero huic, quod ex diplomate, quo Sigismundus Petro de Septem tiliis ecclesiae B. Nicolai parochiam Eperiesini confert, eruitur. Licet enim illud sit (e) *datum in Thamasbida, feria V. post dom. Cantate* (seu 20. Maii) anno

(a) Illyr. S. T. III. p. 353. (b) Ibid. p. 349. (c) Libr. V. Cap. IV. p. 418. (d) Ibid. p. 744. (e) Ap. Wagn. Dipl. Ser. p. 472.

anno dom. 1400. quia tamen hunc titulum praefert:
 „ Nos Sigismundus, D. gr. Romanorum rex sem-
 „ per augustus ac Hung. &c. rex “ certum est,
 errorem in anno cubare. Nec enim Sigismundus
 hoc anno rex Romanorum renunciatus; nec eius
 adhuc frater mense Maio, sed Augusto tantum ex-
 auctoratus erat. Quam in rem Bonifacium IX. con-
 sensisse, *communique consensu Moguntinum die 20.*
Aug. in Wenceslaum sententiam exauctorationis pri-
uationisque regni et imperii promulgasse, Grebnerus
 scribit; (a) additque, Sigismundum apud cardina-
 les questum esse, *quod is praepropere, nec conuictus,*
esset exauctoratus. (b)

A. C. 1401. Sig. 15. Ind. 9. P. 3. A.

CXXXIV. Ad hunc annum affigunt patrii scri-
 ptores captiuitatem Sigismundi, quem Februario
 mense liberum fuisse, patet ex eo diplomate, quod
 Chakiis dedit, *anno dom. MCCCCI. tredecimo kal.*
mensis Martii, regni autem anno XIV. Vetustae
 quoque stirpi Semseianae diploma dedit *Budae, in*
festo B. Georgii, martyris Christi gloriosissimi, an-
no dom. 1401. Quae diplomata nihil officiunt chro-
 nologiae Turotzii, qui Sigismundi captiuitatem ad
 28. Aprilis ita defigit: (c) *Millesimo quadringentesi-*
mo primo dom. incarn. anno, — die, qua mater
ecclesia certaminis S. Vitalis gloriosum decantat trium-
phum, barones regni, dolo indutae colloquutionis
gratia, regia adeuntes palatia, ipsum regem medium
esse voluerunt: qui quum adfuit; illi, obiectis prius
ipsi uniuersis facinorum causis, quas in illum exco-
gitauerant,

(a) Comp. Hist. Vnin. T. III. p. 434. (b) Hist. Cr. T. XI.
 p. 494. 508. (c) Chron. P. IV. cap. 9.

gitauerant, magno cum fremitu manus eorum in ipsum iniecerunt. Subiicit autem, captores regis, ratos, grauem in illum animum habere, Nicolaum et Ioannem Gara, paternam propter necem, quum maxime propter illum poenas dedisset; ipsum regem iuuenibus eisdem in castro eorum, Soklos vocato, seruandum assignasse. Male hanc causam Turotzius comminiscitur, Sigismundus enim paternae necis nulla vel eminus causa dici poterat; nullum igitur hi iuvenes odium in Sigismundum, a quo splendidissimis dignitatibus admoti fuerant, habuerunt. Immo, propter regios illos fauores, quibus cumulabantur, verosimilius Praius opinatur, (a) illos operam inprimis dedisse, ut captiuus suae fidei crederetur, non ad perdendum, sed seruandum regem. Anno hoc et 4. superioribus palatini munus gessit Detricus Bubek, sine cuius nutu consensuque rex captus non fuerit. Certe frater eius, Emericus, praecipuus factiosorum dux erat. (b)

CXXXV. Gloriam Sigismundi captiuitate liberati bene quidem Turotzius Garaüs adscribit; adiuncta tamen, quae fidem non merentur, narrationi huic affingit. Vnde bene rursus Praius monet: *Quicquid de Garaïorum matre, et regis, ad feminae pedes miserabiliter prostrati lacrimis, ceterisque haud sane viro et principe dignis fabellis nostri comminiscuntur, plane explodendum est.* Notimus ex litteris regiis, Nicolai de Gara fratrem Ioannem et filium cognominem obsides factiosis datos esse; quum ille mediatorem inter regnum et regem ageret. Quod tunc factum fuerit; quum Visegrado Siklosinum Sigismundus traductus fideique

(a) Ann. P. II. p. 202. (b) Hist. Cr. T. XI. p. 517.—523.

que Nicolai traditus erat. Ergo male Turotzius fingit, quum mater pro liberando Sigismundo perorasset, vtrumque filium praesentem fuisse. Et quid obsidibus futurum erat; si clam, vt vult Turotzius, Sigismundus sine consensu procerum emissus fuisset? Ad summum dici potest, adhortante matre, filios effecisse, vt captiuus rex in suam arcem Visegrado transferretur, suaeque fidei committeretur, ne quod periculum eius vitae crearetur; dum pax et concordia procurabatur. Ita filiis, alioqui de rege sollicitis, et vltro currentibus, calcar addere mater potuit. Praecipuum suae libertatis assertorem agnoscit ipse Sigismundus Nicolaum Gara, quum eum ita laudat: (a) „ Quum — per quosdam praelatos
 „ et barones regni nostri, vt in exsilium relegare-
 „ mur, capti fuissetus; iamque defacto rex Polo-
 „ niae et dux Austriae, ex incitatione dictorum
 „ nobis aduersantium, in dictum regnum nostrum
 „ Hung. ad vsurpandum sibi ipsis diadema nostrum
 „ regale regnaque nostra praedicta subintrare mo-
 „ liebantur; tunc praefati Nicolaus et Ioannes,
 „ frater suus, reuera percipientes, mortis pericu-
 „ lum exsulationemque praetactam nobis immine-
 „ re, se pro liberatione nostrae personae, fortu-
 „ nae casibus submiserunt, partes suas pro nostra
 „ maiestate erga dictos praelatos et barones pro
 „ fienda pace interponendo, eisdemque praelatis
 „ et baronibus, nobis contrariantibus, ipse Nico-
 „ laus, fidelis mediator, praefatos Ioannem fratrem
 „ et Nicolaum filium suos pro fulcimento deter-
 „ minationis dictae inceptae pacis in obsides assi-
 „ gnando. Dum igitur diebus non paucis ipse
 „ Nicolaus

(a) Ap. Pray Ann. R. II. p. 202.

Epit. Chron. P. II.

„ Nicolaus per suos sudorosos labores inter nostram
 „ celsitudinem et praescriptos praelatos et barones
 „ pro eiusdem pacis obtentu multimodos fecisset
 „ tractatus; ad vltimum — — “ Atque hinc ap-
 paret, Dlugoffum errare, quum scribit, (a) Wla-
 dislaum, *ratione Hedwigis*, quae iam anno 1399.
 decessit, ab Hungaris oblatum sibi diadema recu-
 sasse. Sigismundus enim differte testatur, illum *in*
regnum Hung. ad usurpandum sibi diadema, — sub-
intrare molitum esse. Idem Austriae ducem tenta-
 se. Quatuor igitur in partes scissum erat regnum,
 aliis Wladislaum Polonum, aliis Albertum Austria-
 cum, aliis ipsum Sigismundum, aliis denique Ladi-
 slaum, caesi Caroli H. filium, regem optantibus.
 (b) Huic Heruoia, Bosniae vaiuoda, ciuitates ma-
 ritimas conciliabat, et Iadrensis spe recuperandi
 Pagum, defectionem persuaferat. (c)

A. C. 1402. Sig. 16. Ind. 10. P. 26. M.

CXXXVI. Laudatus Dlugoffus ad annum vsque
 hunc Sigismundi captiuitatem producit. Sed ~~prim~~
 etiam si patriorum scriptorum chronologiam ample-
 ctamur; dicendum est, illum eodem anno, quo
 captus est, libertatem obtinuisse. Nam amnestiae
 litteras, quibus partes contrarias sequutis gratiam
 perduellionis facit, iam liberatus, (d) dedit *in op-*
pido, Papa vocato, in crastino festi beatorum Simo-
nis et Iudae app. anno dom. 1401. Dedit et man-
 datum ad Soproniensem comitatum, (e) vt, archi-
 episcopo Strigoniensi duce, contra Wilhelmum, Au-
 striae ducem, qui *confinia regni hostiliter subintrare*
volebat,

(a) Libr. X. col. 173. (b) Hist. Cr. T. XI. p. 496.—506.

(c) Ibid. p. 523. (d) Ex MSS. Cornid. (e) Indid.

volebat, arma sumerent. Datum Zolii, nouo regio sub sigillo, in festo B. Andreae ap. anno dom. MCCCCI. Captiuitas igitur eodem anno coepta finitaque fuit, etiam in patriorum chronicorum sententia; cui si Windekianam de hebdomadibus 18. iungere velimus, eadem sub exitum Aprilis initium, sub medium Augusti finem habuit. Interim Ladislaus Dyrrhachinus, licet post cladem Nicopolitanam a factiosis inuitatus, venire tamen ausus non est, partim nece patris territus, partim Andegauensis factione domi detentus. At postquam hic Ludouicus Andegauensis ex Italia recessit, et Ladislaus rex, vt Turotzius loquitur, (a) Sigismundum captum suamque partem inualefcere audiuit; quasi promptas res adepturus, vocantium flectitur votis, et celeri apparatu sumto, Hungariam versus iter continuauit. Quum autem, Venetis inuitis, se liberam nauigationem ad ditiones Hungaricas non habiturum prouiderit; Corcyram insulam iis vendidit 30. millibus ducatorum, vt Lucius perhibet, (b) anno 1401. Sed enim, licet, Venetis hac rei non suae venditione sibi conciliatis, tutum iam transitum per Adriaticum mare sibi procurauerit; prius tamen res magis explorandas ratus, ipse hoc anno nondum iter ingressus, vt ibidem Lucius refert, Aloysium Aldemariscum, admiratum suum, cum classe 5. triremium et unius biremis, amplissima cum auctoritate, in Dalmatiam misit. Quomodo hic Ladislao maritimas ciuitates adiunxerit, Paullus de Paulo pluribus recenset, e quibus pauca hic delibabimus. (c) MCDII.—XXIV.—Aug. iuerunt ambasciatores pro communi ladrae ad Haruoye vaiuodam.

N 2

(a) Chron. P. IV. cap. 10. (b) Libr. V. Cap. IV. p. 420.

(c) Ap. Luc. L. V. p. 746.—748.

dam. XXVII. conclusum fuit, vt Aloysius ille, vicarius Ladislai, Iadram recipiatur. — *III. Septembris* decretum, vt Ladislai, regis Hung. Hierusalem et Siciliae, titulus tabulis Iadrensis inscribatur. *Octobris XII.* castrum Vranae dedit se ipsum D. Aloysio capitaneo, nomine D. regis Ladislai praedicti recipienti illud. — *XIX. Nouembris*, Tragurienses cum magna sollemnitate erexerunt vexillum D. regis Ladislai; et die sabbati proxime sequentis, *Sibenitenses* fecerunt idem. Spalatensibus quoque se subdentibus, hic idem auctor cum aliis in Apuliam ad euocandum Ladislai missus, *XXVII. Decembris* Iadra discessit. (a)

CXXXVII. Si maritimis vrbibus et insulis exutus Sigismundus, Dalmatiae dumtaxat iacturam fecisset; malum hoc facilius tolerari potuisset. At mali contagio Hungariam quoque peruasit: dumquē Sigismundus in Bohemiam fratris causa profectus fuisset; magna pars Hungarorum in Ladislai consensit. Nonnulli volunt, Sigismundum, captiuitate liberatum, nec visitata Hungaria, primum Gilleiam, tum in Bohemiam concessisse; et Windeckius quidem, vt Praius ex eo refert, (b) illum *recta Cilleiam ad Hermannum II. profectum esse*, scribit, vt scilicet pacta nuptialia, iam prius inita, praesens confirmaret, vitaeque licentiam, de qua prius accusabatur, per nouum coniugium refrenaret. Sponsione matrimonii Cilleiae sollemni ritu confirmata, Sigismundum in Austriam delatum esse, pacemque cum Alberto duce his pactis instauratam esse, Praius ibidem scribit: „Albertus Hungariae heres esset; si Sigismundus sine mascula prole
„ dece-

(a) Hist. Cr. T. XI. p. 525.—530. (b) Ann. P. II. p. 203.

„ decederet.“ Sed hae pactionis tabulae Posonii , non in Austria , confectae sunt, (a) *in festo B. Matthaei ap. et euang. anno dom. MCCCCII.* Sigillis 112. munitae, horum praecipue procerum: Valentini, card. *Quinqueeccles.* Ioannis; arch. *Strigon.* — Thomae, ep. *Agr. Eberhardi Zagr. Lucae Varad.* Ioannis *Iaur.* Michaelis *Vesprim.* Nicolai *Vac.* Petri *Nitr.* Emerici Bubeck, prioris *Auranae*; Fr. Dosae, abb. de S. M. *Pannoniae*; Nicolai de *Gara palatini*; Nicolai de *Martzal*, vaiuodae *Trans.* Stiborii, pri- dem *vaiuodae*; C. Frank de *Zethen*, *iudicis curiae*; — Ioannis de *Maroth*, *bani Machou.* — cer. Quia duae tantum ciuitates huic pactioni subscripserunt, *Poson.* et *Sopron.* et plures etiam ex optimatibus et nobilibus abfuerunt; numquam apud Hungaros eam vim illa habuit, vt eius virtute hereditaria succes- sio principum Austriacorum in Hungariam agnosce- retur. Ideo principes hi, nulla mentione facta pa- cti huius, de iuribus aliis in Hungariam procuran- dis solliciti semper erant. Quae subinde tam firma de consensu statuum et ordinum euaserunt, vt fundamentis adeo debilibus inniti non debeant. Non multo post Sigismundus Albertum Austriacum Hungariae gubernatorem instituit, *Posonii, septimo die festi B. Michaelis arch. anno dom. 1402.* se vero iam et *S. R. I. vicarium generalem, et regni Boh. gubernatorem* inscripsit. Quum enim Wenceslaus vtraque dignitate, Romanorum et Bohemiae regis, exciderit; Sigismundus vtriusque potestatis partem aliquam ad se deriuauit. (b)

N 3

A. C.

(a) Ex MSS. Cornidesianis. (b) Hist. Cr. T. XL. p. 531.—

A. C. 1403. Sig. 17. Ind. 11. P. 15. A.

CXXXVIII. Male quosdam Sigismundi regis ex Bohemia reditum ad hunc annum retrudere, patet ex tabulis, anno superiore Posonii signatis Praius, eiusdem auctor sententiae, refert ex Windeckio, (a) Sigismundum, ex Bohemia reuersum, *pacta conuenta, quae anno abhinc cum Alberto Austriaco successionis causa inierat, in medium proferri iussisse; et rogatis quidem, non item acceptis sententiis, singulos suis nominibus confirmare imperasse; eam rem celebrandi seorsum conuentus occasionem proceribus praebuisse, in quo omnium suffragatione decerni placuit:* „ Quoniam rex contra fas hereditatem regni, „ insciis ordinibus, alii transcripsisset; optimati- „ bus creandi noui regis ius omnino liquidum esse.“ *Abrogatisque pactis, cum Poloniae proceribus foedus percussum.* Huius tabulas exhibet Mathias Dogiel, (b) *confectas in oppido Zalatuoh, Zagrab. dioecesis, 4. mensis Apr. anno dom. 1403. munitas sigillis 51.* Atqui priores de successionis tabulae 112. sigillis munitae sunt; non igitur, *insciis ordinibus*, regni hereditas Alberto transcripta fuit. Sed, quod mirum est, illic subscripti leguntur et Ioannes, Strigoniensis, et Thomas, Agriensis antistes; et tamen vtrumque Windeckius factiosis adnumerat. Videntur igitur aliam defectionis causam habuisse, quos Sigismundus ad officium reuocaturus, copiis suis trifariam diuisis, ipse Strigonium ac Strigoniensem archiepiscopum obsidione pressit, ac ad deditionem coegit: Budam, a Benedicto de Macra captam, opera Stiborii recepit: Agriam, quam episcopus loci,

(a) Annal. P. II. p. 204. (b) Cod. Dipl. T. I. p. 41.

loci, Thomas de Ludány, Stephano de Debrö tutandam reliquerat, Simon, iudex curiae, Sigismundo vindicauit. His igitur seditiosorum asyis in potestatem reductis, ut eo promptius omnes ad fidem redirent; amnestiam promulgauit, (a) *Budae, feria 2. prox. post, festum S. Francisci conf. A. D. 1403.* „Decreuimus, *inquit ibi*, cum omnibus „rebellibus, aemulis et aduersariis nostris — veram pacem facere et concordiam stabilire; idcirco nos, — ex innata nobis clementia, omnibus „et singulis praelatis, baronibus, nobilibus — gratiam faciendam duximus in hunc modum — “Valuisse hanc Sigismundi clementiam ad ferociam factiosorum expugnandam, Albertus ita testatur: (b) „Eodem in ipsum regnum suum redeunte, — „praedictorum rebellium suorum proteruia emollita; eorum residui pristinae obedientiae se red dentes, ad suscipiendam gratiam ipsius D. regis „se inclinarunt. — “ (c)

CXXXIX. Haec clementia magis, quam arma, Ladislai Dyrrhachini causam afflixit. Plurimis enim ad obsequium hac benignitate regia reuocatis, ille nec in Hungariam venire, nec in Dalmatia manere diutius ausus, post tres fere menses, ab aduentu suo Ladrae transactos, Apuliam propere repetiit. Nondum in Dalmatiam ille venerat; quum praecipuus eius fautor, Heruoya, Paullum Bissenum, Croatiae banum, ad Bihathum 4. Febr. vicit, doloque cepit. Paullus de Paulo huius facinoris auctorem facit Heruoiam; at Sigismundus in diplomate, Ioanni de Maroth dato, perduellionis et mali totius originem

N 4

(a) Corp. Iur. Hung. T. I. p. 174. (b) Ap. Kapr. H. D. P. I. p. 364. (c) Hist. Cr. T. XI. p. 555.—574.

Originem in Emericum Bubek ita refundit: (a)
 „ — Nobis in regno Bohemiae pro S. R. I. et
 „ nostri patronatus honore laborantibus, dum non-
 „ nulli — Ladislaum, filium condam Caroli de Du-
 „ ratio, in hoc regnum nostrum — introducere
 „ voluissent; Emericusque Bubek, prior Auranae,
 „ qui fere totius ipsius rebellionis et dissensionis
 „ origo fuerat et causa efficiens, — fidelem no-
 „ strum, virum magnificum, Paullum Bissenum
 „ de Ezghede, Dalm. et Croat. — banum, qui se
 „ suae exquisitae dolositati opponere disponebat,
 „ fraudulenter captiuasset, captumque Ladislao,
 „ filio quondam Caroli, pro encenio destinasset;
 „ tunc idem Ioannes banus, — eleuato suo vexil-
 „ lo proprio, et totali sua potentia instaurata, —
 „ annotatum priorem de regno nostro Sclauoniae
 „ ad regnum Boznae, simul cum suis sequacibus
 „ et fautoribus, expulit. — “ Expulso licet Bube-
 kio, Ladislaus, Bonifacii IX. fauore fultus, animum
 occupandi Hungariam non deposuit. A pontifice
 missus ad eum adiuuandum card. Florentinus, (b)
kal. Iunii, pontif. an. XIV. Ladislaum V. Aug.
hoc anno coronauit, non in ciuitate Iauriensem,
vt Niemius scribit, sed Iadrensem. Ladislaus enim
numquam Iaurini fuit; fuisse vero Iadrae, Lucius
ex pluribus eius diplomatibus ostendit, datis VI.
Aug. Spalatensibus; XIV. Brachiensibus; XVI. Si-
benicensibus; Traguriensibus die ultimo eiusdem men-
sis Augusti MCDIII. (c) Profert etiam integrum
eius diploma, sic inscriptum: „ Ladislaus, D. gr.
„ Hung. Hierusalem et Siciliae, Dalm. et Croat. —
„ rex. — Dat. Iadrae — A. D. MCDIII. die XIX.
„ Octo-

(a) Ap. Koller. H. E. Q. T. III. p. 292. (b) Ap. Rayn.
 1493. n. 13. (c) Libr. V. Cap. IV. p. 421.

„ Octobris.—^a *Subindē*, subiicit Lucius, *Hervoya—*
a Ladislao dux Spalati et proximarum insularum crea-
tus fuit; eoque vicesgerente in Dalm. et Croatia re-
lictō, Neapolim reuersus est mense Nouembris MCDIII.
 Quum igitur nullum eiusdem existentis in Dalma-
 tia vestigium ante mensem Augustum occurrat; tri-
 bus fere mensibus eiusdem in Dalmatia praesentis
 dominatus circumscribitur. Farlatus eius epistolae
 meminit, quam ad Spalatenses dedit (*a*) *Neapoli*
die 9. Nou. indict. XI. Innuit et Turotzius, illum
 litteras ad Sigismundum dedisse, (*b*) vt perduelles
 plecteret. Sed haec rogasse censendus non est, qui
 Hervoiā, praecipuum turbarum auctorem, Spala-
 ti ducem creauit; qui Dalmatiam et Croatiam ei
 nomine suo gubernandam commisit; qui deinceps
 etiam regis Hungariae titulum retinuit. (*c*)

A. C. 1404. Sig. 18. Ind. 12. P. 30. M.

CXL. Sigismundus, post Ladislai discessum,
 fugae simillimum, solio plene restitutus, superiori-
 bus Hungariae partibus, quas in fide constantes man-
 sisse Turotzius testatur, lustratis, suisque fauoribus
 vbique sparsis, Budam reuersus, illos, qui venia,
 liberaliter oblata, frui noluerunt, publicatis bonis,
 proscripsit, (*d*) *Budae, feria III. prox. post dom.*
Inuocauit, anno dom. MCDIV. Hoc diplomate
 querelis nonnullorum occurrit, ac inter cetera pos-
 sessiones infidelium, fidelibus ante resipiscētiā
 illorum donatas, in horum possessione relinquit.
 Non multo post alio diplomate constituit, ne bul-
 lae

(*a*) III. S. T. III. p. 360. (*b*) Chron. P. IV. cap. 11. (*c*)
 Hist. Cr. T. XI. p. 574.—594. (*d*) Corp. Iur. Hung.
 T. I. p. 176.

lae Romanae citra consensum regium acceptarentur, (a) *Posonii, dominico die in octaua paschae, anno dom. MCCCCIV.* Aegerrime nimirum tulit, Bonifacium, a quibusdam factiosis persuasum, pacem ac tranquillitatem Hungariae restituendam esse, si Ladislaus, a seditiosis expetitus, rex coronaretur, iis consensum praebuisse. *His, inquit Sigismundus, proximis disturbiorum et regni nostri motionum temporibus, per bullatos ac alios auctoritate sedis apost. quoad nostri honoris, status et gradus deiectionem, regni nostri et coronae in alium translationem, ac alios ad nostri totalem depositionem, laborasse, et adhuc sentimus indefesse laborare.* Verum igitur illud, quod Niemius in haec verba scribit: (b) *Sigismundus, aegre ferens, quod praefatus Bonifacius contra eum talia fieri fecerat; ipse postea cathedrales ecclesias et monasteria, nec non omnia beneficia ecclesiastica in Hungaria dedit, quibus voluit.* Quod subinde ius patronatus in concilio Constantiensi regibus Hungariae firmiter asseruit. Etsi vero Sigismundus a Bonifacio sua iura fuisse laesa quereretur; de sua tamen in sedem apostolicam obedientia nihil remisit; nec ad partes Benedicti pseudo-pontificis transiit; ac Innocentio VII. qui Bonifacio IX. hoc anno kal. Oct. defuncto, post 10 dies successus est, constanter adhaesit; operam denique perutilem praestitit, ut diuturnum illud schisma tolleretur. Perperam igitur Spondanus schismaticum illum facit, licet negari non possit, illum limites suae potestatis excessisse, ut, quum a iurisdictione Ioannis archiepiscopi praepositum Posoniensem cum suo capitulo clerumque Budensem exemit,

(a) Ap. Pray Hier. P. L. p. 92. (b) Libr. II. cap. 18.

exemit, (a) *Posonii, fer. VI. prox. ante dom. Iubilae, anno dom. MCCCCIV.* „ Volumus etiam, „ *inquit*, quod iuxta decreti nostri tenorem, quod „ vobis cum praesentibus dirigimus, nec in curia „ Romana, nec extra, contra eundem (*praep. Poson.*) „ litem mouere — debeatis.“ Sed quia violenta non „ durant; eodem hoc seculo, sub Mathia Coruino, „ pristinum ius archiepiscopi receperunt. (b)

A. C. 1405. Sig. 19. Ind. 13. P. 19. A.

CXLI. Offensum adhuc animum hac exemptione Sigismundus expressit, et quamvis Ioanni metropolitae conciliatus iam fuerit; cancellarii tamen munus, Eberhardo Zagrabienſi collatum, ei non restituit. Eberhardus hic inconcussae fidei iam tunc documenta dedit; quum captum regem in arcem Sikloſienſem inclusum esse comperit. Quia sumptibus ad eum iuuandum necessariis prouentus episcopales non suffecerunt; decimas capitulares ad id adhibuit, quas hoc anno restituit, (c) *secunda die festi B. Francisci conf.* Ille iam cum axiomaſe ſupremi cancellarii subscriptus est decreto Sigismundi, quod ordine secundum, vulgo *minus* dictum, articulos XXI. continet, quorum tituli sic inscribuntur: (d) „ *I. Mensura liquidorum et aridorum per* „ totum regnum ad mensuram ciuitatis Budensis „ conformanda. *II. Mercatores forenſes qualiter* „ pannum vendere intra regnum possint. *III. No-* „ tarii publici non valeant procurare inter duos „ laicos in iudicio ſeculari. *IV. Appellationibus* „ ciuium

(a) Ap. Pray Hier. P. I. p. 69. (b) Hist. Cr. T. XI. p. 594.—623. (c) Ap. Farlat. T. V. p. 453. (d) Corp. Iur. Hung. T. I. p. 178.

„ ciuium, hospitem et populorum ciuitatum, de-
 „ ferendum est. *V.* Malefactores puniendi facul-
 „ tas penes quos sit. *VI.* Colonis migrandi libera
 „ facultas data. *VII.* Arrestari non potest aliquis;
 „ nisi prius coram suo iudice conueniatur. *VIII.*
 „ Laesi et damnum passi primo a iudice loci de
 „ eo, qui vim intulit, iudicium petant. *IX.* No-
 „ nam et decimam ex deposita in loco credibili
 „ pecunia conuictus, vel qui causam depositioni
 „ dedit, soluere tenetur. *X.* Ciues et inhabitato-
 „ res singuli ciuitatum regi contribuere tenentur.
 „ *XI.* Mercatores incolae res suas deferant, quo-
 „ quo libitum et placitum est. *XII.* Appella-
 „ tio liberarum ciuitatum fit ad magistrum tauer-
 „ nicorum. *XIII.* Dona, a liberis ciuitatibus regi
 „ et officialibus debita, qualia sint. *XIV.* Eccle-
 „ siastici profanas; seculares vero iudices ecclesia-
 „ sticas causas non diiudicent. *XV.* Aurum et
 „ alia metalla exportari prohibita. *XVI.* Poena
 „ eorum, qui res extraneorum — sub nomine re-
 „ rum propriarum — vendunt. — *XVII.* Tricesi-
 „ ma soluenda tam de rebus efferendis, quam in-
 „ ducendis in regnum. *XVIII.* Monetarum vsus.
 „ *XIX.* De regis commutatoribus monetarum. *XX.*
 „ Sales externi non inferantur. *XXI.* Aurum et
 „ argentum — e regno non efferatur. — *Dat.* —
 „ *A.D. MCCCCV. XVII. kal. Maii.* Decreto III.
 „ huius anni II. prohibet *I.* „ Ne per vim transeun-
 „ tes domini vel milites damna inferant quibusuis
 „ regnicolis. *II.* Arrestum nullus propria auctori-
 „ tate faciat. *III.* Nec mutilationes membrorum.
 „ *IV.* Nec potentiores vim inferant minoribus. *V.*
 „ Arrestationes ne fiant in propriis locis et bonis.
 „ *VI.* Pondus, mensura et vna Budensis seruen-
 „ tur. *VII.* Aurei valor. *VIII.* Salium externo-
 „ rum

„ rum prohibitio. *IX.* Proscriptos aut perduelles
 „ nemo ad se recipere auit. *X.* De iudicio colo-
 „ norum. *XI.* — Ciuium ciuitatum regiarum. *XII.*
 „ Ecclesiasticus iudex causas profanas, et secula-
 „ ris spirituales non iudicet. *XIII.* Possessiones,
 „ in quarum metis mineræ sunt, rex a nobilibus
 „ non auferat. *XIV.* Migratio colonis libera facta.
 „ *XV.* Census colonorum. *XVI.* — non vexando-
 „ rum. *Dat. Budae, in festo S. Dominici conf.*
 „ *A. D. MCDV.* Hoc decretum, vt prius, nouo
 sigillo munitum fuit, et omne post hunc annum
 muniri debuit, vt Verbötzius tradit; (a) quo signa-
 tum est etiam diploma, C. Hermannno Cilleiensi da-
 tum, *an. dom. 1405. III. non. Aug. (b)*

A. C. 1406. Sig. 20. Ind 14. P. II. A.

CXLII. Promulgata de nouo sigillo sanctione,
 vt *uniuersae litterae donationales et aliae priuilegia-
 les quondam D. Ludouici regis, sub ipsius secreto
 duntaxat sigillo emanatae, ac dominarum Elisabeth
 relictæ et Mariæ, filiae eiusdem Ludouici regis,—
 nec non ipsius Sigismundi R. ante 1406. qualiter-
 cumque confectæ, ad confirmationem importarentur;*
 inter alios etiam Ioannes archiepiscopus ecclesiæ
 Strigoniensi factas sub iis sigillis donationes, nouæ
 confirmandas, exhibuit, quas Sigismundus *XIX.
 kal. Febr.* hoc anno confirmauit, (c) his decreti
 causis insertis: „ Propter sigillorum ipsarum domina-
 „ rum reginarum atque nostrorum deperditionem, ac
 „ nostri maioris, scilicet duplicis, ex causis et ratio-
 „ nibus legitimis confractionem. — „ Subscripti sunt
 „ Valen-

(a) Trip. P. II. Tit. 14. (b) Hist. Cr. T. XI. p. 628.—699.

(c) MSS. Heuenes. T. R. p. 46.

„ Valentinus card. *Quinqueecl.* gubernator; Ioannes
 „ *Strigon.* vacat *Coloc.* Lucas *Var.* Stephanus *Trans-*
 „ *filu.* Eberhardus *Zagr.* vacat *Agr.* Ioannes *Iaur.*
 „ Ioan. *Bosn.* vacat *Vesprim.* vacat *Vac.* Fr. Douša
 „ *Chan.* Hynko *Nitr.* — Nicolaus de Gara *palatin.*
 „ Ioannes et Iacobus, *vaiuodae Transsilu.* C. Frank,
 „ *iud. curiae;* Paullus Byssenus et alter Paullus
 „ de Pecht, *Dalm. Croat. Sclau.* Ioannes de Ma-
 „ roth *Machou. bani.* — “ In diplomate, dato hoc
 eodem anno, *XV. kal. Maii*, post antislites ita
 procures mutantur: „ Nec non spect. et magn. viris,
 „ Hermanno, comite Ciliae ac Zagoriae, *Dalm.*
 „ et *Croat.* praedictorum ac *Sclauoniae* regn. no-
 „ strorum bano, socero nostro carissimo; Nicolao
 „ de Gara palatino, cet. “ Quum hic Hermannus
 a Sigismundo *socer carissimus* appelletur ac ante
 palatinum nominetur; argui certo potest, Sigismun-
 dum cum eius filia Barbara, iam ante sex annos
 desponsa, nuptias inter 14. Ianuarii, qua nondum
socer dicitur, et 17. Aprilis, qua dicitur, celebrasse;
 nec eas ad an. 1408. vt aliqui volunt, differendas
 esse. Luculentissimum huius rei testimonium exhi-
 bet illud diploma, quo capituli Varadiensis amissa
 per incendium instrumenta litteraria recenset ac in-
 staurat, (a) *Varadini, secunda die festi B. Lucae*
euang. anno dom. 1406. Hic enim differte memi-
 nit *dominae Barbarae reginae, consortis suae caris-*
simae. Dum Sigismundus cum noua coniuge di-
 uersas Hungariae partes obibat, Innocentius VII.
 aliquas in Hungaria pro basilicis Romae reparandis
 eleemosynas colligi iussit, (b) *XII. kal. Sept. pon-*
tif. anno II. Sed enim harum ille fructum elee-
 mosynarum

(a) Ap. Pray Hier. P. II. p. 115. MSS. (b) Collect. Bull.
 Ed. 1750. T. II. p. 16.

mosynarum percipere non potuit, mortuus 4. Nouembris, cui 30. mensis eiusdem Gregorius XII. successit. (a)

A. C. 1407. Sig. 21. Ind. 15. P. 27. M.

CXLIII. Ad nouum hunc pontificem suos oratores Sigismundus misit, Valentinum cardinalem et Andream, archiepiscopum Spalatensem, quorum precibus pontifex permotus, Christi fideles ad opem Sigismundo ferendam contra Turcos, Arianos, Manichaeos ac alios infideles, propositis indulgentiis, cohortatus est, (b) *Senis, V. idus Nouembris, pontif. an. I.* Iam tunc, quum haec scriberentur, bellum gessisse Sigismundum, his verbis Gregorius indicat: „ Qui actu cum praefato rege, vel eius „ gente contra infideles huiusmodi nunc personarum „ liter militant, per se vel alios. — “ Ipsum regem expeditioni huic interfuisse, liquet ex litterarum, quibus filias Stephani de Looch praefecerat, hac subscriptione: (c) „ Datum in descensu nostro „ campestri prope castrum, Babuncz vocatum, „ die dominico prox. post festum natiuitatis virginis gloriosae, anno dom. 1407. “ Etiam sequenti mense hanc expeditionem continuatam fuisse, hae litterae vaiuodarum ex MSS. Cornidesianis indicant: „ Iacobus Lachk de Zantho et Ioannes Henrici de Thamasy, vaiuodae Transsiluani et comites de Zolnuk. — Ad nostram audientiam peruenit, qualiter Ioannes, filius Nicolai de Somkerek, Emericum de Budaych interemisset. — „ Datum in descensu campestri iuxta fluvium Orbaz,

(a) Hist. Cr. T. XI. p. 693.—723. (b) Ap. Rayn. an. 1407. n. 32. (c) Ex autographo.

„ baz, secundo die festi B. Francisci conf. anno
 „ dom. MCCCCVII. “ Nondum regem e Croatia
 IX. Decembris in Hungariam rediuisse, patet ex
 eius litteris, Kaprontzae hac die datis, quibus
 Nicolaum Garazda de Keresztur et Ladislaum de Zi-
 lagy, quod castrum Ztrebernik *per continuos 4. an-*
nos strenue contra Turcas et Bosnenses defenderint,
 remuneratur. (a)

A. C. 1408. Sig. 22. Ind. I. P. 15. A.

CXLIV. Ex aliis litteris, quibus eorundem
 merita Sigismundus recenset, apparet, bellum etiam
 hoc anno contra Bosnenses continuatum esse. Sic
 enim illic Sigismundus priora prosequitur: (b) „ Sa-
 „ ne nobis in aestate proxime transacta dictorum
 „ nostrorum aemulorum, Turcorum videlicet et
 „ Boznensium, tyrannicam rebellionem — tolerare
 „ non valentibus, et contra eosdem, validissimo
 „ nostro instaurato exercitu, dictum regnum Boz-
 „ nae intrantibus, et quam plurima castra et ca-
 „ stella — nostrae ditioni triumphaliter subiuganti-
 „ bus; praefati Nicolaus et Ladislaus, — dum eos-
 „ dem — ad obsidionem cuiusdam castri, Branich
 „ nuncupati, in terra Vzurae situati, fortis animis
 „ et excelsi, destinassimus; ipsum castrum viriliter
 „ et potenter obtinuerunt, et nostris regiis mani-
 „ bus applicarunt. — Dat. Budae, in festo B. Tho-
 „ mae episc. et mart. anno dom. 1408. “ Sigismun-
 dum victorem facit etiam Dlugossus ad hunc annum.
Multos Bosnenses, inquit, (c) aut deprivat capite,
aut deiecit de muro, regnumque uniuersum redegit
in

(a) Hist. Cr. T. XI. p. 734. — 744. (b) Ex MSS. Cornides.

(c) Libr. X. col. 194.

in obedientiam et tributum. Praius ex Windeckio refert, (a) ex proceribus et nobilibus 126. captos et capite truncatos esse. Heruoia quoque, teste Lucio, (b) *rebus suis prospiciens*, — *Bosnenses suae partis* — *cum Sigismundo conuenire suaserit.* Cui postea Sigismundus, (c) *pro singulari honore quoddam clenodium, scilicet signum draconis* contulit. Quem *Draconis* ordinem a Sigismundo hoc anno prid. idus Dec. institutum esse, Carolus Palma perhibet, (d) *contra paganos, schismaticos aliarumque nationum orthodoxae fidei ac crucis Christi et regnorum eius aemulos.* (e)

A. C. 1409. Sig. 23. Ind. 2. P. 7. A.

CXLV. Atque hoc certissimum est argumentum victoriae Sigismundi, quod Heruoia, qui mordicus alias Ladislai partes propugnauerat; nunc rebus suis consulturus, eodem destituto, cuius res magis in dies, post hanc Sigismundi victoriam, labascebant, cum legitimo rege pacem ineundam censuerit. Nam id reuera factum esse, Sigismundus ipse testatur, litteris ad Tragurienses ita datis: (f) „Sigismundus — Auditis, prout non ambigimus, pace, vnione et concordia, inter hos et D. Heruoiam, ducem Spalati, cet. ac vniuersitatem regni nostri Bosnae initis, — quod, ad instar aliarum ciuitatum regnorum Dalm. et Croat. — nuncios vestros ad nos destinare distulistis, „ non

(a) Annal. P. II. p. 226. (b) Libr. V. C. IV. p. 423.

(c) Id. L. V. C. V. p. 433. (d) Not. H. P. II. p. 194.

(e) Hist. Cr. T. XI. p. 747.—752. (f) Ap. Luc. L. V. C. IV. p. 423.

„ non immerito admiramur. — Dat. Budae, in fe-
 „ sto epiphaniae domini, MCDIX. “ Idem testatur
 in diplomate, quibus insignia nobilitatis Garazdiis
 et Szilagyis confert, in haec verba: — „ Quum
 „ alias illustris D. Heruoia, dux Spaleti et par-
 „ tium inferiorum comes, regnique nostri Bosniae
 „ barones, nobiles, proceres ac incolae vniuersi,
 „ pro nunc, occulto DEI iudicio, ad veram obe-
 „ dientiam et fidelitatis obseruantiam reuersi — “
Dat. — anno dom. MCCCCIX. VI. kal. Martii. —
 Spalatenfes iam hoc anno Sigismundi nomen ita
 suis tabulis inseruerunt: (a) „ Anno 1409. Ind. 2.
 „ 8. Maii, regnante D. ser. principe et domino
 „ naturali, D. Sigismundo, D. gr. Hung. Dalm. —
 „ rege inclito; nec non magn. et spect. D. nostro
 „ Heruoia, duce illustri Spaleti. — “ Sigismundus
 igitur, Heruoia sibi conciliato, tam Spalatum, quam
 reliquam Dalmatiam postliminio recepit, excepta
 Iadra, quam Ladislaus retineri non posse ratus,
 omne suum ius et in illam, et totam Dalmatiam
 Venetis, *pro ducatis 100. millibus*, vt tabulae lo-
 quuntur, (b) vendidit; *et die sequenti, scilicet vl-*
tima Iulii, ciuitas et arx Iadrensis eisdem tradita,
A. C. 1409. Nullus vmquam regnum tam abiecto
 pretio redemptum aut legit, aut audiuit, vt hic fa-
 bula de Suatoplugo, regnum equa Hungaris ven-
 dente, historia videatur euasisse. Vile hoc pretium
 vendentis et ementis ius infirmum indicat. Agno-
 uit resp. Veneta, Sigismundum esse legitimum Hun-
 gariae regem, dum, vt eligeretur, per suos ora-
 tores egit. Agnouit igitur, Dalmatiam ad eum
 pertinuisse, nec a Ladislao vendi potuisse; quum
 alioqui

(a) Ap. Farlat. T. III, p. 361. (b) Ap. Luc. L. V. C. V.

alioqui, licet legitimus rex fuisset; consensus Hungarorum ad abalienationem accedere debuisset. (a)

A. C. 1410. Sig. 24. Ind. 3. P. 23. M.

CXLVI. Sigismundus, tanta victoria potitus, in vindicandis sacrae coronae iuribus suscipiendisque bellis indefessus, maioris iam non tantum ab Hungaris, sed etiam exteris aestimari. Mox igitur aliam Hungaria faciem induit: et, ut Turotzius loquitur, (b) *universae in regno paratae insidiae undique tacuere: ipse quoque rex, ab illis quieto potitus sceptro, infra vitae suae limites sua in regimine intestino tumultu turbatus est numquam. Igitur, quum tantis calamitatibus iuuenis princeps saepius agitato, moribus et vita melioratus esset, immobilique sui regni dominio etiam nationibus ab extraneis fungi prospiceretur; et iam tres et viginti in Hungaria regnasset annos; in regem Rom. electus est. Multum ad id contulit Ioannes XXIII. pontifex, qui, Ruperto caes. 18. Maii defuncto, quum de successore constituendo deliberaretur, ut Fleurius et Titemio scribit, (c) ad electores misit nuncios cum litteris, quibus illos magnopere hortabatur et orabat, ut in Romanorum regem eligerent Sigismundum Luxemburgium. — Vigesima Septembris fuit, qua cum eligebant archiep. Treuirensis, comes Palatinus et marchio Brandenburgus. Deliberabant adhuc archiepiscopi Moguntinus et Coloniensis: ac postquam Iodocum, Moraviae marchionem, cooptarunt; sed grandis natu 20. Martii (8 Ian.) anno sequente obiit; tunc electores cuncti agnoscebant*

O 2

(a) Hist. Cr. T. XI. p. 759.—779. (b) Chron. P. IV. cap. 17. (c) Libr. C. 6. XLVII. p. 697.

bant Sigismundum, qui regnavit annos 27. Ab hoc Sigismundo Franciscus Augustus quartus decimus est, qui Hungariae regiam dignitatem cum imperiali coniunxit. (a)

A. C. 1411. Sig. 25. Ind. 4. P. 12. M.

CXLVII. Qua de causa Sigismundus exercitum ad Sauum sub anni prioris exitum promouerit; incertum est. Quum enim donationem Piponis confirmavit; diploma dedit *in descensu campestri, videlicet in portu fluvii Zabe, Razcha vocato, secundo die festi B. Emerici D. et C. anno dom. 1410.* Sub exitum autem Decembris litteras ad Stephanum de Remethe dedit *in Diako, in festo B. Ioannis ap. et ev.* Videtur inferiores Dalmatiae partes, quas Veneti mercando suas facere conabantur, vindicare voluisse. Sed metu Polonorum, superioribus regni partibus imminentium, mense Ianuario Cassouiam militibus protectionem edixit. Hic ille diplomata mense tam Martio, quam Aprili dedit, titulo *regis Romanorum* usus, (b) ac induciis ad festum assumtae virginis, anni sequentis, inter Hungaros et Polonos prorogatis, meridionalem Hungariam lustravit, ac *in Temesvár, fer. IV. prox. post festum BB. Viti et Modesti MM. anno dom. MCDXI.* litteras signavit. Augusto rursus et Septembri mense Visegradi diplomata dedit. Inde Budam reuersus Elisabetham filiam, vix in lucem editam, Alberto Austriaco despondit. Sequenti mense Posonium profectus, de lucro camerae decretum IV. articulos VI. complexum condidit, hoc ordine: (c) „ I. Di-
catores

(a) Hist. Crit. T. XII. p. 1.—9. (b) Ap. Wagn. Scép. P. III. p. 255. (c) Corp. Iur. H. T. I. p. 188.

„ catores ultra duos denarios a iudicibus ratione
 „ quietantiarum non accipiant. *II.* Portae maiores
 „ ad denarios 30. et minores ad 15. dicentur.
 „ *III.* Familiares dominorum terrae non dicentur.
 „ *IV.* Restantiae contributionum per comites et
 „ vice-comites exigantur. *V.* Decimatores iura-
 „ mento rusticorum credere et stare debent. *VI.*
 „ Decimae per censuram ecclesiasticam extorquen-
 „ dae sunt. — Dat. Posonii, in festo B. Francisci
 „ conf. A. D. MCDXI. regn. anno Hung. 24. Rom,
 „ 2.^a (a)

A. C. 1412. Sig. 26. Ind. 5. P. 3. A.

CXLVIII. Aperitur annus, multarum rerum
 feracissimus, quo Sigismundus et Wladislaus non
 tantum perpetuam pacem inter se pacti, sed etiam
 per nobiliora Hungariae loca simul peregrinati, ma-
 gnaque honoris et amoris mutui significatione post
 longiorem Wladislai regis in Hungaria moram inui-
 cem diuulsi sunt. Argumentum hoc narrationis
 iucundum Dlugossius suis suspicionibus solitisque
 cauillationibus corrumpere conatur. Secundum le-
 gatorum utriusque partis sententiam, anno superio-
 re pronunciatam, et a regibus confirmatam, Wla-
 dislaus Sandeczium, Sigismundus Lublouiam vel
 Kesmarkinum pro dominica quinquagesimae se con-
 ferre debebant. Iam hic Sigismundo Dlugossius in-
 gentem metum ac sollicitudinem affingit, (b) ut
 Wladislaum, quasi grauitur in illum deliquisset, si-
 bi propitium reddere posset. Et quasi Wladislaus
 non ideo Sandeczium accessisset, ut cum Sigismun-

O 3

do

(a) Hist. Cr. T. XII. p. 37.—77. (b) Libr. XL. col. 317.—
 326.

do pacis negotium pertractaret; rursus aegre potuisse per nuncios illum induci fingit, ut id ageret, cuius causa venit. Ut autem aequis lectoribus pateat, quam caute Dlugosso fides in narratione rerum Hungaricarum adhibenda sit; argumenta longius non accersam; sed, ipsius dumtaxat verbis in medium productis, ex chronologia lumen accendam, quo, tenebris dissipatis, veritas magis eluceat. Ius ille Hungaricum in Russiam rubram saepe iam alias praefraete negavit, quod nos et synchronorum testium, et regionum diplomatum fide saepius asseruimus et stabiliuimus. Idem ius Hungariae reges in laudatas prouincias habuisse, tabulae foederis, inter reges nunc initi, tam disertis verbis adstruunt, ut ipse Dlugossus agnoscat, vim illis inferri non posse. Quid igitur agit? ut commenta sua, toties iam diffusa, contra manifestum harum tabularum testimonium tueri nunc quoque possit; ad conuicia recurrit: Sigismundum astutum et periurum; Wladislaum iurium suorum rudem et ignarum facit. Quum Sigismundus in secreto colloquio promississet *exterminium* cruciferorum Prussiae; *credidit*, inquit; *princeps simplex et rectus Wladislaus P. R.* huic *vasfro* *callidoque Sigismundi regis promisso*. Secretum hoc colloquium ait Dlugossus habitum fuisse, *sabbato ante dominicam Iudica*, seu XIX. Martii. Tunc, inquit, *Sigismundus rex noua rogatione peruicit Wladislaum, quatenus faciat secum, omnibus arbitris exclusis, ad secretam cameram ingressum*. Tunc Sigismundus; *ad versutias plenus, simplicem Wladislaum vasfro promisso, consiliariis etus ignorantibus*, induxit ad consensum illarum tabularum, quae XV. Martii datae sunt. Hoc est, XIX. Martii persuasus est, ut in illas tabulas consentiret; in quas XV. Martii consensit. Quae haec portenta?

portenta? Tabulas illas tam sub Sigismundi, quam sub Wladislai nomine, plures vulgarunt, signatas *XV. die mensis Martii, anno dom. MCDXII.* quibus sigillum regis appensum est, et hic 50. procerum Poloniae, totidem illic Hungariae nomina subscripta sunt. Non igitur clam hae foederis conditiones sancitae sunt, quibus tot proceres tam Hungariae, quam Poloniae subscripserunt; nec Wladislaus simplex et ignarus iurium regni sui, cui iam in 26. annum praesuit, dici potest. Conclufum hac pace fuit, vt, induciis post obitum alterutrius regis in quinquennium prorogatis, de partis vtriusque iuribus in Russiam rubram decideretur. (a)

CXLIX. Quia Sigismundus bellum Venetum meditabatur, ad quod securius gerendum pax cum Polonis necessaria fuit; ad tempus quidem aliquod possessionem Russiae Polonis concessit; iuri tamen in illam non cessit, et tam ille, quam successores Halliciam et Lodomeriam titulis suis innexuerunt. Inuitatus deinde Wladislaus ad nobiliores Hungariae ciuitates visendas, Cassouiam primum cum Sigismundo profectus, suis praelatis et baronibus hic primum tabulas foederis exhibuit, vt Dlugoffus fingit, qui, subiicit, (b) *inuiti pactis assentiunt XXI. Martii*, quibus XV. Martii sigilla sua iam appresserunt. Et illud absurdum, *alteram rursus petitionem* hic Sigismundum adiecisse, ne scilicet promissa, de cruciferis exterminandis facta, tabulis insererentur, licet a se fideliter exsequenda. Atqui tabulae iam prius confectae, subscriptae, sigillis munitae fuerant, in quibus nulla cruciferorum exterminandorum mentio facta fuit. Nec umquam Sigismundus in ex-

O 4

cidium

(a) Hist. Cr. T. XII. p. 78.—101. (b) Libr. XI. col. 221.

cidium cruciferorum consensit; secus enim impudenter mentitus fuisset, quum pacis arbitrium inter Wladislaum et cruciferos in se recepit, (a) *Cassouiae, anno dom. 1412. feria 6. ipso die annunciationis virginis gloriosae.* Fraudulenter etiam Wladislaus hoc negotium illi postridie credidit. Simili censura dignus est Dlugossus, quum iter regum Cassouia Varadinum describit, ac addit: *Quindecim diebus reges ambo apud Varadinum morati, pascha domini illic agunt.* Et tamen habemus diplomata Sigismundi feria V. tam ante, quam post pascha Cassouiae data. (b) Fama potentissimorum regum, Budam aduentantium, tot undique finitimos principes eodem exciuit, ut aula regis Hungariae principum Europae domicilium dici potuerit. Nam, ut Praius e Windeckio refert, (c) *aderant, praeter regem Bosniae, Albertum et Ernestum, Austriae duces, bini Bauariae principes, duces variarum gentium 19. optimatum dignitate conspicui 58. equestris ordinis ex Gallia, Italia, Bohemia, Bulgaria, Graecia et Albania, praeter Polonos, 1400.* Postquam Sigismundus Wladislaum quinque fere mensibus hospitem habuit; *in die S. Magdalenae, reges, ut Dlugossus narrat, (d) una simul ex Vaprin (f. Vadkert) egressi, in monasterium, quod appellatur Nostra, fratrum heremitarum, — perueniunt: et sermonibus multifariis atque amplexibus in magna caritate atque dulcedine celebratis, valedictione alter in alterum impensa, discessionem faciunt. (e)*

CL.

(a) Ap. Dogiel T. IV. p. 87. (b) Ap. Wagn. Saros p. 101. Sceps. P. I. p. 211. (c) Annal. P. II. p. 236. (d) Libr. XI. col. 330. (e) Hist. Gr. T. XII. p. 101. — 115.

CL. Dubitari vix potest, quin Sigismundus iam tunc, quum Wladislaum in Hungaria tamdiu hospitem habuit, animum ab eo mutuam leuandi pecuniam aperuerit. In hunc finem XIII. vel potius XVI. oppida Scepusiensia Polonis in pignus transcripsit, hoc diplomate: (a) Nos Sigismundus, D. gr. Romanorum, Hung. — — rex, recognoscimus, — ratione veri mutui nos a ser. principe D. Wladislao, rege Poloniae, eius praelatis et baronibus 37. millia sexagenarum latorum grossorum nouae monetae, numeri Bohemicalis, boni ac iusti ponderis, habuisse, et cum effectu recepisse. Quem quidem D. Wladislaum, regem Poloniae, successoresque, praelatos et barones ipsius, in restitutione earundem pecuniarum, assecurare eum cupientes, — sibi et eius successoribus, praelatis et baronibus, terras, videlicet castrum nostrum *Lublo*, alias Lublaw, cum oppido, et oppidum *Podolinitz* cum fortalicio ac villis, ad ea pertinentibus, nec non oppidis et ciuitatibus infra scriptis, in terra nostra Scepusiensi, dioecesis Strigoniensis, situatis, videlicet *Gnizna*, *Bela*, *Leubicz*, *Menhartsdorff*, *Georgendorff*, *Temtschendorff*, *Michelsdorff*, *Valendorff*, *Nemdorff*, *Rysdorff*, *Fülka*, *Kirchdorff*, *Matthisdorff*, *Dureldsdorff* nuncupatis, cum eorum omnibus attinentiis — obligamus; — quousque sibi aut eius successoribus, praelatis aut baronibus, per nos aut successores nostros praedicta 37. millia sexagenarum latorum grossorum Bohemicalis monetae, boni et iusti ponderis aut valoris earundem, in auro et argento, fuerint efficaciter persoluta. — Datum Zagrabiae, octaua die OO.
SS.

(a) Ap. Wagn. Scepus. P. I. p. 212.

„ SS. annó domini MCDXI. “ Ingens vulnus Hungariae hac oppignoratione Sigismundus inflixit, cui multis medicam manum admouere frustra conatis; tandem M. Teresia post annos 360. felix et efficax remedium adtulit. Quum enim grossorum et sexagenarum valorem aliqui nimium augerent, nec in eo definiendo conuenire seu possent, seu vellent; illa felici demum ictu nodum Gordium vel soluit, vel dissecuit, et famigerata XIII. iam XVI. oppida postliminio Hungariae ditionibus adiunxit 5. Nouembris anno 1772. Nullam igitur video iam necessitatem indagandi valorem 37. millium sexagenarum, quem Kerchelichius exhibet aequalem fl. 88800. (a) Schwartzius extendit ad fl. 98666½ (b) Dobnerus apud Praium reducit ad fl. 740000 (c) Errat iterum Dlugossus, (d) quum pro 37. millibus 40. millia sexagenarum mutuo data Sigismundo scribit. (e)

CLI. Idem Dlugossus asserit, Sigismundum *ad prosecutionem imperialis fastigii* mutuum illud aes leuasse. Sed bene Schwartzius obseruat, (f) *in mutuum sumendum, alienandas a regno partes tam eximias, non videri consensuros fuisse status et ordines regni Hungariae; si tantum ad imperiale fastigium prosequendum rex illo indignisset. Domi potius rerum suarum Hungari per illud tempus satagebant, bellaque magnorum sumtuum apparabant. Bellum per illud tempus apparabatur, immo iam gerebatur in Venetos, qui Iadram a Ladislao Dyrrhachino cum iniuria regni Hungariae mercati, reliquam etiam Dalmatiam senum carpebant. Ostrovitza 5000. ducato-*

(a) Not. Pr. p. 381. (b) Flor. Spars. p. 72. (c) Ann. P. II. p. 243. (d) Libr. XI. p. 333. (e) Hist. Cr. T. XII. p. 125.—135. (f) Flor. Spars. p. 26.

ducatorum anno superiore redempta, res Sibenicensian, inquit Lucius, (a) eo magis coarctatae fuere: — Venetis tandem civitatem tradere pacti sunt die 30. Octobr. anno 1412. Subinde, sicuti Veneti Iadram et Sibenicum sedulo muniebant; ita Sigismundus, pro reliquorum locorum conseruatione classis indigus, — Hugolinum de Auria Ianuensem, electum admiratum, statim atque Sibenicum amiserat, Tragurium miserat; tuncque ciuitas muniri coepta est et triremes adornari. Dlugossius iterum errat et bellum hoc occupat; dum, Wladislao Budae commorante, narrat, (b) Venetorum legatos, Dalmatia retenta, nonnisi album equum, purpura tectum, pro tributo annuo, — Hung. regibus — obtulisse; subiicitque: Sigismundus rex, — in magnam iram excandescens, quinque Venetorum signa bellica, per capitaneum suum, Piponem de Florentia, caeso Venetorum exercitu apud Forum Iulii, ante unum annum capta, — in strata magis trita, ut conculcarentur a transeuntibus, — poni iussit. Bellum enim istud cui Pipo, seu Philippus de Ozora, praefuit, Praius ex Windeckio ad hunc annum, et post Wladislai discessum, collocat. (c) Hunc rex, inquit, cum 40. millibus pedestentim consequutus, Zagrabiam venit. Neque tamen ultra Zagrabiam progressus, signatis illic accepti mutui tabulis 8. Nouembris, Visegradum reuersus; ibidem 13. die mensis eiusdem literas ad Scepusiense capitulum dedit. (d) Niemius item testatur, exeunte hoc anno Sigismundum misisse, tempore hiemali ad partes Foroiulii in Italiam aliquot capitaneos cum certo exercitu, cuius res gestae

(a) Libr. V. Cap. V. p. 426. 435. (b) Libr. XI. col. 329. (c) Annal. P. II. p. 236. (d) Ap. Wagn. Dipl. Sar. p. 364.

stae commodius anno sequente referentur. Lucius quidem innuit, (a) Sibenico 30. Octobris amisso, Hungaros Ostrouitzam recepisse; sed eam ante 22. Iulii iam recuperatam fuisse, certum est ex Sigismundi diplomate, quo Subichios remuneratur, (b) *Budae, in festo B. M. Magdalenae anno dom. MCDXII.* Sic inter cetera loquutus: „ Nouissime vero castrum „ nostrum Oztrouiche, in dicto regno nostro Croa- „ tia habitum, per Venetos, nostros et sacrae co- „ ronae nostrae notorios aemulos, occupatum, et „ iniuriose detentum, ipsorum et proximorum ac „ familiarium personas formidabilibus fortunae ca- „ sibus — intrepide submittendo, — a manibus, „ potestate et regimine ipsorum Venetorum obti- „ nuerunt. — “ Certum igitur est, hoc anno bel- lum cum Venetis iam gestum esse. (c)

A. C. 1413. Sig. 27. Ind. 6. P. 23. A.

CLII. Initia belli Veneti prospera fuerunt, quibus tamen exitus, propter Pippi seu negligentiam, seu perfidiam, non respondit. Ille, scribit Bonfinius, (d) *recepto Utino, in Tarnisinerum fines castra mouit: Venetis Sereuallum, Bellunum, Feltrum ac Metam abstulit.* Quomodo Hungari praedarum intempestina cupiditate victoriam e manibus dimiserint; chronicon Taruisinum refert. (e) Erratum est a Pippo, quod post felicem irruptionem, dissipatis hostium turmis, pluribusque ciuitatibus deditione captis, non illico Taruisio copias admouerit; sed, praedis in terra Serrauallis agendis intentus, e solis spoliis

(a) Libr. V. Cap. V. p. 431. (b) Ex MSS. Corridensianis.

(c) Hist. Cr. T. II, p. 135.—145. (d) Dec. III. L. III.

p. m. 427. (e) Ap. Murat. Tom. XIX.

spoliorum, quae milites collegerant, decumis, intra paucos dies, 66. aureorum millia corraserit. Nam interea Tarvisium, quod primo metu deditio-
nem spectabat, ad defensionem egregie se compa-
rauit. Sunt, qui Pippum, auro Veneto corruptum,
spatium respirandi Venetis seque confirmandi pruden-
tem volentemque praebuisse perhibeant. *Quem,*
inquit Bonfinius (a) *derecta viri auaritia, Sigis-*
mundus, infuso in os auro, ut aiunt, enecari iussit.
Quod quidem ipse Bonfinius dubie refert, et falsum
esse, deinde patebit. Certius est, quod ita subiun-
git: *Quum praefecti sui cupiditate victoriae successum*
interceptum esse intellexisset; instauratis exercitibus,
in Italiam venit. Nam Sigismundum non in Istria
solum substitisse, quod aliqui volunt; sed in Foro-
iulium ipsum penetrasse, certum est ex Alberti
litteris, Ladislao de Gara datis, ubi sic loquitur:
(b) „ — Quum, collecta fidelium suorum expedi-
„ tione valida, pro recuperatione ciuitatum, ca-
„ strorum et bonorum suae coronae, sub tempore
„ disturbiorum praemissorum, ad manus inimicorum
„ regni Hung. et suorum, specialiter Venetorum,
„ qui ciuitatem Iadrensem et castrum Auraniae,
„ cum nonnullis aliis ciuitatibus, castris et fortali-
„ ciis regni Dalmatiae, vsurparant; *in terras Istriae*
„ *et Fori — Iulii* ipse dominus rex personaliter
„ profectus fuisset; praefatus quondam Nicolaus
„ palatinus — eundem sequutus, in plurimorum
„ castrorum et fortaliciorum oppugnatione et ob-
„ tentione — eidem assistere non destitit. — Igitur,
„ dum idem D. Sigismundus rex praemissae expe-
„ ditionis processum feliciter continuaret; cogenti-
„ bus

(a) Dec. III. Libr. III. p. 428. (b) Ap. Kapr. H. D. P. I.
p. 364.

„ bus eundem regni sui Romani expeditionibus,
 „ — in partes Alemanniae et Italiae per principes
 „ sacri imperii euocatus, debuisset se conferre; ne
 „ res ipsa Hung. improuide deserta remaneret; idem
 „ Nicolaus palatinus cum Venetis antelatis — treu-
 „ gas quinquennii, hinc inde pacifice durandas,
 „ sui industria consilii stabilivit. — “ Raynaldus ex
 auctore diarii Veneti refert, (a) *Sigismundum*, —
adhibito socero, Ciliae comite, concordiae interprete,
 28. *Aprilis die, inducias cum Venetis eorumque so-*
ciis pepigisse; accessisse 9. Maii Genuensium oratores,
deprecaturus: „ vt in Turcas utrorumque arma ver-
 „ terentur; quum Graecorum imperium ab ipsis in
 „ summum discrimen adductum esset. “ (b)

CLIII. Inter plures causas accelerandi has in-
 ducias fuit metus a Turcis, quos Heruoia, dux Spa-
 lati, clam ad inuadendam Bosniam sollicitauerat,
 vt ex interceptis eius litteris compertum erat. Er-
 go Sigismundus, querelis etiam Spalatensium, a
 quibus contra veterem libertatem multa per vim
 et metum extorserat, permotus, Heruoiam, tam-
 quam perduellem, recensitis pluribus eius flagitiis,
 exauctorauit, (c) *in Pulsano in festo B. Petri ad*
vincula, anno dom. MCDXIII. Heruoia quidem
 per suos amicos egit, vt Sigismundum sibi conci-
 liare posset; sed vt Doymus seu Domnius archie-
 piscopus suis Spalatensibus scripsit, (d) *Imperator*
nullam deliberationem voluit facere in factis Heruoy,
nisi secundum voluntatem Spalatensium. Interrupti
 cum Venetis belli causa quoque fuit exhaustum aera-
 rium

(a) Ad an. 1413. (b) Hist. Cr, T. XII. p. 147.—153.

(c) Ap. Luc. L. V. C. V. p. 432. (d) Ap. Farlat. T. III.
 p. 364.

num, cuius indicium certum sunt octo millia florenorum, ab Andrea Kapio pro rege mutuo leuata, testibus Sigismundi litteris, (a) *datis Budae, sabbato proximo post festum B. Michaelis arch. anno dom. 1413.* Plerique tamen censent, praecipuam induciarum, cum Venetis tam propere sancitarum, causam fuisse studium extinguendi schismatis in ecclesia per concilium generale. Sigismundus enim, imperator electus, memor, ecclesiae protectoris munus suae dignitati connexum et innatum esse, nihil non egit, quo pertinax malum, quod ecclesiam 35. iam annis in partes distrahebat, efficaci remedio tandem e medio tolleretur. Huic occasionem dederunt quidam cardinales Galli, pontificis Urbani VI. seueritatem perosi: qui, postquam antipapam Clementem VII. elegissent, ac ex Italia secum Aunionem deduxissent; huic subinde mortuo Petrum de Luna sub nomine Benedicti XIII. subrogarunt. Interim apud catholicos Urbano VI. Bonifacius IX. anno 1389. huic Innocentius VII. anno 1404. demum Gregorius XII. successit anno 1406. qui pontificatu se cessurum promisit; si Benedictus XIII. idem facere voluisset. Sed, quum id ille non fecisset, amboque pro papa se gererent; vtriusque partis cardinales, utroque simul exauctorato, primum Alexandrum V. anno 1409. deinde, hoc mortuo, Ioannem XXIII. pontificem renunciarunt anno 1410. Quum igitur tres in partes ecclesia scinderetur; ac alii hunc Ioannem, alii Gregorium XII. alii Benedictum XIII. sequerentur; Ioannes concilium indixit, ac legatis ad Sigismundum missis, eius arbitrio commisit, ut locum, tempus, modum congregandi generalem synodum constitueret. Imperatori,

(a) Ap. Wagn. Dipl. Saros. p. 369.

peratori, re collata cum apost. sedis legatis, Constantia placuit, et prima dies Nouembris anni sequentis; vulgatis ea de re litteris, (a) *anno a natiuitate dom. MCCCCXIII. die lunae, penultima Octobris.* Vt vero cum ipso pontifice pluribus agere posset; ad illum se contulit primum Placentiam, deinde Laudam, vnde tam ad Gregorium XII. quam ad Carolum, Franciae regem, de concilio celebrando scripsit. (b)

A. C. 1414. Sig. 28. Ind. 7. P. 8. A.

CLIV. Post Laudensem vnus fere mensis cum pontifice congressum, Sigismundus, Cremonam profectus, litteris, ibidem *in festo epiphaniarum domini, anno eiusdem MCDXIV.* confectis, (c) *Ioannem, archiepiscopum Strigoniensem, et Nicolaum de Gara, palatinum, gubernatores et vicarios regni generales, absente se, constituit.* Cremonae diutius moratus, indidem mandatum Zagrabiam misit, (d) *festo conuersionis S. Paulli.* Mense Iunio iam Tridenti fuit, vbi cum Carolo VI. Franciae rege, foedus instaurauit, (e) *25. die mensis Iunii.* Lustratis pluribus imperii ciuitatibus, Octobris die 18. Spirae Ioanni Huss securitatis litteras dedit, quibus liber tantum accessus ad concilium concedebatur; nusquam autem exprimitur, vt, spretis concilii decretis, in Bohemiam impune reuerteretur. In spargendis erroribus socium ille habuit Hieronymum Pragensem, qui quum publicas fidei litteras petiisset; *imperator ab initio reluctatus est,* vt continuator Fleurianus perhibet,

(a) Ap. Pray Annal. P. II. p. 248. (b) Hist. Cr. T. XII. p. 253.—173. (c) Ex. MSS. Cornid. (d) Kerehel. H. E. Z. p. 159. (e) Pray Ann. P. II. p. 252.

perhibet, (a) *quum vero a Bohemiae nobilibus urgeretur*; — *dixit*: „ Dabimus ei salui commeatus lic-
 „ teras, quibus munitus accedat; non tamen inde
 „ recedat.“ Sigismundus, Aquisgranum profectus,
 8. Nouembris argentea redimitus est imperii coro-
 na. Ioannes XXIII. antequam ad concilium acces-
 sisset; Cremonae vel Bononiae se continebat, vnde
 Ladislaus, rex Neapolitanus, illum pellere voluit;
 sed igraui morbo correptus, VI. mensis Augusti
 viuere desit. Pontifex, Ladislai metu solutus, ka-
 lendis Octobris Bononia Veronam, inde Tridentum
 discessit; denique Constantiam 28. mensis eiusdem
 ingressus, 5. Nouembris concilium inchoauit. Eo-
 dem etiam Sigismundus, cum Barbara coniuge,
 per palatinum adducta, sollemniter ingressus, quum
 nocte natiuitatis, vt idem continuator narrat, (b)
Summus pontifex — primum missae sacrificium sol-
lemni ritu perageret; imperator, habitu diaconi in-
ductus, adstiter, eoque sacro officio fungens, canta-
uit euangelium, ex cap. 2. S. Lucae desumptum:
 „ Exit edictum a caesare Augusto — “ — Sigis-
 mundus tunc temporis nonnisi 46. aetatis annum age-
 bat, princeps magni ingenii, naturali eloquentia
 praeditus, litteratorum virorum fautor, atque expe-
 dita Latini sermonis facilitate clarus. (c)

A. C. 1415. Sig. 29. Ind. 8. P. 31. M.

CLV. Omnia, quae tollendi schismatis caussa
 Sigismundus egit, enarrare longum esset; nec id
 ad Hungariae historiam proprie pertinet. Quia ta-
 men

(a) Tom. XXVI. p. 4. (b) Tom. XXV. p. 414. (c) Hist.
 Cr. T. XII. p. 177.—199.

men ista quoque cum gloria gentis aliqua ratione coniuncta sunt; ne prorsus ignoremus, quid noster rex extra regnum, pacis in orbem Christianum reuehendae causa, suscepit ac perfecit; ex iis etiam aliqua hic delibabimus. Tanta prouidentia Sigismundus omnia Constantiae constituit, ut, quamuis circiter 100. millia peregrinorum illuc confluxerint, ac interdum 30. circiter equorum millia numerarentur; vix vllus tamen de necessariis alimentis quereretur. Hic, ut continuator Fleurianus refert, (a) *Imperator, deposito diademate, flexisque genibus, pontificis pedem deosculatus est; impetrare tamen non potuit, ut cessionis factae bullam, iuxta consuetam formam ederet.* Ioannes, spe retinendi pontificiam dignitatem frustratus, opera Friderici, ducis Austriae, clam noctu 20. Martii Schafhusiam euasit; inde Lauffenburgum elapsus, Ratolfi cellam postea petiit, vbi suspensionis a pontificatu sententiam accepit, ac deputatis et annulum piscatoris reddidit, et eorum custodiae cum magna demissione se tradidit. Sententia depositionis die 29. Maii, sessione 12. promulgata, contractoque sigillo papali, sententiam exauctorationis, ad se missam, ratam habuit; nec vnumquam se, tamquam papam, gesturum, nec ipsum pontificis nomen amplius acceptaturum, iurauit. *Imperator electori Palatino negotium dedit, ut illum Heidelbergam transferret; quouis tamen officiorum genere decenter eum haberet.* (b) Post aliquot annos ad Martinum V. concessit, ac ad eius se pedes abiicit, a quo benignissime susceptus, creatusque sacri collegii decanus, post sex menses obiit 22. Dec. 1419. Difficultatibus in causa Ioannis feliciter superatis, Sigismundus cum Gregorio

(a) Tom. XXV. p. 440. (b) Tom. XXVI. p. 71.—77.

Gregorio XII. minus negotii habuit. *Quia vero Gregorius XII. ut idem continuator narrat, (a) synodi, utpote a Ioanne, aemulo suo, conuocatae, auctoritatem non agnoscebat, atque, si cardinalium quisquam praesideret; papatum dimittere recusabat; patres caesarem, pro hac duntaxat vice, sine praediuicio in futurum, sessioni (XIV. habitae IV. Iulii) praeficiendum esse censuerunt. Lectis eius litteris, quibus et synodum approbavit, et pontificatui renunciauit, imperator a loco praesidis recessit. Gregorius autem primus cardinalis decreto concilii creatus, 18. Octobr. 1417. viuere desit. Die 15. Iulii Sigismundus in Hispaniam, ut Benedictum XIII. ad pontificatum ultro dimittendum et pacem ecclesiae reddendam hortaretur, iter suscepturus, synodo valedixit, quae preces et tunc, et deinceps, ut hoc iter illi bene cederet, ad reditum vsque fudit. Interim Heruoia, quem Sigismundus duobus abhinc annis exauctorauerat, adscitis in armorum societatem Turcis, bellum Hungaris intulit, quibus victis, Ioannem Gara, Ioannem Maroth et Paullum Chupor intercepit. (b) Nuncio cladis Constantiam perlato, patres vehementer commoti, Sigismundi ditiones aduersus hostes tutandas Wladislao Polono maiorem in modum commendarunt, (c) XVII. kal. Sept. anno dom. MCCCCXV. Ex actis concilii patet, Pippum cum Sigismundo Constantiae fuisse, quem Dlugossus post hanc pugnam domi statuit. (d) Interea Sigismundus, 18. Septembris Perpinianum delatus, quam nulla ratione Benedictum XIII. iam annos 78. natum, ad dimittendum pontificatum permouere potuisset; effecit tamen, ut*

P 2

ab

(a) Ibid. p. 111. (b) Tutorz. Chron. P. IV. cap. 16. (c) Ap. Dogiel. T. L. p. 50. (d) Libr. XI. col. 961.

ab eius obedientia recederent reges Arragonum, Castellae, Nauarrae, conditis 12. articulis, 13. Decembris 1415. (a)

A. C. 1416. Sig. 30. Ind. 9. P. 19. A.

CLVI. Nondum Perpiniano Sigismundus discesserat, quum inter Anglos et Gallos pacem conciliaturus, per legatos vtriusque partis, animos ad paciscendas inducias, quoad ipse controuersias aduentu suo componeret, tentandos censuit. Sed illis interea praelio congressis, victos Gallos ad tractandum foedus propiores futuros ratus, ipse Parisios ire constituit. Spondanus illum kalendis Martiis Parisios aduenisse scribit, vbi litteras in fauorem Nicolai de Gara palatini dedit, (b) 26. die Martii. Rerum adhuc actarum praecipuum adiutorem fuisse hunc Nicolaum, qui sororem suae coniugis connubio sibi iunxerit, ac in bello Veneto lateri suo semper adstiterit, ita testatur: „Dum haec
„agerentur negotia; S. R. I. cuius habenas mode-
„ramur, sed etiam SS. matris et vniuersalis eccle-
„siae, a 13. annis citra, per nefandissimum schis-
„ma nefarie per tres contendentes de papatu di-
„uisae, nobis vndequaque negotia prosequenda
„ante oculos nostrae considerationis proposita fue-
„re: quibus sollicitudini nostrae incumbentibus,
„memoratum Nicolaum palatinum ad regnum no-
„strum Hung. pro felici dispositione, et vt carissi-
„mam consortem nostram, vna nobiscum imperiali
„diademate coronandam, in Aquisgranum condu-
„ceret, remisimus. — — Postea vero ex delibera-
„tione

(a) Hist. Cr. T. XII. p. 199.—237. (b) Ex MSS. Corni-
desianis.

20 tione et ad instantiam praedicti sacri generalis
 21 concilii, quia tertius, videlicet Benedictus XIII.
 22 qui et Petrus de Luna nominatus est, fuerat in
 23 regno Aragonum receptatus; ipse Nicolaus pa-
 24 latinus vna nobiscum personaliter pro vnione S.
 25 matris ecclesiae, non parcens laboribus et ex-
 26 pensis, ad partes Franciae occidentalis, vsque ad
 27 regnum Aragonum — ante faciem nostram pro-
 28 fectus est. — Tandem — desideratam mundi pa-
 29 cem — effecerunt: — Castellae et Legionis; Ara-
 30 gonum, nec non Nauarrae et Scotiae reges —
 31 coadunando se sacro Constantiae concilio, obe-
 32 dientiam Petro de Luna prorsus subtraxerunt. —
 33 Quid plura? Ecce serenissimis principibus, Fran-
 34 ciae et Angliae regibus — per collisuias aggres-
 35 siones dure certantibus, eundem Nicolaum, vt
 36 angelum pacis, ante faciem nostram praemisimus.
 37 — Iamque vna nobiscum pro tractatu huiusmo-
 38 di pacis firmandae inter reges et regna Franco-
 39 rum et Angliae procedit. — — “ Parisiis dum
 esset, teste Fleurii continuatore, (a) *litteris ad sy-*
nodum 5. Aprilis datis, sollicite rogauit, vt nullam
electionem in regno Hung. confirmarent. Iam tunc
 nempe de iure patronatus Hungariae regibus vin-
 dicando cogitauit. Londinum 7. Maii deductus,
 diutius illic negotium pacis egit; nam litteras ad
 Tihanyensem abbatem dedit (b) *in ciuitate Londo-*
mar. in regno Angliae, in festo B. Laurentii M.
anno dom. MCDXVI. Quia vero Carolus G. R. a
 pacis conditionibus, antea Sigismundo promissis,
 recessit; hac leuitate Gallorum offensus, cum An-
 glis aduersus illos foedus percussit, (c) *in ciuitate,*

P 3

Can-

(a) Tom. XXVI. p. 234. (b) Ex autographo. (c) Ap. Præy
Ann. P. II. p. 263.

Cantuariæ in Anglia A. D. MCDXVI. die XV. mensis Aug. regn. anna Hung. — 30. Rom. vero 6.
(a)

A. C. 1417. Sig. 31. Ind. 10. P. 11. A.

CLVII. Sigismundus, longis itineribus per tot regna confectis, post sesqui annum 27. Ian. Constantiam reuersus, incredibili patrum gaudio susceptus est. Eodem 3. Febr. Ioannes, archiepiscopus Strigoniensis, aduenit, et pluribus sessionibus interfuit; nam inter testes a Sigismundo recensetur, (b) *Constantiæ, anno dom. MCDXVII. die XVIII. Aprilis. Die 26. Iulii, sessione 37. (c) peracta Benedicti depositione, duo tantum negotia absolunda supererant. — Reformationem ecclesiæ præponendam esse pontificis creationi imperator contendit, cardinalibus contrarium sentientibus. Dissidiis longius protractis, noui pontificis electio nonnisi post tres menses peragi potuit. (d) Tandem die XI. Nouembris omnium electorum vota in Ottonem Columnam, card. diaconum, conspirabant, qui in honorem S. Martini, Turonensis episcopi, cuius festum hoc ipso die agebatur, Martinus V. nominari voluit. — Imperator, comperta electione, confestim conclauē ingressus est, atque humili obsequio ante pontificem procumbens, pedes eius deosculatur, simulque electoribus gratulatur: „ quod „ tantum virum delegissent. “ Papa vicissim tenerimo affectu in amplexus caesaris ruit, gratias eā agens: „ quod tanto zelo hucusque unionem ecclesiæ suæ promouerit. “ — Prodiit ille e conclauē cum suis electoribus, albo equo, rubris phaleris ornato, vectus*

(a) Hist. Cr. T. XII. p. 238.—252. (b) Ap. Dumont. T. II. P. II. p. 85. (c) Cont. Fleur. T. XXVI. p. 306. (d) Ibid. p. 357.

*vectus, cuius frenum imperator a dextris, et elector Brandenburgicus a sinistris tenebant. Erat hic elector, cui Sigismundus Brandenburgiam 400. millibus fl. vendidit, e Zolleranorum comitum stirpe prognatus, genearcha marchionum Brandenburgicorum, e quibus quartum regem hodie Fridericum Wilhelmum Borussia veneratur. Electo pontifici natio Germanica libellum in haec verba porrexit: (a) „Petimus, quatenus — electiones — per — patronos — libere fieri permittat.“ Quid natio Germanica suo supplici libello consequuta sit, scire nostra non interest. Quid vero Sigismundus in hoc concilio petierit et obtinuerit, Verbötzius ita refert: (b) *Ista libertas regni, quantum ad beneficiorum collationes, olim tempore D. Sigismundi imp. et regis — in generali et celebri concilio Constantiensi — corroborata iurisque iurandi religione firmata fuit; prout in bulla, superinde confecta, clare continetur. Etsi nunc ista bulla nusquam reperiatur; aetate tamen Verbötzii, qui tam audacter ad illam prouocat, exsistere debuit. Vnde nec electionis exempla post hoc concilium occurrunt, quo tamen adhuc durante, Vesprimienses canonici, 15. annorum orbitatis pertaesi, Petrum de Rozg● episcopum elegerunt, (c) 26. mensis Dec. sub anno dom. natiuit. MCCCCXVII. Ceterum Sigismundus Rozgonium monuit, ne huic infirmæ canoniconum electioni deferret. (d)**

(a) Ibid. p. 364. (b) Trip. P. I. Tit. XI. p. m. 11. (c) Ap. Schmitth. Ep. Agr. T. II. p. 2. (d) Hist. Cr. T. XII. p. 257.—286.

A. C. 1418. Sig. 32. Ind. 11. P. 27. M.

CLVIII. Prouido confilio Vefprimienfes cano-
nici Rozgonium fibi praefulem delegerunt; huius
enim ftirpis tanta fuerunt in regnum et regem me-
rita, tantis ipfe Petrus virtutibus effloruit, vt Si-
gismundus, non multum tergierfatus, eius ele-
ctionem hoc anno ratam habuerit. Licet enim in
diplomate, Szirmaüs dato, *IV. idus Martii*, vaca-
re dicatur fedes Vefprimienfis; in alio tamen, cu-
lus autographum ipfe legi, *nono kalendas Maii*, Pe-
trus electus Vefprimien. legitur. Ex pluribus Con-
stantiae datis diplomatibus apparet, Sigismundum
primis quatuor huius anni menfibus ibidem adhuc
haefiffe. Seffioni 45. quae die 22. menfis Aprilis
celebrata fuit, illum interfuiſſe, continuator Fleu-
rianus notat. (a) Poſt hanc concilium quidem diſſo-
lutum eſt; pontifex tamen nonniſi 16. Maii Con-
ſtantia diſceſſit. Imperator, cum 40. ferme millibus
nobilium virorum equeſtrium, innumera multitudi-
ne pedeftrium non computata, per aliquod ſpatium ab-
euntem comitatus, iterum Conſtantiam rediit, ac
inde 21. Maii verſus Argentoratum abiit. Hic Ew-
lenbachenſes exſent a ſolutione tributi regii, (b)
in feſto B. Petri et Pauli ap. A. D. MCCCCXVIII.
Hinc in Sueuiam profeſtus, Albertum, Auranae
priorem, quibusdam poſſeſſionibus eſt remuneratus,
(c) *in imperiali Rauenspurgh ciuitate, in feſto B.*
Bartholomaei ap. Quo diplomate, quia *fidelem ſuum,*
grate et ſincere dilectum, magnificum Episcopum de
Ozora, Themefienſem et camerarum ſalium regalium
comitem vocat et laudat; Bonfinius eius ſupplicium
male

(a) Tom. XXVI. p. 408. (b) Ap. Wagn. Scep. P. I. p. 216.

(c) Ap. Pray Prior. Aur. p. 40.

male consignauit. Bellum, quod ille tunc cum Venetis gesserat, quinquennalibus induciis interceptum fuisse diximus, 28. Aprilis anno 1413. sancitis. Nunc igitur, vt Lucius refert, (a) *induciis elapsis, inter Sigismundum et Venetos recrudit bellum, Tragurii-que iussu regis tres triremes de nouo instructae fuerunt, praeter minores lembos, a quibus maxima damna Venetas naues passas, eorum chronistae memorant.* Quum igitur irrito conatu Tragurium obsidissent; *obsidionem, vt Praius ex Windeckio narrat, (b) imperatoris aduentantis fama perculsi, soluunt, et legatos cum muneribus regi obuiam mittunt. — Passauii ad Sigismundum admissi, quum de conditionibus conuenire utrisque non posset, reiecti sunt; tametsi sex aureorum numum millia donum offerrent.* His aliisque de causis Sigismundus iter in Hungariam accelerabat, quae suum interea gubernatorem, Ioannem, archiepiscopum Strigoniensem, 30. Maii morte sublatum, amisit. (c)

A. C. 1419. Sig. 33. Ind 12. P. 16. A.

CLIX. Sigismundus, aliquamdiu Passauii commoratus, apud Georgium episcopum, comitem de Altaflamma seu Hohenlohe, Strigoniensem metropolitam quarto post anno futurum, 22. Ianuarii Viennam peruenit, ac inde 3. Februarii digressus ac Hungariam ingressus, ad Saxones Scepusienses circa decumas, parochis praestandas, diploma dedit, (d) *in Posoniensi ciuitate, in die festi B. Dorotheae V. et M. A. D. MCDXIX.* Indidem coniux Barbara,

(a) Libr. V. Cap. V. p. 435. (b) Ann. P. II. p. 269. (c) Hist. Cr. T. XII. p. 226. — 312. (d) Ap. Wagn. Scepus. P. I. p. 275.

Barbara, nec in conspectum admissa, Varadinum migrare iussa fuit, fortassis, ut ex consequentibus argui potest, quod, absente Sigismundo, haud satis pudice vitam traduxerit. Si Dlugosso credimus; opera Wladislai, Poloniae regis, hoc anno Barbarae coniugi conciliatus fuit. Quod quidem inde fit verosimile, quod, quum Sigismundus Dobronyensium et Babaszekiensium priuilegia confirmat, *undecimo kal. Sept. anno MCDXIX.* dicat, id se facere, *de consensu et beneplacita voluntate ser. principis, D. Barbarae, Roman. et Hung. — reginae, consortis suae carissimae*; nisi forte haec de stilo curiae fortassis addita fuissent. Idem Dlugossus Sigismundi cum Wladislao congressum ad hunc annum refert; (a) ea tamen narrationi huic admiscet, quae sine stomacho legi non possint. Toties enim Sigismundum, principem illum de religione tam bene meritum, ab orbis Christiani praesulibus in concilio Constantiensi tantopere laudatum, tamquam versipellem, impostorem, mendacem, periurum, astutum traducit, ut Wladislaum, regem suum, admodum hebetem fuisse simul innuat, qui toties a Sigismundo se decipi permiserit. Hoc est confectarium calumniarum Dlugossianarum, quibus ego meliora sensa neutrique principi tam iniuriosa sufficio. Wladislaum nempe damnorum, a Prussiae cruciferis acceptorum, memoria vindictaque longius, quam par erat, abreptum, eorum excidium anhelasse; Sigismundum vero nihil industriae praetermisisse, ut immoderatum hunc ultionis aestum temperaret. Sub exitum Maii, sub medium item Augusti, Sigismundum Cassouiae fuisse, constat ex litteris ibidem datis, *feria 2. prox. post festum B. Urbani*

(a) Libr. XI. col. 399.

Urbani PP. anno dom. 1419. et fer. 5. prox. ante festum B. Elenae. Quo tempore de crucigeris agere reges inter se poterant, et, ut Dlugossius ait, feria VI. in crastino ascensionis ab se diuelli. Sed non video, quomodo sex illae hebdomadae confici possint, quibus Sigismundi legatos Cracouiae commoratos fuisse scribit; quum illos innuat missos post 26. Maii; reuersis autem illis, alios nuncios, a Sigismundo missos, sabbato post festum SS. Petri et Pauli Sandomiriam aduenisse. Tam parum Dlugossi narratio sibi constat. (a)

A. C. 1420. Sig. 34. Ind. 13. P. 7. A.

CLX. Laudatus auctor scribit, (b) Wladislaum Sigismundi regis pronuntiationem et arbitramentum se adstrinxisse praestolaturum; dummodo ferre illud iuxta praesens tempus et diem epiphaniarum inclusue non negligat. Wenceslao fratre 16. mensis Augusti mortuo, Sigismundus, ut idem narrat, (c) dum iter versus Pragam pronunciaisset, et pro die natiuitatis domini Brunam, oppidum Moraviae, attigisset; Pragensibus, illic veniam petentibus, ea lege pepercit: „ ut catenas et repagula tota ex vrbe dissoluerent, suosque magistratus acciperent.“ Paruit attonita ciuitas, omnibus sanae et maxime catholicae mentis hominibus de eius aduentu gratulantibus. Nec dubium videbatur, quin tota Bohemia Hussitarum tabes excessisset; si ex Bruna Sigismundus rex recta se Pragam contulisset. Sed diuertit inde — iter, Wratislauiamque — accessit. Nisi fixum huic auctori fuisset, Sigismundum semper et vbique carere;

(a) Hist. Cr. T. XII. p. 312. — 314. (b) Libr. XI. col. 493.

(c) Ibid. col. 498.

pere; laudandus illi fuisset, quod ad sententiam de controuersis, inter Polonos et Prussiae cruciferos agitatis, *ad diem epiphaniarum inclusue* ferendam, itinere magis necessario tantisper dilato, Wratislaviam properauerit. Hic vero, quia non ad vota Polonorum sententiam tulit; vix verba Dlugossus inuenit, quibus eius iniquitatem et fraudes depingat. Certe tam prolixus in hoc argumento tamque minutus est, ut sine taedio nec legi, nedum referri possit. (a) Ne quid autem ad plenam calumniam deesset; fingit, ipsum Sigismundum agnouisse, sententiam suam iniquam; se per nuncios apostolicos deceptum fuisse; cruciferos, ut latam sententiam immutare posset, rogasse. Dlugossus tamen, parum sui memor, quum legato Poloniae crudissimam orationem, qua Sigismundum *atro cruciferico inescatum* criminabatur, affingit; ad tam atrocem Philippicam hoc illum mite responsum reddidisse scribit: „Quicquid in sententia inter fratrem nostrum, Poloniae regem, et cruciferos de Prussia pronunciauimus; iuste, dante domino, nos pronunciasse existimamus.“ En! quam parum hic calumniator sibi constet: prius exhibuit, Sigismundum fassum fuisse: (b) *se de notoria suae sententiae iniquitate ingenti cruciatu teneri*; nunc illum exhibet fatentem, *se iuste pronunciasse*. Sed et suis principibus characterem nimis mollem, nec satis virilem et conuenientem, appingit, quum ita scribit: *Adeo autem regi et duci erat sententiae praedictae pronuntiatio molesta et acerba, ut eorum fletus et rugitus, non secus quam duorum leonum frementium, a longe exaudirentur.* (c)

CLXI.

(a) Ibid. col. 409.—412. (b) Ibid. col. 414. (c) Hist. Cr. T. XII. p. 338.—344.

CLXI. Sigismundus, negotio cum Polonis terminato, Wratislaviae diutius adhaesit, cum Bohemis acturus de modo factiosos, a Ziska concitatos, ad officium reducendi. Hic enim Hussitarum princeps et dux, ut continuator Fleurianus perhibet, (a) *Sigismundum omnino sceptri indignum esse proclamabat; ea quod supplicium Ioannis Hussi et Hieronymi Pragensis approbasset.* Conuocatis igitur suis sectatoribus, Sigismundo bellum indixit, eoque Wratislaviae commorante, cum catholicis, Sigismundi partes amplexis, confligit, quorum *equestribus copiis penitus deletis, (b) pedestres, qui nimio terrore perculsi, ne quidem primos hostium impetus sustinebant, in fugam egit.* Sigismundum, quum haec ante quadragesimam agerentur, Wratislavia nondum discessisse, liquet et eius litteris, in fauorem Wratislaviensium ibidem confectis, (c) *A. D. MCDXX. XXI. die Martii.* Wratislavia prius in Hungariam reuersus, subditos nobilium de Polyank a iurisdictione quorumlibet iudicum exemit, (d) *Budae, die dom. prox. post festum B. Marci euang. A. D. MCDXX.* Post haec in Bohemiam profectus, ut Turotzius scribit, (e) *quatuor et 30. annos regni Hung. principatus gloria fretus, MCCCCXX. dom. incarn. anno, regni Bohemiae in regem coronatus est.* Hos enim ante annos post sublationem (exauktionem) Wenceslai, fratris sui, ipse rex Sigismundus regno in eodem non regio, sed gubernatoris nomine fungebatur. Chronicon Bartossii perhibet, (f) *eodem anno, dominico ante S. Iacobi regem Sigismundum*

(a) Tom. XXVI. p. 420. (b) Ibid. p. 450. (c) Ap. Lunig Germ. n. XLI. p. 258. (d) Ap. Wagn. Scep. P. I. p. 138. (e) Chron. P. IV. cap. 19. (f) Ap. Dobn. Mon. T. I. p. 144.

gismundum coronatum esse in regem Bohemiae, in ecclesia Pragensi S. Viti, per D. Conradum, tunc archiep. Pragensem. — Eodem anno feria 5. post Iacobi praedictus rex, marchiones, duces, comites et barones de campis a Praga recesserunt. Cur recesserit, chronicon Austriacum hanc causam reddit: (a) Et ipsi (Pragenses) promiserunt sibi obedire in omnibus mandatis, et exstirpare haeresim: et ipse credidit eis; et licentiat populum: post haec ipsi mentiebantur omnia promissa sibi facta: et noluerunt sibi obedire; sed manserunt haeretici. Collectis igitur copiis, alteram hoc anno contra Hussitas expeditionem suscepit; sed, vt Pulkauae continuator scribit, (b) Eodem anno, die Veneris, festo OO. SS. ante Wischehradum rex Hung. cladem magnam passus fuit. Inde repulsus, Kutenbergae haesit, ac Petrum Zerenium in gratiam recepit, litteris datis (c) in montibus Cutnis, dom. prox. post fest. B. Andreae ap. A. D. MCDXX. Veneti, hac absentia regis in commodum suum vti, Dalmatiam occuparunt. Longa 4. fere seculorum regni huius possessio Venetis nihil ad ius conducit; quod numquam reges Hung. legitimo iuri suo renunciauerint. Ad quod contestandum et titulum regis Dalmatiae constanter vsurparunt, et episcopos ad Dalmaticas ecclesias ad haec vsque tempora semper nominarunt. Etiam si Dalmatae Venetorum dominationem ultro suscepissent, quod tamen e Lucio falsum est; (d) subditorum tamen a legitimis dominis defectio certum ius fundare non potuisset. (e)

A. C.

(a) Ap. H. Pez T. I. col. 732. (b) Ap. Dobn. Mont. T. IV. p. 159. (c) MSS. Cornides. T. XI. (d) Libr. V. Cap. V. p. 435. (e) Hist. Cr. T. XII. p. 344.—362.

A. C. 1421. Sig. 35. Ind. 14. P. 23. A.

CLXII. Quod res Dalmaticas remissius hoc tempore Sigismundus curauerit, causam Bohemi, qui non tantum eius hereditatem, sed etiam religionem impugnabant, obtulerunt. His igitur ad obsequium non tantum principatus sui, sed etiam verae fidei reducendis intentus, neglectis interim Venetis, eiusdem secum religionis, praecipuas vires in Bohemos refractarios vertit, ac 27. Martii Znoymae constitit. Hinc videtur illam incursionem fecisse, cuius chronicon Austriacum ita meminit: (a) *MCCCCXXI. ser. D. Sigismundus, Rom. rex, congregauit magnum populum; et venit cum potentia in Bohemiam cum Vngaris; et deuastauerunt et combusserunt ubique locorum. Et tunc haeretici congregauerunt magnum exercitum, et opposuerunt se sibi; et ipse non potuit ipsis resistere. Trenchinium igitur se recepit, vnde die post festum corporis Christi (27. Maii) litteras ad factiosos, Chaslauiae congregatos, dedit, (b) quibus illos ad pacem adhortatus, querelas ab iis 17. capitibus comprehensas recepit. His ille solidum quidem responsum reddidit; quum tamen nihil profecisset; comitia Brunam indixit, vbi catholici proceres acta conciliabuli Chaslauiensis antiquarunt. Eodem tempore contigit, quod inscriptio Coronensis ita memoriae prodidit: (c) *1421. Amurathes II. imp. Turcarum, — terram Barcensem ferro et igne vastat: senatum Coronensem abducit: residuo populo in arce montis conseruato. In tot partes distractus Sigismundus eo maiores curas conuertit, vnde maius pericu-**

(a) Ap. H. Pez. T. I. col. 732. (b) Ap. Dobn. Mon. T. IV. p. 160. (c) Ap. Schwandt. T. I. p. 886.

periculum impendebat. Venetis erepta Dalmatia contentis, Turcis erasa Dacia quietis, otium in his partibus tantisper fuit. At in Bohemia seditio- si nulla beneuolentia Sigismundi placari poterant; missisque nunciis, Wladislaum, Poloniae regem, ad capeffendum Bohemiae regnum euocabant. Interceptos fuisse hos nuncios Pulkauae continuator asserit. (a) At Dlugoffus eosdem in Poloniam euas- sisse scribit, et addit, (b) Sigismundum *filiam* suam *unicam, Elisabeth, duorum regnorum dote locuple- tem, — Wladislao regi coniugem obtulisse*. Scri- bit autem, (c) legatos, hanc oblationem nunciatu- ros, in Poloniam *quarta die Octobris regressos esse*. Gerardus vero de Roo, 28. *Septembris*, Elisabe- tham, Alberto proxime nupturam, tabulis nouis heredem regnorum scripsisse Sigismundum, ait. (d) Prius igitur, quam in Poloniam legati reuerteren- tur. (e)

A. C. 1422. Sig. 36. Ind. 15. P. 12. A.

CLXIII. Vera Gerardum scripsisse, patuit ex nuptiis, inter Albertum et Elisabetham anno hoc celebratis, vt Mellicense chronicon testatur. (f) Ante has nuptias, Sigismundus, accepta sub anni superioris exitum ad Kuttenbergam clade, Brodam se recepit; inde vero *feria IV. post epiphaniam* illum recessisse, Benesius scribit. (g) Et quia sub exitum Februarii litteras Michaeli Litterato Hradi-
stii

(a) Ap. Dobn. Mon. P. IV. p. 261. (b) Libr. XI. col. 433. —441. (c) Ibid. col. 442. (d) Ap. Bel. N. H. T. I. p. 158. (e) Hist. Cr. T. XII. p. 363.—381. (f) Ap. H. Pez T. I. col. 254. (g) Ap. Dobn. Mon. P. IV. p. 71.

stii dedit; ante has videntur nuptiae celebratae; post cladem tamen Kuttensbergensem, cuius etiam Turotzius ita meminit: (a) *Rex vero Sigismundus, qui ex suscepti Romani regiminis officio; fidem catholicam tutari tenebatur; maxime autem, quia natalem eiusdem terram dicti Huzistae, magnam in vim conglomerati, vastabant, contra suae sectae alienos igne et gladio atrociter dimicantes, contra eosdem armatum, tum Hungaricae, tum Germanicae gentis non semel suscitavit robur.* — *Illi* — *pro armorum insigniis in vexillis et scutis et clypeis* — *imaginem calicis arte pictoria scribi facientes, duce quodam Syska, homine robusto et monoculo, turmatim procedebant.* — *Pugnatum est ea de causa partes inter utrasque cum magno discrimine personarum saepius; maxime autem, quum una dierum uterque hostis in campo, non remote ad civitatem urburarum, Kothumbánya vocatam, convenissent, pars non cessit sine ingenti strage parti.* *Diu igitur populo in utroque ancipiti bello feruente, et multis ex utraque parte cadentibus, ultimam Syska superiore, rex campum deferens, terga vertit.* Sigismundus, acceptis tot cladibus, Varadinum ad implorandam D. Ladislai, cui peculiari cultu semper deuotus erat, opem forte profecturus, mense Iunio Debretzini substitit, ibique vetustissimae stirpi Chakianae litteras dedit, (b) *feria 3. prox. ante fest. SS. corporis Christi.* Humanum etiam auxilium aduersus Hussitas imploraturus, indicto Norimbergam conuentu, de pacanda Bohemia deliberabat. Suppetiis summa voluntate principum decretis,

(a) Chron. P. IV. cap. 15. (b) Ap. Kaprinai H. D. P. I.

decretis, ecclesiastica bona, quae profanis quibusdam hominibus vtenda concesserat, ecclesiis restitui iussit, (a) *die dominico prox. ante fest. S. Bartholomaei ap. Turotzius cambium Tauruni circa 1425. annum*, quod alii melius ad hunc annum referunt, ita factum scribit: (b) *Sigismundo regi illustris princeps Georgius, Rasciae despotus, summa obedientia fuit, castrumque Nandoralbense, — merae fidelitatis pro obside eidem cessit. — Rex vero Sigismundus illi propter hoc non minoris munificentiam largitatis exhibuit. Nam in regno suo Hung. castra Zalan-kemen, Lewlpen, Bechey, Világosvár, Thokay, Munkach, Thatya, Regeg, ac oppida Zathmar, Bezermen, Debreczen, Thur, Varsán et alia nonnulla — donauit. Plura recensentur in diplomate, quod Timon producit. (c)*

A. C. 1423. Sig. 37. Ind. 1. P. 14. A.

CLXIV. Etsi Dlugoffus Wladislaum, Poloniae regem, et Alexandrum, Lithuaniae ducem, a moderatione, qua regnum, a Bohemis oblatum, propter clarum Sigismundi ius in Bohemiam, recusabant, dilaudauerit; neutrius tamen vel ea laus vera, vel ea constantia fuit, vt agnitum Sigismundi ius violatum nolent. Idem enim panegyrista horum principum scribit, (d) *Sigismundum Coributhum, — de mandato Alexandri Withawdi, ducis magni Lithuaniae, Wladislao insuper, Poloniae rege, et consentiente et probante, ad recipiendum regnum Bohemiae, — cum frequenti et valido Polonorum exercitu, in Bohemiam pro-*

(a) Ap. Pray Ann. P. II. p. 223. (b) Chron. P. IV. cap. 20.

(c) Im. N. H. C. VII. p. 49. Hist. Cr. T. XII. p. 381.

—396. (d) Libr. XI. col. 451.

processisse. Sigismundus, hac re comperta, litteris anno superiore Norimberga 29. mensis Augusti datis, Bartsensibus significauit, (a) *ex certis et rationabilibus causis*, — cum rege Poloniae et Witoldo nouas in proximo inchoandas esse guerras. Hungaris igitur ex Polonia reuocatis, Polonis autem ex Hungaria depulsis, tristia haec belli praeludia populum vtriusque regni metu perculerunt. Agentibus et conspirantibus ad intercipiendum bellum proceribus, vterque rex sub medium quadragesimae conuenire constituit. Sigismundum 15. Martii iam Kesmarkini fuisse, discimus ex litteris indidem ad Nicolaum de Chaak vaiuodam datis, (b) *fer. 2. prox. post domin. Laetare, A. D. MCDXXIII.* Wladislaus quoque 14. Martii Szandetzium aduenit; vt Dlugoffus narrat: (c) — *Ambo deinde reyes in campo prope Schramowicze conueniunt, et de equis descendentes, dexteras et amplexus iungunt.* Iacto tam bono pacis fundamento, quibusuis simultatibus oblitteratis, perpetuum inter se foedus iniuerunt, confectis tabulis, (d) *in oppido Kiesmark, anno dom. MCDXXIII. feria III. post dom. Ramis palmarum.* Sigismundus, instauratis 30. Martii foederibus, Wladislao plene conciliatus, amicum regem aliquot diebus in Hungaria retinuit, et Kesmarkino Leutschouiam deduxit, vbi paschate celebrato, die IX. Aprilis reuersum vsque Bartsam comitatus, ibidem *feria 2. prox. post dom.* Quasi modo, litteras ad praepositum Scepusiensem dedit. (e) Eodem ipse profectus, praerogatiuas quasdam

Q 2

Zinga-

(a) Ap. Wagn. Dipl. Saros. p. 103. (b) Ex MSS. Cornideianis. (c) Libr. XI. col. 469. (d) Ap. Dogiel. T. I. P. I. p. 52. (e) Ap. Wagn. Scepus. P. III. p. 50.

Zingaricae genti concessit; (a) *Dat. in Scepus, dominica die ante festum S. Georgii M. an. dom. 1423.* Errant igitur, qui Zingaros a Turcis in Hungariam adductos opinantur. Budam reuersus Sigismundus, vt Dobnerus refert, (b) *concedit Alberto, Austriae duci, eiusque uxori, Elisabethae, filiae suae, marchionatum Moraviae in feudum, die lunae post S. Michaelis 1423.* Ibidem Manuelem Palaeologum, orientis imperatorem, hospitem habuit. (c)

A. C. 1424. Sig. 38. Ind. 2. P. 23. A.

CLXV. Sigismundus, a tot principibus Budae salutatus, rursus ibidem Ericum, Daniae regem, hoc anno hospitio bis excepit, qui, teste Dlugosso, (d) *visitato Sigismundo, R. et H. R. in Poloniam rursus redierat.* In Poloniam ipse Sigismundus subinde cum Barbara coniuge profectus, coronationi reginae Sophiae, quae 5. Martii peragebatur, interfuit. *Quindecim diebus reges apud Cracouiam commorati, firmata inter se amicitia verbis et pollicitationibus amplissimis, disgrediuntur. Wladislaus siquidem P. R. a Sigismundo R. et H. R. rogatus, suffragium se contra Bohemos Hussitas in aestate futura cum 5000. equestrium repromisit laturum.* — Sigismundus — cum Erico D. R. in Hungariam profecti sunt, ex qua Daniae rex vice altera Hierosolymam adiit. Quem nouum Budae hospitem Sigismundus habuerit, Turotzius ita narrat: (e) *Curia principis huius magna nobilium claritate, illam frequentantium, refulsit, ingentique aduenarum inundatione*

(a) Ap. Oesclium T. I. p. 21. (b) Monum. T. IV. p. 414.

(c) Hist. Cr. T. XII. p. 396.—422. (d) Libr. XI. col.

474. (e) Chron. P. IV. esp. 20.

*zione semper gloriosa fuit. Multi Germaniae ac Italiae procures hanc frequentauere. Nec minus regis Portugalliae natus, multo sui regni nobile cinctus, occiduis terrae de finibus pro tanti veneratione principis veniens, curiae huius honori fuit. Eum tum, quod instante hiemis diro rigore, Danubium congelatum vidisset, admiratum existisse, et genitori suo maiori pro miraculo, quod unquam peregrinarum partium in lustratione vidisset, nunciasse ferunt. Sigismundus, auxiliis undique corrogatis, Albertum, Austriae ducem, generum suum, in Morauiam, quam in feudum illi concesserat, praemisit, mox in eius auxilium copias etiam Hungaricas et foederatas missurus. Felicem hanc expeditionem fuisse, chronicon Austriacum ita perhibet: (a) **MCCCC. XXIV. Albertus, dux Austriae, congregat magnum exercitum in Austria et in Moravia; et rex Vng. direxit sibi populum. — Et tunc iterum Vngari venerunt sibi in adiutorium: et quicquid istis remansit; hoc ipsi totum deuastauerunt. Rebus tam prospere succedentibus, ad intercipiendas Sigismundi victorias, teste continuatore Pulkauae, (b) Zizka cum suis fratribus processit in Morauiam; et ibidem apud castrum Przibislaw Zizka mortuus est. Latronis huius obitum Praius figit (c) ad V. idus Octobres, ac e Siluio nominat illum, monstrum detestabile, crudele, horrendum, importunum, quod postquam manus humana conficere non valuit, digitus DEI exstinxit. Eius exercitus ab illius interitu duas in factiones diuisus est, et altera Taboritarum, orphanorum appellationem adsciuuit altera; quod nullum esse dicerent, qui Ziscam aequare posset. (d)***

Q 3

A. C.

(a) Ap. H. Pez T. I. col. 733. (b) Ap. Dobner Mon. T. IV. p. 163. (c) Ann. P. II. p. 289. (d) Hist. Cr. T. XII. p. 423.—433.

A. C. 1425. Sig. 39. Ind. 3. P. 8. A.

CLXVI. Magnae vicissitudines interim in sacris profanisque magistratibus factae sunt, quos exhibet diploma Sigismundi, (a) „ datum per manus R. in „ C. P. D. Ioannis, ep. Zagrabien. aulae regiae et „ reginalis maiestatum summi cancell. — anno dom. „ MCDXXV. VI. kal. Mart. regnorum autem anno „ Hung. etc. XXXVIII. Rom. XV. et Boh. V. ven. „ in C. PP. DD. Georgio Strigon. Doymo Spalat. „ Andrea Ragus. archiepiscopis; Colocen. et Iadr. „ sedibus vacantibus; eodem Ioanne Zagrab. An- „ drea Varad. Blasio Transsiluan. Henrico Quinque- „ eccl. Petro de Rozgon Vesprim. Ladislao de Mar- „ czali Chanad. Benedicto Boznen. Clemente Iaur. „ Nicolao Vac. Iacobo Sirm. Petro Corbau. FF. „ Hyncone Nitr. Thoma Segn. — — Agrien. Tragur. „ Scardon. Sibinic. Tinin. Nonen. Makar. et Phar. „ sedibus vacantibus; nec non magnificis viris Ni- „ colao de Gara palatino; altero Nicolao de Chaak, „ vaiuoda Transsiluano; C. Stephano Kompolth de „ Nana, iudice curiae; Hermanno, C. Ciliae Zago- „ riaeque ac totius regni nostri Sclau. socero no- „ stro carissimo; Alberto de Vng, priore Auranac, „ Dalm. et Croat. — Dese de dicto Gara, Machou. „ banis. — “ (a)

A. C. 1426. Sig. 40. Ind. 4. P. 31. M.

CLXVII. Et si quies a bellis hoc tempore fue- rit; Sigismundus tamen, egere solitus, mutuam rursus pecuniam a vidua Petri Kaplerii, comitis quondam Posoniensis, leuare coactus, eidem ad
vires

(a) Ex tabulario Vesprim. (b) Hist. Cr. T. XII. p. 440.

vires 8500. flor. aurcorum castrum et oppidum .
Kecz pignori dedit, (a) *Pesonii, die S. Agathae*
V. et M. anno MCDXXVI. Mirum est, in litteris,
IV. non. Aug. pro Gregorio Teureuk datis, (b)
ordinem ita mutatum esse, vt primum *Hermanus,*
Ciliae, Sclauoniae totius; Nicolaus Vegliae et Mo-
drusiae comes, Dalm. et Croat. bani; deinde *Geor-*
gius Strigon. Ioannes Coloc. archiepiscopi cum epi-
scopis; demum *Nicolaus de Gara palatinus, vai-*
uodatu Transilu. vacante, C. Matthaeus de Palótz.
iudex curiae, — legantur. Tantum enim alias so-
cero suo honorem Sigismundus numquam praesti-
tit, vt antistitibus praeponeretur. (c).

A. C. 1427. Sig. 41. Ind. 5. P. 20. A.

CLXVIII. Videtur errore scribentis haec ordi-
nis immutatio facta fuisse; quum apud eundem Ker-
chelichium ibidem aliud eiusdem Sigismundi diplo-
ma, datum ecclesiae Zagrabiensi, *tertio id. Nou.*
nn. 1427. legatur, in quo non tantum antistitibus,
sed etiam palatino, vaiuodae Transsiluano, qui iam
Ladislaus de Chaak erat, et iudici curiae post-
ponitur. Cur autem sub anni superioris exitum
Transsiluaniam Sigismundus perlustrauerit, et regias
pro Beretzkfaluensium libertate litteras Coronae 26.
Decembris signauerit, intelligi potest ex diploma-
te, quo merita Ioannis de Maroth, quatuor annis
apud Turcas captiui, depensisque 40. millibus flor.
auri libertatem consequuti, recenset ac remunera-
tur, (d) *dat. in oppido, Rosno vocato, partium*
64 *Trans-*

(a) Ap. Dobn. Mon. T. II. p. 409. (b) Ap. Kerchel. H.

E. Z. p. 162. (c) Hist. Cr. T. XII. p. 458—462.

(d) Ex MSS. Cornides. T. XI.

Transsiluanarum, feria II. prox. post fest. visitationis virginis gloriosae, anno dom. MCDXXVII. „ Dum,

„ *inquit ibi,* tempore hiemali prox. praeterito, —
 „ certum gentium belligerarum subsidium, pro tui-
 „ tione et defensione partium nostrarum Transalpina-
 „ rum, animo repellendi eosdem perfidiae alumnos,
 „ videlicet Turcos, — quaeritasset; mox praefa-
 „ tus Ioannes banus, — accepta secum quam plu-
 „ rimum carorum familiarium suorum et gentium
 „ turma copiosa, ad dictas partes nostras Transal-
 „ pinas, cum suo banderio et gentibus, exerci-
 „ tantium more, propriis suis expensis accessit;
 „ ibique per totum ipsius temporis hiemalis inter-
 „ uallum, usque nostrum beneplacitum, diurnis et
 „ nocturnis vigiliis, totisque nisibus, contra prae-
 „ tactos Turcos, — qui quemdam nostrum notorium
 „ et manifestum infidelem, Radul, alias Praznaglaua
 „ cognominatum, in vaiuodam ipsarum partium
 „ nostrarum Transalpinarum — praeficere; fidelem
 „ vero nostrae maiestatis, — magnif. virum Daan,
 „ earundem partium nostrarum Transalpinarum ve-
 „ rum vaiuodam, per nos constitutum, dominio
 „ earundem priuare, et de eisdem excludere ma-
 „ chinabantur, insistendo, — nobis nostroque sa-
 „ cro diademati regio, adeo studuit complacere,
 „ vt ipsius Ioannis bani ingeniosae sagacitatis per-
 „ uigil diligentia et actus strenui obsequiosa opera
 „ principaliter recuperandi dictas partes nostras
 „ Transalpinas, — et ab eorumdem Radul et Tur-
 „ corum hostilibus incurfibus tutandi viam speciali-
 „ ter praebuerunt. — Nobis a dictis partibus no-
 „ stris Transalpinis versus has partes nostras redeun-
 „ tibus, ipsoque Ioanne bano cum dictis gentibus
 „ suis — remanentibus, — praedictis quoque Radul
 „ et Turcis abinde aufugatis, praedictum Daan vai-
 „ uodam

„ uodam in pristinum dicti sui valuodatus domi-
nium restituit victorioso. — “ Sigismundus ad-
huc in Valachia fuit sub initium Aprilis, quum
Ioannem de Kálo remuneratus est, *in Hozimezy,*
partium Transalpinarum, in dom. Iudica, anno dom.
1427. Interim Barbara substat in Transsiluania,
deditque litteras ad Cremnicienses, *in Zenthgyörg,*
terrae seu prouinciae Sicularum, fer. 2. prox. post
dominica Quasi modo genitus, *anno dom. 1427.*
Feliciter istic Sigismundus contra Turcas, infelici-
ter contra Hussitas aliorum opera bellum gessit.
Nam, licet Albertus primum in Morauia victus,
deinde vicerit; imperii tamen principes, a Sigis-
mundo per litteras arma sumere iussi, dum IX. kal.
Iul. Misam obsidione cinxerunt; XI. kal. Aug. ac-
currentibus Bohemis, panico terrore correpti, ma-
chinis relictis, turpem fugam arripuerunt. (a)

A. C. 1428. Sig. 42. Ind. 6. P. 4. A.

CLXIX. Admiratione magna dignum est, Si-
gismundum, qui tam amplas ditiones sub potestate
sua habebat, semper egenum, semper pecuniarum
indigum, easque saepius a subditis suis mutuas sume-
re, locaque multa pignori propterea dare coactum
fuisse. Plura iam exempla huius egestatis et neces-
sitatis vidimus. Nunc rursus Kerchelichius per-
hibet, (b) Zagrabiensem ciuitatem una cum aliis
et signanter castro regio Kemlek, — Sigismundum
Ioanni episcopo in pignus dedisse, — pro auri puri
14000. in arduis regni necessitatibus et expeditioni-
bus, ob insultum Turcarum necessariis, a Ioanne,
episcopo

(a) Hist. Cr. T. XII. p. 475.—495. (b) Hist. Eccl. Zagr.
p. 163.

episcopo Zagrabienſi, datis eidem Sigismundo, in
 persona cum regnicolis in Turcas eunti, — regium
 caſtrum Nagy-Kemlek — eidem Ioanni episcopo ven-
 didiſſe. — Videtur hic expeditio, pro caſtro Ga-
 lambocz ſulcepta, ſignificari, cuius ſiniſtrum ſucceſ-
 ſum Turotzius ita deſcribit: (a) *Rex, — vi non*
modica armorum conſtata, ruruſ vires Turcorum ten-
tare aggreſſus eſt, arcemque, Galambocz vocatam,
alta in rupe ſupra decurſum Danubii Raſciano in
agro ſituatam, tempeſtate eadem illis ſubditam, mul-
to milite cinxit. Dimicabant utrique hoſtes ſimul;
et ſemper Sigismundanae copiae ſuperiores erant;
donec ille caeſar Turcorum Chalapinus (Amurates)
oppreſſione ſuorum propulſatus, bellico apparatu cum
ingenti veniens, rege hoſtis potentior viſus eſt. Qua-
propter rex ipſe, poſt non modicam ſuorum, vndi-
que decertantium, ſtragem, campum deſerens, Da-
nubium tranſiit. Hanc ſtragem editam eſſe, quum
Sigismundus, induciis cum Amuratho factis, ab
eodem perfide laceſſitus eſt; ipſe, quum Stephanum
Rozgonium remuneratur, his verbis innuit: (b) „—In
„ expugnatione caſtri Galambocz, apud manus
„ ipſorum Turcorum habiti — in directione bom-
„ bardarum noſtrarum, — certas eiudem caſtri
„ turres in notabili parte rupit. In conflictu etiam,
„ cum ipſis Turcis, qui, nobis cum noſtro exer-
„ citu ab obſidione dicti caſtri Galambocz, treugis
„ pacis inter nos et Omorath, eorundem Turco-
„ rum dominum, prae habitis et firmatis, remouen-
„ tibus, et ſecus Danubium abſque vlla formidine
„ ad partes regni noſtri Hung. tranſfretare volen-
„ tibus, immo iam maiori parte dicti noſtri exer-
„ citus

(a) Chron. P. IV. cap. 13. (b) Annal. P. II. p. 295.

„ citus transuadante, fraudulenta hostilitate, du-
 „ rantibus treugis praenotatis, nos et nostras gen-
 „ tes, nobiscum eo tunc in nostro descensu ad-
 „ huc existentes, impetuose inuaserant, facto et
 „ inito — — “ (a)

A. C. 1429. Sig. 43. Ind. 7. P. 27. M.

CLXX. Sigismundus, litteris ad Alexandrum, Lithuaniae ducem, praecipuosque Poloniae proce- res datis, acerbè questus est, auxiliares copias con- tra Turcas sibi submissas non fuisse, quae tamen Wladislaus secundum foedus, anno 1412. percussum, ex Moldauia submittere debuisset. Iustam Sigis- mundi hac de re querelam Dlugoffus eludere cona- tus, ait, (b) *misisse Wladislaum, P. R. anno trans- actò, promissum subsidium.* Sed enim illud Russi- cum, non Moldauicum erat; neque cum tota po- tentia; sicut promissum fuerat. Propter quod *Wi- thawdus*, — conuentionem mutuam agere, et irri- tatum animum Sigismundi regis placida oblatione sopire, — ne bella inter regna consurgerent, multi- pliciter consuluit et persuasit. — Ad hanc diaetam Sigismundus — — nonnisi dominica Septuagesimae cum sua consorte, Barbara, praelatisque, principi- bus et baronibus Hung. et Bohemiae aduenit, in Lutz- ko. — Sequentibus diebus consilia tenta sunt. — Rom. rex Sigismundus, missis certis praelatis et baronibus suis ad P. R. Wladislaum, requirit eum, iuxta in- scriptiones et foedera, quae tunc originaliter exhibe- bat, secum percussa et iuramento firmata, „ expe- „ ditionem contra Moldauiam, in aestate ventura,
 „ vna

(a) Hist. Cr. T. XII. p. 495.—503. (b) Libr. XI. fol.

„ vna secum faciat; et expulsis eius principibus,
 „ terras ipsas, iuxta ordinationem, inscriptionibus
 „ contentam, partiantur et diuidant.“ Postquam
 Moldaui, teste Dlugosso, (a) *Sigismundo regi, expeditionem contra Turcos facienti, gentes pro subsidio mittere denegassent*; iustam hanc Sigismundi petitionem explere Wladislaus ex pactis debebat; neque tamen volebat. (b)

A. C. 1430. Sig. 44. Ind. 8. P. 16. A.

CLXXI. Non poterat non offendi Sigismundus hac Wladislai tergiuersatione, maiorique fauore prosequendum eius fratrem Alexandrum ratus, illi coronam et titulum Lithuaniae regis destinavit. Comitibus imperii Norimbergae iam ante pentecosten coactis, eodem ipse sub exitum Augusti venit, ac, ut chron. Bauar. perhibet, (c) *Ioannem, episcopum Zagrabien. et Ernestum, ducem Bauariae, misit in Lithuaniam, ad coronandum ducem Witoldum in regem*; qui impediti per Ladislaum, regem Poloniae, — vacui sunt reuersi. Interea praefatus dux Lithuaniae, Alexander, qui in paganismo dictus fuerat Witoldus, est defunctus. Quum autem hic Alexander 27. Octobris obierit; nondum eius obitus Martino V. pontifici fuit cognitus, quum ab hoc consilio Sigismundum dehortatus fuerat, (d) *idibus Nou. pontif. anno XIV. Diem suum obiit etiam Danus, Valachiae vaiuoda, quod ubi Norimbergae Sigismundus intellexit; Myrzen, Pancratii quondam vaiuodae filium, inter suos familiares accensum, vaiuodam ibidem renunciauit, ac in Valachiam subinde*

(a) Ibid. p. 514. (b) Hist. Cr. T. XI. p. 519.—522. (c) Ap. Boecler. p. 48. (d) Ap. Dlug. L. XI. col. 533.

inde deduxit. Primis huius anni mensibus partim Posonii, partim Tirnauiae Sigismundus ideo commorabatur, ut motus Hussitarum e propinquo facilius et obseruaret, et reprimeret. Quod illi feliciter cessisse, Bartossius, scriptor synchronus, testatur. (a) Nam Hussitae primum quidem in Morauia leuiorem, deinde grauiorem in limitibus Hungariae cladem acceperunt, ipso quoque Welkone duce cum 2000. orphanorum interfecto, reliquis fuga Pragam eluctatis, *anno 1430. feria 3. ante Margarethae. (b).*

A. C. 1431. Sig. 45. Ind. 9. P. 1. A.

CLXXII. Sigismundus, collatis Norimbergae cum imperii principibus de pacanda Bohemia consiliis, priusquam perduellibus extremam vim ad-moueret; periclitaturus, an, oblata spe veniae, possent ad officium reuocari, profectus Egram, legatos ea de causa Pragam misit. Quumque nihil profecisset; marchionem Brandeburgensem aduersus illos misit. Sed isto 14. Augusti turpiter fugiente, *regimen deseritur, ut chronicon Bauariae testatur, (c) ordo confunditur, ratio turbatur, ultimi cum curribus mutuo inuicem se percutiunt et occidunt.* — Albertus autem, dux Austriae, — in campo viriliter permansit; et quam plurima gloriose peregit. Plurimum illustrium huius Alberti facinorum Bartossius meminit. (d) *Acquisiuit, inquit, per potentiam quoddam fortalicium, dictum Kygiow. — Congregata 14. millia — per potentiam de campis repulit*

(a) Ap. Dobn. Mon. T. I. p. 164. (b) Hist. Cr. T. XII. p. 523. — 553. (c) Ap. Ioan. Henr. Boecler p. 9. (d) Ap. Dobn. Mon. T. I. p. 169.

repulit. — Cum 16. millibus equitum et peditum Wiclephistas prope ciuitatem Waydhoff conflictu inuaserunt, et contra se hinc inde hostiliter pugnauerunt; sic ultimo gentes ducis euicerunt; et, ut dicebatur, circa 4000. Wiclephistarum interfecerunt; et meliores et nobiliores 700. captiuauerunt. Nec in Hungaria meliorem eosdem sortem expertos fuisse, scriptor idem perhibet. Nam ex eorum 7000. post nouem dierum certamina vix duo millia redierunt. Post infelicem illam Germanorum cum Hussitis pugnam, Sigismundus, Budam-reuersus, priuilegia Iudaeorum confirmavit, (a) in festo B. Lucae euang. A. D. MCDXXXI. Italiam autem imperialis coronae suscipiendae causa petiturus, ad ducem Mediolanensem oratores praemisit, qui foedus et contra Venetos, et ad tutum iter praestandum cum illo concluderunt, (b) A. D. MCCCCXXXI. die Mercurii, primo mensis Augusti. Via sic praemunita, Mediolanum profectus, 25. Nouembris ferream vel, ut ipse loquitur, (c) secundam coronam imperialem de manibus RR. P. et D. archiepiscopi Mediolanensis, in domicilio B. Ambrosii episcopi, suscepit. In locum Martini V. qui 20. Febr. decesserat, Eugenius IV. kal. Martiis electus, concilium, Basileam indictum, ratum habuit, ad quod Sigismundus suos populares amantissimis litteris inuitauit, seque, natione Bohemum, nulli genti, quam suae, magis affectum esse declarauit. Prima sessio 14. Decembris, praesentibus Sigismundi legatis, celebrata fuit. (d)

A. C.

(a) Ap. Kapr. H. D. P. I. p. 464. (b) Ap. Pray Annal. P. II. p. 303. (c) Ap. Kapr. H. D. P. I. p. 375. (d) Hist. Cr. T. XII. p. 564.—584.

A. C. 1432. Sig. 46. Ind. 10. P. 20. A.

CLXXIII. Ad hunc annum figit Timon vtramque Sigismundi coronationem, et Romanam, et Mediolanensem. Neutrum bene; nam Mediolanensis ad annum isto priorem, ad posteriorem Romana pertinet. Turotzius cum coronatione Sigismundi Blasconis seu Blasii seditionem ac tumultum coniungit, quem Benesius ad hunc annum paucis ita perstringit: (a) 1432. anno *Hussitae haeretici Trnaviam in Vngaria traditione obtinuerant*. Bartolus modum quoque traditionis et occupationis occasione nundinarum annuarum S. Ioannis Bapt. ad eundem hunc annum describit. *Hostiliter*, inquit, (b) *successive ad annuale forum, ac si mercatores essent, in civitatem venerunt: et quum eorum exercitus prope civitatem advenit; ex tunc isti, qui quasi mercatores diversi in civitatem Trnava venerunt, sentientes suos complices iam circa civitatem in nocte esse, ad valvas concurrerunt, et valvas duas effregerunt, et suos in civitatem immiserunt*. Quum igitur etiam Balbinus haec ad eundem annum referat; his potius deferendum videtur, quam Turotzio, qui Sigismundi laudes ita narrationi huic praemittit: (c) *Rex Sigismundus sanctam matrem ecclesiam, tum armis tristatam, tum vero ingentibus schismatis et haeresis procellis et turbinibus agitatum, crebris vicibus consolatus est, ruentemque erexit; et pro illa suos saepius thesauros suorumque sanguinem simul et animam fudit. Tandem quum aetas sua longas sibi moras promittere videretur minime; ne morte praeventus,*
imperialis

(a) Ap. Dobn. Mon. T. IV. p. 73.

(b) Ibid. T. I. p. 174.

(c) Chron. P. IV. cap. 21.

imperialis nominis honore frustraretur; illa in toto orbe terrarum nominatissima Romani regni diadematā, imperialisque dignitatis infulas suscipere satagens, dispositis in regno ex viris praestantioribus pro eiusdem tutela custodibus, versus urbem Romanam suorum flexit habenas equorum. Sed hi custodes regnum Hungariae, sui praesentis principis orbatum, haud bene protexere. Nam MCDXXXI. salutis anno, ipso rege peregrinis in regnis res suas dirigente, quidam Blasko, exigui tum census, tum nominis, ex collectiuo milite — ingenti manu conflata, primum oppidum Ternauiae, — ciuibus eiusdem nocturna quiete soporantibus, vi clamdestina subintravit, potiusque munitione, arma auxit. Balbinus ait, (a) eos, quum incendiis omnia foedassent, ad Vagum IX. Nouembris, deprehensos ab Hungaris magnam cladem accepisse. Bartosius etiam ab Alberto duce non leuia damna Hussitis illata fuisse, testatur. (b) Interea Sigismundus, iter Romanum prosequutus, aliquamdiu Placentiae haesit. Die VI. Maii Parmae; die 28. Octobris Senis in Hetruria litteras dedit. (c)

A. C. 1433. Sig. 47. Ind. II. P. 12. A.

CLXXIV. Has litteras Sigismundus Senis ad Ladislaum de Kanisa, comitem Soproniensem, dedit, ut contra Venetos in Foroiuliensem provinciam, ad minimum gentes 100. lanceatorum promoueret. Ad eundem hoc anno rursus indidem scripsit, mutique de bello Venetis inferendo consilii causas ita reddidit: (d) „ — Nunc, rebus aliter et longe durius

(a) Epit. L. IV. C. XI. p. 477. (b) Ap. Dobn. Mon. T. I. p. 178. (c) Hist. Cr. T. XII. p. 585.—595. (d) Ex MSS. Cornides. T. XI.

„durius ac asperius se habentibus, nobis in hac
 „nostra imperiali Senarum ciuitate constitutis, pro-
 „pter sacrum Basileense concilium, domino no-
 „stro apostolico odiosum, — obligauimus nos po-
 „pulo huius nostrae ciuitatis Senensis, in veritate
 „nobis fidelissimo, — vt pro rebus nostris impe-
 „rialibus regendis, ac pro recuperatione Dalma-
 „tiae, et specialiter pro defensione huius ciuitatis
 „Senensis et suorum territoriorum, gentes nostras
 „venire, et per totum mensem Aprilis, proxime
 „adfuturi, hic constitui faciemus. — Datum in
 „praedicta nostra ciuitate Senarum, fer. IV. prox.
 „ante fest. conuers. B. Paulli ap. A. D. MCDXXXIII.“
 Rursus inde litteras in Hungariam pro Posonio con-
 tra Hussitas communiendo dedit, (a) *Senis, 2. die*
festi purificationis V. M. gloriosae, A. D. MCDXXXIII.
 Ex eadem ciuitate, legatis 16. Martii Romam de-
 stinatis, ad concilium scripsit, (b) *se Viterbium ad*
pontificem iturum, et usque medium Iunii vel prius
in urbe Romana a sanctitate sua coronandum. —
Dat. Senis, die XV. mensis Aprilis. Quia Basileen-
 ses patres amicitiam Sigismundi cum pontifice,
 qui concilium dissoluere, Senasque vel ad alium
 locum, Graecis viciniorem, transferre volebat,
 suspectam habuerunt, certos illos reddidit, se ni-
 hil in praeiudicium synodi facturum. Antequam
 autem Romam accessisset; Matkonem de Thalotz
 et Casparum Slikium praemisit, ac per eos pro-
 missa quaedam pontifici iureiurando fecit. Senis
 Viterbium ad pontificem profectus, litteris IX. Maii
 datis, synodo significauit, (c) *a pontifice legatos*
fuisse

(a) Indidem T. XII. (b) Ap. Dumont T. II. P. II. p. 258.

(c) Cont. Fleur. T. XXVII. p. 91.

fuisse deputatos, qui eius nomine concilio, a se confirmato, praessent. Huc tandem Eugenium Sigismundus inflexit; sed Basileensium ambitio, qui supremam auctoritatem sibi supra pontificem arrogabant, hos pontificis legatos admittere noluit. Die 21. Maii Sigismundus sollemni pompa Romam ingressus est, et (a) in festo pentecostes (31. Maii) sollemnissimis ceremoniis coronatum pontifex imperatorem augustum nuncupavit; postquam prius de fide catholica strenue defendenda, iuribusque ac privilegiis Romanae ecclesiae tuendis consuetum praestitisset iuramentum. Quo facto, Sigismundus pontifici equitanti de more stratoris officium exhibuit. Turotzius utramque Sigismundi coronationem vna serie sic proponit. (b) Sigismundus, partibus Tusciae et Lombardia perlustratis, in ciuitate Mediolanensi, secunda Romani regiminis corona, quum primam ante haec in Aquisgrano suscepisset, — exstitit coronatus. Deinde, continuato itinere, Romanam venit ad urbem, ubi sacrarum imperialis fastus infularum honore veneranda tanti principis canities per SS. in C. P. D. Eugenium PP. IV. ingenti cum sollemnitate, laudabiliter exstitit adornata. (c)

CLXXV. Sigismundus augustus, Roma Mantuam profectus, ditionis huius principem titulo marchionis ornauit, (d) *Mantuae, A. D. MCDXXXIII. die XXII. mensis Septembris.* Ultra progressus, datis ad Scepusienses litteris, muros Kesmarkienses, ab Hussitis vitiatos, reparari iussit, (e) *Ferrariae, fer.*

(a) Ibid. p. 98. (b) Chron. P. IV. cap. 23. (c) Hist. Cr. T. XII.. p. 595.—612. (d) Ap. Dumont. T. II. P. II. p. 269. (e) Ap. Wagn. Scepus. P. I. p. 53.

fer. VI. prox. post festum B. Marthae ap. et eu. A. D. MCDXXXIII. Quando muros illos Hussitae vi-
tiauerint; vrbis Kesmarkiensis memorabilia his ver-
bis exprimunt: (a) *Anno dom. 1433. inso die S. Marci euang. intrauerunt Hussitae, alias Thaboritae, cum maxima potentia turrium, equitum et peditum, in numero quasi 20. millia hominum; et eodem die ipsi Thaboritae, fallaci eorum astutia et palliata do-
lofitate, manu bellicosa hostiliter subintrauerunt, ipsam ciuitatem Kesmarki incinerando.* Dlugossus addit: (b) *Vbi magnas opes, pluribus annis congestas, reperientes, spoliatis vicinis oppidis et villis, capto-
que praeposito Scepusiensi Georgio, qui Pragam deduc-
tus, occubuit, — cum multitudine praedarum, sine aliqua animaduersione et obstaculo, reuersi sunt.* Haec ante 28. Octobris acta fuisse, discimus e Sigismun-
di litteris, quibus Georgio Ioannem Stock subroga-
uit, (c) *Basileae, in festo BB. Simonis et Iudae app. A. D. MCDXXXIII.* Sigismundus reliqua parte huius anni Basileae mansit, duabusque sessionibus, nempe XIV. die 7. Nouembris et XV. die 26. men-
sis eiusdem interfuit; ac interea legationem Turca-
rum excepit, quam ita continuator Fleurianus e Krantzio describit: (d) *Amurates II. Turcarum im-
perator, ad Sigismundum caes. sollemnem legationem decreuit, ut, postquam cum eo diu iam armis con-
flictatus erat, tandem perpetuae ac firmae pacis foe-
dera componeret.* Sigismundus, caesareis ornamentis praefulgens, hosce legatos, in Ecclesia Basileensi ex-
ceptos, ad alloquium admisit. Duodeni ex primo ho-
rum oratorum ordine Sigismundo nomine sui impera-
toris offerebant munera, nempe 12. praegrandes ex

R 2

auro

(a) Ibid. P. II. p. 48. (b) Libr. XI. col. 625. (c) Ap. Wagn. Scep. P. I. p. 330. (d) Töm. XXVII. p. 125.

auro scyphos, aureis numis plenos; pannos, auro et arte Phrygia insignes; vestem, auro intextam, plane pretiosissimam; aliasque plures sericas, gemmis distinctas. Imperator, pari ac regia munificentia horum liberalitatem adaequaturus, vicissim eos donis pretiosis iuxta ac magnificis cumulauit. Ad refarciendas has expensas seruire potuit id, quod Ioannes, Zagrabiensis antistes, ei testamento reliquit, nempe ciuitatem de monte Gretz, vt Kerchelichius scribit, (a) quam titulo pignoris possidebat. — Item Sz. Péter prope Drauum, et tributum, quod ab eodem Sigismundo titulo pignoris pro 10000. floren. possidebat. (b)

A. C. 1434. Sig. 48. Ind. 12. P. 28. M.

CLXXVI. Sigismundus, Bohemis ad veram fidem et officium reducendis intentus, primis quatuor huius anni mensibus Basileae mansit, ac sessioni XVI. die 5. Febr. et XVII. die 26. Aprilis interfuit. Quale subsidium contra Hussitas a concilio decretum fuerit; sub initium mensis Aprilis ipse Sigismundus ad Sárosienses ita perscripsit: (c)

„ — — Quia sacrum Basileense concilium, ad ex-

„ stirpationem et destructionem haereticorum Hussi-

„ tarum de regno nostro Bohemiae specialiter in-

„ tendens, inter ceteras prouidas ordinationes, —

„ statuit et conclusit, vt per totam Christianita-

„ tem semidecimae, id est, vicesima pars decimarum

„ et similiter omnium aliorum certorum prouen-

„ tuum annualium, a clero, cuiusuis ordinis et

„ libertatis existat, tam exempto, quam non ex-

„ emto

(a) Hist. Eccl. Zagr. p. 165. (b) Hist. Crit. T. XII. p. 612. 628. (c) Ap. Wagn. Dipl. Sáros. p. 3.

emto; ab vniuersis vero principibus, — diuitibus
 et pauperibus, qui annuales prouentus et census
 habent, — quinquagesima pars, seu 50. denarius
 vtrputa de 50. florenis vnus; de alijs vero rebus
 mobilibus, — ad valorem iustum aestimatis, de
 mille florenis vnus; — item a qualibet persona,
 nullos certos prouentus habente, sex denarii vsu-
 ales exigantur; — nosque aduertentes, — le-
 gatos omnium principum et regnorum fere to-
 tius Christianitatis, in ipso sacro concilio con-
 stitutos, praetactam ipsius sacri concilii ordina-
 tionem, nominibus principum et regnorum, a
 quibus missi sunt, affectuosis voluntatibus acce-
 ptasse; considerantes nihilominus, ipsum regnum
 nostrum Hungariae vicinius grauiusque insulti-
 bus non solum ipsorum haereticorum, verum
 etiam Turcorum — lacerari; — vna cum fide-
 libus nostris consiliariis, nobiscum hic existentibus,
 mature superinde deliberantes, decreuimus
 eandem dispositionem — rationabiliter acceptan-
 dam. — — — Dat. in nostra imperiali ciuitate
 Basileensi, fer. V. post festum B. Ambrosii ep. A.
 D. MCDXXXIV,“ seu VIII. Aprilis; quum olim fe-
 stum B. Ambrosii IV. mensis Apr. celebratum fue-
 rit. Basilea iam Ulmam Sigismundus discesserat;
 quum catholici Hussitas primum Vetro —, tum
 Neo — Pragae, caesis ambobus Procopiis, 30. Maii
 profligarunt. Illustrem hanc victoriam Sigismundus
 ad patres Basileenses *Ulma IV. Iunii* perscripsit. Vix
 inde Ratisbonam concessit; quum Bohemiae legati
 suum illum regem salutarunt. (a)

CLXXVII. Tot negotiis variorum regnorum et imperii ciuitatum distentus, vota Hungarorum, eiusdem reditum auide praestolantium, serius explere potuit. Postquam autem Hungariam, quam ab imperia'i corona Romae suscepta non viderat, ingressus est, quoniam facilius tam Germaniae, quam Hungariae rebus prospicere posset, in vtriusque regni limitibus Posonii plerumque se detinuit, vt Turotzius in haec verba scribit: (a) *Reuersus post haec per Italiam et Germaniam, et rebus tam Romanae ecclesiae, quam suis sibi occurrentibus discretionis moderamine ad votum compositis, venit in Hungariam, quae suam propter absentiam multis iniuriis undique lacerata, et in suae quietis statu grauibz affecta erat procerum discordiis. Figens igitur in ciuitate Posoniensi residentiam, et ad illum regni sui Hungariae principibus et proceribus, quasi totum regnum repraesentantibus, pro visenda noua domini ipsorum dignitate confluentibus, omnem impetum et turbinem discordiarum, quibus regnum suum, sua regali absentia viduatum et interim agitatum exstitit, sagaciter complanauit.* Sigismundum reipsa Posonii multum dehinc resedisse, testantur plura diplomata, quae hoc in loco mense Nouembri confecit. Ex iis illud est, quo Kesmarkiensibus, ad ciuitatem suam contra Hussitas emuniendam, sacram et parochialem aedem demolientibus, cautionem dedit, (b) *Posonii in festo B. Martini E. et C. anno dom. MCDXXXIV.* Szent - Martoniensium praerogatiuas, ab iisdem Hussitis exustorum, ibidem eiusdem mensis die 23. renouauit. Biduo post etiam Neosoliensium priuilegia nouis litteris ibidem con-

(a) Chron. P. IV. cap. 22. (b) Ap. Wagn. Scep. P. III, p. 214.



confirmavit. Die 30. mensis eiusdem Vjbanyensibus itidem Posonii ius nundinarum certis diebus concessit. Tum quoque Posonii Sigismundus erat, quum legati Poloniae filiam Alberti, ducis Austriae, pro nouo rege suo sponsam petierunt. *Legati Poloniae*, scribit Dlugossius, (a) *imperatorem in Prsburg, de partibus Rheni per Istrum descendentes, aduentes, comiter et benigne ab eo excepti sunt.* Haec legatio decreta fuit, postquam Wladislaus Jagello 31. Maii hoc anno decessit, eique filius, itidem Wladislaus, Hungariae rex futurus, successit. Sed Sigismundus, donec aequo iure similitates inter vtrumque regnum componerentur, Polonorum postulatis non acquieuit. Mortuo vero Ioanne, quum ecclesia Zagrabiensis anno superiore vacare coepisset, ad eius iura vindicanda, Matkonem seu Mathiam de Tallocz, comitem Keuiensem, misit, qui ciues bonorum episcopaliū inuasores, in ius vocauit, ac reos *in centum marois auri condemnauit.* (b)

A. C. 1435. Sig. 49. Ind. 13. P. 17. A.

CLXXVIII. Id, quod ex Turotzio legimus, Sigismundum, post suum ex Germania reditum, sedem suam Posonii fixisse, diplomata, rursus ibidem Ioanni Stöck, praeposito Scepusiensi data, tum ipsum Sigismundi decretum VI. maius dictum, eiusque praefatio testatur, quae sic habet: (c) „Sigismundus, diuina fauente clementia, Rom. imperator „ S. A. ac Vng. Boem. Dalm. Croat. Ram. Seru. R 4 „ Gallic.

(a) Libr. XI. col. 671. (b) Ap. Kerschel. H. E. Z. p. 170. Hist. Cr. T. XII. p. 646.—656. (c) Corp. Iur. Hung. T. I. p. 191.

„ Gallic. Lod. Cum. Bulgariaeque rex. — Quum
 „ nos pro imperialis fastigii honore finaliter adipi-
 „ scendo, post electionem nostram, in regem Rom.
 „ factam, et primae coronae regiae Romanae Aquis-
 „ grani susceptionem; nouissime S. R. I. principibus
 „ electoribus nobis consulentibus, in partes Lom-
 „ bardiae descendendo, in ciuitate Mediolani secun-
 „ dam coronam regiam Rom. imperii recepimus;
 „ et demum in urbem Romanam profecti fuissetus,
 „ infulasque nostras imperiales de manibus SS. D.
 „ N. D. Eugenii PP. IV. cum debita sollempnitate
 „ suscepissetus; et deinde, nonnullis partibus Ita-
 „ liae et Germaniae perlustratis, — tandem in pe-
 „ culiare regnum nostrum Hung. — regressi, in
 „ hac ciuitate nostra Posoniensi primam residen-
 „ tiam fecissetus personalem; — infra scriptas con-
 „ stitutiones — decreuimus. — “ Complectitur au-
 „ tem decretum hoc articulos XXIV. quorum *I.* est
 „ de iudicibus ordinariis regni et eorum iuramen-
 „ to. *II.* De iudicum nobilium electione. *III.* Bir-
 „ sagia inter comites et iudices nobilium diuidan-
 „ tur. *IV.* Occupata bona spoliatis quomodo per
 „ comites restituantur. *V.* Inquisitione sufficienti
 „ habita et satisfactione impensa, factum poten-
 „ tiae ad regiam curiam decidendum transmittatur.
 „ *VI.* Castellani, damna aliis inferentes, cui poe-
 „ nae subiaceant. *VII.* Birsagia moderata per quos
 „ et quando exigenda. *VIII.* Capituli et conuen-
 „ tus pro testimonio quales personae emitti debe-
 „ ant. *IX.* Vicinorum et commetaneorum nomina
 „ in litteris relatoriis capituli conscribantur. *X.* Lit-
 „ terarum taxa et salarium fide dignitatum. *XI.*
 „ Taxa litterarum minoris cancellariae. *XII.* Taxa
 „ litterarum maioris cancellariae. *XIII.* Arrestatio
 „ in propriis terris et officiolatibus fieri nequit sub
 „ poena

„ poena marcarum sex. *XIV.* Arresti iudicis, parti
 „ fauentis, poena. *XV.* Arrestantium ciuium poe-
 „ na in propriis terris. *XVI.* Arresti iudicis sala-
 „ rium. *XVII.* De defectu seminis, donationibus
 „ et sequestro. *XVIII.* De vxoribus et filiabus,
 „ in domibus nobilium decedentium remanentibus.
 „ *XIX.* De quarta filiarum et domo paterna. *XX.*
 „ De filiabus nobilium homini rustico nubentibus.
 „ *XXI.* Ecclesiarum res et bona seculares non oc-
 „ cupent. *XXII.* Tributorum superflua exactio ve-
 „ tatur. *XXIII.* De moderandis tributorum siue
 „ teloniorum solutionibus et viarum falsarum prohi-
 „ bitione. *XXIV.* Infideles ad castra dominorum
 „ non acceptentur. Officiales finitimi latrones re-
 „ cipere poterunt. — Datur  sonii, — anno dom.
 „ 1435. octauo idus Martii.  (a)

CLXXIX. Vix decretum istud Sigismundus
 absoluit; quum post 4. dies aliud, posterius qui-
 dem editum, *quintum* tamen inscriptum, *super modo*
exercitandi, condidit legesque, pro hoc scopo
 salutare, IX. articulis in haec verba pertulit: (b)
 „ Nos Sigismundus — notum facimus, — quod nos
 „ — volentes fines regni nostri a partibus Bohemiae
 „ et Moraviae, a quibus propter ingruentiam prae-
 „ sentis temporis, ab aliquibus elapsis annis, huc-
 „ usque frequentiores feruentioresque ipsum re-
 „ gnum pertulit hostilitates, vi nostra regia redde-
 „ re securiores, — fortalicia, in confinio Moraviae
 „ et iuxta fluuium Wagh situata, — nostris sumti-
 „ bus regalibus contra quempiam Bohemorum —
 „ muniemus et tutabimur. — *Art. I.* Regis penes
 „ gentes

(a) Hist. Cr. T. XII. p. 656—690. (b) Corp. Iur. Hung.
 T. I. p. 119.

gentes etiam proceres infurgere debent. *II.* De
 33. colonis vnus eques, armis bene instructus,
 mitti in expeditionem debet. *III.* Nobiles im-
 possessionati, seu colonos non habentes, in pro-
 priis personis in bellum ire tenentur. *IV.* No-
 biles, fratres indiuisi, vnum eorum; apud do-
 minos autem seruientes, alios pro se in bellum
 mittere cum comite tenentur. *V.* Proceres cum
 coniugibus suis pro magistris curiae aliquos do-
 mi relinquere nobiles possunt. *VI.* Iudex nobi-
 bilium regestum colonorum omnium, in comi-
 tatu existentium, comiti exhibere tenetur. *VII.*
 Non veniens, aut tarde in expeditionem profe-
 ctus, aut inde clam aut temere se subducens,
 bona amittit. *VIII.* Milites, nemini damna in-
 ferentes, et prae herbis, ligna et aquam a
 colonis nihil accipiant. *IX.* Modus recuperandi
 damna, per milites illata. — Dat. *Budae*, in fe-
 sto B. Gregorii papae, anno dom. 1435. Male
 locum adscriptum esse, patet ex litteris, ad Ladi-
 slaum Cháky postridie Posonii datis. Indidem etiam
 10. Mensis Aprilis Saxones admonuit, vt decumas
 vini suis plebanis exacte praestarent. Mense Iunio
 Tirnauiam profectus, ad valla ciuitatis Eperies la-
 tius proferenda duas molas sustulit. Sub initium
 Iulii Brunae, sub Augusti medium Iglauiae, 18.
 mensis eiusdem Szakoltzae diplomata dedit. Poso-
 nium reuersus, Stephano Berzeuitzio possessionem
 Nyaragh contulit, (a) octauo die festi B. Michaelis
arch. Sequenti mense priuilegia Kesmarkensium ibi-
 dem confirmavit, (b) in festo B. Martini Ep. et C.
 Tatham subinde concessit, et ibidem Iglouiensium
 priuilegia

(a) Ap. Wagn. Dipl. Sáros. p. 378. (b) Anal. Seep. P. I.

privilegia stabilivit, (a) *in festo B. Nicolai Ep. et C.* Litteras indidem ad *Fr. Iacobum de Marchia, vicarium Bosnensem*, dedit, (b) *sabbato proximo post festum B. Andreae ap.* Huius Iacobi Piceni, vulgo de Marchia dicti, quem subinde Benedictus XIII. catalogo caelorum adscripsit, opera Sigismundus ad Bohemos conuertendos vti voluit, expertus, illum in Bosnia plurimos conuertisse. (c)

A. C. 1436. Sig. 50. Ind. 14. P. 8. A.

CLXXX. Sigismundus, a legatis Bohemorum mense Decembri Tatae salutatus, non multo post pietatis causa Varadinum concessit, postremumque S. Ladislai regis exuias veneratus, Albamregalem ineunte hoc anno petiit, vbi rogatus a Bohemiae legatis, statuta concilii Basileensis de calicis usu cum aliis quibusdam privilegiis auctoritate sua confirmavit, (d) *die VI. Ianuarii*. Biduo post eadem confirmavit, nullum tamen ad communionem sub vtraque specie compellendum esse, quod Hussitae volebant, pollicitus. Ibidem adhuc erat 27. *Ianuarii*, qua lucrum camerae quibusdam in possessionibus ecclesiae Vespriemiensi remisit. Quia vero pecuniae fere semper indigus erat; ad iter Bohemicum eam sibi comparaturus, archiepiscopo Strigoniensi, Georgio de Palotz, pignori dedit Dechter et Patak; (e) *datum in ciuitate Pestienfi, in dominica Reminiscere, A. D. MCDXXXVI*. Eadem de causa mutuas 100. argenti marcas a Kesmarkiensibus exegit; (f) *dat.*

(a) Ibid. p. 221. (b) Ap. Koller H. E. Q. T. III. p. 350.

(c) Hist. Cr. T. XII. p. 690.—724. (d) Ap. Pray Annal.

P. II. p. 317. (e) MSS. Henrich T. DD. (f) Ex MSS. Coraidesianis.

dat. Budae, sabbato prox. post festum SS. corporis Christi, seu IX. Iunii. Postridie Buda, numquam eam reuifurus, mouisse videtur; nam, teste Bartosio, (a) 12. Iunii iam Iglauiae fuit, vbi dato diplomate, Bohemis et Morauis vsum calicis concedendum promisit, (b) die tertia mensis Iulii. Postquam eum die 23. mensis Augusti Pragam ingressum Eugenius pontifex intellexit; litteras, amoris et laetitiae testes, ad ordines Bohemiae dedit, (c) Bononiae, anno VI. Quum autem Sigismundus sperauerit, se propediem in Hungariam reuersurum; sigillis, quibus vt Hung. rex vti consueuerat, illic relictis, priuilegia Iudaeorum, in Hungaria constitutorum, imperiali sigillo muniuit, (d) Praeae, — anno dom. MCDXXXVI. tertio nonas Nouembris. (e)

A. C. 1437. Sig. 51. Ind. 15. P. 31. M.

CLXXXI. Dum Sigismundus Praeae commoratus fuisset; Palotzio palatii comite mortuo, Laurentium Hederuarium eius successorem constituit, (f) *feria V. prox. ante fest. B. Gregorii papae. Lactos, dum hic ageret, de duabus victoriis nuncios illum accepisse, Bartosius ita perhibet: (g) Circa festum SS. Philippi et Iacobi ap. Rohacz de Duba, cum suis complicibus, in monte, dicto Sion, quem ipse Rohacz sic appellauit, et ibidem castrum nouum aedificauit, est per D. Hinczonem, — cum gentibus D. imperatoris et ciuibus Praeensibus circumuallatus; et eodem anno*

(a) Ap. Dobn. Mon. T. I. p. 194. (b) Ap. De mont. T. III. P. I. p. 8. (c) Ap. Rayn. ad an. 1436. (d) Ap. Kapr. H. D. P. I. p. 464. (e) Hist. Cr. T. II. p. 728.—762. (f) Ex MSB. Cornidesianis. (g) Ap. Dobn. Mon. T. I. p. 198.

*anno, feria 2. ante natiuitatem B. V. per Sturm
vinctus et captus. Adductus ad Sigismundum, cum
53. sociis suspendio necatus, iustas sceleris poenas
dedit. Alterius victoriae sic ibidem meminit: Gen-
tes Hungarorum, Bohemorum, Moraviae et Poloniae,
— multos Turcos et paganos bello in campo bene
40. millia et ultra vicerunt; inter quos Hungaros
quidam Pangracz erat capitaneus; et circa assump-
tionem B. M. V. quatuor duces dictorum paganorum,
gentes Hungarorum D. imperatori Pragae adduxe-
runt vinctos. Pro his victoriis DEO se gratum ex-
hibiturus, B. Iacobi, cuius vtilissimam in conuer-
tendis haereticis operam plures Hungariae praesules
experti laudibusque meritis prosequuti sunt, patro-
cinium aduersus Quinqueecclesienses, monitionum
eius impatientes, suscepit, datis ad episcopum Hen-
ricum et capitulum litteris, (a) Pragae, in vigilia
festi B. Bartholomaei apost. A. D. MCDXXXVII.
grauissimis verbis questus, quod „ ven. Fr. Iacobum
„ de Marchia, vicarium Bosnae ac inquisitorem hae-
„ reticae prauitatis, et toti regno Hung. de man-
„ dato et auctoritate D. apostolici et suo, viam
„ veritatis demonstrantem, — procul fugassent,
„ ipsumque a sua praedicatione et inquisitione di-
„ ctiae haereticae prauitatis et corrupti status mo-
„ dis omnibus prohibuissent. — “ Iubet igitur san-
ctum virum, cuius maximam semper aestimationem
habuit, honorifice recipi. Nec multo post pignori
datam possessionem Mere ratam habuit, itidem Pra-
gae, in festo decollationis B. Ioannis Bapt. Mense
Septembri, filiis Nicolai vaiuodae de Marczaly do-
navit oppidum Vereucze, rursus Pragae, secundo
die festi exaltationis S. Crucis. Octobri mense Paul-
lo*

(a) Ap. Keller H. E. Q. T. III. p. 359.

lo de Lindua, qui primam coniugem Catharinam, Stiborii filiam, habuit, a morte Stiborii iunioris, castrum Bolondocz, quod iam Betzko dicimus, contulit. Ita Sigismundus etiam extra Hungariam in Hungaros fauores regios sparsit. (a)

CLXXXII. Sed numquam ille luculentius suam in Hungaros propensionem, quam ante suam mortem, prodidit. Veritus enim, ne Rochezana, Husitarum primipilus, homo tumidus ac turbulentus, fuga nuper elapsus, ab obitu suo nouas turbas conciret, iisque Hungaros, quos secum habebat, inuolueret; eos periculo hoc erepturus, grauissimis extremi morbi doloribus insuper habitis, Praga prius, quam moreretur, discedere constituit. *Dum, inquit Turotzius, (b) senex princeps aetate curisque pariter et paralyfis infirmitate laboraret; magna infirmitatis grauitate occupatur, suamque senilem aetatem extremos suae vitae ad limites appropinquare, sui corporis ex debilitate agnoscens, Hungarorum potioribus, qui illum comitabantur, clam ad se vocatis, illos ita affatus est: „Cari mihi filii! — si hic morte praeuentus fuero; timeo, ne Bohemi, qui me et vos semper odio habuere, in vos irruant; vosque et vestras res rapaci praedae exponant. Sed, qui hucusque vos dilexi, ut et nunc me vos intime diligere sciatis; maximam propter vos incidi in curam. — Quamdam igitur vestrae salutis viam inueni, per quam vos vestris laribus incolumes me reddere posse cogito. Cras enim barba et crinibus meis coadunatis, canitiem capitis mei crinali adornate; locantesque me imperiali*

(a) Hist. Cr. T. XII. p. 770.—790. (b) Chron. P. IV. cap. 24.

„ periali in sede , simulque in feretro me ponite;
 „ et mediam per ciuitatem vna mecum transeun-
 „ tes, me et vos e medio illorum, qui vestrum
 „ sitiunt sanguinem, educite.“ *Pariterque post ver-
 ba imperialibus e luminibus madidae obortae lacrimae
 suas defluxere usque ad maxillas. Placuit Hungaris
 imperialis beneuola persuasio. Quamobrem, — uni-
 uersis ad viam necessariis praeparatis, omnia iuxta
 imperatoris consilium fecerunt. Fuit et alia disces-
 sus adeo molesti causa, Barbara coniux, quae, vi-
 uo, sed aetate morbisque fracto Sigismundo, de
 nouo marito, Wladislao, Poloniae rege, cui simul
 Hungariam et Bohemiam despondebat, agitare con-
 silia coepit. (a) Haec igitur consilia dissipaturus,
 Albertoque, genero suo, tam Hungariam, quam
 Bohemiam asserturus imperator, reditum suum ac-
 celerauit; ac vbi Znoymam venit; imperatricem cu-
 stodiae tradidit, vt Dlugoffus perhibet, — ac baro-
 nibus Vng. et Boh. in cubiculum vocatis, moriturum
 se se indicat: et generum suum, Albertum, Au-
 striae ducem, praesentem, pro regno utroque regem
 declarat (vel potius commendat) rogans: „ vt
 „ supremam eius voluntatem in hoc exsequantur:
 „ beata fore regna, quibus Albertus imperabit.“
 Reliqua Turotzius ita prosequitur: *In Znoymam,
 ciuitatem Morauiae, delatus, domini MCCCCXXXVII.
 anno, in festo conceptionis gloriosissimae, aetatis suae
 septuagesimo (nondum plene completo) regnorum
 autem suorum Hungariae 51. (8. mensibus et 8.
 diebus inchoato) Romanorum 27. Bohemiae 17. im-
 perii vero anno 5. diem obiit. Qui postmodum, suo-
 rum non sine uberrimo fletu, in Hungariam portatus, et
 in ecclesia Varadiensi honorifice, suorum praedecessorum*
 ad*

(a) Dlugoff. Libr. XII. col. 699.

ad instar, traditus est sepulturae. Fuit imperator Sigismundus homo in sui vultus qualitate et personae quantitate satis idoneus, pulchra facie, crinibus crispis et glaucis, ac sereno intuitu a summo rerum conditore adornatus. Hic in fauorem Hungarorum, quondam longas barbas deferentium, prelixam barbam deferebat. (a)

CLXXXIII. Et erat Hungaris, postquam primos iuuentutis impetus ac vitia cum aetate correxisset, cetrissimus, primi nominis regibus accensendus; si quanta consiliorum vbertate, tanta quoque bellorum felicitate valuisset. Turcarum sub initium et exitum victor, alias saepe victus, tam iis, quam Venetis multas Hungaricae ditionis plagas cedere coactus est. Litterarum ac litteratorum munificus maecenas ac censor, adulatorum acerrimus osor, religionis ac ecclesiae cum regnorum etiam ac vitae periculo strenuus defensor, animi magnitudine summus, diuitiarum minime cupidus, immo nonnumquam ex intempestiua munificentia profusus, vtramque fortunam non semel expertus, quos ferro non potuit, clementia vicit, multosque honoribus amplissimis arctissime sibi deuinxit. Quia turbulentis Mariae Carolique Parui temporibus magistratus non exhibuimus, hic simul omnes coniungimus, qui post obitum Ludouici floruerunt. Erant igitur archiepiscopi *Strigon.* Demetrius card. 1383. Ioannes de Kanisa 1388. Georgius ab Altaflamma 1423. Georgius de Palotz 1423. *Coloc.* Ludouicus 1383. Nicolaus Bubek 1391. Ioannes de Gara 1400. Nicolaus 1408. Andreas 1416. Ioannes 1426. Episcopi *Agrien.* Emericus Zudár 1383. Ioannes de Kanisa

Kanisa 1385. Stephanus Chyko 1388. Thomas de Ludan 1401. Stiborius 1410. Thomas 1423. Petrus de Rozgon 1426. *Bosnen.* Georgius 1383. Ioannes 1388. Benedictus 1410. Dionysius 1427. Iosephus 1428. *Iaurin.* Guillermus 1383. Ioannes 1387. Clemens 1419. *Nitrien.* Fr. Dominicus 1383. Demetrius 1387. Gregorius 1388. Michael 1395. Petrus 1399. Fr. Hincó 1404. Georgius 1429. *Quinqueecclesiensis.* Valentinus card. 1383. Ioannes 1410. Henricus 1423. *Sirmien.* Ioannes 1383. Fr. Gregorius 1393. Fr. Thomas 1397. Ladislaus 1399. Franciscus 1419. Iacobus 1420. *Transsiluan.* Gublinus 1383. Emericus 1386. Petrus 1389. Demetrius 1391. Martinus 1395. Nicolaus 1400. Stephanus 1401. Georgius de Palotz 1419. Blasius 1423. Georgius Lépes 1427. *Tsanad.* Ioannes 1383. Lucas 1395. Fr. Gregorius 1397. Georgius 1401. Fr. Dósa 1404. Ladislaus de Martzali 1423. *Vucien.* Petrus 1383. Nicolaus 1405. Fr. Philippus 1408. Nicolaus 1419. *Varad.* Ioannes 1383. Paullus 1396. Lucas 1397. Eberhardus 1407. Andreas 1409. Dionysius 1427. Fr. Ioannes 1436. *Vesprim.* Benedictus 1383. Demetrius 1388. Martinus 1393. Demetrius 1397. Michael 1399. Ioannes 1407. Petrus de Rozgon. 1419. Ioannes 1426. Simon de Rozgon 1429. *Zagrab.* Paullus 1383. Ioannes 1386. Eberhardus 1397. Andreas 1408. Eberhardus 1409. Ioannes 1421. *Palatini:* Nicolaus de Gara 1383. Nicolaus de Szech 1386. Stephanus 1388. Leustachius de Ilua 1393. Detricus Bubek 1397. Nicolaus de Gara 1401. Matthaeus de Palótz 1434. Laurentius de Hedervára 1437. *Vaiuodae Trans.* Ladislaus 1383. Franciscus Bubek 1391. Emericus Bubek 1394. Frank de Konya 1395. Stiborius 1397. Nicolaus de Martzal 1403. Ioannes et Iacobus 1404. Stiborius 1410. Nicolaus de Chak

1415. Ladislaus de Chak 1427. simul Petrus Cheh de Leua 1436. *Judices curiae*: C. Nicolaus de Széch 1383. C. Emericus Bubek 1386. Ioannes de Kapla 1391. Ioannes de Pastoh 1396. Frank Konye, de Zethen 1398. C. Simon de Rozgon 1410. C. Petrus de Perén 1415. C. Stephanus Kompolt de Nána 1424. Matthaeus de Palótz 1425. C. Stephanus de Báthor 1435. *Bani Cr. et Dalm.* Emericus Bubek 1383. Templinus 1384. Ladislaus et Stephanus de Lofontz 1387. Dionysius 1388. C. Ioannes de Veglia 1391. Nicolaus de Széch 1395. Nicolaus de Gara 1397. Paullus Bissenus et Paul Péch 1404. Hermanus C. Ciliae 1407. C. Carolus de Corbauia 1410. Ioannes de Medue 1415. Albertus de Vng 1419. Nicolaus C. Vegliae 1426. Ioannes et Stephanus, comites Vegliae, 1435. Stephanus Frangepanius et Matko de Thallotz 1436. (a)

§. IX.

ALBERTVS REX XXXI.

Coepit A. C. 1437. desit A. C. 1439.

A. C. 1437. Alb. 1. Ind. 15. P. 31. M.

CLXXXIV.

Albertus, claro principum Habsburgicorum sanguine prognatus, abnepos erat Alberti I. filii Rudolphi I. imp. pronepos Alberti II. nepos Alberti III. filius Alberti IV. Ex hoc ille natus anno 1397. post eius quidem obitum Austriam adeptus est an. 1404. quia tamen tenerioris tunc aetatis erat, quam ut ipse hereditariam illam prouinciā administrare posset; sub tutela patruelium primum quidem

(a) Ibid. p. 804.—818.

quidem Wilhelmi ducis ad annum vsque 1406. deinde Leopoldi IV. vixit ad annum 1411. Tum mortuo huic Ernestus successit, qui Budam Albertum, 14. annos natum, adduxit, eique Sigismundus Elisabetham filiam ea conditione despondit, vt, quamprimum viro matura fuerit, sub multa 40. millium flor. in manus cum Alberto conueniret. Sponsalibus his anno 1419. confirmatis, postquam Elisabetha 12. aetatis annum attigisset; nuptiae sollemni pompa celebratae sunt anno 1422. Ex hoc subinde connubio sustulit Albertus duas filias, Annam et Elisabetham, illam Wilhelmo Saxoni, hanc Casimiro Polono collocatam anno 1454. quae biennio post, Wladislaum II. Hung. regem, genuit. Alberto regi post 4. ab eius obitu menses natus est Ladislaus Postumus, itidem Hung. rex futurus, in quo ramus hic Albertinus exaruit. At alter ramus, quem Leopoldus per Ernestum propagauit, longa serie Hungariae sceptrum obtinebit, vt genealogica haec arbor exhibet:

Rudolphus I. imp. ex domo Habsburgica.

Albertus I. imp. et dux Austriae.

Albertus II. D. Austr. Fridericus, aem. imp.

Albertus III.

Leopoldus.

Albertus IV.

Ernestus.

Alb. V. imp. R. H. B.

Frider. III. imp.

vx. Elis. Sigism. F.

Maxim. I. imp.

Lad. Post. Anna Elis.

Philippus R. Hisp.

Wlad. II. R. H. B.

Ferd. I. imp. R. H. B.

Ludou. II. R. H. B.

Maximil. II. imp. R. H. B.

CLXXXV. Albertus, a morituro Sigismundo circumstantibus Hung. proceribus maiorem in modum commendatus, iam tunc eorum consensione rex destinabatur. Quia vero hanc destinationem intercipere Barbara voluit; custodiae mancipata, cum imperatoris cadauere Posonium deducta fuit. *Miserabile Spectaculum*, inquit Aeneas Silvius, (a) *et humanarum rerum singulare documentum: imperatrix captiua et imperatoris cadauer una vehitur: occurrunt lugubres Hungari; nec tenere lacrimas in tanta rerum nouitate possunt: hinc defuncti regis corpus fletum elicit: inde reginae vincula commiserationem excitant.* Hungaris Posonium ad triste hoc spectaculum magno numero confluentibus, antequam iusta Sigismundo persoluerentur, Albertus in regem electus est. Nec enim sola Sigismundi destinatione paucorumque procerum consensione regnum obtinere potuisset. Electionis certe tam ipse, quam exteri chronistae meminerunt, quam *ad feriam IV. ante festum S. Thomae*, seu 18. Decembris, defigunt. Magna profecto debuit esse virtus Alberti, qua capti Hungari non ambientem deproperatis votis elegerunt, et, antequam Sigismundus Varadini tumultaretur, Albae post 13. dies inaugurarunt. Quidam imperium inter Albertum et Elisabetham propterea diuisum et aequatum fuisse putant, quod litteras publicas vtriusque consensu confectas passim legant. Qua quidem de causa pariter inter Sigismundum ac eiusdem coniugem Barbaram, cuius ille consensus in suis diplomatibus saepius meminit, vt de Ludouico, matris consensum toties repetente, nihil dicam, imperium fuisse diuisum, affirmare deberemus. Certe, si coronam
a morte

(a) Hist. Bohem. cap. 54.

a morte patris more regio suscepisset, et, ut rex coronari debuisset; eius coronatio citra controuersiam ad metropolitam Strigoniensem pertinuisset; nec propterea litem eidem Vesprimiensis episcopus mouisset: cui tamen ille hanc prouinciam cessit, confecto, ne iuribus suis praeiudicium fieri permetteret, instrumento, (a) *Dat. in Albaregali, in vigilia circumcissionis domini, anno eiusdem MCCCCXXXVII.* Nondum Eugenio Sigismundi mors innotuit, quum ad episcopum Quinqueecclesiensem scripsit, (b) ut ad intercessionem Sigismundi matrimonium inter Ioannem Koroghium et Annam Marothiam ratum, non consummatum, dissolueret, *XIV. kal. Ian.* (c)

A. C. 1438. Alb. 1. Ind. 1. P. 13. A.

CLXXXVI. Albertus Austriacus tam multis magnisque virtutum ornamentis instructus erat, ut in eundem, non ambientem, tres eodem hoc anno coronae conuolauerint. Primam in Hungaria, prima die huius anni suscepit, ut Tyrotzcius in haec verba refert: (d) *Albertus — prima noui tunc subsequentis die anni, dominicae scilicet circumcissionis celebri in festo, domini autem MCCCCXXXVIII. anno, eadem, qua primi reges Hung. gloriæ cum pompa feliciter exstitit coronatus.* Ille quidem prius Sigismundum fuisse tumultatum, deinde coronatum Albertum innuit; electione tamen Posonii 18. Decembris peracta, tantum iter Posonio Varadinum, inde rursus Albam antistites et optimates hibernis

S 3

ac

(a) Ap. Pray Hier. P. I. p. 186. (b) Ap. Koller H. E. G. T. III. p. 362. (c) Hist. Cr. T. XII. p. 818. — 828. (d) Chron. P. IV. cap. 25.

ac breuissimis diebus emetiendo vix fuissent, ut iam Alberti coronationi kalendis Ianuariis interesse potuerint. Albertus, a pietate regnum - auspica- tus, socrum suam, aliquot arcibus multatam; ne turbas excitare posset, in libertatem restituit, ac in singulos annos eius vsibus 12. millia numum aureorum addixit, ut Dlugossus perhibet. (a) Iustam igitur causam non habuit in Poloniam migrandi, suasque querelas coram Wladislao depromendi; nisi forte, quod prius de nuptiis moliebatur, effectum dare voluisset. Palmius, nescio, quibus vsus fontibus, scribit, (b) *non multo post a Polonis pariter reno eiectam, Regino-Hradecium in Bohemiam se recepisse, atque prius poenitentia, XII. post anno, siue 1451. die 2. Febr. vitam clausisse.* Poenitentia hac opus habuit, si, quemadmodum Aeneas Siluius scribit, (c) *infamis vita mulier* fuit. Albertus, in Budensi regia plerumque commoratus, indidem diplomata dedit, et illud, quo comites Frangepanios ad castrum Zlun Zriniis restituendum compulit, (d) *secundo die festi purificationis virginis gloriosae, anno dom. MCDXXXVIII.* et illud, quo Rozgonios de refarciendis expensis, a Polonien- sibus nuperrime pro sustentatione curiae regiae maie- statis ac ser. D. Barbarae reginae et puellarum eius- dem usque ad haec tempora factis, admonuit, (e) *in festo Dorotheae V. et M. A. D. MCDXXXVIII.* Ibidem, aliorum regum more, post coronationem in ecclesiam Strigoniensem munificus, eidem *Dré- gel, Hidvög, Hunt, Palánk, Detkár* donauit, (f) *in*

(a) Libr. XII. fol. 700. (b) Not. Hung. Ed. II. P. II. p. 204. (c) Hist. Frid. III. p. 43. (d) Ex MSS. Cornid. T. XI. (e) Indidem T. XII. (f) MSS. Heuener. Tom. R. p. 172.

in festo S. Valentini M. A. D. 1438. Praeterea vadum in Vifatu 25. Febr. varias denique praerogativas fer. V. prox. post festum B. Gregorii papae, locis donatis concessit. (a)

CLXXXVII. Dum Albertus, omnium consensione sacram Hungariae coronam adeptus, in omnes promiscue beneficia sua Budae spargebat; electores imperii, Francofurti sacro verni ieiunii tempore congregati, concordibus eum suffragiis 18. Martii Romanorum regem elegerunt. (b) In electionem hanc nonnisi 29. mensis Aprilis consensit, causamque dilati tamdiu consensus Dlugossus ita reddit: (c) *In iussu baronum Vngariae, id enim illis sponderat, acceptare imperium nefas putabat, attento, quod Sigismundus, Romanae rei prouisurus, Vngariam frequentius Turcorum direptioni exponebat. Postremo Vngari, victi precibus Friderici, ducis Austriae, assensum dedere. Nondum Albertum 26. Maii Vienna discessisse, colligimus ex eius diplomate, Hungariae Iudaeis dato, (d) Viennae, fer. 2. prox. post festum ascensionis domini, anno eiusdem 1438. Rex Romanorum Aquisgrani 31. Maii coronatus, non pari felicitate Bohemiam obtinuit, diu multumque cum aemulo huius regni Casimiro, Poloniae regis germano, colluctatus, de quo Mellicense chronicon: (e) *Eligitur, inquit, a paucis et haereticis eiusdem regni, dux Casimerii, frater regis Poloniae: suscitantur lites: Slesia vastatur huius occasione per regem Poloniae: fiunt et magna damna in Polonia per regem Albertum: vallatur ciuitas**

S 4

uitas

(a) Hist. Cr. T. XII. p. 828.—839. (b) Chr. Mellic. sp. H. Per Tom. I. col. 257. (c) Libr. XII. col. 700. (d) Ap. Kaprinai H. D. P. I. p. 463. (e) Ap. H. Per T. L. col. 257.

uitas montis — Thabor per praefatum regem Albertum, quae fuit munita Polonis: prosternuntur gladio multi Poloni et Bohemi per Fridericum, ducem Saxoniae, circa 5000. in recessu ab obsidione montis Thabor. Turotzius causam obsidionis montis Thabor solutae hanc reddit: (a) Quum rex Albertus solam famem hosti inimicam aduertit; tanto populo escam demere, et vias, opem victualium ferentes, illis se recludere non posse arbitratus; dissolutis castris, hosti cessit. Dlugossus autem, (b) quod vir natura iustus et benignus fuerit, et praecipua cura intentus, ne sanguis Christianus effunderetur. Belli deinde, cum Alberto suscepti, Polonos poenituisse, pacemque per oratores petiisse, tradit. (c) Sed tractatio pacis semel ac iterum irrita fuit, Alberto praematura morte sublato, cuius filiam Elisabetham subinde Casimirus, nunc aemulus; Hungariam Wladislaus, frater eius obtinuit. Albertus, teste Bartolio, (d) 13. Iunii Pragam ingressus, 29. mensis eiusdem coronatus, die 3. mensis Augusti contra Polonos profectus, 20. Septembris, obsidione soluta, Pragam rediuit. Deinde Wratislauiam inuisit, ut continuator Pulkauae scribit, (e) et abinde in Austriam per Moraniam, et amplius in Bohemiam non fuit reuersus; abinde enim processit in Hungariam. Habita ratione horum itinerum, in diplomate, quod Albertus Ladislao de Gara dedit, male videtur locus ita notatus: (f) Datum Budae, in peruigilio natiuitatis B. Iohannis B. anno dom. 1438. Triste fuit Alberto, Turcarum incursiones, absente se, factas in Transiluaniam, audire, de qua Ducas loquitur;

(a) Chron. P. IV. cap. 26. (b) Libr. XII. col. 704. (c) Ibid. col. 711. (d) Ap. Dobn. Mon. P. I. p. 100. (e) Ibid. T. IV. p. 173. (f) Ap. Pray Prior. Aur. p. 27.

loquitur; (a) sed multo tristius, Budensium ciuium turbas, praesente se, commotas, videre: quas inter Hungaros et Germanos in multas caedes dedisse, Turotzius testatur. (b)

A. C. 1439. Alb. 2. Ind. 2. P. 5. A.

CLXXXVIII. Albertus, Wratislaviae diutius commoratus, illic festum epiphaniae hoc anno celebravit: quumque pacem cum Polonis componere non potuisset; inducias cum iisdem pepigit. (c) Die 14. Februarii nondum illum inde discessisse, discimus ex litteris, in favorem Ioannis Stockii, Scepusiensis praepositi, datis, (d) *Wratislaviae, in die S. Valentini M. anno dom. 1439.* Budam reuersus comitia statibus et ordinibus indixit, legesque partim novas cum his condidit, partim veteres instauravit, articulis 39. comprehensas, e quibus agit (e) *Art. I. „ De reformatione consuetudinum regni. II. Palatinus per regem et regnicolas eligatur. III. De stipendiatis et exercitu generali. IV. Nociuae consuetudines aboleantur. V. Externis officia non conferantur: et quod DD. praelati et barones homines forenses non conseruent. VI. Prouentus regales solis incolis regni in arendam conferantur. VII. De lucro camerae, quinquagesima et marturinjs. VIII. Praelati et barones duas dignitates tenere non possint. IX. De cambiis forensium mercatorum. X. Moneta non imputanda (immutanda). De cusione obulorum. XI. De extraneis monetis*
et

(a) Ap. Stritter T. III. p. 702. (b) Chron. P. IV. cap. 25. Hist. Cr. T. XII, p. 838.—858. (c) Dialog. L. XII: col. 711.—718. (d) Ap. Wagn. Scepus. P. III. p. 59: (e) Corp. Iur. Hung. T. I. p. 300.

„ et salibus. *XII.* Regina officiatus solis incolis
 „ regni conferat. *XIII.* Capti in bello ex hostibus
 „ et manubiae militibus non adimantur. *XIV.*
 „ Rex in defensionibus metarum regni, consilio
 „ regnicolarum utetur. *XV.* Rex potest absque
 „ consilio honores seculares incolis huius regni con-
 „ ferre et auferre. *XVI.* Possessiones forensibus
 „ non conferantur; incolis etiam pro seruitiis et
 „ non pecuniis donentur. *XVII.* De metis regni
 „ Hung. et Austriae ac Moraviae. *XVIII.* Hospi-
 „ talitas et victualium procuratio pro rege a re-
 „ gnicolis an fieri debeat? *XIX.* Ecclesiasticae per-
 „ sonae non taxentur; sed exercituent. *XX.* De
 „ maritationibus filiarum regis. *XXI.* Ecclesiasti-
 „ ca beneficia seculares non occupent. *XXII.* Rex
 „ in Hungaria manebit. *XXIII.* Procuratores regii
 „ et reginales, dum suarum maiestatum causas
 „ tractantur, in sede iudiciaria sedere non possint,
 „ *XXIV.* Quod regia et reginalis maiestas, ratio-
 „ ne indebitae recaptiuationis iurium possessionario-
 „ rum, in aestimatione bonorum conuincantur;
 „ et de impetratoribus iurium regaliū. *XXV.*
 „ Despotus et comes Ciliae officiatus Hungaris
 „ conferant. *XXVI.* Honores Hungaris, quibus
 „ vult, rex confert. *XXVII.* Nobiles non capti-
 „ uentur; nisi sententia capitali conuincantur.
 „ *XXVIII.* Nobiles decimas soluere non teneantur.
 „ *XXIX.* In proclamata congregatione modus, in-
 „ stitutus tempore Sigismundi imperatoris, per Al-
 „ bertum regem reuocatus est. *XXX.* Potentiariorum
 „ nouorum actuum patrator personaliter coram
 „ rege aut iudice ordinario statim respondere te-
 „ netur. *XXXI.* Concordandi libera facultas data
 „ litigantibus. *XXXII.* Redemptio litterarum, fide
 „ dignitatum eductio, tributa, falsae viae. *XXXIII.*

De

„ De processibus per exhibitiones litteralium instru-
 „ mentorum quis modus fuit olim institutus et ob-
 „ seruatus? XXXIV. Bina euocatione et trina
 „ forensi proclamatione praemissis, reus actori re-
 „ spondere tenetur. XXXV. Quid, si dixerit, in-
 „ strumenta apud manus alienas existere? XXXVI.
 „ Quid, si plures fuerint in causam attracti; et
 „ quidam ex iis absentes fuerint? XXXVII. Quid,
 „ si omnes in exercitu fuerint? XXXVIII. De
 „ poenis, inter ecclesiasticos et seculares impositis.
 „ XXXIX. De funeribus interfectorum, quod ar-
 „ chiadiaconi nullam solutionem recipere valeant.“
Datum Budae, feria VI. prox. ante festum S. Tri-
nitatis (29. Maii) A. D. MCDXXXIX. (a)

CLXXXIX. Albertus, perlatis confirmatisque
 tam salutaribus Hungariae legibus, quam hic de-
 fensionem omnibus regnicolis liberaliter addixit;
 eandem Ioanni Stock, praeposito Scepusiensi, con-
 tra quosdam eius aduersarios impendit, datis ad
 Ioannem Perenium, magistrum tauernicorum, eius
 causa litteris, (b) *Budae, in festo natiuitatis B.*
Ioannis B. A. D. MCDXXXIX. Nec multo post
 ad Wladislaum, Poloniae regem, *prid. kal. Iul.* le-
 gatos misit, negotium pacis acturos, cuius ille stu-
 diosissimus erat, licet aduersus Polonos in Scepu-
 siensi prouincia Stephanus Rozgonius feliciter de-
 certauerit, ac Saffraneczium Polonum tribus prae-
 liis profligauerit, vt ipse rex Albertus testatur, dum
 eius merita multis possessionibus remuneratur, (c)
in Wissegrad, feria III. prox. post festum visitationis
B. M. V. gloriosae, A. D. MCDXXXIX. Polo-
 nis

(a) Hist. Cr. T. XII. p. 866.—900. (b) Ap. Wagn. Scyp.
 P. II, p. 334. (c) Ex MSS. Cornidesianis.

nis virtute Rozgonii repressis, alius potentior hostis, Turca, Hungariae finibus imminabat, et castrum Szendrouiam, ad australem Danubii ripam in Seruia sitam, ad ictum destinabat. Albertus, Georgii despotae precibus inflexus, ut Amuratis conatibus occurreret, sagum induit, exercitumque suum versus Danubium celeriter promouit. Ex ipsis castris ad Ladislai Kende preces diploma dedit, (a) *in descensu campestri prope vadum, Tydwryw vocatum, feria IV. prox. post festum natiuitatis B. M. V. gloriosae, A. D. MCDXXXIX.* quo pontis ad Vaskapu conseruationem cum prouentibus eidem eiusque familiae contulit. Ad eundem locum Turrotius, dum de hac expeditione loquitur, Albertum ita sistit: (b) *Anno regis Alberti secundo, ingens exuberauit fama: „ quod Amurates, Turcorum „ caesar, magnam suae gentis vim mouisset, re- „ gnunque Hungariae inuadere conaretur.“ Propter quod rex Albertus, sui regni procerum celebrata congregatione, una cum eis conclusit: „ hostem „ non debere expectari regni ad penetralia; sed „ esse illi in forti brachio obuiandum.“ Commota igitur totius regni Hungariae militari virtute, magnum congregauit exercitum; et in loco, vulgari appellatione Tyddewrew vocato, sua tentoria locauit. Caesar vero Turcorum, regem in regni defensionem sufficientibus militum armorumque praesidiis gaudere audiens, expugnata castro Zendrew, et omni paeuo Raseiae agro suae potentiae subiecto, despotoque, regni eiusdem domino, in Hungariam profugato, frameam et omne suum robur in Graecos conuertit. — Hungari vera, ex longa campestralis hospitii morataedio affecti; maxime quum multi ex illis sanguinis*

(a) Ibidem. (b) Chron. P. IV. cap. 27a

his fluxu grauentur; lupo, iuxta antiquam ipsorum consuetudinem, proclamato, inuito rege, sparsim et confuse, relictis regiis castris, recedentes, abierunt. Fugam igitur indicere, Hungaris idem erat, ac lupum proclamare, *Farkast kiáltani*. Solutorum vero castrorum vera causa fuit dysenteria, per exercitum vulgata, qua correptus ipse rex fuerat. Hungaris igitur, hoc morbo debilitatis, satis erat, hostem ab inuadenda Hungaria prohibuisse; nec animus illis fuit, in Graeciam eundem persequi. (a)

CXC. Szendrouiam Augusto mense Turcarum armis expugnatam fuisse, Bonfinius refert, ac Albertum, ob ingentem aestum, quem in ea expeditione subiuerat, in profluuium alui perniciosamque dysenteriam concidisse. Morbi causam, subiicit, (b) peponum arguunt fuisse edacitatem. Nam, dum praecordia cum gulae oblectamento refrigerare contendit; suae vitae tetendit insidias. Quamobrem quum alius sisti non posset; praeuisa morte, ut in patria regione moreretur, Viennam versus iter cepit, venitque Strigonium; ubi prae languore aliquantisper immoratus est. Octo diebus ante mortem illum adhuc Strigonii fuisse, liquet ex eius litteris, quibus Ladislao de Palotz et Stephano Pohárnok, oratoribus suis, in Poloniam missis, plenam agendi de pace facultatem dedit, (c) Strigonii, sabbato post festum S. Galli (17. Octobr.) anno d. n. MCDXXXIX. Non multo post, extremis viribus collectis, teste Turrotzio, (d) quum in animo Viennam intrare haberet; suae minime parcens debilitati, versus Austriam
conti-

(a) Hist. Cr. T. XII. p. 900.—919. (b) Dec. III. Libr. IV. p. 440. (c) Ap. Dogiel. T. I. P. I. p. 154. (d) Chron. P. IV. cap. 27.

continuabat iter. Tandem, quum in villam Nesmel, in festo BB. Simonis et Iudae app. descendisset; inualefcente aegritudine, postquam annum unum et menses IX. diesque VIII. et XX. in Hungaria regnasset, MCCCCXXXIX. domini anno, ibidem villa in eadem, vita functus, in ecclesia Albaeregalis, suorum praedecessorum ad instar, ultimo sepulcri honore, regali in pompa exstitit tumulatus. Erat rex Albertus homo competentis proceritatis; faciei plus ad nigredinem, quam albedinem tendentis; mitium morum, et petitioni suorum flexibilis. Bartolus aliter locum obitus nominat: De Budin, inquit, (a) veniens in Longdorff, 7. milliaria a Budin, super infirmitate, dicta czerwena nemocz (vér-has) aliquot septimanis prius decumbens, circa octauam S. Galli diem suum clausit extremum; cuius anima requiescat in sancta pace; quia fuit bonus, licet Teutonicus, audax et misericors. Ceterum Istuanfius Longdorff a Nesmil non distinguit; quum ita scribit: (b) E regione Nesmelii oppidi, a Germanis Longendorffii appellati, — eo in oppido Albertus, Rom. imp. ac Hung. rex, dum Turcis, Samandriam obsidentibus, bellum inferre vellet, profluuium ventris exspirasse traditur. Diem obitus plerique 27. Octobris fuisse perhibent, quae die fortassis ante mediam noctem mortuum, Turotzius post mediam, adeoque 28. mensis eiusdem exspirasse credidit. Quum Albertus biennio non integro Hungariae praetuerit; vix vlla seu sacris, seu profanis in magistratibus mutatio facta fuit. Dum Elisabetha litteris publicis testatur, sacram Hung. coronam a Georgio de Bozyn cum omnibus clenodiis sibi consignatam fuisse, (c) testes nominat
Bene-

(a) Ap. Dobn. Mon. T. I. p. 204. (b) Libr. XXX. p. m. 438. (c) Ap. Pray Hier. T. I. p. 321.

Benedictum, episcopum ecclesiae Iaur. Deseu de Lo-
fontz, uaiuodam Transsiluanum; C. Stephanum de
Báthor, iudicem curiae regiae cet. Wissegradini,
fer. II. prox. ante festum B. Martini E. et C. A. D.
MCDXXXIX. Eadem ad Lucouientes Morauos de
 morte sui mariti has litteras dedit: (a) „ Elisabeth,
 „ D. gr. regina Hung. Dalm. Croat. etc. heres re-
 „ gni Boh. — Quum vestrae fidelitati ac omnibus
 „ notum esse sciamus, quod ius hereditarium et
 „ legitimae successionis nobis et pueris nostris in-
 „ fallibiliter et plenarie competit; — confidimus,
 „ — non permittetis nobis et heredibus nostris ali-
 „ quam inferri iniuriam. — Idcirco fidelitatem V.
 „ rogamus affectuose, vt ad hoc diligenter coope-
 „ rari velitis, vt nullus actus nouus incipiatur per
 „ aliquam festinantiam. Dat. Budae, VII. die men-
 „ sis Decembris, anno dom. MCDXXXIX.“ (b)

§. X.

WŁADISŁAVS I. REX XXXII.

Coepit A. C. 1440. desit A. C. 1444.

A. C. 1440. Wlad. I. Ind. 3. P. 27. M.

Wladislaus I. inter Poloniae reges hoc nomine
 III. natus erat patre Wladislao Iagellone, cui Hed-
 uigem, Ludouici I. Hungariae regis, filiam iuniorem,
 nuptam fuisse, iam alias diximus. Sed quia nec ex
 hac, anno 1399. defuncta, nec ex duabus aliis
 vxoribus

(a) Ap. Kapr. H. D. P. I. p. 225. (b) Hist. Cr. T. XII. p.
 920.—932.

vxoribus vllum heredem sustulit; quartam tandem, ut Dlugossus perhibet, (a) *Sonkam virginem, filiam Andreae, — ducis Kioniensis, — transmutato nomine, Zophiam appellatam*, connubio sibi copulauit anno 1422. ex qua, (b) *filius illi primogenitus — Wladislaus, die mensis vltima Octobris, in vigilia SS. OO. Cracouiae natus est* anno 1424. Wladislao patri mortuo decennis successit anno 1434. nonnisi 15. annos natus, quum Albertus, Hung. rex, e viuis excessit. Post huius obitum proceribus Budae de regni statu deliberantibus, Elisabetha vidua, Hung. regina, coniunx illi cum corona Hungariae destinabatur, ut Dlugossus refert, (c) *ea conditione apposita, ut Elisabeth ducat in uxorem, non obstante, etiamsi filius ex ea, iam ex Alberto foeta, nasceretur: de quo ordinatur: „ ut patrimonio suo, „ ducatu Austriae et regno Bohemiae, si annos „ adolescentiae transcenderet, sit contentus: „ qua conditione tradita, nuncii, ad regem Poloniae ituri, tunc et designantur, et designati mittuntur.* Hae tamen nuptiae numquam coaluerunt; quod Elisabetha, nato Ladislao Postumo, pacta dissoluerit: cuius subinde filiam Elisabetham, Casimirus, Wladislai huius frater, matrimonio sibi iunxit, ac ex ea Wladislaum II. Hung. regem, suscepit. Interim Elisabetha, vacante dignitate regia, regnum administravit, regiamque potestatem exercuit, ut quum Ciliensibus comitibus, e quibus ipsius mater Barbara fuit, Kofztanitzam donauit, (d) *Budae, in festo B. Paulli I. E. anno dom. MCDXL.* Quia hic Elisabetha se dicit *ad regiae, paternae scilicet sublimitatis solium, tamquam veram et legitimam regni huius*

(a) Libr. XI. col. 371. (b) Ibid. col. 378. (c) Libr. XII. col. 719. (d) Ap. Kollar. Hist. Dipl. p. 213.

ius heredem, euotatam; Kollarius miratur, *eam in catalogo regum nostrorum passim emitti*. Sed enim plures alias in catalogum regum nostrorum inferere deberemus; si forent omnes inferendae, quae regni heredes dicebantur. Certe Maria, Stephani V. filia, ius sibi hereditarium in Hungariam arrogauit, ac illud in Carolum Martellum, filium suum, transulit; quin vel illam, vel istum Hungari regem vnaquam agnouerint. Agnouerunt Iadrenses (a) et Elisabetham, Ludouici viduam, et Mariam ac Heduigem, eiusdem filias, *iure naturae et successorio ac ordine geniturae, seu debitae successionis, in dicto regno Hung. successisse*; non tamen vnaquam agnouerunt Hungari, has omnes regibus accensendas fuisse; sed eam solum, quae regio more coronata fuit. Nec enim ad regiam appellationem sufficit, vel ius ad regnum habere, quod Heduigis quoque habuit, vel regnum administrare, quod et Elisabetha, Ludouici mater, et Ioannes Hunyadius administravit. Mariam constat, et ab archiepiscopo Strigoniensi regio more coronatam, et ab Hungaris nomine regis appellatam fuisse; non item Elisabetham, quam Vespriemiensis dumtaxat episcopus coronauit. (b)

CXCII. Sed demus, Elisabetham aliquod ius ad regiam dignitatem ex aliqua, quae iactatur, promissione procerum accepisse; huic tamen illa iuri post Alberti mortem vltro renunciauit, quum ad constituendum et accersendum alium regem consensit, his verbis: (c) „ — Ipsa sum, vt nostis, „heres

(a) Ap. Luc. L. V. C. II. p. 406. (b) Hist. Cr. T. XIII. p. 1.—19. (c) Ap. Turotz, Chron. P. IV. cap. 28.

„ heres regni; non ergo ad dirigendas regni habe-
 „ nas meam sufficere arbitror virtutem. — Quaerite
 „ igitur vobis principem, qui ad portandas tanti
 „ regni curas femina magis idoneus sit. — “ Hoc
 Elisabethae consensu habito, missi sunt in Poloniam
 legati, Ioannes episcopus Segniensis, Matko banus,
 Ioannes Perenius, Emericus Martzalius, Ladislaus
 Palotzius, quos Dlugoffus asserit (a) *in diebus Se-*
ptuagesimae (24. Ian.) *venisse Cracoviam.* Wladi-
 slaus, audita horum legatione, longa deliberatione,
 non vsus, iam conditiones scribebat, quum nun-
 cius ex Hungaria retulit, Elisabethae Ladislaum Post-
 umum Comaromii 22. Febr. natum esse. Quia ta-
 men oratores Hungariae docuerunt, etiam hoc ca-
 su reginam in alium regem consensisse; his condi-
 tionibus oblatum sibi regnum Wladislaus acceptavit:
 (b) *I.* „ Vt illud ab inuasionem Turcorum tueatur
 „ et defendat. *II.* Vt Elisabeth accipiat in vxorem,
 „ et filias eius duas sponset dignis viris, dote con-
 „ uenienti assignata; filium vero eius postumum
 „ Ladislaum pro adeptione regni dumtaxat Bohe-
 „ miae, dum adoleuerit, omnibus modis adiu-
 „ uet. *III.* Vt filii Wladislai regis, quos ex Elisa-
 „ beth suscepit, regni Vngariae sint heredes, qui-
 „ bus non exstantibus, Wladislao mortuo, filius
 „ Alberti, postumus Ladislaus, in regnum Vng. suc-
 „ cedat. “ Ignorauit, vel dissimulauit Dlugoffus
 alias oblata regni conditiones de discutiendis in Rus-
 siam et Podoliam iuribus, de Scepusiensibus oppidis
 post coronationem restituendis regno Hung. absque
 quauis pecuniarum, in quibus pignori obligata fue-
 runt, exactione; quarum loco secundam et tertiam
 ex.

(a) Libr. XII. col. 720. (b) Ibid.

ex se commentus est, vt ostendunt tabulae (a) *Cracouiae*, 8. die mensis Martii, anno dom. 1440. confectae, 20. procerum Poloniae sigillis munitae. (b)

CXCIII. Atque hinc apparet, male Dlugoffum, licet scribat, post acceptum de Ladislai Postumi natiuitate nuncium, in electionem Wladislaum consensisse; hunc tamen consensum ad dominicam II. quadr. seu 21. Febr. defigere. Nam Ladislaum 22. Febr. natum esse, testimoniis fide dignis constat. Turotzius nec natiuitatis Ladislai, nec consensus Wladislai die definito; prius tamen illum natum, quam consensisse hunc affirmat. (c) Quod ex ipsis oratorum Hungariae litteris, (d) *dati Cracouiae*, nona die mensis Martii, anno dom. 1440. certum est; quum illi testentur, electionem Wladislai die hesternae, seu VIII. Martii, peractam ac in templo Cracouiensi promulgatam fuisse. Nec vero Turotzi fides de consensu reginae sollicitari potest; quum eiusdem Elisabethae consensus hae laudatorum oratorum tabulae ter meminerint. Postquam autem Elisabetha, recens nati filii caritate victa, suum hunc consensum retractasset; Wladislaus veritus, ne Fridericus, 2. Febr. hoc anno Rom. rex electus, Ladislai Postumi, sibi proximo sanguine iuncti, partes tuendas susciperet; nouam illi dignitatem gratulatus, qua ratione regnum Hung. consequutus sit; litteris ad eum hoc anno datis explicuit, (e) *Cracouiae*, XII. mensis Martii. Quia vero hic ille scribit, *vacasse regnum Hungariae post obitum Alberti*; regiam dignitatem Elisabetham non

T 2

ha-

(a) Explic. Iur. Hung. p. 18. (b) Hist. Cr. T. XIII. p. 20.—
30. (c) Chron. P. IV. cap. 28. (d) Ap. Dogiel. T. I.
p. 53. (e) Ap. Pray Annal. P. II. p. 340.

habuisse, dubio procul indicat. Dlugossius refert, duos Hungariae legatos, Matkonem banum et Emericum Martzaliū, ex Polonia reuersos, in signum mutatae suae voluntatis ab Elisabetha captos fuisse; (a) sed *Wladislaum, P. R. nihil hac nouitate motum, expeditionem suam et transitum in regnum Hung. — maturasse; — (b) sabbato in die S. Adalberti in Kiesmark peruenisse. — Simonem Rozgonium, Agriensem episcopum, Eperiesino recepto, (c) ad Wladislaum regem in Kesmark cum pluribus baronibus Vngariae venisse; — Duodecim diebus Wladislaum — mansionem suam in Kesmark continuasse; — quarta mensis Maii egressum inde fuisse. Tum descripto minutim eius per Cibinium, Eperiesinum, Rozgonium itinere, subilcit, eundem Simonem cum Hungaris et Polonis militibus ad Budam occupandam praemissum esse. Quod difficile non fuisse, Turotzius his verbis innuit: (d) *Eisdem in diebus Laurentius de Hederwára palatinus, antiqua regni de consuetudine, Budense castrum conseruabat, qui venienti nouo principi non minus obuiam exiuit, portisque castri eiusdem ultro patefactis, illum regalia ad atria, velut regem Hungariae, introduxit. Id quidem ille sequenti capite factum ait festo pentecostes; sed Dlugossius, qui dies et loca totius itineris accurate notat, verisimilius asserit, Wladislaum in vigilia pentecostes Agriam peruenisse, — et dies festos pentecostes illic egisse. (e)**

CXCIV. Et certe, si festo pentecostes Wladislaus iam Budae fuisset; vix Albae, loco tam vicino,

(a) Libr. XII. col. 723. (b) Ibid. col. 729. (c) Ibid. col. 731. (d) Chron. P. IV. cap. 28. (e) Hist. Cr. T. XII. p. 30.—58.

no, Ladislai coronatio, hoc eodem die, peragi potuisset. Dlugossus igitur Turotzio melius tempora hunc in modum digessit: (a) *Ladislao R. P. in Agria agente, Elisabeth, Vng. regina, infantem suum Ladislaum, vix trimestrem (quadrimestrem Turotzius male facit) die dominico pentecostes in Albaregali, quae tunc per Nicolaum Fristaczki de Vlag (Vjlak) tenebatur, cum corona, per eam clandestine ex Wissegrad recepta, per Dionysium card. et archiep. Strigonien. — coronari procurat, et inde in Laurinum — se recepit. — Nouitas ipsa, ad Wladislaum R. P. in Agriam feria II. pentecostes perlata celeri nuncio, quamvis fuisset sibi et suis consiliariis Poloniae et Vng. molesta; non tamen illos ab incepto suo cauit itinere. Wladislaus igitur, feria III. pentecostes Agria profectus, primum in Kompolt, alterum prandium in Hatuan sumit: quumque feria V. pentec. versus Budam tenderet; Hederuarium palatinum cum duobus filiis et pluribus Hung. proceribus, nobilibus ac ciuibus Budensibus obuiam habuit. Sabbato in vigilia SS. Trinitatis, (b) — intrat Budam, — agitque illic corporis Christi sollemnem diem. Huc subinde venisse testatur, (c) Matthaeum Tallotzium, e vinculis elapsus; Nicolaum Vjlakium, Ioannem Perenium, Ladislaum Chehium, Ioannem Losontzium, Ioannem Hunyadium, Emericum Martzaliu, Stephanum Rozgonium, Reinboldum Frangepanium, Pancratium de S. Nicolao, Michaelen Ország, Simonem Palotzium, Franciscum Chakium; Ioannem, archiep. Colocensem, episcopos Vesprimien. Quinqueeccles. Transsiluan. Zagrab. Nitrien. Sirmien. Vacien. Varad. Chanad. Simon Agr.*

T 3

et

(a) Libr. XII. col. 733. (b) Id. ibid. col. 734. (c) Ibid. col. 735.

et Ioannes Segnien. iam prius illic erant. Dionysius card. fide data, ferius aduenit. *Venerant etiam, inquit Turotzius, (a) ad hanc congregationem, salui conductus sub praerogativa, D. Dionysius card. et Ladislaus de Gara banus pluresque magnates, quos reginalis magis, quam noui regis dilectio trahebat. Etiam Nicolaus Vjlakius, antea reginae partes sequutus, quum Wladislai regis fauentium agmina crescere ac reginalem partem parui pendi vidit; a regina defecit. Benedictum, Iaurinensem episcopum, Elisabetha blandis verbis et promissis circumuenit, vt Iaurinum sibi cederet. Ad quod recipiendum missi Hungari Polonique milites ex fuga comitem Ciliae retraxerunt. Vlricus hic fuit, non Fridericus, yt eum Dlugossus vocat, eiusque capti gloriam male Polonis vindicat, quam Wladislaus Simoni Rozgonio, litteris anno sequente datis, adscribit.*

(b)

CXCV. Tot procures, Budae congregati, (c) decretum ediderunt, *ipso die SS. Petri et Paulli ap. quo communi consensu Wladislaum in regem receperunt; ac Ladislai Postumi coronationem resciderunt. Affirmant etiam illi, per obitum Alberti regnum Hung. vacasse; testantur igitur, Elisabetham auctoritatem regiam non habuisse. Testantur idemtidem, illam ad euocandum Wladislaum consensisse; secundum voluntatem reginae praetaetae, et suam collaudationem et consensum, ipsi reginae et proli, quam tunc in utero gestabat, ex ea, siue in sexu masculino, siue femineo generandae, sufficienter exstitisse prouisum. Aeneas igitur Sikuius, falso rumore deceptus, male scribit, (d) Elisabetham eam legem adiecisse, vt,*

fz

(a) Chron. P. IV. cap. 30. (b) Hist. Cr. T. XIII. p. 56.—

84. (c) Ap. Dogiel. T. I. p. 54. (d) Epist. LXXXI.

si marem interea pariat; nulla legationi vis inst.
 Verus igitur et legitimus Hungariae rex Wladislaus
 euasit, nihilque iam illi, nisi coronatio, defuit.
 Hac in 17. diem Iulii decreta, *postquam*, inquit Tu-
 rotzius, (a) rex Wladislaus castro Wissegradiensi po-
 titus est; mox sacrae tentata sunt conseruatoria co-
 ronae, in quibus res quaesita dum non inuenitur;
 magna in regis Wladislai parte turbatio orta est.
 Iam prius autem scripsit, (b) Elisabetham, dum
 post Ladislai coronationem Visegradum iuisset, in
 repositione ipsius coronae barones, sibi circumstantes,
 fefellisse. Simulauit enim, inquit, se illam suum
 in locum reponere; feminea tamen quadam astutia
 eandem surripiens, erga se occultauit, et per baro-
 nes ipsos antiqua tanti thesauri conseruatoria, suis
 vacua conseruare solitis rebus, sigillare fecit. Si
 verum est, quod Dlugossus scribit, (c) arcam, in
 qua diadema sacrum asseruabatur, dum Albam ad-
 ducta fuisset, temeratam et sigilla omnia, quibus
 munita erat, fracta fuisse; non fraudem Elisabetha,
 sed violentiam et Ladislai de Gara conniuentiam
 ad hunc raptum adhibuit. Dlugossus subinde,
 quali corona, quali pompa Wladislaus fuerit inau-
 guratus, prolixè describit; paucis Turotzius, regem,
 inquit, eundem corona, pro ornamento reliquiarum
 S. regis Stephani olim miro operis artificio praepa-
 rata, magno cum tripudio coronarunt. Ipso coro-
 nationis die procures Ladislao Postumo regiam di-
 gnitatem abrogarunt, et Wladislaum verum ac le-
 gitimum esse regem, publico diplomate declara-
 runt. (d) Wladislaus quoque historicam seriem facto-
 rum prolixo diplomate complexus est, (e) in Alba-

T 4

regali

(a) Chron. P, IV. cap. 31. (b) Ibid. cap., 29. (c) Libr.
 XII. col. 741. (d) Ibid. col. 744. (e) Ex autographo.

regali, in festo B. Eliae prophetae, (20. Iulii) anno dom. 1440. Quem 27. Iulii Budae iam fuisse, patet ex diplomate, quo stirpi Pethö quamdam domum Budae donat, (a) *ibidem Budae, feria IV. prox. post fest. B. Iacobi ap. an. dom. 1440.* Ibidem adempta Posoniensibus bona, quod Elisabetham receperint, Orszagiüs contulit, in festo ad vincula S. Petri ap. (b)

CXCVI. Elisabetha, Posonii diutius manere non ausa, post Wladislai coronationem et communem plerorumque Hungarorum in eum consensum, ad Fridericum imper. se contulit. *Diuertit tandem*, inquit Turotzius, (c) *regina abhinc simul cum filio et corona ad Fridericum, Rom. regem et Stiriae ducem; frater enim puero erat (Alberti II. pronepos ipse, Ladislaus abnepos) et utrumque, tum filium pro educatione, tum coronam pro conservatione, illi dedit.* Tertio nōnas Aug. nondum Posonio discesserat, quo litteris ibidem testata fuit, (d) *se pro bis mille et 500. florenis, quos a Friderico accepisset, coronam Hung. pignori dedisse. — Rursum quinque florenum millia mutuo accepta; et tabulae ad tollendam, quae tutoris causa exorta erat, dissensionem confectae, his conditionibus: (e) „Albertus tutoris nomen Friderico cederet: Elisabetha prouinciae ordines ab iurisiurandi religione, qua se Alberto prius obstrinxerant, solutos, litteris significaret: hi contra nouum Friderico sacramentum dicant: Fridericus vicissim re consilioque regiam nam iuuet: — eius dos salua ac integra esset: „Ladi-*

(a) Ex MSS. Cornid. (b) Hist. Cr. T. XIII. p. 84. — 104.

(c) Chron. P. IV. cap. 29. (d) Ap. Pray Ann. P. II. p.

340. (e) Ibid. p. 350.

„Ladislaus infanti 5000. florenum — consignentur.“
Elisabetha per litteras seorsim 23. Aug. scriptas de
5000. flor. conceptis verbis fidem fecit, expungendi-
que nominis rationes rursus in regni coronam reiecit.
— Nouem iterum aureorum numum millia, IX. kal.
Dec. ab Friderico petiit accepitque. His IV. non.
Dec. duo eiusdem aeris millia adiecta. Rursus anno
 sequenti V. kal. Martii Sopronium 8000. aureorum
 Friderico pignori datum. Haec subinde duplo ma-
 iore summa, Mathia Coruino regnante, resarcien-
 tur. Inter ciuitates, Elisabethae partes amplexas,
 Dlugossus numerat (a) Cassouiam, Bartsam, Leut-
 schouiam, Eperiesinum, Cremnicium, quas cum
 superiore Hungaria Ioannes de Giskra, cum Hussitis
 Bohemis in Hungariam euocatus et comes Sarosien-
 sis creatus, contra Polonos tutabatur. Croatiam
 Ladislaus de Gara; Transdanubianas partes Vlricus
 Cileiensis in officio continebat. Huic Wladislaus
 Stephanum Banium; Giskrae Nicolaum Perenyium
 opposuit. Contra Ladislaum de Gara Ioannem
 Hunyadium et Nicolaum Vjlakium cum exercitu
 misit, qui, hostibus ad Czikador fusis fugatisque,
 Turotzio teste, (b) per regnum ferebantur, et quos-
 que regnicolas regis Wladislai iugo obedire cogebant.
 Spe melioris successus in Hungariam redux Elisabe-
 tha, clam cum Stephano Rozgonio de Posoni-
 ensi castro sibi dedendo transegit, (c) Posonii in
 festo B. Lucae euang. anno dom. 1440. Quem ta-
 men, tamquam sibi fidelem, litteris, in festo B.
 Elisabeth Budae datis, Wladislaus dilaudat. (d) Vl-
 ricus, ab eodem liber dimissus, in festo B. Marti-
 ni, E. et C. A. D. 1440. litteras dedit Strigonii,
 cuius

(a) Libr. XII. col. 754. (b) Chron. P. IV. cap. 32. (c) Ex
 MSS. Cornides. (d) Indid.

A. C. 1441. Wlad. 2. Ind. 4. P. 16. A.

CXCVIII. Quum Hunyadius tanta virtute Turcarum incursiones a ditionibus Hungariae repellit ac arcet; Wladislaus, in otio delitescere turpe ratus, acceptis e Polonia nouis auxiliis, teste Dlugosso, (a) *Buda circa festum purificationis S. MARIAE in campum processit. — Nec prius ex campo discessit; donec omnes ciuitates et castra, ab Australibus in Hungariae confiniis occupata, in suam potestatem et obedientiam vi vel deditio redegit. Vlticum, Ciliae comitem, anno superiore liberum ea conditione dimisit, (b) ut nihil inimicum in Hungariam se moliturum reginae causa promittat. Ille tamen, promissorum immemor, collatis cum regina consiliis, Wladislai copias ad Sabariam dissipauit, ipsumque Banium opera Vitouetzii ducis intercepit. Iniuriam hanc Wladislaus concoquere coactus, pacem iterum Cileiensibus obtulit cum hoc epilogō: (c) *Datum in descensu nostro campestri exercituali, prope oppidum Sabariae, feria V. prox. post festum paschae domini, anno eiusdem MCDXLI.* Postquam Wladislaus inferiori Hungariae pacem utcumque restituisset; ad superiores regni partes recuperandas curam omnem conuertit, et copiis, ad occupandam Cassouiam missis, Ioannem Czapekium Bohemum praefecit; sed is, obsidionem soluere coactus, non multo post etiam Kesmarkinum, proditione cuiusdam ciuis et cessatione Polonorum, amisit. (d) Rosnauiam tamen Poloni paucos intra dies receperunt, (e) et omnes Bohemos, illic comprehen-*

(a) Libr. XII. col. 757. 759. (b) Ap. Pray Ann. P. II. p. 350. (c) Ibid. p. 352. (d) Dlug. L. XII. col. 761. (e) Ibid. col. 763.

prehendentes, obtruncarunt. Bohemos quidem, non tam Ladislai partes tuendi studio, quam praedas agendi desiderio, regnum hoc inuasisse, patuit inde, quod Ladislao rege iam ab omnibus agnito, nondum illi Bohemiam suam repetierint, grassarique desierint. Haec inter Elisabetha, quorundam consilio persuasa, filium et coronam a Friderico repetiit, (a) *Posonii, fer. VI. post D. Francisci, anno MCDXLI.* Sed enim Fridericus neque pinguem tutelam dimittere, neque coronam sine pecunia reddere voluit. Vt autem Elisabetha plerumque Posonii se detinuit, vnde facilis in Austriam, siquid discriminis impenderet, receptus foret; ita Wladislaus ut plurimum Budae moras traxit, vnde facilius in omnem regni partem providentiam suam porrigere posset. Hinc ille litteras dedit, *die sabati prox. post festum S. Stanislai; in festo ascensionis domini; in festo natiuitatis B. Ioannis B.* Nona Sept. Georgio de Rozgon aliisque plenam agendi potestatem de pace cum Elisabetha concessit; sed nihil obtinuit ab illa, quae tunc Posoniense castrum obsedit. (b)

A. C. 1442. Wlad. 3. Ind. 5. P. 1. A.

CXCIX. Res profecto mira videri potest, eundem illum Stephanum Rozgonium nunc strenue Posoniensem arcem aduersus Elisabetham propugnasse, qui secundum pactiones eidem illam anno superiore circa festum S. Georgii dedere debuisset. Videtur igitur ille, facti poenitens, Wladislao rursus adhaesisse; nec tamen Elisabetha spem arce potiundi

(a) Ap. Pray Ann. P. II. p. 357. (b) Hist. Cr. T. XIII. p. 148.—180.

tiundi propterea posuit, admotisque nouis machinis, obsidionem fortiter vr̃sit. Interim Wladislaus, a Stephano de Rozgon interpellatus, cum suis copiis accurrit; et parum abfuit, quin ipsam ciuitatem occuparet, vt Dlugossus perhibet, (a) *ex qua Elisabeth regina, audito Wladislai regis aduentu, Viennam profugerat.* Soluta tamen obsidione, propter inopiam pabuli, vix Wladislaus Budam rediuit; quum illa quoque Posonium reuersa iam ibidem die 5. mensis Aprilis ad constantem fidem Petrum Zopa per litteras adhortabatur. Wladislaus, exactis Budae paschalibus feriis, suos Polonos, egregiis muneribus cumulos, in patriam remisit, quos Agriae Telephus Bohemus, somno sopitos, inuasit; sed hi spoliis onustum persequuti, Hungaris adscitis, plerosque Bohemos interfecerunt; ipsum autem dūcem captum Agriam reduxerunt. Simon, Agriensis episcopus, irruptionem hostium in suam urbem vlturus, et ipse cum Hungaris et Polonis in Schemnientes, Elisabethae partes amplexos, irruit, iisque feria V. pentecostes erasis, contra Ioannem Giskram copias suas promouit. Sed quum alter alterum aggredi non fuisset ausus; *post multos hinc inde labores, Simon, Agr. episcopus, Ioannem Iskra sibi conciliat; nec in amicum, sed in generum et affinem illum recepit, et neptem suam germanam, filiam Georgii de Wronow (Rozgon) sibi in uxorem desponsat.* — Telephum et omnes Bohemos et Austrienses, ante Agriam captos, soluit: e regione quoque Vngari omnes per Iskram dimittuntur. (b)

CC.

(a) Libr. XII. col. 764.—767. (b) Hist. Cr. T. XIII. p. 180.—190.

CC. Postquam praecipua haec vtriusque factionis capita hanc amicitiam iniuerunt; ad pacem inter Wladislaum et Elisabetham conciliandam via magis complanata fuit. In hunc praecipue finem Eugenius pontifex Iulianum cardinalem in Hungariam legatum destinavit, qui mense Iunio Budam profectus, ac Wladislaum ad pacem propensum expertus (a) *ad Elisabeth reginam in Iaurinum se contulit.* — Ipsa vero — non minori affectione pacem accipere summo opere expetebat, propter nimiam, qua premebatur, egestatem. Tum etiam Wladislaus, a Iuliano persuasus, Iaurinum iuit, ubi datis dextris inuicem, notitia contracta, — de pace laboratum est: — et tandem — pax ipsa, rege et regina ultro consentiente, aequis conditionibus fuit conclusa, 25. No-
uembris 1442. Quare locus et dies conuentus, quem Elisabetha Posonii, fer. IV. prox. ante fest. S. Laurentii M. A. D. MCDXLII. constituit in haec verba: (b) *Ad diem XIV. post festum natiuitatis B. M. V. proxime adfuturum absque dolo constituemur* — in castro Strigonienfi, vel immutatus fuit, vel tractatus pacis Strigonii quidem inchoatus, sed Iaurini fuit absolutus, ubi die 3. mensis Oct. Elisabetha litteras ad Bartenses; Iulianus autem ad Stokium praepositum 2. Decembris dedit. (c) Nec multo post Elisabetha diem suum ibidem obiit, secundum chronicon Austriacum, (d) *feria IV. ante festum S. Thomae ap.* secundum Bartosium, (e) *in vigilia natiuitatis domini.* Turotzius nondum pacem plene coaluisse, quum regina seu 19. seu 20.

(a) Dlug. L. XII. col. 768.—770. (b) Ex MSS. Wagnerianis.
(c) Ap. Wagn. Scep. P. III. p. 61. (d) Ap. H. Pez. T. I. col. 735. (e) Ap. Dobn. Mon. T. I. p. 206.

20. Decembris obiit, ita perhibet: (a) Iulianus *dum pro pace laborat; regis Wladislai et reginae Elisabeth cordibus non parum ad concordiam inclinatis, pace ipsa nondum composita, regina diem obiit.* (b)

CCI. Dum in Hungaria pacis negotium magnis animorum motibus agebatur; in Transsilvania bellum cum Turcis ab Ioanne Hunyadio, barbaris bis ingenti clade profligatis, prospere gerebatur. Amurates, clade suorum irritatus, quam idem Hunyadius ad Belgradum iis intulerat; sub initium anni huius *Mezethem* Chalcocondylae, (c) *Mezethbegum* Turotzio, (d) ad vastandam Transsilvaniam misit. Hunyadius, Alba cum paucis egressus, structas ad S. Emericum insidias aegre primum effugit, ubi Georgius Lépesius, Transsilvan. episcopus, occubuit, ut epitaphium testatur, 18. Martii 1442. Sed Hunyadius paullo post maioribus contractis viribus, et, quod ad ictum se destinatum ab exploratore didicisset, mutatis cum Kemenyio vestibus, armis et equo, magnam hostibus stragem intulit, caesoque Mezethbego, fugientes persequutus, Valachiam et Moldaviam, quae Turcis se subiecerat, Hungariae rursus restituit. His mense Martio patrat, mense Iulio, *quum caesar Turcorum Amrates* (e) *toties in suis actam stragem, tantamque suae gentis mortalitatem ac terras Moldaviae et Transalpinam illorumque dominos a se discessisse cogitabundus intra se saepius reuoluit; — octoginta suae gentis millia — coadunavit.* Hac multitudine Hunyadius minime territus, ad Vaskapu hostibus obuiam iuit,
et

(a) Chron. P. IV. cap. 39. (b) Hist. Cr. T. XIII. p. 190.—
208. (c) Ap. Stritter. T. III. p. 711. (d) Chron. P. IV.
cap. 37. (e) Id. Ibid. cap. 38.

et cunctis seculis memorabile — bellum commisit, et adeo feliciter confecit, ut, teste Ladislao Postumo, (a) antiquis quibusque imperatorum triumphis non impar fuerit. Territus his tantis cladibus Amurates, pacem Wladislao per suos legatos obtulit. (b)

A. C. 1443. Wlad. 4. Ind. 6. P. 21. A.

CClt. Wladislaus negata Turcis pace, qua vel Belgradum, vel annum tributum Amurates sibi deposcebat, ipse bellum barbaris illaturus, nequid inimicum ab tergo relinqueretur, cum imperatore Friderico quum pacem non potuisset, inducias in biennium confecit. (c) His induciis Giscram inclusum non fuisse, patet inde, quod Agriense capitulum testetur, (d) *anno dom. MCDXLIII. circa festum assumptionis MARIAE, — Simonem de Rozgon episcopum — contra aemulos regni, videlicet Gyscam et alios Bohemos ad comitatum Scepusiensem — ascendisse.* Non magnam igitur ille rationem affinitatis, cum Rozgonio contractae, habuit, qui per oratores suos declaravit, se non esse tam vxorium, *ut propter feminam regem deserat.* Postquam in comitiis, Budae festo pentecostes, seu IX. Iunii, celebratis, bellum in Turcas communi consensu decretum fuisset; ipse rex Wladislaus, ut Turrotzius scribit, (e) *tertio sui regni anno, grandi et sumtuoso egregiorum militum conflato exercitu, una cum ipso D. Ioanne vaiuoda, pluribusque sui regni prin-*

(a) Ap. Kapr. H. D. P. II. p. 371. (b) Hist. Cr. T. XIII. p. 213.—228. (c) Dlugossus L. XII. co'. 775. Aen. Silu. Epist. 60. (d) Ap. Wagn. Scepus. P. III. p. 35. (e) Chron. P. IV. cap. 40.

principibus, et Georgio, regni Rasciae dezpoto
 siue rege (is enim ad tunc sui principatus de do-
 minio eiektus erat) Danubium transiens, peruenit
 in Rasciam: ibique regi Vladislao statua figere castra,
 ac terras — ad interiores summum sui exercitus
 capitaneum, D. Ioannem de Hunyad vaiuodam, mit-
 tere placuit. Disiuncta igitur exercitus sui omni ex-
 peditione binas in partes, partem illam, quae armo-
 rum gestamine militarique virtute praestabat, ipsi
 domino vaiuodae assignauit. Quid Hunyadius illic
 egerit, ipse his litteris, ad Vilakium collegam da-
 tis, exposuit: (a) „ — — Nos de mandato et licen-
 „ tia regiae maiestatis, electis XII. millibus equi-
 „ tum, et vestra simul nobiscum familia, relictis
 „ castris penes fluuium Morua, ipsum fluuium trans-
 „ iuimus explorando, si forte alibi hostium late-
 „ rent copiae: dumque ad ciuitatem, Nissa voca-
 „ tam, venissemus; illam obtinuimus; et ablatis
 „ primo praedis, eandem succendimus: dum-
 „ que aliquantulum ibidem moraremur; ecce ap-
 „ paruit quidam princeps — Ezebeg, quem satis
 „ leniter fregimus et fugauimus: quo fugato, ite-
 „ rum comparuit nouus basia, qui similiter fugatus
 „ et confractus fuit: tertio comparuit Twrhanibegh,
 „ quem similiter, sicut et alios, fugauimus. — Ve-
 „ rum, dum eos insequeremur, et in quamdam
 „ ciuitatem pro copia aliquantulum pausaremus;
 „ nunciatum nobis erat per exploratores nostros,
 „ quod quidam alius magnus et validus exercitus
 „ a latere sinistro veniret, et iter suum vsque ca-
 „ stra D. regis dirigeret: cui etiam exercitui omnes
 „ isti fugati, quos supra nominauimus, iam con-
 „ iuncti erant. Quo intellecto, statim et sine mora
 „ versus

a) Ex MSS. Bibl. Quinqueoccl.

versus castra regia nos conuertimus: vbi, nobis
 redeuntibus, conspeximus in planicie vnus cam-
 pi magnam et terribilem hostium multitudinem;
 ita quod aliquantulum in animo commoti fue-
 ramus. Sed tandem, resumto animo, acies mo-
 re bellico ordinauimus: et sine aliqua mora cum
 eisdem conflictum habuimus, qui, virtute magna
 diuina, per nostros et per vestros, debellati sunt,
 sine magna offensione nostrorum et laesione. —
 — Datum in descensu Ragali Scaronensi, — octa-
 uo die OO. SS. anno dom. MCDXLIII. Iohannes
 de Hwnyad, Waiu. Transilu. (a)

CCIII. Si plures huiusmodi litteras nanciscere-
 mur; certiora de hoc bello promere possemus.
 Haec enim initia dumtaxat expeditionis erant, cui finis
 ante natiuitatis domini festum impositus non est. De
 ceteris praeliis ita Turotzius scribit: (b) *Quinque
 vicibus cum hoste, semper maiori in numero sibi oc-
 currente, ipse D. vaiuoda atrocissima gessit bella;
 et semper victor euadens, dum iam summa triumph-
 cum gloria redeando, rursus Rascianum attigisset
 agrum; — nunciatum est illi: „ innumerabilem Tur-
 corum super ipsum venire multitudinem. “* *Car-
 sar enim Amrates praedictus, tanta sui domini de-
 populatione admodum exacerbatas, — totam regni
 sui militiae speciem, — exigendae ultionis gratia,
 conuertire mandarat: et hanc sui exercitus expeditio-
 nem bassae Natuliensi, affini suo, commiserat diri-
 gendam. — Dum vero in tantum deuentum est, ut
 uterque hostis, nocturnae deditus quieti, illucescente
 aurora, mutuas tympanorum audiret resonantias;
 V 2 pertinuit*

(a) Hist. Cr. T. XIII. p. 228.—234. (b) Chron. P. IV. cap.

perstinuit ipse D. Ioannes vaiuoda, ne hostis, declinans ab eo, regia irrueret super castra. Mutens igitur impetus illius in se experiri, tantis belli ex laboribus fesso milite, ultro se illi obuiam dedit. — Quare bellum per utramque partem in multo vincendi desiderio committitur; non tamen aequa sorte pugnatum est. Nam ipse bassa et omnis ipsi commissa Turcorum multitudo mox in primo impetu congressus terga verterunt. — Hungari vero, hoc viso, multa cum seueritate persequabantur illos. — Plurima igitur ibidem millia paganorum (secundum aliquos 30. millia) cecidere. Nam Hungaris captiuare illos fastidio erat. — Durauit haec persecutio, a vespertina hora incipiens, mediani usque ad noctem. — Bassa ipse captus, ac in multa tubarum voce, noctis circa medium, in castra Hungarica, ad tentorium D. Ioannis vaiuodae deductus est. Sicque ipse D. vaiuoda, sex bellis praecipuis una et eadem via felici exitu gestis, quinti mensis, postquam de Hungaria exierant (Augusto mense) reuolutione transacta, exercitum, ingenti hominum rerumque praeda onustum, regia ad castra incolumem reduxit. Praeius ait (a) in medio victoriarum cursu Ioanni filium Mathiam Coruinum natum esse. Sed quia mense Martio; medium victoriarum Dacicarum et Bulgaricarum est intelligendum. (b)

A. C. 1444. Wlad. 5. Ind. 7. P. 12. A.

CCIV. Si quinque mensibus exercitus absuit; is nonnisi sub initium anni huius redire potuit. Iuanichius hoc bellum durasse scribit, (c) prope per
sex

(a) Ann. P. III. p. 13. (b) Hist. Crit. T. XIII. p. 255. — 268. (c) Ap. Schwandt. T. II. p. 16.

sex menses, a medio Augusti usque ad medium Februarii, vel paullo minus. Quia tamen Dlugossus ultimum cum Turcis praelium ad 24. et 25. Decembris defigit; (a) id non aliter conciliari potest, quam dicendo, regem Wladislaum, quiete necessaria quibusdam in locis interposita, nonnisi sub medium Febr. Budam reuersum esse. Dum, pergit ille, (b) reges et principes orbis catholici comperissent, Wladislaum regem et incolumem, et victorem ex Turcorum bello Budam rediisse; uniuersi illum aut nunciis et legatis insignibus, aut epistolis dissertissimis excipiunt: — qui, magnificatis operibus suis, ut secundam expeditionem facere in Turcos non differat, quibus possunt precibus et persuasionibus deprecantur; offerentes, se et terra, et mari subsidia laturos. Wladislaus igitur, comitiis pro die S. Georgii Budam indictis, censuit etiam Giscram aliosque Ladislai Postumi studiosos ad ea litteris euocandos, ne; dum foris bellum geritur; domi tumultus excitentur. Despotus etiam Rasciae, Georgius, praesens aderat; (c) quoniam suam rem agi videbat. Venit et Ioannes Iskra cum suis capitaneis, — — qui — „ nullam se conclusionem accepturum, rem spondebat, quae ius Ladislai pueri inficeret. „ Itaque pacis sufferentiis bellum domesticum suspendi placuit, in quas Iskra ipse cum suis omnibus et ciuitatibus rebellibus ultro consensit. Erat et aliud ciuilis belli maximum fomentum Pancratius de S. Nicolao: qui licet partes Wladislai regis sequeretur; raptio tamen viuere affuetus, — comprehensus est. — Hic, vinculis exemptus, amicitiam Ioannis de Hunyad ambiuit, et, mediatoribus adhibitis, obtinuit, ta-

V 3

bulis

(a) Libr. XII. col. 776. (b) Ibid. col. 780. (c) Ibid. col. 784.

bulis confectis, (a) in *Theomeosvár*; *secunda die festi B. Laurentii M. A. D. MCDXLIV*. Sub idem tempus, quo Hunyadius hanc amicitiam inibat, Wladislaus Georgium Castriotum, Scanderbegum a Turcis appellatum, in armorum societatem inuitavit, (b) *Budae*, — *tertio nonas Iulii, A. D. MCDXLIV*. De hac ille societate sibi gratulatus, ista promissa fecit: (c) „Ad ea 15. millia militum, quae in Macedonia finibus nuper Alybassam fugarunt, totidem adicere in animo est: cum quibus, quamprimum integrum fuerit, ad vos iter arripiam. — Ex Croia, pridie non. sext. MCDXLIV.” (d)

CCV. Priusquam hae litterae, quibus tam validum aduersus Turcas auxilium addicebatur, Croia Budam perlatae fuissent; foedus cum Amurathe percussum est. *Conuentio siquidem*, inquit Dlugossus, (e) *fuit occulta pactio inter Georgium, despotum Rasciae, qui restitutionem castrorum et dominiorum suorum, per Turcos occupatorum, vehementer flagrabat; — et Ioannem Woieuodam, ut pace — his conditionibus: „ut despotus castra et terras suas recuperaret, composita, Ioannes Woieuoda in omnia castra, ciuitates et villas, quae despotus in Ungaria obtinebat, succederet.”* Suspectam hanc narrationem facit, quod Hunyadius iis *castris, ciuitatibus et villis* numquam potitus fuerit, praeter castrum Világosvár, quod Georgius in praemium anni superioris victoriarum, et *quod anno in praesenti ipse Ioannes vaiuoda — similem magnum exercitum*

(a) Ex MSS. Cornides. (b) Ap. Pray Annal. P. III. p. 15.

(c). Ibid. p. 20. (d) Hist. Cr. T. XIII. p. 268.—307.

(e) Libr. XII, col. 774.

citum et potentiam Hungarorum cum suis propriis expensis, puta 63. millibus flor. auri, — leuauerit pro defensione eiusdem regni Hung. Hunyadio cessit, datis in hanc rem litteris (a) feria VI. post festum visitationis virginis gloriosae, anno domini 1444. Non igitur hanc donationem despota Hunyadio fecit, vt pacem componat, sed vt bellum in Turcas moueat. Quum igitur haec occulta despota cum vaiuoda collusio pacisque nundinatio fidem non mereatur; audiendus est potius Turotzius, qui rem hanc ita narrat: (b) Ex his tot illustribus triumphis totque praeclaris victoriis id accessit, vt caesar ipse Turcorum, Amrates, tremefactus, missis caducatoribus erga regem et D. vaiuodam, pro treugis antea laborarit. Rex igitur Wladislaus sollemnem suorum magnatum consuetudinem (conuentionem) in ciuitate Zegediensi celebrari statuit: ad quam undique multo regni nobili confluentes, venerunt et a caesare missi vaiuodae Turcorum duo, ad componendas treugas praescriptas idonei. Conuentum est ergo 10. annorum de induciis, et ex parte regis bassa Natuliensis dimittitur. Caesar quoque Turcorum castrum Zenderew ceterasque cunctas Rasciani regni munitiones, quot et quas ante haec Georgio despoto demerat, eidem restituit. Et hae quidem induciae iuramentis firmatae exstiterunt. Non tamen coram eucharistiae sacramento, quod a Turcis postulatum; sed ab Wladislao negatum fuisse, Callimachus perhibet. (c) Vt primum pacis tractatus ad Palaeologum, Graecorum imp. perlatus est; eam litteris, die 30. Iulii datis, dissuadere conatus, haec inter cetera scripsit ad Wladislaum: (d) „Ve-

V 4

„firo

(a) Ex MSS. Cornides. (b) Chron. P. IV. cap. 41. (c) Libr. III. p. m. 170. (d) Dlugoss. Libr. XII. col. 791,

„stro nomine et singulari auctoritate et felicitate
 „moti sunt principes et populi Christianorum:—
 „Caramanus— magnam Asiae orientalis partem ad-
 „eptus:— classis optata iam strictum (*Dardanel-*
 „*las*) debet obsedisse.“ Hanc classem Eugenius
 IV. PP. in Hellespontum eo fine misit, vt, occu-
 patis litoribus, Amuratem, qui contra Catamanum
 in Asiam exercitum traiecerat, Franciscus Alberinus
 card. a reditu prohiberet. Postquam plures eius-
 modi litteras a foederatis Wladislaus accepit, qui-
 bus rogabatur, (a) *ut virtutem praestet promissis:*
facile omnem Europam, — Turcorum caesare in Na-
tolia bellum — agente, recuperari posse; pudor ipsum
et Hunyadiū subiit. (b)

CCVI. Wladislaum, ad dissoluendum cum Tur-
 cis foedus suapte iam propensum, Iulianus card.
 iis potissimum argumentis, quae Palaeologi litterae
 continebant, ad bellum, in comitiis Budensibus
 decretum, contra Turcas gerendum, permouit, ad
 quod Wladislaus nouo iureiurando se cum proceri-
 bus obstrinxit, (c) *in Szegedin, IV. die Aug. A. D.*
MCDXLIV. Nec est credibile, Iulianum vel sibi,
 vel Hungaris persuadere seu potuisse, seu voluisse,
 quod Turotzius refert, (d) *promissam fidem infidel-*
ibus minime seruari debere. Sapientissimus enim il-
 le cardinalis, qui praeses concilii Basileensis per 30.
 sessiones fuit, ignorare non potuit, quod ipsum
 lumen naturae dictat. Melius igitur eius argumen-
 ta Callimachus ita proponit: (e) „Tamdiu forsitan
 „liberum

(a) Ibid. col. 790. (b) Hist. Cr. T. XIII. p. 307.—324.

(c) Ap. Dlugoff. I. XII. col. 793. (d) Chron. P. IV.

cap. 42. (e) Libr. III. p. 175.

liberum regi fuerat, de foederibus et pace cum Turcis agere; — quoad nulla externa ope adiutus, priuato sui regni discrimine ac sumtu publicam Christianae rei salutem — tutatus est. — Meminisse fidei debetis, quam Christianis, vocatis admissisque in partem belli, paullo prius, quam Turcis, obstrinxisse vos constat. — Licet igitur temere hosti fides danda non fuerit; quia tamen sociis prius de continuando bello, data fuit; haec minus, quam illa, violanda videbatur, Dlugoffus scribit, Wladislaum (a) circa 20. diem Septembris castra Szegedino mouisse; copias ad Orso-uam tertia die Nouembris traduxisse; hinc 6. die Bidinium peruenisse; castrisque quibusdam vi vel deditione captis 10. Nouembris ad Varnam fatale praelium commisisse. Quis credat, exercitum Szegedino 43. diebus Orso-uam, inde 7. diebus Varnam processisse? Sicut autem in itineris ratione, sic in praelii fortuna describenda Dlugoffus saepius errat. Ingentem Turcis metum aduentu Christianorum incussum esse, et ille narrat, et Chalcocondylas affirmat. (b) Postquam autem Amurates, Caramano victo, classariis vel elusis, vel corruptis victrices copias per Bosphorum Thraciae traduxisset, castrisque regiis ad Varnam admouisset; admodum cruentam illum victoriam retulisse, scriptores consentiunt; at in causa cladis assignanda non omnes conueniunt. Qui verbosam Dlugoffi narrationem legerit; (c) mirabitur, Wladislaum, apostemate non obstante, quod tamen, quo minus aciem instruere posset, obstitit, tam stupenda facinora patrare potuisse; mirabitur, Hungaris fuga dilapsis, Valachis praedae

(a) Libro XII. col. 798. (b) Ap. Stritter, T. III. p. 728.

(c) Libr. XII. col. 803.—812.

praedae tantum intentis, cum solis fere Polonis eundem tantam Turcarum vim tamdiu sustinuisse; mirabitur et fortassis indignabitur, Ioannem Hunyadi, orbis iudicio heroem magnum, tamquam timidum, fugitium, regis desertorem traduci. Sed enim Laonicus, scriptor Graecus et synchronus, neutrique partium addictus, hac ignavia Hungaros et Hunyadi liberat, meritisque laudibus eosdem cumulat. (a)

CCVII. Ad refellendam igitur Dlugossi calumniam, veramque cladis causam detegendam, iuvat Graecum hunc auctorem audire, qui, Varnensi praelio fuscè descripto, de Hungaris ita loquitur: (b) *Pannonες interim haud otio torpebant. — Ioannes Choniates (Hunniades) — proficiscebatur contra Asiae ducem. Plurimi Asiani, haud sustinentes Pannonum impetum; — fugam arripiebant, fugientesque persequiebantur Pannonες; tandemque dispersi, fugientibus, inhaerentes, Asiae exercitum terga dare coegerunt. — Ioannes, quum fugasset Asianum exercitum, accedebat ad regem Wladislaum, eumque diligenter monebat: „ vt eo loci cum suis militibus „ subsisteret; — donec, fuso — Europae exercitu, „ victor reuerteretur. — Haec quum dixisset, confestim accingebatur, vt praelium committeret cum Europae exercitu. — Cecidit ibidem Carazies, Europae dux; Pannonico gladio transfixus. — Erant apud Wladislaum regem viri complures, qui inuidebant Ioanni Hunniadi, eiusque virtutem aegris ferebant animis. Videntes igitur, eum pulchre et decenter bellum administrare, et in fugam egisse Asiae exercitum*

(a) Hist. Cr. T. XIII. p. 324. — 364. (b) Ap. Stritter. Mem. T. III. p. 733.

situm uniuersum, nec non generosissime dimicare contra Europae exercitum, — sic alloquuti sunt regem:
„ O rex! quid hic consistimus et expectamus Ioan-
„ nem, eique, quasi solus vir sit, permittimus
„ hostes vincere? “ Haec quum audisset rex ado-
lescens; — quam citatissimo agmine contendit ad ia-
nuas (ianitsaros) ubi Amurathes stabat. — Ibi equus,
quo vehebatur Pannonum rex, securi feritur, et —
corruit una cum sessore. — Peregrini (ianitlari) vi-
ctoria potiuntur, caputque Pannonum regis retulerunt
ad Amuratem. — Pannonos, quum cederent, regem
suum quaeritabant: quum autem comperissent: „ cum
„ in acie cecidisse et obtruncatum esse, “ in prae-
„ lium redeunt, volentes mortui corpus tollere; nec
tamen Turcos vincere quiuerunt. Hic rumor ut de-
uenit ad Choniatem, et ad reliquos, qui hunc comi-
tabantur, excefferunt praelio. Haec plana candi-
daque hominis exteri narratio calumnias Polonorum
fatis superque conuellit. Hunc igitur in modum,
inquit Turotzius, (a) D. rex, Wladislaus, regum
optimus, homo condecantis proceritatis, fusca facie,
nigris crinibus, in armis strenuus, in suos beneuo-
lus, morum honestate praeclarissimus, menteque et
animo compositus, regni sui quarto (4. fere men-
sibus superato) domini autem MCDXLIV. anno,
vitae pariter et regimini moestum finem dedit. Vi-
cesimum aetatis annum 10. diebus expleuerat;
quum Turcici furoris victima cecidit 10. Nouem-
bris 1444. Quo saluo, Turcis iam fugientibus, a
Christianis victoria stetit. Quamuis enim sexies ma-
ior hostium exercitus fuerit; e 20. millibus Christia-
norum vix quinta pars periit. Praeter regem etiam
Iulianus interiit; sed Iuanichio, licet synchrono,
neutrius

(a) Chron. P. IV. cap. 42.

neutrius mortis genus certo cognitum fuit. (a) Wladislao regnante, fuit archiepiscopus *Strigon.* Dionysius de Széts card. *Coloc.* Ioannes; episc. *Agrien.* Simon de Rozgon, ibidem caesus; *Bosn.* Raphael Hertzeg; *Iaur.* Benedictus et Ioannes; *Nitrien.* Georgius; *Quinqueecl.* Henricus; *Sirm.* Iacobus; *Trans.* Georgius de Lépes, caesus ad Sz. Imre 1442. deinde Stephanus; *Tsanad.* Petrus; *Vac.* Petrus; *Varad.* Ioannes, ad Varnam caesus; *Vesprim.* Mathias; *palatinus* Laurentius de Hederuára; *vaiuodae Trans.* Nicolaus de Vilak et Ioannes de Hunyad; *Banus* Matko de Tallotz; *iudices curiae:* Ladislaus Palótz 1440. Georgius de Rozgon; Stephanus de Bathor, ad Varnam cum vexillo regis caesus.

§. XI.

LADISLAUS V. REX XXXIII.

Coepit A. C. 1445. desit A. C. 1457.

A. C. 1445. Lad. I. Ind. 8. P. 28. M.

CCVIII.

Hungariam post cladem Varnensem pluribus bellis, et externis, et intestinis, inuolutam fuisse; donec Ladislaus Postumus, post interitum Wladislai rex a proceribus agnitus, patriae restitueretur, e Turotzio discimus, qui mala, bellum illud fatale consequuta, sic describit: (b) *Quamvis in huius discrimine belli, victoriae gloria apud caesarem Amuratem remanserit; multo tamen illam suorum sanguine*

(a) Ap. Schwandt. T. II. p. 18. (b) Chron. P. IV. cap.

guine ablutam reportavit. — Huic rei sufficienti testimonio est, quod fugientes postmodum Hungaros sua ex gente persequutus est nemo. — Inter haec D. vaiuoda Ioannes, dum redeundo in partes pervenit Transalpinas; hostem ubi non timebat, hostis obviam illi. Nam Drakul, partem earundem vaiuoda, — violentas in eum manus iniecit. — Tandem, quum ipse Drakul dominum vaiuodam in eundem causam captivitatis nullam se habere praemeditatus est; paucos post dies multis eum muneribus, ut ipse sperabat, placatum regni Hungariae Transsilvanas traduci fecit in partes. Chalcocondylas tradit, (a) minis Hungarorum territorium Draculam id fecisse. Hunyadi patriae reddito, mox Albam comitia sunt indicta, quod ex his Iuanichii, scriptoris synchroni, notis ad epistolam Hunyadianam, 18. Aprilis 1445. datam, apparet: (b) Tunc, dum hae litterae scribebantur, Ioannes vaiuoda non erat gubernator generalis; sed istae partes, ex hac parte Ticiae, versus Varadinum, erant suae gubernationi commissae, in congregatione generali, quae in Albaregali anno dom. 1445. circa festum B. Dorotheae habita fuit. Praeter haec, alia comitia rursus ad octavas paschatis Pestinum indicta fuisse, testantur Friderici litterae, quibus Kesmarkienses hortatur, (c) quatenus pro manutenenda ac promouenda Ladislai Postumi iustitia suos oratores — ad eandem dietam Pestensem velint transmittere. — Datum in ciuitate nova MCDXLV. Postquam in his comitiis procures et nobiles in Ladislaum Postumum consensissent; legatos ad Fridericum imp. destinarunt, quorum petitionem

(a) Ap. Stritter. Mem. T. III. p. 737. (b) Ap. Schwandt. T. II. p. 27. (c) Ex MSS. Cornidesianis.

tionem Aeneas Silvius ita refert: (a) „ Quia re-
 „ gnum, in Pesto conueniens, Ladislaum, Alberti
 „ filium, in regem delegit; oramus te, caesar,
 „ hunc ad Albam regalem cum sancta corona no-
 „ bis assignes. Nam et ibi coronare, cum volu-
 „ mus, et sibi, vt par est, homagia praestare.“
 „ *Responsum est:* Qui coronatus sit, eum non am-
 „ plius coronandum esse: — quod in regno puer
 „ teneatur, non esse inuitum caesarem; quamuis
 „ et alia regna eum respiciant.“ — *Quum, pluri-*
bus utrimque tractatibus habitis, nulla concordia in-
ueniri posset; Nicolaum (Vilakium) vaiuodam ac-
cersiri placuit. — Is ergo in celebritate D. Hierony-
mi Viennam ingressus est. Isto praesente, caesar
 ad Hungarorum postulata respondit: „ Coronatio-
 „ nem nouam, — vnctione omissa, pro pace et
 „ vnione regni permissurum se fore; velle tamen
 „ — securitatem dari, et puerum, et coronam
 „ post haec sibi restitui, quos in Posonio — nutri-
 „ re vellet; si nomine pueri, cuius est, arx sibi
 „ consignaretur.“ — Responderunt oratores: —
 „ Arx Posonii in potestate nostra non est; sed Al-
 „ bam regalem caesari trademus. — “ Quum neutra
 pars cedere vellet; *re infecta, Hungari discesserunt.*
 (b)

CCIX. Quum Vilakius 30. Septembris Viennam
 ingressus fuerit; haec legatio finem accepit, quum
 fere iam annus a caede Wladislai regis et clade
 Varnensi transactus fuisset. Cur vero tam sero La-
 dislaus et rex electus, et a Friderico repetitus fue-
 rit; causam in Laurentium de Hederuára palatinum
 Dlugossius

(a) Ap. Pray Ann. P. III. p. 42. (c) Hist. Cr. T. XII. p.

Długossus ita reiicit: (a) *Laurentio* — „viuere re-
 „gem, *constanter praedicante*, et nunc in Polonia
 „hospitem esse, nunc intra dies paucos venturum
asserente; — — *placet in Poloniam mitti*: ne scilicet
 prius Ladislaus euocaretur, quam Wladislaus certo
 mortuus esse sciretur. Re cognita; quum euoca-
 tionem Ladislai palatinus impedire non potuisset;
 post legatorum ex Austria reditum, ad alias artes
 conuersus, vt Aeneas Siluius scribit, (b) *missis li-*
teris ac nunciis, Ioanni (de Hunyad) *indicat*: „in-
 „sidias sibi apud Albam structas esse, Nicolaumque
 „velle in eum manus iniicere: quod si velit ca-
 „ptiuitatem euadere aut mortem; Albam ne pe-
 „tat,“ *instruit. Ioannes, territus hoc nuncio,*
minime ulterius pergit. Accipit hoc Nicolaus (Vila-
 kius) *vocatisque proceribus*: „Nimis multis, *inquit,*
 „fraudibus vtitur palatinus: sua est haec techna;
 „quod ad nos Ioannes venire timet: sed adibo ego
 „eum: nec timebo eum, qui me timet. —“ *At-*
que sic Nicolaus cum paucis Ioannem accessit, ac de
 palatini dolis edoctum Albam adduxit. Tertia haec
 erant huius anni comitia; sed in nullo horum
 Hunyadius Hungariae gubernator est constitutus;
 id enim anno sequenti factum esse, postea vide-
 bimus. Amplam tamen ille potestatem in partibus
 Transtibiscanis habuit, eaque paullo post vsus, in
 locum Ioannis episcopi, Varnensi clade hausti, Ioan-
 nem de Zredna, vulgo Vitegium, ecclesiae Vara-
 diensi praeficiendum, Eugenio pontifici commen-
 dauit, (c) pluribus in eadem caussa datis ad alios
 epistolis, *XVIII. die mensis Aprilis, A. D. MCD-*
XLV. Quibus omnibus, compos voti factus, gra-
 tias

(a) Libr. XIII. col. 4. (b) Epist. 63. (c) Ap. Schwandt.
 T. II. p. 22.

tias egit (a) *penultima die Decembris, A. D. MCDXLV.* Ceterum ad bellum contra Turcas gerendum destinatus, exposito praelii Varnensis euentu sinistro, pontificis opem ad bellum istud maioribus animis prosequendum idemtidem implorauit. (b) Causam cladis praecipuam fuisse scribit, quod promissa subsidia principes non miserint. *Inuitabant, inquit, nos, pennatis, ut aiunt, aduolare pedibus; cetera omnia itidem prouisa esse. Paruimus tandem, tanta sollicitati fiducia: mouimus castra: fines hostium transegimus. — Quo pacto, dum propriam domum negleximus; male militia armati fuimus aliena.* (c)

A. C. 1446. Lad. 2. Ind. 9. P. 17. A.

CCX. Ioannes Hunyadius, de bello Turcis inferendo semper sollicitus, auxilia rursus apud pontificem sollicitauit, datis Debrécino litteris, (d) *XX. Febr. A. D. MCDXLVI.* Sed prius in comites Cileienses, quam in Turcas, arma vertere coactus, quod illi Zagrabiensis episcopatus ac prioratus Auranae castra bonaque per vim occupauerint, (e) *bene se gesserat, ut Iuanichius notat, in ista via; nam recuperato prioratu et castris eiusdem, comites Cilias condescenderunt ad satis honestas condiciones pacis.* Hic auctor synchronus ait, hanc expeditionem susceptam fuisse duobus mensibus ante comitia, quibus Hunyadius gubernator electus est, *ipso die pentecostes, ut ille scribit.* Quam electionem male Turotzius ad superiorem annum collocat. *Voluebat, inquit,*

(a) Ibid. p. 28. (b) Ibid. p. 17. 20. • (c) Hist. Cr. T. XIII. p. 410.—450. (d) Ap. Schwandt. T. II. p. 21. (e) Ibid. p. 35.

inquit, (a) *MCCCCXLV. domini annus, et festum pentecostes instabat; ipsaque conuentione multorum aduentu nobilium inundata, ac latas campi Rákos per planities undique diffusa, omnes, qui aderant, voto unanimi de regni commoditate, deque eo, quem interim, donec rex Ladislaus, filius regis Alberti, puellus suae aetatis quintum agens annum, mentem ad consilia manumque ad arma extendere valeret, eiusdem regni in protectorem eligerent, multa cum discretionem tractabant. Pendebat totius communitatis ante oculos exactarum per ipsum D. Ioannem vaiuodam clara memoria rerum: et ideo multis hanc dignitatem in se descendere sperantibus, hanc eandem solus ipse D. vaiuoda tulit. Electus est igitur omnium regni et regis negotia tangentium rerum in gubernatorem. Id non superiore, sed hoc anno factum esse, codex iuris patrii his verbis testatur: Ioannes Hunyadi gubernator electus anno 1446. cuius auctoritate sequentes articuli 5. confirmati sunt: (b) „ I. Eligitur gubernator. II. Occupata „ bona per quoscunque, remittentur, et suis possessoribus restituentur; castra, nuper erecta, molientur. III. Honores et officiatus resignentur. „ IV. Constitutiones huius conuentus obseruentur. „ V. Confoederationes seu conspirationes, in detrimentum regni a quibusuis factae, dissoluantur et cessent.“ Quum Hunyadius limites suae potestatis definiri voluisset; SS. et OO. hanc declarationem fecerunt: (c) „ Gubernator habebit tantam auctoritatem, quam haberet regia maiestas, „ demto, quod donationes perpetuales possessionum*

(a) Chron. P. IV. cap. 44. (b) Corp. Iur. Hung. T. I. p. 205. (c) Ex MSS. Cornid.

„ num facere non possit vltra limitationem infra
 „ scriptam (*nempe 32. sessionum*) — sed nec archi-
 „ episcopatus, episcopatus et abbatias maiores
 „ absque scitu, consensu et collaudatione confir-
 „ mationeque *praelatorum et baronum* conferre va-
 „ leat. — Datum in amplissima praelatorum, ba-
 „ ronum et regnicolarum congregatione generali,
 „ in campo Pestienſi celebrata, feria II. intra octa-
 „ uas pentecostes, A. D. MCDXLVI.“ Magna
 fuit virtus Ioannis Hunyadi, hominis noui, quod,
 tot aliis regni proceribus, antiquitate generis et
 gloria maiorum illustribus, communi suffragantium
 voto praelatus fuerit; praesertim, quum, teste Ga-
 leoto Martio, (a) *Latinae linguae expers* foret. Et-
 si vero honores et dignitates secundum art. 3. re-
 signari debuerint; palatinus tamen confirmatus,
 iudex vero curiae Ladislaus de Palotz constitutus
 est, vt instrumenta docent. (b) Ne vero gubernatori
 sumtus necessarii deessent; SS. et OO. decre-
 uerunt, *super singulas quinque portas unum florenum;*
item super singulas quatuordecim biles, iobagionem non
habentes, similiter unum florenum auri contri-
buendum. (c) *Dat. in oppido Pestienſi, in festo*
corporis Christi, anno eiusdem MCDXLVI. (d)

CCXI. Hunyadius, tantam potestatem adeptus,
 sequenti mense Transiluaniam repetiit, vt hae litte-
 ras docent: (e) „ Nos Ioannes de Hunyad, totius
 „ incliti regni Hung. gubernator, vobis, castella-
 „ nis castri nostri, Hunyad vocati, — firmissime
 „ prae-

(a) De D. et F. Math. R. cap. 13. (b) Ex MSS. Cornides.

(c) Ex MSS. Bibl. Quinqueecl. (d) Hist. Cr. T. XIII.

p. 454.—482. (e) Ex MSS. Cornid.

„ praecipimus, quatenus — silvas nobilium domi-
 „ narum — Zayk — succidere — nullatenus prae-
 „ sumatis. — — Datum in Hunyad praedicta, in
 „ festo B. Eliae proph. A. D. MCDXLVI.“ Caus-
 sa tam celeris reditus fuerit Dracula, Valachiae
 vaiuoda, contra quem illico gubernatorem electum
 arma sumsisse, Turotzius ita refert: (a) *Placuit tan-*
dem post haec D. gubernatori a Drakul, vaiuoda
Transalpino, suae captiuitatis exigere talionem. —
Mota igitur armatae gentis contra eundem copia non
modica, ac alpihus transscensis, illius se ingessit in
dominium, vniuersoque eius principatus agro perdo-
mito, eum captiuauit, et simul cum filio eius, in
ordine geniturae maiori, decollari; quemdam vero
alterum, partium earundem vaiuodam, puta filium
quondam Dan vaiuodae, lumine priuari fecit. Ma-
ioris fuit molis bellum, contra Fridericum imp.
susceptum, cuius causam Hung. proceres ad Eu-
genium PP. perscripserunt, (b) XVIII. mensis Octo-
bris A. D. MCDXLVI. quod electum ipsum regem
cum corona sublata regno suo et solio non restitue-
ret, finesque regni et ciuitates ceteraque occupata
non resignaret. Causam simul et euentum huius
belli Turotzius hac narratione complectitur: (c) In-
ter haec domini Hungariae pertriste ferebant, quod
sacrum diadema, quo reges Hung. coronari solent,
puerulumque regem, qui iure naturae illis dominari
debebat, rex Rom. Fredericus detinebat. Timebant
enim, ne puer, aliena enutritus in terra, a mori-
bus et labio Hungarorum alter fieret. Conuentum
est igitur, ut repeteretur, aut iretur in ultionem.

X 2

Et

(a) Chron. P. IV. cap. 44. (b) Ap. Schwandt. T. II. p. 38.

(c) Chron. P. IV. cap. 45.

Et dum rex Romanorum petitis non flectitur; ingentibus damnis pulsatur. Nam D. gubernator, secundo sui officii anno, pluribus armatorum agminibus compositis, omnem Carinthiae et Carneoliae agrum et magnam partem Stiriae, crudeli cum seueritate, peruagatus est. — Quum tandem ipsum Rom. regem suorum regnorum depopulatione moueri vidit minime; multarum rerum et captiuorum congerie onustus, felix rediit. Primus hic fuit officii gubernatoris annus, quem Turotzius secundum vocat, ratus, gubernatorem electum anno 1445. (a)

A. C. 1447. Lad. 3. Ind. 10. P. 9. A.

CCXII. Hunyadius, reductis e Stiria copiis, nullam sibi quietem indulgit, profectus in Daciam, ut Valachiam et Moldauiam partim ad ius sacrae coronae reduceret, partim in fide stabiliret. Vitezius illum sub initium anni huius *apud illas partes circumuississe* perhibet, datis *ad Ioannem, cardinalem S. Angeli, legatum apostolicum, pro pace missum, litteris, (b) Varadini, XV. Ianuar A. D. MCDXLVII.* Quum Hunyadius earum partium cura distractus fuisset; nec ad tractandum pacis negotium ipse coram adesse potuerit; alios sui loco suffecit, quos Iuanichius ita memoriae prodidit: (c) *Septem ex potioribus erant deputati ex parte regni et D. gubernatoris, ut irent ad hunc tractatum pacis in Viennam, et ex nomine fuerunt isti: „ D. Dionysius, archiep. Strigon. Ioannes Varad. Petrus Vaciensis cancellarius; Augustinus Iaur. episcopi; „ item magnifici Ladislaus de Gara, palatinus; „ Ladi-*

(a) Hist. Cr. T. XIII. p. 482.—514. (b) Ap. Schwandt. T. II. p. 40. (c) Ibid. p. 41.

„ Ladislaus de Palotz, iudex curiae regiae; Michael Orszag, thesaurarius: “ *ubi et ego interfui*. Hi primo quoque tempore Budam se contulerunt, litteris indidem ad Fridericum imp. pro maiore viae securitate praestanda datis, (a) *VII. Febr. A. D. MCDXLVII*. Litteris illi salui commeatus acceptis, ut primum Viennam appulerunt; conditiones, sub quibus pacem cum Friderico sancire vellent, explicuerunt. Sed quum ille surdus ad eas ac obstinatus perdurauerit, nec ullis precibus ac rationibus, seu pontificis, seu Hungariae legatorum expugnari potuerit; illo Pragam profecto, hi Budam rediuerunt, Polonosque de caesaris animo hostili certiores reddiderunt, (b) *die penultima Febr. A. D. MCDXLVII*. Ex his eorum litteris intelligimus, ad festum B. Gregorii generalem conuentum Budam indictum fuisse, vnde regni proceres ad coercendam fugitiuorum in Transsilvania subditorum licentiam ad Nicolaum Vilakium et Emericum Pelsötzium, vaiuodas Transsiluanos, litteras dederunt, (c) *fer. III. prox. post dom. Ramis palmarum, A. D. MCDXLVII*. Huc quoque legatus pontificis accessit, pacem inter Fridericum et Hungaros conciliaturus; sed, ut Iuanichius testatur, oleum et operam perdidit. *Postquam*, inquit, (d) *ipso legatus recesserat a Buda, inconclusa pace; fuerunt mox post eum missi certi oratores pro eadem pace ad Posonium, quo etiam oratores regis Rom. conuenerant. Vbi etiam nihil conclusum fuit. — Volebat et quaerebat ipse legatus, ut, si pax perpetua fieri non potuit, saltem treugae inter partes firmarentur. Et has subinde firmatas ac in biennium sancitas fuisse,*

X 3 discimus

(a) Ibid. p. 42. (b) Ap. Dogiel T. I. P. I. p. 58. (c) Ex MSS. Cornid. (d) Ap. Schwandt. T. II. 56.

discimus et ex litteris Hungariae praelatorum ac procerum, datis in *Rackelsburg*, *fer. V. prox. post fest. pentecost. A. D. MCDXLVII.* et ex ipsius gubernatoris, (a) *dat. Budae, tertio die festi natiuitatis B. M. V.* Vel eadem comitia fuerunt ad Septembrem vsque producta, vel noua rursus indicta, quum Belius exhibeat prolixum diploma, quo Buda Hunyadio gubernatori consignatur, (b) *Budae fer. IV. prox. post fest. exaltationis S. Crucis, A. D. MCDXLVII.* cui nomina praelatorum, procerum, legatorum, e singulis fere comitatibus quaternorum, inseruntur. (c)

A. C. 1448. Lad. 4. Ind. II. P. 24. M.

CCXIII. Hunyadius, bellum in Turcas meditatus, ne quid a tergo metuendum relinqueret, pacis cum Friderico sancienda curam iterum resumfit. Nec enim induciae breues ad conficiendum tantum bellum sufficere poterant, quum et superiores Hungariae partes contra Bohemos latrocinantes tutandae fuerint, vt ex Ioannis Perenii litteris, ad Bartenses datis, (d) *in Terebes, die dom. prox. post fest. ascensionis domini, anno eiusdem MCDXLVIII.* patet. Pacis igitur conciliandae causa Hunyadius iterum Ioannem card. quem ad comitia Pestinensia diutius expectauerat, interpellauit, litteris ad eum datis, (e) *Budae III. Iunii.* Prius autem, quam de pace hoc anno quicquam agi potuisset; Alphonsum, regem Arragonum, ad opem
contra

(a) Ex MSS. Cornid. (b) Not. H. T. III. p. 207. (c) Hist. Cr. T. XIII. p. 514.—554. (d) Ap. Wagner Dipl. Saron. p. 64. (e) Ap. Schwandt. T. II. p. 44.

contra Turcas ferendam excitauit, (a) *Budae XXVIII. die mensis Maii*; qua die scripsit etiam ad eius filium Ferdinandum, futurum filii sui Mathiae focerum. Ad aulam quoque Romanam auxilia sollicitandi causa Nicolaum, Cracouiensem decanum, qui post Wladislai regis interitum in Hungaria manserat, misit, qui Nicolao V. die 6. Martii superioris anni pontifici creato, nouam dignitatem gratulatus, *reportauerat*, inquit Iuanichius, (b) *multa pulchra verba et etiam quamdam promissionem de subsidio contra Turcas*. Quod sibi gratius fore, quam oblatum principis axioma, Hunyadius epistola sua declarauit, (c) *penultima die mensis Maii*. Promotis deinde castris, cur bellum in Turcas differri non possit, causas ad pontificem perscripsit, (d) *in progressu exercituali apud vada Danubii, prope oppidum Kowinii, VIII. die mensis Septembr.* Illic aliquamdiu moratus, eundem de proposito copias ultra promouendi rursus edocuit, (e) *Dat. in terra Rascliae, alias Seruiae, in ipso progressu exercituali, prope vadum Danubii, quod vulgo lapideum dicitur, die XVII. Septembr. A. D. MCDXLVIII.* Longiores nempe moras ad Kewium seu Kouinium trahendas censuit, ut maiores ad se copiae confluerent; nec iam *scuto* dumtaxat, ut ipse loquitur, sed *gladio* quoque contra hostes vteretur, bellumque non tantum repelleret, ut hactenus fecit, sed etiam, ad vlciscendam Varnensem cladem, barbaris inferret. (f)

(a) Ibid. p. 280. (b) Ibid. p. 50. (c) Ibid. p. 49. (d) Ibid. p. 50. (e) Ibid. p. 52. (f) Hist. Cr. T. XII. p. 571.—601.

CCXIV. Turotzius bellum hoc cum Turcis gestum ait, (a) *quarto* gubernatoris anno, cuius initium ad annum 1445. male defixit. Hoc enim anno, non sequenti, qui quartus eius gubernationis erat, infelicem hanc expeditionem susceptam fuisse, non tantum plura scriptorum testimonia, sed ipsa quoque gubernatoris epistola docet, qua Nicolaum decanum, suum Romae legatum, de fortuna huius belli certiores ita facit: (b) „ — Ne varii rumoris,
 „ vt fit, te inuolucra teneant; — placuit, vt sal-
 „ tem reditu nostro — te vtcumque solaremur:
 „ *quo* inprimis certior fias, hac vice nos fortunae
 „ magis, quam animi possessione exutos: in ceteris,
 „ quae passi sumus, diuino, non humano flagello
 „ gloriam laudemque tribuimus Pridie penultimam
 „ Septembris ab Danubio, te vidente, castra mo-
 „ ta fuere. Itum deinde et prouisum de omnibus.
 „ Demum tam celeriter ad hostem ventum est,
 „ vt prius perficere, quam sentire laborem videre-
 „ mur; laborem viae dicimus, non pugnae. Nam
 „ de constantia pugnae et ipsi hostiles oculi confi-
 „ teri poterunt, vix vnquam pertinaciorum con-
 „ tulisse. Equidem XVII. die Octobris, coram fa-
 „ cie hostium castra metati sumus: praelii caedis-
 „ que principia inita demum altera, quae VI. fe-
 „ ria fuit. Primo mane ordines educti, iustaque
 „ acie signa collata. Stetit eo die nostrorum inui-
 „ ctus animus, minus cedens, quo caedebatur, du-
 „ rius. Multa clara funera hinc inde edita. — Ne-
 „ mo vsque ad tenebras receptui cecinit: nox ipsa
 „ sequens furorem et arma diremit: vbi etsi parum-
 „ per resederint acies; ingenius tamen et machi-
 „ nis

(a) Chron. P. IV. cap. 46. (b) Ap. Schwandt. T. II. 57.

„ nis nocte tota certatum est. Ex hinc sabbati sub-
 „ sequente die, iterum renouato nouo certamine,
 „ tandem armigeri perduellesque nostri (*f. Valachi*)
 „ vtpote longo armorum pondere longiorique prae-
 „ lii taedio, item vulneribus confecti atque obruti,
 „ vapularunt, gloria et area belli penes hostes re-
 „ manente: quam quidem nos armorum potius,
 „ quam animorum defectu perdidimus; ipsi vero
 „ multitudine et super haec omnia peccatorum no-
 „ strorum merito acquisiuerunt. — “ Ex his Hun-
 nyadii litteris sua Turotzius, e suo quibusdam ad-
 ditis, depromsit, vt ipsae voces, inde mutuatae,
 satis superque produnt. Ex iisdem aliisque Hunya-
 dii litteris, modestissima sensa complexis, apparet,
 Aeneam Silvium, vanis rumusculis deceptum, im-
 merito Hunyadium traducere, velut insolentem vi-
 rium suarum aestimatorem. (a) Nam, teste Lao-
 nico, (b) *caussa, quae Ioannem ad istud bellum*
traxerat, haec erat: quum vidisset in eo certamine,
quod Varnae commissum erat, Turcos facile vinci
potuisse, nisi obstitisset Wladislai regis imprudentia;
nec nunc quidem difficile et laboriosum dicebat, Tur-
cos bello domare. Primum quidem ille Bulgariam
 petebat; sed, quum a Georgio despota proditus,
 Amuratem in campum merularum, seu rigó' mezeje
 cum exercitu tendere comperit; ipse quoque suas
 copias eodem promouit, Rasciam populando, quod
 Georgius vires suas cum Hungaris iungere noluerit.
 Laonicus Hunyadianum exercitum 40. peditum, 7.
 equitum millibus; Turotzius nonnisi 24. millibus
 vniuerse definit. *Amurates autem, vt idem Lao-*
nicus scribit, dicitur in armis habuisse quindecim mil-
le

(a) Ap. Pray Ann. P. III. p. 70. . (b) Ap. Stritter. T. III.
 p. 741. .

le myriades hominum vel potius sine voce mille, 15. myriades, seu 150000. secundum Aeneam vero 200000. qui numerum etiam caesorum Hungarorum ad 30. millia; Turcorum ad ter totidem ex vanis rumusculis extendit. (a)

CCXV. Hunyadius, caesis suorum 8000. ut Bonfinius ex ipsis Amurathis ad Corinthios litteris refert, fugere coactus, ut Iuanichius ex ipso gubernatore didicit, (b) captus etiam per Turcos, mirabiliter euasit: quia quum datus fuisset duobus ad custodiendum; unum eorum interfecit, et alter mox fugit ab eo; et sic ibi liberatus fuit. Haec eodem ipso referente, agnouimus. Maiorem igitur fidem haec merentur, quam quae Laonicus de Trybalis, Bonfinius de latronibus narrat. Turotzius quoque Turcos illos vocat, qui *manutenus*, inquit, (c) *insilierunt in eum, ipsiunque suis spoliarunt vestimentis. Pendebat aurea crux D. gubernatoris in collo. Hanc alter Turcorum eorundem quum rapere voluisset; mox dissensio inter illos orta est, inutuumque irruerunt in luctamen. Inter haec D. gubernator, ipsis luctantibus, una ipsarum framearum arrepta, irruit in eos, in virtuteque sui brachii alterum eorum tam grauitur percussit, ut ille — extinctus fuerit: quumque et alterum ferire vellet; ille fuga elapsus, eius euasit manus. Post haec D. gubernator — quemdam Rascianum obuium sibi habuit, — quem, ut sibi Nandoralbense usque ad castrum conductum praeberet, rogatum effecit. — Ille mox id se facturum obtulit; non tamen locum ad optatum, ut promiserat; sed ad castrum Zenderem ipsum deduxit.*
Postquam

(a) Hist. Cr. T. XIII. p. 602.—620. (b) Ap. Schwandt. T. II. p. 58. (c) Chron. P. IV. cap. 47.

Postquam autem Georgio despoto, D. gubernatorem sui castris intra portas esse, innotuit; — ingratum se illi exhibuit hospitem. Detineri enim illum iussit; et nec eum Hungariae dominis, pro illius liberatione sollicitis laborantibus, restituit; donec idem D. gubernator filium suum, nomine Ladislauum, natu maiorem, erga manus illius sua in persona pro obside locauit. Quamuis autem ipse D. gubernator bello in hoc sinistra comitatus fuerit fortuna; tamen quia potius armorum, quam animorum defectu illum apud hostem victoriam reliquisse constabat; grato ergo animo Hung. procures cuncti illius spectabant aduentum. Ipse Hunyadi in litteris supra laudatis ad Nicolaum decanum ita scribit: „ Ex Turcorum deinde manibus erepti, apud despotum Rasciae ad hos usque dies perstitimus, tanto videlicet tempore, in vigilia festi natalis domini, ad hunc locum, in medium DD. praelatorum et baronum ac procerum regni Hung. in eo ipso loco congregatorum, venire potuerimus: inter quos, auctore domino, — rectam concordiam ac unionem et ceteras regni res integras reperimus; praesertim vero animos ex hac suscepta clade irritatos magis, quam fractos. — Data Zegedini, die penultima Dec. MCDXLVIII.“ (a)

A. C. 1449. Lad. 5. Ind. 12. P. 13. A.

CCXVI. Inuictus Hunyadi gubernatoris animus, postquam concordem domum Hungaros inuenisset; adeo non concidit, ut novas ex clade vires accepisse videretur. Ad bellum in Turcas instaurandum se paratum esse, superioribus litteris, ad Nicolaum deca-

(a) Hist. Cr. T. XIII. p. 621, — 641.

decanum datis, aperuit; quem animum nouis rursum litteris eidem significauit, (a) datis *in Temesvár, XXIV. Ian. A. D. MCDXLIX.* Postquam vero Nicolaus pontifex Hungaros ad obseruandam inter se concordiam, bellum cum Turcis declinandum, amicitiam cum rege Bosniae colendam paterne cohortatus fuisset; Hunyadius, proceribus in consilium adhibitis, inter alia respondit: (b) „—Otio „ paceque frui, B. P. nobis semper in voto fuit; „ verumtamen illo otio, quod patriae nostrae verum otium parere posset. — Datum in congregatione nostra Pestiensis, XXIV. mensis Iunii, A. D. MCDXLIX.“ Idem SS. et OO. indidem eadem die litteras ad Nicolaum decanum de sollicitandis auxiliis contra Turcas et Hussitas dederunt. „ Noueris, *inquiunt*, insurrexisse in partibus superioribus regni Bohemos latrones, qui inter alia, quae grauius ferimus, induxerunt secum et inducunt „ haeresim Hussitarum.—“ Contra hos sequenti mense iam bellum fuisse destinatum, ex his gubernatoris ad eundem decanum verbis apparet. (c) „ Geruntur hic apud nos aduersa non modo patriae, „ verum plus fidei nostrae. — Dat. Budae, VI. Iulii, A. D. MCDXLIX.“ Et primum quidem circa festum assumtae virginis Hunyadius exercitum in illos misit; sed postquam hunc, vt Dlugossus scribit, (d) *feria VI. ante festum natiuitatis S. M. V. congressu campestri facto Ioannes Giskra contriuit; — his malis successibus Ioannes de Hunyad — commotus, collecto notabili exercitu, — contra Giskram processit.* Dum vtraque pars mutuis in se damnis saeuiret; ex Polonia missi legati, Ioannes Zagorzenzki

(a) Ap. Schwandt. T. II. p. 61. (b) Ibid. (c) Ibid. p. 66.
 (d) Libr. XIII. col. 51.

zenszki ac Ioannes Dlugosch circa Kremnitzam tam Ioanne de Hunyad, — quam Ioanne Giskra sabbato in die S. Andreae ap. reperto, de pace verba faciunt; et sex diebus continuis laborando, bellum atrox et crudele nimis intercipiunt, et nomine Casimiri regis et regni Poloniae partes ad concordiam et pacem inducunt. Etsi Dlugossus, qui haec scribit, conciliator pacis fuerit; male tamen tempus consignauit. Hoc enim anno dies S. Andreae non in sabbatum, sed in dominicam diem, quam E. littera signabat, incidit. Octobri mense Hunyadium bello hoc occupatum fuisse, Ioannes Vitezius, litteris ad pontificem datis, innuit in haec verba: (a) „ — D. „ gubernator nunc aduersus fatos Hussitas parata „ arma exercet. — Ex Varadino, XX. die mensis „ Octobris, A. D. MCDXLIX.“ (b)

A. C. 1450. Lad. 6. Ind. 13. P. 5. A.

CCXVII. In comitiis Pestiensibus aliquam sententiam contra Georgium despotam ab Hunyadio latam fuisse, discimus ex obscuris ac barbarum in modum exaratis eiusdem litteris, quae sic habent: (c) „ Egregio viro Ioanni Lewkes de Kálló — Geor- „ gius, D. gr. regni Rachiae despotus et dominus „ Albaniae — — Quod autem dicitis nobis, quod „ pro nobis in sede regnicolarum multum instetisse- „ tis, et specialiter pro sententia illa, quam con- „ tra nos D. gubernator coram dictis regnicolis „ emanari fecisset; scimus enim, quod si laborasse- „ tis, etiam vno verbo contradicere valuissetis. „ Quod autem dicitis, quod nobis expeditoria no- „ stra

(a) Ap. Schwandt. T. II. p. 67. (b) Hist. Cr. T. XIII. p. 644.—671. (c) Ex MSS. Bibl. Quinquéeccl.

„stra nihil iuvare valeat; pro eo, quia gubernator in vinculis fecisset, quicquid fecisset: si enim gubernator in vinculis fecit; ceteri barones regni Hungariae illud, quod fecerunt, de emanatione expeditoriae, non in vinculis fecerant. — Script. in Zenderew, in festo B. Ioannis B. A. D. MCDL.“ Tam ferocem Georgius epistolam scripturus non erat; si iam tunc opportunum contra Turcas auxilium gubernatoris ad Kruslotzium expertus fuisset. Bellum igitur illud, quod Timon ad an. 1449. in epitome chronologica; sed in imagine nouae Hung. figit ad hunc an. 1450. differendum est ad annum 1454. ut ibi videbimus. Ad alterutrum annum, istum vel praeteritum, potius videtur esse collocandum, quod ita Turotzius refert: (a) *Post haec D. gubernator ingratitude dezpoti non minus, quam suae captiuitatis calamitatem ponderans, resumtis armis et milite, dezpoto ab eodem eius delicti condignas exigere poenas processit; inuectusque forti in manu eius dominii in agrum, magnas in illo edidit vastitates, omnibusque castris et dominiis illius, quae regni Hungariae ambitus cingebat, illum spoliauit.* Contra hanc ille sententiam videtur in excitato litterarum fragmento queri, pro qua ferenda Hunyadius usus fuerit hoc argumento, quod, quum iniuste metus in vinculis incussus sibi fuerit, promissis illic factis non obligetur. Exstant plures gubernatoris ~~huius~~ ad Nicolaum PP. epistolae, quibus et ius patronatus fortiter defendit, et, ut iubilaeum ad hoc regnum extenderetur, petiit ac obtinuit. (b)

CCXVIII.

(a) Chron. P. IV. cap: 47. (b) Ap. Schwandt. T. II. p. 70. — 88. Hist. Cr. T. XIII. p. 672.—720.

CCXVIII. Gravissimum, quod in Pestano con-
 uentu hoc anno maximis animorum motibus age-
 batur, negotium erat, ut Ladislaus Postumus, de-
 cimum aetatis annum iam egressus, e specioso
 Friderici carcere tandem liberaretur, moribusque
 Hungaricis imbuendus, in suum regnum reducere-
 tur. Sed, quia nullis rationibus et legationibus du-
 rum caesaris animum expugnare Hungari potuerunt;
 pontificem, ut illum ad id auctoritate sua permo-
 ueret, interpellandum censuerunt. (a) „ Ut, *inqui-*
 „ *unt*, vel nunc cedat iuri ac voto nostro, iusto-
 „ que debito suo; utque inprimis praefatum D. N.
 „ electum regem libertati dignitatique suae restituat,
 „ qui dono domini iam in eam aetatem prope-
 „ diem concessurus est, ut habere potius, quam
 „ sperare regnum mallet. — Datum in congregatio-
 „ ne nostra Pestiensis, XV. die mensis Iunii, A. D.
 „ MCDL.“ Detulit et Nicolaus Hungarorum vo-
 tis, et Fridericus pontificis admonitioni, Posonium
 Octobri mense missis oratoribus, qui quid illic ege-
 rint, Haselbachius, scriptor synchronus, ad hunc
 annum ita notat: (b) *Habita est diaeta cum Hun-*
garis Posonii, ibique quum Hungari petiissent sibi
tradi regem Ladislaum ad regnum cum ipsius corona;
reddi castra, quae Fridericus — per suos occupavit;
ab eo pariter Ladislaum palatinum, usque detentum,
pristinae restitui libertati; tertio obtento, de primis
grandis se ingessit disputatio. Resederunt tamen fi-
naliter in hac sententia, quod Ladislaum regem rex
Romanorum vel ad Viennam sub tutela constitueret.
 Hanc praecipuam pacis conditionem ipse Hunyadius
 in suis litteris ita proposuit: (c) „ Ipse D. rex La-
 „ dislaus

(a) Ap. Schwandt. T. II. p. 89. (b) Ap. H. Pez T. II. col.
 368. (c) Ex MSS. Cornides. T. XI.

„dislaus, vna cum corona, in et sub tutela, cura et potestate dicti D. nostri Friderici, Rom. regis, vsque ad legitimam aetatem suam, videlicet decem et octo annorum aetatis suae completae permaneat. — “ Datum Posonii, feria V. post festum XI. millium virginum, A. D. MCDL. (a)

A. C. 1451. Lad. 7. Ind. 14. P. 25. A.

CCXIX. Ladislaum palatinum libertati fuisse restitutum, ex illo diplomate patet, quo Hunyadi, opera huius palatini, Ioannis Vitezii, Nicolai Vilakii, Ladislai Palotzii Georgio despota conciliatus, affinitatem cum eo contraxit, illius ex filia neptem Elisabetham, 10. annos natam, Vlrici Cileiensis et Catharinae filiam, filio suo Mathiae desponsauit, post duos annos traducendam, vt nuptiae perficiantur. (b) *Datum in Zenderew, sabbato prox. ante fest. B. Laurentii M. A. D. MCDLI.* Hunyadi cum Friderico Georgioque despota pace composita, cum Mahomete quoque, hoc anno Turcarum principe post Amuratem creato, triennales inducias confecit. (c) Liber igitur omni parte, plenas vires in Bohemos latrocinantes conuertere potuit, patriam hac peste liberaturus; nisi prodicione quorundam aemulorum expeditio corrupta fuisset. *Actum est enim, inquit Turotzius, (d) dom. incarn. MCCCCLI. anno, quum idem D. gubernator —munitionem, per — Ioannem Izkra ad murum claustrum S. regis Stephani de prope ad oppidum Losontz erectam, obsidione cinxit, — illius custodes firi*

(a) Hist. Cr. T. XIII. p. 720.—731. (b) Ap. Spies Archiv. P. I. p. 173. (c) Ap. Stritter T. III. p. 750. (d) Chron. P. IV. cap. 48.

siti et armis in tantum grauasset, quod iam de illius obtentione finis optatus speraretur; praefatus tandem Izkra, — proditorum motus persuasione, — suis — allaturus opem, venit secusque castra D. gubernatoris, ordinatis aciebus, stetit. Sed quid nequitiosa rebus in bellicis valeat proditio, tunc patuit, quum nondum manus pugnatorum consertae erant; et iam agmina proditorum D. gubernatoris de castris praecipitem proruperunt in fugam. Quare et ipse D. gubernator campum et castra deserere est coactus. Hanc quidem proditionem vir magnificus Stephanus de Pelsewcz, munitione sub praetacta fortuito ictu bombardae ad mortem vulneratus, proprio ore exstitit confessus. — Episcopus Agriensis, Ladislaus de Hederuára, quum esset claudus, euadereque nequiret, ibidem exstitit captiuatus. Sicque Ioannes Izkra — Agriense venit sub castrum. Quumque ibidem dictus Ladislaus episcopus idem castrum, propriae personae pro redemptione, manibus ipsius Ioannis Izkra assignare voluisset; capitanei eiusdem castrum, quum essent regnicolae illarum partium, calamitatem, quae exinde sequi potuisset, vnius hominis praeferentes miseriae, ipsum Ioannem Izkra suo a proposito vacuum abire voluerunt. Post haec D. gubernator, nouis assumtis armis; gentibusque suis, quae partes tutabantur inferiores, — adductis, munitiones ipsius Ioannis Izkra ad claustrum de Saag, secus fluvium Ipol, et in montem Galchur, oppidaque Rosnawa et Scepsi — ad deditionem coegit. — Tandem ciuitatem Zoliensem, tantae perniciiei nidum et altricem, adiens, eandem vehementi exussit igne, castrisque Zoliensis in contrarium magnam erigere faciens munitionem, armis militeque refertam relinquens; ipsum Ioannem Izkra armorum strepitu interrim angustiauit, eumque ad pacis condimentum impulit.

pulit. Haec etiam Chalcocondylas ita confirmat:
 (a) *Collatis signis, pugnans cum Iscra, — victus est. Verum, quum denuo cum isto congrediretur, victoriam recepit.* (b)

A. C. 1452. Lad. 8. Ind. 15. P. 9. A.

CCXX. Tantarum curarum mole pressus gubernator, auide tempus exspectabat, quo munus inuidiosum deponere, regique Ladislao regni curam et administrationem transscribere posset. Sub exitum quidem anni 1450. Friderico promisit, se nihil acturum, ut Ladislaus ante 18. aetatis annum restitueretur; sed sub ea conditione, ut in castorum, bonorum et reddituum, a regno distractorum, recuperatione, *auxilium, consilium et fauorem praestare* teneatur. Quod quia factum a Friderico non est; quum ille tenerum regem in Italiam cum periculo vitae raptare voluit; Austriacis ac Bohemis id impedire volentibus suum et ipse consensum dedit ac Paullum, Argensem episcopum, ad illum repetendum misit. Hic, quum a Friderico nihil impetrari potuisset, *cum Casparo, paedagogo regio, — nonnulla de tradendo rege clanculum machinatus est.* (c) Fuga regis primum Graecii, deinde Romae, demum Florentiae, sed irrito semper conatu, tentata fuit. Iter Romanum kal. Ian. cum Ladislao Fridericus iniuit, aduersus quem Hungari cum Austriacis et Bohemis foedus iniuerunt, (d) *V. die mensis Martii A. D. MCDLII.* Nusquam autem promiserunt, ad cripiendum Friderico Ladislaum, se

(a) Ap. Stritter T. II. p. 1062. (b) Hist. Cr. T. XIII. p. 760.—800. (c) Aen. Silu. Hist. Frid. p. 55. (d) Pray Ann. P. III. p. 89.

se bellum suscepturos, priusquam tempus induciarum expleatur. Aeneas igitur immerito Hungaros idemtidem de fide violata postulat. Immo, dum Austriaci Neostadium ad liberandum Ladislaum obsederunt; nullum illis auxilium misisse leguntur. Ipso Siluio teste, (a) *Hungari tunc primum, quum intellexerunt, suum regem esse Viennae; ad eum miserunt Augustinum, episcopum Iatrinensem: nec diu post Dionysius, archiep. Strigon. S. R. E. card. Varad. Vacien. episcopi; Nicolaus vaiuoda, Ladislaus palatinus, ac filius Ioannis gubernatoris, et alii quam plures regni proceres et legati communitatum cum 2000. equitum eo veniunt: regi suo, non tamquam extra tutelam misso, sed veluti durae captiuitatis solutis vinculis liberato, congratulantur: et, ut ad se proficiscatur, multis precibus orant. — Quum visitassent legati caesaris — regem, ac verbis finitis, Australes ad sinistram, Hungari vero — ad dextram se retraxissent; — remansissetque solus rex in medio apud quamdam fenestram; paullulo meditatus, cui nam parti se iungeret, ad Hungaros denique declinauit, ac suapte ingenio: „ mihi, inquit, quia „ sum Hungarus, apud vos est manendum. “ Quod verbum, mira Hungarorum exceptum laetitia, mille in regnum epistolis diuulgatum est. Id ter Aeneae cardinalis narrauit; timens, ne satis prima alloquutione comprehensus esset. (b)*

CCXXI. Nouarum discordiarum inter varios populos seminarium Ladislai libertas euasit; quum vnaquaeque natio regem apud se habere voluit. Austriaci, bifariam diuisi, pars Eizingerum, qui Bohemis

Y 2

(a) Hist. Frid. III. p. 118. (b) Hist. Cr. T. XIII. p. 205.

hemis; pars Vtricum Cileiensem, qui Hungaris magis sauebat, sequebantur. *Per idem tempus*, inquit idem Aeneas, (a) *multa aduersus Ioannem gubernatorum dicere Hungari*: „ tyrannum et regni proditorum appellare, qui duos exercitus maximamque regni Turcis partem prodiderit, Polonumque regem neci obiecerit. — “ *Mos hic populi est: semper venturus auarur: adiesum est imperium vetus.* Non fuisse communem hunc Hungarorum aduersus Hunyadiū sensum, ex his Augustini, Iaurinensis episcopi verbis, ad pontificem prolatis, apparet: (b) „ Praefatum regnum Hungariae, exterius Turcorum bellis miserabiliter deuastatum ac laceratum, — nili magnanimi viri, Ioannis de Hunyad, — prouidentia ac vigilantia conseruatum foret; ad vltimum omnium miseriarum perductum crederetur. — “ Superiorum praecipue partium Hungaros intectos sibi Hunyadius expertus fuerat, vt Turotzius his verbis indicat: (c) *D. Gubernator, postquam superiorum regni partium magnates proditoris insidias sibi rendere, — animaduertit; in earundem partium tutamen postmodum tepidior* *per.* Primum quidem ille filium duntaxat ad salutandum regem misit; subinde tamen ipse quoque Viennam profectus, vt iterum Turotzius scribit, (d) *onus sui officii, quod iam octo (septem) per annos felici gestamine direxerat, sponte exiit, et MCDLII. instante domini anno, regnum Hungariae, sanguinolentis suis suorumque laboribus, omni industria, sollicitudine et bellicis artibus praesernatum, regi Ladislao restituit. Propter quod ipse rex Ladislaus ipsum D. gubernatorem, exactarum victoriarum*

(a) Hist. Frid. IH. p. 220. (b) Ap. Pray Ann. P. III. p. 103. (c) Chron. P. IV. cap. 49. (d) Ibid. cap. 50.

rum longas orbis per partes diffusis inclitis praeconiis praestantiumque operum laude dignis meritis erga se commendatum; alto in fano, regali quoque in habitu et maiestatis suae in throno sedens, assistentibus sibi quam pluribus ducibus, marchionibus ac regnorum suorum praelatis et baronibus, magna cum sollemnitate in comitem perpetuum Biztricensem sublimavit, et temporalem gubernationis dignitatem praedictam — in perpetuam commutavit hereditatem. Armorum quoque insigniis, puta coruo, gestamine annuli, de colore flavo, in clypeo depicto, quae ipse D. comes usque tunc gestauerat, alia clara insignia, rubeum scilicet leonem, coronam unguibus rapere volentem, albo in scuto descriptum, superaddidit. — Peractis tandem magno cum gaudio cunctis ipsius sublimationis ceremoniis, idem rex Ladislaus eundem D. comitem, multis muneribus — honoratum, — remisit in Hungariam. (a)

A. C. 1453. Lad. 9. Ind. 1. P. 1. A.

CCXXII. Quicquid Turotzius de praemiis, Ladislai liberalitate Hunyadio collatis, narravit; id veritate niti, discimus ex eius litteris, quas Posonium ad comitia profectus, ibidem dedit, (b) *feria V. prox. ante fest. purif. B. M. V. gloriosae, A. D. MCDLIII. regni Hung. XIII.* Quum eodem, quo natus est, anno Ladislaus sit coronatus; eosdem regiminis, quos natiuitatis, annos numerare solet. Quia tamen communi consensu procerum et nobilium nonnisi post Wladislai regis interitum est Hung. rex agnitus; hic annus nonnisi nonus eius

Y 3

cuius

(a) Hist. Crit. T. XIII. p. 857.—862. (b) Ap. Spies Archiv. P. I. p. 177.

eius regni; regiae vero potestatis exercitae primus dici potest. — In alio diplomate, cuius istic meminit, quicquid ab adolescentia prima Hunyadius egit; officia bellaque, quae gessit, ordine recenset. (a) Bonfinius quidem ait, (b) Hunyadium in munere gubernatoris ab Ladislao confirmatum esse; sed aliud docet litterarum, quibus privilegia Bistriciensium confirmat, hic titulus: (c) „Nos Ioannes de „Hunyad, *pridem* regni Hung. gubernator, nunc „vero perpetuus comes Bistriciensis, et supremus „capitaneus regiae maiestatis in regno Hung. constitutus. — Dat. in ciuitate praefata nostra Bistriciensi, in festo B. Mariae Magd. A. D. MCDLIII.“ Postquam Ladislaus Hunyadium meritis laudibus et praemiis cumulasset; ad alios etiam, de se bene meritos, regia munificentia recreandos conuersus, postridie Rozgonios amplissimis fundis donauit. (d) *Dat. Posonii, in festo purif. vt supra.* Dum istic plures alios hunc in modum remuneratur; proceres, collatis consiliis, quae pro communi salute regni totius opportuna censuerunt, eidem probanda firmandaque proposuerunt, in 10. articulos digesta, quorum *I.* est „Quod rex iuramentum deponet. „*II.* Status et ordines, in diaeta constituti, regi „ad fidelitatem praestandam iurabunt. *III.* Rex „extraneis dignitates non conferet. *IV.* Rex omnibus, super ante actis excessibus, gratiam facit. „*V.* Donationes Elisabethae reginae et Ladislai, „regis Poloniae, ad Varnam interfecti, cassantur. „*VI.* Castella, nouiter erecta, sub poena notae „infidelitatis, demoliantur. *VII.* Bona occupata, „sub

(a) Ap. Pray Ann. P. III. p. 123, (b) Dec. III. p. m. 566.

(c) Ap. Cornid, MSS, T. XI, (d) Ap. Pray Ann. P. III. p. 130.

„ sub poena notae infidelitatis, iis, quorum sunt,
 „ restituantur. *VIII.* Donationes gubernatoris, Ioan-
 „ nis Hunyadi, confirmantur. *IX.* Insinuationes
 „ in suo vigore permaneant. *X.* Taxae nullae fiant.
 „ — Dat. Posonii, in festo B. Dorotheae V. et M.
 „ A. D. MCDLIII.“ (a)

CCXXIII. In his comitiis actum quoque fuit,
 qua ratione regnum a latronibus repurgari posset.
 Et Giscrae quidem Ladislaus, data pecunia, per-
 suasit, ut Scepusiensibus oppidis excederet. Sed mox
 nouus latro Bohemus, Axamith dictus, ibidem sur-
 rexit, nouaque praelia miscuit. *Hic*, ut Aeneas
 ad pontificem scribit, (b) *postquam Giscram Sce-*
pusio amotum audiuit, terramque milite vacuam agno-
uit; congregata non parua latronum manu, quasi
in eius locum suffectus, regionem inuasit. Contra
 hunc Ladislaus bellum gerendum Ladislao Hunya-
 dio commisit, ut patet ex eius litteris, ad Kesmar-
 kieneses datis, (c) *Viennae fer. VI. prox, ante fest.*
pentec. A. D. MCDLIII. Non multo post Bartfen-
 sibus, quod ipsi constanter adhaeserint, noua quae-
 dam insignia contulit, (d) *Viennae fer. III. prox.*
post fest. SS. Corporis Christi. Sub idem tempus
 maximum Hungaria totaque resp. Christiana vulnus
 accepit; dum Constantinopolis, lumen illud orien-
 tis, quam Constantinus M. dedicauerat anno 330.
 sub Constantino Palaeologo iugum Turcarum subiit
 29. Maii hoc anno 1453. postquam Christianis pa-
 ruisset annis 1123. Quo maius periculum, euerso
 Graecorum imperio, Hungaricis ditionibus immine-
 bat; eo facilius consensit Ladislaus ad Elisabetham,

Y 4.

sororem

(a) Hist. Cr. T. XIII. p. 865.—902. (b) Epist. 162. (c)
 Ap. Wagn. Scepus. P. I. p. 65. (d) Id. Dipl. Saros. p. 113.

sororem suam, Casimiro, Poloniae regi, collocandam, ut hoc affinitatis vinculo firmior aduersus Turcarum potentiam euaderet. Ladislaus igitur assignata dote 100. millium florenorum, tabulas in eam rem confecit, (a) *Viennae 12. die mensis Augusti, anno dom. 1453.* Ex felici hoc connubio, praeter 7. filias, nati sunt 6. filii, quorum primus Wladislaus, hoc nomine secundus Hung. rex fuit. Ladislaum ex datis ab eo litteris videmus plerumque Viennae fuisse. Festo tamen *exaltationis S. Crucis Posonii* Nicolaum Vilakium remuneratus, castra Galgótz et Temetuény illi contulit. (b) Pragam subinde concessit et coronam Bohemiae sequenti mense suscepit. Hic vero, quantum Hussitas auersatus fuerit, pluribus indiciis prodidit. Nam, ut Dubrauius scribit, (c) *in ipso introitu urbis magister Rokyczanus (Hussitarum primipilus) cum suis, officii gratia, in conspectum prodiit, regemque salutauit; sed eum rex valde frigide resalutauit. At, occurrente ex arce Pragensi sacerdotum coetu cum sanctis reliquiis, ipsos sacerdotes hilari ore affatus est; reliquias vero veneratus et osculatus.* Coronatus a Dionysio cardinali, metropolita Strigonienfi, 28. mensis Octobris, adduci numquam potuit, ut Dlugossus ait, (d) *ut haereticorum ecclesias, licet instanter rogatus, intraret.* Diutius illum ibi commoratum fuisse, patet ex litteris, ad Cibinienses datis, (e) *Pragae, in festo B. Stephani protomart. A. D. MCDLIII.* At Dionysius card. eius reditu non expectato, Strigonium reuersus, ecclesiam metropolitanam, magnis sumtibus instauratam, sollemniter

(a) Ap. Dogiel T. I. p. 156. (b) Ap. Kaprinai H. D. P. I. p. 368. (c) Libr. XXIX. p. 236. (d) Libr. XIII. col. 124. (e) Ex MSS. Cornidesianis.

lemniter consecrauit, *die dominico, immediate sequenti post fest. S. Martini*. E. Stetit illa non consecrata 454. annis. (a)

A. C. 1454. Lad. 10. Ind. 2. P. 21. A.

CCXXIV. Ladislaus, iactura Constantinopolis admonitus, indictis Budam comitiis, cum SS. et OO. regni prouide consultauit, *qualiter*, vt ipse loquitur, (b) *huiusmodi ipsius imperatoris Turcarum inuasio praestolanda valeret tutius euitari*. Collatisque consiliis, hi 16. articuli communi consensu sunt conditi: *I.* „ Ioannes de Hunyad in generalem capitaneum eligitur. *II.* Vt homines ad cognoscendum de regiis prouentibus et eorum erogatione deputentur. *III.* Praelati ratione prouentuum antiquo more militare tenentur: et quorum prouentus imminuti sunt; onus quoque eorum militiae minuatur. *IV.* Equites IV. pedites duo a portis centum conscribantur. Nobiles vnus sessionis singuli in bellum proficiscantur. *V.* Magnates, barones, nobiles personae liter hac vice in bellum eant. Castellanus vnus in arce manere possit. *VI.* In maiorum nobilium domibus pro prouisore vnus nobilis remaneat; sed pro se hominem mittere debeat. *VII.* Coloni, in pluribus comitatibus ad vnum nobilem pertinentes, penes dominum suum exercituare possunt. *VIII.* Omnes in suis expensis militare sine damno aliorum tenentur: et poena in dissolutos milites statuta. *IX.* Regnum Sclauoniae et aliae prouinciae ac ciuitates regiae, ad
„ instar

(a) Hist. Cr. T. XIII. p. 903.—947. (b) Corp. Iur. Hung. T. I. p. 209.

„ instar aliorum regnicolarum regni Hung. milita-
 „ re teneantur. X. Iudicia tempore belli cessent.
 „ XI. Defectus equitis vnus aureis XV. peditis X.
 „ compensetur. — XII. Milites in solutionem pecu-
 „ niariam non conuertantur, sub poena capitis.
 „ XIII. Nobiles, de bello clam se subducentes,
 „ possessiones, ignobiles caput amittant. XIV.
 „ Rex numquam talem inconsuetam exercitatio-
 „ nem in posterum se promulgaturum recipit. XV.
 „ Comes et iudices nobilium super omnibus acti-
 „ bus potentiariis et possessionum occupationibus
 „ iudicium et exsequutionem facere possint sub
 „ poena. XVI. Acceptis litteris generalis capita-
 „ nei, omnes insurgere debeant. — Datum Bu-
 „ dae, in festo conuersionis B. Paulli ap. A. D.
 „ MCDLIV. “ Perlatis his legibus, non illico La-
 dislaum Pragam rediuisse, docent eiusdem litterae,
 (a) *datae Quinqueecclesiis feria II. prox. post festum*
Gregorii papae, A. D. MCDLIV. quibus inuesti-
 gari metæ prioris Auranae iubentur. Quare quum
 chronicon Austriacum ait, (b) *Coronatus est Ladi-*
slaus — in regem Bohemorum in die Simonis et
Iudæ; — et mansit in Bohemia ad alterum dimi-
dium annum; aliter conciliari non potest, quam si
 dicamus, illum per sesqui annum plerumque, non
 tamen semper, in Bohemia mansisse. Nam mense
 Ianuario Martioque vidimus iam illum in Hunga-
 ria fuisse. Mense tamen Aprili iam Pragae litteras
 pro Posoniensibus dedit, (c) *in octauo festi pascha-*
tis; item *kalendis Maii*. Plures indidem litteras
 etiam postea dedit. (d)

CCXXIV.

(a) MSS. Heuenes. T. II. (b) Ap. H. Pér. T. I. col. 738.

(c) Ap. Bel. N. H. T. I. p. 156. 692. (d) Hist. Cr. T.
 XIII. p. 947.—963.

CCXXV. Quam sapientes in comitiis Budensibus leges ad bellum contra Turcas apparandum conditae fuerint, paullo post euentus docuit. Hunyadius enim, postquam numerosum exercitum ex norma hic praescripta condidisset; quam feliciter contra Mahometem, qui Rasciam ad ictum destinauerat, rem gesserit, ad Fridericum imp. ipse sic perscripsit: (a) „ — Saeuus ille Mahumet beg, — „ violata fide sua paganissima, ruptaque treuga et „ pace, quam cum ipso eo tempore, quo ser. prin- „ ceps — D. Ladislaus — sub educatione eiusdem „ V. serenitatis consuebatur et tenebatur, pro „ parte regni et ducatus eiusdem D. regis Ladislai „ per terminum Hung. Rasciae feceramus, — ho- „ stiliter irruit — in regnum Rasciae praefati D. „ N. R. Ladislai, de quo illustrem D. Georgium, „ eiusdem Rasciae despotum, eiecit et expulit, et „ plusquam 50. millia hominum — absportauit, „ — captaque exteriori ciuitate Zendero, — inte- „ riorem — obsidens circumuallauit. Nos autem, „ quantum cum Dei auxilio, in moderna absentia „ ipsius D. N. R. Ladislai, — facere potuimus, per- „ sonaliter cum gentibus nostris transiuimus contra „ ipsos Turcos et Mahumet beg: qui postquam ad- „ uentum nostrum illuc persensit; ab ipsa obsidio- „ ne se remouit, — dimisitque in ipsa Rascia quem- „ dam vaiuodam, nomine Fritzbeg, — cum 32. „ millibus paganorum infidelium circa partes Kru- „ solitz: cum quibus conflictum habuimus, et DEO „ nobis auxilium ferente, — ipsos debellauimus, „ ipsumque Fritzbeg capitaneum captiuauimus, „ cum aliis pluribus nobilibus Turcis. — Dat. in „ castro Nander-Albenfi, A. D. MCDLIV. “ Atque hoc

(a) Ag. Pray Annal. P. III. p. 145.

hoc illud est bellum, quod Turotzius ad Amuratis tempora refert, quibus Hunyadius, qui se hic C. Bistriciensem et Hung. capitaneum vocat, gubernator adhuc erat. *D. autem gubernator*, inquit, *(a)* *ut eo celerius hostem adoriri posset, cum cunctis suorum armatorum et Rascianae gentis agminibus, in transeundo totam noctem consumsit. — Quum nebula orient. radios per solis subleuata est in altum; mox ferratae resplenduerunt acies. Agmina vero Turcorum, quum easdem sibi propinquas esse, et inter easdem vexilla D. gubernatoris — ventilari viderunt; terga verterunt. — Quare caedes maxima sequuta est de illis. — Vbi et praefatus Fritzbeg vaiuoda, multis sibi commissae gentis cum potioribus, captiuitatis calamitate affecti — fuere. Quapropter ipse D. gubernator, victoria potitus, in reditu ciuitatem Bidiniensem — exuri fecit. Locum certaminis Hunyadius Krusolitz, Turotzius Crusowcz; ducem captum vterque Fritzbeg vocat. (b)*

A. C. 1455. Lad. II. Ind. 3. P. 6. A.

CCXXVI. Quum Hunyadius, nunciata hac victoria, Fridericum ad expeditionem contra Turcas communibus Christianorum viribus suscipiendam adhortatus fuisset, eaque neglecta, barbaros mense Martio huius anni se moturos esse praedixisset; Fridericus oratores suos Francofurtum ad imperii principes misit, ad quos Aeneas Silvius inter alia dixit: *(c)* „ — Quod si vos, Germani, hoc tempore Hungaros neglexeritis; non erit deinceps, cur vos ex Gallis auxilia praestolemini; nec rursus
illi

(a) Chron. P. IV. cap. 50. *(b)* Hist. Cr. T. XIII. p. 963. — 986. *(c)* Epist. CXXXI.

„ illi apud Hispanos opem inueniant. Atque ita
 „ fiet, vt cum singulis semper gentibus pugnaturi
 „ hostes, facile — orbis imperium assequantur. — “
 Germani, hac oratione permoti, bellum in Turcas
 decreuerunt, et *auxilia per legatos suos ad defensionem Hungariae — proxima aestate*, huius scilicet
 anni, promiserunt. Tantaec tamen pollicitationes
 intra destinationem adhaeserunt. Quum enim hoc
 anno Neostadii de bello Turcico communibus Chri-
 stianorum principum consiliis per legatos ageretur;
 multis excusationibus idem Aeneas vsus est, cur
 auxilia promissa hoc anno praestari non possent,
die XXIII. Aprilis MCDLV. Hungaros, hic desti-
 tutos, in spem erexit nouus pontifex, Callistus III.
 Nicolao V. die VIII. Apr. hoc anno successus, qui,
 mox edito voto, Christianos, *etiam ad effusionem*
sanguinis proprii, si opus fuerit, contra Turcas de-
 fendendi, totis viribus sacrum bellum promouit.
 Hungari, de tam incenso pontificis studio certiores
 redditi, maioribus animis de nouo contra Turcas
 apparatu bellico Iaurini deliberarunt, quem Ioannes
 Capistranus, e Samnitibus ortus, a Nicolao V.
 pro Christianis contra Turcas excitandis ad pro-
 uincias septentrionales missus, ad nouum pontifi-
 cem perscripsit *Iaurino, XXI. Iunii, MCDLV.*
 Hic rex addixit armatorum vicena millia, dena
 Hunyadius, si 100. millia habiturus esset, pollicitus,
intra tres menses tantum conflictum contra Turcum
 se facturum, vt in Europa locum non sit habiturus.
 Scripserunt et antistites ac procures ad eundem
 pontificem, Turcam, audito, vanos fuisse Christia-
 norum apparatus, *inuasisse de nouo Rascliae ducatum*
ac Nouagora positum esse. *Dat. Budae, XXI. Iulii*
MCDLV. Hoc illud est, quod futurum Hunyadius
 et praecidit, et praedixit. Huic tamen tanto he-

roi plures insidias Vlrucus Cileiensis struebat, quas ille feliciter semper eluserat. Atque hinc videntur ortae dissensiones inter regem et procures, ad quas componendas Callistus pontifex Dionysium card. adhortatus est, (a) *anno MCDLV. kal. Sept. pont. an. 1.* His dissensionibus causam fortassis obtulit longior regis absentia regnique cura Hunyadio commissa, qui tantae potestatis erat, ut in laudatis litteris Ladislao de Gara palatino praepositus fuerit, ac de sale regio donationes facere potuerit. (b)

A. C. 1456. Lad. 12. Ind. 4. P. 28. M.

CCXXVII. Callistus, efficacius bellum in Turcas promoturus, Ioannem card. in Hungariam misit. Rex, responso pontifici dato, *Pragae, die VII. mensis Ianuarii, A. D. MCDLVI.* Viennam, inde non multo post in Hungariam se contulit, ut animos optimatum ad arma contra Turcas corripienda coram excitaret. Capistranus quoque Budam iter acceleravit, ut expeditionem contra Turcas praesentia sua promouere posset. Interea Mahometes Belgrado sensim appropinquabat. Quod ubi rex Ladislaus intellexit, cum Vlrucio Cileiensi Buda specie venationis egressus, celeri fuga Viennam concessit, litteris ad dicatores Posonienfes ex itinere datis (c) *Strigonii, die dom. prox. ante fest. B. Barnabae ap. A. D. MCDLVI.* Postquam ex Hungaria regem C. Vlrucus abduxisset; Mahometes, expugnata Constantinopoli superbus, dixisse fertur: (d) „Vaus DEVS dominatur in caelis; compe-
„tens

(a) Ap. Rayn. ad an. 1455. (b) Hist. Cr. T. XIII. p. 986. — 1025. (c) Ex MSS. Cornides. T. XII. (d) Turota P. IV. cap. 55.

„tens est, ut vnus tantum princeps dominetur
 „terrae.“ Priusquam autem alias terras inuade-
 ret; Belgradum, praecipuum suae destinationis im-
 pedimentum, ad ictum destinavit. Et iuravit, ut
 Taliacotius refert, „se ad duos menses, capta
 „Hungaria, Budae coenam habiturum.“ Id il-
 lum cum 400. millibus aggressum fuisse, Turotzius
 scribit, aliis dimidio minorem exercitum fuisse per-
 hibentibus. Multas praeterea, pergit ille, naues,
 marinarum nauium ad instar fabricatas, ipse caesar
 adduxerat: et his quidem Danubii et Savi flumina,
 secus idem castrum decurrentia, adeo inunierat, ut
 ad ferendum castro eidem opem nauali officio uti va-
 leret nemo. Ingenia quidem et machinas et tormen-
 ta tot et tanta in quantitate, qualia et quanta in
 nullius castris destructionem aliquando comparata fuisse,
 credi possunt, iuxta castrum Crusowcz mira agilita-
 te conflata, — maximis cum laboribus adduxerat. —
 Tonabant ergo die nocteque crebrius excussae machi-
 nae, ac terribiles illarum tonitus usque ad ciuita-
 tem Zegediensem, et aliis circumquaque, plusquam
 ad Hungaricalia 24. milliaria audiebantur. — Rue-
 bant tanto ex impulsu nobilium turrium culmina:
 dissipabantur parietes: et alta maenia — humo tenus
 sternebantur — Cunctas regni per partes tam acerbae
 tamque potentis obsidionis fama ferebatur; Hunga-
 riae tamen domini, quadam desidia, quasi graui
 somno laborantes, perituae arci armorum auxilium
 ferebant minime. Adit tandem hoc tremendum ob-
 sidionis genus vir innatae virtutis et militiae, D. C.
 Bixtricensis (Hunyadius) modico ad decertandum
 cum tanto hoste stipatus milite. Confluunt Hunga-
 ricæ plurimae per — Fr. Ioannem de Capistrano cru-
 ce signatae gentes: — et de partibus Polonicalibus
 cruciferi quasi 300. venire. Quapropter ipse D. co-
 mes

mes — viam quaesivit, qua hostium naues a decursu fluminum praedictorum remouere, obsidioneque laborantibus armorum praesidium ferre posset. Conquisitis tandem nauibus, illas militibus armatis et cruce-signata gente simul oneravit. — Tandem longum post belli laborem vicerunt Hungari. — D. vero comes, nauali in certamine gloriam victoriae adeptus, mox castrum adiit; et capitaneos illius, iam mente consternatos, praecipue Szilagyium, — consolatus est. „ Quid, inquit, territi estis? an solum nunc „ vidistis Turcos? Hi sunt illi, quos saepius fugauimus. “ (a)

CCXXVIII. His Hunyadii verbis nouisque militum supplementis erecti sunt obsessorum animi, qui decem diebus, *incredibili virtute*, Turcarum omnes conatus eluserunt. Septem dies inter naualem victoriam et pugnam decretoriam interceserunt, quibus Turcae diu noctuque machinis, *quarum unaquaeque, teste Taliacotio, fere 27. pedum in longitudine erat*, urbis moenia quater non cessabant; donec tandem exteriori castro 21. Iulii potirentur, commissaque pugna, postridie loco pellerentur, ac omnibus machinis amissis, ingenti clade profligarentur. Rei gestae seriem Taliacotius, S. Capistrani socius, *prolixè describit; (b)* qui totus in commendanda virtute venerandi nominis IESV, cui reipsa haec victoria debetur, quid virtute humana, qua DEVS etiam in prodigiis patrandis uti solet, gestum sit, vix attingit. Hunyadium certe, cuius ille vix meminit, nemo tantarum rerum otiosum spectatorem fuisse dixerit. Eius artes et indefessos

(a) Hist. Cr. T. XIII. p. 1025.—1077. (b) Ap. Pray Annal. P. III. p. 176.

fessos labores Chalcocondylas Graecus multis commen-
dat ac dilaudat, (a) e cuius testimonio liquet, Hunya-
dium praelio decretorio non tantum interfuisse, sed et-
iam praefuisse. Turotzius refert, (b) Mahometem Amu-
rati, suo patri, vitio dedisse, quod Belgradum 7. mensibus
incassum oppugnauerit, quod ipse spatio 15. dierum ex-
pugnaturus esset: monitum a praefecto Natuliae,
Hungaros difficilius, quam Graecos, castra sua de-
dere, furioso tamen cum impetu castrum illud ag-
gressum esse. Relatis deinde mutuis certaminibus,
ad laudem, subiicit, *DEI et caesaris eiusdem con-*
fusionem sufficit, quod cunctis bellicis spoliatus ap-
paratibus, omnibusque machinis — relictis, immen-
sam suae gentis post caedem, propriam in patriam
redit. Mox cladem Turcarum ad Callistum III.
Capistranus perscripsit, (c) *ex Nandoralba, in festo*
S. Mariae Magd. ipso die gloriosissimae victoriae. Tri-
duo post etiam Hunyadius Ladislao regi scripsit in
haec verba: (d) „ — Imperator Turcorum post
„ horam vespertinam feria IV. incipiens circa ipsum
„ castrum pugnam manualement — in tantum, ut
„ per totam noctem et feria V. (22. Julii) vsque
„ ad horam prandii durauerit. — Tandem — ipsum
„ imperatorem Turcorum de — campo eiecimus.
„ — Dat. in Nandoralba, sabbato prox. ante fest.
„ B. Iacobi ap. A. D. MCDLVI. “ Capistranus ex
relatione Georgii despotae pontifici scribit: (e) „ Vl-
„ tra 24. millia (*Turcarum*) in die belli nece per-
„ ierunt; totidem et ultra in itinere defecerunt,
„ semetipsos inter se trucidantes. “ Aeneas Silvius

cx

(a) Ap. Stritter T. III. p. 756. (b) Chron. P. IV. cap. 55.

(c) Ap. Pray Ann. P. III. p. 181. (d) Ibid. p. 180. (e)

Ibid. 182.

Epit. Chron. P. II.

ex vtriusque litteris arripuit occasionem, ambitionis vtrumque postulandi, quod alter alterius mentionem non faciat. (a) At enim neuter sibi, sed DEO victoriam adscribit, et Hunyadium Capistranus etiam hic *Turcarum terrorem* appellat. (b)

CCXXIX. Verum hic Turcarum terror maximus, hic Christianorum defensor fortissimus, tantae victoriae non diu superstes, ingenti moerore bonos omnes affecit, quum epidemica lue correptus, vicesimo post Turcas profligatos die, laboriosam vitam cum pia morte commutavit. Nam, vt Turotzius scribit, (c) *in oppidum Zemplen delatus, in recommendatione praefati Fr. Ioannis de Capistrano, viri Dei, suo salvatori suum restituit spiritum; XI. Aug. MCDLVI. — Cuius tandem corpus, ubere suorum in fletu ad Albam Transsilvaniensem delatum, honorifice exstitit tumulatum.* Eodem anno, 23. Octobris, socius laborum, Ioannes Capistranus, ad caelos abiit, anno 1515. beatis, an. 1690. sanctis adscriptus. Priusquam hic obiisset; Ladislaus rex Vienna Budam, inde Futakinum, vt de reparandis Belgradi ruinis cum regni statibus consultaret, descendit. Hic C. Vlrucus, in excidium Hunyadiae stirpis dudum intentus, a morte patris vtrumque filium insidiis intercipi posse sperabat, immo iactitabat. Ladislaus Hunyadius, de molitionibus eius ab amicis admonitus, postquam Belgradum cum rege descendit; (d) *et dies lunae, festum eiusdem S. Martini subsequens (15. Nou.) orta est; — ipsum comitem (Vlricum) pro habendo mutuo colloquio adiit. — Colloquio mutuum verso in iram, primum*

(a) Hist. Europ. cap. 8. (b) Hist. Cr. T. XIII. p. 1077. —

1109. (c) Chron. P. IV. cap. 56. (d) Ibid. cap. 58.

inim verbis minacibus, tandem radiantibus decer-
tantes armis, alter in alterius madidarunt cruore en-
ses. Dum autem ante ostium stantium ipsius C. La-
dislai fidelium ad aures intrinseci rumor belli dela-
tus est; intardi, dissoluto domus ostio, — quum co-
mites utrosque bello insudare viderunt; mox eductis
ensibus, irruerunt in C. Vlricum; — straueruntque
illum; — ac tandem prostratum ibidem decollarunt.
Vlricum vim Ladislao priorem intulisse, testatur
etiam Aeneas Silvius in haec verba: (a) Illud con-
stat, comitem, arrepto ex manu armigeri gladio,
Ladislai caput petentem, nonnullos interiectae manus
digitor amputasse; — exorto clamore, Hungaros ir-
rupisse; defendentemque se magno animo comitem —
obtruncasse. Vt si tamen ipse Hunyadius Vlricum
occidisset; ad Alphonsum regem ita scribit: (b)
Creditum est, non minus filium profuisse reip. Chri-
stianae in occisione comitis, quam patrem in profliga-
tione Mahometis; quum Mahometes et comes hostes
religionis essent: ille externus; iste domesticus. Rex
Ladislauus, tristem loci faciem detestatus, paullo
post Belgrado Temesuarinum, Hunyadiano iuri tunc
obnoxium, petiit. Hic, teste Turotzio, (c) C. La-
dislao, ad veniam prostrato, temeritatem, quam in
occidendo C. Vlrico — commiserat, expiauit et indul-
sit; et — utrosque comites, Ladislaum scilicet et Ma-
thiam, fidei sub iuramento, — in fratres adoptauit:
eodemque sub iuramento „ numquam futuris in tem-
„ poribus aliquam talionem comitibus ab eisdem
„ ratione praeuia se exigere velle^a spondit: et
in tam gloriosae fraternalis adoptionis signum, am-
bos comites lugubri vestimento — exui iussit: ut eos-

Z 2

dem

(a) Ap. Kapr. H. D. P. I. p. 104. (b) Ibid. p. 108. (c)
Chron. P. IV. cap. 19.

dem, propria sua pro persona, rubea de purpura sarcitis vestibus amicare fecit. (a)

A. C. 1457. Lad. 13. Ind. 5. P. 17. A.

CCXXX. Ladislaus Coruinus, regiis donis et blanditiis allectus, postquam ob caesum Vlricum veniam, iurisiurandi religione firmatam, obtinuit, cum rege securus Budam ascendit. Magnam item in Ladislao Gara palatino, cuius filiam sibi desponderat, fiduciam habuit, a quo tamen rex non conciliatus, sed ad necem Coruini concitatus erat. (b) Quia vero Ladislaum regem, propter promissam impunitatem, ad vindicandam Vlrici caedem impelli non posse vidit; cum aliis, Coruiniani nominis aemulis, insidiarum, regis vitae structarum, reum illum peregit. Ita rex, a suis circumventus, in eius necem consensit. Tragicam supplicii scenam Turotzius vberius, breuius Aeneas Silvius ita depingit: (c) *Ladislaus, quatuor ferme et 20. annos natus, egregio corpore adolescens, flavis de more crinibus super humeros passis, reuinctis post tergum manibus, — in publicum producit. — Carnifex, religata Ladislai caesarie, ne collum impediret, iussus percutere reum, nutans labansque, vix tandem quatuor ictibus candidam cervicem abscidit.* Funesta haec caedis Coruinianae tragoedia magnos animorum motus in cognatis et amicis Coruinianis excitavit. Elisabetha, Hunyadii vidua, postquam alterum filiorum caesum, captum alterum intellexit; maximas turbas per suum fratrem, Michaellem Szilagyium, concitavit. Hic, teste Turotzio

(a) Hist. Cr. T. XIII. p. 1109.—1133. (b) Tur. Chron. P. IV. cap. 60. (c) Ap. Pray Ann. P. II. p. 191.

rotzio, (a) *coadunatis sibi bellicosorum virorum praesidiis, partes regni Transsiluanas aggressus, — cunctos regales prouentus, — suos sibi que adhaerentium conuertit in usus.* Ladislao caeso 16. vel 23. Martii, Ioannes, episcopus Varadiensis, Dionysio card. custodiendus est traditus. Elapsis e custodia 17. Iunii Sebastiano de Rozgon et Ladislao de Kanisa, qui propter amicitiam Coruinianae domus capti fuerant, rex Ladislaus, horum potentiam veritus, (b) *Viennensem se transtulit ad ciuitatem. Comitem quoque Mathiam sine aliquo vinculo, et Paullum Modrar, multis ferramentis compeditum, — secum abduxit.* Ioannem tamen Vitezium, itinere per Strigonium facto, liberum dimisit; cui propterea mox Aeneas Siluius gratias egit. (c)

CCXXXI. Ad tumultus Hungariae componendos comitia Posonium Ladislaus indixit, litteris ad Posonienses ea de re datis (d) *Viennae, in festo visitationis B. M. V. A. D. MCDLVII.* Nullam alibi horum comitiorum mentionem legimus. Pacem inter regem et Coruiniolos subinde tentatam fuisse, Ladislaus Palotzius, iudex curiae, ciuitatibus significauit. (e) Sed hac quoque pace numquam ad effectum deducta, Callistus III. nihil diligentiae praetermisit, ut Fridericum imp. et Ladislaum regem propter Vlrici caesi hereditatem dissidentes inter se conciliaret. (f) Efficere tamen non potuit, ut cognati principes in pacem consentirent, induciis dumtaxat confectis ad conuentum usque

Z 3

Fra-

(a) Chron. P. IV. cap. 61. (b) Ibid. cap. 62. (c) Hist. Cr. T. XIII. p. 1138. — 1184. (d) Ex MSS. Cornidestian. T. XII. (e) Ap. Kapr. H. D. P. I. p. 207. (f) Ap. Rayn. ad an. 1457.

Pragensem, in quo magna pars Europaeorum principum pro Ladislai nuptiis adfutura sperabatur. Ad has condecorandas Callistus quoque Ioannem card. properare iussit, ac ipsum etiam Aeneam eum in finem Roma Pragam dimisit. Ladislao, visitatis prius cellis MARIANIS, *intranti Pragam, ut Aeneas scribit, (a) Rochezana cum sacrilego presbyterorum comitatu pompam ducens, obviam venit. — Vix, admonente Podiebradio, rex gratias egit, haereticum ac pestiferum torvis oculis clerum inspiciens. Vbi vero maioris ecclesiae sacerdotes — occurrerant; — ab equo profiliens, consalutatis omnibus, sacram crucem osculatus est. — Haec Ladislai pietas multorum offendit animos, qui Rochezanae studebant ineptiis. Ac imprimis Georgii de Podiebrad, quem plerique scriptores in suspicionem veneni, Ladislao propterea dati, vocant. Id multi clavis, Turotzius dubiis, Aeneas obscuris verbis ita proponit: (b)*

„ An adolescentem regem robustissimum, nullum
 „ prorsus vel doloris indicium sentientem, cum
 „ quo die lunae (21. Nov.) praeunte mortem,
 „ usque ad noctis horam tertiam, summa, postrema et facili laetitia fui, 27. horarum intervallo,
 „ aliquod genus mortis naturalis prosternere potuisset, ante quem vel minimus quispiam ex eius
 „ familia, neque post eum ullus — hoc genere
 „ mortis interiit? “ Atque hoc inuietum est argumentum aduersus illos, qui Ladislaum, peste correptum, obiisse scribunt. An autem iusto DEI iudicio propter *periurium* Ladislaus obierit, ut Turotzius innuit, nostrum scrutari non est; quamvis eum eodem dici possit, (c) *eadem die* (23. Nov.)
anni

(a) Hist. Bohem. cap. 69. (b) Epist. 324. et 338. (c)
 Chron. P. IV. cap. 62.

anni subsequenti, qua comitibus Ladislao et Mathiae veniam promiserat, extinctum esse. Ceterum eius mortem, tamquam religiosissimam, Aeneas describit, ac addit: (a) Fuerunt quoque, qui dicerent: „ idcirco regem apud Pragam nuptias celebrare decreuisse, ut, concurrentibus eo catholicis principibus, potenti manu haereticos apprehenderet, finemque tandem Hussitarum insaniae daret. “ Id praesensisse Georgium ac Rochezanam, necemque regi pro salute machinatos. Si hoc est; odio fidei Ladislaus e medio sublatus est. Ita rex optimus in apparatu nuptiarum cum Magdalena, filia Caroli VII. Galliae regis, antequam illa fuisset adducta, pro thalamo tumulum inuenit. Quo post Wladislai eadem 13. annis regnante, praefuit ecclesiae Strigon. Dionysius Szetius card. Coloc. Raphael Hertzeg 1454. Stephanus de Varda 1457. Agrien. Ladislaus de Hederuara 1447. Bosn. Raphael Hertzeg 1444. Philippus 1455. Paulus 1457. Iaurin. Ioannes 1446. Augustinus 1447. Quinqueecl. Andreas 1447. Nicolaus 1453. Sirm. Iacobus 1455. Transsilu. Matthaeus 1445. Petrus 1450. Nicolaus Bodo 1453. Tsanad. Petrus 1456. Vacien. Petrus 1447. Vincen-tius 1450. Varad. Ioannes Vitezius 1445. Vesprim. Mathias 1445. Zagrab. Demetrius Chupor et Benedictus de Zolio. 1447. Palatini fuerunt: Laurentius de Hederuara 1445. Ladislaus de Gara 1447. vaiuodae Transsil. Ioannes Hunyadius et Nicolaus Vilakius 1445. Nicolaus Vilakius et Emericus Pelsötzius 1447. Ioannes de Rozgon 1453. Iudex curiae Ladislaus Palotzius 1445. Bani Ioannes Székely 1447. Franco de Talótz 1448. Ladislaus de Hunyad 1453. Machou. Ladislaus de Gara 1445. Emericus de Hederuara 1447.

Z⁴

Ioannes

(a) Hist. Boh. cap. 71.

Ioannes de Korogh 1452. qui praeclaram ad Belgradum obsidione soluendum operam nauauit, cuius praesidii praefectum egit Michael Szilagyius, Mathiae regis auunculus, de quo iam. (a)

§. XII.

MATHIAS I. REX XXXIV.

Coepit A. C. 1458. desit A. C. 1490.

A. C. 1458. Math. I. Ind. 6. P. 2. A.

CCXXXII.

Et si nullus dubitet, Mathiae Coruino, patrem Ioannem Hunyadium, matrem Elisabetham Szilagyiam fuisse; quo tamen genere pater ac maiores eius prognati fuerint, nondum extra controuersiam positum est. Id vnum affirmari certo tam patriorum scriptorum, quam Aeneae Siluii testimonio potest, Ioannem Hunyadium natione Valachum fuisse, cuius genus ex assentandi studio Bonfinius (b) in *Coruinam Romanorum familiam* refert. Subinde multa de vetustate Coruinae gentis narrat; (c) sed nullo veterum testimonio hunc familiae Romanae cum Hunyadiana nexum firmat. Et si vero, si tam vetusta stirpe Hunyadius editus fuisset, Dlugossus illum male *humilis et exiguae conditionis* hominem appellasset; multo tamen a vero longius aberrasset, si, quod aliqui sibi persuadent, Sigismundi nothus fuisset. Ita profecto Mathias genus suum ad nobilissimum

(a) Hist. Cr. T. XIII. p. 1185.—1232. (b) Dec. III. Libr. IV. p. m. 448. (c) Dec. III. Libr. IX. p. m. 538.

mum. priscorum imperatorum et regum sanguinem referre potuisset, eundemque paternum, quem Ladislaus Postumus maternum avum habuisset. Inficetam hanc fabulam vix natam Bonfinius illico convulsit. *Quodsi vera haec fabula fuisset*; inquit, (a) *quis ambigat, Sigismundum, profusissimae prodigalitatis imperatorem, non solum agro, sed regno, quum virili prole careret, hunc esse donaturum?* Magna vis argumento huic inest; quum constet, praecipuas illi ditiones non a Sigismundo, sed ab Alberto collatas fuisse. Ladislaus enim Palotzius inter possessiones, *per eundem D. Albertum illi datas*, recenset (b) *Lippam, Hunyad, Dyod, Solmos*. Occasionem commento huic obtulit Hunyadianae familiae scutum gentilicium, in quo coruus, cum anulo visitur. Atqui hoc insigni non tantum Hunyadium, sed eius etiam progenitores usos fuisse, certum est ex his Ladislai Postumi verbis, anno 1453. vulgatis: (c) „Haftenus siquidem ex gratia praedecessorum nostrorum, diuorum Hung. regum, praefatus C. Ioannes pro armis seu nobilitatis insigniis, *progenitoribus suis* et domui benefico munere collatis, *coruum*, in campo flauco seu caelestino alas paullulum eleuantem, sub colore naturali depictum, ac *formam anuli aurei* in ore gestantem, habuit.“ (d)

CCXXXIII. Vt Mathias Corvinus, hoc patre natus, prae tot illustribus Hungariae proceribus rex eligeretur, mira DEI prouidentia factum esse, nemo diffiteri potest. Indictis ad kalendas Ianuarias huius

(a) Ibid. p. 542. (b) Ap. Kaprinzi H. D. P. I. p. 207. (c) Ap. Spies Archiv. P. I. p. 177. (d) Hist. Cr. T. XIV. p. 5.—20.

huius anni comitiis, Michael Szilagyius, teste Turrotzio, (a) multam virorum armorumque virtutem secum ducens, congregationem nobilium ad eandem venit: quem Thomas Székel, prior Auranae; Sebastianus de Rozgon, Ladislaus de Kanisa et Pancratius de Szentmiklos — comitabantur. Quia vero Ladislaus de Gara, palatinus; Nicolaus de Vilak, vaiuoda; Paulus, filius bani, de Lindua, cum aliis, Coruinianae domus inimicis, in arce Budensi se continebant, ne hi regem alium Budae crearent, perniciosisque factionibus Hungariam inuoluerent; Danubio glacie constricto, Pestinum erant traducendi. Szilagyius. igitur, comparato 20. millium exercitu, iustum illis metum, ni se cum reliquis coniungerent, incussit, amnestiaque iureiurando promissa, si Mathiae suffragium darent, transitum omnibus persuasit. Tum vero, Michael, inquit Aeneas, (b) conuentum adiens, „ non se idcirco „ armatos adduxisse, ait, vt vim congregatis inferat; sed vt eos deterreat, si qui sint, qui libertatem principum ac popularium in assumendo rege perturbare conentur: illud tantum se — monere, vt Ioannis Hunniadis beneficia meminerint: — posse barones memoriam Ioannis extollere, Mathiam ex captiuitate redimere, atque in eius regni fastigio collocare, quod pater sua virtute seruasset. “ — Reconciliatione inter proceres facta, Mathias XVIII. natus annos, IX. kal. Febr. inter XL. millia virorum, qui medio in Danubio, tum glacie constricto, impatientes magni frigoris, secretae electionis exitum expectabant, est rex acclamatus. Erectarum furcarum Bonfinius et Dlugossus, non item alii, meminerunt: quae tamen, licet erectae fuissent

(a) Chron. P. IV. cap. 63. (b) Hist. de Eur. C. I. p. 225.

fuiſſent ad metum aliquem ſuffragatoribus incutien-
dum; Mathias tamen liberis ſuffragiis rex electus
dici poſſet. Vis enim et metus iuſte fuiſſet incuſ-
ſus paucis illis, qui potiori parti reluctabantur,
publicamque pacem et quietem intercipere conaban-
tur; poſtquam Mathias tot liberis ſuffragiis rex opta-
tus erat, vt, illis etiam diſſentientibus, legitimus
rex haberi potuerit et debuerit. Certe Mathiam
non inuitis Hungaris obtruſum fuiſſe, declarat in-
ſolitum totius gentis gaudium, cui par in nullius
regis electione Turotzius ait exhibitum fuiſſe. *Cur-
rebant*, inquit, (a) *hinc inde nuncii, huius electio-
nis gaudium his, qui abſentes erant, deferentes;
multisque muneribus onuſti redibant. Poſtquam au-
tem propinquae noctis aduenit crepuſculum; ipſa nox
— quaſi in diem fictitium, multa congerie lignorum
ardente, tranſmutatur.* Hi fuerunt ignes feſtiui,
non magnis quidem ſumtibus, ſinceris tamen plau-
ſibus accenſi, quibus Hungari ſuam de creato rege
Mathia communem laetitiam luculentis indi-
ciis de-
clararunt. (b)

CCXXXIV. Electione 24. Ianuarii peracta, Mi-
chael Szilagyius, regni gubernator in quinquennium
propter teneram Mathiae regis aetatem conſtitutus,
nunciata Caſſouiſibus et aliis ciuitatibus electio-
ne, „ Gaudeatis, *inquit*, (c) et laetamini de tan-
tis laetitiis et gaudiis, quae DEVS altiffimus o
caelo ipſi D. Mathiae et nobis ac huic regno
Hung. praefenti die concedere dignatus eſt. —
Dat. in ciuitate Peſtienſi, feria tertia prox. ante
feſtum conuerſionis S. Pauli ap. A. D. MCDLVIII.“

Recte

(a) Chron. P. IV, cap. 63. (b) Hiſt. Cr. T. XIV, p. 20.—

44. (c) Ap. Kapr. H. D. P. I, p. 3.

Recte Szilagyi DEO hoc beneficium electionis adscribit; admirandum enim erat hoc opus diuinæ prouidentiae, quod Mathias Coruius, mediocri stemmate natus, quamuis et Fridericus imperator, et Casimirus, Poloniae rex, et Guilielmus, Saxoniae dux, qui defuncti regis sorores in connubio habebant, et Carolus, Galliae rex, pro filiorum alterutro Hungariae regnum ambiuerint, omnibus his praelatus fuerit. Id vero magis admirandum est, si ratio tam aetatis, quam captiuitatis eius habeatur. Nam licet Aeneas illi tribuat annos 18. Galeotus tamen 14. alii 15. quos quidem iam inchoauit, sed nondum compleuit; si Heltaius eius natiuitatem ad 27. Martii 1443. bene consignauit. Rex igitur electus est, qui nondum 15. aetatis annum expleuerat, nondum libertatem recuperauerat; nihil igitur, ut rex eligeretur, agere poterat. Calistus quidem pontifex, antequam illum electum intellexisset, magnam eius ex captiuitate liberandi curam praefetulit, litteris ad card. S. Angeli datis (a) *die IX. Febr. MCDLVIII.* Sed hoc tempore iam Mathias et rex creatus, et captiuitate liberatus erat. Quam eius liberationem Bonfinius oratorie potius, quam Historice describit. Vera magis sunt, quae Turotzius in haec verba refert: (b) *Postquam Georgius de Podebrad. audiuit, C. Mathiam regni Hungariae in regem electum esse; superbus in multis alloquutionibus nouum regni Hung. regem aggressus est, et cum multa confabulatione victum suae natae ad connubia inclinauit; nec in posterum repatriantem eum plurimi auri sine solutione abire tulit. Aeneas Siluius perhibet, (c) Mathiam — 50000. aureis*

(a) Ibib. p. 422. (b) Chron. P. IV. cap. 64. (c) Epist.

*aureis redemptum fuisse. Decem millibus alii pl
alii minus depensum esse tradunt. Die IX. F
lam Straznitzii Mathias fuit, foedusque nupt
cum Georgio de Podiebrad ita pepigit, vt eius
liam, Catharinam et Cunegundem dictam, (a)
fra unius anni reuolutionem — ad manus suas tr
eturum se promiserit, vtrunque poena 100. mil
flor. aureorum constituta, si pactis non stare
Dat. in castro Straznitze, feria V. prox. post
Dorotheae, A. D. MCDLVIII. Appressa sunt
gilla matris Elisabeth, Michaelis Szilágyi, r
Hung. gubernatoris, episcoporum Varad. et Vac
sis, et quorundam baronum. Bonfinius er
quum ait, (b) Mathiam Strigonium paullo ante
Martias, circiter sarcophaga festa (Bacchi fer
peruenisse. Nam 16. Februarii, proinde 14. die
ante kal. Martias; non tantum Strigonium, sed
Budam illum peruenisse, certum est ex eius
litteris, ad Bartenses datis, (c) Budae, fer. V. p
post fest. B. Valentini M. A. D. MCDLVIII.
bus significat, se nunc Budae dies laetos ducere.*

CCXXXV. Postquam Mathias Budam, vbi
ptiuitatem anno superiore mense Martio subiit, n
se Februario feliciter appulisset; non solum hi
Budae, sed etiam comitia Pestini celebrauit.
dem iam antea Szilagyius vtilissimas pro coi
uanda regni tranquillitate sanctiones publico di
mate confirmauit, cuius capitula hoc ordine sequ
tur: (e) „ Art. I. Bona tam ecclesiastica, q
„ secularia, a tribus annis antea actis occup
„ vsq

(a) Ap. Bel. N. H. T. I. p. 163. (b) Dec. III. Libr. I
536. (c) Ap. Kapr. H. D. P. I. p. 492. (d) Hist.
T. XIV. p. 44.—60. (e) Corp. Iur. Hung. T. I. p.

„ vsque quindecimum diem sub poena facti potē-
 „ tiarii remittantur. *II.* Rex de suis prouentibus
 „ exercituare teneatur; alioquin etiam banderiatī,
 „ et demum nobiles insurgant. *III.* De damnis et
 „ iniuriis, ab anno MCDLVI. illatis, in comitati-
 „ bus iudiciū celebrari possit. *IV.* Quod quatuor
 „ octauae singulis annis celebrentur. *V.* Quod
 „ numquam aliqua taxa petatur. *VI.* Vniuersa
 „ fortalicia ad monitionem nobilium infra XV. dies
 „ diruantur sub nota infidelitatis. *VII.* Dignita-
 „ tes ecclesiasticae ac officiolutus et perpetuitates
 „ extraneis non conferantur. *VIII.* Bona, extra-
 „ neis collata, recuperentur. *IX.* Quales causas
 „ ecclesiastici possint iudicare. *X.* Quod sacerdo-
 „ tes, scholares et nobiles telonia et decimas non
 „ soluant. *XI.* Rex ex parte omnium fratrum et
 „ familiarium debitam iustitiam impendere teneatur.
 „ *XII.* Quod nouae pecuniae cudantur, et num-
 „ quam mutantur. *XIII.* Quod singulis annis ad
 „ festum pentecostes fiat diaeta in Pesth. *XIV.*
 „ Quod vniuersae ciuitates et castra regalia ad ma-
 „ nus D. gubernatoris tradantur. *XV.* Quod omnes
 „ iobagiones libere dimittantur sub poena occupa-
 „ tionis bonorum et solutionis XII. marcarum. Da-
 „ tum in Pesth, XXIV. die congregationis — A. D.
 „ MCDLVIII. “ Ibidem, paullo post Mathiae re-
 „ gis aduentum, alia congregatio celebrata, vel po-
 „ tius prior continuata fuit, in qua decretum Alber-
 „ ti regis maiori parte repetitum ac stabilitum est,
 „ nouaeque leges itidem sancitae sunt, quas omnes
 „ Mathias auctoritate regia ratas habuit, (a) in Pesth,
 „ XII. die congregationis (incertum huius initium est)
 „ anno dom. MCDLVIII. Hoc decretum, in corpus
 iuris

(a) Ex MSS. Cornides. T. XII.

iuris minime relatum, adeoque rubricis destitutum, ultra vicens paginas excurrit. Michael Szilagyius ante Mathiae regis aduentum eius fratris Ladislai corpus effodi iussit, vt Turotzius perhibet, (a) *ac tandem Transsiluanensem ad Albam transferri faciens, idem paternum iuxta sepulcrum in multis obsequiis condere fecit.* Vidimus vtrumque, paternum nulla, filii breuicula hac inscriptione notatum: **LADISLAVS DE HVNYAD.** (b)

CCXXXVI. Indigna huius Ladislai caedes, quae magnam apud Hungaros commiserationem excitauit, ad eius fratrem Mathiam in solum euehendum non parum quidem contulit, sed multo plus eiusdem patris ingentia merita, quibus Callistus delatam filio dignitatem regiam adscribit, quum eius matri Szilagyiae his litteris gratulatur: (c) „ Certissimam spem semper habuimus, — quod DEVS, „ omnipotens in suis iudex et miserator, non patetur domum praefati Ioannis in tantis tenebris „ iacere. — Vidimus repentinam mutationem, diuino mysterio factam; quum vno eodemque tempore filium tuum illustrem, Mathiam, in regem, „ et Michaelem fratrem in gubernatorem regni istius electos fuisse vidimus. — Nec dubitet aliquis, „ quin anima praefati genitoris sui — a piissimo „ DEO — hoc de filio suo obtinuerit. — Dat. XIV. „ Martii, A. MCDLVIII. “ Gratulatus est ipsi quoque Mathiae his verbis: (d) „ — Illuxit tandem „ felicissimus dies, quo te diuina pietate regem „ Hung. electum esse percepimus, domumque tuam „ exaltatam

(a) Chron. P. IV. cap. 64. (b) Hist. Cr. T. XIV. p. 61. — 92. (c) Ap. Kapr. H. D. P. I. p. 412. (d) Ibid. p.

„ exaltatam, quod futurum et praedixeramus, et
 „ credebamus, DEVMque, pro quo totaque Chri-
 „ stianitate bonae mem. genitor tuus tam gloriose
 „ strenueque decertauit, minime passurum, vt do-
 „ mus tua calamitatibus obfuscaretur. — Immorta-
 „ li DEO gratias agimus, qui huius gaudii compo-
 „ tes nos fecit, teque ineffabili potentia ad illius
 „ incliti — regni culmen euexit, vt esses, qui la-
 „ psis rebus succurreres. — Etenim de tua sereni-
 „ tate — cogitantes, — credimus, — te caelesti
 „ munere, quasi diuinum aliquem hominem, non
 „ solum isti regno, sed vniuerso orbi Christiano
 „ missum esse, qui regni ipsius florida aetate gu-
 „ bernacula exorsus, sublatis intestinis seditionibus,
 „ animum adhibeas ad gloriosum certamen Maho-
 „ meticae sectae exterminandae. — Equidem quum
 „ patris tui, inuictissimi militis et athletae Christi,
 „ nobis in mentem cogitatio venit, cuius aeterna
 „ sunt in vniuersam Christianitatem feliciū gesto-
 „ rum monumenta; — existimamus, post illius lu-
 „ gendam mortem, te alterum illius regni firmum
 „ columnen et praesidium esse futurum. — Quod eo
 „ facilius erit, quo maior est tua, quam illius fu-
 „ erit felicitas: et tu rex, ille minister regni fuit. —
 Dat. vt supra. Pluribus hic Mathiam hortatur, vt
 vestigiis patris in persequendis Turcis insistat. (a)

CCXXXVII. Nihil profecto magis Mathias in
 votis habuit, quam vt, quod pontifex suavit, sin-
 ceram cum imperatore, Poloniae rege, vicinisque
 principibus amicitiam et pacem colendo, vires suas
 in Turcas conuertere posset: Sed enim optimam
 hanc nouicii regis voluntatem interceperunt quidam
 factiosi

(a) Hist. Cr. T. XIV. p. 93. — 105.

factiosi, qui partim Fridericum, partim Casimirum in Mathiam concitarunt ac euocarunt. Praecipuus turbarum Polonicarum auctor Giskra fuit, qui veterum cum Ioanne Hunyadio dissidiorum memor; eius filio regium honorem invidit, ac in Poloniam profectus, Casimirum regem, qui Ladislai Postumi sororem Elisabetham coniugem habebat, ad capessendum vxorio nomine Hung. regnum inuitavit: (a) Qua de re Mathias questus est litteris ad Podiebradium datis in haec verba: (b) „Scripsimus „ser. vestrae, quemadmodum contra dispositionem „S. V. quam, quum in Strazniz constitueremur, „eadem V. S. inter nos et Ioannem Giskram (*firmauit*) pro qua tractanda illuc nuncios suos „miserat, idem Giskra inique nobis agere conatur, „accumulatis sibi pluribus latronibus. Audimus „etiam, quod et rex Poloniae, falsa quadam opinatione, ius ad ipsum regnum nostrum Hung. praetendens, similiter contra nos hostiliter ducere velit. — Dat. Budae, XXIX. Martii, A. MCDLVIII. “ (*non LIX.*) Casimirus tamen professus, (c) *se regno Poloniae et aliis dominiis, in quae iure paterno successit, contentum*; Mathiae quietem nunc non intercepit. Mathias igitur iam certus, Giskram, reiecta pace, bellum aduersus se moliri, bellum et ipse contra Bohemos, eiusdem socios, suscepit, eique Sebastianum Rozgonium, Hunyadianae stirpis studiosissimum, praefecit, Bartensibus eidem opem et operam commodare iussis, (d) *Budae, in dom.* Misericordia domini

(a) Dlug. Libr. XIII. col. 225. (b) Ap. Kapr. H. D. P. II: p. 158. (c) Ap. Dlug. L. XIII. col. 226. (d) Ap. Kapr. H. D. P. II. p. 160.

mini, *MCDLVIII*. Quibus iterum, ut eidem Rozgonio, contra latrones Bohemos ituro, copias auxiliares apparent ac instruant, mandat, (a) *Budae, sabbato prox. post festum ascensionis domini, anno eiusdem MCDLVIII*. Prompta subinde Bartensium ad hoc bellum studia meritis laudibus ornavit, (b) *Budae, octavo die festi SS. corporis Christi, an. eiusdem MCDLVIII*. Etsi vero malum hoc adeo per tot annos inualuerit, ut nonnisi repetitis ictibus exscindi penitus potuerit; prima tamen auspicia Mathiae tam prospera fuerunt, ut Rozgonio castrum Tserép contulerit propter relatas ab eo victorias, quas ita perstringit: (c) „ Ad obsi-
 „ dionem fortalicii, Wadua vocati, ubi satis ma-
 „ gna multitudo latronum cum quibusdam Komo-
 „ rowski et Valgatha — exsistebat, idem Sebastia-
 „ nus — eundo, — ipso fortalicio Wadua expugna-
 „ to, praefatum Valgatha capitaneum, cum suis
 „ complicibus captum; tandem quum quidam Ak-
 „ zamith et Thalufuz cum 2500. equitibus, trans-
 „ uadato fl. Bodrogh, — ad proprias eorum spe-
 „ luncas reuerti voluissent; praenotatus Sebastianus
 „ — in quodam campo prope ciuitatem Sárospa-
 „ tak eis obuiando, inibique data nobis ab altissi-
 „ mo victoria, praefatoque Akzamith cum ceteris
 „ latronibus interfectis, multos ex eis captos —
 „ manibus nostris assignauit. — Zegedini, kal. Sept.
 „ *MCDLVIII*.“

CCXXXVIII. Quum hoc bellum, quod Bonfinius proluxa narratione persequitur, (e) cum Bohemis

(a) Ibid. p. 168. (b) Ibid. p. 179. (c) Ibid. p. 200. (d) Hist. Cr. T. XIV. p. 105.—119. (e) Dec. III. Libr. X. p. 548.

mis Polonisque latronibus in Hungaria feliciter gerebatur; Bohemiae rex, Georgius Podiebradius, sollemni ritu Pragae pridie nonas Maias inauguratus est. Quia Pragensis metropolis tunc vacabat; nec adhuc Protasius, Olomucensis episcopus, a pontifice confirmatus erat; legatos ad Mathiam regem Georgius misit, ut aliquos ex Hungaria praefules ad se coronandum mitteret. Et iste quidem episcopos suos, Augustinum Iaurinensem et Vincentium Vaciensem, in hunc finem ad eum destinavit; vetuit tamen, ne prius illi coronam imponerent, quam is religionem catholicam et obedientiam, Romano pontifici debitam, profiteretur. Quod illum, regni cupiditate permotum, ad Mathiae nuntium praestitisse, publicum instrumentum, ab ipso Georgio confectum, septem testibus subscriptis, ostendit, (a) *Dat. Pragae, die VI. mensis Maii, A. D. MCDLVIII.* Quod ubi domum reduces episcopi, quibus Nicolaus Vilakius et Osualdus Rozgonius adiuncti fuerant, Mathiae regi praesentaverunt; hic illud Romam transmisit, insertum litteris suis, (b) *dati in descensu exercituali, in oppido Samaria, X. die mensis Nouembris A. D. MCDLVIII.* Annus tamen apud Heuenesium melius videtur subscriptus MCDLXVI. quum XV. Nouembris Temesuarini hoc anno fuisse Mathiam, ex aliis diplomatis constet. Omnem tamen hanc cautionem subinde Podiebradius elusit: qui quum vidisset, multas Bohemiae ciuitates, ac Silesiam, Lusatiam, Moraviam, suum, tamquam haeretici principis, imperium aspernari; hac fidei simulatione principatum mercari voluit: quem adeptus, quid animo clausum.

A a 2

sum.

(a) Ap. Balb. et Pray P. III. p. 223. (b) Ex MSS. Heuenes. T. Rom. VIII. Et Cornidesianis.

sum gesserit, non multo post aperuit, ita religionem catholicam opprimere conatus, ut a pontifice diris deuotus, a Mathia iustis armis petitus fuerit. Sed hoc decimo post anno factum est. Nunc Calistus id agebat, ut Mathiam ad pacem cum Christianis principibus sancendam ac bellum in Turcas suscipiendum excitaret, litteris ad eum datis, (a) *die XIII. Maii MCDLVIII.* Neque Mathias suis partibus deerit, quantum per vicinos principes sicebit. Sed ut bello magnus, ita iustitiae studio celeberrimus, iam nunc omnem operam eo conuertit, ut suum cuique ius redderetur, neque potentiorum iniuriis infirmiores opprimerentur. Id plures eius litterae, Buda hoc anno datae, docent, 27. Apr. 7. 17. 29. Jun. 3. 24. 31. Jul. 3. 14. Augusti. (b)

CCXXXIX. Quamdiu Budae Mathias mansit; Michaellem Szilagyium, auunculum ac praecipuum suae libertatis et regiae dignitatis auctorem carum habuit, quem dignis, ut par erat, praemiis cumulaturus, Bistricensem comitem creauit. Nullum quidem diploma, quo hoc ille praestitit, habemus; id tamen colligi potest ex titulo diplomatis, quo pactioes, inter illum et Georgium despotam initas, ita confirmat: (c) „ Nos Mathias — Multa „ sunt, quae nos inducunt, ut in spect. et magnif. „ Michaellem Zilagy, *comitem Bistriciensem*, auunculum nostrum, liberales simus et benefici. — „ Dat. Budae, in festo B. Stephani R. A. D. MCDLVIII. „ Postquam autem Buda sub exitum huius mensis egressus, ad inferiores regni partes lustrandas

(a) Ap. Kapr. H. D. P. II. p. 169. (b) Hist. Cr. T. XIV. p. 119.—142. (c) Ap. Kapr. H. D. P. II. p. 195.

Grandas concessit; aemulorum Szilagyianorum sermonibus et obtreccionibus in transuersum actus, in suum hunc auunculum, optime de se meritum, ea decreuit, quae demirari satis non possumus. *Simultatis causam*, inquit Bonfinius, (a) *nemo sat exploratam habuit. Nonnulli probum virum — affectatae tyrannidis insimulant. — Qui vero aequius iudicare visi sunt; ob inuidiosum gubernationis munus et auctoritatem, maximam conflata in hunc inuidiam ab aduersariis, eiusque seueram aduersus regem censuram, huiusce mali causam fuisse prodidere. — Accedebat elatus regis animus, qui senis imperium et admonitionem haud facile tolerabat. Atqui memini, Mathiam Viennae paullo ante mortem saepe dixisse: „ se in administrando regno numquam „ alieno consilio esse vsum: quin etiam a sui regni „ principio vix vnus anni gubernatoris moderationem et consilium tolerare potuisse. “ Quare factum est, ut tanto magis delatorum criminibus foret obnoxius. — Rex male persuasus, auunculum grauiissimi colloquii gratia ad Tibiscum annum festinare iubet. — Quum itaque ex composito ad colloquium conuenissent; Michael in proximo Tibisci pago, a validissimo equitatu circumuentum, repente capi iubet et in vincula coniici. — Insequenti die Michael, iussu regis vinctus, ad Vilagosuárum — ducitur. Committitur duobus castelli praefectis, qui ob Turcarum metum cum valido id praesidio tenebant. Horum alteri Gregorio Labatlano, Georgio Dachio alteri nomen erat. Haec ante diem 8. Octobris, hoc anno facta fuisse, hae litterae, Saxonicis inscriptae, docent: (b) „ Mathias — Quod nos*

A a 3

„ propter

(a) De: III. Libr. X. p. 459. (b) Ex MSS. Cornid.

„ propter certas et rationabiles causas, quas tem-
 „ pore suo fidelitati vestrae manifestabimus, spect.
 „ et magn. Michaellem Zilagy, C. Bistricien. fratrem
 „ nostrum, captiuitati mancipauerimus; fidelitas
 „ vestra bona et iusta ex causa omnia facta fuisse
 „ agnoscat. — Dat. Nandor-Albae, die dom. prox.
 „ post festum B. Francisci conf. anno MCDLVIII. “
 A prima Septembris ad 8. vsque plura Szegedini
 diplomata dedit, quo tempore Szilagyius captus
 fuisse videtur. Die 1. mensis Octobris Petro-Vara-
 dini, 8. Belgradi litteras confecit. Inde Temesua-
 rinum profectus, ad festum S. Nicolai comitia Sze-
 gedinum indixit. (a) *Dat. in Temesvár, feria IV.*
prox. post fest. S. Martini E. et C. A. D. MCD-
LVIII. Praecipua cogendorum comitiorum causa
 fuit, vt progressus Turcarum sisterentur. Currenti
 Mathiae calcar addidit Pius II. pontifex, Aeneas
 Siluius antea dictus, qui 19. mensis Augusti Calli-
 sto suffectus, 3. Sept. coronatus, postridie litteras
 ad Mathiam dedit, et ad Turcas reprimendos con-
 uentum Mantuam indixit, kal. Octobris. (b)

A. C. 1459. Math. 2. Ind. 7. P. 25. M.

CCXL. Mathias, plurimum gratulatus, talem
 ecclesiae Romanae pontificem obtigisse, qui tanto
 studio Hungariae regnum et bellum Turcicum com-
 plecteretur, ipse quoque totus in id incubuit, vt
 militarem disciplinam, ad bellum illud rite geren-
 dum necessariam, instauraret. Comitibus igitur a 6.
 Decembris anni superioris ad huius initium produ-
 ctis, e consilio regni procerum ad militiam rite
 consti-

(a) Ap. Kapr. H. D. P. II. p. 127. (b) Hist. Crit. T. XIV.
 p. 153.—175.

constituendam saluberrimas leges pertulit, inter
 quas est etiam haec: (a) „ Vniuersi barones et no-
 „ biles, ac possessionati homines, — de singulis
 „ 20. iobagionibus, censum domino suo soluentibus,
 „ cum vno armigero equite, bene armato, — exer-
 „ cituare teneantur.“ Atque hinc appellatio *hufz-*
ár originem ducit, quod quasi pretium 20. subdi-
 torum per vnum equitem redimi seu statui debue-
 rit. „ Datum Zegedini, — in vigilia festi epipha-
 „ niarum domini, anno eiusdem MCDLIX.“ Ex-
 ercitus, secundum eas leges, educi contra Turcas
 hoc anno non potuit; quod quorundam Hunga-
 rorum factio, quae iam anno superiore, veluti sub
 cinere, gliscebatur, hoc anno tandem in apertum
 incendium eruperit. Bonfinius praecipuum factio-
 nis auctorem Vilakium facit, (b) *qui quum ad re-*
gnum adspirare nequiuerit; caesaris, quam Coruini
adolescentis, imperium subire malebat (Plures alios
 postea videbimus) *Hi caesuri suadebant:* „ ne co-
 „ ronam redderet: pro se asseruaret: eüceret e re-
 „ gno puerum: ac late demum in Vngaria impe-
 „ raret.“ *Promittuntur auxilia multa, commeatus,*
arma, opes, quibus excitatus Friderici animus ad
deturbandum regno Mathiam confestim intenditur.
 Vt primum coniuratio manifestis indiciis erupit; Ma-
 thias, proceribus Budam euocatis, nouum ab iis
 fidei sacramentum exegit, nouoque iureiurando
 suam et ipse fidem ac opem iis obstrinxit, (c) *in*
festis B. Scholasticae V. A. D. MCDLIX. Fidem
 suam in Mathiam nouo sacramento testati sunt,
 praeter duos metropolitas et episcopos *Agr. Varad.*
Quinqueeccles. Iaur. Vespri. Chanad. Zagr. Vac. pa-
A a 4
latinus

(a) Ap. Kapr. H. D. P. II. p. 218. (b) Dec. III. Libr. X. p.
 543. (c) Ap. Kapr. H. D. P. II. p. 245.

latinus Michael Ország; *vaiuoda Transf.* Sebastianus de Rozgom; *iudex curiae* Ladislaus de Palótz et alii 34. optimates. Septimo post die Fridericum Hungariae regem renunciarunt, *in Viuár sabbato prox. post fest. B. Valentini*: Ladislaus de Gara, palatinus; Ioannes Széch, C. comitatus Szalad. 4. comites de S. Georgio, Georgius, Ladislaus, Ioannes, Sigismundus; Paul. Banfi; Ladislaus et Nicolaus de Kanisa, cum 12. aliis proceribus, quibus Matthaeus, episcopus Transsiluanus, Martinus Frangepanius, Ioannes Kaplerus accesserunt. (a) Atque hi 24. rem tantam aggressi sunt, contra duplo maiorem numerum eorum, qui fidem in Mathiam innouarunt. Hanc electionem 4. Martii Neostadii promulgatam esse constat. De coronatione merito dubitatur; nec enim Wolfgangi Betlen, scriptoris seculi superioris, auctoritate tuto niti possumus. (b)

CCXLI. Antequam ad hanc Friderici caesaris electionem ventum fuisset; Mathias, cognitis coniuratorum studiis, ad Pium II. pontificem confugit, eique significauit, apparatus omnes, quos ad bellum Turcis inferendum fecerat, ad comprimendam paucorum seditionem se conuersurum; nisi hanc auctoritate sua dissiparet. Nihil acerbius accidere pontifici potuit; qui bellum in Turcas promoturus, 20. Ianuarii Mantuam iter suscepserat, ac ut Podiebradium, ita Mathiam, nondum de periculo hoc edoctus, ad conuentum illum inuitauerat, (c) *Romae — an. MCDLIX. XIII. kal. Febr.* De molitionibus coniuratorum a Mathia rege certior redditus, antequam Mantuam appulisset, aliquamdiu

(a) *Ibid.* p. 249. (b) *Hist. Crit.* T. XIV. p. 175.—204.

(c) *Ap. Kapr. P. II.* p. 239.

quamdiu Senis, in patria sua commoratus, Ioanni card. S. A. L. potestatem dedit sententias in eos ferendi, qui Mathiae conatum et apparatus ad expeditionem Turcicam impedirent, (a) — *Senis, VI. kal. Mart. pont. an. I.* Quia vero Friderico caesari prius ab epistolis arcanis et consiliis erat; ne hunc offenderet, animaduertendi potestatem, in *caesarea* dignitate fulgentem, legato non dedit; immo postea dissertis verbis illum excepit. Nunc eundem Fridericum, ne seditiosorum Hungarorum verbis aures praeberet, conatusque Mathiae contra Turcas impediret, admonuit, (b) *Senis, II. Aprilis, pont. an. I.* Magna circumspectione Pius hic usus est, ne Fridericum, de se prius optime meritum, offenderet. Ad insignem hanc illius prudentiam istud quoque pertinet, quod, dum a Mathia per legatos interpellatus pro vexillo sibi mittendo fuisset; ne hoc ille sacro munere contra Fridericum potius, quam Turcas vteretur; ad suum illud legatum, non ad regem, miserit, (c) *ibidem, eadem die.* Cur id faceret; clarius aliis litteris eidem legato detexit. (d) Pius igitur, usus tanta cautione, dicere cum veritate potuit, vexillum oratoribus Mathiae negatum esse. Postquam enim Fridericus, cupiditate regnandi victus, Hungariae regnum, a factiosis sibi delatum, contra pontificis consilium acceptasset; per suos legatos questus est, de titulo regis, a Pio Mathiae dato, nonnullisque fauoribus, eidem concessis. Pius, qui se communem utriusque patrem esse nouerat, factorum suorum rationem reddidit, (e) *Senis, XIII. Apr.* ac postridie legatum admonuit, ne sententias ferendi potestatem in imperatorem

(a) Ibid. p. 244. (b) Ibid. p. 288. (c) Ibid. p. 226. (d) Ibid. p. 290. (e) Ibid.

ratorem exfereret. (a) Mathias, conciliato sibi pontifice, Posonienses, qui primi copiis caesareis aditum in Hungariam aperire vel claudere poterant, sibi deuincturus, geminum illis priuilegium, vtendi rubra cera, litesque suas domi definiendi concessit, (b) *Budae in festo purific. B. M. V. A. D. MCDLIX.* Quos fidem seruasse, patet ex aliis eiusdem litteris. (c)

CCXLII. Postquam Mathias intellexit, nec a pontifice suum aemulum ab inuadendae Hungariae consilio dimoueri posse; iudicem gladium ad dirimendam hanc litem adhibendum censuit. Qua fortuna primum cum hostibus praelium sit commissum; ipse Mathias ad Sarosienses ita perscripsit: (d)
 „ — Gentes nostrae cum hostibus et aemulis nostris durissimum conuentum habuerunt: ex nostris pauci interierunt: sed ex aduersariis plurimi in ore gladii corruerunt: notabiles quoque, non pauci numero, erga manus fidelis nostri, Simonis Magni (*Nagy*) capitanei, captiui detinentur. — Dat. Budae, feria V. prox. ante fest. BB. Tiburtii et Valeriani MM. (14. Apr.) A. D. MCDLIX.“ Citius igitur, quam passim existimatum fuerit, et feliciter Coruinianae copiae cum Fridericianis conflixerunt. Quare Bonfinius male Friderici copias victrices, victas Mathiae facit; quum ita scribit: (e) *Quum regii milites primo bello, Simonis ductu et auspiciis, parum prospere pugnassent; tanta verecundia et dolore correpti sunt, ut se a rege decimari postularint.* Dlugossus multo peius, omnis,

(a) Ibid. p. 293. (b) Ibid. p. 240. 243. (c) Hist. Cr. T. XIV. p. 204.—227. (d) Ap. Wagner Dipl. Sáros. p. 12. (e) Dec. III. Libr. X. p. 544.

omnis, inquit, (a) exercitus Mathiae H. R. deletus: rex ipse Mathias, ornamentis regiis, ne proderetur, abiectis, cum paucis fugiendo, persequentium manus et captiuitatem euasit: et Budam perueniens, meticolositate et pusillanimitate ingenti, renunciare, cedere regno, in animo suo firmauerat; et Frederico caesari victori supplicem se facere destinabat. Putidis hanc narrationem commentis et calumniis scaterere, quibus facile videt. Vel poeta, quum quid fingit, verissimiliter fingere debet. Hic vero historicus illum Mathiae characterem affingit, quem illius indoles Martia, tot scriptorum calamis celebrata, satis superque refellit. Experietur Casimirus cum Polonis ad Wratislaviam, tam abiectae mentis Mathiam non fuisse. Hoc illud vulnus est, cui Dlugossus calumniis, in Mathiam toties iactis, mederi frustra conatur. Experietur et Fridericus, Austriam ipsam mascula Mathiae virtute sibi tandem eripiendam, qui nunc comitum S. Georgii scutum gentilicium augendo, victoriam aliquam, eorum virtute partam, sibi vindicat, (b) XIX. die mensis Iunii, A. D. MCDLIX. Vel igitur duplex praelium fuit commissum, quorum altero victus, victor altero Mathias fuerit, vel vtrunque pari fere numero caesis militibus, vtraque pars sibi victoriam arrogauerit. Neque Pius propter cladem, sed propter obicem belli Turcici Mathiae sortem miseratur, (c) Mantuae, VI. Iunii pont. an. I. Neque Turotzius vllius cladis, sed victoriae potius ita meminit: (d) Frederici, Rom. imperatoris, ambiciosum cupidinem, sceptrum regni Hung. ardentem, regemque ipsum, quadam opportunitate per barones quosdam

(a) Libr. XII. col. 224. (b) Ap. Kapr. P. II. p. 325. (c) Ibid. p. 333. (d) Chron. P. IV. cap. 65.

quosdam sibi attributa, culmine regio spoliare volentem, tum vi, tum ingenio compescuit et exstinxit. Nec est credibile factiosos, si hoc bello Fridericus Mathia felicior fuisset, ad hunc ab illo descituros fuisse, quod de Kanisaiis certum est ex Mathiae litteris, quibus eos in gratiam recipit, (a) *in festo B. Georgii M. A. D. MCDLIX.* Recepit et Ladislaum de Gara, cui ius mineras in suis fundis eruendi dedit. (b),

CCXLIII. Horum a Friderico tam repentina defectio certum nobis argumentum praebet Mathiae felicitatis. Vnde Fridericus, fluxam seditiosorum fidem expertus, pronior ad amplectenda pacis consilia fuit. Ioannes card. A. S. L. nihil diligentiae praetermisit, ut dissidentes principes ad concordiam reuocaret. Pius, eo propterea collaudato, (c) 2. *Iunii pont. an. I.* quum hoc pacis negotium lentius procederet, litem illam, si per oratores Hungaricos ad se delata fuerit, eidem ita suo iudicio dirimendam esse significauit, ut nullus iustae querelae locus esse possit, (d) *Mantuae, VI. Iulii.* Hac eadem die Fridericum quoque per litteras adhortatus est, ut suos et ipse legatos, Mathiae querelis responsuros, Mantuam mitteret. (e) Fridericus tamen maluit per arbitros finitimos litem dirimi. Quod quum Pius intellexit; episcopum Lucanum ad pacem promouendam misit, (f) *Mant. XXX. Iul.* Quum igitur Brunae conuentus, arbitro Podiebradio, celebratus fuisset; etsi pax coalescere non potuerit; induciae tamen ad Olomucensem vsque conuentum

con-

(a) Ap. Kapr. P. II. p. 294. (b) Ibid. 369. Hist. Cr. T. XIV. p. 227.—247. (c) Ibid. p. 308. (d) Ibid. p. 335. (e) Ibid. p. 337. (f) Ibid. p. 339.

conciliatae sunt; (a) *die XII. Augusti MCDLIX.* Quae quidem induciae Hungaris eo gratiores erant; quo maius a Turcis discrimen impendebat. Ad hoc auertendum Pius pontifex Mantuam, ut alias diximus, conuentum Christianis principibus indixerat, ad quem paullo post, quam illuc appulit, Mathiam inuitauit, (b) *kal. Iunii MCDLIX.* Ipsum quoque Fridericum imp. eo quoque nomine, quod titulum regis Hung. receperit, ad eundem adeundum cohortatus est. (c) A quo liberum nauibus per Germaniam transitum petiit, (d) *XI. Iun. pont. an. I.* Has inter Pii pontificis curas Turcae Szendrouiam occuparunt, quam perfidia Bosniae regis amissam esse testatur. (e) De hac iactura, queritur litteris ad marchionem Brandenburgensem datis; (f) *Mantuae, XXIV. Iulii, MCDLIX.* Oppidum, inquit, *Zendreu, in Rassa constitutum, insignis custodiae locus, nuper in potestatem Turcorum deuenit.* Turcici quidem annales tradunt, obsessam a Mahomete fuisse, caesoque rege Stephano, captam; sed alii perhibent, ab eius filio, cuius custodiae credita fuit, auro Turcis venditam ac patre conscio, proditam fuisse. (g)

CCXLIV. Quum Turcae, hac esca hoc anno contenti, non quicquam ultra tentauerint; Pius pontifex Ioanni card. de conseruandis in futuras necessitates 20. millibus aureorum, in subsidium belli, contra Turcas ab Hungaris gerendi, nuper a se missis, ita scripsit: (h) „ Nouit circumspectio
„ tua

(a) Ibid. p. 341. (b) Ibid. p. 304. (c) Ibid. p. 305. (d) Ibid. p. 320. (e) Ibid. 339. (f) Ibid. p. 538. (g) Hist. Cr. T. XIV. p. 249.—279. (h) Ap. Kapr, P. II. p.

„ tua paupertatem Rom. ecclesiae et sumtus ingen-
 „ tes, quos in manutenendis terris et celebranda
 „ diaeta facere hucusque sumus compulsi. His au-
 „ tem non obstantibus, quum superioribus diebus
 „ de aduentu Turcorum et periculo, imminenti
 „ regno Hungariae, ex tuis litteris cognouissemus;
 „ commisimus tibi per alias litteras nostras, vt 20.
 „ millia ducatorum in eam subuentionem expone-
 „ res, quae tibi propediem essemus integre remis-
 „ suri. Quum itaque postmodum intellexissemus,
 „ Turcum cum suo exercitu in Graeciam se rece-
 „ pisse; — si videret circumspectio tua, talem ex-
 „ pensam necessariam ad praesens non esse; gra-
 „ tissimum nobis esset, vt ab illa pro nunc desi-
 „ neres. Nos enim summam ante dictam non le-
 „ ui onere mutuaque accepimus. — Dat. Man-
 „ tuae, VIII. Sept. pont. anno I.“ (II.) Etsi con-
 „ uentus ille Mantuanus in kal. Iunias indictus fue-
 „ rit; quia tamen oratores lentius, et nonnisi post
 „ multas Pii sollicitationes ad illum comparuerunt;
 „ tractatio rerum praecipuarum ante IX. Septembris
 „ inchoari non potuit. Subinde pontifex de bello
 „ sacro, contra Turcas suscipiendo, prolixam trium-
 „ fere horarum orationem dixit, ita de Hungaris in-
 „ ter cetera loquutus: (a) „ — Soli fideles Hungari
 „ perseverant. Non tamen diu stabunt; nisi adiu-
 „ ti. Et hi quidem muri loco vobis ad orientem
 „ remanserunt; quo diruto, neque Teutones, ne-
 „ que Bohemi, neque Poloni satis tuti erunt. Non
 „ asperi montes, non alta flumina iter impediunt.
 „ Nihil erit, victa Hungaria, Turcis inuium, nihil
 „ insuperabile orbis imperium quaerentibus. — “
 „ Ita quidem optimus pater Hungariae periclitanti
 suc-

(a) Ibid. p. 545.

succurrere conabatur: quia tamen principes Christianos in studio sacri belli remissiores experiebatur, ut de Mathiae consilio certior redderetur, Ioanni card. demandavit, (a) *Mantuae V. Nouembris, anno II.* Promptiores Asiaticos principes, ut ex eorum responsis liquet, (b) pontifex habuit, quam Europaeos, quos si potuisset vnire, nullum est dubium, quin extrema perniciēs et clades Turcis inferri potuisset. (c)

CCXLV. Mathias, praeter duo bella, quorum alterum cum Romanorum, cum Turcarum imperatore habuit alterum, initio sui principatus obiectus erat etiam tertio, quod cum Bohemis latronibus, per superiorem cumprimis Hungariam grassantibus, continuo gerendum erat. Bellum hoc, anno superiore Sebastianus de Rozgon, ut vidimus, gessit. Hoc anno Mathias, ut ad Cassouienses scribit, (d) *pro defensione illarum partium superiorum regni—Ladislaum de Palotz, iudicem curiae, ac Simonem Czudar de Olnod, magistrum curiae, in capitaneos generales praefecit.—Dat. Budae, tertio die resurrectionis domini, anno eiusdem MCDLIX.* Dum hi duces extimas; ipse rex cum Sebastiano Rozgonio medias Hungariae partes a latronibus repurgabat. Quum, inquit Bonfinius, (e) *Bohemum in vltimis Hungariae bellum et necessaria Michaelis reconciliatio superesset; Sebastianus primo tempore Rozgonius iussu regis in Boemos castra mouet: ipse propediem, ut se auunculo reconciliaret, ad Tibiscum annem profecturus erat; quamuis re-*
gni

(a) Ibid. p. 353. (b) Ap. Pray Ann. P. III. p. 236.—244.

(c) Hist. Cr. T. XIV. p. 279.—292. (d) Ap. Kapr. P. II.

p. 280. (e) Dec. III. Libr. X. p. 552.

gni negotia cunctationis aliquid interiicerent. Boemi ligneum in monte castellum fecerunt, quod Patha nominarant. — (ad Matrae radices) — Quum irritos sibi conatus Rozgonius fore existimaret; — ad regem venire decreuit. — Audit, ad Tibiscum amnem reconciliationis gratia illum iter facere. Quare exemplo sequutus, in citeriori Tibisci ripa, ad Várkon regem adhibet, in posteriore ad Tisza-Varsán Michael erat auunculus. Ibi aliquot acti sunt: colloquium in Tibisci ripa celebratum: pauci utrimque arbitri adfuere. Multae a principio ultro citroque intercessere incusationes et querelae: multae utrinque purgationes interiectae: ad postremum postulata et concessa mutuo venia: pacati animi: — reconciliatio non sine lacrimis ac iacti foederis sollemnitate transacta. Szilagyium opera coqui liberatum fuisse, iam prius narrauit, qui quum Turcas adesse clamitasset; obuiam egressa cohorte praesidiaria, dominum suum e carceribus eduxit: qui ad regem mox nuncium salutis suae misit: „ se plus coquo, quam „ nepoti debere “ significans. — Mathias — rescripsit ad auunculum: „ liberationem suam, quae pro „ pediem instabat, fuisse gratissimam: — id non „ nullorum scelere factum esse “ non inficiatur. Michael, nunc regem Agriam usque sequutus, quum inferiores subinde partes contra Turcas tutatus fuisset; ab iis ad Posasinum interceptus, anno sequente Constantinopoli caesus est. Mathias vero Patham profectus, ea dedita, multas alias arces, ut Sajó-Némethi, Balogh, Gömöř, Osgyán, Széts, Salgó — partim vi, partim deditione cepit. Dum istic Mathias Bohemorum licentiam reprimat; alibi Palotzius eosdem persequutus Cassouienses strenuos adiutores habuit; quos propterea Mathias meritis laudibus

laudibus ornauit, (a) *Budae*; *sabb. prox. post fest. B. Andreae ap. A. D. MCDLIX.* Rozgonios remuneratus, castrum Tata certis conditionibus illis possidendum concessit, (b) *Budae*, in festo *B. Lucae euang.* Sebastiano speciatim cum foederatis, omni trimestri, tempore belli, 4000. flor. addixit, (c) *Budae*, *feria III. prox. post fest. B. Emerici ducis*, *A. D. MCDLIX.* (d)

A. C. 1460. Math. 3. Ind. 8. P. 13. A.

CCXLVI. Interea Pius pontifex de bello Turcis inferendo cum principum Christianorum oratoribus Mantuae diligenter agebat: et quia, quicquid communi consensu decretum est, ad periculum ab Hungaris auertendum praecipue pertinebat; de curarum suarum effectu cardinalem S. Angeli, suum in Hungaria legatum, certiore reddidit, (e) *Mantuae*, *X. Ian. pont. an. II.* Haec eadem scribit ad Franciscum, Interamnensem episcopum, in Anglia S. A. L. „Vires, inquit, (f) Turcorum „augentur: a qua impia seruitute si liberari tandem „non poterunt fidelium animae; testificabimur coram DEO et hominibus, non stetisse per nos, „neque per sanctam sedem apostolicam, quo minus lex sua et sanctum euangelium, atque ad „eo Christiana religio sint ab illis conseruata. — Tertio post die Fridericum imp. expeditionis sacrae ducem ita declarauit: (g) „ — Bello iam contra „Turcas

(a) Ap. Kaprinai H. D. P. II. p. 263. (b) Ibid. p. 350.

(c) Ibid. p. 356. (d) Hist. Cr. T. XIV. p. 292.—305.

(e) Ap. Kapr. P. II. p. 377. (f) Ibid. p. 380. (g) Ibid. p. 381.

„ Turcas indicto, et peracta Mantuana diaeta, in
 „ qua octauum mensem propemodum agimus, et
 „ rebus etiam ita compositis, vt, iuuante diuina
 „ clementia, expectari communis salutis secundus
 „ exitus possit; de dace, ad tantum bellum prae-
 „ ficiendo, a modo est cogitandum. — Haec igi-
 „ tur cogitatione nostra voluentes, — tu nobis,
 „ carissime fili, primus occurristi, non solum cui
 „ tantum munus ex imperiali officio debitum cen-
 „ seatur; sed cui omnes gentes parere et subesse
 „ non dedignentur —. Dat. Mantuae, XII. Ian. an.
 „ II. ^a Tum de rebus Mantuae transactis tam le-
 gatum cardinalem, (a) quam ipsum etiam Mathiam
 legem edocuit, (b) *Mantuae, XVIII. Ian. MCDLX.*
 Demum Hungariae quoque proceribus auxilia
 promissa perscripsit, (c) *Mant. XXIV. Ian. an. II.*
 Quae, priusquam Mantua discederet, ita principum
 oratoribus exposuit: (d) *Germani pollicentur ex-*
ercitum 42. millium bellatorum; Burgundus 6000.
Itali, exceptis Venetis ac Genuensibus, cleri deci-
mas, populi trigésimas annuorum reddituum, ac vige-
simas Iudaicae substantiae; ex quibus nauales copiae
sustentari queant. Idem facit rex Aragonum. Ra-
gusaei duas tirenes offerunt; Rhodii quatuor. — Ve-
neti quamuis publice nihil promiserint; quum tamen
expeditionem paratam viderint; haudquaquam de-
brunt. — — Hungari 20000. equitum armabunt;
peditum haud minorem numerum: qui Germanis
iuncti ac Burgundis, 88. millia militum in castris
habebunt. Et quis non his copiis superatum iri Tur-
cas

(a) Ibid. p. 387. (b) Ibid. p. 385. (c) Ibid. p. 388. (d)
 Ap. Cont. Fleur. T. 28. p. 654.

cas arbitretur? His accedet Georgius Scanderbegus; — et in Asia Caramanus. — (a)

CCXLVII. Etsi tantis optimi pontificis curis ac conatibus par effectus non responderit; neque promissa sua Christiani principes expleuerint; Pius tamen partibus suis non defuit, ac in subsidium belli Turcici Mathiae 40. millia florenorum auri promisit, (b) *Senis, XX. Febr. an. II.* litteris eodem die hac de re datis etiam ad legatum card. (c) ad quem querelas suas de tarditate principum Christianorum in exsequendis Mantuani conuentus pactis post duos menses perscripsit, (d) *Senis, XXV. Apr. an. II.* Cessantibus Christianis, inualescebant Turcae, quibus anno superiore castrum Szendrö perfidia Stephani Thomae, regis Bosniae, proditum fuisse diximus. Quum barbari, Szendrouia potiti, Belgrado non obscure iam insidiarentur; Szilagyi castrum Keui probe communiuit, ac inde saepius in ditiones Turcicas procurrit, donec ab hostibus interceptus ac interfectus fuisset, vt alias innuimus. Caedem vltra hunc annum differri non posse, colligitur ex Mathiae diplomate, quo *Margaretham, relictam condam dominam Michaelis Zilagyi, — felicitis memoriae*, relinquit et confirmat in possessione castri Dyod, (e) *fer. III. prox. ante fest. B. Georgii M. A. D. MCDLX.* Stephanus Thomas, ea perfidia non contentus, clandestino foedere cum Turcis inito, Stephano quoque Cossarichio, duci S. Sabbae, socero suo, bellum intulit, ac in eius ditionem Turcas exciuit. Vt autem clam-

B b 2

culariam

(a) Hist. Cr. T. XIV. p. 315.—328. (b) Ap. Kapr. P. II. 395. (c) Ibid. p. 393. (d) Ibid. p. 419. (e) Ibid. p. 411.

culariam hanc cum Turcis amicitiam facilius teget; suos et ipse legatos ad conuentum Mantuanum iam anno superiore miserat, qui, teste Farlato (a) *duo postularunt a pontifice, primum: „ vt Ste-*
phano regium nomen ac diadema conferret; al-
terum, vt duos tresue episcopos ritus Latini in
ea regione constitueret, qui fidem catholicam
tuerentur ac propagarent; et a quibus, qui dein-
ceps in regnum succederent, regalia insignia ac-
ciperent.“ *Vtrique postulato vehementer reclama-*
tum est ab oratoribus Mathiae, regis Hungariae;
utrumque enim supremo regum Hung. imperio officere
videbatur. Quum ad Mathiam falso rumore perlatum fuisset, pontificem postulatis eius annuisse; hic primum quidem legato suo, rem aliter se habere, significauit, (b) *Senis, XII. Martii, an. II.* deinde vero suspicionem omnem ex animo Mathiae his litteris euulsit: (c) „ Timere celsitudo tua videtur per litteras, — ne propter aduentum oratorum Bosnensium, ad concedendos illi regno episcopos, dandamque Thomae regi coronam, faciles aures praebemus; credens, omnia haec ad velandam prodicionis suae infamiam pertinere. Nos autem, carissime fili, non ita sumus harum rerum ignari, aut ad gratiam faciles, vt non ex timeamus, quae sequi ex concessione huiusmodi vltius possent. — — Dat. Petriolis, Volater. dioec. VII. Iun. an. II. “ (d)

CCXLVIII. Optimos tam Pii pontificis, quam Mathiae regis aduersus Turcas conatus plurimum sufflaminarunt dissensiones illae, quae regem hunc
 cum

(a) Illyr. S. T. IV. p. 73. (b) Ap. Kapr. P. II. p. 399. (c) Ibid. p. 424. (d) Hist. Cr. T. XIV. p. 321.—348.

cum imperatore Friderico commiserunt. Anno superiore Georgius Podiebradius, arbiter pacis electus, inducias ad festum vsque S. Ioannis Bapt. conciliauit, et ad festum conuersionis S. Pauli conuentum, Olomucii celebrandum, indixit. Quum ad praestitutum locum et diem ipse comparuisset; biduo post etiam oratores caesaris adfuerunt. Sed Hungarici, propter infestas vias vltra Trenchinium progrèdi non auli, suas ad Podiebradium litteras ad maiorem itineris securitatem impetrandam dederunt, (a) *Trenchinii, in festo purificationis MARIAE, gloriosae virginis, anno MCDLX. Albertus de Vethes, episcopus Vespri. et Ioannes de Rozgon, tauern. reg. M.* Quum Olomucii nihil octo fere dierum spatio confici potuisset; Podiebradius alium ad kal. Maias conuentum Pragam edixit, ad quem pontifex suum itidem legatum, card. Bessarionem, ire iussit, ac sententias etiam ecclesiasticas ad pacem facilius promouendam adhibendi potestatem concessit, (b) *Senis, an. MCDLX. IV. kal. Ap.* Appropinquantibus kalendis Maii, suos Mathias oratores, Eliam, ep. Nitrien. et Mathiam Libak, castellanum Oroszlanköuien. ad eundem conuentum litteris suis comitatus est, (c) *dati Budae, in festo S. Georgii M. an. MCDLX.* Neque hic quicquam concludi potuit, quod praeter 100. aureorum millia plures Hungariae ciuitates Fridericus sibi cedi voluerit. Induciae tamen ad kal. vsque Februarias anni venturi prorogatae sunt. Etsi vero nihil e sententia hic cesserit; spem tamen pacis alibi conficiendae card. Bessarion nondum posuit, ac ad imperatorem reuersus, effecit, vt nouus Neostadii conuentus ad

B b 3

kal.

(a) Ap. Kapr. P. II. p. 389. (b) Ibid. p. 406. (c) Ibid.

MATHIAS I.

tembres indiceretur. Quum idem hic card.
quam imperii principes, propter domesti-
ensiones, ad suppetias, Mantuae promissas,
tioni dandas adhortatus fuisset; pontifex in-
ex hac eorum inertia dolorem hausit. „Prae-
t tandem, *inquit*, (a) hostis noster aduer-
nos. — Possumus nimium fortem Christiani
li deplorare. Negligentiam potentatum ac-
e possumus nos coram DEO, qui annun-
illis verbum salutis non recusauimus. —
nostra — a paucis est exaudita: non cre-
ur pericula, quae sunt ab oculis longius
a. Sed, proh dolor! — lugebunt mala,
non timuerunt. — Dat. Romae VIII. Iulii
I. (b)

CXLIX. Quum nullo conatu Pius pacem in-
identes principes conciliare potuisset; con-
iennialibus induciis, Mathias ad pacem cum
ceterisque latronibus Bohemis componen-
imum adiecit. Sed neque hic quicquam
inducias, dato Bohemis auro redemptas, ob-
Pro nauata tamen contra latrones istos
Sigismundo Rozgonio castrum Balogh, ab
recuperatum, in praemium contulit, (c)
ae, in festo B. Elisabeth, anno dom. MCDLX.
m inde profectus, a Podiebradio nuncium,
e suae nuptiis acturum, accepit. Haec, se-
n pacta Straznitzensia, iam anno superiore,
ulta 100000. florenorum, in Hungariam ad-
lebuisset. Praestitutum traductioni tempus
consensione videtur immutatum esse; quod
Mathias

p. Rayn. ad an. 1460. (b) Hist. Cr. T. XIV. p. 351.
361. (c) Ap. Kapr. P. II. p. 450.

Mathias, bellis implicitus, nuptiarum sollemnia com-
 mode celebrare non potuerit. Nunc his motibus
 utcumque sedatis, ac induciis tam cum Friderico
 caesare, quam cum Bohemis latronibus conciliatis,
 Mathias consensit, ut ad festum S. Thomae proxi-
 me venturum ipse Trenchinium, Podiebradius Olo-
 mucium proficiscatur, ut dos pro futura regina
 constituatur. (a) *Dat. Cassoviae, in festo B. Catha-
 rinae V. et M. anno MCDLX.* Sed Podiebradio,
 quum iter ingredi voluisset, impedito, conventus
 ille post kalendas Ianuarias anni sequentis differri
 debuit. Mathias igitur, dimissis copiis, non Tren-
 chinium, sed Budam, unde plures iam menses ab-
 fuerat, iter intendit. Postquam ecclesiae Quinque-
 ecclesiensi Ioannem Cesinge, sub Iani Pannonii no-
 mine poetam insignem, praefecisset; ad ecclesiam
 Zagrabiensem instaurandam, quam tristia fata tri-
 cenis iam annis premebant, exemplo patris sui,
 curam omnem conuertit, ac Ioannis Vitezii, Vara-
 dinensis episcopi, qui Ioannis Quinqueecclesiensis
 auunculus erat, industria tandem effecit, ut, quem-
 admodum ad Pium ipse perscripsit, (b) *bona illius
 ecclesiae post tricesimum tandem annum a manibus
 laicorum penitus eximerentur, et quasi in unum cor-
 pus, quamvis satis vexata et afflicta, restitueren-
 tur.* Memor item beneficiorum, Ioannis Capi-
 strani meritis acceptorum, omnem industriam
 adhibuit, ut magnus hic sui patris amicus et
 commilito sanctorum fastis adscriberetur. Idem
 agebat et Nicolaus Vilakius, inter alia his quoque
 verbis usus: *Audiuimus etiam, ipsum ser. regem no-
 strum coram multis baronibus et nobilibus dixisse:*

B b 4

„ ipsum

(a) Ibid. p. 459. (b) P. I. Ep. XIX. p. 67.

- „ ipsum fuisse liberum de carceribus et electum
 „ regem, emissio voto ad ipsum beatum patrem.“
 (a)

A. C. 1461. Math. 4. Ind. 9. P. 5. A.

CCL. Quum anno superiore Podiebradius, nunciis quorundam electorum ad se vententibus, iter suum suspendere debuerit; iis sub exitum Decembris Praga reuersis, in viam se dedit, ac Olomucium s. Ianuarii peruenit, vbi iam illum Mathiae legati, Ioannes Rozgonius et Franciscus Chakius, expectabant. Ipse Mathias Trenchinii substitit, ac inde litteras ad Bartenses, vt Stephanum Zapolyum et Ladislaum Vporium in persequendis latronibus adiuuarent, dedit, (b) *feria VI. prox. post epiph. domini, anno natiuitatis eiusdem MCDLXI.* Ibidem ratum habuit tractatum de modo traducendi sponsam, kalendis Maii Trenchinium promouendam, cui *pro dote castra Vetro-Budam et Diosgemar (f. Diosgyör) insulam Chepel et Comanos reginales; — alia item castra, quae Barbara, Sigismundi imp. quondam, pro dote habuit, assignauit; praeterea singulis annis 7000. aureorum. — Dat. Trenchinii, in festo conuers. S. Paulli A. A. D. MCDLXI.* Pactis hisce confirmatis, sponsa Trenchinium, deinde Budam maxima cum sollemnitate deducta, benedicente cardin. Strigon. Mathiae iuncta fuit, ante coronationem eius e viuis excessura. Quia vero Bohemi latrones, neque Bohemae reginae habita ratione, grassari desierunt; immo nouas e Polonia subsidiarias latronum copias exciuerunt; Mathias quoque nouas ducibus suis
 sup-

(a) Ep. Coru. P. III. p. 106. P. I. p. 407. Hist. Crit. T. XIV. p. 361.—430. (b) Ap. Wagn. Dipl. Ser. p. 70.

suppetias decreuit, ac Bartenses viritim aduersus eos arma sumere iussit, (a) *Budae in festo pentecostes* (24. Maii) *A. D. MCDLXI.* Vt autem Cassouien- sibus expensas, in expugnandis Mtrunculorum mu- nimentis factas, resarciret; de centum marcis ar- genti monetas signandi gratiam illis concessit, (b) *Budae, in festo B. Ioannis B. A. D. MCDLXI.* Bart- fenses quoque pro praestitis obsequiis collaudauit; vtque contra latrones auxilia, donec ipse cum co- piis adueniat, deinceps quoque praestarent, deman- dauit, (b) *in oppido Hatuan, sabb. prox. post fest. visitat. B. M. V. (4. Iulii) A. D. MCDLXI.* Ca- stris Hatuanino promotis, Szikszouiam profectus, Sebastiano Rozgonio 100. florenos auri, quot men- sibus soluendos, addixit, (c) *in oppido Szikszo, fe- ria II. prox. ante fest. B. M. Magdaleneae.* Hinc ad castrum Diósgyör digressus, Cibiniensibus e regio 215. florenorum auri censu, quotannis ad reparan- das ruinas, a Bohemis latronibus factas, XV. re- laxauit, (d) *in Diosgyör die dom. prox. ante fest. B. Laurentii M. (e)*

CCLI. Arcè Sarosienſi Zapolyiſ dedita, tam po- tens tamen adhuc Giskra fuit, vt eius amicitiam contra Mathiam Fridericus imp. expetendam ſibi cenſuerit. Poſtquam illum caeſari fidem iuraſſe Mathias intellexit; et ipſe cum Alberto, Friderici fratre, foedus iniuit. Quamuis autem per noua haec Friderici cum Giskra, Mathiae cum Alberto foedera ſpes pacis ſublata videri potuerit; cardi- nales tamen, A. S. legati, Beſſarion apud Frideri- cum

(a) Ap. Kapr. P. II. p. 407. (b) Ibid. p. 496. (c) Ibid. p. 500. (d) Ibid. p. 504. (e) Hiſt. Cr. T. XIV. p. 448. 462.

cum, Ioannes apud Mathiam, omnem industriam expromserunt, ut, sublati inter eos dissidiis, optata pax tandem coalesceret. Neque tanti conatus omni fructu caruerunt. Quum enim caesar per Albertum fratrem intestino bello vexaretur; proniores aures adhortationibus legati praebuit. Quae de re certior factus pontifex, ingentem se laetitia inde hausisse, Friderico significavit, (a) *Romae, XIV. Maii, pontif. an. III.* Difficilius Mathias ad novum pacis tractatum induci potuit; postquam, Friderici duritiem toties expertus, novum cum Alberto duce foedus aduersus illum pepigit. Ioannis tamen legati precibus ac exhortationibus victus, in conuentum, Iaurini 4. Iunii celebrandum, consensit, ad quem foederatum suum, Albertum, itidem inuitavit, (b) *Budae, feria V. ante fest. SS. Trinitatis (28. Maii) anno MCDLXI.* Neque hic quicquam concludi potuit; neque Mathias Alberto deesse voluit, in auxilium illi submissis contra Fridericum 4000. equitum. Sed quum Giskra Fridericum adiuuisset; induciis ad kal. Iulias anni sequentis inter Fridericum et Albertum confectis, Mathias, (c) *oborto rumore, Mahometem ingentibus copiis Belgrado incubiturum, militem undique contraxit, et stipendiarios, quos Alberto suppetias miserat, domum renocauit.* Tum vero pontificem per litteras orauit, ut card. legatus, qui iamiam Romam rediturus erat, in Hungaria remanere permetteretur, nouaque belli subsidia quamprimum mitterentur. Pontifex Mathiae consilio, quod ipse copiis praesse velit, collaudato, causam, cur subsidia mittere non posset, reddidit; ut tamen porro quoque

(a) Ap. Kapr. P. II. p. 489. (b) Ibid. p. 494. (c) *Proy Ann.* P. III. p. 262.

que legatus in Hungaria persisteret, indulgit, (a) *Romae, II. Maii, pont. an. III.* Periculum tamen, quod a Turcis impendebat, intra metum hoc anno constitit, quo Mahometes, animo repente commutato, copias in Asiam traiecit, ac infelices Graecorum reliquias sub iugum misit. Quum igitur Hungaria hoc anno metu belli liberata sit; card. legatus, hoc munere multis annis in hoc regno cum laude functus, sub initium autumni Romam reuersus est. (b)

A. C. 1462. Math. 5. Ind. 10. P. 18. A.

CCLII. Graecis in Asia domitis, Bosniae belli Turcici moles imminebat. Stephanus Thomas, cuius perfidia Szendrouiam Mahometi traditam fuisse diximus, sub anni superioris exitum mortuus, successorem accepit Stephanum filium, quem ex Mathiae Coruini regis instigatione patri violentas iniectis manus intulisse, morboque familiari mortuum in vulgus sparsisse, Catharinam coniugem, detecto parricidio, Mahometem in vindictam euocasse, Dufrenius ex Luccario scribit. (c) Sed enim aliam Turcarum, in Bosniam irrumpentium, causam fuisse, Gobellinus tradit. Alia quoque Mathiae regis indoles erat, quam ut eiusmodi scelere vindictam sumere vellet. Neque se tam inimicum esse praeuisset; si, se volente, tantum illud facinus perpetrasset. Nam, postquam illum in gratiam a pontifice receptum intellexit; ac, ut idem ipse quoque faceret, adhortatorias ab eodem litteras accepit; hoc

(a) Ap. Kapr. P. II. p. 488. (b) Hist. Cr. T. XIV. p. 479.—480. (c) Myr. Cap. VIII. p. 122.

hoc illi responsum reddidit: (a) „ — — Memoria
 „ quidem hominum nemo tantum in nos et re-
 „ liquos Christianos facinus admisit, quantum rex
 „ Bosniae: qui quum esset subditus regum Hunga-
 „ riae, a quibus omne ius regni habet, non ita
 „ magna necessitate compulsus, desciiuit ad Turcos,
 „ et inimicos crucis; tributi sui pensione, reddi-
 „ dit fortiores. Nec eo contentus, simulauit re-
 „ conciliationem: — dominos et benefactores suos
 „ ita circumuenit, vt, quum propria spondisset
 „ auxilia; etiam id, quod a nobis acceperat (*Szen-
 „ drouiam*) tradidit aduersariis. — Tantaе sibi per-
 „ fidiae conscius, veniam ab his, quos offenderat,
 „ vel petere erubuit, vel impetrare desperauit.
 „ Sed pro voto naetus apostolicam sedem, ad in-
 „ dulgendum naturaliter pronam, — ita deliniuit
 „ pie credulum iudicem, vt, vnde poenam mere-
 „ batur, inde obtinuerit gratiam. — Nam — im-
 „ pensa est regibus Bosnae, patri prius, nunc etiam
 „ filio, ab apost. sede tanti criminis absolutio. — —
 „ Dat. Budae, 1462. “ Mathias tamen opera tam
 Vitezii, quam cardinalis S. Angeli Bosniae regi
 conciliatus est. Subinde *Stephanus*, inquit *Dufren-
 nids* e Gobellino, (b) — *cum Mahumeto foedus ru-
 pit, negato consueto tributo; illiusque cum insolenti
 responso dimissis legatis, coactisque a decessoribus im-
 mensis thesauris, in virium ac potestatis speciem
 ostensis; si ab eis bello impeteretur. Ea contumelia
 mirum in modum permotus sultanus, proximo anno
 bellum eidem intulit. Haec vera belli causa fuit.*
 (c)

CCLIII.

(a) Epist. Math. P. I. N. 26. p. 93. (b) Illyr. Cap. VIII.
 p. 123. (c) Hist. Cr. T. XIV. p. 490.—504.

CCLIII. Constituerat quidem Mathias exercitum, contra Bosniae regem educendum, sub initium Maii cogere; quia tamen illi iam conciliatus, aliquam spem pacis, cum Friderico quoque conciliandae, postquam ab eius colloquio Vitezius rediuerat, accepit; in alteram post festum S. Marci hebdomadam comitia Budam indixit, (a) in quibus primum Mathiae decretum; tres dumtaxat articulos complexum, est conditum, hoc ordine: (b)

„ *Art. I.* Articuli, in quibus, iuxta antiquam consuetudinem regni, euocatio sine procrastinatione extra octauas fieri potest, in praesentiam personalem regis, ubicumque intra ambitum regni fuerit. *II.* Articuli, qui concernunt notam infidelitatis; et in quibus et aliis possint per D. regem possessiones et bona delinquentium alicui donari. *III.* Causae, forum spirituale concernentes. — Datum Budae, 20. die congregationis generalis supra dictae, A. D. MCDLXII. “

His Budae confectis, Vacium Mathias concessit. Causam ad Hieronymum, Cretensem archiepiscopum, nouum A. S. legatum, ita perscripsit: (c)

„ Nunc in hoc oppido Vacienti cum hostibus nostris, partium regni superiorum infestatoribus, valde arduos, et quos omittere vel differre consilia nostrorum nos non permittunt, habemus tractatus. “ Et rursus alibi: (d) „ Cum comitibus de Bozyn facta pax est. — In praesentiarum hic Vaciae constituti, laboramus in facto Giskrae; quod et ipsum prospero iam fini propinquat. — “

Quum ad reliquias latronum persequendas rursus

Mathias

(a) Epist. Math. P. I. N. 24. p. 52. (b) Corp. Iur. Hung. T. I. p. 215. (c) Epist. Math. P. I. N. 3 p. 8. (d) Ibid. N. 4. p. 9.

Mathias Stephanum de Zapolya misisset, ut ex literis ad Bartenses *fer. 4. prox. ante fest. B. Gregorii PP. A. D. 1462.* datis, (a) patet, pressis undique Bohemis, Giskra ratus, se potentiae regis diu resistere non posse, cum eo tandem in gratiam redire constituit. Mathias supplici veniam, Lippam et Solium cum 25. millibus aureorum dedit. *Giskra*, teste Bonfinio, (b) *regia liberalitate confusus*, — *in lacrimas conuertitur*; et pauca respondens, *fidelissimum perpetuumque obsequium, interiecto sancte iuramento, regi pollicetur*; — et additam regi fidem ad mortem usque sancte seruat. Telephus, in Bohemiam reuersus, mendicando vitam sustentauit. Komorouzkium Szetius archiepiscopus, addictis illi decimis *Turotziensibus, Aruen. Liptou. et Solien.* (c) a latrociniiis abstraxit. Hic diuturni belli, quod ultra videnos annos Hungariam vexauerat, finis fuit. *Tantos guerrarum turbines*, inquit Turotzius. (d) — *rex Mathias circa 1462. domini. annum — cessare coegit.* (e)

CCLIV. De latrocinio hoc extirpato Mathias Albertum, Austriae ducem, quum illi generalem regni conuentum, ad lites cum Friderico complandandas indictum, significasset, ita certiore reddidit: (f) „ — Cum Ioanne Giskra et aliis com-
 „ plicibus suis ac etiam his, qui fratres vocantur,
 „ bonam dispositionem et concordiam, DEO iu-
 „ uante, his diebus conclusimus: ita quod castra,
 „ castella et omnia, quae adhuc tenent, ad ma-
 „ nus

(a) Ap. Wagn. Dipl. Sar. p. 121. (b) Dec. III. Libr. X. p. 330. (c) Epist. Math. P. I. N. 71. p. 82. (d) Chron. P. IV. cap. 34. 65. (e) Hist. Cr. T. XIV. p. 505.—525. (f) Ep. Math. P. I. N. 48. p. 112.

„ nus nostras assignabunt et restituent. Giskra ma-
 „ nebit apud nos: et quod pollicitus est nobis et
 „ praefato regno nostro, praesertim aduersus Tur-
 „ cos, se perpetuo fideliter seruiturum. Dat. 1462.“
 Idem Ragusanis perscripsit, auxilia contra Turcas
 illis ita pollicitus: (a) „ — Haec omnia — ideo
 „ praecipue agimus, vt, pacato vndique regno no-
 „ stro, — et sopitis circumquaque discordiis, vici-
 „ norum perturbationibus exonerati, defensionis ac
 „ vindictae nostrae et Christianorum propugnatio-
 „ ni liberius vacemus. — Dat. 1462. “ Apost. se-
 dis legatus sociam Vitezio iunxit operam in Friderico
 cum Mathia conciliando, cui hae dissensionum
 causae sunt proditae: (b) *Coronae detentio, metarum
 occupatio, impedita regni libertas et alieni iuris
 cum titulo nomen assumptum.* Mathias tamen,
 vt articuli tractatum, citra suum consilium a Vi-
 tezio cum Friderico conclusi, *etiam ab vniuersitate
 regni acceptentur, in congregatione generali, proxi-
 me futura, se daturum operam,* eidem Friderico pro-
 misit. (c) Postquam igitur generalis illa congrega-
 tio coacta fuisset; articuli quidem et condiciones
 pacis oblatae multis duriores, quam vt admitti
 possent, videbantur; habita tamen ratione tempo-
 ris, vt episcopus Quinqueeccles. ad A. S. legatum
 scribit, (d) *etiam onerosas concordiae partes amplexi
 sunt, — vt liberiores et expeditiores per hoc contra
 hostem fidei tam animis reddantur, quam viribus.*
 Ex eadem congregatione Vitezius ad cardinalem
 S. Angeli Romam ita scripsit: (e) „ Giskra ad fide-
 „ lia regis assumtus seruitia, praesertim aduersus
 „ Turcos, operam spondit militarem. Nunc su-
 „ mus

(a) Ibid. n. 25. p. 6. (b) Ibid. n. 2. p. 2. (c) Ibid. n. 1. p. 1. (d) Ibid. n. 5. p. 13. (e) Ibid. n. 29. p. 32.

„ mus in congregatione generali; et conclusa sunt,
 „ quae ad firmandam cum imperatore Rom. concor-
 „ diam pertinebant. — “ Quum pro corona Fri-
 dericus 60. millium aureorum summam exegisset;
 aerario regis exhausto, procures vltro contributio-
 nem vnus aurei promiserunt, vt ipse Mathias te-
 statur; pollicitus, se numquam *ab eis aliquam con-*
tributionem petiturum. — *Dat. feria 2. post fest. —*
domini, anno eiusdem 1462. (a) Haec etiam ad
 Bartenses perscripsit, a quibus 2000. flor. auri pro
 corona redimenda postulauit. *(b) Dat. Szegedini, in*
festo B. Laurentii M. A. D. MCDLXII. Ad eam-
 dem contributionem praestandam tam Ragusani,
 quam Transilvani per litteras admoniti sunt. *(c)*

CCLV. Mathias Szegedino profectus in Trans-
 siluaniam, inde Valachiae copias infundere consti-
 tuit, cui hoc tempore Dracula praefuit, postquam
 aemulum suum, Dan dictum, vicisset ac interfe-
 cisset anno 1460. Hunc tamen Laonicus. non
 Draculam, sed *Bladum, Draculis filium,* vo-
 cat. *(d)* Ceterum Timon vniuerse censet, *(e)* *hu-*
ius regionis incolas praesides suos, tyrannice se in
munere tractantes, per summum dedecus, Draculas
appellasse; Dracul enim lingua eorum cacodaemonem
valet. Idem auctor corrigit Spondanum, qui putat,
 Bladum seu *Vladum idem esse, quod Vladislaus.* Si-
 gnificat enim, inquit, *(f)* *Vladus, seu Vladica,*
habentem potestatem. Quum igitur neque Vladi,
 neque Draculae nomen pro proprio, sed appellati-
 uo

(a) Ex MSS. Heuenes. T. R. p. 30. *(b)* Ap. Wagn. Dipl.
 Ser. p. 123. *(c)* Hist. Cr. T. XIV. p. 527.—547. *(d)*
 Ap. Stritter T. II. p. 922. *(e)* Imag. N. H. C. XV. p.
 152. *(f)* Epit. Chron. p. 144.

uo haberi debeat; ingens in scriptoribus cōfusio, quum de Valachiae principibus agunt, oritur. Is, qui nunc Valachis praefuit, ab inaudita crudelitate notatus, postquam plurimos et suos, et Turcas in palos egisset, Mahometis iram in se prouocauit, illoque relicto; Mathiae fidem iurauit. Hoc innuitur illis epistolarum Mathiae verbis, dum Vacii pax cum Giskra sanciebatur: (a) *Cum vaiuoda partium Transalpinarum concordiam iniuimus; qui etiam ad praesens contra Turcos agit feliciter et fortiter; pro auxiliis quotidie sollicitat.* Eduxit in illum Mahometes 150. millia milium, e quibus ille 40. millia perdidisse fertur, Mahometes igitur, caedem suorum vindicaturus, simulata primum in Hungariam expeditione, viam subito reflexit ac Valachiam inuasit. Mathias non ignarus, id Mahometem facturum, mature de periculo summum pontificem ac Venetiarum ducem admonendum esse censuit, ac ad utrumque Ladislaum de Vesen pro subsidio contra Turcas implorando legatum misit. (b) Mahometes interea victo Vlado Draculam, eius fratrem, subrogauit, ad quem Valachi, crudelitatem fratris eius exosi, descuerunt. Et illum quidem Chalcondylas *in Pannoniam abiisse* scribit; Bonfinius autem eundem in Pannoniam non sponte venisse, sed a Mathia captum et abductum esse perhibet. *Draculam*, inquit, (c) *in Transsilvania cepit; alterum vero Draculam, a Turca in prouincia praefectum, — approbavit. Hunc Budam captiuium duxit, decennalique carcere multauit.* (d)

A. C.

(a) Ep. Math. P. I. n. 4. p. 423. (b) Ibid. n. 30. p. 34.

(c) Dec. III. Libr. X. p. 558. (d) Hist. Cr. T. XIV. p. 548.—568.

A. C. 1463. Math. 6. Ind. II. P. 10. A.

CCLVI. Nondum iis viribus Mathias instructus erat, ut Mahometem, cum spoliis Valachicis reuertentem, insequi, suosque limites egredi sine temeritate posset. Ut igitur pares tanto hosti copias sibi compararet; legationem rursus ad pontificem et Venet. ducem pro sollicitandis auxiliis misit. In eam rem delectus erat Georgius, Quinqueecclesien-
sis praepositus, quem Mathias plena potestate rerum agendarum instruxit, (a) *Budae, feria 3. ante palmarum, 1463.* et pluribus Romae cardinalibus commendauit. (b) Non multo post mutatis rerum quibusdam adiunctis, nouas ad suum oratorem litteras misit, quibus Turcas maximos in Hungariam apparatus facere significauit, (c) *Budae, in festo Marci, 1463.* Tertio post die de fraudibus et apparatu Turcarum etiam Venetiarum ducem certiore fecit, ac suasic, ut *terra magis, quam mari* hostis appeteretur. *Nam, quid, inquit, haecenus vel illi nocuerit; vel vobis profuerit tam ingens classium impensa, ipsi scitis.* — *Budae, 27. Aprilis, 1463.* Mathias, incertus, in quam se partem Turca vertere velit; ad tuendos regni fines Pongratzium praemisit, ut regis Bohemiae filio scripsit. (d) Sequutus ipse Pongratzium, 12. Maii Bathae iam fuit, et nescio, quam ciuitatem de 2000. aureorum, apud Emericum de Zapolya thesaurarium deponendis, admonuit, (e) *ne ex defectu pecuniarum recuperatio — coronae impediatur.* *Dat. in oppido Batha, fer. 5. prox.*

(a) Ep. Math. P. I. n. 55. p. 121. (b) Ep. LII. LIII. LIV. LX. (c) Ep. LXIII. p. 141. (d) Ep. LVII. p. 128. (e) Ex MSS. Cornidesianis.

5. prox. post festum apparitionis B. Michaelis arch.
anno dom. MCDLXIII. (a)

CCLVII. Mathias igitur, bellum cum Turcarum imperatore maiori cum libertate gesturus, si nihil a tergo hostile relinqueret; sancienda cum Rom. imperatore pacis curam non deposuit, necessariamque pro redimenda corona pecuniae summam, etiam expeditione Turcica distractus, colligere studuit. Extorsit nempe Fridericus consensum in duras pacis condiciones ab Hungaris, necessitate belli cum Turcis gerendi pressis, qui collectam pecuniam per legatos ad illum transmiserunt cum hisce litteris: (a)

„ — Licet — articuli ipsi visi sint maiori ex parte difficiles; — nihilominus tamen, quia ita rerum et temporum conditio fert, et id rebus Christianis ad praesens magis conducit; — pacem — etiam cum onere nostro maluimus amplecti. —

„ Dat. Budae MCDLXIII. * Legatorum praecipui fuerunt: Stephanus, Colocen. archiepiscopus; Ioannes, Varad. episcopus; Nicolaus Vilakius, Ladislaus Palotzius, Emericus Zapolyiius, qui cum tribus equitum millibus Neostadium profecti, quod tanta multitudo caesari suspecta fuisset, ciuitate prohibiti sunt.

(b) Ducentis igitur dumtaxat cum episcopo Varadiensi receptis, reliqui tamdiu Sopronii commorabantur, donec in haec pacta conuentum fuisset:

„ vt Fridericus Mathiam filii, hic illum patris loco haberet: regnum Mathias ac eius heredes obtinerent: si vero sine prole decederet; ad Fridericum, qui titulo Hungariae regis interim uteretur, eiusque filios transfret: paucis locis in Fri-

C c' 2

„derici

(a) Epist. Math. P. I. n. 89. p. 153. (b) Bonfin. Dec. III.

L. X. p. 558.

„derici potestate relictis, pro quibus ab eius obitu
 „40. millia numorum aureorum dependenda forent,
 „ceteri limites antiquo iure secernerentur.“ (a)
*Dat. Sopronii, fer. III. prox. ante fest. B. Mariae
 Magd. (19. Iulii) A. D. MCDLXIII.* Has tabu-
 las eadem die Fridericus *in noua ciuitate*, seu Neo-
 stadii, confirmauit; ac seorsim etiam cum Mathia
 transegit, qui his pactis itidem subscripsit Budae,
*fer. III. post fest. B. M. Magdalenae, A. D. MCD-
 LXIII.* Sed in priuatis his tractatibus neque Fri-
 dericus, neque Mathias ullam de successionis iure,
 quod praecipuum foederis caput erat, mentionem
 facit; neque pecuniae, pro corona numerandae,
 quasi puduerit Fridericum hanc nudinationem ad
 posterorum memoriam transmittere. Bonfinius eam
 summam 70. Ludouicus Tubero 60. millibus aureo-
 rum definit. Qua quidem pecuniarum exactione
 Hungaros ad resistendum Turcis infirmiores, non si-
 ne maximo Christiani nominis detrimento, Frideri-
 cus reddidit. *Duas coronas*, inquit Bonfinius, (b)
adulterinas affabre ab imperatore factas, rumor erat,
ne vera dignosceretur. — Ladislaus Palotzius accitus
veram sacramque coronam primo obtutu signo quodam
recognouit. — Insequenti die ad suburbana peruentum
 est. Tunc iterum ultro citroque redintegrata con-
 tentio. Nam nec coronam hic sine pecuniis, nec illi
 pecunias sine corona dare volebant. — Tandem fa-
 ctum est, ut ad portas urbis, uno eodemque tempore,
 et hinc pecuniae caesari traderentur, unoque momen-
 to compensatio fieret. Idem Bonfinius capita pacis
 ita concludit: „Quicumque demum foedus — lae-
 „serit; — veluti — deorum penatium violator,
 „igni ferroque, ut foeda porca, feritor.“ Quae
 phrasis

(a) Ap. Kollar. *Auct. Dipl.* p. 204. (b) *Loc. cit.*

phrasis, Romanis olim familiaris, indicat, Bonfinium, etiam cum dispendio religionis et veritatis, elegantiae Romanae studuisse. (a)

CCLVIII. Mathias, laudatis tabulis 26. Iulii Budae confirmatis, mox iter contra Turcas, qui ditiones Hungaricas incursabant, arripuit, tantaque celeritate fuit usus, ut iam Futakini 28. mensis eiusdem in fauorem Procopii de Mytha litteras dederit. Causa tantae festinationis erat iactura Bosniae, quam Mahometes, ut Mathias ad pontificem scribit, (b) „ inuitatus a quibusdam proditoribus, „ — suscepta proditione, — prius forte, quam „ eduxisset gladium, vicit; proditoribus aequae ut „ proditione, potitus. Vinxit dein regem, arte et „ dolo, non armis superatum, demumque excruciatum necauit: arces omnes et munitiones regni in deditionem accepit. “ Gobelinus scribit, (c) Stephanum, Bosniae regem, Iaitzam, Turcarum aduentu percepto, cum thesauris confugisse, Dalmatiam petiturum. Bassa, quum venisset Iaitzam, abiisse regem inuenit, eumque magnis itineribus consequutus, in castello Cluzio clausit. — Ille quarta demum die, fame et siti coactus, sese cum omni thesauro, quem quinque reges tot annis congregauerant, fidei bassae credidit. Quem imperator, ad se ductum, multa spe demulcens, facile induxit, ut oppida, quae in sua potestate restiterunt, reddi iuberet, plura et meliora a se deinceps expectaturus. Scribitur praefectis arcium, ut clauas munitionesque tradant. Parent omnes. Atque ita octo ferme dierum spatio amplius 70. natura et arte munitissima oppida, et auri am-

Cc 3

plus

(a) Hist. Cr. T. XIV. p. 580.—518. (b) Ep. Math. P. I. n. 73. p. 165. (c) Ap. Pray Ann. P. III. p. 280.

plus, quam decies centena millia numum, ex Christianis opibus in manus hostium peruenere. — Templum sanctorum diruta: viri religiosi omni contumeliarum genere affecti: nobilitas omnis ad seruitium in Asiam missa: regi paucis post diebus caput abscissum. Quum omnia tam celeriter acta sint; mirum non est, Mathiam periclitanti Bosniae citius succurrere non potuisse. Primum quidem ille Ragusium, ne, sicut Bosniae regnum, a Turcis opprimeretur, partem exercitus sui transmisit; (a) deinde vero cum Venetis foedus contra Turcas ita pepigit, (b) ut „ Veneti tamdiu aperto bello Turcam insectentur, 40. „ triremibus instructis, quamdiu ipse cum eo bellum gereret: — nec pars altera, altera non assensiente, cum Turca pacem conficeret. — Actum „ in Sirmio, in Varadino Petri, — A. D. MCD. „ LXIII. ind. XI. die XII. Septembris; praesentibus „ Stephano Coloc. Ioanne Varad. Michaelle palatino, „ Nicolao vaiuoda. “ — (c)

CCLIX. Iidem isti, qui foederi, cum Venetis inito, subscripserunt, cum Friderico quoque pacem composuerunt, lytroque deposito, sacram coronam post 24. annos captiuitatis in Hungariam retulerunt. Sed, quia Mathias, magis de recuperanda Bosnia, quam coronatione sua, sollicitus, Buda iam dudum abiuerat; teste Bonfinio, (d) corona in arce recondita, legati ad regem festinarunt, quem in Sirmiensis agro aduersus Turcas agentem inuenere. Hinc enim Turcas per Ladislaum Marcum, praefectum legionis, nuper eiecerat. Et hoc bello successus ad-

auctus-

(a) Ep. Corn. P. I. n. 67. p. 150. (b) Ap. Miller Coll. Dipl. P. I. p. 547. (c) Hist. Cr. T. XIV. p. 619. — 652. (d) Dec. III. Libr. X. 560.

uictusque animo, quod sacrum diadema redemerat, et cum altero imperatore terrarum pacem fecerat, ad obsidendam Iaitzam properabat. — Exploratis Iaitzensium animis, qui Turcae iugum aegre ferebant, extemplo cum magno exercitu Sauum traiecit, Iaitzamque contendit, 4. dierum itinere a Sauo remotam. Ad clarissimum facinus iuueni animum addiderat diffusus rumor, Pium pontificem ab urbe Roma uniuersam in Turcas Europam suscitare. Verum fuisse hunc rumorem, apparet ex his pontificis literis, ad vniuersos Christianos datis: (a) „ Alios „ haftenus exhortati, — nunc maiora promitemus: „ nos ipsos periculis obiectabimus: nostrumque ca- „ put aduersus Turcos offeremus in bellum: et quan- „ tum nobis ecclesia Romana et patrimonium B. „ Petri ministrare poterit; tantum pro fide catho- „ lica protegenda exponemus. — “ Turotzius successum belli huius ita perstringit: (b) Mathias Bosnense regnum, quod et Ramam vocamus, tunc Turcorum dominio subiectum, aggressus est; castrumque Iaitza, tum loci natura, tum vero maeniorum altitudine munitissimum, vi; alia vero terrae eiusdem castra deditione cepit; omnesque caesaris Turcorum milites, — quos gladius Hungarorum non consumserat, ad gratiam et suam ditionem recipiens, — secum deduxit. Ex his, ut Bonfinius profequitur, Harambechus, regem sequutus, cum 200. equitibus coronationem eius recentis victoriae testimonio decorauit. A kalendis tandem Octobris urbem ceperat; XVII. kal. Ian. arce potitur. Eodem quoque tempore, ne ingrato hibernare otio videretur exercitus, XXVII. circum finitima oppida recepit. Compositis in prouincia rebus, impositoque Iaitzae praesidio, ser-

Cc 4

uatoris

(a) Ep. Corn. P. I. p. 299. (b) Chron. P. IV. cap. 65.

uatoris nostri natalibus, victor et euans Budam ingressus, et cum ingenti senatus populique laetitia ac plausu exceptus est. Mathiam quidem mense Nouembri Iaitzam in potestate sua iam habuisse; nondum tamen indidem mense Decembri discessisse; nedum seruatoris nostri natalibus Budam ingressum esse, docent diplomata, Iaitzae data, XI. Nou. 6. Dec. et sabbato prox. ante festum circumcisionis domini, anno eiusdem MCDLXIII. (a)

A. C. 1464. Math. 7. Ind. 12. P. 1. A.

CCLX. Bonfinium etiam in numero captiuorum et castrorum recuperatorum errasse, discimus ex ipsis Mathiae litteris, ad pontificem in reditu datis. „ Serius forsitan, *inquit*, (b) ac ratio debiti postulabat, accessit tandem mihi copia temporis facultasque scribendi ad S. V. de rebus, apud me gestis, quibus diuina clementia dexteram suam hoc tempore nobiscum magnificare dignata est. — Antequam Boznam (*Mahometes*) ingressus esset; dimiserat praefectum Seruiae, Ali-beg nominatum, cum haud parua exercitus parte, e regione apud vada fluminis Zaul, ut nos ab eius transitu vel prohiberet interim, vel auerteret. — Cum hoc igitur hoste tunc mihi primum res gerenda fuit; post feliciter acta est. — Multi ex hostibus gladio, multi ad flumen acti, obruentes se inuicem et obruti a se, naufragio ruinaque perierunt. — Depuli ab inde reliquias hostium, prius fugatorum, et ad persequendum eos iter in Seruiam direxi. — Anima-

rum

(a) Hist. Cr. T. XIV. p. 652.—666. (b) Ep. Coru. P. I. n. 73. p. 161.

rum circiter millia XV. de servitute in libertatem pristinam cum armentis et rebus feliciter reducta sunt. — Et haec quidem apud Seruiam acta; ex qua demum regressus, — intendi animum ad recuperationem Boznæ, recenti casu amissæ. — Castrum et oppidum, Iaitza nominatum, obsidione circumdedi. — Primo fere impetu et aggressu incolas oppidi in deditiōem accepi, factaque irruptione in oppidum, — restabat iam arx ipsa expugnanda, in cuius oppugnatione, trimestri fere spatio, magna sollicitudine laborando; multa ex cæli intemperie — passus, constantia tandem et perseverantia vicimus. — Prope 400. in vita servatos — mecum eduxi. — Mox multorum aliorum castrorum deditio sequuta est. Iam circiter 30. manibus meis reddita sunt; et totidem vel paullo plura in obedientiam et deditiōem accepi. — — Dat. in oppido Dombro regni Sclauoniae, die 27. Ianuarii, 1464. Queritur autem in epistolae parte reliqua de novis Bohemorum, Polonis coniunctorum, in Hungariam incursionibus, quibus victoriae contra barbaros cursus intercipiebatur. (a)

CCLXI. Postquam contra hos grassatores et importunos tranquillitatis regni perturbatores Mathias apud pontificem questus fuisset, ac eius opem ad coercendam eorum effrenatam licentiam implorasset; postridie suas indidem litteras ad Posonien-
ses aliosque regni status et ordines ita dedit: (b)

Mathias — Postquam feliciter dono domini gestae sunt res pro recuperatione regni Bosnae; —

„ con-

(a) Hist. Cris. T. XIV. p. 666. — 675. (b) Ex MSS. Cor-
nidesianis.

„ congruere visum est profectui publico et pariter
 „ honori nostro, vt pro corroboratione bonae spei,
 „ quae ex his gestis ad futura gerenda nobis a DEO
 „ tribuitur, intendamus ad suscipiendam coronam
 „ regni, in qua totius paene dignitatis regiae vir-
 „ tus quaedam et summa consistit. Habita igitur
 „ deliberatione matura cum praelatis et baronibus
 „ nostris ceterisque consiliariis, nobiscum existen-
 „ tibus, decreuimus nos praeparare ad assumptio-
 „ nem ipsius coronae sacrae, in loco olim designa-
 „ to, diemque coronationis statuimus circa domi-
 „ nicam Ramis palmarum, proxime adfuturam. —
 „ Dat. in oppido Dombro regni Sclauoniae, sabb.
 „ prox. ante fest. purif. B. M. V. A. D. MCDLXIV.“

Budam inde profectus, in fauorem Emerici Zapolya, quem assertae vindicataeque Bosniae gubernatorem instituit, litteras dedit, (a) *Budae, in festo B. Valentini M. A. D. MCDLXIV.* Hunc Emericum Bonfinius ante coronationem a Mathia cum duabus legionibus ad obsidionem, qua Turcae Iaitzam cinxisse ferebantur, soluendam remissum fugatisque hostibus, ad coronationem Albam regalem reuersum esse scribit. Sed vix est credibile, Mahometem rigida hieme copias tam cito coegisse. Coronationi praemortuam fuisse Catharinam seu Cunegundem, ex his Pessinae verbis liquet: (b) *Cunegundis coniunx, phrysi consumpta, nulla prole relicta, decessit Budae; in aede S. Sigismundi, in qua Bohemicae conciones peragi solebant, — sepulta.* Quum igitur 8. Martii pater exsequias eius celebrandas curauerit; nondum tribus annis connubii completis, ante coronationem Mathiae decessit. Mathiam enim 29. Martii

(a) Ex MSS. Bibl. Quinquesecl. (b) Ap. Kapr. P. I. p.

Martii coronatum fuisse, Turotzius his verbis innuit: (a) *Rex Mathias sexto sui regni (completo) dominicae autem incarn. MCDLXIV. anno, in die coenae domini, — feliciter exstitit coronatus.* Idem Nicolaus Olahus in chronico his verbis affirmat: (b) *Illi clarissimo regum fideri, Mathiae de Hunyad, — per Dionysium card. archiep. Strigonien. regalis corona imponitur A. C. MCDLXIV. die XXIX. mensis Martii.* Bonfinius igitur errat, quum hanc coronationem in diem parasceues differt. (c) *Illud nequaquam omiserim, subiicit, quod in referenda gratia monumentum inter coronandum fecit. Ioannem, Varadiensem episcopum, de patre deque se iuxta bene meritum, amplissimo illo ditissimoque comitatu perpetuo donavit.* Recensitis subinde meritis illius, ab obligatione iurisiurandi personalis eundem absoluit, edito diplomate (d) *Budae, octauo die festi S. corporis Christi, anno eiusdem MCDLXVI.* (e)

CCLXII Peracta coronatione, cum proceribus de pluribus rebus, quae regni felicitatem altius prouehere possent, in commune consuluit. Rogatus, ut celeberrimum Andreae II. decretum auctoritate sua stabiliret, et id praestitit, et leges alias, 28. articulis comprehensas, addidit; (f) e quibus ita habet *Art. I.* „Decreta praedecessorum Hung. regum seruentur, per Mathiam regem iam confirmata. *II.* De conseruatione sacrae coronae. *III.* „Nota infidelitatis nemo, sine praelatorum et baronum consilio, damnetur. *IV.* Abolitio breuium

(a) Chron. P. IV. cap. 66. (b) Ap. Bel. Adp. Dec. I. p. 38.

(c) Dec. IV. Libr. I. (d) Ap. Pray Hier. P. II. p. 154.

(e) Hist. Cr. T. XIV. p. 675.—688. (f) Corp. Iur. Hung. T. I. p. 217.

„ uium euocationum. *V.* De celebratione *IV.* octa-
 „ uarum. *VI.* De prorogationibus et poenis uten-
 „ tium falsis prorogationibus. *VII.* De *IV.* factis
 „ potentiariis, quae in tertia octaua finaliter ter-
 „ minentur. — *VIII.* De prorogationibus fratrum
 „ indiuisorum. — *IX.* Sales extranei in regno non
 „ vendantur. *X.* Distrahenda castella, post obitum
 „ Alberti regis erecta, sub poena perduellii. —
 „ *XI.* Quod hi, qui cum iure regio vel alio pro-
 „ cessu alios in suis iuribus iniuste vexant, in aesti-
 „ matione bonorum eorumdem conuincantur. *XII.*
 „ Bona, post obitum Alberti regis occupata, re-
 „ mittantur. — *XIII.* Regnum Sclauoniae et par-
 „ tes Transsilvaniae in libertatibus suis conseruen-
 „ tur. *XIV.* Ecclesiasticarum personarum et secu-
 „ larium, contra sese inuicem agentium, aequalis
 „ mulcta. *XV.* Tributum in vna villa, in pluri-
 „ bus locis exigi non possit. Viae falsae in aliorum
 „ terris non obseruentur. — *XVI.* Conuictorum in
 „ iudicio bona more veteri conferentur. *XVII.* De
 „ causis, forum ecclesiasticum concernentibus. *XVIII.*
 „ Rex ad simplicem querelam bona aliquorum non
 „ occupet: et causam propriam ordine iuris pro-
 „ sequatur. *XIX.* Iudices ordinarios regni verbe-
 „ rantis poena, notae infidelitatis. *XX.* De his,
 „ quorum litteralia instrumenta perirent, vt bona
 „ eorum, noua donatione a rege impetrata, prae-
 „ uia attestatione roborentur. *XXI.* Iudicium ge-
 „ nerale in omnibus comitatibus celebretur, more
 „ veteri. *XXII.* De noua moneta cudenda. *XXIII.*
 „ De confirmatione donationum Ladislai et Mathiae
 „ regum. — *XXIV.* De modo soluendi decimas
 „ ac aceruorum examinatione. *XXV.* Dominicis
 „ diebus et festis B. virginis forum non celebretur.
 „ *XXVI.* Monetarum falsarum cutores puniantur.
 „ *XXVII.*

„ XXVII. Saluum conductum violantium poena.
 „ XXVIII. De violatione ecclesiarum ac immuni-
 „ tate domorum nobilium ac ecclesiasticarum per-
 „ sonarum. — Dat. — A. D. MCDLXIV. octauo
 „ idus Aprilis. — “ (a)

CCLXIII. Vtprimum victoria Mathiae de Turcis per Europam vulgata fuit; certatim eius amicitiam et foedus Christiani principes exposcebant. Certe, priusquam coronatus fuisset; e Gallia legatus ad eum hac de causa missus, nouam quoque spon- sam eidem offerebat. Mathias, proceribus in con- siliu adhibitis, ad singula capita legationis sapien- tissima responsa reddidit. (b) Huius legati studio factum fuisse videtur, vt Mathias, amissa coniuge, ceu quodam pacis pignore, nouum cum Podiebra- dio focero foedus, ad coercendas mutuas Hunga- rorum et Bohemorum iniurias, iniuerit, (c) *Budae, in festo BB. Tiburtii et Valeriani MM. (14. Apr.) A. D. MCDLXIV.* Solutis Albenfibus comitiis, in quibus Neostadiensia pacta primum foederis au- ctiores, deinde ceteri proceres confirmarunt, (d) *III. mensis April.* Mathias nonnisi post tres hebdo- mades, nulla tamen, vt prius, de successione facta mentione, tabulas easdem ratas habuit, (e) *Bu- dae, in festo B. Georgii M. A. D. MCDLXIV. regni VII. coronationis I.* Ceterum non multo post inimicitiiis inter Fridericum et Mathiam iacta sunt fundamenta, vt Mathias ad Pium II. scribit, (f) *ser. D. Fridericus R. I. plura in confinibus per suas*
homines

(a) Hist. Cr. T. XIV. p. 688.—703. (b) Ep. Coru. P. I. n. 62. p. 129. (c) Ap. Pray Ann. P. III. p. 311. (d) Ap. Koll. Aust. Dipl. p. 234. (e) Ibid. p. 237. (f) Ep. Coru. P. I. n. 72. p. 159.

homines egit, magis ad discordiam, quam ad concordiam spectantia. — Nouissime quidam ex suis, — oppidum Soproniense aggressi, suburbium — eiusdem magno incendio deuastarunt. In hac Austriacorum in Hungariam incurssione quosdam interceptos Fredericus repetiit. Respondit Mathias, (a) illos temere non dimittendos; tum addit: „Imperator „Turcorum per 30. dies obsedit, et vehementissimè oppugnauit in regno Boznae castrum Iaitza; „pariter omnia castra, in nostris manibus habita. „Nam bombardas inauditas ibidem fundi fecit, „quibus iam per 20. dies castri pariter et oppidi „murum frangit. — Nos, qui fere soli scimus, „quanti momenti locus ille sit toti nomini Christiano, pergimus, ecce! cum his, quas habemus, copiis ad repellendum ab obsidione infestissimum hostem. — “ Bonfinius igitur, obsidionem ante coronationem per Emericum Zapolya solutam fuisse, male refert. (b) Suspectum etiam est, quod de Zuoinichio duobus mensibus oppugnato, militibusque metu Mahometis aduenientis diffugientibus, narrat; (c) quum id nusquam apud veteres legatur, nec illi duo menses obsidionis assignari facile possint, quibus Mathias illic adhaeserit. Peraeque de Szegedinensibus comitiis, post quae Szegedius eodem anno mortuus sit, hallucinatur; quum is anno sequente decesserit. Certius est, Pium II. in ipso conatu suppetiarum adducendarum Anconae mortuum, iussisse, teste Campano, (d) pecunias ad aureum numum 40. millia, ex decimis exacta, Mathiae, regi Pannoniorum, mitti in sumtus belli.

Ita

(a) Ibid. n. 75. p. 176. (b) Dec. III. Libr. X. p. 561. (c) Dec. IV. Libr. I. p. 563. (d) Ap. Pray Ann. P. III. p.

Ita pontifex, optime de Hungaria meritus, obiit 14. mensis Augusti, cui superstiti Mathias supplices litteras miserat, ut et Margaritam, Belae IV. filiam, sanctis, et Stephanum Vardaium, Colocensem archiepiscopum, cardinalibus adscriberet. (a)

A. C. 1465. Math. 8. Ind. 13. P. 14. A.

CCLXIV. Mathias, amplis Pii II. promissis ad bellum Turcis inferendum permotus, nondum terram hostilem ingressus erat, quum feruentissimum illum belli huius auctorem, quem certissimum eiusdem adiutorem fore sperauerat, e viuis excessisse comperit. Etsi vero rationes suas importuno hoc eius obitu plurimum turbatas intellexerit; ab expeditione tamen non destitit, suasque copias in Bosniam traduxit; nec eas ante hiemem inde reduxit. An autem ea tunc circa Zuornikum acta fuerint, quae Bonfinius refert; propter suspectam eius fidem ac aliorum silentium, in medio relinquendum esse censui. Certius est, Mathiam, non priore, sed hoc anno, post reditum suum comitia Szegedinum indixisse. De his enim ita *Christophoro Mauro, duci Venetorum*, scripsit; (b) „ — Quia proximis futuris „ diebus conuentum praelatis et baronibus regni „ nostri Szegedini indixeramus, placuit, ut ipse „ (*Ioannes Eino, legatus Venetus*) illi conuentui „ interesset, in quo potissimum de rebus fidei et „ status communis tractandum erat. In eo igitur „ conuentu id praecipue nostri consilii fuit, ut ad „ pontificem Rom. sollemnes mitterentur oratores: „ et quum id munus legationis fidelibus nostris, „ R. P.

(a) Hist. Cr. T. XIV. p. 764.—764. (b) Ep. Corn. P. II.

„ R. P. D. Quinqueecclesiensi et magnifico Ioanni de
 „ Rozgon obuenisset; visum fuit nobis multis de
 „ causis et toti consilio praelatorum et baronum,
 „ vt a memorato Ioanne Eino — hoc expostulare-
 „ mus, quod cum praefatis oratoribus nostris —
 „ Romam pergeret. Nam, quia nobiscum his an-
 „ nis fere duobus domi militiaeque perstitit, et
 „ quod alii audiuerunt, ipse vidit oculis; existima-
 „ mus, illum idoneum fore testem ac personam
 „ non inutilem, quae et V. amicitiae omnia referre,
 „ et Rom. pontifici de rebus gestis testimonium
 „ adferre possit. — 16. Ianuarii 1465.^a Paulo II.
 31. mensis Augusti pontifici creato, nouam digni-
 tatem gratulatus, has fidei-litteras per eosdem ora-
 tores ad illum misit: (a) „ Postquam sanctitatis V.
 „ vocationem laetus cognoui; officii mei esse vi-
 „ sum est, in conspectum eius oratores meos mit-
 „ tere, cum ad ea praestanda, quae nouis ponti-
 „ ficibus Christiani principes exhibere et debent, et
 „ solent, tum etiam pro his, quae ad negotium
 „ fidei pertinere noscuntur. —“ Idem oratores,
 cardinalibus etiam commendati, (b) postquam Ro-
 mam appulissent, ad pontificem admissi, primum
 Mathiae nomine *puram, plenam et canonicam obta-*
lerunt obedientiam; (c) deinde *contra immanissimum*
Turcum prouisiones opportunas petierunt. „ Duo-
 „ bus his, *inquebant*, (d) praeteritis annis, in-
 „ clitus rex noster, magna auxiliorum spe ductus,
 „ demum a nemine fere adiutus, propriis viribus,
 „ non tam pro se, quam pro omnibus bellum
 „ gessit. — Posset fortassis ipse rex noster et aliter
 „ sibi

(a) Ibid. n. 35. p. 96. (b) Ibid. n. 37. 38. 39. p. 99. —
 101. (c) Ibid. n. 48. p. 129. (d) Ibid. n. 49. p. 140.

„ sibi regnoque suo consulere; sed zelo fidei ac-
 „ census, tuaque benignitate fretus, B. P. mauult
 „ ipse periclitari pro omnibus, quam aliorum peri-
 „ cula spectare otiosus. — “ (a)

CCLXV. His Paullus ad acceleranda contra
 Turcas auxilia permotus, accitis principum Italiae
 legatis, vt illos exemplo suo prouocaret, annua
 100. aureorum millia Mathiae contra Turcas se
 daturum promisit. Sed, quum infra spem legati
 promississent; illis dimissis, coram cardinalibus ita
 querebatur: (b) „ Videtis, fratres, quo reciderint
 „ desideria nostra et sex mensium conatus. — Si
 „ haec oblata accipimus; Hungari, carituros se vi-
 „ dentes pecunia, quam in dies expectant, paci-
 „ scuntur cum Turcis. Tolerare enim vltra non
 „ valent. Horum exemplum necessario sequentur
 „ Veneti, quos inuitat Turcus. — His duobus quasi
 „ propugnatoribus cedentibus de medio, numquid
 „ non hosti iter liberum terra marique ad Italiam
 „ patet? — “ Ante horum oratorum aduentum
 Marcus, Tinniniensis episcopus, ad Mathiam Ro-
 ma rediit, magnamque de noui pontificis optima
 voluntate succurrendique promptitudine spem retu-
 lit. Mathias igitur, gratum animum testaturus,
 eundem Marcum ad pontificem cum nouis nunciis et
 litteris remisit, (c) *dati Budae, die penultima Apri-
 lis, 1465.* Addidit alias ad cardinalem S. Angeli
 litteras, (d) *eadem die;* tum ad card. Reatinum,
 (e) *postridie;* Cretensem autem archiepiscopum, A.
 S. L.

(a) Hist. Cr. T. XV. p. 5.—23. (b) Ap. Pray Ann. P. IV.
 p. 27. (c) Ep. Coru. P. II. n. 5. p. 14. (d) Ibid. n. 8.
 p. 21. (e) Ibid n. 16. p. 51.

S. L. Romam reuersurum, pontifici magnò opere commendauit. (a) Reuersis interim prioribus legatis, necessariam auri summam in stipendia militum accepit. Sed quia Paullus sinistris rumoribus occupatus erat, quasi pecuniam illam in alios vsus Mathias conuertisset; eundem negligentiae postulauit. Ad Drauum Mathias cum exercitu fuit; quum eas litteras accepit; veritusque, ne maligna haec fama stipendiorum spem succideret, obiectam criminationem ita diluit: (b) „ — Opinentur alii, quicquid „ volunt. Mihi recte ipse videor haecenus acqui- „ siuisse plura, quam amisisse. Illud, si negligentia „ est, fateor; me omnino efficere et cauere non „ posse, vt in metis saepe incursus mediocres et „ rapinae non fiant. — Si tamen pulchrum vide- „ tur ardua experiri; ego ille primus sum; ego, „ inquam, qui semper necessarium esse duxi, vt — „ hostem nostrum aliquando in suo nido quaera- „ mus: — illa modo B. V. aliorumque Christiano- „ rum tantae rei conuenientia aùxilia non desint. „ — Datum in castris exercitus nostri, in vado „ Drauae, secundo die mensis Oct. A. D. 1465. „ Quia vero pontifex rumore quodam accepit, Ma- „ thiam, auxiliis desperatis, consilia pacis ineundae „ eum Turcis agitare; grauissimis id argumentis dis- „ suasit. Respondit Mathias: (c) „ Nulla oblatarum „ conditionum vel honestate, vel utilitate, in hunc „ vsque diem adduci potui, vt, quamuis magnis „ et diuturnis laboribus ac impensis pressus, bello „ concordiam anteferrem; — quia reip. Christianae „ id periculosum fore videbam. „ (d)

CCLXVI.

(a) Ibid. n. 25. p. 79. (b) Ibid. n. 19. p. 51. (c) Ibid. n. 26. p. 81. (d) Hist. Crit. T. V. p. 24.—42.

CCLXVI. Tot legationibus, tot artibus Mathias ad eliciendas a pontifice pecunias vsus est, vt illarum ope communem a se populoque Christiano perniciem auerteret. Mahometes quoque, quum vidisset, vnitis inter se principibus Christianis, nihil se profecturum; subdolis artibus initum inter Mathiam et Venetos foedus dissuere conatus, modo Mathiae, modo Venetis inducias aut pacem honestis conditionibus obtulit. Mathias sagacissimus, hos barbari dolos odoratus, eius fraudes et perfidiam duci Venetiarum aperuit, (a) *Budae*, 18. *die mensis Febr.* 1465. Sequenti mense suum apud Venetos oratorem de Turcarum apparatu, qui tamen hoc anno vanus erat, edocuit, (b) *in Nouozolio*, *die penultima Martii*, 1465. Ad ternas litteras, a ducē Venetiarum hoc mense datas, sub exitum sequentis respondit, ac inter cetera firmitatem foederis initi suavit, (c) *Budae*, 27. *Aprilis*, 1465. Quam facilis hic Mathias ad vota ducis in permutatione captiuorum Turcicorum cum Venetorum ductore capto fuit; tam fortis in defendendis Ragusinorum, fidelium suorum, iuribus aduersus eundem Venetorum ducem, a quo liberam iis nauigationem permitti voluit, (d) *Budae*, 4. *Iulii*, 1465. Fortius et acrius eundem ducem monuit, vt ab iniuriis in Bosnia desisteret, ac foedera diligentius coleret. (e) *Dat. in castris — in vado fl. Drauae*, 2. *die Oct. A. D.* 1465. Dum ita Mathias iuribus suis inuigilaret, vt non aliter foederibus stare vellet, quam si haec indemnitas seruarentur; hac spe ductus, ad decretorium bellum, Tur-

D d 2

cis

(a) Ep. Coru. P. II. n. 47. p. 124. (b) Ibid. n. 1. p. 1. (c) Ibid. n. 3. p. 8. (d) Ibid. n. 9. p. 31. (e) Ibid. n. 20. p. 69.

cis inferendum, totus incubuit, ac in belli huius societatem eundem ducem inuitavit: (a) ad quod etiam Ludouicum XI. Galliae regem, geminis ad eum litteris datis, (b) excitavit. (c)

CCLXVII. In tanta mole curarum bellicarum Mathias scientiarum non oblitus, ne vel ditiores Hungari litterarum causa suis impendiis exterarum provincias petere, vel egentiores, ingenio tamen praecellentes, ob fortunarum tenuitatem domi rudes adhaerere cogerentur, lyceo seu Quinqueecclesiensi, seu Budensi nondum debitis adiumentis instructo, nouum scientiarum omnium emporium erigere constituit. Paulus pontifex, intellecta regis voluntate, datis ad duos Vitezios, alterum Strigonien. archiepiscopum, episcopum Quinqueeccles. alterum litteris, (d) *studium generale, cum quibuscumque facultatibus — erigendi — licentiam concessit, — Romae apud S. Petrum, anno inc. dom. MCDLXV. XIV. kal. Iun. pont. an. I.* Sedem academiae Mathias Posonii, quod *Histropolim* in publicis litteris anni 1468. vocat, statuit, eumque, non Vitezium, auctorem Istropolitanae huius academiae Valentinus Ieccelius facit. (e) Tres igitur Mathiae temporibus academiae Hungariam ornabant. Nec enim, erecta vel instaurata Budensi, seu Posoniensis, seu Quinqueecclesiensis desit. Istropolitanae promotor dumtaxat, non auctor, Vitezius erat, hoc anno mortuo kal. Febr. Dionysio Szetsio suffectus, qui iam postulatus Strigon. dicitur in diplomate Mathiae, (f) dato *XIV. kal. Mart. A. D. MCDLXV.* magistratibus

(a) Ibid. n. 28. p. 84. (b) Ib. n. 6. 26. p. 18. 89. (c) Hist. Cr. T. XV. p. 43.—63. (d) Ap. Schier. Mem. Ac. Istr. p. 7. (e) Ap. Péterf. Conc. P. II. p. 16. (f) Ap. Schmitth. Ep. Agr. T. II. p. 78.

gistratibus ita subscriptis: Ioanne *Varad.* et postu-
lato *Strigon.* Stephano *Coloc.* archiepiscopis; Ladi-
slao *Agr.* Nicolao *Transsiluan.* Zagr. sede vacante;
Ioanne *Quinqueecl.* Alberto *Vesprim.* Augustino
Iaurin. Vincentio *Vac.* Alberto *Chanad.* Thoma
Nitr. Bosp. sede vacante; Urbano *Sirm.* Marco
Tinnin. — episcopis; — Michaelē Ország — *palati-*
no; Emerico de Zapolya *regni Boznæ gubernatore*;
Nicolao de Újlak et Ioanne Pongrátz — *vaiuodis*
Transsiluan. C. Ladislao de Palótz, *iudice curiæ*;
eodem Emerico de Zapolya *Dalm. Croat Sclau-*
bano; — Nicolao de Újlak *Machou.* — Mathias,
iure patronatus usus, quum Ioannem Varadiensem
pro metropoli Strigoniensi proposuit, (a) pro Va-
radinensi Ioannem, praepositum Quinqueecclesiensem,
elegit ac pontifici praesentavit. — (b) Quia vero,
Szetfio mortuo, nullus in Hungaria cardinalis erat;
Mathias maiore studio Stephanum Vardaium ponti-
fici commendabat, ut eum in sacrum collegium co-
optaret. (c) Exstant plures etiam eiusdem ad
pontificem epistolae, quibus ecclesiae Zagrabiensi
consultum ibat, (d) ad quam Osualdum de Szent-
László nominavit et praesentavit, capituloque Za-
grab. significavit, Demetrium Chupor iuribus suis
renunciassē. (e) *Dar.* in descensu exercituali, pro-
pe villam Maszlincz, fer. 5. prox. post fest. OO.
SS. A. D. 1465. regni 8. cor. 2. (f)

CCLXVIII. Huic Demetrio Mathias castra Za-
grabienſia credere noluit, quod, ut aiebat, *ob mul-*

D d 3

ta

(a) Ep. Coru. P. II. n. 34. p. 94. (b) Ibid. n. 11. p. 6. (c)
Ibid. n. 8. 17. 24. p. 23. 54. 78. (d) Ibid. n. 9. 13. 33.
p. 28. 39. 72. 93. (e) Ap. Pray Hier. P. II. p. 353. (f)
Hist. Cr. T. XV. p. 63.—93.

na merito suspectus sibi videretur; suspicatus fortassis, illum Friderici partibus addictum esse: qui quod initas pacis condiciones observare noluerit; multis Mathiae querelis locum dedit: neque prius ab iniuriis destitit, quam eiusdem arma, contra Turcas expedita, tandem in se prouocasset. Nihil industriae Mathias praetermisit, quo Fridericum ad pactiones observandas adduceret; secundum quas ille 5. ciuitates in sua potestate retinuit; saluo tamen, vt ipse loquitur, *(a) quod, si passagium generale contra infideles et pro defensione fidei et regni fieri contingeret*; eius subditi communem contributionem praestare deberent. Quapropter accusatum a Friderico praefectum Soproniensem ita defendit: *(b)* „—Scitum est, quod subditi S. V. quos intra terminos Hungariae habet, ex forma pactorum omnino obedire tenebantur illi generali decreto regni, quod non ex aliqua priuata causa, sed pro publico fidei negotio editum est. Illud quoque palam factum est, quod obedire negligentibus acres poenae comminatae fuerant. Cur igitur S. V. vel sibi ad iniuriam trahit, vel officialem illam culpam commeruisse putat, quod ipse pro debito officii sui exsequutus est? — Die 16. Ian. 1465.“ Ginsienses ab hac contributione non eximi declarauit, *(c)* 18. Ian. 1465. Tum expositis iniuriis, quas Austriaci Soproniensibus intulerunt, *(d)* excusationes Friderici hunc in modum confutauit: *(e)* „ — Siquid S. V. — cum C. Sigismundo negotii habebat; cur alii subditi et ciues nostri immerentes, vtpote Posonienses „ et

(a) Ap. Kollar. Aust. Dipl. p. 218. *(b)* Ep. Coru. P. II. n. 42. p. 107. *(c)* Ibid. n. 41. p. 104. *(d)* Ibid. n. 44. p. 117. *(e)* Ibid. n. 45. p. 119.

„ et Sopronienses, ac ceteri finium illorum acco-
 „ lae, plectuntur? quare de causa oppidum no-
 „ strum incenditur? Sed dicitur, quod burgenfes
 „ incendio causam praeberint. Equidem nemo
 „ tam furiosus est; qui ipse domum suam cremet.
 „ — Omnino autem id nobis ingratiſſimum est,
 „ quod, quum maxime pro fide catholica labora-
 „ mus; tum praecipue a tergo laceſſimur: et unde
 „ magis mereremur subsidia; patimur impedimen-
 „ ta. — “ Licet autem Mathias pacis, quam bel-
 „ li studiosior fuerit; nouis tamen iniuriis Potendor-
 „ ferī prouocatus, Andreae Paumkircherō, comiti
 „ Posoniensi, demandauit, (a) vt *ad bona et dominia*
 „ *praefati Georgii Potendorfer accedere, et ea depra-*
 „ *dationibus ac incendiis — taliter disponere debeat,*
 „ *vt ipse Hungaros ulterius prouocare et impedire*
 „ *non audeat.* — De his Austriacorum iniuriis vetera-
 „ num etiam suum amicum, card. S. Angeli, cer-
 „ tiorem reddidit; (b) de quibus etiam apud ducem
 „ Venetiarum questus est. (c) *Siquid, inquit, aduersus*
 „ *imperatorem fuerit tentatum; — culpam in eum*
 „ *refundat, qui causam ac initium prior introduxit.*
 „ (d)

CCLXIX. Mathias non alia de causa tam du-
 ris conditionibus cum Friderico pacem composuit,
 quam vt *liberius et fortius rei Christianae vacare*
 posset, vt ad ducem Venetiarum scripsit. Ad suum
 quoque legatum apud Venetos eadem de causa su-
 periores Hung. partes se petiisse, 30. Martii scri-
 psit, vt *confinia regni sui ab insultibus latronum*
 de Bohemia et Polonia — *tuta relinqueret*; atque hac

D d 4

ratione

(a) Ibid. n. 46. p. 122. (b) Ibid. n. 43. p. 115. (c) Ibid.
 n. 18. p. 59. (d) Hist. Cr. T. XV. p. 95. — 115.

ratione totis viribus contra Turcas agere posset. Hac etiam de causa pacem et amicitiam Poloniae proceribus obtulit. (a) Et quemadmodum Septentrionales Hung. partes Stephano de Zapolya tutandas commisit; ita meridionales Emerico de Zapolya credidit, cui prioratum Auranae tantisper, ut Bosniam facilius contra Turcas tueri posset, contulit, utque hanc dispositionem ratam pontifex haberet, per litteras petiit. (b) Inferioribus partibus hac ratione communitis, Turcisque quiescentibus, ad latronum, Vaganas Hungariae partes vastantium, licentiam coercendam, exercitum celeriter reducere coactus est. Auctor latrocinii huius erat Suehla quidam Bohemus, a Mathia missione donatus, qui templum S. Viti, vocatum Kostolan, insedit, illudque 7000. Bohemorum, quos Fridericus imp. exauctorauerat, euocatis, egregie communiuit. Mathias, de his certior redditus, reductis copiis, obseruauit, nulla re magis, quam fame castellum expugnari posse. Nam, ut Bonfinius scribit, (c) *ingens multitudo propter operosam munitionem et properam obsidionem ne tantum quidem comineatum inferre potuit, quantum sat esse putaretur. Suehla igitur, cui laquei supplicium quotidie rex interminabatur, — per silentium noctis cum uniuerfa fere societate — clam elabatur. — Rex contra, immisso expeditissimo equitatu, — a tergo insequitur. — In siluas illi se recipiunt. — Diffuso, rumore, rustici superueniunt. — Multos inueniunt, quos repente trucidant. — Ducenti et 50. capti, ad regemque in castra perducti. Paucis post diebus Suehla captus, adducitur. Cetera Turo-*
tzius

(a) Ep. Coru. P. II. n. 4. p. 12. (b) Ibid. n. 32. p. 91. (c) Dec. IV. Libr. I. p. 539.

etius ita breuius perstringit: (a) *Captum pluribus suis cum complicibus, in furca suspensum, ventorum flatibus exposuit. Ceteros etiam eius comites, qui capti fuere, plurimos tabido suorum carcerum foetore fecit suffocari.* Haec anonymus quidam antistes ad anonymum cardinalem ita perscripsit: (b)

„ — Regia maiestas tandem obtinuit id, quod
 „ obsidebat, castellum Bohemorum, qui fere omnes
 „ erant haeretici (*Hussitae*). Perierunt eorum pugna-
 „ cissimi et rei militaris peritissimi circiter 2000.
 „ partim in praeliis caesi, partim postea suspensi,
 „ partim carceribus macerati. Cui expeditioni et
 „ persona mea, et familia de more interfuit. Sed
 „ et antea iidem latrunculi de 5. castellis fuerant
 „ eiectioni. — Pax D. regi saepe offertur a Turcis;
 „ sed hucusque opera sanioris consilii res integra
 „ permansit. Non desit modo rebus fidei summus
 „ pontifex; poterunt agi multa utilia. Aduersus
 „ regem Bohemiae, audimus, quaedam acta esse in
 „ curia; sed rei ordinem adhuc ignoramus. — “
 Ordinem horum actorum ipse Podiebradius ad Ma-
 thiam perscripsit: (c) se scilicet accusatum *super re-*
lapsu in haeresim, — die 2. mensis Augusti citatum,
 180. die — *procuratori fidei super haeresis relapsu re-*
sponsurum. Mathias, a pontifice iam prius aduer-
 sus illum interpellatus, respondit: (d) „ Siue in
 „ Bohemos, siue in Turcos opus est, ecce Mathias
 „ simul et Hungaria! Quantumcumque meae ac re-
 „ gni mei vires se extendunt; supra omnes apost.
 „ sedi et V. B. deuotae manent, aeternumque ma-
 „ nebunt. Dat. in castris, in vado fl. Drauae, die
 „ 2. Oct. 1465. “ (e)

A. C.

(a) Chron. P. IV. cap. 66. (b) Ep. Coru. P. II. n. 50. p. 144. (c) Ap. Dobn. Mon. T. II. p. 420. (d) Ep. Coru. P. II. n. 21. p. 70. (e) Hist. Cr. T. XV. p. 115.—136.

A. C. 1466. Math. 9. Ind. 14. P. 6. A.

CCLXX. Mutua grassantium latrocinia tam frequentia his temporibus erant, vt Mathias et Podiebradius de his saepe conuesti fuerint. Ex Hungaris Blasius Podmanitzkius, ex Morauis Matthaeus Sternbergius praecipui grassatores erant. Victorinus, Podiebradii filius, Matthaeum de Sternberg armis coerendum, ni pacem colere velit, promisit, litteris ad Mathiam datis, (a) *Brunae*, 1466. 6. Oct. Tractatum, cum Sternbergio habitum ac idiomate Slauico confectum, ita Latine Pessina reddidit. (b) „ Matthaeus a Sternberg consentit, vt 4. totius „ huius controuersiae arbitri deputentur, — quo- „ rum arbitrio se suosque acquieturos promittit. Ca- „ ptiui vtrimque detineantur; nec vllum lytrum vl- „ lus pendat; donec sententia ab arbitris feratur. — “ *Huic transactioni — rex Hung. nulla ratione acquiescere voluit; infra maiestatem suam regiam id reputans, vt cum Mathaëffis conferatur, vel in compromissum trahatur: — puniendum prius castigandumque pro merito; ac deinde prospiciendum vtrunque, ne similia accidant in posterum. —* „ Non de solo „ Matthaeo, scripsit Mathias ad Victorinum, nostrae et nostrorum querelae sunt; sed de plurimis aliis subditis ac familiaribus D. regis Bohemiae, qui sine vlla iusta causa incursant regnum nostrum, et omnia, quae attingere possunt, igne, ferro, rapinis, caedibus miscent. — Dat. Strigonii, in vigilia SS. Simonis et Iudae, 1466. “ Aliis, ad eundem Victorinum datis, ita Matthaeum illum depingit: — „ Quoties expulsus est ex Hungaria

(a) Pessin. Mart. Morau. p. 774. (b) Ibid. p. 776. 777.

„ ria ? quoties profligatus ? ipsemet magis nouit.
 „ Et tamen adhuc, adtrita licet fronte, insultat, et
 „ emendicari vult a se potius concordiam, quam
 „ vltro suscipere. — Dat. in oppido Samariae, die
 „ dominico ante fest. B. Martini, anno 1466. “
 Quia vero Victorinus duriora Mathiae verba sibi vi-
 sa fuisse respondit, quam vt ea cum patre commu-
 nicari posse censuerit; „ non oportebat, *reposuit*
 „ *Mathias*, Fr. V. tantopere sollicitam esse, vt pu-
 „ taret, litteras nostras inconsiderate scriptas, aut
 „ ita asperas fuisse, vt contegi magis mererentur,
 „ quam in lucem prodire. Nos et nostri non so-
 „ lum dura et aspera, sed, quod amplius, crude-
 „ lia ac nefaria patimur; vos vero mitia verba et
 „ speciosa habere vultis. Nescimus certe, quo pa-
 „ cto dura et aspera facta aliter, nisi duris et aspe-
 „ ris verbis, exprimi possint. Verba enim rebus
 „ accommodata sunt. — Expectamus autem — vt
 „ Fraternitas V. ex debito foederis, nunc nobis con-
 „ tra turbatores pacis potius adiutor sit, quam me-
 „ diator. — Dat. Posonii, 8. die festi S. Martini,
 „ 1466. “ Ad querelas autem, contra Michaelis
 Orszag palatini subditos ad se delatas, respondit
 Mathias (a) „ Compertum se habere, eos solere
 „ prius conqueri, qui inferunt, quam qui patiuntur
 „ iniuriam. — Contentum se tamen esse, vt fiat
 „ rei huius emendatio; — dummodo etiam — *illi* —
 „ similem emendationem facere non negligant. Tir-
 „ nauiae, in festo S. Barbarae. (b)

CCLXXI. Haec fuit causa, cur Emericus Zapo-
 lya, licet Bosniae gubernator esset, in superiore
 Hungaria plerumque se detinuerit, quod magis con-
 tra

(a) Ibid. p. 780. (b) Hist. Cr. T. XV. p. 138.—150.

tra hos latrones, quam contra Turcas, qui metū Mathiae quieuerunt, suam operam esse necessariam intellexerit. Et quamvis colluuiem latronum, qui superiores illas partes multis annis exercuerant, variis antea dimicationibus fregerit; illos tamen iisdem partibus insidiari nondum desuisse, discimus ex eiusdem Emerici litteris, ad Bartenses hoc anno Kesmarkini 19. Ianuarii datis. (a) Videtur is iam tunc munere gubernatoris Bosniae priuatus fuisse; quum in iis litteris hoc axioma non adhibeat. Certe, dum Mathias Liptensium priuilegia 24. Martii hoc anno confirmat, nullum inter magistratus profanos locum obtinet; nec vllus inter eos gubernator Bosniae, sed eius loco banus-Ramae compareret. Nam post Orszagium *palatinum*; Ioannem et Sigismundum comites de Bozin, ac Bertholdum Ellerbach de Monyorokerek; *vaiuodas Trans. Lad. Palotzum, iudicem curiae*; Nicolaum Ujlakium, *Sclau. et Machou. banum*; Petrum Szokolium, similiter *Machou. banum*; leguntur Petrus de Zob et Ladislaus de Disznos, *regnorum Ramae, Dalm. et Croat. bani*. Videtur igitur Emericus Zapolya iam nunc in fide vacillasse; vel ideo postea vacillasse, quod nunc exauctoratus esset. Eandem subinde sortem experturus est Ioannes Vitezius, nunc Mathiae carissimus, cuius fauore praerogatiuam, vt in lite contestata non per se, sed per alium iusiurandum praestare posset, iam prius, vt Varadiensis episcopus obtinuit, nunc autem, vt Strigonien-sis etiam archiepiscopus eandem retineret, ac ad successores quoque transmitteret, idem Mathias concessit, (b) *Budae, feria V. prox. ante fest. B. Prisca*

(a) Ap. Wagn. Scep. P. IV. p. 15. (b) Ap. Pray. Hist. B. II. p. 153.

Priscae V. A. D. MCDLXVI. Metropolitam quoque Colocensem, Stephanum Vardaium, Mathias n agni fecit, pro quo saepe iam, vt inter cardinales referretur, Romam scripsit. Quum res ista lentius, quam ipse voluisset, procederet; collegium cardinalium ad id celerius impetrandum interpellauit. (a) Ducem quoque Venetiarum in eodem negotio patronum adhibuit; cui sua pariter studia multis argumentis testatus est. Et in Vardaio quidem nonnisi tertio post anno voti damnatus est, at, vt Augustino Iaur. episcopo, mortuo, Demetrius, antea Zagrabiensis episcopus, huic autem Osualdus de Szent-László, sufficeretur, vix a pontifice petiit, (b) mox impetrauit: quem Paullus et archiepiscopo Colocensi, et Mathiae regi commendauit, litteris Romae datis, (c) *anno incarn. dom. 1466. 16. kal. Maii, pont. an. 2.* Fuit autem hic Osualdus antea clericus Vespriensis; nunc simul gubernator abbatiae Péts-Váradensis. (d).

CCIXII. Eo diligentius Mathias curandis regni religionisque vulneribus se totum impendebat, quo maior hoc anno quies a Turcis erat. Contra hos imperii principum legati, Norimbergae congregati, quicquid inter se definiuerunt, ad Mathiam regem, praecipuum religionis contra Mahometanos vindicem, transmiserunt. Spes erat, vt tam pronis horum principum animis aliquid contra Turcas agi posset. Sed enim omnem illam destinationem arduum cum Bohemis bellum, cui Mathias, adhortante pontifice, paullo post implicabitur, intercepit.

(a) Ep. Coru P. III. n. 1. p. 1. 2. 4. (b) Ibid. P. II. n. 12. p. 13. (c) Ap. Ba-lat, T. V. p. 489. (d) Hist. Cr. T. XV. p. 150.—175.

pit. Podiebradius quidem prolixis litte is, ad Mathiam datis, (e) *Glacii an. inc. MCDLXVI. V. kal. Aug.* se purgare conatur; sed verbis tam speciosis, a quibus facta discrepabant, minime inotus Mathias, a consilio propositoque tuendi catholicos, quos ille magis in dies opprimebat, auocari non potuit, eiusque iusiurandum, in coronatione praestitum, quo Romanis pontificibus obedientiam promittebat, ad mandatum Paulli II. Romam transmisit. Quid autem aduersus Podiebradium Romae definitum sit, card. Papiensis ita narrat: (b) *Inter haec iam appetebat dicta iudicio dies; — nec Georgius ad dicendam causam usquam apparebat. Itaque, vocatis in sententiam patribus, commentariisque actorum perlectis, dato etiam ad disquirendum spatio, tandem una omnium oratione periurus, sacrilegus haereticusque, constante de iis criminibus non cognitione tantum, sed fama, conuincitur. — Angebat una modo pontificem cura et patrum nonnullos, quod ultor tanti decreti certus non apparebat. — De caesare, quod ad omnia esset praeposterus, nulla spes habebatur. Polonorum Hungarorumque reges, quod domesticis laborarent, minus eo tempore idonei videbantur. — Iacere autem sententiam; illum regnare: verbis contendendi a nobis; ab illo armis, tum detrimenti, tum vero ludibrii rem iudicabant. Horum vero ita fluctuantes animos unius Ioannis, card. Portuensis, incitatio confirmavit: qui magni consilii vir haeresumque semper acerrimus oppugnator, — „ quid, inquit, „ metimur humanis iudiciis omnia? an non relinquenda magnis in rebus DEO sunt aliqua? si non „ aderit caesar, non Polonus, non Hungarus, spon- „ deo*

(a) Ap. D. Achery T. III. p. 830. (b) Ap. Rayn. ad an. 1466.

„ deo , aderit de excelso sancto DEVS , et caput
 „ impium conteret. Nos iusta nostri muneris im-
 „ pleamus. Reliqua ille actutum perficiet. “ *Ad*
quam vocem, quod magna hominis erat auctoritas,
erectis omnium mentibus, dies natalis Christi, ab
illo quintus, pronunciandae damnationi edicitur.
 Quia vero Podiebradius 8. Decembris in se latam
 a pontifice sententiam asserit; vel non rite diem
 adnotavit; vel aliam 25. die mensis eiusdem sen-
 tentiam Paullus II. in illum pronunciauit. (a)

A. C. 1467. Math. 10. Ind. 15. P. 29. M.

CCLXXIII. Priusquam arma Podiebradio Ma-
 thias inferret; de neruo belli sollicitus, aurum,
 unde unde potuit, diligenter corrasit. Exstat apud
 Bernardum Pez testimonium ab aerarii Cremnicen-
 sis curatoribus leuatorum 4490. florenorum auri,
 (b) *datum Tirnaviae, die dom. prox. ante festum*
epiph. domini, anno eiusdem MCDLXVII. Ad au-
 gendum aerarium regium, ex procerum nobilium-
 que, Budam euocatorum, consensu *tricesimam* qui-
 dem sustulit; eius tamen loco nouum quoddam ve-
 ctigal instituit: (c) „ vt omnes, mercimonia vel
 „ equos aut pecuniam importantes de partibus ex-
 „ traneis, vel exportantes ad easdem, memora-
 „ tae sacrae coronae vectigal, absque omni re-
 „ missione, exsoluere vbique teneantur. — Dat. Bu-
 „ dae, in festo annunciat. B. M. V. A. D. MCDLXVII. “
 Nouum item loco *lucri camerae* tributum *fisci re-*
galis in iisdem comitiis est institutum, *ita videli-*
cet, vt ipse Mathias explicat, (d) *vt super singulis*
5. portis

(a) Hist. Cr. T. XV. p. 178 — 202. (b) Cod. Dipl. P. III.
 p. 398. (c) Ap. Wagn. Dipl. Saros. p. 236. (d) Ap.
 Pray Prior. Aur. p. 52.

5. portis non plus, nisi unus florenus tantum semel in anno ubique exigatur. — Dat. Budae, fer. IV. prox. post fest. resurrect. domini, anno eiusd. MCDLXVII. Orta hinc quaestione de nobilibus praedialibus ecclesiae Zagrabiensis, an illi non tantum titulo, sed etiam priuilegio nobilium gauderent; Mathias Sclauoniae proceribus et nobilibus, tunc Crisii comitiorum causa congregatis, praecipit, ut ab iis edoceretur, (a) an praedialium nobilium *fassiones et iuramenta tanti roboris fuissent, velut ipsorum nobilium regni.* — Dat. Budae, in festo B. Margaritae V. A. D. MCDLXVII. Responderunt illi, rem ita se habere. Dat. Crisii, sexto die octavarum festi S. Iacobi ap. anno dom. 1467. Regius prouentibus auctis, Mathias facilius arma seu Turcis, seu Bohemis inferre potuit; neutris tamen anno hoc intulit. Nam quod de Iaitzensium deditio-
ne Dufrenius ad hunc annum refert, (b) quatuor abhinc annis prius contigisse tam ex veterum testimoniis, quam ex ipsius Mathiae regis epistolis, ad annos 1463. et 1464. productis, certum est. Turcis ex eo tempore quiescentibus, otium academiam Istropolitanam inaugurandi fuit, cui fundamenta duobus abhinc annis iacta fuisse vidimus. Nam figura caeli, quam Vitezius his verbis expres-
sit: *Hora institutionis vniuersitatis Histropolitanae anno dom. 1467. in Iunio*, non initium, sed inaugurationem respicit. (c)

CCLXXIV. Litterarias Mathiae curas, anno iam vergente, geminum bellum interpellauit; alterum Transsiluanicum, Moldauicum alterum; vtrum-
que

(a) Ap. Kerckel. H. E. Z. p. 48. (b) Illyr. V. et N. cap.

IX. p. 124. (c) Hist. Cr. T. XV. p. 203.—223.

que mira celeritate, licet nonnihil dispari felicitate, confectum. Primum Turötzius ita describit: (a) Tandem uniuersis partium regni Transsiluanarum nobilibus omniue vulgo suum regium contra culmen rebellionis moto, dum sibi nouum principem elegissent, multaue conuoluti in agmina, — regiae maiestatis introitum prohibere niterentur; mox D. rex ex aduerso, — suis ferratis cum aciebus, — irruit super illos. Illi quidem, manibus minime confectis, terrore nimio percussi, — fugerunt. Bonfinius haec verbosius narrat, (b) auctoremque seditionis Benedictum Ruffum facit, qui Ioannem, comitem a S. Georgio, vaiuodam, oblata dignitate regia, suas in partes pertraxerit. Quamuis autem illum inuitum regem salutatum esse dicat, supplicemque facile veniam impetrasse; non ita tamen innocentem illum fuisse, sicut ipse vult; apparet inde, quod exauctoratus, ad publica munia deinceps admotus non fuerit. Quod tamen de venia, rebellibus data, scribit; id etiam hae Mathiae litterae confirmant: (c) „ — Nos de benignitate nostra, qua delinquentibus veniam — solemus impertiri, — nobilibus et alterius cuius iustus status possessionatis hominibus, — super nota infidelitatis eorum, quam ipsi ex eo, quod, quum nouissime nobiles et incolae harum partium Transsiluanarum regni nostri a fidelitate, nobis iureiurando praestita, in eo defecissent, quod pariter cum Ioanne Groff, quem ad honorem vaiuodatus earumdem partium extuleramus, dum easdem partes regni nostri Transsiluanas intrassemus

(a) Chron. P. IV. cap. 66. (b) Dec. IV. Libr. I. p. 566.

(c) Ap. Pray An: P. IV. p. 34.

semus, contra nos exercitualmente insurrexissent; tum quoque praefati vniuersi nobiles et possessionati homines — contra nos animo nocendi et hostiliter insurrexerant, ex lege regni nostri incurrerunt, gratiam et misericordiam duximus faciendam. — Dat. in Thorda, sabbato prox. post fest. B. Michaelis arch. A. D. MCDLXVII. Ianus quoque Pannonius reum fuisse vaiuodam, indicat hoc versu: *Aspice, quam stultum stulta sequare ducem.* (a)

CCLXXV. Transsiluanis ad officium reuocatis, in Stephanum, Moldaviae principem, itidem cum suis rebellem, Mathias exercitum promouit. Abhinc, pergit Turqtzius, milite quiete minime recreato, Moldauiam versus, puta regionem sacrae coronae regni Hung. subiectam, tum rebellem, suorum flexit habenas equorum. Dum igitur, alpibus transitis, magnam terrae eiusdem partem in forti manu peragrasset, et in quodam regionis eiusdem oppido, Banya vocato, cuncta sua cum gente hospitium accepisset; Stephanus vaiuoda, eandem partem dominus, magna vi populi sui coadunata, noctis in conticinio regium irruit super exercitum, succenditque oppidum; et Hungaros, tum somno, tum vino occupatos, ad arma excitauit. Elegerat enim Stephanus vaiuoda nocturna sub umbra regium adoriri exercitum, ut, si in praelio deficeret, saltem temporis obscuritas illi auxilio fieret. Fefellit tamen eum sua opinio. Nam subito rex, cuncto suo exercitu in tympanorum tubarumque sono conuocato, et tum luna, tum vero dicti oppidi incendiis radiantibus, furibundo cum impetu, irruit super illius agmina; ac post multam utriusque partis decertationem, postque maximam in Valachis factam stragem, Stephanus vaiuoda terga dare est coactus. Quapropter

rex

(a) Hist. Cr. T. XV. p. 224. — 232.

rex triumphum praeclarum atque memorabilem obtinuit. Unde et vexilla plurima in signum inclitae victoriae suae Budam usque adduxit, quae magna cum celebritate in parochiali gloriosissimae V. M. ecclesia locata cernuntur etiam hodie. Testimonio tam luculento de victoria Mathiae regis, pondus addit haec inscriptio Coronensis: (a) „Mathias rex proficiscitur in Moldauiam post festum Martini: atque eam Hungariae subiicit.“ Victor igitur fuit; si Moldauiam Hungariae subiicit. Stephanum certe Mathiae iuribus obnoxium fuisse, haec istius ad illum verba testantur: (b) „Nos parati sumus—tibi complacere; dummodo videamus in experientia oblatum nobis et coronae obsequium nostrae tuam.“ Quare non est, cur Dlugossus, Mathiae regi iam alias quoque saepius iniuriam, operose refellamus, qui Stephanum vaiuodam de Mathia victoriam retulisse, caesisque 10. millibus Hungarorum, aliquot signa militaria Casimiro, Poloniae regi, tamquam suo principi, per nuncios in signum victoriae transmisisse scribit. (c) Et hic quidem auctor pugnam hanc ad 15. Decemb. anni 1467. defigit; Bonfinius vero, festo D. Catharinae versus Moldauiam mouisse Mathiam asserit, (d) qui simul addit, Mathiam a quodam Siculo praemonitum fuisse, *Valachorum XIII. millia haud procul hinc abesse, qui Hungaros prima vigilia noctis incautos adorirentur trucidarentque.* Si hoc tuto credi posset; illud Turotzianum falsum esset: *Hungaros, tum somno, tum vino occupatos, ad arma excitauit.* Sic enim praemoniti nec somno, nec vino dediti fuissent. Sed enim incredibile videtur,

E e 2

rusticum

(a) Ap. Schwandt. T. I. p. 586. (b) Ep Coru. P. IV. p. 146.

(c) Libr. XIII. col. 418. (d) Dec. IV. Libr. I. p. 570.

rusticum tam accuratum numerum hostium designare potuisse. Mathias ante reditum *provincias Fogaras, Omlus et Redna*, regii iuris esse, quae numquam abalienari possint, declaravit. (a)

A. C. 1468. Math. 11. Ind. 1. P. 17. A.

CCLXXVI. Mathiam et iustam belli, Moldaviae inferendi, causam habuisse, et victoriam inde reportasse, praeter argumenta cetera, hoc etiam eiusdem responsum, ad Poloniae procures hoc anno datum, satis superque probat: (b) Duo sunt, „ *inquit*, quae nobis per litteras vestras imputatis: inuasionem Moldaviae, tamquam ad regnum vestrum pertinentis terrae; et damna, nec non „ iniurias, vobis et vestris ex Hungaria per nostros „ illatas: ac requiritis nos ad veterum vtriusque „ foederum observationem, et communi arbitrio „ perpetrata committi postulatis. Primum, quod ad „ Moldaviam attinet; nos quidem, nullo instigante, eam inuasimus, nisi Stephano ipso, regionis „ illius tyranno: qui quum sua nobis promissa „ minime observaret; et exules nostros foueret; „ ac e regno nostro instar Turcorum continuas rerum et hominum praedas abigeret; nec requisitus, malefacta emendare vellet; nonne digne a „ nobis meruit castigari? Pro quibus certe cumque, etiam alieno, bellum indicere satis legitime potuissemus. Sed nos eum nostrum esse subditum, ipsius confessione scimus. Quod si et „ vobis eodem nomine adulatur; more suo facit. „ Nam et Turcis, et Tartaris se itidem exhibet. Ad „ hoc

(a) Ep. Coru. P. III. p. 11. Hist. Cr. T. XV. p. 233.—243.

(b) Ep. Coru. P. III. n. 28. p. 56.

„ hoc videlicet, vt inter tot dominos perfidia eius
 „ diutius maneat impunita. Terram vero illam
 „ nostri iuris esse, antiquissimus et continuatissi-
 „ mus praedecessorum nostrorum, regum Hung. ti-
 „ tulus declarat, non quidem inanis, sed possessio-
 „ ne, numquam interrupta, munitus. Nam, vt
 „ vetustiora nunc omittamus; post memoriam ho-
 „ minum vaiuodae Moldauienses semper regibus
 „ Pannonicis seruierunt; et prouincia illa nullum
 „ habuit praesidem, nisi hinc approbatum, vel im-
 „ missum, vsque eo, vt genitor noster, qui tan-
 „ tum gubernator erat, plures illic successiue ad
 „ libitum et sine contradictione praefecerit vai-
 „ uodas. — Ceterum de damnis et iniuriis multa
 „ et vera etiam nos queri possemus: sed, postquam
 „ opportune per vos communis arbitrii mentio in-
 „ ducta est; libenter huiusmodi examen assumimus.
 „ — Anno 1468. “ Proceres quoque Hungariae
 simile responsum illis reddiderunt. (a) Eodem fere
 tempore per Protasium, Olomucensem episcopum,
 Mathias Heduigem, Casimiri filiam seniore, ad
 connubii foedus exposcebat. Negatae sponsae caus-
 sam inter alias hanc Dlugossus commemorat: (b)
quod, feudalem regionem regni Poloniae et eius
principem Stephanum Moldaviae, diffidatione non
praemissa, bello et incendiis affecerit. Sed iam vi-
 dimus, vanum hunc obtentum fuisse, quum ipse
 Stephanus vaiuoda Hungariae ius in Moldauiam
 agnouerit. (c)

CCLXXVII. Quum hae legationes et responsio-
 nes fiebant; Mathias iam bellum Bohemicum gere-
 bat.

E c 3

(a) Ibid. n. 32. p. 63. (b) Libr. XIII. col. 423. (c) Ep.
 Corn. P. IV. n. 59. p. 146. Hist. Cr. T. XV. p. 244.—
 153.

bat. Quum ex bello Moldauico rediret; non tantum Emericum de Zapolya, sed etiam nobilem Paullum Varjú, familiarem eius, in gratiam recepit, (a) *in Nadudvar* (prope Coloczam) *in festo B. Scholasticae V. A. D. 1468.* Sub initium autem Maii iam illum expeditionem Bohemicam suscepisse, colligitur ex Hungari cuiusdam antistitis ad Prælatum Olomucensem hac epistola: (b) „Vehementer placuit D. nostro Regi et opera vestra, et epistola. — Scribere ad illum regem usque ad aduentum vestrum regia M. distulit, etiam ex eo, quod his diebus fuit hic nuncius praelatorum et baronum Poloniae cum litteris, certa utriusque negotia continentibus: cui D. rex, vna nobiscum, tam verbis, quam scriptis humaniter et amice respondit: ac istud sufficere ad praesens putat. Vbi vero vos comparueritis; faciet, quicquid consuletis.“ *In descensu campestri prope oppidum Law, 3. Maii, 1468.* Priusquam Mathias istuc cum exercitu venisset; Agriae, si Bonfinio credimus, (c) comitia celebrauit, et cum SS. et OO. de bello Bohemico deliberauit. Budam inde profectus, *vix octo hic dies exegerat, quum Georgio regi per facialem bellum indixit; et motis hinc castris, Posonium contendit.* Quum hinc causas belli suis litteris per Europam vulgasset; aiebat inter cetera: (d) „Non ambitio vlla, nec aliquod temporale commodum nos illexit; sed iniquissime oppressorum miseratio, et apost. sedis reuerentia, et sinceræ fidei zelus animauit. — Dat. Posonii, 8. die Apr. anno 1468.“ *Ibidem*

(a) Ap. Wagn. Dipl. Sares p. 389. (b) Ep. Coru. P. III. n. 29. p. 59. (c) Det. IV. Libr. I. p. 571. (d) Ep. Coru. P. III. n. 45. p. 88.

dem eadem die Bohemos ipsos de sua protectione securos reddidit. (a) Id vero speciatim Olomucensibus propter episcopum Protasium promisit. (b) Quidam vero regis aulicus causam Mathiae moderationem ita Romam perscripsit: (c) „D rex suscepit
 „ nomen et officium protectoris dumtaxat, non
 „ principis; nec vult suscipere vilo modo titulum
 „ regium; — quia per hoc rex Poloniae exacer-
 „ baretur. — Nos rem, ut videtis, incepimus;
 „ sed, ut persistamus in bello, stat potissimum in
 „ pontifice. — Imperator est frigidus: rex Poloniae
 „ pauper: Teutonici otiosae lasciviae dediti. Faci-
 „ te saltem, ut pro ceteris incalascat papa. — Po-
 „ sonio, 10. Aprilis, 1468.“ Non solum Podie-
 „ brado; sed etiam eius filio, Victorino, bellum
 Mathias ita denunciavit: (d) „Fastidire vos anim-
 „ aduertimus quietis consilia et communem cum
 „ vicinis concordiam pati non posse. — Nihil vos
 „ maiori diligentia prosequi videmus, quam ut
 „ ex bellis bella serendo, iniiciatis incendia finiti-
 „ mis. — Inter causas igitur adfert et bellum, Fri-
 „ derico caesari, foederato suo, denunciatum; et
 „ iniurias, Hungaris toties illatas; et orthodoxo-
 „ rum Bohemorum oppressionem. Bello sic indicto,
 Mathias exercitum eodem Aprili mense Lauam
 promouit; sic enim epistolam, qua Ioannem episco-
 pum Varad. renunciauit, ad pontificem datam, clauit:
 Datum in castris campestribus, intra fines Moraviae,
 prope oppidum Law, ultimo die Aprilis, anno
 1468.“ (e)

Ee 4

CCLXXVII.

(a) Ibid. n. 44. p. 87. (b) Ibid. n. 18. p. 42. (c) Ibid. n. 17. p. 39. (d) Ibid. n. 8. p. 14. (e) Ibid. n. 11. p. 23. (f) Hist. Cr. T. XV. p. 253.—305.

CCLXXVIII. Quid ad Lauam, in Austriae finibus ad Morauam fl. sitam, actum fuerit, Bonfinius ita describit: (a) *Ad ripam Vngarus castra locat; a conspectu rex Boemiae metatus est. Mensis hic teritur. Nulla, collatis utrimque signis, pugna confertur; praeter simulacra quaedam praelii. — Pares utrimque vires: par utrisque metus, audacia, numerus ac robur: ducibus quoque par virtus et prudentia; sed impar aetas; quando septimum vix Mathias et vigesimum claudebat annum; quum Georgius sexagenarius fortasse fuerat. Veteranus tironis, et tiro veterani ingenium, fortunam uterque verebatur. Quin et oborta vltro citroque pristinae suauissimaeque affinitatis quandoque memoria pugnae studium remittere. — Interuentu etiam procerum utriusque de induciis et pace agitarum. Pacis innouatio his conditionibus tentata fuit: (b) „ I. quod D. rex Hung. „ intimet sedi apost. bonam intentionem Bohemorum circa vnionem, et ad petitionem eius pontifex mittat legatos suos — “ sed haec, quae hic fusius exponuntur, breuius exhibet epistola cuiusdam aulici ministri, qui res haecenus actas ad Mathiae regis in aula pontificia legatum ita perscripsit: (c) „ — Dum castra metati essemus prope „ oppidum Law; et Georgius de Podiebrad in opposito nostri quasi per vnum milliarium; fiebant „ quotidie pugnae particulares et rapinae, in quibus omnibus semper nostri fuere superiores. — „ Orta interim est pacis mentio. Articuli seu postulata nostra fuerunt:“ I. *Vt ipsi, abdicate haeresi, communionem sedis apost. simpliciter reciperent.**

(a) Dec. IV. Libr. II. p. 578. (b) Ep. Coru. P. III. n. 36. p. 67. (c) Ibid. n. 38. p. 70.

rent. II. *Vt catholicis ablata statim restituerent.*
 III. *Vt imperatori bellum non inferrent.* — IV. *Vt
 damna et iniurias, regi et regnicolis Hungariae il-
 latis, reformarent, et deinceps numquam inferrent;
 expensas etiam belli praesentis refunderent.* Ultimo,
*ut ad haec omnia observanda non solum verbis et
 litteris — se firmiter adstringerent; sed insuper ob-
 sidibus vel pignoribus, ad manus communes traditis.*

„ Multa de his hinc inde agitata sunt. — Appare-
 „ bat, Bohemos dare nobis pulchra verba. — Quā-
 „ propter ab his tractatibus desitum est, et pugna-
 „ tum praeliis particularibus per duos dies acrius,
 „ quam umquam antea. Postea Georgius rex —
 „ cum exercitu suo retrocessit. Causae retrocessio-
 „ nis suae — fuerunt, primum inopia victualium,
 „ quae nec in loco illo sibi abundabant; nec a
 „ tergo seu a lateribus adduci poterant propter
 „ continuas infestationes nostrorum. Deinde, ut
 „ intelligeret, quo nos interim tenderemus. — In-
 „ terim regia maiestas ad ciuitatem Znoymam mo-
 „ uit exercitum. — Postero die Georgius ad nos
 „ se reflexit. — In aurora sequenti noster rex,
 „ cum toto equitatu, et parte aliqua peditatus sta-
 „ tuit eum ex occasione per insidias laceffere. Ve-
 „ rum ille — longius abiit. — Quaeritis tamen for-
 „ te, cur tanto tempore non sit facta pugna gene-
 „ ralis? Ratio fuit ista, quod neutra pars voluit
 „ facile ultimam tentare fortunam, et ponere ad
 „ aleam totum statum. Praeterea nos praeualemus
 „ longe equitatu; hostis autem numero peditum
 „ et *mupimentis currum*; quae oppugnari teme-
 „ rium fuisset. — Imperator est multum frigidus,
 „ more suo; et Australes sui nos quotidie dese-
 „ runt; immo magis spoliant a tergo, quam iu-
 „ vant. In rege Poloniae spes modica est; quia
 „ pauper

„ non est dubium, quod pater ducem et primogenitum suum nullatenus derelinquet; — hortamur „ vos diligentissime, — vt, missis aliis rebus, quanto celerius potestis, ad nos cum omni potentia „ vestra festinetis. — “ Annus quidem 1468. sed dies et mensis nullus est subscriptus. Trebitzium, iuxta Bonfinium, 26. *Maii* fuit incensum; ex arce vero, secundum Dlugossum, 5. *Iunii* Victorinus erupit. Ceterum Mathias Romam litteras ante 26. *Maii* iam dedit, cum hoc epilogo: (a) *Dat. in obsidione castri Trebicensis, XI. kal. Iunii, 1468.* Postridie suum affinem, quem obsidebat, suauiter obiurgauit, (b) qui tandem, auxiliis a patre submissis, teste Dlugosso, (c) *nocte, diem pentecostes antecedente, — obsidentium manus euadens, — magna sui spe Hung. regem — fefellit.* Parcius nempe catholici, quam par erat, ad suos hostes impugnandos concurrerunt; vnde Mathias merito questus est, datis ad Protasium Olomucensem hisce litteris: (d) „ — Quum nos pro DEO et fide „ recta piam catholici populi protectionem suscepissemus; *duobus fere iam exactis mensibus*, magnis nostris et nostrorum laboribus ac impensis „ id negotium continuauimus, totam belli molem „ quasi humeris nostris sustinendo; quum interim „ nulla aut minima eorum, pro quibus praecipue „ haec agimus, auxilia nobis praesto esse videamus. „ — Datum in obsidione Trebicensi, die 1. mensis *Maii, 1468.* “ Certum est, Maio Iunium esse sufficiens; Mathias enim, quem 8. mensis Apr. Posonii vidimus, duos belli menses ad 1. *Maii* non exegit. (e)

CCLXXX.

(a) Ibid. n. 40. 41. p. 80. 81. (b) Ibid. n. 10. p. 21. (c) Libr. XIII. col. 422. (d) Ibid. n. 20. p. 45. (e) Hist. Cr. T. XV. p. 318.—337.

CCLXXX. Mathias, Trebitzio post fugam Vi-
storini dedito, versus Brunam castra mouit, ac
23. Iunii iam Spielbergam obsidione cinxit. *Mox*
castellum, inquit Bonfinius, (a) *urbi prominens*,
obsedit, quod a valido haereticorum praesidio teneba-
tur. Id octauo die post corporis Christi sollemnia
obsessum est, quod vix nouem mensium obsidione
capere potuit. — Quum in expugnando conatus omnes
elidi intelligeret; — Magyarum Blasium cum Paulo
(Kinisio) in obsidione dimisit; ipse vero ad Olomucium,
urbem Moraviae praestantissimam, castra mouit. —
Quum Olomucio appropinquasset; ciues continuo ob-
uiam prodire. — *Arx tantum extra urbem erat*
munitissima, haereticorum praesidio obfirmata. Citra
moram hanc obsidet; ac paucis post diebus vi expu-
gnata potitur. Mathias adhuc 28. Iunii Brunae;
(b) sed 11. Iulii iam Olomucii litteras dedit. (c)
Pluribus indidem litteris ad diuersos, vt auxilia
contra Podiebradum accelerarentur, datis, (d) osten-
dit, quanto studio hoc bellum complexus fuerit;
quomodo tandem, auxiliis promissis destitutus, so-
lus paene totam belli molem sustinere debuerit.
Olomucii commoratus, in fauorem Carthusianorum
tam 11. Iulii, quam 1. Septembris diplomata con-
fecit. (e) Intra hos dies non semper illum Olomu-
cii haesisse, patet ex ipsius litteris, ad Podiebradii
legatos ex castris ante Brodam Hungaricam IX. kal.
Aug. datis, vbi haec inter cetera scribit: (f) „Vi-
dit nos nostrumque exercitum rex Georgius; et
„cessit

(a) Dec. IV. Libr. II. p. 579. (b) Ep. Corn. P. III. n. 33.
p. 64. (c) Ibid. n. 21. p. 47. (d) Ib. n. 23. 24. 25. 27.
28. 29. p. 50. — 80. (e) Ap. B. Pez. Cod. Dipl. P. III.
p. 222. (f) Ap. Pray Ann. P. IV. p. 49.

„ cessit mihi: fortasse erit tempus; quando etiam
 „ fugiet.“ Contra Podiebradius gloriatur, Mathiam
 oblatum a se praelium recusasse, ac prope Lauam,
 castris positis, fossis et vallis se se communiuisse.
 Hoc sane laudi, non vitio Mathiae dandum est,
 quod castra sua contra vicinos hostes communiue-
 rit: quod Podiebradius improuide neglexit, suosque
 Hungarorum vexationibus et caedibus imprudenter
 exposuit. Vterque sibi metum exprobrat; vter re-
 ctius, effecta docent. Mathias, autumnio iam ap-
 propinquante, quum reditum in Hungariam ador-
 nasset; per Viennensem agrum et urbem rediturus
 credebatur. Ne quid tamen Friderico suspicionis
 iniiceret; iter alio vertit, et sub medium Septem-
 bris Posonium tenuit, vt patet ex litteris, ad Fer-
 dinandum Neapolitanum datis, (a) *ex Histropoli,*
15. Septembris, 1468. Excitis istuc Hungariae
 statibus et ordinibus, necessitatem continuandi bel-
 li, neruique pro hoc feliciter conficiendo conferen-
 di, prolixè proposuit. Consentientes status regni
 habuit, ea tamen adiecta conditione, ne hoc in
 legem et exemplum abiret, optimates vt pro re-
 ge cauerent. „ Dum, *inquit Mathias, (b)* reuer-
 „ teremur de Morauia; per totam hanc aestatem
 „ in eadem Morauia et Bohemia contra haereticos,
 „ — graui bello — fatigati, rediissemus in hanc ci-
 „ uitatem nostram Posoniensem; et — declararemus,
 „ — quod necessarium esset eos compescere, vel
 „ extirpare; qui antea sanguinem nostrum sine
 „ intermissione sitiebant; iidem — certum subsidium
 „ pecuniae ad prosequendum vltius hoc contra
 „ dictos haereticos negotium, vltro nobis obtule-
 rant. —

(a) Ep. Coru. P. III. n. 43. p. 86. (b) Ex MSS. Bibl. Quin-
 quesccles.

„ rant. — Dat. Hystropoli siue Pisonii, 28. die Se-
 „ ptembris, an. dom. MCDLXVIII. — Et nos Ste-
 „ phanus card. eccles. Coloc. et Bach. Ioannes Stri-
 „ gon. A. S. L. natus, archiepiscopi; — — — “ (a)

A. C. 1469. Math. 12. Ind. 2. P. 2. A.

CCLXXXI. Apparatis rebus ad prosequendum bellum necessariis, Mathias, *idibus Februariis*, inquit Bonfinius, (b) *in prouinciam rediturus, iter iniuit.* — *In regis aduentu Spielbergum, a Maryare Blasto obsessum, deditionem continuo fecit.* Quod Mathias illico cum Hungaris ita communicauit: (c)
 „ — Castrum capitale totius marchionatus Mora-
 „ uiae, Spilberg nuncupatum, supra ciuitatem Bru-
 „ nensem situatum, vna cum aliis ciuitatibus et
 „ castris, proxima dominica, — manu potenti et
 „ valida occupauimus. — Dat. Brunae, feria 2.
 „ prox. ante Ramis palmarum, anno dom. 1469.“
 Spilberga 19. Martii capta, Kuttenbergensem vicini-
 nam euastauit. Haud longe Podiebradius abfuit;
*congregari tamen, ne vna dimicatione confectus, per-
 petua cum suis omnibus obrueretur clade, non ausus
 est aperto Marte, vt Dlugoffus, licet Mathiae non
 amicus, testatur. (d) Barones autem, ait scriptor
 synchronus, (e) videntes tot et tanta beneficia, in
 eos collata; considerantes labores dicti regis Hung.
 et periculum personae et status ac dominiorum, in
 quo se ob defensionem eorum constitueret; volentes
 bonum pro bono, eundem Mathiam in regem pro-
 prium elegerunt et acclamarunt: apud eum maximis
 insti-*

(a) Hist. Cr. T. XV. p. 337.—360. (b) Dec. IV. L. II. p. 578. (c) Ar. Wagn. Dipl. Sáros. p. 124. (d) Libr. XIII. col. 439. (e) Ap. Kapr. H. D. P. II. p. 592.

*institerunt precibus, ut electioni consentiret; illam acceptaret, eorumque protectionem denuo, ut rex et dominus, suscipere vellet. Electionem hanc, 3. Maii factam, ut Mathias acceptaret, maximis precibus rogari debuit, quam eadem die Hungariae comitatibus et ciuitatibus ita significauit: (a) „ — Conuenientibus in hac ciuitate Olomucensi in vnum omnibus fere maioribus proceribus Christianis Bohemiae, Slesiae, Lusatiae et Morauiae, sub obedientia S. R. ecclesiae existentibus, quia necessitas rerum fidei et etiam multae aliae causae ita vrgebant, ipsi hodie nos vno voto omnes in regem Bohemiae elegerunt. Cui quidem electioni, eorum precibus inducti, de consilio RR. DD. apost. sedis legatorum, ex causis rationalibus consensimus, sperantes, inde tum regno nostro Hungariae, tum rebus fidei euenire bonum non mediocre. — Datum in Olomucz, in festo inuentionis S. Crucis, A. D. MCDLXIX. Hymnus igitur Turotzianus, librariorum errore corruptus, ita restituendus est: (b) *Maximo cultu veneranda quinto egimus nonas Maii iocunde festa victricis crucis et beatae digna repente.* (c)*

CCLXXXII. Honorem istum, a catholicis Mathiae delatum, Podiebradius otiosis oculis spectare minime potuit. Ut igitur aegre rivali suo faceret; pro legendo sibi successore comitia Pragae indixit: ad quae paucos admodum comparuisse, Dubrauius perhibet. (d) A paucis illis Podiebradius haud difficulter obtinuit, ut Wladislaus, Casimiri P. R. filius sibi successor destinaretur. Interea Mathias Silesiam
et

(a) Ibid. P. I. p. 480. (b) Chron. P. IV. cap. 66. (c) Hist. Cr. T. XV. p. 368.—383. (d) Libr. R. R. p. 289.

et Lusatiam in fidem recipiebat, quem ut inde Podiebradius abstraheret, Victorinum filium ad eas Moraviae partes, quae nouo regi fidem iurarunt, vastandas cum exercitu misit. Mathias, re cognita, mense Iulio Morauiam repetiit, et Victorinum, in oppido Vezele conclusum, obsedit, fugamque meditantem interceptit. Quorum id opera factum sit, ex his litteris, anno sequente datis, apparet: (a) „ Nos Mathias, D. gr. rex Hung. Bohemiae, — „ memoriae commendamus, quod nos, considera- „ tis fidelitate et seruitiis fidelium nostrorum nobi- „ lum, Ladislai de Madach et Caspari de Iánosi, „ per eos, — praesertim in Bohemia et Morauia „ nobiscum contra Bohemos haereticos exercituan- „ tes, exhibitis, qui et Victorinum, filium Geor- „ gii de Podiebrad, captum nobis assignarunt. — “ Victorino 27. Iulii capto, plura Mathias agere potuisset; si neruo belli destitutus non fuisset. Ad hunc igitur colligendum, teste Bonfinio, (b) *Michaelem, lectorem Strigoniensem, ea tempestate ab epistolis illi seruientem, paullo ante, quam Bratislavi- am intraret, pecuniarum gratia Viennam miserat, ut, quod in ea expeditione promiserat imperator, re ipsa praestaret. Cuncta unius anni Austriae vesti- galia; praeterea e nobilitatis ordine 1000. equites caesar obtulerat. Nobiles equites 1000. ex compacto miserat. Remiserat illos Mathias, caussatus ineptum militiae genus hominum. Stipendia 1000. equitum, quam equites, habere maluit. Quod Australes quoque mobiles facere non recusarunt. Promissa ab impera- tore*

(a) Ap. Bel. Not. H. T. L. p. 168. (b) Dec. IV. Libr. II. p. 582.

toze stipendia non soluta.— *Ex quo discordiarum, quae Mathiae cum caesare intercesserunt, unde Australe bellum obortum est, semina profluxere.* Hic agente Mathia, Turcae Zagrabiensibus periculum intentabant: quod quia canonici feliciter auerterunt; ciues, depositis veteribus odiis, pacem cum illis composuerunt. (a) *feria 3. prox. post fest. S. Hieronymi,*— *A. D. 1469.* Tum vero Mathias canonicis, ut ad arcendas Turcarum incursiones urbem capitularem munire possent, concessit, (b) *Budae, feria 6. prox. ante fest. B. Elisabeth viduae, A. D. 1469.* Ad eiusdem Mathiae preces Paullus II. concessit, ut Posoniensis praepositus, Istropolitanae academiae procancellarius, pontificalibus ornamentis uti possit, (c) *an. inc. dom. 1469. idibus Aug. pont. an. 5.* Erat praepositus ille Georgius de Schomberg, in quem Vitezius vices suas in dioecesis illa parte regenda transtulit. (d)

A. C. 1470. Math. 13. Ind. 3. P. 22. A.

CCLXXXIII. Adducto Budam Victorino, Mathias ibidem comitia celebrauit, expositaque bellicgerendi necessitate, tam promptos ad neruum belli conferendum status et ordines regni habuit, ut „ obtulerint ultro de singulis portis per totum regnum singulos 100. denarios, siue vnum florenum auri. — Et quia, *subiicit*, (e) etiam promissioni nostrae, Posonii factae, contrarium non videbatur, quando ultro offertur; — acceptauimus: — nihilominusque eis pro futuro promittimus,

(a) Ap. Farlat. T. V. p. 491. (b) Ibid. p. 492. (c) Ap. Péterf. Conc. P. II. p. 16. (d) Hist. Cr. T. XV. p. 385. — 414. (e) Ap. Pray An. P. IV. p. 61.

mus, quod numquam aliquod subsidium aut aliquam taxam extraordinariam ad quascumque necessitates regni ab eis, contra eorum voluntatem, exigere faciemus. — Datum Budae, 25. die conuentionis praenotatae, A. D. MCDLXX. regni nostri anno XII coronationis vero VI.“ Mensis quidem expressus non est; ultra tamen Ianuarium, post quem Mathias annum regni non XII. sed XIII. agere coepit, differri tempus editi diplomatis non potest. In eo vero diplomate, quo Budensi ciuitati praedium Sallad confert, (a) nec annus est adscriptus; quia tamen titulum *regis Bohemiae* praefert, ante superiorem annum collocari non potest. Mathias, comitiis Budae conclusis, mox ad alia cum Friderico celebranda Viennam concessit, de quibus ita Dlugoffus scribit: (b) *Conuentu personali pro die purificationis S. M. V. in Vienna facto, in quo amicitia ipsa per filiam imperatoris Cunegundin, in uxorem Hungariae regi dandam, debebat stabiliri: et in quo Hung. regi cessionem iuris regni Hung. et tituli — petebat; adeo utriusque animi irritati et offensi sunt, ut Mathias H. R. insalutato caesare, ex Vienna tumultuarie, mane per Danubium vectus, discesserit.* Nondum 17. Februarii Mathiam Vienna discessisse, patet ex litteris, quibus eadem die pro submissis leonibus gratias Florentinis egit. „Agimus, inquit, (c) vobis gratias haud vulgares, cum ob earum ferarum missionem, quae profecto et perrarae sunt, nostris praesertim in locis, et habent certam, velut ipsi etiam attigistis, — cum regibus similitudinem; tum vero longe magis ob id, quod

Ff 2

tali

(a) Ap. Kapr. P. I. p. 479. (b) Libr. XIII. col. 445. (c) Ep. Coru, P. III. n. 46, p. 91.

• tali munere significare voluistis, totam remp. vestram in hoc suo vetusto insigni nobis esse oblatam. — Ex Vienna, 17. Febr. 1470. *Fortem fortia dona decent.* Ita Ianus Pannonius lusit. *Quid quod idem ducibus clarum est insigne Bohemis! Grande noui sceptri scilicet omen habes.* Immo 7. Martii Mathiam adhuc Viennae fuisse, Kerchelichius indicat testimonio litterarum, hoc anno *die cinerum Viennae datarum.* (a) Sed 27. Martii priuilegia praedialistarum Zagrabien. ecclesiae iam Budae confirmauit. (b) Ibidem 6. mensis Aprilis in fauorem Rozgoniorum diploma dedit; (c) eiusdem vero mensis die 23. Trenchinii Ioannem Ernst provinciae Turotziensi praefecit. (d) Sed inde Budam reuersus, septem montanas ciuitates a communibus oneribus et tributis exempt, *in festo inuent. S. Crucis, anno dom. 1470.* (e)

CCLXXXIV. Dum ita Mathias in communem populorum suorum vtilitatem intentus erat; grauis in illum tempestas, vnde minime debebat, excitata fuit. Fridericus nempe caesar, quum iam antea prouentus Austriae, quos in Mathiae subsidium addixerat, negasset; nunc nouam in eius caput fabam cum Casimiro, Poloniae rege, cudebat. Postquam Alexander Forliuiensis, orator apostolicus, Casimirum adhortatus fuisset: (f) „ vt in „ Georgium Posdziebraczki, haereticum et ecclesiae „ Rom. rebellem, consurgeret; — vt cum Mathia „ H. R. foedus et affinitatem per filiam iungeret — ; „ orator caesareus contra monuit illum: quatenus „ rex

(a) Hist. Eccl. Zagr. p. 186. (b) Ibid. p. 48. (c) MSS. Heuenes. (d) Ap. Bel. Not. H. T. II. p. 307. (e) Hist. Cr. T. XV. p. 418.—445. (f) Dlugoff. L. XIII. col. 434.

„ rex Poloniae caueret sibi a rege Hung. Mathia;
 „ et periculo suo caesareo attento, numquam in
 „ foedus et fidem secum veniret; dolis, astutiis,
 „ ingeniis, si secus ageret, illaqueandus.“ *Audi-
 tus est caesareus is nuncius benigne, et liberalibus
 donis onustus remissus.* Fingit deinde Mathiam a
 Bohemis fugatum; nec eo anno, aerarii obstante
 defectu, exercitum comparare potuisse. Sed enim,
 si haec vera forent; non potuisset pontifex Mathiae
 gratulari de victoria hunc in modum: (a) „— Non
 „ sine ingenti gaudio nos et ven. fratres nostri,
 „ S. R. E. cardinales, intelleximus felicem illam
 „ victoriam, quam celsitudo tua, diuino tibi assi-
 „ stente praesidio, contra perfidos illos Haereticos
 „ nuper adepta est. — Romae apud S. Petrum, an.
 „ MCDLXX. pontificatus nostri anno VII.“ Quia
 Paullus pont. annum VII. post Augustum mensem
 inchoauit; hac epistola, sub finem anni huius scri-
 pta, non de superioris, sed de huius anni victo-
 ria, nuper relata, gratulatus est. Hoc item anno
 Podiebradius Mathiam ad duellum prouocauit, ut
 ex eius legatorum litteris apparet, (b) *dati in ca-
 stris ad Cremserum, die dominico, in festo S. M.
 Magdalenae, anno MCDLXX.* Id Dubrauius anno
 1469. Bonfinius 1468. factum fuisse scribit, et hic
 hoc Mathiae responsum subiicit: (c) „ Principes
 „ armati in campo decertant: proinde si verus
 „ princeps es; eia age, nunc equestri certamine de-
 „ pugnemus.“ Certe duello causa belli tolli non
 potuisset. Dlugossus geminae hoc anno Turcarum
 in Croatiam irruptionis meminit; et priorem qui-

F f 3

dem

(a) Ap. Rayn. ad an. 1470. (b) Ap. Pray Ann. P. IV. p.
 66. (c) Dec. IV. Libr. II. p. 580.

dem ad XI. Octobris figit, (a) qua 10. millia captiuorum abducta fuerint; alteram circa festum natiuitatis Christi collocat, nullo opem miseris ferente, quamuis Pannonicus rex, Mathias, sub diebus ipsis, quibus haec gerebantur, praesens fuerit. Vt- tio nempe dat Mathiae, quod, Turcis ad Sauum ex improviso procurrentibus, non illico, licet hi- bernum tempus esset, instar auium Buda cum co- piis illuc aduolauerit. (b)

A. C. 1471. Math. 14. Ind. 4. P. 14. A.

CCLXXXV. Paullus pontifex, de victoria Ma- thiae regi gratulatus, non multo post mysticum en- sis ac pilei munus, rarum id temporis pontificum amoris in illos, qui de religione Christiana bene meriti fuissent, pignus, eidem transmisit, cum his litteris: (c) „ — Suscipiat dextera tua, carissime „ fili, munus apostolicum, caelesti benedictione „ praeditum. — Dat. Romae ad S. Petrum, die XIV. Ian. MCDLXXI. pont. VII.“ Adiecit 18. millia, secundum Spondanum 100. millia, numum aureorum, plura pollicitus. „ Gratias agens, re- „ spondit Mathias, (d) quas possum, imprimis „ DEO nostro, qui per Christum suum respexit „ humilitatem meam; deinde clementiae S. V. cu- „ ius praeclarissimi muneris tam re, quam signifi- „ catione confortatus sum ad prosequendam curam „ et sollicitudinem de propaganda fide. — “ Ma- thias, pontificio dono hunc in modum excitatus, nihil antiquius habuit, quam ut oppressos in Bohe- mia

(a) Libr. XIII. col. 461. (b) Hist. Cr. T. XV. p. 446. — 466.

(c) Ap. Rayn. ad an. 1471. (d) Ep. Coru. P. II. n. 30.

p. 87.

mia catholicos aduersus Podiebradium tueretur. Collectis igitur militum supplementis, *Morauiam repetere coepit*, vt Bonfinius scribit. (a) *Quum laurinum venisset*; nuncii extemplo varii occurrere, qui *Georgium, Boemiae regem, humanis excessisse dicerent*. Addit, Mathiam ad Iglouiam cum exercitu substitisse; Cuthnam ad comitia Nicolaum Chupor, vaiuodam Transsilvaniae, missum fuisse; vix hunc a Bohemis auditum esse; hos demum in Wladislaum Polonum, cuius, dum haec scriberet, superstitis laudes supra fidem extollit, consensisse. Mortem ille Podiebradii male figit ad annum superiorem; melius ad 22. Martii huius anni Dlugoffus, (b) qui plerorumque Bohemorum suffragiis Wladislaum 27. Maii regem acclamatum esse tradit. Nocuit Mathiae, quod valido cum exercitu Brunam venisse diceretur; quod Wladislaus indulgentior haereticis futurus putaretur; quod apostolici legati pro Mathia sententiam vim esse proceres interpretarentur. (c)

CCLXXXVI. Bohemi, hanc vim perosi, vel ideo Mathiam reiiciendum esse censuerunt, quod is cum 15. millibus equitum Brunae iam esset. Et erat ille quidem Brunae, sed cum tribus dumtaxat millibus; vnde litteris ad Bartsenses datis, 500 ab illis aureos exegit, (d) *fer. 3. prox. post fest. paschae*. Quae res, toties aliis item imperata, Mathiam in odium suorum adduxit. Violento hoc agendi modo Strigoniensi metropolitae 7000. florenorum auri, praeter decimas, extorsit. Quam ille iacturam tam impatienter tulit, vt, qui praecipuus adiutor Mathiae regis in adipiscenda Hungariae

F f 4

corona

(a) Dec. IV. Libr. II. p. 559. (b) Libr. XIII. col. 465. (c) Hist. Cr. T. XV. p. 466.—494. (d) Ap. Wagn. Dipl. Saroa p. 125.

corona fuerat, praecipuus auctor eidem abrogandae regiae dignitatis euaderet. Animis igitur multorum ita iam irritatis, pontifices, inquit Bonfinius, (a) et proceres Hung. in Mathiam maxima ex parte coniurarunt: Casimirum II. Casimiri R. P. filium, introducere decrevere. — Coniuratio ita vehemens et secunda fuit, ut in ulteriore Vngaria praeter Gabrielem, arch. Colocensem, Michaellem palatinum, cum paucis optimatibus, nemo superfuerit, qui a regia fide ad Polonum non defecerit. E septuaginta circiter quinque conuentibus, quos comitatus — appellant, tanta coniuratio fuit, ut vix nouem superfuerint, qui Mathiae parerent. Mathias, a nonnullis praelatis et canonicis Strigonienfibus, teste Dlugoffo, (b) de periculis singulis in eum comparatis, certior redditus, ex Berna celeriter mouens, Budam venit. Et maiori periculo, quam rebatur, cognito, omnium suarum gentium ex Bohemia et Morauia copias ad se accersit. Conuentus etiam aliquot in Buda indicit, in quorum uno per plures corruptelas ac promissiones plerosque de maioribus sibi infestos ad se pertraxit. Nullum efficacius medium adhibere Mathias ad conciliandos sibi Hungaros potuit his comitiis, in quibus articuli 31. conditi sunt hac serie: (c) „*Art. I.* Comititia singulis annis celebrentur. „*II.* Nobiles regni nemo capiat; nisi quis sit factor, „ et, seruitio non completo, aufugiat. „*III.* In „ decimando seruetur modus praecedentis decreti. „*IV.* Sal regis teneatur in locis priscis. „*V.* Iudicium generale sublatum. „*VI.* Castra — Hungaris conseruanda assignentur. „*VII.* Exercituandi „ modus Mathiae regis similis Sigismundi. „*VIII.* „ Sigilla

(a) Dec. IV. Libr. III. p. 564. (b) Libr. XIII. col. 471. (c) Corp. Iur. Hung. P. I. p. 221.

„ Sigilla regis quinque. IX. Damna inferentes ec-
 „ clesiasticis personis euocentur. — X. Bona nullius
 „ — rex occupare potest. XI. Dicam nullam exi-
 „ get rex. — XII. Rex processum iuris non impe-
 „ diat. — XIII. Beneficia duo vni personae non
 „ conferantur. XIV. Iudices causas iudicent. —
 „ XV. Honorem comitatus nobilis accipiat. XVI.
 „ Migratio colonorum fiat, vt tempore Sigismun-
 „ di imp. XVII. De foro spirituali. — XVIII.
 „ De monasteriis, quae sigillorum vsum habent.
 „ XIX. Romam conquestum nemo vadat; sed
 „ causam coram suo dioecesano inchoet; hinc per
 „ viam appellationis Romam deducat. — XX. Re-
 „ gis factores nihil a quoquam sine pecuniis aue-
 „ rant. XXI. Milites regii damna nemini inferant.
 „ XXII. Redemptiones litterarum — fiant secundum
 „ decretum Sigismundi. XXIII. Bona, perperam
 „ occupata, suis dominis restituantur. XXIV. Ec-
 „ clesiasticae personae non dicentur; sed tamen on-
 „ ra expeditionum ferant. XXV. Tributa in suis
 „ locis exigantur. XXVI. Fassio, inuite per ali-
 „ quem facta, nullius sit vigoris. XXVII. Bona,
 „ a tempore coronationis suae occupata, intra dies
 „ 30. restituantur. — XXVIII. Homicidiorum in
 „ causa brevis processus. — XXIX. Castella demo-
 „ liantur sub poena perpetuae infidelitatis. XXX.
 „ Tributum in Chorgo — distrahi passum. XXXI.
 „ Decretum praesens ab omnibus obseruetur. — —
 „ Datum Budae, feria IV. prox. ante festum B.
 „ Matthaei ap. et euang. A. D. MCDLXXI. (a)

CCLXXXVII. E salutaribus hisce legibus appa-
 ret; quibus potissimum malis hoc tempore Hunga-
 ria

ria laborauerit; quaecumque remedia Mathias iis efficaciter curandis et tollendis adhibuerit. His multorum animos lucratus, complures a Casimiri partibus ad suas pertraxit: qui priusquam Cracouia cum 12. millibus armatorum in Hungariam mouisset; duobus post haec comitia diebus, aequitatem profectionis suae manifestam reddere conatus, litteras in regnum sibi delatum praemisit, quarum argumentum hic titulus exhaurit: (a) „Casimirus, D. gr. „ser. principis et domini, D. Casimiri, cad. gr. regis Polon. — natus, regni Hung. naturalis dominus et heres etc. domino Mathiae de Huniad, „Hung. regi intruso et occupatori eiusdem violento, salutem iuxta currentis temporis qualitatem. „ — — Datum Cracouiae, feria VI. in vigilia Mathaei apost. anno dom. MCDLXXI.“ Mouit ille Cracouia 2. mensis Octobris, iamque 29. mensis eiusdem ad Sarosinum in fauorem Cibiniensium litteras dedit, (b) *in statuis circa Scharis, feria III. prox. post fest. Simonis et Iudae apost. A. D. MCDLXXI.* Cassouiam non admissus, per Szikszouiam et Agriam profectus, 8. Nouembris Hatuanini castra posuit. *Abinde mouens; inquit Dlugossus, (c) in Nitriam venit, et tam in arcem, quam in ciuitatem iussu Ioannis, archiepiscopi Strigonien. qui Nitriensem episcopatum habebat in commenda, susceptus est; ubi primum Ioannes, Quinqueecclesiens. episcopus, ad eum venit in 200. equis, et paucis diebus commoratus, Strigonium, unde venerat, rediit. — Nemo ex baronibus Hung. ad Casimirum principem venit; nemo ei se coniunxit; — sed omnes fide variata, Mathiae regi ferebant auxilia: qui ne*
meticulose

(a) Ap. Dogiel Tom. I. p. 61. (b) Ap. Wagn. Dipl. Saros. p. 187. (c) Libr. XIII. col. 471. n. 1

meticulose apud Budam — videretur delitescere; exercitum et ipse suum, — ad 16. millia aestimatum, — eduxit. Sed inprimis Vitezium sibi conciliandum ratus, Gabrielem, arch. Colocensem; Ioannem, ep. Agriensem; Michaellem palatinum et Emericum Zapolyam ad illum misit, quum ad Strigonium ipse castra posuisset. Horum opera Vitezius Mathiae conciliatus, promisit, omnibus conatibus suis se laboraturum pro recuperatione castri et civitatis Nitriensis; Mathias itidem archiepiscopo spondit, se prouentus illius non intercepturum, ac 7000. florenorum auri, quibus eidem obligabatur, primo quoque tempore depensurum, tabulis confectis, (a) Strigonii, fer. 5. prox. ante fest. B. Thomae ap. an. 1471. Octauo post conciliatam hanc concordiam die, Casimirus, a praecipuo factionis auctore destitutus, celeri fuga sibi consuluit, Nitriaque 26. Decembris egressus, post duorum fere mensium in Hungaria commorationem, Poloniam repetiit. (b)

A. C. 1472. Math. 15. Ind. 5. P. 29. M.

CCLXXXVIII. Casimirus, relictis in arce Nitriensi 4000. suorum, in superioribus Hungariae partibus apud Petrum Komorovszkium, natione Polonum, qui partes illas latrociniis diu multumque vexauerat, initio huius anni Rosenbergae tantisper se detinuit; tum in Poloniam reuersus, vt Dlugoffus scribit, (c) *patre ordinante, in castro Dobczicze consedit.* Atque hic castissimus adolescens, qui subinde maluit vitae, quam pudicitiae iacturam pati, novos animos concepit, vt, postquam terre

(a) Ex MSS. Heuenez. T. R. p. 33. (b) Hist. Cr. T. XV. p. 496.—519. (c) Libr. XIII. col. 477.

stre regnum assequi non potuit, caeleste maiori contentione quaereret. Hoc aetatis anno 24. Christi 1484. 4. Martii fuit assequutus, a Leone X. sollemni ritu sanctis adscriptus anno 1521. Quam teneros in DElparam amoris igniculos fouerit, testatur notus ille hymnus, ab illo concinnatus: *Omni die dic MARIAE mea laudes anima*. Quatuor milibus ab eo Nitriae relictis, teste Bonfinio, (a) *hac conditione dimissio data*: „Vt, saluis corporibus et „impedimentis, abirent; nullum regno nocumentum inferrent: nihil in faciendo itinere hostile „inferrent. — —“ *At illi, haud secus ac a carceribus elapsi, — paullo licentius per vicos et agros cibaria quandoque surripiunt. — Quum Poloniae finibus appropinquarent; palantes et effusi, a rusticis circumuenti, spoliantur. — Poloni igitur, qui, duce Casimiro, kal. Nouembris (citius) Vngariam inuasere, quarto post mense eieci sunt. — Postquam, eiectis hostibus propulsatisque periculis, rex Budam se recepit; ad ultionem iniuriarum animum reuocauit. — Ab archiepiscopo Strigon. facit initium. Budam ille, sub gravissimi colloquii praetextu, primum euocatus, deinde captus ac Visegradum clam translatus, in arce mensibus aliquot a custodibus regis observatur. Vicit deinde Mathiam ingentium memoria beneficiorum; ingenita pietas et datae fidei recordatio. — Pertaesus igitur iracundiae suae, hunc carceribus emisit: in Strigoniensem arcem cum dignitate restituit: adhibuit quosdam milites eustodiae, nequid in ipsum ultra moliri posset; conditionibus concordiae conscriptis, (b) Budae, fer. 4. prox. post fest. resurrect. dom. anno eiusd. 1472. Vitezius, ignominiae tantae*

(a) Dec. IV. Libr. III. p. 591. (b) Ex MSS. Heuener, T. T. R. p. 34.

tae non diu superstes, aetatem eam, pergit Bonfinius, vix claudere potuit. Nam V. idus Aug. et pridie diei, quo D. Laurentii sollemnia celebrantur, diem obiit. Geminus lapis, erutus e ruderibus veteris ecclesiae Strigoniensis; Vitegium non V. sed VI. id. Aug. 1472. decessisse testatur. Ioannes, verba sunt eiusdem Bonfinii, *Quinqueecclesiensis. anti-stes, et e sorore nepos, qui inuitum auunculum in coniurationem adtraxerat, audita eius captiuitate, Zagrabiā fugam rapuit.* — At, postquam de metropolitae morte nunciatum est; paucis post mensibus superuixit. — Quum ob regis iracundiam is, quasi hostis reip. haberetur; — sacerdotes clam eius corpus in sacellum Quinqueecclesiense retulere, idque pinto scrinio diu reconditum habuere. Quum multo post tempore Mathias forte urbem illam et basilicam inuiseret; — indoluit tanti viri casum: falsam eorum opinionem ac metum increpuit: et, — honestissimas mox exsequias edixit. (a)

CCLXXXIX. Mathias, ad concordiam cum statibus et ordinibus regni magis stabiliendam, kalendis Maii comitia Budae celebrauit, articulis 15. conditis ita praefatus: (b) „ Nos Mathias, D. gr. „ rex Hung. et Boh. — memoriae commendamus, „ — quod, quum — post factam repulsionem Kazimiri, filii alterius Kazimiri, R. P. qui grandi „ cum potentia et exercitu valido medium regni „ nostri usque penetrarat, ad hanc ciuitatem nostram Budensem bona cum victoria, et triumpho „ DEO nobis propitio, redissemus; — „ Agitur hic de castris aliis restituendis, aliis destruendis ad festum usque natiuitatis B. Iohannis

(a) Hist. Cr. T. XV. p. 546.—561. (b) Ex MSS. Cornidei.

nis Baptistae; de praelatis *ad omnia loca capitularia seu conuentualia* constituendis; de celebrandis octauis; de militum licentia coercenda; de salium prouentu; de nobilibus *vnus sessionis* non dicandis; de comitiis nonnisi post biennium celebrandis; de facto decreto tempore coronationis obseruando.

„ Datum Budae, in festo BB. Philippi et Iacobi
 „ ap. A. D. MCDLXXII. regni nostri anno XV.
 „ coron. vero IX. Et item, quod nos de cetero
 „ in medium regnicolarum nostrorum aliquam taxam, ipsis inuitis, non imponemus.“ Postremus hic articulus, extra seriem reliquorum additus, indicat, praecipuam Hungarorum quorundam a Mathia defectionis causam imperata tributa fuisse, horumque metum hac appendice Mathiam ex eorum animis tollere voluisse. Priusquam has leges ad animos fortius sibi deuinciendos pertulisset; de Bohemiae regno sollicitus, Sixtum IV. anno superiore 9. mensis Augusti Paulo II. susceptum, interpellauerat, vt ad Bohemiae regnum, sibi secundum promissa decessoris asserendum, opem ferret. Sixtus igitur primum quidem Fridericum imp. vt in re Bohemica Mathiae regi faueret, his litteris admonuit. (a) „ — Oppugnabatur impijs armis haereticorum celsitudo tua; et Victorinus — insolentissime tuo nomini insultabat; quum cariss. in C. filius noster, Mathias, H. R. illustris, pro tua defensione fideique puritate arma suscepit; tuamque iniuriam ultus, Victorinum, iuueniliter exsultantem, repressit, seque bello diuturno difficilique implicuit. Hic igitur, nunc ob has causas in periculo constitutus et bello magno vexatus, deferendus non est. — Dat. Romae — MCDLXXII.

(a) Indidem.

„ LXXII. nonis Martii. “ Eadem die Casimirum acrius ita redarguit: (a) „ Sapientiae tuae esset, „ carissime fili, considerare, quam bellum hoc, „ contra cariss. in C. F. N. Mathiam, H. R. I. pro „ Bohemis susceptum, non decet puritatem fidei „ tuam. — “ Sex ante diebus, edicto per orbem Christianum vulgato, Mathiam legitimum Bohemiae regem declaravit. *Romae, — kal. Mart.* Eadem die tam Bohemis, quam Silesitis et Moravis sub grauissimis censurae poenis praecepit, ut, Wladislao relicto, qui prius a catholicis electus et vocatus, ut regnum Podiebradii tyrannide liberaret, venire recusauerat, Mathiam regem reciperent, eique fidem et obedientiam iurarent. (b)

CCXC. Sixtus, ad pacem inter principes Christianos sanciendam intentus, ut, unitis viribus, bellum in Turcas geri posset; opera legati sui, Laurentii Ferrariensis, effecit, ut inter Fridericum imp. et Mathiam regem pax coalesceret. In ea tamen, inter eundem Mathiam et Casimirum concilianda, non perinde felix erat. Hungari cum rege Mathia Polonis. admodum faciles pacis vel induciarum condiciones proposuerunt, (c) *Budae, tertia die resurrectionis domini, A. D. MCDLXXII.* Poloni quidem ipsas inducias, a kalendis Maiis ad finem anni duraturas, non item condiciones ceteras, admiserunt; *Cracoviae, fer. 4. prox. ante dom. Cantate, anno 1472.* Interea Marcus, card. Aquileiensis, 22. Febr. Roma profectus, ad Mathiam venit, quem iste, transiturum in Poloniam, omnibus

(a) Ap. Rayn. ad an. 1472. (b) Hist. Cr. T. XV. p. 561. — 577. (c) Ap. Dogiel. Tom. I. p. 635.

bus officiis excolendum, Bartensibus commendauit, (a) *Budae, fer. 2. post fest. SS. corporis Christi, A. D. 1472.* Ne quam occasionem carpendi Mathiam Dlugossus praetermitteret; quum inducias, ad celebrandum pro conficienda pace conuentum necessarias, Casimirus ad nutum Marci card. admisisset; at, subiicit, (b) Mathias, — *morte Ioannis, arch. Strigoniensis; Ioannis, Quingueecclesien. episcopi, — qui partes Casimiri P. R. enixissime prosequerantur, quos ferebatur veneno fustulisse, — insolentior factus, inducias, quas alias magnopere petiuerat, abnuebat; quas tandem sumere persuasus est.* Quam putida haec calumnia sit, inde patet, quod, quum de paciscendis primum induciis ageretur, neuter adhuc Ioannes mortem obierit. Quum novos Marco card. stimulos pontifex admouisset, ut omnem operam ad conciliandam inter dissidentes principes amicitiam impenderet; ille Kortzinum ad Casimirum regem 13. Septembris profectus, collatis cum eo consiliis, in Sandecz diuertit, ut Dlugossus prosequitur, *novis studiis et laboribus aequam pacem inter Hung. et Poloniae reges confecturus.* Hic ille nouum oratoribus regum pro 2. Febr. conuentum Nissam indixit. (c) *Dat. in Sandecz, sub anno a natiuitate domini 1472. 13. kal. Nou.* Mathias, in tantis prouinciarum rerumque bellicarum curis ordinis Seraphici non oblitus, quum meminisset, illorum potissimum opera, reliquias Cumanorum, quos antea Philistaeos, seu Balistaeos, a balistarum et sagittarum tractandarum pericia, dicebant, nunc vulgo *lazzos* appellamus, ad Christi religionem tractas fuisse, lubens annuit, ut in metropoli celeberrimae

(a) Ap. Wagn. Dipl. Sáros. p. 107. (b) Libr. XIL. col. 479. (c) Ap. Dogiel Tom. I. p. 65.

berrimae huius gentis nouum illis domicilium excitaretur. Regiae voluntati Sixtus pontifex robur addidit. (a) *Romae — XV. kal. Iun. pont. an. I.* Secundum pontificatus annum agebat, quum hoc eodem anno Christi praepositis Scepusiensibus vsum mitrae baculique pastoralis concessit, (b) *XI. kal. Decembris.* (c).

A. C. 1473. Math. 16. Ind. 6. P. 18. A.

CCXCI. Cardinalis Marcus, apost. sedis legatus, multa pro conciliandis principibus, sed incassum omnia, tentauit. Primus conatus irritus Nissae fuit, quo conuentum in secundam Febr. partibus indixerat. Dlugossus, in Mathiam more suo dicax, scribit, (d) *illum arrogantius se gessisse, successibus felicibus eleuatum, — neque praelatos et barones Hung. — praelatis et baronibus Poloniae — numero et conditione pares, — mittere disposuisse. — Hinc diaetam Nisnensem Casimirum — detrectasse.* Tametsi friuolae hae causae conuentum detrectandi fuerint; Marcus tamen cardinalis omnem conatum adhibuit, vt alterum ibidem conuentum legatorum regi Casimiro persuaderet. Atque huc grauissimos oratores Mathias, ne quid obtendere Poloni possent, destinauit, archiepiscopum Colocensem cum duobus episcopis, palatinum, iudicem curiae, cet. Ne porro mutua hostilitas pacis tractatum sufflaminaret; card. Marcus inducias ad festum

(a) Ap. Fridrich. P. II. p. 175. (b) Ap. Wagn. Scepus. P. I. p. 344. (c) Hist. Cr. T. XV. p. 577.—621. (d) Libr. XIII. col. 485.

stum ascensionis seu 28. Maii prorogauit, transmissis ad reges litteris, (a) *datis Nissae, sub anno a natiuitate dom. MCDLXXIII. XVII. kal. Maii.* Quis demum effectus alterius Nissensis conuentus fuerit, Dlugossus ita refert: (b) *Mense prope uno cum dimidio apud Nissam exacto, dum et tempus in altercationibus et iurgiis frustra tereretur, et pars utraque, iuri suo innixa, nullatenus se de iure regni Bohemiae assereret cessuram; apostolicus legatus, card. Marcus, nunc obsecrationibus, nunc precibus, nunc lacrimis partes omnes ad pacem inclinare sategbat, ne, regibus bello ciuili occupatis, nudum Hungariae, Italiae et Dalmatiae latus Turcorum rabies ampliori feritate laceraret.* Sed his omnibus aliud non impetrauit, quam vt nouus Opauiae conuentus ad festum assumptionis B. V. haberetur. Hic jam Dlugossus calumnias in Mathiam iacere non contentus, ipsum quoque card. legatum carpit, quod *in partem Mathiae H. R. studio propensiori duceretur.* Cur Marcus in partem Mathiae procliuior fuerit, patet ex hoc pontificis ad Casimirum nuncio per eundem legatum transmissio: (c) „*Re-*
 „*ge catholico indignum est, vt Bohemiae regnum,*
 „*ad quod capeffendum a sede apostolica, tanto*
 „*tempore inuitatus fuerat, adeo pertinaciter ac-*
 „*ceptare recusasset; nunc vero filium suum hae-*
 „*reticis petentibus in regem concedere non ab-*
 „*horreret.*“ Mathias per suos oratores has in hoc conuentu pacis condiciones proposuit: (d)
 „*I. Vt— nonnisi morte Mathiae regis sine libe-*
 „*ris sequuta, Wladislaus plenarie regno Bohemiae*
 „*poti-*

(a) Ap. Dogiel. T. I. p. 67. (b) Libr. All. col. 490. (c) Ap. Cont. Fleur. T. XXVI. p. 407. (d) Dlug. L. XIII. col. 496.

„ potiretur. *II.* Vt medietas sumtuum, in bel-
 „ lum Bohemicum per ipsum impensorum, qui se
 „ afferbat tres milliones in illud effudisse, 15. vi-
 „ delicet centena milia, sibi per Wladislaum —
 „ soluerentur. — *III.* Vt Mathiae R. H. filia Casi-
 „ miri R. P. Hedugis desponsaretur. “ His condi-
 tionibus a Casimiro reiectis, gravissimum inter reges
 bellum exarsit. (a)

A. C. 1474. Math. 17. Ind. 7. P. 10. A.

CCXCII. Prius tamen, quam ad arma ventum
 fuisset; Mathias, pacis, quam belli studiosior, rur-
 sus legatos suos, Gabrielem, Transsiluanensem;
 Oswaldum, Zagrabien. episcopos; Emericum Za-
 polyam, Ioannem Pongratzum, cum duobus prae-
 positis, ad nouum conuentum, cum Polonis insti-
 tuendum, cum plena rerum agendarum potestate
 misit, (b) litteris datis *in Eperies, fer. 4. inter*
octauas festi epiphaniarum domini, anno eiusdem
1474. Foedus quidem illi cum Polonis concludere-
 runt, (c) tabulis confectis *in antiqua villa, fer. 2.*
prox. ante festum cathedrae B. Petri ap. A. D.
1474. quas etiam Mathias septimo post die ratas
 habuit, (d) *Bartfae, die dom. prox. post fest. B.*
Mathiae ap. A. D. 1474. Procères etiam Hunga-
 riae, Budensibus in comitiis congregati, desiderio
 pacis, easdem conditiones confirmarunt, (e) inter
 quos primus occurrit *Nicolaus, D. gr. rex Boznae.*
 — *Datum Budae in conuentione nostra generali su-*
per die festi B. Georgii M. ibidem habita, anno
 G g 2 *dom.*

(a) Hist. Cr. T. XV. p. 644.—661. (b) Ap. Dogiel. T. I.
 p. 68. (c) Ibid. p. 69. (d) Ibid. p. 71. (e) Ibid.
 p. 73.

dom. 1474. Nihil ultra vel a Mathia rege, vel à regni proceribus ad firmitatem foederis praestari potuit; infractum tamen illud hoc eodem anno fuit, et perpetua pax, vix lancita, mox in acerrimum bellum transit. Cuius id culpa factum fuerit, dubitare nos non sinit foedus, quod Casimirus cum Friderico contra Mathiam interhecinum 13. Martii percussit. (a) „ Nos, *inquit*, rex Casimirus ad proximum festum S. Ioannis B. — aduersus praefatum regem Mathiam procedemus, — et in exercitu et castris personaliter contra eum manebimus vsque ad festum S. Iacobi proxime futurum. Pro quo quidem festo S. Iacobi nos Fridericus, R. I. — in regnum Hung. — aduersus eundem regem Mathiam — intrabimus. — Dat. in ciuitate Nurembergensi, die 13. mensis Martii 1474.“ Ita Casimirus per alios legatos cum Mathia pacem *perpetuam* 21. Febr. concludit; per alios contra Mathiam clandestinum foedus 13. Martii percussit. Si Mathias ita se varium, ne dicam vafum et fraudulentum, aduersus Casimirum exhibuisset, quantis clamoribus perfidiam illius Dlugoffus accusasset? Magna profecto Mathiae virtus et felicitas esse debuit, quod tot vndique hostibus, in eius perniciem conspirantibus, non tantum non succubuerit, sed etiam superior omnibus euaserit. Summa scilicet vsus celeritate, dum hostes de copiis cogendis deliberabant; ipse Friderici ditiones Augustam vsque iam eradebat, ac in alia parte Colinum ad deditionem coegerat. Colinenses, infidelitatis a se suspicionem amolitur, litteris ad Wladislaum datis, se purgarunt. (b) Wladislai Bohemi,

(a) Ibid p. 164., (b) Ap. Dobner. Mon. T. II. p. 430.

Bohemii, quibus Mathias suum. in Bohemiam ius multis argumentis exposuit, eadem modestissime refellere conabantur. (a)

CCXCIII. Maioris belli praeludis in Austria Bohemiaque factis, Mathias exercitum suum, 6. vel 8. millibus definitum, nam Dlugossus variat, in Silesiam traducere coactus est, cui Casimirus cum ingentibus copiis, ex pluribus populis, ipsis etiam Tartaris, conflatis, imminēbat. Hic, ut idem Dlugossus perhibet, (b) 26. mensis Septembris, exercitum suum, — ad 60. millia pugnatorum aestimatum, in terras hostiles permouit. — Praemissis velitationibus, (c) 24. mensis Octobris — *Wladislaus*, Bohemiae rex, — aduenit, — ad 20. millia armatorum habere aestimatus. Mathias pro moenibus Wratislaviae castra sua locauerat, ne circumfundi posset a multitudine copiarum hostilium, quarum brachio, si illas sibi habere contigisset, facile se aiebat totum orbem sub suum iugum missurum. Fateatur ipse Dlugossus, (d) ab excurrentibus Mathiae militibus tantam multitudinem pabulatorum interceptam fuisse, ut omnes turres et omnia ergastula *Wratislaviensis* captiuis Polonorum impleta fuerint. Fidem igitur merentur ea, quae Bonfinius de bello hoc ita narrat: (e) *Rex numero inferior, a calido ingenio opem exposcit; incautum semper hostem aggreditur: non collatis signis, non indicto pugnae die, res agitur: — modo noctu, modo interdiu — manum cum hoste conserit: multum laedere, parum ipse laedi potest. — Pro moenibus temporaria theatra*

G g 3

ex-

(a) Ibid. p. 431. Hist. Cr. T. XV. p. 562.—700. (b) Libr. XIII. col. 517. (c) Ibid. col. 519. (d) Ibid. col. 520. (e) Dec. IV. L. III. p. 571.

exstruit, quae ab hoste prospectari queant. Assiduas ibi matronarum virorumque choreas agi iubet, quo Polonos Boemosque procures ad saltandum saepius irritat. — Frumentum non pluris in fine, quam a principio venit. Contra vero hostes omnium sensum rerum egestas inceserat. His consimilia Turotzius scribit, additque, (a) missum interea Stephanum de Zapolya cum parte copiarum in Poloniam, tunc militis custodia orbatam, in illa maximas vastitates — edidisse; — hisque malis circumuentum Casimirum pacem potius, quam bellum expetiisse. Mathias igitur, virtute sua suorumque circiter octo millium, de hostium octoginta millibus victor, necessitatem tam potentibus regibus imposuit, a se pacem aut inducias emendicandi. Induciis in sesquiannum conclusis, et 8000. captiuorum Polonorum dimissis; Gabriel Rangonius, Albensis episcopus, in abeuntes ita lusit: (b)

„ Bruma venit: nix alta ruit: migrate Poloni,

„ O fugite ad proprios, algida turba, lares.“ (c)

CCXCIV. Eodem hoc anno, quo Mathias ad Septentriones, licet exercitum multis partibus inferiorem habuisset, hostes suos fregit, ac ad receptum coegit; ad meridiem a Turcis, in omnem nocendi Hungaris occasionem intentis, non leue damnum accepit. Barbarorum rabies usque Varadinum pertigit, ut inscriptio Coronensis notat paucis hisce verbis: (d) *Desolatio Varadini per Turcas.* Mathias, de Turcis coercendis sollicitus, ante bellum

(a) Chron. P. IV. cap. 67. (b) Ap. Pray Ann. P. IV. p. 96.

(c) Hist. Cr. T. XV. p. 700.—725. (d) Timon Epit. Chron. p. 162.

ium Polonicum in mensem Octobrem comitia Budam indixerat; sed bello hoc praeter opinionem auocatus, deliberationibus SS. et OO. interesse non potuit. Ita quidem editor harum constitutionum monet; ceterum exstat in bibliotheca Quinqueecclesiensi Mathiae regis epistola, *data Budae, die dom. prox. ante fest. B. Francisci conf. anno dom. 1474. regnorum anno Hung. — 17. Bohemiae vero 6.* Quo die decretum etiam illud editum dicitur. Quum igitur nondum tunc ad bellum profectus fuerit; nihil obstat, quominus interfuisse dicatur; dum hi 16. articuli conderentur: (a) „*Art. I.* Subsidium „ vnus floreni. *II.* Sales omnibus persoluantur. „ *III.* Eligantur duo nobiles ad distribuendos sales „ regios in portas. *IV.* Duo dicatores in singulis „ comitatibus eligantur. *V.* Dicatores stipendium „ a rege accipiant. *VI.* Lucrum camerae 2. an- „ nis relaxatum. *VII.* Regnicolae intra annum in „ expeditionem, nisi contra Turcas, ire non tenean- „ tur. *VIII.* Subsidium hoc contra Turcas expen- „ datur. *IX.* Denarii 25. soluti computentur ad „ hoc subsidium. *X.* Iudicia non celebrentur. „ *XI.* Bona occupata restituantur. *XII.* Locum- „ tenens regis iudicet casus et actus maiores. *XIII.* „ Subsidium per connumerationem salium amplius „ non fiat. *XIV.* Migratio colonis vsque ad an- „ num interdicta. *XV.* Milites in expensis suis „ viuant. *XVI.* Decimae exigentur more veteri, „ secundum colonorum iuramentum,“ (b)

G g 4

A. C.

(a) Corp. Iuris Hung. T. I. p. 45. (b) Hist. Cr. T. XV. p.

A. C. 1475. Math. 18. Ind. 8. P. 26. M.

CCXCV. Mathias, bello Bohemico Polonicoque defunctus, nouam in Turcas expeditionem meditatus, antequam ex Morauia discessisset, in festum S. Georgii comitia Budam iterum indixit, (a) *Brunae, fer. 4. prox. ante festum resurrectionis dom. anno eiusdem. 1475.* Ipse tamen diutius ibi detentus, plures indidem epistolas 14. Mensis Aprilis dedit. (b) Sed 20. Maii iam in comitiis Budensibus in fauorem cruciferorum Albenium litteras confecit. (c) Quumque sub initium anni huius, missis Stephano, vaiuodae Moldauiae, copiis auxiliariis, magnum pondus ad illustrem de Turcis victoriam addidisset, vt ipse pontifex agnoscit; (d) *tandem, inquit Turotzius, (e) castrum Turcorum, Sabacz denominatum, ad litus fluminis Zaue per eosdem ex lignis terraque — perforti opere praeparatum, turribusque ac fossatis et vallibus, nec non milite non minus munitum, diro hiemis sub rigore obsedit et expugnauit.* Etsi vero Dlugossus hoc aliaque Mathiae facinora multum eleuet, contra cuius calumnias Martium hunc regem in historia fusiore tueri saepe coacti sumus; quanti tamen momenti haec munitio, Turcis erepta, fuerit; Bonfinius fuse describit, (f) ac addit, tam Sixtum pontificem, quam Venetiarum ducem per legatos, *qui faustam salutaremque victoriam regi congratularentur, pecunias in huiusce belli sumtus erogandas, misisse, tria et nonaginta aureum vnum millia.* (g)

A. C.

(a) Ap. Kapr. P. I. p. 309. (b) Ap. B. Pez. P. III. p. 223. (c) MSS. Heuenes T. D. (d) Ep. Corn. P. IV. n. 8. p. 15. (e) Chron. P. IV. cap. 67. (f) Dec. IV. Libr. III. p. 602. (g) Hist. Cr. T. XV. p. 749.—789.

A. C. 1476. Math. 19. Ind. 9. P. 14. A.

CCXCVI. Mahometes, acceptis duabus anno superiore cladibus, primum Moldauicam vlturus, ingentem exercitum conscripsit. Vulgato Turcicae huius expeditionis rumore, quantus Europam metus corripuerit; ex hac Papiensis ad Mantuanum cardinalem epistola patet: (a) „ Amplior multo „ animi sollicitudo de Turcorum in Moldauos de- „ scensu est suscipienda. Tanta 500. millium mul- „ titudo, tamque immanis, quem iuste non terreat? „ — Numquam — moueri in Hungaros haec ar- „ ma intelligo, vt non totus mente concutiar, „ atque ante oculos versetur futura fors nostra. „ Diuino munere datum id regnum Christianis „ reliquis est, vt pro omnibus pugnet, petentes- „ que nos tempestates virtute sua sustineat. Si se- „ mel, quod DEVS sanctique prohibeant! cedat, „ plagamque accipiat; — quid clauli interim est, „ vt non illico increduli nos atque ad praesidium „ feri iugulum gladio praebeamus! — “ Omnis hic Mahometis ingens apparatus et conatus in irritum cecidit; postquam Mathiam contra se venire cum armatis copiis intellexit. *Nec aliquando Mahometes ille magnus, inquit Turotzius, (b) cuius framea pepercit nulli, vires regis huius campestrali certamine tentare ausus fuit; quum et de sub castrolaycza, — deque Moldauia eiusdem ante gladium fugerit vehementer; expersque sui voti, suam redierit in terram.* Dlugossius quidem ait Mahometem fugisse non Mathiae, sed Casimiri metu; *reuerfionem autem, inquit, (c) Turcae Mathias H. R. in suam laudem tra-*

(a) Ap. Rayn. ad an. 1476. (b) Chron. P. IV. cap. 67.

(c) Libr. XIII. col. 548.

traducens, metu processus sui illum scriptis suis vulgavit non reuertisse, sed fugisse. Quapropter et papa IV. Sixtus, et Ferdinandus, Napuliae rex, et omnes principes et communitates Italiae, — collatione facta, 200. millia aureorum ad conterendum Turcum sibi transmittunt. Vter magis, Mathias, an Casimirus, Mahometi formidandus fuerit, antecedentes victoriae docent. Pontifex profecto Mathiae virtuti hanc fugam Turcarum his litteris adscripsit: (a) „ — Accepimus litteras celsitudinis „ tuae, et illis acclusum exemplum litterarum cuiusdam ductoris copiarum tuarum, ex quibus „ optatissima intelleximus, perfidum scilicet tyrannum Turcorum, qui dilecto filio — Stephano, „ vaiuodae Moldaviae, crudelissimum bellum intulerat, et iam loca eius graui obsidione premebat, nondum armis conspectis, sed solo „ terrore nominis tui, obsidionem reliquisse, „ terga vertisse, ac turpissimam fugam arripuisse. — Quod ad nos spectat, noctes et dies „ in hac cogitatione transigemus, ut tibi sperata „ mittantur subsidia. Ad quam rem, DEO fauente, „ te, omnes Italiae potentatus promptos efficimus; „ prout videre iam potuisti ex parte, et in dies „ videbis. “ Eo promptiores Italiae principes ad praebendum Mathiae subsidium pontifex habuit; quo maior illos antea Turcarum metus, ut ex card. Papiensis epistola vidimus, peruasit. Quis autem sibi persuadeat, tot principes, Mathiae litteris, ut Dlugossus calumniatur, deceptos, in rei notitiam alia via venire non potuisse, tantamque pecuniae summam ad incertum rei nuncium illi transmississe? Certe Mathias ipsas ducis sui testes litteras,

(a) Ep. Coru. P. IV. n. 6. p. 10.

ras, suis inclusas, ad pontificem transmisit. Exstat etiam eius epistola, qua Michaeli Fantio demandavit, (a) vt cum 300. Siculis ad Stephanum, vaiuodam Moldauiensem, fidelem suum, proficisceretur. (b)

CCXCVII. Vaiuodam Moldauiae fidelem suum Mathias non vocasset; nisi ius in Moldauiam habuisset, quod incassum Dlugossus disputat. Nouo belli neruo propter depulsum ex Moldauia hostem adiutus Mathias, teste Bonfinio, (c) magnam in Danubio classem molitur, quacum secundo amne descendat, ad Szendrouiam oppugnandam. Vt igitur hae naues Ratisbona sine vectigalibus transmitterentur, his litteris Fridericum imp. interpellauit: (d) „ Ser. princeps, pater noster carissime. Ad „ repellendos continuos Turcarum insultus et ad „ necessariam fidei Christianae defensionem contra „ Turcas, — diuersarum rerum indigentiam et „ necessitatem habemus, quas interdum opus est, „ propter carentiam, de terris et dominiis M. vestrae pretio comparare. Quum itaque in praesenti necessarium sit, et in rem nostram pro defensione fidei contra Turcas maxime opportunum; nonnullas res ex Ratisbona, 4. scilicet et „ 20. naues, certamque telorum copiam, nonnullas pyxides et quaedam alia, ad expeditionem necessaria, pecuniis nostris adduci nobis iussimus; „ rogamus igitur M. V. — vt — libere et absque „ alicuius tributi et vectigalis exactione deferri „ permittantur. — “ Refert deinde Bonfinius victricem recentem, quae Augustis idibus intercesserat. — Quum Emericus Nisor et Ceplanus praefecturam Albae-

(a) Ibid. n. 75. p. 18. (b) Hist. Cr. T. XVI. p. 5. — 15. (c) Dec. IV. Libr. IV. p. 604. (d) Ep. Coru. P. IV. n. 17. p. 31.

Albae-Graecae — forte gererent; ab exploratoribus acceperunt, Alibegum cum 4000. equitum expeditissimorum, traiecto Danubio, ad Temesuariensem usque agrum omnia late incurfare; praemonitis vicinis militum praefectis, Belgrado profecti, iunctis viribus, Turcas ad internecionem ceciderunt, captiuisque liberatis, nullus fuit, quin unum equum insideret; alterum, praeda onustum, dextera traheret. — Hacc quinque fere mensibus ante nuptias gesta sunt. Mathias, hac victoria recreatus, postquam trinis Sinderouiam castris, quae circum crexerat, — obsedit; iam de capienda ciuitate cogitabat. Obstant consiliis nuptiae, quae imminebant, et maxima coepta inhibebant. Ut dignos pro his apparatus faceret; optima parte huius anni Budae se detinuit, ut ex diplomatibus ibidem datis mensibus Aprili, Maio, Iunio, Iulio, patet. (a)

CCXCVIII. Tertius iam annus circumagebatur, ex quo negotium nuptiarum Mathiae cum Beatrice, Ferdinandi, regis Neapolitani, filia, tractabatur. *Quum, inquit Bonfinius, (b) nuptiae ad Bradislauiam prius in castris honorificentissime per praekonem publicatae fuissent; celebritas in hunc annum, qui tertius ex eo publicationis tempore agebatur, edicto regis translata fuerat. Sicut autem iam antea Colocensem archiepiscopum et Nicolaum Banfium pro petenda sponsa praemiserat, ita nunc pro deducenda Ioannem Varadien. et Rudolphum Wratislauien. episcopos destinauit; quorum alterum de faciendis apparatibus ita praemonuit: (c) — „Cum „ 25. equitibus P. vestra rem taliter disponat et ordinet,*

(a) Hist. Cr. T. XVI. p. 16.—36. (b) Dec. IV. Libr. IV. p. 604. (c) Ep. Coru. P. IV. n. 12. p. 22.

„ordinet, vt tam honori maiestatis nostrae, quam
 „etiam P. vestrae conueniat. — “ Bonfinius Beatri-
 cem *forma habituque Venerem, Dianam pudicitia,*
et sapientia eloquentiaque Palladem vocat. (a) Pala-
 tini comitis legatus, praesens his rebus, indicat,
 (b) Beatricem Albamregalem 10. Decembris addu-
 ctam, 12. mensis eiusdem coronatam, 15. Budam
 deductam, 22. Decembr. inter missarum sollemnia sa-
 cris ceremoniis cum Mathia copulatam fuisse. Dlu-
 gossus igitur errat; dum Beatricis aduentum *in diem*
S. Lucae; nuptias autem *in diem dominicum sequen-*
tem, seu 20. Octobris, collocat. (c) Ad eas certe
 condecorandas vno mense tardius Bartsenses inui-
 tati sunt, litteris datis (d) *Budae, in festo S. Cle-*
mentis papae, A. D. 1476. Haec hilaria tam obi-
 tus Pongratzii, vaiuodae Transsiluani, quam Tur-
 carum in Seruiam et Daciam irruptio turbauit ac
 funestauit. *Tota fere Hungaria,* scribit Bonfinius,
 (e) *ad regaliū nuptiarum celebritatem sane conue-*
nerat: quod quum Turcus aperte sensisset; tempus con-
silio suo nactus idoneum, 40. clam hominum millia
ex Europa mira celeritate coegit: et dum regem cum
tota Pannonia nuptiis occupatum esse intelligit; ex-
templo tria castella, quae ad Sinderouiam Mathias
erexerat, rigente bruma; circumuenit. Quum sae-
uitia frigoris non modo fossae, aqua completae, sed
Danubius quoque constitisset; incenso vallo, moeni-
busque ligneis, sine magno negotio imposita Panno-
rum praesidia oppugnauit. Illi, desperata salute,
seditionem fecere; et saluis corporibus et im-
edimentis ab hoste dimissi sunt. — Quum dirus ho-
stis

(a) Dec. IV. Libr. IV. p. 607. (b) Ap. Schwandt. T. I.
 p. 519. (c) Libr. XIII. col. 549. (d) Ap. Wagn. Dipl.
 Sarot. p. 129. (e) Dec. IV. Libr. IV. p. 608.

stis stratum adhuc glacie Danubium conspiceretur, et Transsiluanos Valachosque ad nuptias quoque confluxisse per exploratores intelligeret; cum expeditissimo 30. millium equitatu Daciam inuadit: et longateque vagatus; mox populata incensaue provincia. ex omni aetate ac utroque sexu 40. hominum milia hinc abegit. (a)

A. C. 1477. Math. 20. Ind. 10. P. 6. A.

CCXCIX. Non in ea Daciae parte, quae Transsilvaniae, sed quae Moldauiae respondet, haec acta fuisse, patet ex iis Mathiae litteris, quibus Stephanum Bathorium; contra hos Turcas, quum *sollemnitatem nuptiarum celebrasset*, missum, remuneratur. „Turcorum imperator, *inquit*, (b) qui „Christiano sanguine satiari nequit, nostram sentiens occupationem, — — provinciam nostram „Moldauiae, cum ope et adiutorio perfidi Bozarad, vaiuodae partium Transsilpinarum regni nostri, — subintrauit, et totam eam ferme provinciam ditioni suae subiugauit: cui quum propter praefatas curas et occupationes nostras subito personaliter occurrere et obuiare non poteramus; — ipsum C. Stephanum — elegimus, — qui — praefatum Turcorum imperatorem in turpem fugam conuertit, provinciamque ipsam liberam et nobis pacatam reliquit. Tandem vero, „fugato et expulso de Moldauia ipso Turcorum „imperatore; de nostra commissione et speciali „mandato, se et gentes suas aduersus praedictum „perfidum Bozarad vaiuodam et provinciam Trans-

„alpinam

(a) Hist. Cr. T. XVI. p. 39. — 71. (b) Ap. Pray Diss. VII. p. 148.

„ alpinam conuertit, ibique ipsum Bozarad — pro-
 „ fligauit; — et alterum vaiuodam, quem nos
 „ elegeramus, in eadem prouincia fideliter reliquit.“
 Hæc ostendunt, Mathiam post taedas nuptiales ar-
 morum studium non exstinxisse; neque Martium et
 heroicum animum Turcas persequendi posuisse; quam-
 uis, quod alibi belli faces accensæ sint; minus
 eos armis laceßere, quam voluisset et debuisset,
 potuerit. Cur autem a Turcarum imperatore bel-
 lum ad Romanorum imperatorem transtulerit; Bon-
 finius tribus fere philyris per coniecturam propo-
 nit. (a) At ipse Mathias in litteris, vt vocant, *dis-*
fidatoriis, has potissimum causas exprimit: (b) *I.*
 quod contra conditiones induciarum, „ nobiles,
 „ *inquit*, sub protectione nostra existentes, qui
 „ in illis ipsis treugis inclusi fuerunt, durante treu-
 „ ga, inuasit. — *II.* In regno nostro Hung. per
 „ gentes suas hostilem direptionem fecit. — *III.*
 „ Quum omnibus — manifestum sit, nos — con-
 „ tra Turcas pro defensione fidei arma suscepisse;
 „ — ipse D. Imperator — onus tam sanctum et
 „ publicum, quod nos humeris nostris suscepimus,
 „ iniuriis — nos laceßendo, intermittere compellit.
 „ Super quibus omnibus nos — protestamur, —
 „ vt, siquid nos, iniquo iniustoque bello laceßiti,
 „ — pro nostra et regni nostri defensione, inter-
 „ misso fidei negotio, facere cogimur; non nobis,
 „ qui pacem potius, quam discordiam semper ama-
 „ uimus; sed illis, qui nos laceßunt, coram DEO
 „ et hominibus imputetur.“ (c)

CCC.

(a) Dec. IV. Libr. IV. p. 608. (b) Ap. Pray Ann. P. IV. p.
 107. (c) Hist. Cr. T. XVI. p. 71.—91.

CCC. Pluribus iam literis Mathias antea testatus fuit, ad bellum aduersus imperatorem inuitum se trahi. Quum anno superiore querelas Nicolai Zech et Ladislai de Kanisa Friderico perscripsisset, propter iniurias, ab Austriacis illatas; „ etiam, *subiicit*, (a) regni nostri nobiles in captiuitatem abduxerunt: castrum Köszögh et alia loca ex comitatu occuparunt: — trecentos, qui ad pecuniam, pro defensione regni per vniuersos praelatos et barones nobis decretaliter colligendam, missi fuerant, — interceperunt cum multis millibus aureorum. — — Nos equidem nollemus profecto M. vestram — offendere; — verum, si M. vestra illas enormitates ad plenum rectificare, vel suos deinceps a talibus prohibere non curaret; sola bene considerare posset, si tot et tantas nobis et subditis nostris *illatas* iniurias — possumus de cetero cum opprobrio nostro sine compensatione tolerare. “ Non leuis quoque belli causa fuit Ioannes Alemannus, Strigonien. archiepiscopus, quem perhibet Bonfinius, (b) *aut ab imperatore seductum, aut regis metu, in cuius suspicionem inciderat, corrasa suppellectili ac multo auri pondere, in Austriam ad caesarem effugisse; ibique Salzburgenfi archiepiscopatu a caesare donatum esse.* Hic, vt Dlugossius scribit, (c) *Poloniae regi Casimiro per Andream Oporovszki, episcopum Varmiensensem, intimauit: — „ acquissimo animo, si Hungariam Poloniae rex a tergo inuaderet; proceres Hung. laturos.* “ Alium Varmiensensem episcopum, Nicolaum Thungen, foederibus inclusum, a Casimiro tamen, quod Mathiae fauisset, sede motum,

Mathias

(a) Ep. Corn. P. IV. p. 33. (b) Dec. IV. Libr. IV. p. 604.

(c) Libr. XIII. col. 549.

Mathias in suam rursus protectionem recepit, (a) *indictione 10. die vero mensis Martii 12. anno dom. 1477.* Sicut autem Casimirus Thungenium, ita Fridericus quosdam Austriacos, Mathiae partibus addictos, licet eius foederibus inclusos, inuasit, ac ex Austria bonis multatos exegit. De hac iniuria questus Mathias, litteris ad Austriacos, ad Fridericum ac ad imperii principes datis, ulterius belli causas exposuit, quas Fridericus refellere conatus est, (b) *Viennae, 26. die mensis Iunii, anno 1477.* Retorquet nempe criminationes in Mathiam, quod rebelles Austriacos fouerit; in tractatibus numquam sinceram mentem et constantem animum habuerit; a pactis initis ipse numquam Hungariae bellum intulerit; ad auxilia contra Turcas ferenda paratus fuisset; *si ipse fructuose aduersus eos arma et potentiam suam conuertisset.* — *Tempore sui regiminis paene dimidium regni — ab infidelibus sibi ademptum est, atque amisit.* An id verum sit, cuius patet. (c)

CCCI. Nullum haec apud Hungaros pondus habebant, quod non ignorarent, Fridericum suspicionibus suis multum indulsisse, resque leuiculas nimium exaggerasse, quum in Mathiam belli causam transferre conabatur; nec idoneis excusationibus usum fuisse, cur Bohemiae titulum Mathiae negasset. Mathias, non ignarus, Bohemiae Poloniaeque reges arma contra se pro Friderico sumturos; ne quid a tergo timendum esset, quum in Austria bellum gesturus erat; et cruciferos Polonis hostes

(e) Ap. Dogiel T. I. p. 75. (b) Ap. Pray Ann. P. IV. p. 109. (c) Hist. Cr. T. XVI. p. 93. — 104.

hostes opposuit, et in ipsa Polonia, praeter Nicolaum Komorovszkium, alterum etiam Nicolaum, Varmiensem episcopum, in suas partes pertraxit. (a) Qua de re quum postea Casimirus per oratores suos ita questus fuisset: (b) „Male fecisse regem „Mathiam, quum episcopos Poloniae aduersus „regem concitauerit pecuniaque iuuerit; *Respondit*: Honestus est error magnos duces sequentibus. — Iunior ego seniore Poloniam regem, ut „magistrum, sequutus hac in re sum: — *qui* — „praelatos potentissimos regni mei non modo aduersum me inanimauit; sed maximo iuuit exercitu.“ Mathias igitur, prouide bellum auspica- tus, castris Iaurino motis, postquam exercitum 17. millium in Austriam infudisset; teste Bonfinio, qui prae Dlugosso conuiciatore hic audiri meretur, (c) *uno die 14. oppida, quae in Viennensi agro sita, urbem in coronae speciem circumstant, ultro sese regi dedidere. — Et haec facta deditio ita Viennensibus commeatus inhiuit, ut ad extremam famem perbreui redactura videretur.* Hinc iam prius imperator Crembsium se contulit, ut anonymus synchronus ait, (d) *2. fer. prox. post Iacobi anno 1477.* Hic auctor, post Neoburgi, Tulnae castrorumque 72. deditionem, ait, ipsum Crembsium, vnde Fridericus iterum fugere debuit, ab Hungaris obsesum fuisse. Sub hac obsidione Paullus Kinisius abbatem Zuetlensem ad praestandum Mathiae fidei sacramentum idemtidem adhortatus est. (e) *Datum in loco campestri circa expugnationem ciuitatis Crembs, anno dom. 1477. fer. 6. ante fest. Simonis et Iudae.*

Item

(a) Dlug. L. XIII. col. 555. (b) Ap. Galeot. Mart. cap. IV. p. 250. (c) Dec. IV. Libr. V. p. 616. (d) Ap. Linck Ann. T. II. p. 250. (e) Ibid. p. 252.

Item *fer. 6. post Leonhardi*, seu 7. Nouembris. Huius obsidionis et Bonfinius meminit ac subiicit: (a) *Paullus ac ceteri vexillationum praefecti expeditos equites finitimos late infestare iubet.* — *Diri belli rumor per Germaniam repente diffunditur: caesaris omnes auaritiam, morositatem et pertinaciam incusant; execrantur negligentiam.* Neque Dlugossius hanc armorum Mathiae felicitatem negat. *Omnen*, inquit, (b) *Austriam a montibus Pannonicis usque ad montes Bauariae peruagatus, omnia fere castra, oppidula et pagos — suae ditionis fecit.* Aliquam tamen Mathiae notam inulturus, ait, a Viennensibus, in obsidentes Hungaros erumpentibus, tot interceptos fuisse, *ut, maximo numero eorum undis suffocato, aut fame extincto, ergastulorum illos latitudo non caperet.* Quasi vero Mathias tanto numero copiarum Viennam, quanto Casimirus Wratislauiam, obsedisset; tantusque hic numerus, quantus illic, obsidentium intercipi potuisset. Frustra socium illius ignominiae Mathiam facere hac arte conatur. (c)

CCCII. Fridericus, tot undique cladibus acceptus, opem inter alios etiam Poloniae regis implorabat; sed prouidentia Mathiae regis, inde cruciferos, hinc Thungenios et Komorovszkios eidem oppositis, illum domi fixit. Fridericus igitur pacem cum Mathia facere coactus est, *sub turpibus his conditionibus*, ut Dlugossius refert: (d) „ Vt „ Fridericus caesar a iure et titulo regni Hungariae „ perpetuo cedat et se abdicet: altera regalia super „ regno Bohemiae Mathiae regi det: et 180. florenorum millia eidem soluat: et Hung. rex Mathias

H h 2

(a) Dec. IV. Libr. V. (b) Libr. XIII. col. 562. (c) Hist. Cr. T. XVI. p. 104.—123. (d) Libr. XIII. col. 563.

„ thias interim castra et ciuitates, in Austria con-
 „ quisitas, teneat. — “ *Et licet Fredericus caesar*
duas condiciones impleuisset, a iure et titulo regni
Hung. recedendo, et dando altera regni Bohemiae
regalia; centum tamen octoginta millium solutionem
— implere non potuit. Tam Bonfinius, quam Ge-
 rardus de Roo 150. millia numum aureorum a
 Friderico Mathiae dependenda fuisse scribunt. Ta-
 bulae tamen pacis, a Mathia confectae (a) in Cor-
 neuburg, die prima Decembris, anno MCDLXXVII.
 100. millium florenorum dumtaxat meminerunt:
 sed quia lacunis illo loco scatent; incertum est,
 an non 50. millia sint illic oblitterata. Quia vero
 mancum est hoc instrumentum, nec satis constat,
 quid in eo sit omissum; erroris inde Dlugossus red-
 argui non potest, quod illic non innuatur, quod
 ipse testatur, *Fridericum caesarem a iure et titulo*
regis Hung. recessisse. Quod quidem non tantum
 alii scriptores Polonici, Michouius et Cromerus, sed
 etiam Austriacus, Gerardus de Roo, confirmant.
 Mathiam Corneuburgi longiores moras traxisse, di-
 scimus ex eiusdem litteris, 22. Decembris ad Hun-
 gariae SS. et OO. datis, quibus in 14. Febr. co-
 mitia Budam sic edixit: (b) „ — Intelligere potuit
 „ fidelitas vestra, quanta ser. D. imperator, vna
 „ cum primogenito regis Poloniae, — contra re-
 „ gnum nostrum moliebatur. — Propter quod nos,
 „ tantis iniuriis et periculis imminentibus prouoca-
 „ ti, etsi prius omnes condiciones pacis obtuleri-
 „ mus, non vltro, sed coacti, ipsis occurrimus;
 „ et, DEO opitulante, ac vestris subsidiis inter-
 „ teruenientibus, ea, quae hostis noster in terra
 „ nostra

(a) Ap. Pray Ann. P. IV. p. 114. (b) Ap. Kapria. P. I.
 p. 306.

nostra agere volebat, in terris suis perfecimus
 et ipsum ser. imperatorem — ad tales articulos
 pacis deduximus, vt amodo in posterum regnum
 nostrum ex isto latere sit perpetuam pacem ha-
 biturum. — Quia autem, his peractis, adhuc su-
 persit differentia regni Bohemiae; — statuimus
 etiam illi rei ita prouidere, — vt post tot labo-
 res et impensas etiam de statu illius regni aliquid
 concludatur. — Quare fidelitates VV. — duos ex
 vobis — Budam ad festum B. Valentini — trans-
 mittere debeatis. — Datum in Korneuburg, ser.
 2. prox. ante fest. natiuitatis domini, anno eius-
 dem 1477. Ibidem sexto post die prioratum
 Auranae, quem Nicolaus Ujlakius, rex Bosniae,
 prius obtinuerat, post eius obitum Bartholomaeo
 de Sz. György contulit. (a)

A. C. 1478. Math. 21. Ind. 11. P. 22. M.

CCCIII. Comitibus Budae celebratis, perlati sunt
 articuli XV. hoc ordine: (b) I. Subsidium vnus
 floreni a singulis portis offertur. II. Subsidium
 floreni offertur in subsequentes annos 5. III. In-
 tra 5. annos regnicolae in expeditionem ire non
 teneantur. IV. A contributione qui eximantur.
 V. Nobilis ex comitatu dicatori adiungatur. VI.
 A militibus nobiles et pauperes coloni non op-
 primantur. VII. Iudicia generalia non celebren-
 tur, nisi in certis comitatibus. VIII. Occupato-
 res bonorum euocentur. — IX. Rex ad simplicem
 querelam nullius bona occupari permittat. X. Rex
 neminem sine consilio suorum consiliariorum ca-

Hh 3

ptiuet

(a) Hist. Cr. T. XVI. p. 123—139. (b) Corp. Iur. Hung.
 T. I. p. 227.

„ ptiuet. — *XI.* Iudicia octaualia in sede banatus
 „ Machouiensis non celebrentur. *XII.* Euocatio-
 „ nes breues. — *XIII.* Quater in anno iudicia
 „ celebrentur. *XV.* In decimando seruetur antiquus
 „ mos. — Datum Budae, — in dominica *Quasi mo-*
 „ *do geniti* (29. Martii) an. dom. 1478. “ Mathias,
 bellorum iam satur, pacis consilia cum Wladislao tra-
 ctabat, missis Brunam 15. Martii legatis. *Pax*, in-
 quit Diugossus, (a) — *primum ad festum S. Iac-*
bi ap. et exinde ad festum S. Michaelis arch. stabili-
ta est. — *Quae tandem conclusa et litteris utriusque*
regis firmata est, sub his conditionibus : „ Vt vter-
 „ que se Bohemiae regem scribat: apud Wladislaum
 „ vniuersa Bohemia integre et electoratus; — apud
 „ Mathiam vero Morauia, Slesia et Lusatia et sex
 „ ciuitates remaneant: si prius Mathias diem ob-
 „ ierit; Wladislaus teneatur regno Hung. 400. mil-
 „ lia flor. soluere, et Morauiam, Slesiam, Lusatiam
 „ rehabere: — Si vero, pignore non suscepto, ex-
 „ cesserit; Mathias in regnum Bohemiae succedet,
 „ et regnum Boh. erit liberum a 400. millium flor.
 „ solutione. “ Pacis tabulas, nonnihil interpolatas,
 Raynaldus ad hunc annum plenius exhibet, quas
 anno sequente reges fusius exponent. Quominus
 pax, cum imp. Friderico regeque Wladislao iam
 composita, cum Casimiro, Poloniae rege, coalesce-
 ret, impedimento fuerunt foederati Mathiae, Thur-
 genius et cruciferi Prussiae, quos, a Casimiro lacef-
 fitos, Mathias destituere noluit, induciis tandem
 ad festum vsque purificationis conclusis. Interea
 Veneti, dum Mathias Austriaco bello distineretur,
 a Turcis ita premebantur, vt ignominiosam cum
 illis pacem confecerint. De hac Mathias certior
 redditus

(a) Libr. XIII, col. 569.

redditus, datis ad Ioannem Arragonium cardinalem, Beatricis fratrem, litteris, acerbè questus est (a) Graüter etiã de tributo pendendo Quinqueecclesiense capitulum admonuit. (b) Nihil autem iuris amisit ex vltimis tabulis Catharinae reginae, Stephani Thomae, Bosniae regis, viduae, quae non anno 1458. sed 1478. mortua, Bosniam ecclesiae Romanae transcripsit; nec enim illa fiduciario iuri, quo reges Hungariae Bosniam obtinebant, derogare potuit. (c)

A. C. 1479. Math. 22. Ind. 12. P. 11. A.

CCCIV. Mathias, in bellum Turcicum intentus, ne cum pluribus hostibus eodem tempore certare viresque suasque distrahere cogeretur, pacem, cum Bohemis inchoatam, stabilire, nouam cum Polonis sancire constituit. Primum igitur effecit, vt Siradiensis conuentus festo pentecostes, seu 30. Maii, haberetur, ad quem tam Mathias duos legatos mitteret, quam magister cruciferorum et Nicolaus Thungen comparerent. Induciarum, interim conclusarum, tabulas exhibet Dogielius, (d) a Mathia confectas *Budae, fer. 6. ante dom.* Ramis palmarum, *anno dom. 1479.* Conuentu hoc ad festum S. Bartholomaei dilato, Mathias alium interim Olomucii cum Wladislao celebravit, pacemque, cuius fundamenta iam anno superiore iacta sunt, confirmavit, ac latius explicuit. Adduxit illuc secum 2. Iulii Beatricem coniugem ac Ferdinandum, eius fratrem, iunctisque cum Wladislao dextris, laetissi-

H h 4

lima

(a) Ep. Coru. P. IV. n. 29. p. 62. (b) Ibid. P. III. n. 50. p. 97. (c) Hist. Cr. T. XVI. p. 132.—183. (d) Cod. Dipl. T. I. p. 27.

sima tam illi, quam eius comitibus conuiuia 15. diebus exhibuit. De magnifico Coruinianae supellectilis apparatu conuiuique splendore non tantum Bonfinius, (a) et Turotzius, (b) sed etiam Dlugosus, licet alias eidem infestus, testimonium ita perhibet: (c) *Discessit autem uterque rex die Veneris, penultima mensis Iulii, ex Olomucz ad propria, datis inter se muneribus magnificis. Sub quo quidem uniuerso tempore Wladislaus B. R. et sui omnes splendide, opipare et abundanter in singulis fuerunt prouisi et tractati Hungariae regis Mathiae munificentia et liberalitate.* Prolixas foederis stabiliti tabulas Dobnerus exhibet, (d) *datas in ciuitate Olomucensi, 21. die mensis Iulii, anno dom. 1479.* Recitat simul Wladislai litteras, quibus praeteritorum perpetuam obliuionem ac plenam amnestiam constituit. (e) Praecipua compositae cum Wladislao pacis caussa sic illic exprimitur: „Vt, scilicet eo „liberius Wladislaus et ipse Mathias, mutuis dis- „sensionibus et hostilitatibus liberati, rebus Chri- „stianis intendere valeant.“ Maiores enim in dies progressiones Turcae contra Christianos faciebant; dum mutuis odiis et armis Christiani principes inter se decertabant. (f)

CCCV. Hostis barbarus, Olomucensi quoque conuentu suam in rem usus, ingentem, ut Bonfinius scribit, (g) *expeditissimumque exercitum in Vngariam excursare iubet. — Transmisso iam Sauo,*
30.

(a) Dec. IV. Libr. V. p. 627. (b) Chron. P. IV. cap. 67.

(c) Libr. XIII. col. 583. (d) Monum. T. IV. p. 449.

(e) Ibid. p. 456. (f) Hist. Cr. T. XVI. p. 184.—220.

(g) Dec. IV. Libr. V. p. 629.

30. *Turcorum millia in Draui repente ripa confedere : — ad castrum usque ferreum et ad Stiriam Rachor-spurgumque decursant : 30. hominum millia cum ingenti praeda secum abducunt.* Mathias, praemissis quibusdam praefectis, ipse cum exercitu sequutus, ultra Iaitzam castra posuit. *Hinc expeditissima 16. hominum millia sunt emissa, quae Turcos cum praeda persequerentur.* Hi quidem oppressis repente Turcis praedam excusserunt; sed ab iis rursus inuasi, ne praedas amitterent, legnitus pugnarunt, cladem accepturi, ni 300. Croatae succurrissent, unitisque viribus Turcas in fugam egissent. Aliud eodem anno praelium multo felicius cum Turcis in Transsilvania commissum est, quod male Bonfinius in annum sequentem differt. Mellicense chronicon paucis eiusdem ita meminit: (a) *MCDLXXXIX. septem castrenses prosternunt Turcorum fere 32. milia in festo S. Colomani.* Inscriptio Coronensis idem tempus his verbis assignat: (b) *1479. Stephanus Bathor, uaiuada Transsilvaniae, 65. millia Turcarum in campo Roinyer (Kenyér) prostravit in festo Colomani.* Dlugossus vna die tardius, *14. mensis Octobris*, inquit, (c) *Turcorum exercitus maximus, ad 100. millia aestimatus, — in terram septem castrensem — ingressus, 5. capitaneos — habebat.* Hanc pugnam Bonfinius in plures paginas diducit, Mathiaeque prouidentia Turcis, quos Alibegus ductabat, Stephanum Bathorium et Paullum Kinisium oppositum esse scribit. (d) *Consertis in Kenyér-mező manibus, Bathorio iam 6. vulneribus sauciato, Kinisius accurrit, pugnamque feruere conspiciatus,*
edito

(a) Ap. H. Pez. T. I. col. 267. (b) Ap. Schwandt. T. I. p. 886. (c) Libr. XHI. col. 526. (d) Dec. IV, Libr. VI, p. 635.

edito ingenti clamore, una cum tubarum clangore coniuncto, in Turcos irruit, — duplici accinctus gladio, veluti leo rugiens, multo cruore usquequaque grassatur. — Tum geminatis viribus animisque intonuit. „ — Vbi, Bathor es, inquit, „ vbi castae castitatis specimen? — Si vivis „ adhuc; responde. — Sum Paullus pro te, „ pro patriae salute, ad vtramque fortunam expectissimus. — Adsum, inquit, mi Paulle, adsum: „ adhuc vivitur. “ Mox igitur Kinisius collegae turmam praesenti morte liberat. — Turci, quum fronte tergoque se occlusos intellexere, — diffugiunt. — Alibechus, habitum linguamque iuxta mentitus, — in parva casula ea nocte delituit. At ubi illuxit, conscenso equo, „ abi, pastor, inquit, ad vaiuodam, „ et te Alibechi hospitem fuisse, nunciato. “ — Victoribus super cadauera hostium coenantibus, Paullus, saltare iussus, — medium sublimemque caesum hostem, humo porrectum, dentibus sine ullo manu adminiculo plane corripuit: mox in orbem, admirantibus potius, quam ridentibus spectatoribus, numerose saltavit. — Ex Vngaris 8000. desiderata; ex Turcis 30. circiter millia caesa; quin et per acclivia montium loca passim caesarum ossa spectantur. Hanc victoriam etiam Mathias ad Sixtum pontificem perscripsit, (a) Budae, 22. die mensis Octobris; litteris aliis ad card. Gabrielem, episcopum Agriensem, datis, questus de maiore pontificis in Venetos, quam in se studio. Quam criminationem cardinales diluerunt; (b) testati, nullum principem Christianum tenerius et dulcius ab ipsa sua sanctitate diligi, quam ipsum Mathiam, qui tamen que-

relam

(a) Steph. Balluz. Misc. T. I. p. 502. (b) Ep. Coru. P. IV. n. 26. p. 47.

relam repetiit propter ius patronatus a pontifice turbatum. (a)

A. C. 1480. Math. 23. Ind. 13. P. 2. A.

CCCVI. Eodem tempore, quo Bathorius illustrem de Turcis victoriam in Transsilvania reportavit; Mathias inter Polonos et cruciferos opera suorum legatorum pacem conciliauit. Ad septemtriones igitur ab hostibus liber, vires omnes in Turcarum imperatorem convertere potuisset: nisi Romanorum imperator his eius conatibus obicem posuisset, ac in se bellum hoc auertisset, cuius causas ita Bonfinius refert: (b) *Romanorum imperatorem crebris litteris ac multis legationibus orauerat: „ vt „ pacta praestaret; promissa persolueret; 150. aureum millia, iam diu exacto tempore, penderet. Viennenses, audiuerat, 100. millia caesari, collata stipe, dedisse: illum, avaritia peruicacia, que correptum, nihil esse soluturum. “ Quare, veluti cum eo sibi conuentum fuerat, pacti iure abnegatas bello pecunias repetere omnino censebat oportere. Pacti enim tabulae hanc cautionem habent: „ Quod si dicta summa — non solueretur; „ libera sit regia maiestas illam quocumque modo „ requirere cum omni damno et interesse. “ Hoc, inquit Bonfinius, (c) octuagesimo anno, ductu auspiciisue Coruini, ubique prospere pugnatum est. Nam in Stiria, Februario mense, Petouia, Regede et pleraque oppida caesaris expugnata. Petouia Iacobi Zekel astu et copiis — in regis ditionem venit. Nec minore quidem calliditate C. Stephanus — Rakosburgum*

(a) Ibid. p. 52. Hist. Cr. T. XVI. p. 221. — 252. (b) Dec. IV. Libr. V. p. 630. (c) Ibid. Libr. VI. p. 633.

kosburgum occupauit. Hanc urbem 6. Martii iam obsessam fuisse, patet ex his litteris, a Linkio relatis: (a) „ Exercitus Vngaricus quamdam in Stiria „ caesaream obsedit ciuitatem, nomine Rakospuruam; „ caesar vero in Neapoli sua moratur. — Dat. Vien- „ nae, anno dom. 1480. fer. 2. post *Oculi*.“ Fri- „ dericus, Neostadio Viennam profectus, litteris ad imperii principes et ad diuersa loca datis 20. et 23. Martii, querelis contra Mathiam, quasi foedera prior rupisset, Germaniam impleuit. Mathias ad has illius criminationes ita respondit: (b) „ Certi- „ ficati sumus, caesaream M. nouis rursus crimina- „ tionibus apud vos et S. R. I. principes nos im- „ petere, quasi nos inscriptionibus mutuis contra- „ uenissemus, — quod nuper oppidum Rakospur- „ gum, nulla prorsus diffidatione maiestati suae „ praemissa, fecimus expugnari. — Respondemus, „ nobis non licuisse M. suam diffidare. Nam, si „ id fecissemus; directe contrauenissemus inscriptio- „ nibus mutuis, quibus cauetur: *ut, quandocum- „ que caesarea M. promissa sua de solutione, nobis „ debita, non compleret; liceret nobis nostra quo- „ cumque modo requirere, cum omni damno et in- „ teresse, sine ulla iniuriae pacis et concordiae offen- „ sione; et propter hoc mutua inter nos amicitia „ solui non deberet.* Quum igitur nos frequenter „ et saepius M. suam monuerimus de solutione, „ nobis facienda; ipsa vero pertinaciter id facere „ neglexerit; nos post debitum solutionis terminum „ ultra annum et longe amplius M. suam exspe- „ ctantes, — diffidare noluimus, ne primi daremus „ occasionem amicitiae, inter nos violandae. Ve- „ rum denunciauimus saepius per litteras et nun- „ cium

(a) Annal. Clav. T. II, p. 260. (b) Ex MSS. Wagnerianis.

cū maiestati suae, quod nobis oporteret, iuxta formam inscriptionis, nostra, quibuscumque possimus modis, requirere. — Dat. Budae, 13. die mensis Apr. anno dom. 1480. “ Lentius tamen hoc anno bellum Mathias contra Fridericum gessit; quod partem copiarum ad occupandam Vegliam, a Martino Frangepanio, liberis orbato, sibi legatam, contra Venetos miserit, qui tamen eam eripuerunt; partem autem in auxilium soceri contra Turcas, qui Hydruntum occuparunt, destinauerit. (a)

A. C. 1481. Math. 24. Ind. 14. P. 22. A.

CCCVII. Antequam Mathias de Hydrunto capto certior factus fuisset; a Venetis, qui probrosam cum Turcis pacem composuerant, destitutus, imperii principes in communem armorum contra Turcas societatem inuitavit, (b) *de Turcorum ingenti potentia, de illorum insatiabili cupidine Christi fidelibus dominandi, deque prouidendi, ne talia eveniant, celeri necessitate*, per suos oratores illos edocendo. Non expectatis horum auxiliis, audita Hydrunti iactura, 700. milites ad socerum contra Turcas iuuandum, duce Blasio Magyar, se mittere, Francisco Fontanae per litteras significauit. (c) Interim ab ipso socero rogatus, ut 1200. leuioris armaturae milites ad se transmitteret; respondit, se iam 700. praemisisse, pluresque dehinc missurum esse, si necesse fuerit. (d) Ex his ad card. Agriensem scripsit fuisse (e) 400. *pedites*, 300. *equites*; ex quibus 100. erant *armigeri*, 200. vero *buszarones*.

(a) Hist. Cr. T. XVI. p. 260.—292. (b) Ap. Freher. ad an. 1481. (c) Ep. Corn. P. IV. n. 40. p. 99. (d) Ibid. n. 44. p. 111. (e) Ibid. n. 95. p. 262.

nii prorogatae sunt. Licet autem induciarum infractarum praecipuus auctor profugus ille metropolita fuerit; illi tamen Mathias, intuitu pontificis, Iaurinensem episcopatum cum titulo metropolitae Strigoniensis obtulit, datis ad Asculanum ea de re litteris. (a) Numquam tamen istum ad priorem dignitatem reponendum his verbis declaravit: „Nos „ nequaquam volumus habere serpentem in gre- „ mio; neque viperam ad latus nostrum retinere.“ Ioannem igitur Arragonium, Beatricis reginae germanum, ad metropolim Strigoniensem eius loco destinavit; (b) cui Petri, Colocensis episcopi, confirmationem vrgendam, tum etiam archiepiscopo Patracensi, (c) hunc autem pro cardinalicia dignitate pontifici commendavit. (d) Quia Mathias Simeonem istum, Patracensem archiepiscopum, suum in curia Romana fautorem fore sperabat; ad eum promouendum opem etiam expetiit cardinalis S. S. Petri ad vincula, (e) nepotisque pontificis, C. Hieronymi. (f) Tantam eorum, quorum virtutem et dexteritatem perspexit, promouendorum curam Mathias habuit. (g)

CCCIX. Mathias, a sacris bellicisque curis ad politicas tantisper conuersus, ordinibus regni comitia Budam indixit, ibique decretum, ordine quintum, XVII. articulos complexum, qui potissimum de decimis agunt, condidit, e quibus ita habet, (h) „ *Art. I.* Decimae de quibus rebus exigantur. „ *II.* Ad nobiles — propter rusticos, decimas sol- „ uere

(a) Ibid. n. 55. p. 135. (b) Ibid. n. 39. p. 96. (c) Ibid. n. 41. p. 103. (d) Ibid. n. 51. p. 126. (e) Ibid. n. 76. p. 190. (f) Ibid. n. 74. p. 187. (g) Hist. Cr. T. XVI. p. 321.—349. (h) Corp. Iur. Hung. T. I. p. 230.

„ vere non curantes, ecclesiasticum interdictum non
 „ imponatur. *III.* Rasciani ad decimas soluendas
 „ non tenentur. — *IV.* Christiani, societatem cum
 „ Rascianis contrahentes, ex portione tantum sua
 „ decimam soluant. *V.* Quod pro vno aureo 100.
 „ denarii, et 14. capeciis vnus aureus exigatur. *VI.*
 „ Pro capitibus dicarum nihil exigatur. *VII.* De-
 „ cimatores vbi condescendere — debeant. *VIII.*
 „ Quod nullus praelatorum decimas suas arendare
 „ valeat. — *IX.* Interdictum ecclesiasticum ratione
 „ decimarum vsque festum purificationis non impo-
 „ natur. *X.* De modo dicationis decimarum. *XI.*
 „ Decimae cum grauaminibus consuetis exigantur.
 „ *XII.* Decimae secundum ordinationem, quam
 „ vnusquisque habet cum praelato, exigantur.
 „ *XIII.* Poena iniuste conquerentium regiae maie-
 „ stati ratione decimarum. *XIV.* Generale iudi-
 „ cium vsque ad festum S. Martini non celebre-
 „ tur. *XV.* De donationibus iurium possessionario-
 „ rum. — *XVI.* Capitulorum et conuentuum de
 „ testimoniis. — *XVII.* Citationes et monitiones
 „ non generales — dentur ab ecclesiasticis iudici-
 „ bus. — Dat. Budae, in festo diuisionis apost. lo-
 „ rum, anno dom. 1481.“ Regio fauore Silesitas
 quoque complexus, quum intellexisset, Wratisla-
 uienfes in Hungaria nimis vectigalibus onerari; co-
 mitis Budensibus absolutis, eorum indemnitati con-
 sultit; (a) *Budae, sabb. prox. post fest. B. Annae,*
matris MARIAE, an. dom. 1481. Ex quadrage-
 nis Mathiae litteris, quas in critica historia recita-
 mus, magnam quidem lucem res huius temporis
 accipiunt; maiorem tamen accepturae, si certas
 tem-

(a) Ex MSS. Cornidesiensis.

temporis notas vel adscriptas, vel melius confignatas haberent. His enim omissis, certus ex iis ordo rerum gestarum erui non potest. Omnes tamen praeferunt magnum Mathiae studium Turcarum potius, quam Romanorum imperatorem armis inuadendi. Spem bonam ad id agendum obtulit, quod, postquam Mahometes, sub initium Maii mortuus, magno metu Christianos absoluisset; eius filii, Baiazetes et Zizimus, pro principatu mutuis armis inter se decertauerint. Sed enim optimam hanc occasionem Turcarum potentiam euertendi, qua Mathias usus per Kinisium magnas iis clades intulit, mutuis et ipsi Christiani dissensionibus corruerunt. In comitiis certe Norimbergensibus, agente Friderico, non contra Turcas, sed contra Mathiam auxilia decreta sunt. (a)

A. C. 1482. Math. 25. Ind. 15. P. 7. A.

CCCX. Etsi Spondanus cum aliis quibusdam opinetur et criminetur, Mathiam aduersus Fridericum non tam aequitatis et necessitatis causa, quam *ambitionis impotentia* bellum excitasse; si tamen tot eius epistolis expressa sensa consideremus; dubitare non possumus, illum ad tuenda sua iura vimque propulsandam arma corripuisse. Tantam certe fiduciam iustissimae suae causae habuit, ut iudicio pontificis omnem hanc controuersiam submiserit. „Mallet, *inquit*, (b) — vires meas, hoc praesertim tempore, — quum DEVS ex alto viam rebus Christianis aperuit, ad publicam Christianitatis salutem conuertere. Sciat igitur S. V. numquam

(a) Hist. Crit. T. XVI. p. 350.—436. (b) Ep. Coru. P. IV. n. 78. p. 203.

„ quam in me fuisse defectum, — quominus mo-
 „ nitis et exhortationibus S. V. quas ego, prout
 „ obediens filius, semper cum omni deuotione
 „ suscipio, paruissim; si alii quoque idem facere
 „ curassent: — me a iusto et honesto numquam
 „ retraxisse; immo et prius obtulisse me, — et nunc
 „ offerre pariturum iudicio S. V. quodocumque
 „ voluerit differentiarum causas ex vtraque parte
 „ cognoscere, et iustitiae meae sententiam exaudi-
 „ re. “ — Quatuor millibus sub initium anni huius
 in Austriam immixtis, cum exercitu toto, contra
 Turcas comparato, non prius Friderici prouincias
 inuadere voluit, quam certum ab illo responsum
 accepisset, quod per episcopum Theaniensem vrge-
 bat. (a) Postquam expertus omnia, nihil profecis-
 set; non iam velitationibus, sed totis viribus rem
 acturus, Friderico bellum aperte denunciauit. (b)
 Tantam autem animi moderationem praesetulit, vt
 etiam a bello iam indicto desistere se velle Thea-
 niensi significauerit: (c) modo Fredericus arbitrio
 pontificis acquiescere velit; nouisque litteris, ad
 pontificem datis, se potius pacis, quam belli cu-
 pidum esse declarauerit. (d) Postquam vero iam
 omnia media componendae cum Friderico pacis ex-
 hausisset et consumsisset; ad arma tandem, tamdiu
 nequicquam suspensa, prouolauit, primumque Ham-
 burgum, quod aditum in Austriam aperit, ad ictum
 destinauit. Reiectis 10. millibus, quae Fridericus
 ad soluendam obsidionem miserat, *oppidani tandem,*
inquit Bonfinius, (e) ab omni ope destituti, quum
extremam reformidarent inedia, et subsidia despera-
rent,

Ii 2

(a) Ibid. n. 92. p. 252. (b) Ibid. n. 93. p. 255. (c) Ibid.
 n. 94. p. 258. (d) Ibid. n. 86. p. 237. (e) Dec. IV,
 Libr. VI. p. 641.

rent, se se dedunt. Hamburgum igitur pridie kal. Octobris capitur. — Arx, quamvis dies aliquot propugnari potuisset, a praefecto tamen, acceptis tribus aureum millibus, regi traditur. Serius igitur Sixti litteras, quibus obsidionem Hamburgi dissuadebat, (a) 20. Nov. 1482. Mathias accepit; in quibus victoriae, de Turcis a Kinisio relatae, mentio rursus occurrit. (b)

A. C. 1483. *Marth.* 26. *Ind.* 1. *P.* 30. *M.*

CCCXI. Fridericus, Mathiam serio rem agere iam expertus, Alphonsum, Foroliviensem episcopum, in Hungariam ad pacem sollicitandam misit. Qua de re certior redditus pontifex, vehementer gauisus, imperatorem in concepto pacis studio confirmavit, (c) die 10. Jan. Quia tamen Fridericus ad aequas pacis condiciones adduci non potuit; Mathias armis id extorturus, quod iure non poterat, quamprimum per hiemis inclementiam licuit, Leytaeponto vim admoueri iussit. Stephanus David, inquit Bonfinius, (d) cui Házi cognomen erat, a rege cum praetorianis cohortibus delectisque huc equitibus primo tempore mittitur. — Iam quartus ab obsidione mensis agebatur, quum David, non minus ira, quam verecundia percitus, — primus completa fossa, murum conscendit. — Sex circiter horis pugnatum. Ungari tandem ingressi, urbe posuerunt. — Duodequadragesimo die praefectus arcis, media coactus, deditionem facit. Antequam Leytaepontum se dedidisset; Mathias ad plures imperii principes litteras

(a) Ap. Pray Ann. P. IV. p. 158. (b) Hist. Cr. T. XVI. p. 436.—460. (c) Ap. Rayn. ad ad. 1483. (d) De. IV. Libr. VI. p. 643.

litteras dedit, ac iniurias, a Friderico sibi saepius illatas, exposuit, ac petiit, ut subsidia sibi potius contra Turcas, quam illi contra se, mitterentur; ne destitutus Christianorum auxiliis, cum Turcis pacisci cogeretur. Iam enim Baiazetes, hostibus in Asia profligatis, in S. Sabae ducatum ac alias Christianorum terras arma conuertit. Interea Mathias Viennam, finitimis oppidis quaquauersum occupatis, tamquam membris amputatis, facilius subinde penetraturus, etiam ultra montem Caecium exercitum promouit, urbemque S. Hippolyti sui iuris fecit. Cardinales, has inimicitias intercepturi, Mathiam ad ineundam cum Friderico concordiam multis argumentis permouere conati sunt. (a) Ad id facilius obtinendum Sixtus pontifex Castellanum episcopum ad utrumque legatum misit, qui plenas Mathiae laudibus litteras ad illum idem dedit. (b)

„ Est, *inquit*, rex doctus, et cum gravitate et maiestate quadam dicendi. — Hic est rex indelessi animi, Martialis totus, nihil nisi bellicum cogitans. — In rep. Christiana neminem sibi comparandum inuenerit beatitudo V. (*cuius ore rex regum nominabatur*) — confundebar sane arguebarque, a seculari principe in his, quae ad diuinum cultum et animarum aedificationem attinent, superari. — Hunc regem si S. V. videret, quam gravitatem, quam prudentiam praesferat; quam suavi et graui eloquentia polleat; diceret, hunc Italiae et Latinae linguae semper incubuisse. — Regem hunc carum sibi teneat sanctitas V. In eo armorum praestantia, animi magnitudo et religio singularis. — “ His Budae 25.

I i 3

Octobris

(a) Ep. Corn. P. III. n. 52. p. 101. (b) Ap. Pray Ana. P. IV. p. 162.

Octobris datis, postridie Castellanus Visegradum deductus, triste de Hussitis, in Bohemia rursus tumultuantibus, nuncium accepit, ac ad pontificem perscripsit, (a) *ex Visegrado, paradiso terrestri, die 25. Oct. 1483.* Pontifex illico Mathiam, quem *malleum infidelium et haereticorum* appellavit, (b) ut Bohemiae regnum, *sibi subiectum*, defenderet, maloque huic occurreret, adhortatus est, *IV. Dec. MCDLXXXIII. pont. an. XIII. (c)*

CCCXII. Iusto metu percussus Mathias, ne Boemi haeretici, quorum latrociniis aegre prius maximisque laboribus et sumtibus Hungariam liberauerat, rursus in regnum irrumperent, cuius partes superiores quidam Perenii tunc infestas reddebant, ut his maioribus viribus resistere posset, oblatas a Baiazete quinquennales inducias non inuitus admisit. Causam oblatarum induciarum ita Baiazetes reddit: (d) „ — Rex sultanus, qui tempore patris „ nostri defuncti, nostro subditus erat imperio, „ nunc quoque ductus motiuo, a nobis se auer- „ tit, quem iterato nostra potentia subdere oportet. — “ Mathias item admissarum induciarum hanc rationem adfert: (e) „ — Quum nonnulli forent contumaces, qui nostris recusent parere mandatis, quos etiam nos corrigere opus „ est. — “ Qui vero hi *contumaces* fuerint; ex hoc eius ad Cibirnienses misso mandato colligi potest: (f) „ — Scitis, quales querelas alias non semel „ deposuistis coram M. nostra super illis maleficiis „ et

(a) Ibid. p. 169. (b) Ibid. p. 171. (c) Hist. Cr. T. XVI. p. 475.—524. (d) Ep. Coru. P. IV. n. 1. p. 1. (e) Ibid. n. 2. p. 2. (f) Ap. Wagn. Dipl. Sar. p. 190.

et enormitatibus, quae in libera via regni nostri
per quemdam Nicolaum Peren et suos — com-
mittebantur. — Commiseramus nuper — castrum
Ztrupko obsideri et expugnari. Sed quum ad ca-
strum Filek hominem nostrum misissemus, ut il-
lud similiter expugnarent, et spoliatis satisfactio
impenderetur, atque via regni nostri in totum
purgaretur; intelleximus, magnificum Stephanum
de Peren castrum illud subintrasse; atque inde
homines nostros bombardis et aliis machinis bel-
licis infestare; idque in contemptum maiestatis
nostrae machinari, ut ad castra Újvár et Sáros
homines externos atque forenses introducat. Quod
ne fiat — Dat. Budae, feria VI. prox. post fest.
R. Bricci (14. Nov.) anno dom. 1483. — Hoc
mandatum etiam ad castrum Terebes expugnandum
extendit, (a) *Budae, fer. 4. prox. post fest. Con-
cept. V. M. (10. Dec.) an. dom. 1483.* Interea Ca-
stellanus episcopus, consumtis apud Fridericum imp.
16. diebus, Budam reuersus, quinquennalibus in-
duciis cum Baiazete conclusis, omnia mutata repe-
rit, de quibus pontificem edocuit ac addidit: (b)
Ita de S. V. loquitur hic rex, ut, si filius geni-
tus esset, non maiore veneratione et amore lo-
qui posset. — XIII. Decemb. MCCCCLXXXIII. —
Etli Mathias his induciis non leuem apud Christia-
nos principes inuidiam sibi confluauerit; aliquam
tamen excusationem propterea meretur, quod per
eas ceteris quoque Christianis a Turcarum iniuriis
cauerit. Praeterea saepe quidem aliorum auxilia
contra barbaros sollicitauit; vix tamen aliquid im-
petrauit. Vnde Philelphus quoque hoc factum sic

li 4

excusat:

(a) Ibid. p. 189. (b) Ap. Pray An. P. IV. p. 171

excusat: (a) *Hungari, ferocissimum genus hominum, ubi se audissent a ceteris principibus destitutos, vel ab ipsis potius principibus Christianis oppugnari; a Turcis autem quotidie affligi atque opprimi; accipiti bello distracti ac vexati, tandem coacti sunt accipere, quam Turci voluerunt, conditionem. Quid enim facerent inopes? — (b)*

A. C. 1484. Math. 27. Ind. 2. P. 18. A.

CCCXIII. Induciae quidem illae plurimum sufflaminarunt ineundam cum Friderico concordiam, ad eam tamen conciliandam ultimum arietem Sixtus IV. antequam hoc anno vitam terminasset, admovit, datis ad Mathiam litteris. (c) *X. die Martii MCDLXXXIV.* Precibus tamen eius ac adhortationibus paternis Mathiae regis animus, pluribus caesaris iniuriis irritatus, emolliri flectique non potuit. Ad bellum igitur, in Austriacos prosequendum, aliis aliam pecuniae summam, Bartsensibus 600. aureos imperavit, (d) *Budae, in dominica. Quasi modo (25. Apr.) an. dom. 1484.* Mathias, apparatu longiore distractus, ante Septembrem non videtur expeditionem suscepisse, quum adhuc Budae fuerit, ac in fauorem Girsicensium litteras dederit, (e) *sabb. prox. ante fest. B. Michaelis arch. an. dom. 1484.* At mense Nouembri iam in Austria Wratislaviensium privilegia confirmavit, (f) *in Encesdorff, ciuitate nostra Austriae, an. dom. 1484. sept. kal. Dec.* Mathias, Claustro-burgo positus, opera

(a) Ibid. P. III. p. 264. (b) Hist. Cr. T. XVI. p. 524.—534. (c) Ap. Rayn. ad an. 1484. (d) Ap. Wegn. Dipl. Sar. p. 130. (e) Ex MSS. Cornidei. (f) Indid.

opera Hazii Corneoburgum obsidendum curauit, qui, repulsis auxiliis a Friderico submissis, teste Bonfinio, (a) *sub moenibus, dum praelium ciet, glande percussus, interiit. — Rex fame vincendum esse censuit.* Dum Corneoburgenses cum extrema fame colluctantur; Mathias, Budam reuersus, ex Valachia tristes nuncios accipit, Turcas, regionem illam ingressos, munita duo castra, *Cheliam* (Kiliam) *et Nestoralbam*, obsidione premere. His non multo post expugnatis, Mathias, grauibus litteris ad Baiazetem datis, de violatis iniuriis questus est. (b) Negauit Baiazaethes, inducias a se violatas esse, remissis induciarum tabulis, quibus nec Moldauia, nec Valachia comprehendebatur. Reuarius putat, (c) Petrum, Colocensem archiepiscopum, propter hunc errorem et negligentiam in carcerem coniectum; sed enim Bonfinius verisimilius scribit, (d) id factum esse propter linguae libertatem, qua *damnabat insolentia palam tributa.* Castrorum, a Turcis interceptorum, iam mense Nouembri meminit Innocentius VIII. Sixto IV. die 29. mensis Augusti subrogatus, quum Mathiam ad bellum, in Turcas, leges induciarum transgressos, conuertendum, adhortatur, (e) *Romae, 21. Nouemb. 1484.* Praecipuum argumentum Innocentius petit ab *expugnationibus oppidorum quorundam Valachiae super Danubium;* horum igitur expugnationi male Bonfinius hibernum tempus tribuit; nec excursions Turcarum in Croatiam, quas potiore iure Baiazeti Mathias obieciisset; ad hunc annum idem auctor bene figit. (f) A. C.

(a) Dec. IV. Libr. VI. p. 644. (b) Ep. Coru. P. IV. n. 3. p. 4. (c) Ap. Schwandt. T. II. p. 683. (d) Dec. IV. Libr. VI. p. 645. (e) Ap. Rayn. ad an. 1484. (f) Hist. Cr. T. XVI. p. 559.—580.

A. C. 1485. Math. 28. Ind. 3. P. 3. A.

CCCXIV. Postquam Mathias fame Corneoburgum ad deditionem coegisset; eandem necessitatem Viennensibus impositurus, opera Stephani de Zapolya pontes versus Moraviam occupavit; ipse 25. Ianuarii versus Claustroburgum castra locavit: exactis paschalibus feriis, Laurentium Ujlakium versus Hungariam castra figere iussit. Tribus igitur e castris obsessa Vienna, *nemo ex vrbe prodire aude*, inquit Bonfinius, (a) *quae* innumera multitudine completa, iam fame saeuissima laborare coeperat. Defectis plebeiae guttae alimentis, ad impura et interdicta descendere necessitas adegit. In macellis et popinis equi, carius opinione venire — (modius farinae 107. florenis vendebatur) — *Interea* rex nunc suburbia, nunc ab insula Danubii moenia tentare: quotidiana ciere praelia: quandoque circumire solus cum accenso moenia; et ciues nonnullos alloqui: mirati milites principis securitatem (vulgo ciuitatem ipsam ingressus cum rota confracta dicitur) — *Viennenses* tandem, ab omni auxilio destituti, execrabilique fame adacti, kalendis Iunii Mathiae deditionem, haud sine perpetua caesaris ignominia, fecere. — Capta Vienna, C. Stephanus cum duabus legionibus — Neapolim, Viennensis sane pulchritudinis aemulatricem, obsidere iubetur. Turotzius, capta Vienna, hoc carmen editum esse refert: (b)

„Discite mortales, nimium non fidere muris:

„Moenia quid valeant; capta Vienna docet.“

Quarto

(a) Dec. IV. Libr. VI. p. 645. (b) Chron. P. IV. cap. 67.

Quarto post captam Viennam die Mathias, comitia, Vacii celebrata, decreuisse scripsit subsidium vnus floreni, *pro* prouisione opportuna, contra Turcos facienda; et item pro continuatione praesentis victoriae, quam DEVS contra Romanorum caesarem in expugnatione Viennae concessit. — Dat. Viennae, sabbato prox. post fest. SS. corporis Christi, anno dom. 1485. Hinc apparet, Mathiae Baiazetem excusatione de castris duobus expugnatis non satisfecisse; quum reipsa transgressus fuerit hanc induciarum conditionem: „ Vt regnis, fidem nostram „ obseruantibus, nullibi noceatis: et signanter ex „ ista parte maris, exercituantium more, — nullus „ exire audeat.“ Contra hunc igitur tyrannum nouo subsidio Mathias opus habuit, quum ab ipsis Austriacis, in suam potestatem iam reductis, moderatissimum censum exegerit. (a)

CCCXV. Mathias, rebus Viennae compositis, ut Bonfinius refert, (b) *cum regina, sine qua nihil domi militiaeque moliebatur, sexto post mense Vienna recessit, Budamque pridie natalis dominici peruenit.* Absuit igitur ex Hungaria maiore huius anni parte, nec ad palatinalia comitia descendisse videtur, in quibus palatini munus his legibus circumscriptum est: (c) „ *Art. I.* Palatinus in electione regis habet primum votum. *II.* Tutor vel „ curator heredis regni palatinus. *III.* Diaetas in- „ dicere, rege non existente, potest. *IV.* Est „ capitaneus generalis. *V.* Discordias sopire et „ sedare habet. — *VI.* Differentiam inter re- „ gem et regnicolas componere habet. *VII.* Au-
dire

(a) Hist. Cr. T. XVI. p. 560.—590. (b) Dec. IV. I.ibr. VI. p. 643. (c) Corp. Iur. Hung. T. I. p. 233.

„ dire oratores, rege audire eos nequeunte. *VIII.*
 „ Querimonias ad aures regis deferre. *IX.* Iudi-
 „ cum regni maximus. *X.* Absente rege, est lo-
 „ cumtenens. *XI.* Palatinus iudex Cumanorum,
 „ et salarium eius. *XII.* Dalmatiae iudex. “ Se-
 cundum has leges, instructus amplissima potestate
 palatinus, electus est in illis comitiis Emericus de
 Zapolya, patruus Ioannis Zapolya, qui subinde Hun-
 gariae rex evasit. Post electionem Viennam ad
 regem profectus, litteras, quibus Zagrabienses ad
 annosam ratione decimarum litem componendam
 Budam, quo se concessurum ante *festum natalis*
Christi promisit, euocauerat, dedit (a) *in festo*
B. Barbarae V. anno dom. 1485. Vienna digressus,
 Kesmarkiensibus de motu Polonorum annunciato
 respondit, (b) *ex castro suo Papa, 2. die B. Lu-*
ciae V. (c)

A. C. 1486. Math. 29. Ind. 4. P. 26. M.

CCCXVI. Mathias, Hungariam, quorundam
 sceleratorum hominum licentia nimium perturba-
 tam, optatae tranquillitati redditurus, sollemnia co-
 mitia Budam indixit, legibusque salutaribus, quibus
 opportune grassantibus malis occurreretur, com-
 muni consilio perlatis, decretum VI. *Maius* dictum,
 condidit: quod quum ultra V. philyras excurrat;
 ex articulis 78. quibus constat, praecipua dumta-
 xat capita hic delibabimus. (d) Abrogatur art. I.
iudicium generale; II. *proclamatae congregationes.*
Agitur III. de 4. octavis celebrandis; IV. *de causis*
 ibi

(a) Ap. Pray Hier. P. II. p. 354. (b) Ap. Wagn. Scep. P.
 I. p. 69. (c) Hist. Cr. T. XVI. p. 602.—510. (d)
 Corp. Iur. Hung. T. I. p. 234.

ibi finiendis; V. de *concordia* aduersariorum; VI. de *caussis potentiarum*; VII. de *prorogationibus*; VIII. de *regiis hominibus*; IX. de *iudicibus nobilium*; X. de *fide dignitatibus capitulorum et conuentuum*; XI. de *abbatibus et praepositis*; XII. de his per *episcopos visitandis*; XIII. de *excommunicationibus*; XIV. de *communis inquisitionis modo*; XV. de *capitali sententia*; XVI. de *repulsionis poena*; XVII. de *trinis proclamationibus*; XVIII. de *duello*; XIX. de *iuribus possessionariis*; XX. de *protonotariis*; XXI. de *exemptionibus*; XXII. de *bonis violentè occupatis*; XXIII. de *donationalibus litteris*; XXIV. de *bonis contra iura impetratis*; XXV. de *bonis pignoratitiis*; XXVIII. de *praelatis litigantibus*; XXIX. de *arrestationibus*; XXX. de *proficiscentibus ad bellum*; XXXI. de *militibus*; XXXII. de *Venetis et Polonis*; XXXIII. de *officialibus dominorum*; XXXIV. de *fugitiis*; XXXV. de *tributorum locis*; XXXV. de *rusticis uxoratis*; XXXVII. de *iure patronatus*; XXXVIII. de *fure capto*; XXXIX. de *colonorum abductione*; XL. — XLV. de *modo decimarum*; XLVI. de *bonis occupandis a rege*; XLVII. de *regiis infidelibus*; XLVIII. de *malefactoribus capiendis*; XLIX. de *mineris auri*; L. de *comitatu Zagoriarum*; LI. de *homicidis voluntariis*; LII. de *birsa-giis*; LIII. de *appellationibus ad curiam regiam*; LIV. de *iudicibus et protonotariis non laedendis*; LV. de *capitali sententia*; LVI. de *patris et filii poena*; LVII. de *iuribus ecclesiasticorum possessionariis*; LVIII. de *violatoribus sedis iudiciariae*; LIX. de *conuentibus minoribus*; LX. de *comitibus et vice-comitibus*; LXI. de *ecclesiarum violatione*; LXII. de *exercitantium violentia*; LXIII. de *interfectorum sepultura*; LXIV. de *contributione*; LXV. de *armis in sedem comitatus non inferendis*; LXVI. nec in
haber-

tabernam; LXVII. de *exsequutionem* impredientibus; LXVIII. de *iudiciis* regni ordinariis; LXIX. de *procuratore*; LXX. de *caussis iam motis*; LXXI. de *priuilegiis amissis*; LXXII. de *secularium et ecclesiasticorum* iudicio; LXXIII. de iudicum ordinariorum *iuramento*; LXXIV. de *litterarum taxa*; LXXV. de *pecuniis depositis*; LXXVI. de *minoris cancellariae* registaxa; LXXVII. de *litteris exsequutoriis*. LXXVIII. *Confirmatio praesentis decreti, dati Budae, — anno dom. 1486. in festo conuersionis B. Paulli apostoli.* Primus inter antistites subscriptus est Ladislaus Gebreb, ep. Transsiluanienſis; non, quod Mathiae consobrinus; sed, quod apost. sedis legatus fuerit. At in alio, huius anni diplomate, quo priuilegia Priuidiensium confirmantur *III. kal. Apr.* primus occurrit Petrus, Coloc. archiepiscopus, licet carcere nondum liberatus; pro quo grauissimis litteris Innocentius Mathiam interpellauit, (a) *die 3. Martii*; nihil tamen impetrauit. Post Petrum legitur Gabriel, card. Agrien. cui, hoc anno mortuo, Mathias Vrbanum Dotzium, (b) *in vigilia festi BB. Simonis et Iudae ap.* huic in Iaurinensi cathedra Thomam Bakatsium suffecit. Hos aliosque praesules Bonfinius et Ranzanus summis laudibus ornant, ex quibus cuius tandem vertici princeps infula Strigoniensis a Mathia destinaretur, expectatio magna fuit, postquam Ioannes Aragonius, ad conciliandam inter pontificem suumque patrem concordiam, anno superiore Romam profectus, illi renunciauit. Vicit omnium expectationem Mathias, quum a Beatrice victus, eius ex Eleonora sorore nepotem, nondum decennem, Hippolytum, Strigoniensem archiepiscopum

(a) Ap. Rayn. ad an. 1486. (b) Schmitth. Ep. Agr. T. II. p. 125.

episcopum denominauit. Nihil non egit pontifex, partim vt illum ab hoc consilio reuocaret, partim vt ob irritatum socerum conciliaret. (a)

CCCXVII. Mathiam nimis vxorium a plerisque reputatum fuisse, Bonfinius testatur. Vxoris certe gratia has cum pontifice dissensiones habuit; seu quum Hippolytum, quem alii quinquennem, septennem alii, Bonfinius nouennem, faciunt, metropolitam Strigoniensem renunciauit; seu quum iniquam eius patris Ferdinandi causam propugnauit. Magnas etiam eiusdem vxoris suae gratia mutationes in moribus et inolitae iam consuetudinibus, eodem Bonfinio teste, fecit. (b) Ea tamen de causa laudem non mediocrem Beatrix meretur, quod inter alia coniugi suo scientiarum amorem inspirauerit, quem ab auo potius Alphonso, quam a patre Ferdinando traxit, vt Galeotus scribit: (c) Magnifica certe bibliotheca, quam insanis sumibus Mathias erexerat ac instruxerat, multos laudatores nacta fuit, ac inprimis Nicolaum Olahum, qui florentem adhuc illam viderat. (d) In scribas et librarios, teste Heltaio, (e) 33. aureorum florenorum millia quotannis insumfit, e quibus quatuor Florentiae magnis impendiis aluit, vt Brassicanus asserit. (f) Quum igitur ad 50. millia voluminum bibliothecae Coruinianae numerus extenditur; hic non tam de typo vulgatis, qui pauci tunc erant, quam de manu scriptis accipiendus est. Nullus autem vberius Coruinianae bibliothecae laudes exsequutus est Naldo Naldio, cuius epistolam et IV. libros, versibus scriptos, Belius

(a) Hist. Cr. T. XVI. p. 611.—716. (b) Dec. IV. Libr. VII. p. 652. (c) Cap. XXV. p. 262. (d) Hung. Cap. V. p. 9. (e) p. 168. (f) Ap. Schier Bibl. Coru. p. 14.

Belius edidit. (a) Bonfinius vero hoc musarum palatium parce, regum, contra prolixè descripsit, (b) inserto hoc epigrammate, cuius auctor ipse fuit:

„Atria cum statuis, ductis ex aere, foresque

„Coruini referunt principis ingenium.

„Mathiam, partos tot post ex hoste triumphos,

„Virtus, aes, marmor, scripta, perire vetant.“

Quum ex Beatrice nullam prolem sustulisset; omnem conatum ad Ioannem filium optimis disciplinis imbuendum et Hungarorum animos illi conciliandos impendit. (c) Dignam illi sponsam sociaturus, dum Ioannem, episcopum Varadiensem, in Galliam misisset; eidem inter cetera commisit, ut Blancham Mediolanensis ducis sororem, filio suo desponsaret. (d) Pompas huius legationem Bonfinius fuse describit, (e) et causam foederis Gallici, quod per illum Mathias pepigit, praecipuam hanc insinuat, ut Maximilianus, Friderici filius, inde bello pressus, auxilium Austriacis, ut promiserat, ferre non posset. Ut porro Mathias certum sibi neruum pro bello hoc proseguendo compararet; despoto Rasciae certas ditiones 12. millibus aureorum pignori dedit, (f) *Budae, fer. 2. post dom.* Inuocauit, *an. dom. 1486.* Ad bellum subinde profectus, ad Lauam, egregie munitam, diutius adhaesit; ac Iglauam inde cum Beatrice digressus, cum Wladislao, Bohemiae rege, ne Friderico suppetias ferret, foedus

(a) Not. Hung. T. III. p. 589. (b) Dec. IV. Libr. VII. p. 654. (c) Bonfin. ibid. p. 656. (d) Ap. Dumont. T. III. P. II. p. 175. (e) Dec. IV. Libr. VII. p. 659. (f) Ap. Pray Ann. P. IV. p. 185.

ctus instauravit. Hunc congressum sub initium Sept. habitum fuisse, colligimus ex eius litteris, ad conventum Albensum cruciferorum 6. Sept. inde datis. Gerebii donationem fecit *in obsidione ciuitatis Laua, in festo B. Michaelis arch.* Sed postridie litteras pro decimis Zagrabienfibus iam dedit (a) *in ciuitate sua Laua.* Hac dedita, pluribus castellis potitus, (b) Viennam 20. Dec. cum triumpho rediit. (c)

A. C. 1487. Math. 30. Ind. 5. P. 15. A.

CCCXVIII. Mathiae tot victoriarum felicem cursum Neapolis seu Neostadium adhuc morabatur, quod ultra spatium vnus anni Stephanus Zapolius obsidione fatigabat. Mathias igitur, *idibus Ianuariis*, vt Bonfinius perhibet, (d) ad vrgendam obsidionem eo profectus, — *nihil ex ingenio et arte remittere, vt validissimam urbem, qua nihil usquam gentium obfirmatius visum erat; ubi caesar non modo sibi sedem, sed sepulchram adsciuerat; praeter omnium opinionem expugnaret.* — *Iam ciues, desperatis auxiliis, de deditone, si licuisset, quandoque cogitassent; sed impositi praesidii metus prohibebat. Intellexit id Coruina clementia; — ad inediatam ergo urbem redigendam esse censuit. Potuisset quidem, si voluisset, vi eam capere, verum id sine magna caede ac urbis exitio fieri non posse prospexit. Vt suis parceret, urbemque a militari saecuitia liberaret; — obsidionem prorogauit. — Septem in castris*

(a) Ap. Kerchel. H. E. Z. p. 186. (b) Bonfin. Dec. IV. L. VII. p. 657. (c) Hist. Cr. T. XVI. p. 717.—774. (d) Dec. IV. Lib. VIII. p. 661.

stris menses egit: temporariam ibi regiam — cum proximo sacello construxit. — „ Idibus Augustis, ni „ validissima mitterentur ab imperatore auxilia, „ praefectus urbem dedere “ pollicetur. — Quum accipiendae urbis dies instaret; decedentibus Aleman- nis, ad praestitutum diem haec regi deditur. Ma- thias tamen non ita semper affixus obsidioni fuit, ut Viennam inde non procurreret, ubi privilegia monasterii Claustro-Neoburgensis mense Martio con- firmavit; (a) comitiaque mense Iunio cum statibus Austriae celebravit; (b) quibus solites census mul- tum relaxavit. Obsidione durante, legatum Baia- zetes eo miserat, cuius factum quomodo Mathias deprefferit, Gregoriantius ita memoriae prodidit. (c) Praestituta oratori audientiae hora, progressus est una cum illo sub moenia obsessae urbis, ubi acer- rimum tunc insultum sub moenia fieri iusserat: ubi dum versarentur inter tela missilia; — iussit exponi legationem: qua utcumque exposita, mox ad omnia respondit, dimisitque oratorem. At ille omnis re- sponsi, inter tela et arma dati, oblitus, discedere et redire ad suum principem non audens, orabat et obsecrabat, sibi repeti responsum: quod nullo un- quam modo obtinere potuit. Sub eadem obsidione Hippolytus Eftensis, archiepiscopus Strigoniensis, ad Mathiam venit. Innocentius enim, ne Mathiam, cuius enssem nomenque tuendis contra Turcas Chri- stianis necessarium videbat, grauius irritaret, in petitionem illius consensit. Bonfinius quidem mul- tus est in huius Hippolyti laudibus exaggerandis; (d) efficere tamen non potest, ut hoc Mathiae fa- ctum

(a) Ap. B. Per. P. III. p. 425. (b) Ap. Lintk. P. VI. p. 281. (c) Ap. Bel. App. Dec. II. p. 114. (d) Est. IV. Libr. VIII. p. 654.

cum lectores approbent. Genus enim regium, aetate doctrinaque deficiente, gregem dominicum pascere non potest, quod antistitum munus est. (a)

CCCXIX. Illustre iam antea Mathiae Corusini nomen, expugnato Neostadio, maius ac illustrius evasit. Disciplinam militarem, qua tantas victorias Mathias adeptus est, operae pretium est e Bonfinio cognoscere. *Ante Neapolim, inquit, (b) in parentissimo campo legiones omnes explicuit: in aciem digessit: ubi, quaecumque apud veteres legeram de disciplina militari, mihi recognoscere licuit. — In primis, ubi inter turmas ille prodiit; silentium indictum non solum vivis, sed etiam equis, religiose servatum. Allata primi agminis in medium signa a manu sua praestantissimo veterano — commissa. Calcaribus ille carere, — ne in maximo conflictu, praeter timore, concitato equo, fugeret, suaeque fuga reliquorum animos consternaret. — Ita quisque ordinem servavit, ut, si digito plus alio processisset; imperatoris, quam maxime circumspecti, saevitiam reformidare cogeretur. — Tantum est ubique silentium, ut non modo, praeter imperatoriam, nulla humana vox, sed ne ullus quidem equorum hinnitus usquam sit auditus. — Quodque agmen, ubi aliquanto praecesserat, dato signo, ante principis ora belli simulacrum agere, et nunc in cuneum, nunc in orbem, nunc in trigona tetragonaue, aut in forficem et seram, mutata acie, verti. — Nusquam gentium milites spectare licuit calor et frigoris, item laboris et mediae tolerantiores, qui studiosius imperata faciant; libentius, dato signo, pugnam ineant; se*
K k 2
morti

(a) Hist. Cr. T. XVI. p. 774.—794. (b) Dec. IV. Libr. VIII. p. 666.

mortis promptius exponant; item qui militarem seditionem magis detestentur; in castris quietius honestiusque vivant; — colant avidius temperantiam et castitatem; et ab omni blasphemia, periurio illegitimaque Venere sint magis alieni. Maxima pars equitum — triennium quandoque assidue militare coacta, numquam coniugii fidem violasse creditur. — Hieme iuxta atque aestate castra frequentantur; et quod meis hisce oculis saepe vidi, sub niuib. ac terra, ne obsidionem deserant institutam, toleranter hibernant; — neque de rigenti algore queruntur. Si quis hodiernam cum veteri hac Hungarorum disciplina militari contendere voluerit; an non illud Cicero-dianum exclamare debebit: „O tempora! o mo-res!“ Mathiae, huiusmodi militibus uso, nihil inuium inuictumque fuisse, mirum profecto non est. Hinc tantis ille laudibus non a Bonfinio, Ranzano, Turotzio tantum, sed ab exteris etiam, Cortesio, Galeoto, Philippo Bergomensi, cet. celebratus est. Vergente iam anno, 25. mensis Nouembris, tabulae contractus nuptialis inter eius filium Ioannem et Blancham Sfortiam confectae sunt, (a) in quibus Ioannes annorum 14. et ultra dicitur; natus igitur ante 1475. annum innuitur. (b)

A. C. 1488. Math. 31. Ind. 6. P. 6. A.

CCCXX. Sponsalibus tanta cum solemnitate factis, nihil superesse videbatur, quam ut matrimonium ipsum inter Ioannem et Blancham celebraretur. Bonfinius tamen narrat, (c) Stephanum Crispum ad Mediolanensem ducem a Mathia missum esse,

(a) Ap. Dumont. T. III. P. II. p. 174. (b) Hist. Cr. T. XVI. p. 797. — 842. (c) Dec. IV. L. VIII. p. 670.

esse, ut Coruini Blancaequae nuptias in proximum annum prorogaret, faustissimamque affinitatem confirmaret. — Id non ab re a rege postulatum. Nam, quum ex legibus affinitatis filium regem ante nuptias praestare oporteret; et Vngariae ipse coronam tuto resignare non posset, veritus Beatricis, acerrime aduersantis, et procerum seditionem; Boemiae regnum, in Lusatiam et Silesiam propagatum, gnato renanciare destinaret. In tabulis pactorum dotalem comprehendebatur etiam ducatus et uniuersum dominium illustr. D. ducis de Sagano in Slesia, in praefatum illustr. D. Ioannem ducem — iure etiam successionis peruenturum. Nam Mathias ea conditione Ioanni, duci Saganensi, ducatum Glagouiensem contulit, ut ab eius obitu ducatus in Ioannem Coruinum deuolueretur. At ille ducatum in filias suas traducturus, eas Henrici, Munsterbergensis principis, filiis collocauit, ac in hos generos suos fidei sacramentum a subditis suis exegit. Iustam igitur causam Mathias habuit bellum in Silesiam transferendi, pro quo certam pecuniae summam ciuitatibus regiis, Bartseni 600 aureos, imperauit, (a) *Viennae, sabb. prox. ante festum B. M. V. an. dom. 1488.* Hoc illud bellum est, quod Bonfinius ita describit: (b) *In Silesia cum quodam duce bellum suscitauit, ut amplissimum gnato dominatum traderet. Neque Lusatiam intactam praetermisit. In utraque prouincia nonnullos regulos ad venundandas vrbes impulit. — Quum igitur in Silesia bellum fores obortum; Trincham, Boemorum equitum praefectum, et Franciscum Aristum cum expeditissima equitatu in prouinciam misit. Vtrique, veluti a rege mandatum erat,*

K k 3 cuius-

(a) Ap. Wagn. Dipl. Sares. p. 132. (b) Dec. IV. Libr. VIII. p. 668.

cuiusdam illius ducis munitissimam urbem obsident, quem a fide regia defecisse dicebant. Ille ad Wladislai regis opem confugit, auxilium implorans. Obveterem cum Mathia societatem, Ladislaus auxilium abnegat. Aliis deinde Bohemis in auxilium ducis Saganensis accurrentibus, ii quidem repulsi sunt, et ciuitas ad deditionem adacta; dissensiones tamen inter Mathiam et Wladislaum propter suspicionem auxiliorum, duci Saganensi missorum, exortae. (a)

CCCXXI. Etsi Bonfinius affirmet, (b) Mathiam regem Viennae duobus annis post captam Neapolim et octo fere mensibus permanfisse; hoc tamen ita non est intelligendum, quasi numquam deinceps Hungariam reuississet; sed, quod a capto Neostadio duobus annis et octo fere mensibus superstes, plerumque Viennam incoluerit. Nam et plura diplomata, post captum Neostadium ab illo Budae confecta, supersunt, et ipse Bonfinius paullo post ita loquitur: (c) *Ingruente vere, Budam rex anno secundo descendit, ab Ungaris diu crebris legationibus repetitus. Aegre scilicet Hungari ferebant, regem suum, seu deliciis Viennensibus ita captum, seu rebus Austriacis ita distractum esse, ut extra Hungariam potissimum degeret. Nec est dubium, quin eadem occasione Visegratum, locum illum ad omnes delicias excultum, quem Castellanus episcopus paradisum terrestrem appellauit, itidem visitauerit. Olahus enim testatur, (d) hoc in loco regem ipsum, verno aestiuoque sole, florentibus floribus, solitam apricari.* — Turcarum, subiicit, quidam

(a) Hist. Cr. T. XVI. p. 841.—852. (b) Dec. IV. Libr. VII. p. 668. (c) Ibid. p. 669. (d) Ap. Bel. App. Dec. I. p. 11.

dam legatus, — circumspiciens tantam loci illius amoenitatem splendoremque, et aulicorum tam in inferiore, quam superiore, ubi rex erat, area infinitam multitudinem, serico, argento auroque contextis indumentis — ornatam, tanta subito admiratione stuporeque perculsus est, ut totius suae legationis obliuisceretur: et dum per gradus in conspectum regis ascendisset; propter eius aspectum, qui ob magnos oculos, cruore veluti perfusos, terrorem insipientibus incutiebat, conceptus iam antea timor ita magis ac magis hominem occupavit, ut post diuturnum silentium nihil aliud proferre potuerit, quam: „caesar salutat! caesar salutat!“ Quem quum rex interrogaret: „an quid ultra vellet?“ ille nihil respondit. — Post multum temporis reuocato significatum a rege: „Ut domum rediret, nunciaretque domino suo, alium mitteret, qui legatione fungi sciret.“ An id hoc anno factum sit, incertum. Ceterum Bonfinius testatur, hoc eodem quoque anno Turcorum legatos pro confirmandis saepius induciis in Pannoniam venisse; plures igitur legationes missas inquit. Aduentarunt quoque Polonorum oratores, ut Mathiae similitudinem, cum Vladislao dudum initam, et suspicionem omnem, quaecumque possent arte adimerent. — Vsualdus, Zagrab. episcopus, in Poloniam remissus, e sententia regis mandata peregit. (a)

A. C. 1489. Math. 32. Ind. 7. P. 19. A.

CCCXXII. Ineunte hoc anno, Mathias cum podagra colluctabatur, et, ut Bonfinius scribit, (b)

Kk 4

incre-

(a) Hist. Ca. T. XVI. p. 852.—872. (b) Dec. IV. Libr. VII. p. 669.

*increfcente deinde morbo, eius vita vix iq̃ duos
 a medicis annos differri potuit. Hoc anno multi
 ex vniuerso orbe ad Mathiam oratores confluxere.
 Eousque nomen eiusdem excreuerat, vt vniuersus
 eum orbis veneraretur et timeret; et non solum Chri-
 ftiani principes, verum etiam profani, huc missis e
 remotissimis partibus oratoribus, instarent, et amici-
 tiam anhelarent. Hic deinde legationes anni hu-
 ius et superioris promiscue recenset. Licet autem
 Ferdinandus, Mathiae socer, iam anno superiore
 Petrum Ranzanum, episcopum Lucerinum, qui
 chronica quaedam, a Beatrice sibi porrecta, me-
 liore stilo deduxerat, in Hungariam oratorem mi-
 serit, postquam tamen intellexit, inter Fridericum
 et Mathiam consilia pacis agitari, salutare hoc neg-
 otium efficacius promoturus, vt ibidem Bonfinius
 narrat, Franciscum Montanum, ciuem Campanum,
 in Panmoniam extemplo transmisit. Succurrebat filiae
 sollicitudini, vt reginae Beatricis officium curaret,
 et de saluberrima pace ageret. Imperatoris autem
 oratores — vltro citroque missi, vt in conditiones pa-
 cis utrique consentirent. — Contra rex ad caesarem
 et Maximilianum filium, qui Lincii moram traxe-
 rat, Ioannem, Varad. episcopum, oratorem misit,
 vt de pace tractaret. — Pax autem confici non po-
 erat. Imperator „omnia, sibi adempta, gratis reddi,
 „immo rerum et personarum damna refici“ postu-
 labat. Contra Mathias, „quum legitimum bellum
 „gesserit; indemnem se praestari oportere dicebat,
 „atque septies centena millia numum aureorum
 „sibi pro diutissimi belli sumtu“ repetebat. Ma-
 ximilianus paternam pertinaciam aegre ferre; neque
 tantam pro belli sumtibus pecuniarum summam a re-
 ge peti, aequae tolerare; inter extrema haec medio-
 critatem appetere. — Contra Mathias; artem arte
 eludendam*

eludendam esse, censuit: Maximilianum muneribus primum captare coepit: et in Lincio commoranti 400. vini cados totidemque boues et duodena mumum millia dono misit. — Eo obstinatorem caesar se praestabat; quin et filium, iam ad Mathiae partes declinantem, suspectum habuit. — Ad Septembres, ut aiunt, idus diaeta indicitur, ubi caesaris ac regis concordia, praesenti utroque principe, transigenda erat. Sed increbrescente Mathiae morbo, res in alterum mensem prorogata. Menstruatim deinde conuentus iste differebatur Rex iniquam valetudinem caussabatur. — Nouembris et Decembris iniquitatem sibi timendam coniectores et astrologi praedicabant; et ne temere quidem, quando his mensibus tertiana febri laboravit. Exactis igitur diui seruatoris nostri natalibus, et captato deteriore horoscopo, cui nimis erat obnoxius, — Viennam contendit. (a)

A. C. 1490. Math. 33. Ind. 8. P. II. A.

CCCXXIII. In ascensu Buda Visegradum diuertit, ubi praefecto salium curam erigendi Claudiopoli monasterii pro patribus Seraphicis commisit, (b) *die dom. post octauas epiph. Christi, anno MCDXC.* Viennam inde profectus; donationem Friderici pro monasterio S. Pauli confirmavit, (c) *die lunae post dom. Laetare, anno dom. 1490. regni Hung. 33. Boh. vero 22.* Quid praeterea Viennae Mathias ante mortem, duabus post hebdomadibus consequutam, egerit, quae ratione tandem e viuis excesserit; ex nullo melius, quam ex Bonfinio, qui vel morti praesens adfuit, vel a praesentibus omnia discere

(a) Hist. Cr. T. XVI. p. 872.—888. (b) Ap. Fridu. Reg. Mar. p. 117. (c) Ap. B. Pez. P. III. p. 427.

discere potuit, cognoscere possumus. Rex autem, inquit ille, (a) *Viennae, quamvis, ingruente in dies aegritudine, sensim extenuaretur; nunquam tamen a curandis rebus domi forisque cessare visus est. Ingruente mox Februario et deinde Martio, citatis per humana corpora iam primo tempore humoribus, eo magis lahesfactari coepit. — In celebratione palmarum — in theatrum temporarium — hexaphoro deuectus est. — Sex circiter horis ibi adfuit incredibili patientia. Peraetis ex ordine sacris, — se, quum nihil haecenus ientasset, imminente languore, in penetralia recepit. Distulit per horas tres et stomachi debilitate prandium; nec non et reginam exspectauit, sacro die urbana templa lustrantem. Dum eam praestolatur; ad languorem declinandum, — Piceas ficos Petrum promtuarium exposcit. At ille cariosas adtulit et exfoletas: quas quum pergustasset; ita in primo morsu offensus est stolido illius ministerio, ut in iram excanduerit. Ad haec regina reuersa intercessit. Pro ingenii viribus commotum virum sedat placatque. Exorto de prandio sermone, et illa pro gustu ientacula varia subministrante, nihil accepit; caussatur vertiginem capitis et confusa lumina: in cubiculum se referri iubet. Ecce! apoplexia repente corripitur. Dux Coruinus, Petrus et Mathias Gerebi, eius consobrini, extemplo acciti, adfuere; item Urbanus, pontifex Agrien. et Thomas (Bakats) secretarius; C. Stephanus (de Zapolya) praefectus urbis; et Bathor vaiuoda ceterique proceres. Ad pontificum procerumque concursus omnes, qui aderant, animo consternati, sane defecerant. Regem enim omnes conspiciabantur grauissimo corporis cruciatu torqueri; et prae vi morbi nihil loqui posse: Jaj! Jaj!*

(a) Dec. IV. Libr. VIII. p. 671.

Jaj! tantum, et IESV! exclamare: nulla alia verba fingere posse. Ob ingentem igitur principis reuerentiam, nemo ipsum tangere — ausus est, Sola regina, nunc ore, vi adhibita, patefacto, vitae fomenta ingerere: nunc, ut resipisceret, aures, digitos crinesque distrahere: nunc brachia, manus et tibias obligare: — obclamitare ad aures, et inuersos oculos aperire: nullum studium et caritatis officium omittere: nunc medicos, morbi grauitate confusos, consolare et hortari. Contra ille — ingemiscere: rugire leonis more: et cum ipsa morte acerrime colluctari. Tacitus fletus, quicumque aderant, amicos incessit. Dolebant procures legionumque praefecti, qui — regem e tot bellorum periculis asseruarant, nullam nunc opem contra fati imperium adferre posse. — Ingentes igitur tota nocte mugitus edidit. Ingruente demum aurora, dolor vesanus ille defecit. — Deinde, vesaniens iterum morbo, experrectus, totum illum diem mutus et resupinus insomnem egit. Obfirmato saepe obtutu, modo hunc, modo illum, nunc filium adstantem, nunc reginam intuetur, velut aliquid admoniturus dicturusue. Verba saepe effingere conatus, nunquam tamen proferre potuit. — Tertio vero die, qui a Marte nomen accepit, inter septimam et octauam horam ante meridiem, quum raucos semper gemitus emisisset; variaque ingenitae poenitentiae indicia, veluti diuinam veniam imploraret, edidisset; e profluuio demum capitis, animam efflauit. (a)

CCCXXIV. Mathias igitur, princeps inuictissimus, anno salutis nonagesimo supra 1400. nonis Aprilis et die Martis, aetatis autem anno 47. cum perpetuo sui desiderio diem obiit: et quemadmodum
 mense

(a) Hist Cr, T. XVI. p. 888.—894.

*menſe Martio natus erat; ita die et hora Martis
 vita deceſſit. — Leones quoque, qui Budae detineban-
 tur, omnes eodem, quo rex, die interiere. Dies
 Martis hoc anno, quo littera dominicalis erat C.
 non in nonas, ſed in VIII. id. April. incidit. Si
 Mathias, vt Bonfinius innuit, menſe Martio lucem
 primam adſpexit, et quidem; vt plerique cenſent,
 anno 1443. annum aetatis 47. compleuit; regni
 vero 33. duobus menſibus ſuperauit. Deſuncti re-
 gis exſequias ſincerasque ſubditorum lacrimas mi-
 nutim et ſacunde poſtea Bonfinius deſcribit: (a)
 quomodo ſcilicet Ioannes Coruinus, ad reginae
 pedes proſtratus, eam obſecrauerit, ne ſe pupillum
 deſereret; quomodo regalia ſigilla in medio ſenatu,
 praefidente regina Coruinoque diffracta ſint; quomo-
 do tertia die, ſuccollantibus centurionibus, ad D.
 Stephani baſilicam funus elatum ſit; — ubi nemo
 fuerit, qui pias regis exſequias non veris lacrimis
 honeſtarit; quomodo Budam vniuerſa multitudo cum
 pullis 50. nauibus et lugubri veſte Beatricem ſequens
 fuerit; quomodo, hac Budae relicta, ceteris Albam-
 regalem proſectis, diui Marci feriarum die, corpus
 regium terrae mandatum fuerit, oblatiſ a Coruino
 750. millibus aureorum; optimatibus autem arae
 700. aureos imponentibus. Poſt haec Mathiae
 corporis animique dotes ita pingit: Mathiae ſtatu-
 ra corporis fuit aliquanto maiuſcula, quam mediocris
 forma eximia, generoſus adſpectus, — rubens facies
 et flaua coma, — ſubnigricantes oculi et ſine mendis
 niſus. — Fauorem ſemper obſtinato indicauit obtutu;
 quem vero limis reſpexit oculis, inſenſum ſibi eſſe
 portendit. — Formoſum erat corpus, cui color albus
 cum rubore fuerat admixtus; ex qua quidam mix-
 turæ*

(a) Dec. IV. Libr. VIII. p. 673.

tura mirum quandoque — fragrauit odorem. — Laboriosum huius corpus erat; et frigoris, sudoris et inediae tolerantissimum. — Nec humanis quidem passus est sibi facile interdici voluptatibus (quamdiu nempe iunior et viduus erat). — Quod amicos inconstanter amarit, et plerosque deprefferit; crimine non caruit. — Ex humili genere multos extulit, in quibus se fortunatiorem inuenit. — In bello Boemico sibi defuere pecuniae; verbis ergo et pollicitationibus traustinis alebat exercitum. Quum dies distribuendi stipendium praestitutus instaret; — a praefectis equitum et legatis legionum ad alearum ludum inuitatus, — tam aequas tesseras sortitus est, ut — dena millia aureorum ea nocte ex ludo sibi compararit; quae — militibus dedit, et ex aleae lucro stipendium exsoluit. — Consilium huic ad maxima quaeque facinora promptissimum; neque consilio audacia et industria defuit: — quod et fortuna aequissimo comitatu fouit. Quum prope Turcos castra metatus esset; — pagano subornatus amictu, — se cum iumento inter eos, qui commearum in hostilia castra conferrent, insinuauit. Quum eo peruenisset; toto die pro tabernaculo Turci hordeum vendidit. Ingruente nocte, se incolumem in castra recepit. Scripsit ad hostem: „ Se pridie eius castra „ penitus explorasse; vendidisse rustici sub persona „ hordeum ad tabernaculum eius. — “ Quae quum hostis accepisset; timore percussus, postero die castra soluit. — Plures id genus vestium mutationes et personae regiae dissimulationes passim narrantur: quae quia fide digno testimonio destituuntur, silentio praeteriundae videntur. — Domestico et mediocri delectatus habitu; nisi quum res postulabat. — Multarum sibi cognitio linguarum; praeter Turcicum et Graecum, omnia Europaea glossemata caluit. — Rei autem bellicae

bellicae peritissimus fuit. — Itinera incredibili celeritate confecit. — (a)

CCCXXV. Talis tantusque rex, qui Hungariam litteratis impleuit, studiis excoluit, praesidiis instruit, aedificiis ornauit, praecipuos in sacra profanaque rep. curarum focios et adiutores habuit archiepiscopos *Szriganienses*. Dionysium Szétsium card. mortuum an. 1465. Ioannem Vitezium de Zredna, ab anno 1465. Ioannem Alemannum 1473. Post huius fugam an. 1476. Ioannem Aragonium card. Hoc Romam reuerso 1485. Hippolytum Estensem, deinde cardinalem, 1487. *Colocenses*: Stephanum de Varda 1457. cardinalibus adscriptum 1468. Gabrielem 1471. Ludouicum 1475. Georgium 1479. Petrum de Varda 1481. carceri mancipatum 1486. Episcopos *Agrienses*. Ladislaum de Hederuára, mortuum an. 1467. Ioannem Alemannum 1468. Fr. Gabrielem Rangonium 1474. card. creatum 1477. Vrbanum Dotzium 1486. *Bosnenses*: Fr. Gregorium 1458. Benedictum 1466. Mathiam 1486. Stephanum Crispum, seu Fodor, 1489. *Iaurinenses*: Augustinum ab an. 1455. Demetrium Chápor 1467. Vrbanum Dotzium 1483. Thomam Bakáts 1489. *Nitrienses*: Albertum de Hangáts 1458. Eliam 1460. Thomam 1464. Fr. Gregorium 1486. *Quinqueecclesienses*: Post Nicolaum Barri de Barris, Ioannem Gesinge, vulgo Ianum Pannonium 1459. Sigismundum ab Ernust 1473. *Sirmioneses*: Vrbanum 1464. Nicolaum de Báthor 1469. Sigismundum 1474. Ioannem Vitezium 1481. *Transsiluanenses*: Mathaeum 1459. Nicolaum de Kapla 1461. Gabrielem Rangonium 1472. Ladislaum Gereb 1476. *Transadrienses*:

dienses: Albertum 1458. Ioannem de Zokol 1468. Georgium 1490. *Vacienses*: Vincentium ab anno 1455. Nicolaum de Bathor 1474. *Varadienses*: Ioannem Vitezium ab anno 1445. Ioannem Alemannum 1465. Nicolaum 1470. Ioannem de Prais 1477. *Vesprimiensem*: Albertum de Vethes 1459.—1489. *Zagrabiensem*, post multas turbas, Osualdum Thuz 1466. Mathias, in his nominandis iure patronatus usus, quum illud turbari coepisset, collegio cardinalium ita scripsit: (a) „Fuit et hoc nobis graue, „quod sua sanctitas ius nobis nostrum, quod in „lectionibus praelatorum regni nostri a praedecessoribus nostris regibus deuotum est ad nos, „turbare voluit. — Credimus, talia sanctitas sua „non faceret; si sciret, quanti momenti ea res „apud nos Hungaros reputetur. — Quae ut sanctitas sua aperte cognoscat; certa esse debet, duplicatam illam crucem, quae regni nostri insigne est, gentem Hungaricam libentius triplicare vel „le, quam in id consentire, ut beneficia et praeturae, ad ius coronae spectantes, per sedem „apost. conferantur. — Nos quidem sanctae sedi „apost. semper obediens sumus, et a teneris annis usque ad hoc tempus semper obsequuti fuimus omni studio; verum expectaremus, ut nostra iura — non turbarentur apud apost. sedem.“ Ita fortiter ille, reuerenter tamen, sua iura tuebatur. (b)

CCCXXVI. Mathia regnante, palatini munia nouis legibus definita sunt: quod priusquam fieret; *palatinos* ille habuit, post Ladislaum de Gara, Michaelen

(a) Ep. Com. P. IV. p. 54. (b) Hist. Cr. T. XVI. p. 926.—

chaelem Ország de Guth 1459.—1481. Emericum de Zapolya 1485.—1487. *Iudices curiae*: Ladislaum de Palotz 1458. Stephanum de Báthor 1472. *Vaiuodas Transsilu*: Nicolaum Ujlakium et Stephanum Rozgonium 1458. Sebastianum Rozgonium et Stephanum de Kaniza 1459. Nicolaum de Vizakna, Stephanum Erdelyium 1460. Nicolaum Bodo, Ioannem Pongrátz 1462. Ioannem et Sigismundum de Bozin 1466. Ioannem Pongrátz, Nicolaum Chupor 1468. Stephanum de Bathor 1476. *Banes Dalm. Croat. Sclau*. Emericum de Zapolya 1464. Petrum de Zob et Ladislaum de Disznos 1466. Ioannem de Thuz 1470. Andream Bánfi 1476. Mathiam Gereb 1486. *Seorsim Sclauoniae*, Nicolaum Ujlakium 1460. Ioannem de Thuz 1468. Petrum Botskai 1476. *Machouienses*: Nicolaum Ujlakium 1460. Petrum de Zokol 1466. Mathiam de Maroth 1470. *Seuerinenses*: Ioannem Pongratz 1466. Andream de Zokol et Franciscum de Haraszt 1486. Non comparet inter hos, nec vsquam in historia patriae, Nicolaus Toldius, cuius armorum reliquiae dicuntur, quas e portae Budensis, qua Viennam itur, abside suspensas non semel vidimus. Portentosum hunc pugilem provinciae Neogradiensi, quae mihi locum natalem praebuit, cum vulgo libenter assererem; siquid vniquam apud scriptores veteres de heroe tanto memoriae proditum fuisset. Petrus Illosuaius acta Toldii prorsus insulsa poesi complexus est anno 1574. Rhythmos eius Hungaricos, Posonii 1746. vulgatos, cum taedio percurri, quibus ille Toldium non ad Mathiae, sed Ludouici tempora refert. Ita fit, vt Toldii nec aetas, nec facinorum probabilitas certo testimonio nitatur. Verisimilius esse videtur, quod Heltaius a Stephano Broderichio, Mathiae postremis annis synchrono,

se habere narrat, celeberrimum hunc Hungariae regem augustissimum musis palatium, 40. millibus discentium inseruiturum, infra Budam excitaturum fuisse; nisi praematura mors regias destinationes intercepisset. Amplissimae huius urbis potius, quam academiae simulacrum idiomate Hungarico Heltaius, Latino Wallaszkius vulgavit. (a) Quae quidem stupenda molitio, nisi Mathia Coruino narraretur, incredibilis videri posset. (b)

§. XIII.

WLADISLAVS II. REX XXXV.

Coepit A. C. 1490. desit A. C. 1516.

A. C. 1490. Wlad. I. Ind. 8. P. II. A.

CCCXXVII.

Wladislaus, origine Lithuanus, gente Polonus, regia dignitate Bohemus, avum Wladislaum Jagellonem, Hedugis Hungariae coniugem, patrum Wladislaum I. Hungariae, patrem Casimirum, Poloniae regem, matrem Elisabetham, Alberti, Rom. imperatoris ac Hung. Bohemiaeque regis, filiam, habuit. Tam illustri sanguine natus kal. Mart. 1456 quartum ac tricesimum aetatis annum, quum Mathias obiisset, iam expleverat; nondum tamen connubio iunctus erat. Beatrix igitur regina, Mathiae vidua, quum eius coniugium ambiuisset, suis artibus effecit,

(a) Tentam. Hist. Litt. p. 57. (b) Hist. Cr. T. XVI. p. 928.

effecit, ut, reiectis tribus aemulis, ipse potissimum rex ab Hungaris optaretur. Quantaec difficultates, ut id perficeretur, feruentibus partium studiis, exsorbendae fuerint, Bonfinius fute narrat. Ait quidem ille, (a) *ne quid resp. detrimenti pateretur*, Urbanum Dotzium, Agriensem episcopum, ad campum Pestanum comitia statibus indixisse; litterae tamen, reginae nomine vulgatae, sunt in haec verba: (b) „ Beatrix, D. gr. regina Hung. — Tametsi obitum fer. ac gloriosissimi D. N. regis, fel. mem. „ vos iam audiuisse non dubitamus; tamen visum „ nobis exstitit, ut nos quoque de hoc vos certiores faciamus. Sciatis itaque, quod sua M. „ feria 3. prox. post dom. palmarum debitum carnis, quod dolenter et cum lacrimis referimus, „ Viennae persoluit. Ne igitur regnum hoc, princeps sic orbatum, aliquod incommodum aut detrimentum patiatur; nihil salubrius, nihil etiam „ magis necessarium esse hoc tempore existimaui- „ mus, quam de nouo rege et principe quamprimum providere. Pro cuius electione diactam „ quandam generalem, a dato praesentium computando, ad unum integrum mensem, in campo, „ vulganter Rakus vocato, — de vetusto regni „ more celebrandam instituimus. — Datum in Komarom, sabbato prox. ante dom. Quasi modo, „ anno dom. etc. LXXXII. „ Litterae haec nouem sigillis, ipsius nempe Beatricis, episcoporum 5. trium optimatum, erant communitae. Palatini quidem fuisset indicare comitia; sed ea dignitas ab anno 1487. vacabat. Quum autem archiepiscopus Strigoniensis puer, Colocensis nondum liber fuerit; inter

(a) Dec. IV. Libr. IX. p. 677: (b) Ap. Kapr. H. D. P. I. p. 11.

Inter praelatos Vrbanus Agriensis eminebat. Bene vero Bonfinius ait, comitiis idus Maias esse praestitutas; a litteris enim illis, in descensu Comaromii die 17. mensis Aprilis datis, ad idus vsque Maias integer mensis intercedit. *Res, inquit, maturanda videbatur, ne maior partium in dies foret accessio.*
(a)

CCCXXVIII. Quum rebus his Bonfinius interfuerit; nihil consultius agi posse videtur, quam ut ex eo narrationem, resectis quibusdam minus necessariis, petamus. *Vrbanus, inquit ille, ad comitia primus statò die cum validissimo cataphractorum et velitum equitatu conuenit. Aliis item 2500. adducentibus, e Transsilvania praefectus prouinciae, Stephanus Bathor, — octauo post die, cum ornatissimis procerum nobiliumque (3500.) copiis aduenit. — Quum sat frequens iam videretur esse conuentus; — sub amplissima scena de eligendo rege agi coeptum est. — Nondum patrum sententiam quisque dicere rogabatur; quum ex composito quidam — Albertum, Casimiri, Poloniae regis, filium, in concione regem temere proclamauit. At proclamatio, refragantibus continuo patribus, repressa quidem; ille tamen, proclamationis huiuscè iure se declaratum regem esse dicebat: et iam prius, audita Mathiae morte, cum copiis Vngariae finibus imminerebat. — Maximilianus, — in regni spem et amissae Austriae recuperationem adductus, compositis in Gallia rebus, in Noricos continuo rediit. — Ita enim ea tempestate Vngarorum fata tulerunt, ut 5. legationes regalia comitia sollicitarent: „ inprimis caesarea, quae quanto plus au-*

L l 2

„ dendo

„ dendo sacro diademate Mathiae regi ex compa-
 „ ſto caesar ſibi compararat : deinde *Bohemica*, cui
 „ ſi electionis fortuna faueret; — multo melius,
 „ quam ceteris, ſperare licebat : item *Polonica*,
 „ quae pro Alberto regnum expoſcebat : et *Arago-*
 „ *nia*, quae pro ſeruanda reginae Beatricis digni-
 „ tate, vt in regno, ſucceſſori coniugata, ſuccede-
 „ ret, tunc agebat : accedebat et *Coruina*, quae
 „ pro Ioanne duce, Mathiae regis filio, vti patri
 „ ſuccederet, multa moliebatur : “ *cui niſi illegiti-*
ma genitura obſtitiffet ; certo ſine controuerſia pa-
tri ſucceſſiffet. Fauebant cuncti proceres, — quos
omnes Coruina quondam beneficentia promouerat. —
Recentia quoque merita iſtorum ſtudia in Coruinum
intenderant. — Augebat tot fauores et adoleſcentis
ipſa potentia ; quippe cui pater — coronam, ſpes,
theſaurum, arces omnes ante legarat. Quin et praef-
ectos omnes et magna ex parte principes in filii in-
rare manus adegerat. Cui quidem, ni coniuratorum
fides — defuiſſet ; parum abfuiſſet, quin hodie regno
potiretur. (a)

CCCXXIX. Datus is honos eſt Mathiae defun-
 cti meritis, vt *Coruini oratores, quorum alter Ioan-*
nes, Varadienſis ; Thomas, laurienſis episcopus, al-
ter erat, primum admiſſi fuerint. Ioannes imprimis
 — „ non ſine lacrimis diui Mathiae geſta comme-
 „ morat. “ — *Inſequenti die Alemannorum legatis*
facta dicendi poteſtate, „ ex his vnus — imperioſius
 „ Vngariae regnum pro Friderico imp. Maximilia-
 „ noue filio — expoſcere viſus eſt, initi quondam
 „ foederis conditiones cum Mathia rege — men-
 „ tionem offerens. — “ *Secundum Alemannos le-*
gati

(a) Hiſt. Cr. T. XVII. p. 3.—6.

*gati Polonorum auditi, „ qui multo modestius rem
 „ agere visi, — vetustissimam suorum cum Vnga-
 „ gariae regibus necessitudinem — enarrant. — “
 Aragonii postero die introducti, „ perlectis Ferdi-
 „ nandi regis litteris, Beatricem eius nomine plu-
 „ ribus senatui verbis commendarunt. “ Postremo duo
 Boemorum oratores exauditi sunt, quorum alter —
 ita differuit. „ — A ser. Wladislao missi huc veni-
 „ mus, regemque offerimus non imperiosum, non
 „ trucem, non adolescentem; sed humanum, cle-
 „ mentem, paci belloque maturum. “ — Habita
 Boemorum oratione, — qui de rep. bene sentiebant,
 — tacita Wladislao suffragia reddere cogeantur. —
 Bona deinde — cunctis oratoribus verba data, ut
 imminetia utrimque bella declinarent. Addebant
 etiam: comitia nondum esse frequentissima; nec
 „ Sigismundum, Quinqueecclesien. episcopum, —
 „ cum Laurentio duce ceterisque Pannoniae infe-
 „ rioris et Croatiae regulis aduenisse. “ Coruino
 aperte responsum: „ regem numquam futurum. “ —
 Pacta cum eo inita: „ uti, si regium diadema re-
 giasque arces sponte reddiderit; — Bossenae, Croa-
 „ tia et Sclauoniae regnum ineat. “ — His tan-
 dem conditionibus acquiescere visus est; sed sollici-
 tatus a suis, sibi in se constare non potuit. Respon-
 sum, Alemannis redditum, non plenum Bonfinius
 refert. Plenius illud est, quod Carolus Belius re-
 citat, ubi haec inter cetera leguntur: (a) „ A pa-
 „ tris, viuento adhuc Mathia rege, Fridericum
 „ imperatorem discessisse. “ — Hinc neque Maxi-
 milianus stricto iure regnum ab Hungaris postula-
 bat; dum ad comitia Hungariae litteras Oeniponto
 L 13 dedit*

(a) Ap. Schwandt. T. II. p. 453.

dedit 19. *Apr. anno 1490.* Qui nisi iuribus suis, iam prius infirmatis, diffidisset, pactis fretus, ad tantas preces et pollicitationes numquam se demississet. (a)

CCCXXX. Bohemis clam optime sperare iussis, Coruinus, occupata regia, Petrum, Colocensem archiepiscopum, litteris ab eodem *ex arce sublimi*, seu Visegrado datis, sub exitum Aprilis interpellatus, (b) liberum dimisit, et novas vires accepit, quum Sigismundus, Quinqueecclesiensis episcopus, et Laurentius Ujlakius ad comitia cum 7000. armatorum aduenire. *Primus omnium*, inquit Bonfinius, (c) *dux Coruinus, cum metropolita Colociensi, intempesta nocte, profectus ex arce, ad hos venit: et Sigismundum Laurentiumque prius adcritur, quos patri quondam fidissimos esse nouerat.* — Sigismundus et Laurentius, cum priore Auranae ceterisque sociis, facta secessione, languentes Coruini partes instaurarunt: cum Colociensis metropolita Budensem arcem clam subiungere: — quin etiam urbem Budam occupare curabant, quam regni proceres tuebantur. Quum ciuile bellum tantisper interceptum fuisset; in D. Sigismundi aedem, quae pro arce est, primates utrimque conuenere. — Colloquium ibidem ter quaterue habitum; nihil tamen de solida pace decerni potuit. In hoc tandem — conuentum est inter eos: „ vti ad Stephanum, C. Scepusiensem, cui „ Austriae praefectura — commissa fuerat, — oratores mitterentur; eiusque voluntatem et consilium explorarent; vt, quemcumque regem optaret, is ab omnibus aliis approbaretur.“ — *Dum Buda*

(a) Hist. Cr. T. XVII. p. 6. — 15. (b) Ap. Wager Ep. Vard. p. 49. (c) Dec. IV. Libr. IX. p. 683.

Buda profecti, mandata curant; Stephanum inueniunt potius Boemiae regi, quam cuius alii studentem.
— Nam si quis ex tribus externis rex eligatur;
— tertia ex parte inimicorum numerum nuntiabat
esse futurum: sin vero Coruinus; — ex omni
parte finitima futura bella.” — Intellecta Step-
hani mente, Varadiensis mox, veteranorum exercitum,
in Moravia aestiuantem, — datis 100. millibus aureo-
rum numum, regni nomine inuictorauit. — Nun-
ciata Stephani mente, integerrimi viri sententia a
cunctis patribus admodum approbata: — contra Cor-
uini amici consternati: quippe qui, si vigorum hunc
exercitum inuictorare potuissent; satis exploratum
habebant: se, inuitis etiam patribus, regnum oc-
cupaturos.” — Euocantur ex arce iterum proce-
res; — numquam tamen Sigismundus et Laurentius
adduci potuerunt, ut ab adolescentis commiseratione
et a graui viri officio deficerent. — Quoniam nihil de
communi concordia decerni posset; Coruinus — in
sua et amicorum oppida se cum impedimentis et
exercitu recipere statuit. Coniunctis cum Sigismun-
do Laurentioque copiis, carris et nauibus oneratis,
aqua terraque Quinqueecclesias versus — circiter kal.
Julias iter facere coepit. — Datur Stephano Bashori
et Kinisi Paulo negocium, ut fugientes insequeren-
tur, quos ad Sarviz inuaserunt. Coruiniani vix
40. militibus desideratis et 70. captis, terga dedere.
— Victores — in carros et impedimenta, relicto
hoste, se conuerterant. — Diripiuntur per tot annos
congesti magna ex parte thesauri, et pro velutini
libidine diuiduntur. — Proinde maxima Coruino ia-
ctura eo die illata; quin plusquam centies mille nu-
mun aureum amisit. — Sigismundus in sua omnes
ciuitate fugientes excepit. — Laurentius in patrium
inferioris Pannoniae dominatum se recepit: ceteri in

sua quisque oppida rediere: dux, traiecto Drauo, in Sclauoniae provinciam, ditioni suae praedestinatae, concessit. — Quinto idus Iulias Stephanus Bathor et Paullus Kinisius — Budam rediere. Captiui circiter 70. ducti, quorum prior Auranae et Georgius Kanisai principes erant. (a)

CCCXXI. Factiosos, qui Wladislai regis electionem morabantur, hac ratione dispersos, Urbanus Dotzius ad concordiam reuocare clandestinis quotidie nunciis conabatur, ut Bonfinius refert. *Nec spe sua frustratus est. — Itaque rem haud ultra differendam esse ratus, ne procerum et populorum studia magis magisque mutarent; quarto die post ducum reditum (15. Iulii) pro D. Georgii templo, habita frequentissima concione „Wladislaum, Bohemiae regem inclitum, Vngariae principem, ex omnium patrum procerumque consulto“ declarauit; declaratumque omnes — cum ingenti plausu approbarunt. — Tanta max populi acclamatio cum ingenti plausu oborta est, ut eo die tota Buda nil aliud, quam faustissimum Wladislai nomen resonaret. — (b) Post haec patrum et optimatum omnes ingenii nerui, quum regni salus et imminetia undique pericula exposcebant, adiuuante summo studio regina, ut paribus declarato regi auspiciis coniungeretur; ad reconciliationem Corninianarum partium et publicam concordiam intenduntur. Rebus huc adductis, haud difficulter Mathiae filius ad concordiam reuocatus est; quandoquidem facile intelligebat adolescens, se, iam a plerisque destitutum, omnem operam elusurum. — Legati, — senatus consulto decreti, —*

(a) Hist. Cr. T. XVII. p. 15.—37. (b) Bonfin. Dec. IV. Libr. IX, p. 687.

vi, — — quibus adducendi honorificentissime regis data prouincia. — Wladislaus, prius litteris optimatum admonitus: „ Vngariae se regem omnino futurum, “ cum delecto Boemorum (15. millium) exercitu finibus appropinquaret. — Antistites et optimates Vngariae confestim occurrere. Hic omnium nomine Ioannes, Varadinensis episcopus, condiciones, quibus rex Hungariae declaratus est, proposuit. Agunt illae de veteribus Hungarorum libertatibus conseruandis; de magistratibus exterorum nulli conferendis; de prouinciis Austria, Morauia, Silesia, Lusatia, non alienandis; de sede regia constanter in regno Hungariae figenda. Has condiciones Wladislaus, descriptas etiam in codice iuris patrii, (a) ratas habuit in castris exercitus sui, prope villam Farkashida, sabbato ante festum ad vincula S. Petri ap. anno dom. 1490. Reliquum iter Bonfinius ita describit: Editio ibi plausu ac ingenti acclamatione, rex cum oratoribus et Boemiae Pannoniaeque proceribus in Schempte oppidum venit, a Ladislao Rosgonio, loci domino, ad coenam inuitatus. — Duo millia peditum extemplo praemittit, qui Visegradum obsideant, uti coronam habeant, antequam Budam ipse perueniat. — Blasius, qui arcem cum praesidio tenebat, — non inconsulto inuicemque Coruino, coronam arcemque reddidit. — Rex interea — Budae tandem urbi appropinquat: — tota ciuitas — in occursum effunditur: in arcem demum regiamque ducitur, a Blasio procuratore redditam. (b)

CCCXXXII. Wladislaus, 9. mensis Augusti Budam ingressus, tertio post die coronationi suae diem 14. Septembris praestituit, ac ad eam Cassouienses
alios.

(a) Tom. I. p. 255. (b) Hist. Cr. T. XVII. p. 37.—62.

aliosque, datis litteris (a) in castro Budensi, *fer. 5. prox. ante festum assumptionis B. M. V.* inuitavit. Eo magis inauguratio fuit acceleranda, quo plus eam hinc Albertus, inde Maximilianus impedire conabantur. Wladislaus igitur, ad sollemnia coronationis Albam regiam concessurus, Bartsenses ad constantiam adhortatus, promisit illis post inaugurationem auxilia contra fratrem se laturum, (b) *Budae, fer. 2. prox. ante fest. exaltationis S. Crucis.* Albam eadem die profectus, frustra per legatos tentata cum Maximiliano pace, (c) *tale spectaculum exhibuit, quod ubique gentium dignissimum foret habitum.* — *XI. kal. Octobris* — rite coronatur. — Ioannes Coruinus, elatis manibus, sacrum diadema prae tulit. — Osualdo Zagrabiensi, veluti metropolitano, sacrorum operatio commendata; quum Hippolytus, Strigon. metropolita, cuius hoc sacrum munus erat, ob immaturam adhuc aetatem non adesset. — Cum sacris insignibus initiabatur; numquam se lacrimis abstinere potuit. — Relatus in aulam, cum eodem habitu in medio suorum principum coronatus accubuit. — — — (d) *Vixdum Wladislaus rex, Albae coronatus, Budam se cum uniuerso pontificum procerumque comitatu receperat; quum varii ex omni regni parte tumultus et graues bellorum metus emergunt. Ut tot undique hostibus occurrere facilius posset; Ioanne Coruino per Sigismundum Quinqueecclesiensem in fide confirmato, Beatrici, nuptias in dies acrius flagitanti, easque, nisi assequatur, exitium prope regno Hung. minitanti, respondit: „ spondere se, reginam ex antistitum procerumque „ volun-*

(a) Ap. Kaprin. P. I. p. 292. (b) Ap. Wagn. Dipl. Sáros. p. 337. (c) Bonfin. Dec. IV. Libr. X. p. 695. (d) Id. Dec. V. Libr. I. p. 702.

„ voluntate ducturum. “ Illa sibi hoc promisso
 „ conciliata, minus felix in Alberto fratre con-
 „ ciliando fuit. Id primum per oratores tentauit,
 qui Szechenium ad eius castra *VI. id. Aug. perue-*
nere. (a) Ille, his nihil proficientibus, suos itidem
 oratores ad Wladislaum destinauit, *qui aperte regi*
significarunt: „ eum, Vngariae regem primo vo-
 „ catum, numquam temere vocationem istam de-
 „ serturum. “ Wladislao Budam ingressio, quum
 ille cum 8000. Polonorum in Pestano campo pri-
 die confedisset, mittitur ad illum primo Ioannes,
 Varad. antistes; tum Wladislaus ipse transit: *fratris*
perstinaciam et impietatem — incusat: „ eum neque
 „ legitime declaratum, neque ab optimatibus ad-
 missum. “ — *Re tandem infecta, colloquium diremit.*
 Postridie Varadinensis et Stephanus Bathorius, ad
 eum missi, pacem aliquam cum eo fecerunt; sed
 hanc ille non multo post abruptit, agrumque Vara-
 diensem et Agriensem depopulatus, Cassouiam ob-
 sidione cinxit, aduentu fratris anno sequente soluen-
 da. (b)

CCCXXXIII. Quominus Wladislaus hoc anno
 Cassouiensibus obsessis ac superiori Hungariae suc-
 currere potuerit; Maximilianus, alter aemulus, qui
 non Austriam dumtaxat, sed ipsam quoque Hunga-
 riam sibi vindicare volebat, impedimento fuit. Ad-
 uersus eius molitiones Stephanus de Zapolya, non-
 dum, vt quidam scribunt, palatinus, Austriam cum
 imperio sortitus, non ea, quam Hungari sibi de-
 spondebant, animi fortitudine prouinciam, suae fi-
 dei virtutisque creditam, propugnauit. Initio qui-
 dem magnam tuendae huius ditionis curam praef-
 se

(a) Id. Dec. IV. Libr. X. p. 690. (b) Hist. Cr. T. XVII.
 p. 62.—101.

se ferebat, ut ex litteris, ad Bartsenses datis, (a) *fer. 4. prox. ante fest. B. Georgii M. item (b) fer. 3. post Arnoldi, 1490. patet. Constantia tamen illi defuit; postquam Maximilianus, ut Istuanfius narrat, (c) audito Mathiae obitu, nullam sibi moram interponendam ratus, legiones e Suevis et Vindelicis conscripsit, sparsisque per Hungariam litteris, omnium fidem amplissimis promissis sollicitavit. (d) Vtprimum ille Viennenses Maximiliano studere comperit; (e) re desperata, et munita arce (400. praesidiariis) necessarium abitum caussatus, ne obcluderetur, excessit. Cum paruo Maximilianus equitatu, XI. kal. Sept. Viennam — inuectus est. — Insequenti die arx obsidetur. — Maximilianus, quum ante alios acerrime pugnaret; unum aduerso corpore vulnus accepit. Praesidiarii vero, ubi rem desperatam vident; deditionem tandem fecere omnes, ab hoste mitius opinione tractati. Neapolitani quoque idem fecere. — Pruchi ciuitas — mox Maximiliani factione deficit. Wladislaus, audita praecipuarum Austriae ciuitatum iactura, quum armis acinulum laceessere suaque tueri debuisset; legatione potius agendum cum Maximiliano censuit, eique nunciauit: (f) „ se legitime regem esse declaratum, et nulla in „ comitiis Maximiliano patriue augusto suffragia „ reddita. “ — Respondit ille cum indignatione: „ se numquam regno, sibi debito, facile cessurum. “ Eodem Austria paene tota iam potito, (g) nondum mensis October erat exactus; quum nouae defectiones, direptiones et incendia ex omnibus regni partibus*

(a) Ap. Wagn. Scep. P. IV. p. 21. (b) Apud eund. Dipl. Saros. p. 139. (c) Libr. I. p. 1. (d) Ap. Wagn. Dipl. Sar. p. 134. (e) Bonfin. Dec. IV. Libr. X. p. 694. (f) Ibid. p. 695. (g) Id. Dec. V. Libr. I. p. 703.

*partibus audiuntur. » Sempronium — caesari de-
 » ditionem fecisse: Sabariam — propediem in manus
 » hostium esse venturam: Iaurinensibus obsidionis
 » periculum imminere. — “ Nec multo post Saba-
 ria capta. — Castrum autem ferreum a 700. militi-
 bus Suevis — est obsessum. — Principio inde Nouem-
 bris mensis Ioannes Vitezius, Vesprii antister,
 quum auxilia non impetrasset, Maximiliani promissis illectus, Vesprium ei tradidit. (a)*

CCCXXXIV. *Vesprimii defectione et Germanorum aduentu audito, pergit Bonfinius, non minimum regis patrumque animi perculsi sunt. — Itaque nullam sibi muniendae Albae moram interponendam rati, eius rei causa Stephanum Bathorem et Paulum Kinisium cum exercitu mittunt. Quo quum illi accessissent; aegre a ciuibus intra oppidum sunt admissi: qui magnitudine pecuniarum deterriti, quas in munitione omnis generis comparanda impendi intelligebant oportere, — munitionem attingendam esse negabant. — Stephanus et Paullus, moenibus urbis diffisi, Budam se recipiunt. Albenes igitur pecuniam, quam ad muniendam urbem suam impendere noluerunt, hostium direptioni permittere coacti sunt. Victores enim, ad diripiendam conuersi urbem, — ciuibus omnibus — captiuis factis, non solum in bona fortunasque eorum inuadunt; sed ne matronarum quidem ac virginum pudicitiae parcunt. Maximiliano deinde grauiter iis comminante, qui aut mulieribus vim fecissent, aut sacris aedibus manus attulissent; — occultum locum nullum, quem non excusserint, reliquum fecerunt; usque adeo, ut, quum aedrum etiam fundamenta passim effoderent, in vinaria*

(a) Hist. Cr. T. XVII. p. 102.—122.

se, certissimum est ex prolixis pacis tabulis, (a) *dati inter exercitus utriusque partis, penes ciuitatem Cassouiensem, in dom. Inuocauit (20. Febr.) anno dom. 1491. Pace facta, pergit Bonfinius, atque urbis obsidione soluta, rex, fratre amplissimis donis affecto; et legatis, qui ex foedere oppida ei in Silesia traderent, missis, — in urbem ingressus est. — Albertus, quum se in Hungariae Poloniaeque fines cum exercitu recepisset; Saros, Eperies et Cibinium — in potestate retinuit. (b)*

CCCXXXVI. Wladislaus, hac parte liberum se ratus, omnes suas vires ad Maximiliani conatus elidendos conuertit. Ille, quia (c) *numquam a patre impetrare potuit, ut ad belli suscepti reliquias reficiendas pecuniarum aliquid sibi daret; — ad imperii sibi auxilium confugiendum putauit. Sed responsum est a principibus: — „nemini se ad Christianos nos — oppugnandos pecuniam suppeditaturos. —“ Quo ille responso, et simul tumultibus Gallicis perturbatus, animos ad res componendas adiecit. Magis in hoc proposito confirmatus erat; postquam eas arces et ciuitates, quas anno superiore Hungaris eripuit, ab iisdem receptas esse, certis nunciis accepit. Nam Wladislaus, ad Albam recuperandam intentus, Bohemis, eo praemissis, aliisque copiis Stephanum Bathorium praefecit, qui (d) *nonis Iunii Buda egressus, ad Baanhida exercitum rite lustrauit; ac postridie — Albam peruenit, — Kimsium ex inferiore Pannonia expectans. Postquam et hic 24. Iunii cum suis copiis Albam accessisset,*
et*

(a) Ap. Dogiel T. I. p. 79. (b) Hist. Cr. T. XVII. p. 143. — 180. (c) Bonfin. Dec. V. Libr. I. p. 711. (d) Id. Ib. p. 712.

et plures alii procures suos milites adduxissent; aucto ad 40. hominum millia exercitu, urbs, Bathorei consilio, magno apparatu, ex omni parte, oppugnari est coepta. — Patefactis diuturna verberatione — muris, ac militibus auide pugnandi potestatem poscentibus; eos tamen continuit rex, quod, praelio commisso, — pertinacissime utrimque dimicanturos milites videbat. — Quum hostes, se urbem defendere posse diffisi, de ea reddenda cogitare — instituisent; a Bathorea — colloquium postularunt. Datis 5. dierum induciis, res tandem in has condiciones contuenit: „ vt Germanis, cum impedimentis incolumes tuto in Austriam redire liceret. “ — Ita — *Alba XIV. kal. Sept. ex manibus hostium est erepta.* Maximilianus, huius aliorumque locorum iactura permotus, pronior ad pacem sanciendam erat. (a) Itaque, re diu multumque agitata, tandem ex regis auctoritate his legibus est transacta: „ Vt regnum Hung. ad Maximilianum, aut, eo mortuo, ad legitimos eius heredes recideret; si Wladislaus sine filiis legitimis decessisset: interea, vt regni titulus penes ambos resideret: vt pro belli superioris impensis Wladislaus Maximiliano centies mille numum aureum penderet: — vt eodem vterque amicos, rebelles hostesque haberet: — ne Hungaris ullis fraudi esset, quod ad Maximilianum se contulissent. — “ Quum legati se Budam recepissent; — ex iis Iauriensis — pacis condiciones — recitauit. — Multitudo — statim cum stomacho perinde obstrepere et reclamare coepit; „ quasi non pacis, sed seruitutis condiciones essent accipiendae. “ — Itaque quum singulis noctibus tabellae

(a) Id. D. V. Libr. II. p. 717.

„ reliquā, quae in vltiore Hungaria oppida occuparat, restitueret: Hungaris numquam posthac bellum faceret. — “ *Quae ubi Budam nunciata sunt; maiorem ex pace, quam ex victoria, laetitiam omnibus adruerunt.* Quieuit post haec Albertus, anno sequente Poloniae rex futurus. (a)

CCCXXXVIII. Eodem tempore, quo rex Wladislaus hinc cum Austriacis, inde cum Polonis semel iterumque bellum gerebat, Turcas quoque hostes expertus, opera suorum praefectorum illos reprimere conabatur. Iam tunc, quum Kinisius ad oppugnandam Albam profectus est; eius absentia hostes vsq; Hungariam inferiorem inuasit, et, vt Bonfinius scribit, (b) *omnis aetatis et sexus hominibus in seruitutem abstractis, diuorumque fanis incensis, quum 20. millibus passuum ad Varadinum accessissent; coortum in prouincia tumultum veriti, primo in fines suos incolumes se cum praeda reuerant; deinde, auctis ex prospero rerum successu animis, ultra Temesuarum excursionem fecerunt. — In Croatiam autem quum irrupissent; magno hominum pecorumque numero abacto, mercatores etiam Florentinos quosdam — in seruitutem redegerant. — Aliquam illis ad Vnnam fl. cladem illatam esse, Bonfinius ita perhibet: (c) *Ad Hunam amnem in Croatia ex Turcis 1500. — caesi totidemque capti.* Rursus alias eorum clades ita refert: (d) *Finito iam Germanico et Polonico bello, et regno gravissimis periculis absoluto, unum restabat Turcarum bellum, quod, superioribus impliciti curis, intermittere coacti fuerant. Cuius causa rex ad kal. Februarias*
con*

(a) Hist. Cr. T. XVII. p. 258.—272. (b) Dec. V. Libr. II p. 715. (c) Ibid. p. 718. (d) Ibid. p. 720.

concilium Budae frequentissimum indicit. Concilium hoc pluribus aliis de causis indictum fuisse, cum primis autem, ut pacis Austriacae conditiones cum statibus pro confirmatione communicarentur, ipsae regis litterae loquuntur, (a) Dat. Budae, in festo B. Andreae ap. anno dom. 1491. Interim, ut Bonfinius prosequitur, nuncius allatus est, Turcam ad obsidionem Albae Graecae — properare. — Paucis post diebus, quum iidem ad Sinderouiam conuenissent, ut, Danubio, quem frigoris magnitudine et vi congelasse existimabant, transmissio, ulteriorem Hungariam incursarent, opinione decepti, ne frustra se mouisse viderentur, clam ad Szabatsium diuerterunt: ac, — quum occulte suburbia adorti, die nocteque oppidum oppugnassent; praesidii virtute et robore inde depulsi, incensis tamen suburbiiis, recesserunt. In eo praelio ex Turcis 500. ex praesidio 50. ceciderunt. — Per eosdem dies alia Turcarum manus, quae in ulteriorem Hungariam irruerat, quum in Kinisii turmas intidisset; in potestatem fere tota concessit, multis caesis, aliis captis. — Neque ita multo post, 600. ferme alii ad Albam Graecam profligati nunciantur: qui quum praefectos duos Budam ad comitium abituros sentientes, expeditos in insidiis equites, ut eos incautos opprimerent, collocassent; ab eisdem eadem, qua in eos usi erant, arte, nec opimantes circumuenti et praeter paucos deleti sunt. Ita melioribus auspiciis, re bene cum Germanis, Polonis et Turcis administrata, annus MCCCCXCII. est initus. (b)

Mm 3

A. C.

(a) Ap. Kapr. P. I. p. 305. (b) Hist. Cr. T. XVII. p. 274.

A. C. 1492. Wlad. 2. Ind. 10. P. 22. A.

CCCXXXIX. Wladislaus, bellicis curis vtrumque liberatus, vt legum, bellis partiumque studiis nimium labefactorum, integritatem reuocaret, indictis anno superiore comitiis ad huius anni festum purificationis B. V. M. sapientissimas leges, articulis 108. comprehensas, condidit, suoque decreto I. quod a mole sua merito maius appellatur, easdem recensuit, cuius nos summa dumtaxat capita, more nostro, hic attingemus. (a) „ *Art. I.* Rex „ omnes status et ordines regni in eorum antiquis libertatibus conseruet: nouitates, per Mathiam regem introductas, aboleat: ordinariis prouentibus sit contentus. *II.* Bona, per regem Mathiam et reginam vel alios occupata, remittantur. *III.* Corona regni quomodo, per quos et vbi seruetur? *IV.* Morauia, Silesia et Lusacia a corona regni non alienentur. *V.* Rex pro maiori parte in Vngaria maneat. *VI.* Consiliarii, cancellarius, thesaurarius et alii officiales Vngari sint. *VII.* De rebus Vngariae rex cum consiliariis Vngaris consultet. *VIII.* Dignitates et officia Vngaris conferantur. *IX.* Iura possessionaria non extraneis, sed Vngaris conferantur. *X.* Iudices in celebratione iudiciorum personaliter intersint. — *XI.* Rex ad querelam simplicem, parte non audita, neminem impediat. *XII.* Rex motu proprio aut etiam delatione aliorum nocendi occasionem contra neminem regnicolarum concipiat. *XIII.* Nota — infidelitatis sine consilio praelatorum et baronum rex neminem condemnnet. *XIV.* Bona vniuersa, post obitum Mathiae

(a) Corp. Iur. Hung. T. I. p. 257.

„ thiae regis occupata, remittantur. XV. Forta-
 „ licia, nouiter erecta, diruantur. XVI. Damna,
 „ post obitum Mathiae R. quibuscumque illata, re-
 „ quirantur iure. XVII. De conseruatione mili-
 „ tum regionum. — XVIII. — Quomodo regni-
 „ colae contra hostes regni penes regis exercitum
 „ exsurgant? XIX. Exercituandi modus. XX.
 „ Sub banderio vno quot equites, sint? — XXI.
 „ Duces et comites quomodo in bellum prodeant?
 „ — XXII. Quomodo de damnis satisfactio impen-
 „ datur? — XXIII. Nullae gentes, post finitum
 „ bellum, in aliorum bona condescendant. — XXIV.
 „ De damnis, per castellanos — patrat. — XXV.
 „ Metarum rectificatio. — XXVI. Prouentus regii
 „ — quomodo exigantur: XXVII. Tricesimae. —
 „ XXVIII. Rex in bonis praelatorum, magnatum
 „ et nobilium, victualium exactiones — facere non
 „ permittat. XXIX. — Pro sepultura interfecti
 „ marca argenti non exigatur. XXX. Mineras in
 „ quorumcumque regnicolarum bonis — rex pro se
 „ occupare non possit. — XXXI. Monetae extra-
 „ neae in regnum non inducantur. XXXII. Au-
 „ rum et argentum non cūsum ex regno non ef-
 „ feratur. — XXXIII. De palatini auctoritate, iu-
 „ dicibus, officialibus regiis. — XXXIV. De iudi-
 „ cibus nobilium. — XXXV. Abolitio iudicii ge-
 „ neralis palatinatus. — XXXVI. Proclamatarum
 „ congregationum abolitio. XXXVII. Duellorum
 „ abolitio. XXXVIII. Trinae forenses proclama-
 „ tiones tolluntur. — XXXIX. Conuentus minu-
 „ ti, praesertim Szent-logh, cessent. XL. Osta-
 „ uae duae singulis annis celebrentur. — XLI. Et
 „ iam in Transsilvania et Sclauonia. — XLII. Iu-
 „ dices regni ordinarii qui sint? — XLIII. De ca-
 „ pitulis et conuentibus. — XLIV. — De modo

„ extradandi litteras in conuentibus. — XLV. In
 „ Romanam curiam, — suo dioecesano neglecto,
 „ conuenire aliquem in iudicium non licet. XLVI.
 „ Causae, ecclesiasticum forum concernentes. —
 „ XLVII. Nona pars frugum et vinorum. — XLVIII.
 „ Ecclesiasticae personae nonam et decimam in
 „ bonis suis exigant. XLIX. Nonam partem sol-
 „ uant domino terrestri etiam coloni, in terris
 „ aliorum vineas habentes. = L. Nobiles decimas
 „ ex propriis terris non soluant. LI. De nouo iu-
 „ dicio. — LII. Noui iudicii causae in primis octa-
 „ uis discutiantur. LIII. In comitatibus iudicia
 „ per quos fiant? LIV. Causae iurium possessio-
 „ narium — in 4. octauis terminentur. LV. Causae,
 „ minoris potentiae factum tangentes. LVI.
 „ In causis maioris potentiae procedendi modus.
 „ LVII. Repulsionum poena. LVIII. De euoca-
 „ tionibus. — LIX. Donatarius bona, in quibus
 „ contradictio facta est, — occupare non auit. LX.
 „ Donationis litterae cum clausula: *de manibus*
 „ *regis* = nullius sint vigoris. LXI. Bonorum
 „ impetrator — nomen regis liti non immisceat.
 „ LXII. Iuris regii impetrator, si male impetrauit,
 „ — conuincitur. LXIII. De donationibus regis
 „ per defectum seminis. — LXIV. Dotes vxorum
 „ — saluae sint. LXV. Poena feneratorum. LXVI.
 „ Birsagia quomodo iudices exigant. LXVII. Vio-
 „ lationis sedis poena 25. marcae. LXVIII. Con-
 „ cordandi libera facultas in omnibus causis. LXIX.
 „ Protonotarii in hospitiiis nullas causas iudicent.
 „ — LXX. Iudices regni ordinarios *luedentium*
 „ poena. LXXI. Prorogationes quibus suffragen-
 „ tur? LXXII. Appellans male ad iudicem supe-
 „ riorem in duplo conuincitur. LXXIII. Remissae
 „ causae ex curia regia. — LXXIV. — De ca-

- „ pitali causa. — *LXXV.* — De poena turban-
 „ tium exsequutiones. — *LXXVI.* Ecclesiasticarum
 „ et secularium personarum eadem poena in iudi-
 „ cio seculari. *LXXVII.* Ecclesiasticae personae
 „ cum inquisitoriis litteris. — *LXXVIII.* Nova
 „ donatio quomodo impetranda a rege? — *LXXIX.*
 „ Sedem iudiciariam armati non intrent. — *LXXX.*
 „ De poena priuatorum. — *LXXXI.* De poena —
 „ publicorum malefactorum. — *LXXXII.* Homici-
 „ dium voluntarium — quicumque patrauerit; —
 „ eadem poena puniatur. — *LXXXIII.* Saluus con-
 „ ductus etiam infidelibus per regem datur. *LXXXIV.*
 „ Mercatores extranei — ad loca consueta — acce-
 „ dant. *LXXXV.* Ecclesiasticae personae et nobi-
 „ les ad loca tributorum — ire non compellantur. —
 „ *LXXXVI.* Rustici, vxores ducentes; victualia
 „ dominis terrestribus, aut ad molendina fuges
 „ vehentes, tributa non soluant. — *LXXXVII.* De
 „ tributi iusta exactione. — *LXXXVIII.* — De
 „ poena transeuntium in vadis falsis. *LXXXIX.*
 „ Arrestationes quomodo fieri debeant? *XC.* Are-
 „ stari nobiles — non possunt. *XCI.* Ciues — in
 „ loco communi pro suis debitis arrestare possunt.
 „ — *XCI.* Manifestus debitor — vbique detineri
 „ potest. *XCII.* Colonum — non dimittentis poe-
 „ na. *XCIV.* — Aliorum colonos abducentium
 „ poena. *XCV.* Litterarum — taxa. — *XCVI.* De
 „ transsuntis litterarum. — *XCVII.* Mulieres nobi-
 „ les — procuratores constituere possunt. *XCVIII.*
 „ Litterarum minoris cancellariae regiae taxa. —
 „ *XCIX.* Litterarum maioris canc. regiae — taxa.
 „ C. Pestiensis et Pilsiensis comitatus comites non
 „ habeant. *CI.* De falcatione. — *CII.* Visegradiensis
 „ ciuitatis libertas — aboletur. *CIII.* Depositionum
 „ — loca. *CIV.* Super nonis iudicium in primis
 „ octauis

„ octauis administretur. *CV.* De domibus praelatorum, baronum et nobilium Budensibus — nihil solvatur. — *CVI.* Domus, indebite ab aliis quibus ablatae, Budae restituantur, *CVII.* Inter regni tempore — mala patrantium poena. *CVIII.* Ad diaetam — ultra 4. dies nemo expectetur. “
Articuli nobilium regni Sclauoniae. „ *I.* Sclauoniae regnum rex in suis libertatibus conseruet. *II.* Contributionis, quae in Vngaria offertur, in Sclauonia dimidia pars exigatur. — *III.* De salium cameris. — *IV.* De camerariis salis regii. — *V.* Sales — pro frugibus commutare possint. *VI.* Vina — solutis tricesimis, e regno educere possint. — *VII.* Tricesimae in locis antiquis — exigantur. — *VIII.* — Omnia eorum priuilegia confirmanda. *IX.* De exsequutionibus. — *X.* De possessionum occupatarum remissione. — *XI.* Damna, — post obitum Mathiae illata, requiri possint modo eodem, quo in regno Vngariae. —
 „ Dat. Budae — anno dom. MCDXCII. “ (a)

CCCXL. In his comitiis, secundum leges initae cum Maximiliano pacis, ut etiam Wladislaus innuit in suis litteris, quibus comitia haec indixerat, debuisset promulgari, *quibus legibus et conditionibus pacem ipsam pepigerit.* (b) Nusquam autem vel in actis, vel in articulis illorum comitiorum leges et conditiones illae commemorantur; immo confirmatas non esse satis innuitur articulo XXXIII. quo formula iurisiurandi pro praecipuis regni magistratibus praescribitur, nec tamen illi conditio, quam tabulae pacis de successionem Maximiliani praecipiant,

(a) Hist. Cr. T. XVII. p. 330. — 440. (b) Ap. Kapr. P. I. p. 305

ciunt, inferitur. Quare licet Kollarus meminerit litterarum, a Saxonis Transilvaniae ciuitatibus confectarum, (a) quibus consensus in eam successionis legem praestatur, nullarum tamen, ab Hungariae ciuitatibus vel comitatibus editarum, meminit. Producit tamen nimiam Wladislai facilitatem, qua 100. millia florenorum auri, quae Fridericus olim Mathiae regi stipulatus erat, obligationem Austriacae domui remisit, (b) *Budae, fer. 6. prox. ante dom.* Reminiscere, *anno dom. 1492.* Insuper ad expensas belli Maximiliano resarciendas 100. millia flor. se daturum eidem spondit. Vnde sensim auctoritas adeo remissi regis, qui tam caro pretio pacem mercatus sit, apud Hungaros euiluit. Laudari tamen Wladislaus ideo meretur, quod Petrum, Colocensem archiepiscopum, multis iniuriis ab aemulis suis affectum, non tantum in Hungaria, sed etiam in curia Romana defendendum suscepit. Scripserat eius causa saepius ad Innocentium VIII. et, postquam ille 25. Iulii hoc anno decessit; ad Alexandrum VI. undecima mensis Aug. pontificem creatum, ac ad cardinales diuersos, hoc studio testatus, vtilissimum religioni regnoque hunc metropolitam fuisse. Certe constat ex eius epistolis, illum ecclesiae suae redditus ad reprimendos Turcarum impetus potissimum impendisse, a quibus nulla hoc tempore quies erat. Saepius eosdem alii quoque duces hoc anno male multarunt, e quibus Moraeus, Seuerinensis praefectus, ut Bonfinius narrat, (c) *quum victoriae, de Turcis partae, — ac propriae virtutis testandae gratia, currus duos, caesorum hostium capitibus onustos, ad concilium veheret;*

(a) Post Vel. Indic. p. 323. (b) Ibid. p. 265. (c) Dec. V. Libr. II. p. 720.

ret; in medio itinere graui morbo correptus, inter-
iit: quos quum Gregorius frater Budam — desulisset;
— fratri mortuo — regis et patrum auctoritate est
subrogatus. Paulus Kinisius plures illis clades in-
tulit, et captos (a) inauditis ante apud Christianos
generibus tormentorum affectos interemit; quum
alios pistrini in aqua se versantibus rotis alligasset;
alios, igni sensim admotos, lento incendio confecis-
set; non paucos cute, ut belluas, exuisset; nonnul-
los etiam in hara, reuinctis post terga manibus,
esurientibus suis obieciisset: nimirum, ut pari sup-
pliciorum metu intra fines suos barbarum hostem de-
territum contineret. Magnam idem Kinisius seue-
ritatem expromsit (b) in Bohemorum cohortes, quae
veteranorum et nigrorum appellabantur, — ob intole-
randam eorum libidinis auaritiaequae licentiam. Nam
ad Szegedinum repente circumuentos, 400. caesis,
ad deditionem nouumque iusiurandum adegit. Moe-
stus hoc anno rex Wladislaus defuncto patri Casi-
miro parentauit, cuius vitam Antonius Bonfinius,
ut ipse scribit, (c) quam ornatissima potuit, oratione
laudauit. Missis autem ad Polonica comitia legatis,
Polonici regni iura, quae ad se, ut ad maiorem
natu fratrem, merito pertinerent, Alberto fratri
sincera fide remisit; cum quo subinde foedus occul-
tum pepigit, (d) ut mutuam sibi contra rebelles
subditos opem ferrent. Dat. in arce Budensi, in
vigilia S. Nicolai, anno dom. 1492. (e)

A. C.

(a) Ibid. Libr. III. p. 724. (b) Ibid. p. 722. (c) Ibidem.
(d) Ap. Dogiel. T. I. p. 86. (e) Hist. Cr. T. XVII.
P. 446.—526.

A. C. 1493. Wlad. 3. Ind. 11. P. 7. A.

CCCXLI. Quum Beatrix, ab obitu Matbiae Strigonii plerumque commorata, nuptias Wladislai regis impotenter vrisset; hic Antonium, Nitriensem episcopum, ad docendam promissorum suorum infirmitatem, Romam oratorem destinavit. Ad illum, pendente lite, kalendis Martii de clade, Turcis illata, litteras dedit, de quibus Burchardus ita scribit (a) *Tertia Aprilis, papa pro matutinis separante, episcopus Nitriensis, orator regis Hungariae, legit coram pontifice et cardinalibus, ibidem praesentibus, litteras eiusdem regis, prima die Martii, proxime praeteriti, in Hungaria datas, per quas significabat ei: „ se magnam et singularem victoriam „ habuisse contra Turcos, qui regnum Hungariae „ invaserant: 15. millia vel circa occidisse et prostravisse: et non modica spolia exinde reportasse. „* Locum Turcis illatae cladis Coronensis inscriptio paucis hisce verbis indicat: (b) *1493. Turcae prope rubeam turrim caeduntur.* Bonfinius anni tempus ita designat: (c) *circiter kal. Febr. Alibechum, — Sinderoniae praefectum, cum valido exercitu in Transsilvaniae fines ingressum, et cum ingenti praeda, per 5. dies coacta, redeuntem Siculorum tumultuaria manus, adempta praeda, exiit, et plerosque Turcas occidit.* Turcae, hac clade potius irritati, quam edomiti, maximos ad novam incursionem faciendam apparatus fecerunt: quibus excitatus Wladislaus, et ipse subsidium ad occurrendum eorum conatibus undique conquisivit, ac inter alios etiam Bartenses de mille florenis suppeditandis admonuit,

(a) Ap. Pray An. P. IV. p. 255 (b) Ap. Schwandt. T. I. p. 887. (c) Dec. V. Libr. III. p. 724.

bor dicto, cuius potiundi mira iam pridem cupiditate flagrabat, spreta iustitia, vim admouit, idque, rege frustra prohibente, sui iuris fecit, ac iustum regis atque omnium bonorum in se odium atque inuidiam concitauit. Iustus certe Coruini ducis animum dolor occupauit; quod ab eo, qui plurimis a patre suo beneficiis ornatus erat, tantam iniuriam experiri cogeretur. Auctus erat hic dolor, quum (a) oppida, quibus a patre donatus fuerat, antiqui possessores, non sine magni multorum doloris ac prope misericordia, postularent. Maximus ad dolorem cumulus accessit; quum etiam Osualdus episcopus idem fecit. (b)

A. C. 1494. Wlad. 4. Ind. 12. P. 30. M.

CCCXLIII. Stephanus Bathorius, anno superiore defunctus, in Transilvania quidem administranda successores illico Bartholomaeum Dragsum et Ladislaum Losontzium accepit; at in munere iudicis curiae nonnisi hoc anno 28. Ianuarii Paullus Kinisius illi susceptus est, ut ex Petri, Colocensis archiepiscopi, litteris, quibus illi nouam dignitatem gratulatus est, apparet, (c) Budae, fer. 3. prox. post festum conuersionis S. Paulli, an. dom. 1494. Non multo post ille, noua hac auctus dignitate, rem contra Turcas fortiter et cum laude gessit. Nam, ut Bonfinius refert, (d) uere appetente; — in eam cogitationem dies noctesque intentus, ut superiorem a Turcis cladem (Croatiam) ultus, — tristem praeteritorum damporum memoriam recentis alicuius insignis

(a) Ibid. p. 729. (b) Hist. Cr. T. XVII. p. 566.—591.

(c) Ap. Wagn. Ep. Vard. p. 721. (d) Des. V. Libr. III. p. 729.

signis victoriae gloria prorsus obrueret, in fines Tutarum — cum 10. millibus equitum, rege turmas submittente, populabundus inuasit: ductoque praeter Danubii ripam exercitu, infra Sinderouiam per adstrictum adhuc praealta glacie flumen 3000. expeditorum equitum ad vastandam Mysiam ire iussit: — qui subito se se ad duo proxima Alibechi praefecti castella, ubi ingentes Tutarum praedas asseruari audierant, contulerunt. His captis et direptis, Paulus 2000. equitum auxilio submisit, ut victores latius vagarentur. — Itaque finitimis omnibus duorum incendio castellorum exanimatis, facile ad 50. millia passuum, prohibente nemine, incendio rapinisque omnia miscuerunt. Praeda ingenti coacta, — omnes cis Danubium incolumes Paulli in castra se retulerunt. Postero autem die Alibechus, ad horum detrimentorum nuntium percussus, cum octo millium exercitu in Danubii ulteriore ripa — se ostendit; sed flumen ipsum, vapore solis iam resoluta glacie, traicere nequivit. — Paullus autem, quum praesidiarios milites de Alba Graeca Turcis prodenda consilia habuisse audisset; manibus continuo eius principibus coniurationis iniectis, nefarium per cruciatum scelus confessos acerbissimo — supplicii genere omnes affecit. Quippe in carcerem foedissimum conditos, singulis diebus eorum singulos, haedorum in modum veru praefixos, et ad ignem diligenter assatos, sociis vescendos apposuit. — Nouissimum autem eorum — lenta inedia tibiue necessarij subtractione confecit. (a)

CCCXLIV. Haec dum in inferioribus regni partibus aguntur; Wladislaus ad superiorem Hungariam,

(a) Hist. Cr. T. XVII. p. 610. — 617.

Epit. Chron. P. II.

Nn

riam, VI. idus Martii, ut Bonfinius scribit, (a) — fratribus colloquio Leuchouiam indicto, cum episcopis et proceribus Cassouiam versus proficiscitur. — Cassouiam quum venisset, atque eodem mox uniuersi principes accessissent, uno Laurentio duce excepto, qui superbe regis imperium — detrectauit; ibi fratres — sibi exspectandos putauit. Legatis autem Hippolyti, Strigonien. archiepiscopi, qui paullo ante cardinalis designatus erat, petentibus, „ut Hippolyto in Italiam „ire — liceret, “ ad id muneris oero mensuram spatium aegre permisit. — Audito, fratres iam finibus Hungariae appropinquare, Leuchouiam — iter ingressus, apud Saros castellum magnifico inprimis apparatu — a palatino suscipitur: — qui ad eos honores, quos regi, per oppida sua iter capeffenti, habuerat, Leuchouiae quoque nouos adiunxit; quum regi 200. vini cados, pontificibus et optimatibus 100. dono misisset. — — Quum Albertum propediem accessurum sentiret; acerbum eius odium, superiore Polonico bello in se conceptum, simulque offensum regis ab occupatis Coruini castellis animum extimescens, — e conuentu recessit. — Conuentu inito, 5. viri ab utraque parte ad componendas discordias, inter Hungaros et Polonos ex superiore bello natas, creati sunt. Huic rei expediendae magna obiiciebatur difficultas, quod, absente palatino, — nihil omnino decerni aut transigi poterat. — Qui tandem, a rege de praestita securitatis fide litteris acceptis, — Leuchouiam — accessit. — Reges interea saepe horas 5. integras soli — inter se colloquuti sunt. — Quum autem per mensem ferme ibi fuissent; — Albertus, — amice et liberaliter ab Wladislao donis excultus, dimissus est. Wladislaum 7. die mensis Aprilis Leutsouiae fuisse,

(a) Dec. V. Libr. III. p. 731.

fuisse, certum est ex eius litteris, quibus Petrum Colocensem per Kinisium in Zlakotz statuendum curat, (a) *datis Lenchouiae, fer. 2. post dom.* Quasi modo, *an. dom. 1494.* Sed iam 10. Maii Cassouiae dedit ad eundem Kinisium in eiusdem archiepiscopi causa litteras. (b) Longiorem illum moram Cassouiae traxisse, colligimus ex eiusdem litteris, indidem ad Osualdum Zagrabiensem 2. Iunii datis. (c) *Transsiluaniam*, inquit Bonfinius, (d) — *idoneo sibi maxime tempore, compositis publicis priuatisque Hungariae rebus, inuisendam putarat; ut, ea pacata, praesentem inde rei numariae difficultatem, veteribus pensionibus exigendis, aliqua ex parte leuaret.* Duo ibi ius dixerant praefecti, Bartholomaeus Drágfi et Ladislaus Losontzius, qui, ut diuerso inter se erant ingenio, sic diuersam in iure dicundo rationem sequuti, — non veteres solum factiones aluerant; sed novas etiam alias excitabant, — Quibus detrimentis ut mederetur rex; Ladislao ad magistri curiae honorem euecto, Bartholomaeum solum in praefectura retinuit. — Quando rex e Transsilvania discesserit, incertum est; illum adhuc Cibirii fuisse sub Augusti finem, apparet ex litteris, in fauorem ordinis Seraphici datis, (e) *in ciuitate Sibinensi, in festo B. Bartholomaei ap. anno dom. 1494.* (f)

CCCXLV. Dum Wladislaus Transsiluaniam lustrat; Laurentius Ujlakius Turcis maiorem ad damna Hungaris inferenda viam aperuit, ut in maiorem contemptum Wladislaum regem, cuius auctoritatem de-

N n 2

spicatur

(a) Ap. Wagn. Ép. Vard. p. 199. (b) Ibid. p. 202. (c) Ap. Kerchel. Not. Prael. p. 300. (d) Dec. V. Libr. IV. p. 736. (e) Ap. Fridu. Reg. Mar. p. 117. (f) Hist. Cr. T. XVII. p. 616.—662.

spicatuū habebat, apud populares addūceret. *Ab-*
eunte autem Augusto, scribit Bonfinius, (a) regii
 quaestoris procuratores aliquot, quum imposita tri-
 buta exigere vellent, haud procul Alba, in Lauren-
 tii ducis pago, iussu eius occisi sunt. — Turcae au-
 tem — Albam Graecam, quam 200. tantum mili-
 tum praesidio custodiri perdeperant, ex improviso
 adorti, 7. signis iam in montibus collocatis, facite
 in potestatem redegebant; ni Paulli Kinisi praefectus,
 a Temesuario propere tum instructa legione profectus,
 eos e moenibus acerrime detraxisset. — Illi vero,
 quum praeter Sauum iter instituissent, ut locum in-
 uenirent, quo flumen commodè vadarent; ad D. De-
 metrium, Laurentii ducis castellum, nullo prohiben-
 te, transgressi sunt: quum incendiis rapinisque eam
 omnem oram vastassent, — idque insigni Laurentii
 ducis potissimum erga regem regnumque perfidia,
 cuius illi villis etiam omnibus pepercisse dicuntur. —
 Inde Drauo ad Petoniam traiecto, et magnis detri-
 mentis illatis, hominum ad 7000. abduxerunt. His
 auditis, Wladislaus magnis itineribus ex Transsilua-
 nia Temesuarinum properauit. Vbi ad se venien-
 tem Paullus audiuit; (b) — cum instructis copiis ad
 Temesienses fines occurrit. — Et quoniam praepedi-
 ta lingua (hemiplectico fulmine iam anno superio-
 re tactus) exprimere verba non poterat; voce et dex-
 tra, in Turcarum fines intenta, regem ad tantas
 persequendas iniurias obtestatur; tactoque guttore
 suo, „ se ibi iugulum suum cupide pro regni sa-
 „ lute obiecturum “ — pollicetur. Hominem incre-
 dibili laude et fortitudinis, et pietatis insignem
 rex

(a) Dec. V. Libr. IV. p. 795. (b) Id. Ib. p. 737.

rex subleuatum amplexus, bono esse animo lacrimabundus iubet. — Inde subsequentes eum inspectare copias iubet: quo aspectu — usque adeo exhilaratus est, ut se continere nequiverit, quin caesum punctumque gladium eductum, ut in acerrima quondam solebat iuuentute, vibrarit. Wladislaus, Petrouaradipum inde profectus, quum certis nunciis comperisset, Turcarum equites per Petouiam in Illyricum et Croatiam irrupisse; — ex grauis et levis armaturae equitibus ad 14. millia legit, eosque Paulo et Bartholomaeo ducibus ad depopulandam hostium prouinciam tradit. — Hi, Sauo traiecto, Sinderouiae suburbiis ignem iniiciunt; et castris ultra promotis, hostem nullum inueniunt. — Quum ad dies 15. rebus omnibus ex sententia succedentibus, vagati, cuncta per 100. millia passuum ferro ignique vastassent; tantum praedae coaceruarunt, ut nec iumenta, nec currus ad eam reuehendam ulli sufficerent. In castris 5. boues aureo numo veniebant, eodemque pretio hordei et auenae tantum, quantum 4. equis, per annum alendis, satis fuisset. Volebat quidem Kimisius populationem latius circumkrre; sed militibus, metu spoliorum amittendorum recusantibus, laetissimam de acerbissimo hoste victoriam dimittere coactus est. Ut enim Petrum More, qui tum Constantinopoli orator erat, postea narrantem audiui: Turcae, audito infesto Pauli et Hungarorum incursu, adeo perculli metu erant, ut praetorianae cohortes — in Asiam repente traiecerint. — “ Kalendis Nouembris ad Albam Graecam incolumes omnes cum opulentissima omnium praeda se receperunt. — Paulus interea, letali febre correptus, — testamento nullo, quod iam pridem mutus erat, confecto, nullaue prole relicta, Christiane pientissimique hominis ritu ex hac vita decessit. — In praefectura Temesionsi Iosa (Iosephus

Som) — *robore et disciplina militari eius non dissimilis, a rege suffectus est. (a)*

CCCXLVI. Longiori morae, quam Wladislaus in inferiore Hungaria traxerat, causam obtulerunt non tantum Turcarum incursiones, sed etiam turbulentorum quorundam procerum factiones, quas bello tandem, quod aliis remediis non profecisset, coercendas censuit. *Bachiae vero rex quum esset; (b) Hungariae principes omnes, quorum infirmam fidem ex detrectato saepe imperio suspectam habebat, ad se venire iubet: ex quibus alii, inconstantiae vitio nutantes, non venerunt; alii ex conscientia rerum gestarum — omnino venire recusarunt. Inter ceteros autem Laurentium ducem accersit. Huic enim praecipue succensebat, quod facinorosum et seditiosum et contumacem principem nouerat, et Turcicae paullo ante incursionis auctorem. Hic, qui regem ipsum ad contumeliam bouis nomine appellare solebat, — flagitiorum scelerumque sibi suorum conscius, non venit. Wladislaus igitur, e suorum consilio, per Bartholomaeum Dragsum Ujlakinum oppugnari iussit. Laurentius, sibi ac suis rebus plane diffusus, ad palatinum, quocum affinitate et foedere se deuinxerat, citato gradu contendit, et — auxilium aliquod dubiis rebus ab eo suis implorat. — Wladislaus, superbis palatini precibus reiectis, Ujlakino XII. kal. Ian. potitus, ingressus arcem, haud modicas opes commeatusque inuenit, vestes nimirum 300. vario pretiosarum pellium genere suffultas; auro argentoque caelata plurima; cadorum vini ad 3000. Pluribus eius oppidis ad Sauum et ad T-*
tam

(a) Hist. Cr. T. XVII. p. 661.—672. (b) Bonf. Dec. V. Libr. IV. p. 738.

tam expugnatis et spatio duorum mensium in ditionem adductis, regia ubique aduersus contumaces et rebelles principes dignitate cumulate a rege defensa, hic annus abiit. (a)

A. C. 1495. Wlad. 5. Ind. 13. P. 19. A.

CCCXLVII. Bonfinius decadis V. Librum V. operum suorum vltimum, exorsus, acta huius anni sic describit: *Ineunte anno, qui fuit 4. parte virginis supra mille et 400. nonagesimus quintus, Wladislaus, — pacata inferiore Hungaria, — traiecto Drauo, bellum in Illyricum transferre ceterasque Laurentii arces expugnare contendit: — „quem „ quidem, fama erat, exercitu valido in finibus „ Austriæ comparato, palatinum ad suas partes „ et belli societatem facile traducturum. — „ Quae de causa rex Iosam, nuper e Temesuario euocatum, cum quibusdam cohortibus peditum et 6000. equitum, quae obsidendo Németh-Ujuáro destinaret, aduersus Laurentium mittit. Bartholomaeum vero vniuodam in Simigiensem agrum — ad Kaposuárum castrum — oppugnandum ire iubet. Ipse cum ceteris Ferrucae conuentum habet, et seuerè iudicia exercet. Huc palatinus legatos, pro Laurentio deprecatorios, misit. Illi — vetus et constans responsum a rege rulerunt: „ se contumaces ac reip. inimicos homines oppugnandi finem numquam facturum. — „ Quin etiam paullo post familiarem quemdam, a Laurentio pro petenda venia missum, admonuit, ut domino suo renunciaret: „ bouem illum, quem per „ iocum appellare solebat, iam vnum magnum cornu habere, alterumque, modo enatum, valde*

N n 4

„in

in dies crescere. — Kaposuáro Raholtzaque dedita, rex se ad *Quinqueecclesias*, circiter kal. Martias, cum vniuersis optimatibus retulit: et quod iam satis poenarum peruicaciae temeritatisque suae dedisse Laurentium duceret; — veniendi ad se facultatem et res suas componendi concessit. — Laurentius, Kishoruatho, Ederba et Nicolao Zechi comitantibus, — ad regem perductus, orationem habuit humilem, — in qua erratum insaniamque suam aperte confessus est. Prior Auranae, defectionis auctor praecipuus, vinculis oneratus, serius tamen liberatus est. Extinguendo ciuili bello, generosius Turcis, inducias in decennium exposcentibus, responsum reddi potuit, induciis tantum in triennium datis, — his conditionibus: (a) „ Ne vlla vtriusque vis et incurio per triennium fieret: vt sine fraude do-
loque captiui ex clade Croatica redderentur;
Wladislao vero integrum esset inducias aut pro-
ducere; si vellet: aut intercipere; si commodum
esset: modo, tribus id ante mensibus indicaret. “
(b)

CCCXLVIII. Factionis in ordinem redactis, antequam Wladislaus Quinqueecclesiis discessisset, frequentissimum Budae conuentum, ad quem ex singulis comitatibus decem conuenerant, edixit. Quia vero hic decretum I. tribus abhinc annis conditum, quibusdam additionibus illustratum est; hoc decretum II. *additiones ad decretum I.* codex iuris patrii vocat, cuius articuli 45. partim additi, partim de nouo conditi, hoc ordine sequuntur:
(c) „ I. De modo remittendi bona, per Mathiam
R.

(a) Bonf. Dec. V. Libr. V. p. 745. (b) Hist. Crit. T. XVII. p. 695.—725. (c) Corp. Iur. Hung. T. I. p. 283.

R. et alios occupata. — *II.* De regis potestate
in conferendis bonis. — *III.* Nota infidelitatis —
aliquem in diaeta condemnandi modus. *IV.* No-
tam infidelitatis inducentes casus. — *V.* Regis
auctoritas in collatione bonorum non de exter-
nis, sed de regnicolis intel'igitur. *VI.* — Sepul-
tura intersectorum hominum. — *VII.* Trinae fo-
rensis proclamationis loco fieri debet euocatio.
— *VIII.* De assessoribus sedis iudicariae regiae.
— *IX.* De exsequutionibus — hominum regio-
rum. — *X.* Coram archiepiscopis, — neglectis
dioecesanis, nemo — causam moueat. — *XI.*
Donatariorum, contradictione non obstante,
bona sibi donata occupantium, — poena. *XII.*
De exigendis hirsagiis in sedibus comitatum.
XIII. Concordare valeant litigantes ante exse-
quutionem sententiae. — *XIV.* Prorogationes ser-
uientium in castris. — *XV.* De exemptis a iuris-
dictione comitum. *XVI.* Exsequutio cum litte-
ris exmissionalibus comitatus. — *XVII.* Comites,
— a comitatu non exmissi, — exsequutiones —
non faciant. *XVIII.* Colonos fugitiuos recipien-
tium et restituere nolentium poena. *XIX.* —
Poena malefactores dimittentium; nec non emen-
da capitis praelatorum et baronum. *XX.* De co-
mitatu Pestiensis et Pilisiensis, ubi iudices nobi-
lium vicem comitum praestant. *XXI.* Aressi in-
debiti iudices. — *XXII.* De colonis, aedificia —
secum transferre volentibus. *XXIII.* — Non ob-
seruantium articulum de taxa litterarum poena.
XXIV. De facultate comitatum Pestiensis et Pi-
lisiensis in causis discutiendis. *XXV.* De diaeta
regnicolarum. — *XXVI.* Ad comitia non ele-
ctos de comitatibus, sed singulos praelatos, ba-
rones et nobiles rex conuocet. *XXVII.* Ani-

in iisdem comitiis vterque peractum affirmat, admonitam scilicet fuisse Beatricem, ut nullam de nuptiis Wladislai spem porro haberet. *Quibus ad illam non multo post delatis*, refert Istuanfius, (a) *queribundam et lacrimantem, proscisso grauissimis probris et execrationibus Wladislai nomine, dira omnia ei imprecatam*: „ quod se prolixis et falsis „ illius pollicitationibus periuriisque deceptam ne „ farieque illusam “ *affirmaret*. Primae tamen Wladislai procerumque sententiae dum aquiescere nolisset; causam suam apud pontificem tam impudenter vrsit, ut illicitum cum Wladislao commercium fateri vel comminisci non erubuerit. (b) Nihil tamen his omnibus, praeter infamiam consequuta, Hungariam quidem deseruit; sed adhuc tertio post anno Viennae se detinuit, unde litteras ad suum Schemnicziensem camerarium dedit, (c) 20. Aug. 1498. Tandem in Italiam reuersa, vitam cum morte commutauit anno 1508. (d)

CCCL. Eius priuignus, Ioannes Coruinus, quem nuptiarum spe turpiter destituit, incertum, qua de causa, superiorem Hungariam hoc anno turbare coepit, ut ex his Wladislai litteris, ad Bartsenses datis, coligi potest: (e) „ Certificati sumus, iilum „ streum Ioannem Coruinum, Oppauiae et Liptouiae ducem, in regno Poloniae gentes congregare, — eo consilio, — ut ad hoc regnum nostrum Hung. hostiliter venirent. — Quorum sinistro conatui debita prouisione occurrere decreuimus; nam et personaliter versus illas partes re-

„ gni

(a) I.ibr. III. p. 28. (b) Ap. Bel. T. III. p. 233. (c) Ap. Bel. T. IV. p. 638. (d) Hist. Cr. T. XVIII. p. 1.—29. (e) Ap. Wagn. Scep. P. IV. p. 24.

„gni nostri superiores ire — statuimus. — Interea
 „autem defensionem illarum partium fidei nostro
 „— Stephano de Zapolya — palatino commisimus.
 „— Dat. in castro Waipo, festo B. Priscæ V. an-
 „no dom. 1496.“ Hostes illos repulso fuisse, pa-
 latinus ad eosdem ita perscripsit: (a) „Sciatis,
 „quod inimici huius regni nostri — per nostras
 „gentes, habito cum eis campetri conflictu, pro-
 „strati et expulsi sunt. — Dat. Rosemberk, fer. 5.
 „ante dom. *Oculi* (6. Mart.) an. dom. 1496. Res
 mira videri potest, Ioannem Coruinum, qui singu-
 larem adhuc in Wladislaum fidem et obedientiam
 expromsit, viso Laurentii ducis exemplo, quem
 rex armis ad officium reduxit, perniciosum istud
 Hungariae tranquillitatem perturbandi consilium ini-
 uisse. Videtur priuatam dumtaxat iniuriam contra
 palatinum vlcisci voluisse. Certe bani dignitatem
 etiam dehinc illum retinuisse, docent litterae, Bi-
 hatsio hoc anno 14. Sept. ab eo datae. (b) Debe-
 bat illic ille pro ratione sui muneris excubare con-
 tra Turcas, qui contra fidem induciarum multa da-
 mna ditionibus Hungaricis intulerunt. Et quia Po-
 loniam itidem incurserunt; Wladislaus, istud patriae
 suae damnum suam iniuriam interpretatus, legatio-
 nem ad Baiazetem, de reliquis etiam iniuriis que-
 stus, destinavit, (c) bellum, nisi modus his in-
 iuriis poneretur, comminatus. Ad hoc igitur ap-
 paratus necessarios facturum, opera Zingarorum ad
 conflandos globulos vti voluit. „Thomam Polgar,
 „inquit, (d) vaiuodam Pharaonum, vna cum aliis
 „Pharaonibus sub tentoriis 25. — pro faciendis
 „globulis pyxidum, siue aliis instrumentis, ad
 „belli

(a) Ibid. p. 25. (b) Ap. Kerchel. Not. Prael. p. 301. (c)
 Ap. Pray Ann. P. IV. p. 274. (d) Ibid. p. 273.

„ belli vsum necessariis, ad seruitia fidelis nostri,
 „ RR. in C. P. D. Sigismundi, episcopi ecclesiae
 „ Quinqueecclesiensis, deputauimus. — Dat. Budae,
 „ fer. 5. prox. in octaua festi SS. corporis Christi,
 „ anno eiusdem 1496.“ Vel igitur Sigismundus e
 captiuitate iam dimissus est, vel ea non in supe-
 rioris huius anni comitiis irrogata fuit, quam Bon-
 finius sub operis sui finem ita refert: (a) *Sigismun-
 dum peculatus reum quidam fecere. — Iudicio agi-
 tato, ex confusis eius rationibus aperte peculatum
 eum commisisse statuerunt. Itaque iussu regis, re-
 pente comprehensus, et in carcerem, magna plebis
 gratulatione, conditus est. (b)*

A. C. 1497. Wlad. 7. Ind. 15. P. 26. M.

CCCLI. Quum Leutsouienſes, a Caſſouiſiſibus
 in via ſaepe vim paſſi, regis auctoritatem inter-
 pellarent; hic quidem illos *ad octauas feſti B. Geor-
 gii M. ſuam perſonalem in praefentiam euocauit,*
 (c) *Budae, fer. 3. prox. poſt. dom. Quasi modo (4*
Apr.) an. dom. 1497. eo tamen tempore, quo ci-
tatis comparendum fuiſſet, iam extra Hungariam
profeſtus, litteras dedit, (d) Pragae, die lunae an-
te aſcenſionem domini 1497. Pragae Wladislaus,
ex quo Hungaria potitus eſt, non vidit. Cur vero
nunc in Bohemiam conceſſerit, Dubſtauſius cauſſam
ita reddit: (e) In Boiemia —, rege multo tempore
abſente, factionibus, ſeditionibus, latrociniis, cor-
ruptis ad ſpem rapinarum paganis, militibus omnes
vias inſidentibus, res vehementer turbabantur. —
Haec

(a) Dec. V. Libr. V. p. 749. (b) Hiſt. Cr. T. XVIII. p. 29.
 — 55. (c) Ap. Wagn. Seep. P. I. p. 86. (d) Ap. Dobn.
 Mon. T. IV. p. 474. (e) Libr. 31. p. 297.

Haec igitur atque alia pleraque regni incommoda praesentiam regis desiderabant. — Tres praesules eum affectabantur: Agriensis, Varadinus, Vaciensis; tum procerum insignium et primorum nobilium ingens numerus, cultu omnes ornatuque et clientulorum, et equorum splendidissime instructi. — Rex in arce nullum prius, quam templi D. Wenceslai tectum subiit, gratias DEO agens, tamquam salutis suae prosperitatis, uictori. — Rebus ibi compositis, in Hungariam reuertens, aliquantulum in Moravia substitit. — Per idem tempus Stanislaus Turzo, Roma Olomucium veniens, regem suum, qua decuit reuerentia, salutavit, pontificatumque Olomucensem iniit. Huius subinde germanus, Ioannes Turzo, Wratislauiensis episcopus euasit. Ex litteris, ad Petrum Colocensem et ab hoc ad regem datis, (a) in vigilia natiuitatis M. A. D. 1497. patet, Wladislaum ante Septembrem Budam rediisse. Sequenti vero mense Szegedini iam fuit, quum legem suam de beneficiis, externo homini non conferendis, in gratiam Angeli, gubernatoris Petrouaradiensis, relaxauit, (b) *fer. 6. prox. post fest. XI. millium virginum, anno dom. 1497.* Quae res videtur ita displicuisse statibus et ordinibus, Pestinum mense Nouembri conuocatis, ut, infectis rebus, ad propria remeauerint. Wladislaus igitur irritatos Hungarorum animos placaturus, effecit, ut Alexander VI. Thomam Strigoniensem, Hippolytum Agriensem antistitem esse iusserit, (c) datis Romae litteris tam ad Thomam, quam ad ipsum regem, *XIII. kal. Ian. an. dom. 1497. pont. 6. (d)*

A. C.

(a) Ap. Wagn. Ep. Vard. p. 138. (b) Ibid. p. 98. (c) Ap. Schmitth. Ep. Agr. T. II, p. 161. (d) Hist. Cr. T. XVIII. p. 70.—101.

A. C. 1498. Wlad. 8. Ind. I. P. 15. A.

CCCLII. Primum ita turbulentorum regni comitiorum, ut nihil definiri concludique potuerit, exemplum anno superiore fuit editum; in dies magis defluentibus Hungariae rebus saepe deinceps edendum. Indictis igitur hoc anno Budam *ad fest. B. Georgii M.* nouis comitiis, conditum est decretum III. *minus* dictum, articulos 74. complexum, hoc ordine: (a) „ I. Diaeta — in campo „ Rákos tertio quoque anno celebretur. II. De „ octauarum — celebrationibus. — III. De octauis „ S. Michaelis. IV. De magistris protonotariis. — „ V. De iudicialium litterarum distributionibus. — „ VI. Consuetudines antiquae *protonotariorum* conscribantur. VII. Assessores octo in consilium admittantur, dum negotia, vniuersum regnum concernentia, — tractantur. — VIII. — Quinque casus — per regnum examinentur. IX. Causae — „ damnorum — post obitum Mathiae regis — X. — „ Iura possessionaria occupata vsque ad festum B. Michaelis arch. remittantur. — XI. Conuentui „ Szent-Jogh ademtum sigillum restituatur. XII. „ Capitulum Bosnense per totum regnum executiones facere valeat. XIII. Conuentum praepositurae de Saagh in comitatu Gemer. procedere „ posse. XIV. Litteras falsas in capitulis obsignantium poena. XV. — Viri ecclesiastici — quomodo cum rege militare debeant? — XVI. Equitem armatum quidam — de 36. portis, quidam „ de 24. — interteneant. XVII. *Officiales* — extra „ metas regni etiam militare debent. XVIII. *Scipendarii* regnicolarum quando conscribantur? — „ XIX.

„ XIX. Capitanei regii poena, qui exercitum re-
 „ gni ad falsos rumores leuaret. — XX. Banderia
 „ *ecclesiasticorum* et numerus equitum. XXI. De
 „ regali banderio et regionum officialium. XXII.
 „ De baronibus, qui — militare tenentur. XXIII.
 „ De inscriptionibus sex ciuitatum et Lusatiae. —
 „ — XXIV. A Morauis et Silesitis, nec non Lu-
 „ satia iuramentum feudi regi Hungariae, et non
 „ Bohemiae, praestandum. XXV. De coronae sa-
 „ crae conseruatione. — XXVI. Rex indigenis et-
 „ iam vltra 100. colonos conferre potest. XXVII.
 „ Saluus conductus 40. dierum detur infidelibus
 „ et accusatis. XXVIII. Metarum finitimarum re-
 „ ctificatio. XXIX. — Poena peculatorum. —
 „ XXX. Vectigalium exactores Hungari sint. —
 „ XXXI. Pecora, — aurum et argentum non edu-
 „ cantur. — XXXII. In equorum educatione — so-
 „ cietatem inire cum forensibus — nemo audeat.
 „ XXXIII. Loca depositionum. — XXXIV. Trice-
 „ simarum antiqua loca. XXXV. Nobiles et ec-
 „ clesiastici tricesimam et tributa — non soluant.
 „ XXXVI. Falsas vias in territorio aliorum obser-
 „ uantis poena. XXXVII. Sal regius in antiquis
 „ cameris deponendus. XXXVIII. De iudicio in-
 „ ter nobiles et ciuitates regias. — XXXIX. Liber-
 „ tas abrogatur Vissegradiensis ciuitatis. XL. Li-
 „ berae ciuitates in suis libertatibus conseruentur.
 „ XLI. De *monis*, *ut alias*. XLII. Castra finitima
 „ amittentes. — XLIII. Castrorum finitimorum per-
 „ lustratio. — XLIV. De comite Temesiensi. —
 „ XLV. Interregni tempore — oratores principum
 „ ad comitia regni venire prohibeantur. XLVI.
 „ Nota infidelitatis damnatorum officiales. — XLVII.
 „ Comani, Philistaei et Rutheni nobilium colonos
 „ non abducant. — XLVIII. De Comanorum et
 „ *Epit. Chron. P. II.* O O „ Phi.

„ Philistaeorum differentiis. — *XLIX*. Decimae ar-
 „ gento non redimantur. *L*. Sedecimae vel quar-
 „ tae plebanis — solvantur. *LI*. Decimarum ex-
 „ actio. — *LII*. Christianitatis et memoriae pecuniae.
 „ — *LIII*. Cathedralicum censum archidiaconi ab
 „ integris ecclesiis unum florenum — accipiant.
 „ *LIV*. Agnellos et apes decimandi modus. *LV*.
 „ Episcopi bona secularia pro ecclesiis non impe-
 „ trent. — *LVI*. Beneficia duo — persona quae-
 „ cumque ecclesiastica tenere — non valeat. *LVII*.
 „ Comitatus honor ecclesiasticis personis non con-
 „ ferendus. — *LVIII*. Praepositurae et abbaciae re-
 „ gulares personis regularibus — conferantur. *LIX*.
 „ Clerici in habitu seculari beneficia non possideant.
 „ *LX*. Causis in profanis nullus ad forum spirituale ci-
 „ tetur. *LXI*. Causis in profanis nemo cogatur respon-
 „ dere coram iudicibus spiritualibus. *LXII*. Spiritua-
 „ les iudices factum iuris possessionarii non iudi-
 „ cent. *LXIII*. Causae ad sedem apost. per ap-
 „ pellationem tantum, non per querimoniam, de-
 „ ducantur. *LXIV*. De sigillaribus pecuniis epi-
 „ scopi laurin. et abbat. S. Martini — *LXV*. Epi-
 „ scoporum contractus cum secularibus. — *LXVI*.
 „ Plebani ecclesiarum, inuitis patronis, non con-
 „ firmentur. *LXVII*. Beneficia ecclesiastica — in-
 „ capacibus et idiotis non sunt conferenda. *LXVIII*.
 „ Omnes in synodo compareant. *LXIX*. Plebani
 „ per episcopos non taxentur. *LXX*. Officia duo
 „ tenere possunt palatinus, C. curiae et banus Dal-
 „ matiae. *LXXI*. Comites et vicecomites causas
 „ comitatus sui — cognoscant. — *LXXII*. Arma
 „ et victualia infidelibus non vendantur. *LXXIII*.
 „ Profugos a Turcarum imperio nemo molestat. —
 „ *LXXIV*. De teloniis. — Datum Rudae. — anno
 „ dom. 1498. “ (a) CCCLIII.

(a) Hist. Cr. T. XVIII. p. 104.—160.

CCCLIII. Wladislaus, Hungarorum animis per haec comitia pacatis, curas omnes ad tuendam Poloniam, cui Turcae rursus imminébant, conuertit; fratremque Ioannem Albertum de hostibus, exitium Poloniae minitantibus, vt ad retundendos eorum impetus tempori se pararet, admonuit. Ille, rebus suis consulturus, oratorem ad Maximilianum imp. et principes imperii destinauit; sed quia nullas ab illis suppetias impetrauit; *reges Hungarus et Polonus fratres*, inquit Istuanfius, (a) *vicinitate discriminis admoniti, missis vltro citroque legatis, — foedus renouarunt, ac contra Turcas et Tartaros ceterosque hostes mutua auxilia decreuere. Cautum etiam in eo foedere fuit: „ ne regum alterutri, „ sine mutuo consensu, cum Turcis aut pacem „ facere, aut bellum gerere liceret. “ De Moldauiâ vero, cuius princeps Stephanus, militiae quidem clarus, sed mutabili ingenio fideque vir, — ad partes Polonorum transierat, — conuentum est: „ vt „ illa in posterum in fide et clientela regum Hungariae maneret: ac eidem Moldauo ac Transilpinae Valachiae principi, Raduloni, si bellum „ a Turcis ingrueret, vterque rex auxilium ferret. “* Tabulas foederis, quod per oratores Ioannem Vitezium, ep. Vespriemensem. Nicolaum de Lindua, Andream Both de Bayna, Emericum Czobor institutum est, exhibet Dogielius, (b) *confectas Cracouiae, fer. VI. festi S. Margaritae V. et M. A. D. 1498.*, quas Poloniae rex eadem die; postridie proceres; Wladislaus vero kalendis Aug. confirmauit.

(c)

O o 2

A. C.

(a) Libr. III. p. 28. (b) Cod. Dipl. T. I. p. 87.—92. (c) Hist. Cr. T. XVIII. p. 160.—177.

A. C. 1499. Wlad. 9. Ind. 2. P. 31. M.

CCCLIV. Wladislaus, hac confirmatione non contentus, novos oratores, Dominicum, Varadiensem episcopum, et Balthasarem de Batthyan, banum et capitaneum Bosniae castrorum, in Poloniam misit, et rursus eadem pacta per eosdem rata habuit, (a) *Cracouiae, feria 3. prox. post fest. BB. Tiburtii et Valeriani MM. A. D. 1499.* His in Hungariam reuersis, alii quoque praesules et proceres eadem confirmarunt, *Budae, fer. 4. prox. ante fest. pentecostes, an. dom. 1499.* Inter subscriptos legitur etiam *Bartholomaeus, prior Auranae*; non igitur Danubio merfus vel perpetuo carceri traditus fuit, vt Bonfinius et Istuanfius perhibent. Suam ille causam apud sedem apostolicam egit, vt instrumenta litteraria docent. (b) Osualdus Zagrabiensis in eo diplomate non comparet, hoc anno mortuus, postquam 33. annis, quibus ecclesiae huic praefuit, nullis laboribus pepercit, vt fundos ecclesiae suae distractos restitueret. Ex 63. millibus florenorum, industria sua congestis, non nisi 2300. consanguineis reliquit; *ad labores castrorum finitimorum, videlicet Faicza, Nandoralba, Sabacz et Feurim 32. millia flor.* ecclesiae Zagrabiensi 10. millia, totidem regi; (c) cui Stephanus quoque Zapolya palatinus, exeunte hoc eodem anno defunctus, duos equos cum quibusdam valis legauit. (d) *Successit ei, scribit Istuanfius, (e) — Petrus Vingartus, cognomine Gerebus, Mathiae regis consobrinus, qui, viuo Mathia, exercitus Germanici*

(a) Ap. Dogiel. T. I. p. 95.—99. (b) MSS. Heuener. T. II. p. 40.—50. (c) Ap. Farlat. T. V. p. 509. (d) Ap. Wagn. Scep. P. I. p. 148. (e) Libr. III. p. 29.

manici praefectura functus fuerat, arce — Valpone ab illo donatus (a)

A. C. 1500. Wlad. 10. Ind. 3. P. 19. A.

CCCLV. Dum annus a sacro diademate Roma misso quingentesimus iniisset, multos Romam Hungaros exciuit ingens ac rarus ille iubilaei thesaurus, quem Alexander VI. orbi Christiano promulgauit. Quosdam ex iis in via male multatos a Turcis Istuanfius refert, (b) a quibus Veneti quoque pressi, Hungarorum opem implorarunt, et satagente Thoma Strigoniensi, (c) foedus cum Wladislao percusserunt iis conditionibus: „ Vt in Turcas statim, omni-
„ bus promotis copiis, arma conuertat: senatus
„ autem Venetus eandem pecuniae summam, quan-
„ tam Mathiae regi soluere consueuerat, in singulos
„ annos centies mille numos aureos numerare debeat;
„ donec bellum confectum fuerit. “ Huic foederi feruente Wladislaus, Alexandri maxime auctoritate adductus, subscripsit, qui et ipse „ — se in trien-
nium singula 40. millia numum aureorum subsidii
„ nomine daturum “ pollicebatur. Itaque bellum — decernitur: — Ioanni Coruino, Dalmatiae et Il-
lyrici proregi; — Iosepho Somio, Temesuarii; Pe-
tro C. S. Georgii, Transsilvaniae praefectis, aliisque limitaneis pecunia in stipendium ad conducendos mi-
lites datur. Quid hi Venetorum causa praestiterint; postea dicemus, quam acta comitiorum, in quibus bellum Turcis decretum fuit, retulerimus. (d)

O o 3

CCCLVI.

(a) Hist. Cr. T. XVIII. p. 178.—196. (b) Libr. III. p. 29. (c) Id. Libr. IV. p. 29. (d) Hist. Cr. T. XVIII. p. 196.—203.

CCCLVI. Comitibus igitur in campo Rákos festo
 S. Georgii celebratis, conditum est decretum IV,
 cuius articuli 43. hac serie sequuntur: (e) „ I. Co-
 „ mitia celebrentur iuxta modum praescriptum in
 „ tertio decreto. — II. Iudiciorum celebratio. —
 „ III. Causarum secundum vetustatem levatio. —
 „ IV. Causae semper pro antiquitate citationum le-
 „ ventur. V. Iudiciales per protonotarios omnibus
 „ ostendantur. VI. Causae appellatae — coram
 „ iudice curiae regis. — VII. Appellationum in
 „ reuisione qui interesse apud regem possint? VIII.
 „ Iudices tempore discussionum suarum causarum —
 „ exire debent. — IX. In Schauoniae et Transilua-
 „ niae regnis — iudicia. — X. De iudicio regni. —
 „ XI. Litterae adiudicatoriae. — XII. Extradata iu-
 „ dicialium. — XIII. XIV. Euocationes. — XV.
 „ Procuratoris reuocatio. — XVI. Dotacionum —
 „ causarum. — XVII. De impignoratis castris. —
 „ XVIII. Iuramenta. — XIX. Repulsio. — XX. De
 „ occupationibus castrorum. — XXI. Exercituandi
 „ modus. — XXII. Gentes conseruent DD. prae-
 „ lati. — XXIII. Coronae conseruatio. — XXIV.
 „ Ciuitates liberae. — XXV. Equi non educantur.
 „ XXVI. Tricesimatores. — XXVII. Nona frugum
 „ et vini. — XXVIII. A comitatibus villae abstra-
 „ ctae ad eodem comitatus redeant. XXIX. No-
 „ nae dominorum terrestrium ante exactionem de-
 „ cimarum exigantur. XXX. Decimatores. — XXXI.
 „ Georgius, el. Vespri. secretarius regis, duas digni-
 „ tates obtinere potest. XXXII. Abbaciae et praeposi-
 „ turae regulares secularibus non conferantur. XXXIII.
 „ Clues — in causis profanis ad ecclesiasticum iu-
 „ dicem non citentur. XXXIV. Fiscales ecclesia-
 „ rum

rum cessare debent. XXXV. Vicarii Hungari
 sint. — XXXVI. Pŕebani in rebus secularibus DD.
 praelatorum non occupentur. XXXVII. Litterae
 — super pecuniis sigillaribus in iudicio produ-
 cantur. XXXVIII. Cathedralica ab ecclesiis pe-
 nitus desolatis non exigantur. — XXXIX. Taxa
 litterarum. — XL. XLI. XLII. De teloniis. —
 XLIII. Decreta — observentur. — Datum in cam-
 po Rakos — anno dom. MD. ^a (2)

CCCLVII. Non omnia comitorum acta hoc
 decreto comprehendendi; clarum est ex his Wladislai
 litteris, quibus subsidium in bellum Turcicum mit-
 tere Saarowenses iubet: (b) „ Memoria vos tenere
 „ non dubitamus; qualiter in proxima generali con-
 „ gregatione festi B. Georgii M. per vos ac uniuersum
 „ hoc regnum nostrum nobis consultum, et
 „ ita etiam conclusum et decretum existit, ut
 „ treugas praesentes, quas cum Turcis habemus,
 „ rumpere, illisque renunciare, atque pro nomine
 „ Christi, saluatoris nostri fideque sua sancta, de-
 „ fensioneque huius regni, vel totius potius resp.
 „ Christianae, bellum contra eosdem Turcas ge-
 „ rere debeamus. — Dat. Budae in profecto B. Ma-
 „ riae Magd. an. dom. 1506. ^a Foederem hunc in
 „ finem cum Ludouico XII. Franciae rege, 14. Iulii
 „ sancito, (c) licet magnus undique fieret apparatus,
 „ tota tamen regis ipsius expeditio contra Turcas ab-
 „ haesit, seu quod decretum a prouinciis subsidium
 „ non acceperit; seu quod victoria, quam Iohannes
 „ Coruinus de barbaris retulerat, contentus fuerit.
 „ Quum enim hic ad bellum apparatus ita clam per-

O o 4

agi

(a) Hist. Cr. T. XVIII. p. 2031—243. (b) Ap. Wagn. Dipl.
 Saros. p. 17. (c) Ap. Dogiel. T. I. P. I. p. 447.

agi non posset, ut ad Turcas molitiones regis non effluerent; prius illi, quam Wladislaus, in arenam descenderunt, ac Iaitzam obsidione cinxerunt. Accurrit illico Ioannes Coruinus, et, ut Istuanfius refert, (a) ipse quoque et ceteri copiarum duces, aut vincere, aut mori parati, sine mora quadratis agminibus occurrunt, ac sublato utrinque clamore, congregiuntur, diuque per aliquot horas fortiter pugnant. Sed, quum Turcae nostrorum impetum nequaquam sustinere possent;— tandem funduntur.— A nostris, plena potitis victoria, castra capta et direpta.— Periere ex Turcis ad 4000.— Ex Coruini copiis amplius mille milites in prima acie desiderati sunt.— Liberata per hunc modum Iaitzia, Coruinus magnam ab omnibus laudem consequutus est. (b)

A. C. 1501. Wlad. II. Ind. 4. P. II. A.

CCCLVIII. Hac Coruini victoria tantisper repressa fuit Turcarum vagandi populandique licentia. Quia tamen Wladislaus, ne quid in ditiones Hungaricas porro tentarent, sollicitus erat; Saarosienfes iterum de parandis melioribus copiis admonuit, (c) *Budae, sabbato prox. ante fest. purificat. V. gloriosae, anno dom. 1501.* Non minore studio pontifex sollemnem in Turcas expeditionem apparabat, hosque conatus suos ad cardin. Rheginum, missum in Hungariam sub exitum anni superioris legatum, perscripserat, ut Wladislao maiores ad communem causam stimulos admoueret. *Referes, inquit, (d) suae maiestati: „ nos pecunias, quas sibi pro se- „ cunda*

(a) Libr. IV. p. 30. (b) Hist. Cr.T. XVIII. p. 245.—269. (c)

Ap. Wagn. Dipl. Saros. p. 20. (d) Ap. Rayn. ad annum 1501.

„ cunda solutione debemus, paratas habere. “ *Sed, quum non repererimus modum, illas istuc commode mittendi; ordinabis, ut, cui illa voluerit, Venetiis in tempore debito persoluantur.* Alexander, praeter 40. millia florenorum auri, quae hunc in finem Wladislao decreuerat, etiam pecuniam, occasione iubilaei collectam, eidem addixit, ut ex Ioannis Tartzai litteris, *in festo visitationis V. gloriosae, 1501. datis, (a) apparet.* Nullam tamen iterum expeditionem Wladislaus in Turcas suscepit; fortasse, quod in Bohemiam arma vertere coactus fuerit. Nam, ut Timon ex Trithemio refert, *(b) duxit hoc anno Wladislaus rex expeditionem in Bohemos haereticos, dictos fossarios, eo quod in fossis ac speluncis noctibus conuenirent ob foedas voluptates.* Obicem expeditioni Turcicae ponere potuit etiam Alberti, Poloniae regis, obitus, qui 17. Iunii hoc anno contigit. Delatum quidem a quibusdam fuit Wladislao Poloniae regnum; *Sed, ut Istuanfius scribit, (c) quum postea certioribus nunciis intellexisset: „ eorum sententiam vicisse, qui Alexandrum fratrem, regem omnibus suffragiis praetulissent; „ ipse quoque factum approbavit; — collaudatosque Polonos, ut Alexandri coronationem maturarent, cohortatus est: ad quam etiam Sigismundum fratrem, Glogouiae principem, eo tempore Budae agitantem, — protinus amandauit.* Huic Wladislaus Oppauensem ducatum, a Ioanne Coruino bonis aliis redemptum, sub certis conditionibus contulit, *(d) Budae, in festo conceptionis BB. V. M. anno dom. 1501.* Agnoscit autem hunc Silesiae ducatum *vigore certae inscriptionis et obligationis ad coronam huius regni*

(a) Ap. Wagn. Saros. p. 492. (b) Epit. Chron. p. 292.

(c) Libr. IV. p. 30. (d) Ap. Dogiel T. I. P. II. p. 546.

regni Hungariae spectate. Vult igitur, ut praefatus D. dux eundem ducatum Oppaviae; — a se, tamquam a rege et corona Hung. teneat et recognoscat, reddendum, si successu temporum — ad regiae dignitatis culmen — eueheretur. Et euectus fuit, sexto post Alexandri scilicet mortem, anno; diutius utroque fratre, tam Alberto, quam Alexandro, regium in Polonia ius obtenturus. (a)

A. C. 1502. Wlad. 12. Ind. 5. P. 27. M.

CCCLIX. Tot regum felix mater Elisabetha, Ladislai Postumi soror, praeter tres istos Poloniae reges, mutuo sibi succedentes, et Wladislaum, Hungariae Bohemiaeque regem, filios habuit Casimirum, a quibusdam Hungaris contra Mathiam regem electum, deinde sanctis adscriptum, et Fridericum cardinalem, hoc adhuc tempore superstitem, sed non multo post et ipsum in fama sanctitatis moriturum. Ex quinque hisce fratribus vnicus Alexander matrimonium iniuerat. Wladislaus igitur, iam 46. annos natus, ne, sicut Albertus frater, coelebs et improlis decederet, turbisque variis ac bellis intestinis Hungariam exponeret, animum tandem ad nuptias adiecit. Et sponsae genus, et nuptiarum tempus his litteris, quibus Cassovienses ad eas inuitauerat, expressit: (b) „ — Nos, pro singulari consolatione huius regni, — coniugium „ amplectentes, ser. D. Annam de Candalle, ex „ regia stirpe Fuxorum oriundam, affinem videlicet et consanguineam Christianissimi regis Franciae, in coniugem et consortem nostram carissimam

(a) Hist. Cr. T. XVIII. p. 274—310. (b) Ap. Kapr. P. I. p. 295.

„mam — accepimus. In cuius occursum et ob-
 „uiam notabiles dominos huius regni Venetias vs-
 „que iam misimus: qui cum ipsa illustrissima D.
 „sponsa nostra ad alterum mensem, proxime ad-
 „futurum, omnino hic in hoc regno constituen-
 „tur: quae ad festum B. Laurentii, similiter nunc
 „adfuturum, in Albaregali, more solito, volente
 „DEO, coronabitur: et tandem etiam nuptiae
 „celebrabuntur. Hortamur igitur — Datum Budae,
 „fer. 3. prox. ante fest. BB. Viti et Modesti MM.
 „A. D. 1502.“ Quia vero Gregorius Frangepa-
 nius, Vespriensis episcopus, nondum consecratus erat;
 eius loco reginam Thomas Strigonienensis coronauit.
 Quod ne praetudicium aliquod ecclesiae Vespriensi-
 si crearet; Wladislaus publico diplomate cauit, (a)
Budae, die dom. prox. ante fest. B. Thomae ap. an.
dom. 1502. Quum Anna Budam adduceretur;
 Turcae, transmissis Sauo, ditiones Hungaricas po-
 pulabantur. Ioannes igitur Coruinus, et Petrus
 Transilvaniae; Somius, Temesuarini praefecti *con-*
iunctis viribus, ut Istuanus scribit, (b) Danubium trans-
ire non procul eo loco, cui Haranno nomen est, —
arcemque Vidinam — improviso aggressi, — paruo
tempore cepere. — Cladoua quoque, proximum oppi-
dum, compluresque villae, quinquaversum adiacentes
eandem fortunam subiere. — Mancipiorum et maio-
ris minorisque pecoris ingens numerus fuit. — Haec
Budam per celeres nuncios attata, ac munera non
parui pretii, ex spoliis hostilibus per duces dono
missa, Wladislaum simul et eius nouam nuptam sin-
gulari laetitia affecerunt. (c)

A. C.

(a) Ap. Pray Hist. P. I. p. 289. (b) Eibr. IV. p. 31. (c)
 Hist. Cr. T. XVIII. p. 318.—328.

A. C. 1503. Wlad. 13. Ind. 6. P. 16. A.

CCCLX. Istuanfius annum nuptiarum et partus Annae confundere videtur, quum ait, (a) eam, *nuptiis regali luxu peractis, primo anno pulchram prolem eiusdem nominis, Annam, enixam esse.* Nuptias anno superiore sub medium Augusti peractas fuisse, docuimus ex ipsius Wladislai litteris; Annam vero hoc anno 23. Iulii natam esse, regis eiusdem haec epistola, qua natiuitatem filiae regnicolis annunciat, ostendit: (b) „ — Scire vos cupimus, „ quod DEVS omnipotens hac die nobis prolem „ concessit, et ex ser. D. Anna regina — pulcher- „ rimam filiam suscepimus. — Datum Budae, die „ dom. prox. ante fest. B. Iacobi ap. anno dom. „ 1503.“ Huius natiuitas Wladislai dolorem, quem ex obitu tam Friderici fratris, quam Elisabethae matris hauserat, utcunque leniuit. Superstes Elisabethae filius, Alexander, Poloniae rex, aduersus Stephanum, Moldauiae vaiuodam, quod ad Danastrum fl. plagam satis amplam, quam Poloni sui iuris esse contendebant, occupauerit, querelam ad Wladislaum fratrem detulit. Hic, ne pro Stephano, sibi fiduciario iure subiecto, contra fratrem arma sumere cogeretur, consilia pacis eidem sollicitis litteris proposuit, (c) *datis Budae, in festo S. Galli, anno dom. 1503.* Harum litterarum Timon quoque meminit; (d) *in iis, inquit, Wladislaus rex Stephanum, praefectum Moldauiae, SVVM vaiuodam appellat.* Argumentum hoc est certissimum, quo reges Hungariae ius in Moldauiam his temporibus obtinuisse docetur. Dum Wladislaus hac ratione

(a) Libr. IV. p. 31. (b) Ex MSS. Cornides. (c) Ap. Pray Dissert. VII. p. 149. (d) Imag. N. Hung. C. 13. p. 147.

tione ius regum Hung. contra Polonos in Moldauiam asserit; eam tamen in Poloniam, patriam suam, caritatem retinuit et exercuit, ut, quum intellexisset, Turcas nouam in Polonos expeditionem moliri; maluerit cum barbaris inducias inire, quam cursum victoriarum prosequi. Hanc fuisse praecipuam causam sancitarum cum barbaris septennalium induciarum, apparet ex ipsius Wladislai litteris, ad Chieneses datis, (a) *Budae, 26. Decembris, anno dom. 1503.* „Licet, inquit, bellum coeptum suo cursu prosequi, et nostros successus pro salute publica — vrgendos etiam statueramus; tamen, quum animaduertissemus, caesarem illum — moliri — fraterno Poloniae regno — ferele excidium; — accedente saniori confederatorum consilio, et praesertim *Veneri* dominii, cum Turco ipso *supplice pacem poscente*; — repudiato pacis nomine, foedus induciale, et quidem septennale, felici omine iniuimus.“ Errat igitur Istuanfius, quum de his induciis ita scribit: (b) *Wladislaus per Barnabam Belaium — inducias octennales non sine difficultate composuit.* Septennales enim erant induciae, non ab Hungaris, sed a Turcis supplicibus petitae. (c)

A. C. 1504. Wlad. 14. Ind. 7. P. 7. A.

-CCCLXI. Wladislaus, induciis cum Baiazete compositis, ad curandas res domesticas maius otium nactus, ad campum Rákos ordinibus regni pro festo S. Georgii conuentum indixit. Dum illuc optimates ac nobiles magno numero confluxissent; tristis de

(a) Ap. Prag Ann. P. IV. p. 305. (b) Libr. IV. p. 31.

(c) Hist. Cr. T. XVIII. p. 334.—354.

de Petri Gerebi, Hung. palatini, morte nunciū aduenit; nullusque fuit, qui propter egregias eius virtutes bellicamque virtutem intempestiuum hunc obitum moleste non tulerit. *In eius locum*, inquit Istuanfius, (a) *communibus suffragiis vir grauis et seuerus, Emericus Perenius, sublectus est*: — — *qui etiam non multo post, viduam ipsius Gerebi, Dorotheam Kanisianam, connubio sibi iunxit; sicque arce Valpone potitus est.* Conditum in his comitiis decretum V. hos articulos continet: (b) „ *I.* — „ Contributio regi non offeratur domi aut priuati-
 „ tim, sed in diaeta. — *II.* Comitum, iurare no-
 „ lentium, poena. — *III.* Comitatum honores in-
 „ perpetuum non conferantur. *IV.* Repulsionis se-
 „ cundae poena. — *V.* Communis inquisitionis —
 „ turbatores. — *VI.* Occupationes nouae. — *VII.*
 „ Pignorum ius. — *VIII.* Vice-comitum facul-
 „ tas iudicandi. — *IX.* Comitum poena, facere
 „ exsequutionem negligentium. *X.* Regis auctoritas
 „ in conferendis bonis. — *XI.* Nouum iudicium.
 „ — *XII.* Caritatum subsidium. — *XIII.* Diffe-
 „ rentia — ratione quartarum. — *XIV.* Procurato-
 „ riae litterae. — *XV.* Responsio propria — non re-
 „ uocatur. *XVI.* Colonis migrantibus licentia per
 „ iudices nobilium accipiatur. *XVII.* Mensura —
 „ per totum regnum vna seruetur. *XVIII.* Vena-
 „ tio et aucupium rusticis prohibitum. *XIX.* No-
 „ biles, vina educentes, — non molestantur. *XX.*
 „ Inscriptio sex ciuitatum, et Lusatie quo in statu
 „ sit? — *XXI.* An iuramentum fidelitatis a Mora-
 „ uis et Silesitis, tamquam feudatariis regni, ex-
 „ actum sit? *XXII.* Ciuitates Sopron et Bartsa —
 „ redimantur. *XXIII.* Excommunicantes vel inter-
 „ dictum

(a) Libr. IV. p. 32. (b) Corp. Iur. Hung. T. I. p. 315.

dictum indebite pro decimis ponentes coram re-
ge conueniantur. XXIV. Praelati banderiatu exer-
citare — tenentur. XXV. Citationes in foro
ecclesiastico cum expositione decernantur. XXVI.
Plebani, patronis inuitis, confirmari non debent.
XXVII. Abbatiae et praepositurae religiosi con-
ferantur. XXVIII. Equorum armenta et peco-
rum greges e regno non debere pelli. — XXIX.
Teloniatore, nobiles in telonijs molestantes, in
curiam regiam euocentur. XXX. Pro transmissio-
nibus regnorum Dalm. Croat. Sclau. et Transsil-
vaniae reuidendis 40 diebus iudiciorum 4. ad-
dantur. — XXXI. Decreta in vnum corpus red-
igantur. Datum in campo Rakos, 15. die —
congregationis, anno dom. 1504. “ Mathiae
cognatis et heroibus, in eius castris enutritis, sen-
sim emorientibus, felicitas quoque Hungariae sen-
sim sine sensu defluxit, neque procerum prouiden-
tia tot legibus regni ruinam impedire potuit. (a)

CCCLXII. Laudato decreto subscriptus quidem
adhuc legitur *Ioannes Coruinus, Liptouiae dux ac
regnorum Dalm. Croat. Sclau. banus*; sed et illum,
ut Istuanfius refert, (b) *intemperies eius autumnu
malignaeque febres, in ipsa aetatis flore, rebus hu-
manis exemere; quum 39. aetatis annum nondum
expleuisset. Reliquerat quidem liberos ex Beatrice
Frangepana Christophorum et Elisabetham; sed qui
in tenera aetate fato functi, nomen et familiam eius
propagare non potuerunt. Viduam eius, integra
aetate, forma praecellenti, opibusque et fortunae bo-
nis affluentem, postquam morientis viri funera eluxis-
set,*

(a) Hist. Cr. T. XVII. p. 359.—384. (b) Libr. IV, p.

set, *Wladislaus Georgio, marchioni Brandenburgensi, sororis suae filio, connubio iunxit, heredemque omnium ex asse constituit. Verum is prodiginitia et luxu intolerabili effuse largiendo, insanosque sumtus et immoderatos faciendo, omnem substantiam, quae opulentissima et plane regia erat, paucorum annorum curriculo profligatam decoxit ac dissipauit, postremoque, nullis susceptis liberis, vitam finiuit. Huc tandem opes Coruinianae reciderunt! Ita celeberrima haec et optime de regno merita stirps exaruit! Hoc anno reipsa Coruinum obiisse testatur eius epitaphium, in Lupoglauienti templo his verbis inscriptum: (a) „Anno domini 1504. Octobris 12. die, hora 11. nocturnali, heros ultimos „dies Ioannes Coruinus clausit. — “ Illius nouerca Beatrix, quum ab Wladislao dotem suam impetrare non potuisset; ad nouum pontificem, Iulium II. anno superiore Pio III. successum, confugit, qui regem per litteras monuit, ut Beatricis petitioni satisfaceret; eiusque causam etiam Bakasio cardinali commendauit, (b) ne, quae regio genere orta regique nupta fuit, aliena ope vitam, prout hactenus fecit, sustentare cogatur. Ita tam gloriosi Hungariae regis vidua suis tandem aerumnis immortua fuit. At Wladislaus, qui iustam ac debitam Beatrici dotem subtraxit, in suum fratrem Sigismundum adeo se liberalem exhibuit, ut querelis et clamoribus Hungarorum occasionem praeberet. Dum illi maximam de Lusatia sollicitudinem articulo 20. proximorum comitiorum expresserunt; illam Wladislaus ita Sigismundo contulit, (c) „ut omnibus feudatariis in marchionatu inferioris Lusaciae ius*

(a) Ap. Ratkai Mem. L. III. p. 110. (b) Ap. Schmitth. Ep. Agrien. T. II. p. 167. (c) Ap. Dogiel T. I. P. L. p. 25.

„ius feudatarium in bona eorum, non secus, ac
 „supremus et absolutus terrarum illarum dominus,
 „concedere possit. Datum Budae, fer. VI. die
 „S. Bonifacii, anno Christi 1504.“ Nec illud
 digere satis Hungari potuerunt, quod, licet in
 comitiis pluribus lex perlata fuerit, ut nonnisi pa-
 triae filiis dignitates tam sacrae, quam profanae
 conferrentur; ille tamen Petrum cardin. Rhegi-
 num, virum quidem doctum, sed exterum, epi-
 scopum Vesprimiensem creauerit. (a)

CCCLXIII. Wladislaus, audita morte Stephani,
 Moldaviae principis, *veritus, ne regnum illud Mol-*
daviae, quod in iure huius regni existit, ut ipse
loquitur, (b) in manus hostium deueniat, copiis ap-
parari iussis Emericum de Perén, regni Hung. pa-
latinum praefecit. Dat. Budae, in festo B. Iacobi
ap. anno dom. 1504. Ad hunc igitur annum re-
 ferenda sunt, quae sine certa nota temporis Istuan-
 sius ita narrat, (c) *Stephanum quoque, Moldaviae*
principem, — diuturnis articulorum doloribus — et
senio afflictum, hoc tempore e viuis excessisse, memo-
xiae proditum est. Fuisse is dicitur per omnem vi-
tam disciplinae militaris scientia et rebus bello prae-
clare gestis inclitus et celebratus. — Fluxa tamen
fides et instabilis moresque efferi — rerum gestarum
famam et gloriam hand obscure eluebant; quum mo-
do Polonis, modo Pannoniae regibus adhaerendum
duceret, neutris fidus constansque. — Bogdanum, fi-
lium unicum, altero captum oculo, successorem here-
demque habuit, imparem militiae; sed iisdem incon-
stantiae

(a) Hist. Cr. T. XVIII. p. 384.—390. (b) Ex MSS. Bibl.
 Quinqueecclesiensis. (c) Libr. IV. p. 32.

stantiae ac periurii corruptelis. Huc pariter reuocandum est bellum, Venetis indictum a Iulio II. cuius ibidem Istuanfius ita meminit: *Dum Alexander pontifex — e viuis excessisset, (18. Aug. 1503.) ei post Pium III. intra mensis spatium vita pariter functum, Iulius successus est (1. Nouembris 1503.) — Is capitali odio Venetorum nomen prosequens, Maximilianum imp. Ferdinandum, Hispaniae, et Ludovicum, Galliae reges, ceterosque totius fere Italiae et Germaniae principes certis de causis, et „ quod ab iis complures Romanorum pontificum „ vrbes praeter fas et aequum usurpari „ diceret, aduersus illos concitauit. Ad idem bellum inuitauit etiam Wladislaum, qui quum foedere se prohibitum, legatos tamen pro restituendis ecclesiae rebus missurum esse, respondisset; gratias egit pontifex, ac optat, „ vt Veneti resipiscant, ac eius oratoris verbis ac suasionibus magis permoueantur, „ quam moti sunt aliorum regum et principum catholicorum, qui omnes ferme nunciis et litteris „ eos ad restitutionem huiusmodi sunt exhortati. — „ Dat. Romae, — die 26. Iulii, anno dom. 1504. „ pontif. I. „ (a) Postridie Hungaris auxilium aduersus Turcas pollicitus est. (b)*

A. C. 1505. Wlad. 15. Ind. 8. P. 30. M.

CCCLXIV. Idem Iulius II. pontifex, postquam ex Petro Rhegino, Romam ex Hungaria reuerso, didicisset, quanto studio regni proceres bellum Turcicum complexi fuerint, vehementer gratulatus, ac eosdem ad prosequendum idem studium

exem-

(a) Ap. Rayn. ad an. 1504. (b) Hist. Cr. T. XVIII. p. 395.—400.

exemplo maiorum, quorum bellicum decus in ipsis quoque hac aetate refulget, adhortatus, in hac parte numquam illis se defuturum promisit, (a) Romae, 30. Ianuarii, 1505. Totidem fere verbis et adhortationem, et promissionem, datis ad nobiles Hungariae litteris, eadem die repetiit. Ne tamen, pro voto procerum et nobilium, expeditionem in Turcas Wladislaus suscipere; exhausti penitus aeraarii defectus impediuit, qui tantus erat, ut prouinciarum praefectis latifundia pro numis assignare coactus fuerit. Ita, quum Ioanni Tartzai, Siculorum comiti, ob alias, ut ipse loquitur, (b) plerasque necessitates, de solutione salarii sui prouidere et solutionem facere nequiuisset; oppidum Aldiod, in comitatu Hunyadiensi situm, quod post Ioannis Ceruini filiique Christophori mortem ad fiscum iusque regium recidit, eidem in XII. millibus florenorum inscripsit, *Budae, in vigilia festi assumptionis B. V. M.* Tantam inopiam tot regnorum et prouinciarum principis Hungari simul admirati, simul ignauiam eius detestati, magnis animorum motibus comitia celebrarunt; quoque tandem communis eorum dolor euaserit, Istuanfius ita memoriae prodidit: (c) *Comitiis eius anni in campo Pestano — habitis, de Morauia, Silesia et Lusatia acriter disputatum est. Nam nobilitatis ordines eas prouincias, a Mathia rege imperio Hungarico — armis acquisitas, auelli ac Bohemiae adiungi aegerrime ferebant, Wladislaumque, ut pactorum fidem obseruaret, serio, nec sine tumultu, admonebant. Sed is desidiosa taciturnitate vota et petitiones eorum, quamquam iustas, alto silentio transmittere erat solitus, magno omnium illorum*

P p 2

(a) Ap. Schmitth Ep. Agr. T. II. p. 205. (b) Ap. Wagn. Dipl. Sar. p. 397. (c) Libr. IV. p. 33.

lorum dolore. In quo quum nobilitas summam sibi et reip. iniuriam fieri existimaret; nec in praesens aliter sibi consulere posset; — collatis omnium votis et suffragiis decreuit: „ ne in posterum villo umquam tempore, si rex Wladislaus absque herede „ masculo decederet, alienae gentis et sanguinis „ regem sibi deligendum proponerent; *addita* „ atroci denunciazione: vt, qui contra hanc legem „ fecissent, eorum bona fisco addicerentur: ac ipsi „ liberique et posterique eorum vniuersi aut perpetuo „ exsilio, si capi non possent; aut capti, praesentissima „ extremi supplicii poena plecterentur. „ Hanc legem, Thoma Bocacio, S. Martini in montibus cardinale, archiep. Strigon. iam Roma reuerso, atque aliis 10. episcopis, 40. senatoribus, — nec non 180. proceribus, et quam plurimis ex equestri ordine praesentibus, nec quoquam contradicere auso, latam, Stephanus Verbecius, regni praetor, eloquens, sed factiosus vir, statim publicauit, reip. conseruandae praetextu, vt aiebat, re autem vera, vt Ioannis Zapoliyani, comitis Scepusiensis, iam pridem regnum affectantis, ambitioni libidinique viam aperiret. (a)

CCCLXV. Quod Istuanfius de Ioanne Zapolio, iam pridem regnum affectante, suspicatur, fidem vix meretur. Nam qua tandem spe regnum affectare poterat, qui nondum vllum in regno publicum munus, praeter hereditarios titulos, gerebat? Bene Praius obseruat, (b) non ei postea Wladislaum amplissimas prouinciarum praefecturas crediturum fuisse; si affectati regni suspicio locum, aut veri speciem apud regem obtinisset: beneque credit, ex rebus

(a) Hist. Cr. T. XVIII. p. 400.—422. (b) Annal. P. IV. p. 317.

bus, sub Ludouico gestis, suspicioni huic causam oblatam esse: bene denique corrigit illos, qui Stephanum palatinum, Ioannis Scepusiensis patrem, in viuis tum adhuc egisse, quum ordines edictum de legendo domestico rege condiderunt, sibi persuadent; Annamque, regis filiam, Ioanni desponderi postulasse, Wladislao ob infirmam valetudinem paene consentiente: quum tamen compertum sit, Stephanum multo ante rebus humanis exemptum fuisse, quam Wladislaus Annam Candaliensem connubio sibi iunxisset. Certe iam tertius ab illo palatinus in decretis Wladislai legitur. Et si cetera testimonia deessent, vel illud sufficere posset, quo Heduigis viduam se dicit, quum ante haec comitia Ioanni Horváth praeposituram Scepusiensem ita confert: (a) „ Nos Heduigis, ducissa Tessinensis, illustris „ quondam D. Stephani de Zapolya, comitis perpetui terrae Scepusien. ac regni Hung. palatini, — „ relicta, nec non Ioannes et Georgius de praedicta „ Zapolya, — filii eiusdem, praeposituram ecclesiae „ B. Martini de Scepus — auctoritate nostri iuris „ patronatus, — praefato Ioanni duximus dandam. „ — Dat. in castro nostro Trenchiniensi, fer. 4. „ ante octauas festi SS. corporis Christi, anno eiusdem 1505. “ Quum igitur Stephanus Zapolyus iam hic defunctus innuatur; non potuit in illud decretum influere, quod conditum est (b) in campo Rákos, quinto decimo die congregationis generalis (13. Oct.) anno dom. 1505. Decretum istud Hungari condere non potuissent; si quam vim inesse pactis, inter Mathiam et Fridericum, vel inter Wladislaum et Maximilianum initis, credidissent.

P p 3

Vnde

(a) Ap. Wagn. Scepus. P. III. p. 73. (b) Ap. Battyan leg. eccl. T. I. p. 562.

Vnde nouum nascitur argumentum ad infirmendam eorum sententiam, qui pactiones illas necessaria Hungarorum potiorum consensione confirmatas fuisse contendunt. (a)

A. C. 1506. Wlad. 16. Ind. 9. P. 12. A.

CCCLXVI. Fuit tamen ea providentia Maximiliani caesaris, ut, siue vetus in Hungariam ius posteris suis affecturus, siue nouum acquisitorus, cum Wladislao de matrimonio non tantum natae, sed etiam nasciturae prolis ageret. Id indicant litterae, quarum argumentum Kollarus ita refert: (b)

„ Maximiliani, Rom. regis, litterae de futuro matrimonio inter nepotem suum, Ferdinandum, A.A. et Wladislai, H. et B. R. filiam Annam, aut, ipsa decedente, alteram filiam, ex regina Hungariae tunc grauida fortasse nascituram. Dat. in Noua ciuitate, die 20. Martii, anno 1506. Eiusdem litterae de futuro matrimonio inter neptem suam, Mariam, et Wladislai, H. et B. regis, filium, ex regina, vxore ipsius, tunc grauida, fortasse procreandum. Dat. *ut supra*. Litterae reciprocae Wladislai, H. et B. regis, *ut supra*. Dat. Budae, 27. Martii, anno 1506. »

Haec pacta nuptiarum ante Ludouici natiuitatem, ut apparet, sancita sunt; quae tamen Istuanus, ordine perturbato; post Ludouicum iam editum, Annamque reginam partus doloribus extinctam, ita narrat: (c) *Maximilianus Cuspinianum — Budam misit, partim ut Wladislaum saluaret, deque re non ita pridem Ludouico laetitiam — declararet, partim*

(a) Hist. Cr. T. XVIII. p. 423.—438. (b) Post Vetus Indic. p. 324. (c) Libr. IV. p. 34.

tim ut regis animum, ob immaturum coniugis obitum tristitia et moerore confectum, verbis et oratione consolaretur. — Postulabat, praeter supra dicta, ab Wladislao aliquos ex secretioribus amicis ad caesarem mitti, cum quibus de foedere sanciendo, eoque affinitate mutua confirmando, — discernere posset. Atqui iam ante Ludouici natiuitatem et affinitatem Wladislaus cum Maximiliano contraxit, et legatos ad eundem cum plena rerum agendarum potestate 24. Iunii misit. (a) Conenserunt in hanc legationem Albaregali missam, 27. antistites et proceres, data quidem agendi potestate, sed cum hac cautione: *iuxta nostram informationem*. Maximilianus, pacis conditionibus recensitis, addidit: (b) „Reservamus tamen nos rex Maximilianus nobis et heredibus nostris expresse omnia et singula hereditaria et alia quaecumque iura, quae ad regnum Hung. et pertinentia hucusque habuimus.“ — Dat. in ciuitate Viennensi, die dom. 19. mensis Iulii, an. dom. 1506. — Verinus admiratur, (c) quod primores Hungari, qui excludendis omne in aeuum externis principibus ab imperiis Hungaricis in campis Rákos anno 1505. maxime desudabant, pacem hanc plurimum promouerint. Atqui pauci de plurimis, et nonnisi 27. in hanc legationem, peragendam *iuxta suam informationem*, conenserunt. Qualis haec informatio fuerit, non liquet. Id certum est, etsi Maximilianus addat, se ius ad regnum Hung. *reservare*; consensum tamen in hoc punctum nec oratorum, nec procerum illorum exprimi; hinc proinde perperam inferri, decretum anni superioris immutatum esse. Quid, quod Maximilianum,

P p 4

etiam

(a) Ap. Koll. Aust. Dipl. p. 266. (b) Ibid. p. 270. (c) Comm. Iurid. p. 138.

etiam post compositam hanc pacem, arma per Hungariam circumtulisse, constat ex Ioannis de Zapolya litteris, ad Stephanum de Rozgon datis, (a) *feria 4. prox. ante fest. B. Sophiae viduae* (30. Sept.) *anno dom. 1506.* Cuius rei non alia verisimilior causa reddi potest, quam quod in eam conditionem Hungari non consenserint; nec enim vlllo testimonio doceri potest, illos consensisse. (b)

CCCLXVII. Dum Wladislaus oratores ad Maximilianum expediuisset; tanta rerum necessariorum inopia premebatur, ut coactus fuerit Emerico Perenio, Hungariae palatino, Cibinium pignori dare, litteris confectis (c) *in ciuitate Albaregali, in festo natiuitatis B. Ioannis B. anno dom. 1506.* Dum oratores illi Viennae cum Maximiliano negotium pacis tractassent; Anna regina filium Ludouicum felici, dicam, an infelici partu, kalendis Iuliis, edidit. Sed et illa, scribit Istuanfius, (d) — *non ita multo post puerum peperit, incredibili patris laetitia; quem in gratiam memoriamque consanguinei, Galliae regis, Ludouicum nominauit. — Quae tamen gaudia mors ipsius puerperae, grauissimis partus doloribus accelerata, paucos post dies — vehementer corrupit, rege in acerbissimos luctus et lacrimas conuerso; quas auxere nuncii e Lithuania „ Alexandrum fratrem, dissolutis omnium membrorum compagibus (19. Aug.) extinctum“ adferentes: et quotacumque solatii pars fuit Sigismundus frater, quem vnice amabat, in illius locum a Polonis et Lithuanis rex constitutus; — qui regnum adeptus*

(a) Ap. Wagn. Scep. P. IV. p. 35. (b) Hist. Cr. T. XVI. l. R. 439.—459. (c) Ap. Wagn. Dipl. Sar. p. 195. (d) Libr. IV. p. 33.

*adeptus, Glogouiam ac Silesiae praefecturam Wladislao bona fide restituit. Subiungit Istuanfius veterem Siculorum legem, qua quoties regina masculam prolem eniteretur, a singulis domibus singulos boues dare debebant. Sed quum a duobus fere seculis nulla regina masculam prolem effuderit, ea lex in obliuionem iuit, armisque Siculi per Paullum Tomoreum cogi debebant, ut imperata facerent. In malum id omen quidam verterunt, quod Ludouici natiuitas bellum ciuile suscitauerit, et idem Tomoreus belli, quod post natiuitatem et ante mortem eiusdem gerebatur, infelix dux fuerit. Addit Brutus aliud omen, (a) *natum Ludouicum, nudatum cute, — in sue media, per spinam secta, — medicos positum habuisse.* (b)*

A. C. 1507. Wlad. 17. Ind. 10. P. 4. A.

CCCLXVIII. Ioannes Michael Brutus, Venetiis exesse iussus, post varios errores Pragam ad Rudolphum profectus, eo iubente, res Hungaricas scribere coepit anno 1591. Hic in carpendis moribus principum nimis audax et temerarius, Wladislai regis ob mortem Annae coniugis luctum indigne traducit, quasi post obitum eius a regni procuracione penitus animum auertisset. Quod quidem falsum esse tam plura diplomata, pro bono publico defuncta coniuge data, quam publica regni comitia, cum ordinibus in campo Rakos hoc anno post festum S. Georgii celebrata, docent, in quibus editum decretum VI. videnos articulos complectitur, hoc ordine: (c) „ I. Sententiae iudicum exsequutioni

(a) Ap. Pray Ann. P. IV. p. 322. (b) Hist. Cr. T. XVIII. p. 459.—472. (c) Corp. Iur. Hung. T. I. p. 321.

„ tioni demandari debent. — *II.* Bona restituta
 „ reoccupans incidit in notam infidelitatis. *III.* De
 „ iudiciorum celebratione. — *IV.* De assessoribus. —
 „ *V.* Officia maiestas regia cum consilio distribuat.
 „ *VI.* Rex, ex veteri consuetudine, mille equites
 „ feruet. *VII.* Siquis in consilio regio contra re-
 „ gni decreta ageret; ab assessoribus in diacta de-
 „ nunciari debeat. *VIII.* Contra statuta regni pec-
 „ caus puniri debeat. *IX.* — — De prorogationi-
 „ bus pro peregrinis. — *X.* — Pecora e regno non
 „ abigantur. *XI.* Monetae externae in regnum
 „ non inducantur. *XII.* Comitiorum tempore—
 „ nusquam iudicia celebrentur. *XIII.* Pluralitas
 „ beneficiorum non toleretur. *XIV.* Inhibitione
 „ vti non potest in alia causa sub iisdem iudiciis
 „ comparens. *XV.* Decimam et nonam coloni
 „ quomodo soluant? *XVI.* Bona occupata queru-
 „ lantibus remittantur. *XVII.* Quorundam iudi-
 „ ciorum cassatio. *XVIII.* Iudicia differantur. *XIX.*
 „ Limitum regni et metarum rectificatio. *XX.*
 „ Compilatio decretorum fiat.“ Postremo superio-
 rum comitiorum articulo haec eadem decretorum
 compilatio demandata fuit, quam Wladislaus Ste-
 phano Verbötzio, iudicis curiae protonotario,
 commisit. (a)

CCCLXIX. Etsi haec ostendant, Brutum somnias-
 se, materiamque verbosae narrationis et in politicae
 leges excursionis contra veritatem historicam contin-
 xisse, quum Wladislaum ita doloribus immersum de-
 pingit, ut illum omnem reip. curam posuisse com-
 miniscatur; id tamen luculentius apparet, ex nou-
 patione, quam in commodum vtriusque regni cum
 Sigis-

(a) Hist. Cr. T. XVIII. 472.—499.

Sigismundo fratre, Poloniae rege, fecit. Hic inter alia vetus illa de Moldaviae possessione lis ita dirimitur (a) „ Quia ex parte Moldaviae ac voiuodarum „ eiusdem variae hucusque, et quidem periculosae „ interdum differentiae inter serenissimos praede- „ cessores nostros, reges Hung. et Poloniae, ex- „ stitere; postquam igitur nos duo germani fratres, „ iisdem parentibus editi, habenas imperiorum „ eorundem regnorum moderamur; — quo omnis „ occasio futurae alicuius alienationis animorum — e „ medio tollatur, — conclusum est, ut — ratione terrae „ Moldaviae — nullae umquam differentiae — „ oriantur; sed terra illa apud nos et hoc re- „ gnum sacramque coronam et regnum Hungariae „ maneat; ipseque voiuoda, pro tempore consti- „ tutus, nos et heredes nostros pro domino eo- „ rum cognoscat, et fidelitatis homagium semper „ praestare debeat. — “ Mutua dehinc auxilia, „ praecipue contra Turcas, promittuntur. “ Dat. Budae, feria 6. prox. ante fest. sanctae et indiui- „ duae Trinitatis, anno dom. 1507. — “ Wladi- „ slaus, publicis regni negotiis et emolumentis, par- „ tim per comitia, partim per foedera promouendis, „ intentus, neque priuatas res neglexit, dum et Herk- „ fis insignia nobilitatis contulit, (b) Budae, fer. 6. „ prox. post fest. B. Ioannis ante portam Latinam, „ anno dom. 1507. et septem montanas Hungariae ci- „ uitates a praestandis tributis iterum exempt. (c) Tum „ vero de futura prolium forte sollicitus, ea, quae, „ priusquam Ludouicus in lucem ederetur, anno su- „ periore constituit, hoc anno rursus instaurauit, et „ clarius his litteris explicuit: (d) „ — — Duplex „ „ matri-

(a) Ap. Dogiel T. I. p. 104. (b) Ap. Kerchel, Not. Prael. p. 262. (c) Ex apographo. (d) Ap. Kollar. Dipl. Aust. P. 277.

„ matrimonium, siue sponsalia, primo videlicet in-
 „ ter illustrissimum D. Carolum, A. A. principem
 „ Hispaniarum, — seu fratrem eius, D. Ferdinan-
 „ dum, vel alterum eorum, qui in archiducatu
 „ Austriae — succedet, — nepotes inuictissimi D.
 „ Maximiliani, Rom. regis, etc. ex vna; et illu-
 „ striss. D. Annam, filiam nostram carissimam, ex
 „ altera partibus; et secundo inter illustriss. D. Lu-
 „ douicum, primogenitum nostrum, ex vna; et
 „ illustriss. D. Katherinam, postumam quondam ser-
 „ principis, D. Philippi, fel. record. regis quon-
 „ dam Castellae, Legionis et Granatae; — aut, si
 „ illa ante annos nobiles ex humanis decederet; in-
 „ ter Mariam, sororem eius, penultimo genitam fi-
 „ liam praefati ser. D. regis Philippi, — neptes
 „ praememorati inuictiss. D. Maximiliani, R. R. —
 „ ex altera partibus, amicabiliter concordauimus. —
 „ Dat. Budae, die Veneris, 12. mensis Nouembris,
 „ anno dom. 1507.“ Effectus huius pactionis erat,
 „ vt Ludouicus Mariam duxerit; Anna vero Ferdi-
 „ nando nupserit, ac Austriacam domum fecunditate
 „ sua feliciter propagauerit. (a)

A. C. 1508. Wlad. 18. Ind II. P. 23. A.

CCCLXX. Maximilianus, qui per connubia,
 partim sua, partim Philippi Pulchri, filii sui, par-
 tim nepotum suorum, Austriacae magnitudini ma-
 xima fundamenta iecit, crebris dehinc legationibus
 Wladislaum excoluit, ne scilicet a pactis nuptiali-
 bus, Austriae tam vtilibus, aliorum consilio dimo-
 ueretur. Accessit hoc anno noua legationis causa,
 Cameracense foedus, ad quod Wladislaus contra Ve-
 nctos

(a) Hist. Cr. T. XVIII. p. 499.—529.

actos, nobilissimi Dalmatiae regni iniquos detentores, inuitabatur. Istuanfius quidem ait, (a) Wladislaum, quamquam cunctabundum et plurima tergiversatum ad hoc foedus accessisse, bellumque Venetis denunciasse, non tamen intulisse. Causam intermissi belli solitae Wladislai ignaviae et otii cupidini tribuendam ex aliorum sententia censet. Quia tamen Maximilianus, litteris ad illum datis, illum in persona propria, pro magnitudine animi sui suscipere voluisse expeditionem contra Turcos, testatur; (b) motibus potius Turcarum, quam ignaviae haec intermissio belli videtur adscribenda. Nimis profecto mollem et ignaum Wladislaum Istuanfius, Dubrauium sequutus, nobis exhibet, quasi moerore propter obitum coniugis absorptus non aliter ad luctum barbaramque ponendam, quam promissa filii coronatione, permoueri potuisset. Cardinalis, inquit, (c) huiusmodi sermonibus, ceu stipulis, torpentem eius animum excitasse visus est, et receptis veluti sensibus, somnoque discusso, — ut in diem sequentem adessent, mandauit. Tum vero coma et barba nitide exculta, in medium prodiit: sumsitque purpuram et trabeam: eosque in conuiuium adhibuit. Nec multa mora interiecta, frequentibus suffragiis decernitur: „imminente vere, ad diem, D. Gregorii memoriae sacrum, Albae regiae, Ludouicum bimulum, — sacro diademate ornandum. —“ Conuenere ad diem tanta frequentia, ut urbs satis ampla multitudini capiendae haud sufficeret. — Pro filio — pater iusiurandum de more praestitit. Bene quidem Istuanfius Ludouicum bimulum fuisse coronatum asserit; male tamen eiusdem coronationem
ad

(a) Libr. IV. p. 34. (b) Ap. Pray An. P. IV. p. 332. (c) Libr. IV. p. 36.

et ipsos principes fuerit, praeter Dalmatiam, ad ius sacrae coronae Hung. pertinentem." Licet autem opportunissima haec occasio recuperandi Dalmatiam, seu per procerum auaritiam, seu per regis ignauiam, omissa fuerit; id tamen ex foederatorum sententia patuit, Dalmatiam ad Hungariam legitimo iure pertinere. (a)

A. C. 1510. Wlad. 20. Ind. 13. P. 31. M.

CCCLXXII. Wladislaus, peracta Ludouici coronatione, turbatas Bohemiae res compositurus, diutius ibidem commoratus, censuum regionum procurationem pluribus commendauit. (b) In Hungaria quoque prouentibus regiis consulturus, Benedictum Batthyanium, de thesauro regio debite non administrato delatum, arctius concludi, datoque iudicio, quaestionibus subiicii mandauit, litteris ad Emericum palatinum Praga datis. (c) Non igitur ita deses Wladislaus in vindicando iure suo fuit, ut passim expingitur; neque Benedictum iudicio damnatum fuisse, honores etiam deinceps illi collati testantur. Wladislaus, Pessina teste, (d) *Praga initio quadragesimae, die 13. Febr. anno 1510. discessit. Kutnae adhuc comitia habuit die 17. Febr. — Inde per Teutobrodam, Iglouiam, Tribicium et Brunam ducto itinere, Kremstirn venit, ubi regio apparatu — a Stanislao episcopo — in arc. susceptus est. Hic triduo substitit, ut Dubrauius scribit, (e) non sine cura — ob pestem, in Hungaria pullulantem, cui liberos committere nolebat. Al-*
eram

(a) Hist. Cr. T. XVII. 563.—575. (b) Dubrau. L. XXII. p. 303. (c) Ap. Pray Ann. P. IV. p. 338. (d) Mart. Morsu. p. 927. (e) Libr. XXXIII. p. 303.

eram praesens ego; quum regem ita affectum Stanislaus in cubiculo istis verbis alloqueretur: „ — Ni-
 „ hil maiestati vestrae opus est hac cura: maneat
 „ ambo cum suis in Moravia, aut hic Cremfirii,
 „ aut in vicina arce Viscouiensis: libentissime ego
 „ illis de altero loco concedam. — “ Sed distur-
 bavit totam rem Ioannes, comes Scepusiensis, e Tren-
 cinio Cremfirium 200. equitibus comitatus, super-
 ueniens; regique coram minas proponens, quibus
 Hungari minarentur: „ se illum Budam non intro-
 „ missuros; si absque liberis in Hungariam redeat.“
 „ Brutus, Ioannis Zapolyae studiosus, audacem
 hanc eius comminationem excusat. At Istuanfius,
 Zapolyae minus addictus, eundem virum profun-
 dae ambitionis, ob idque regnandi libidine ardentem
 vocat. (a) Sed non est verisimile, Zapolyam regnum
 ambiuisse, postquam Ludouicus gemina corona iam
 incinctus erat. Quum Budam venisset; pergit Istuan-
 fius, opportune breui post superuenit legatus Turca,
 inducias et pacem postulans; quod triennium, prio-
 ribus pactis praestitutum, effluxisset: quam Wladi-
 slaus — non inuitus ad aliud insequens triennium
 concessit. — — Sed quum atrox pestilentia urbem
 innaderet; — non tam sibi, quam liberis metuens,
 — versus Moraviam iter, fugae simile, in-
 zendit, et in oppido, quod Broda Hungarica appel-
 latur, — aliquamdiu haesit. Quamdiu haeserit, ita
 Hunnōbrodense chronicon innuit: (b) Rex Wladi-
 slaus — a festo S. Venceslai usque ad epiphaniam
 dom. resedit Hunnōbrodae. (c)

A. C.

(a) Libr. IV. p. 37. (b) Ap. Dobn. Mon. T. II. p. 287.

(c) Hist. Cr. T. XVIII. p. 579.—612.

A. C. 1511. Wlad. 21. Ind. 14. P. 20. A.

CCCLXXIII. In tertium iam annum tam gravis pestilentia Hungariam depascebatur, ut annales Seraphici perhibeant, (a) e solo hoc ordine 400 minus 14. absumptos esse. Wladislaus igitur, in Hungariam reuerti non ausus, *Broda mouens*, inquit *Pessina*, (b) post festum SS. trium regum, anno 1511. *Hradistiann* ex itinere diuertit, ibique etiam templum Franciscanorum, et in eo sepulcrum Ioannis, episcopi *Varadiensis*, ministri quondam fidelissimi, visitauit. Obiit ille — anno praecedenti, die 17. Iunii. — Inuitatus — a *Silesiis*, eo iter suscepit una cum liberis, magno procerum *Moraviae*, *Hungariae* et *Bohemiae* numero comitatus, dieque 29. Ian. *Wratislauiam* sospes et incolumis peruenit. Istuanfius refert, (c) quum a *Silesiis* iusiurandum exigere uoluisset, ab Hungaris admonitum fuisse: “ ut illud regni *Hungariae* nomine exigeret. ” — *Contra Bohemi et Morau:* „ *Silesiam* semper *Bohemici* iuris prouinciam fuisse: — „ *Quum utriusque gentis studia et contentiones acrius inualescerent*; — *res tota in aliud tempus dilata est.* Sigismundus tamen, *Poloniae* rex, quicquid iuris in *Opauensem Silesiae* ducatum antea beneficio fratris obtinuit, id totum, edito diplomate, remisit, (d) *Craconiae*, feria 6. ante dom. Reminiscere prox. anno dom. 1511. Wladislaus autem, epidemiae malo cessante, *Budam* reuersus, ad tuendam *Moldauiam*, cui *Tartari* cum *Turcis* imminiebant, curas suas conuertit, litteris ad eos, qui copias ex legum scito sub signa cogere

(a) Fridrich. Hist. Prou. Salu. p. 19. (b) Marr. Morau. p. 928. (c) Libr. IV. p. 37. (d) Ap. Dogiel. Tom. I. p. 551.

re debebant, datis, (a) *Budae, fer. 3. prox. post fest. B. Urbani P. et M. A. D. 1511.* Nulla tamen in Turcas expeditio suscepta fuit, quod Selimus non tam Bogdano, quam Baiazeti, patri suo, bellum inferre voluerit, qui re ipsa principatum anno sequente sibi vindicabit. Wladislai providentia magnam hic laudem meretur, quod ad remotam etiam belli suspicionem tantum studium, ut illud auerteret, adhibuerit. Post Wladislai reditum e Silesia, scribit Istuanfius, (b) Heduigem, Stephani de Zapolya viduam, de Barbarae filiae cum Sigismundo, Poloniae rege, nuptiis agere coepisse. *Et quum Wladislaus Aduigam ipsam et filiam virginem omnibus rarae pudicitiae, singularis in DEVM pietatis et morum honestissimorum dotibus — praeditas ac mirifice ornatas pro comperto haberet; missis ad Sigismundum legatis, facile consensum illius ad hoc coniugium obtinuit.* Si iam tunc Ioannes Zapolya regnum ambiuisset; credibile non est, Wladislaum ad procurandum hoc connubium operam suam commodaturum fuisse. (c)

A. C. 1512. Vlad. 22. Ind. 15. P. 11. A.

CCCLXXIV. Id, quod sub exitum anni superioris priuatis legationibus; publicis, ineunte hoc anno, coepit agi. Sigismundus igitur, oratoribus suis, quos ad Barbaram Zapolyianam sibi despondendam in Hungariam destinauerat, plenam rerum agendarum potestatem concessit, (d) *Cracouiae*, 13. Ian. A. D. 1512. Contractu sollemni celebrato,

(a) Ap. Pray Dist. VII p. 150. (b) Libr. IV. p. 37. (c) Hist. Cr. T. XVIII. p. 613.—629. (d) Ap. Wagn. Seep. P. I. p. 151.

non multo post iidem oratores, Wladislai regiō curru, multis comitantibus Hungaris, eandem Barbaram in Poloniam deduxerunt. Stanislaus Orickotius nouae reginae laudes ita perstringit: (a) *Laeta hoc matrimonio Polonia fuit; non tam quod societatem illi nouam adtulerat; quam quod talem reginam ex Hungaria acceperat, quae ob sanctissimos mores, castissimam vitam, ac ob admirabilem pudoris atque verecundiae famam, Flecter vulgo fuit appellata. Dum in Polonia haec agerentur; mortuis Myrici praefectis, Wladislaus, praeter Peremum palatinum, Petrum Berislaum, Vesprimiensem episcopum, illi prouinciae praefecit, qui breui declarandae suae virtutis occasionem nactus est. Nam, ut Istuanfius narrat, (b) quum Turcae magno numero — regionem, inter Sauium et Hurnam fluuios — adiacentem, passim popularentur; — collectis — copiis, eos non procul ab arce et oppido Dubicensi — adortus, insignique edita pugna, hostes fudit atque fugauit, et fugientes longe lateque persequutus, amplius 2000. eorum interfecit: — ita ut hostes audaciae perfidiaque suae et violatarum induciarum cumulas poenas dedisse viderentur. (c)*

A. C. 1513. Wlad. 23. Ind. 1. P. 27. M.

CCCLXXV. Thomas Bakatius, Strigoniensis archiepiscopus, ab Alexandro VI. sub initium huius seculi cardinalis, a Iulio II. patriarcha Constantinopolitanus anno 1508. creatus, ad concilium Lateranense V. anno superiore Romam iuit, et a Iulio pontifice Milkouiensis episcopatus unionem cum archiepiscopatu

(a) Ibid. P. II. p. 126. (b) Libr. IV. p. 38. (c) Hist. Cr. T. XVII. p. 629.—650.

chiepiscopatu Strigoniensi petiit ac obtinuit. (a) Huic vnioni Cibiniense capitulum illico reclamauit; Brassquienſe vero cauſſae huius cognitionem ad tribunal Romanum detulit; vtrumque litteris ſupplīcibus ad ipſum regem Wladislaum, tamquam eccleſiarum ditionis Hungaricae patronum, recurrit, qui querelis illorum permotus, Bakatſium ab hoc vnionis conſilio dehortatus eſt, (b) *Budae, 9. Februarii 1513.* Romae tunc Bakatſius erat, ac interīm Iulio II. die 20. Febr. mortuo, quum ad electionem noui pontificis itum eſt, Bakatſio ſuffragia ſeniorum non deſuerunt. Verum 11. Martii Iulianus Medicaeus, vt Iſtuanſius ait, (c) *quos natus nondum 40. iuniorum cardinalium ſuffragiis pontifex eſt declaratus, et poſt 30. diem — Leonis X. nomine aſſumto, coronatus,* qui factam a Iulio II. conjunctionem illam eccleſiarum confirmauit, (d) *die 11. Sept. 1513.* Hoc modo Bakatſius, fauore noui pontificis in rem ſuam vſus, non ſolum, vt Schmittius notat, (e) *episcopatum Milkouiſem ſedi metropolitanae coniunxit; ſed etiam priuilegium Pii II. praepoſito Scepuſienſi datum, reuocauit,* obtentis a pontifice litteris, (f) *an. inc. dom. 1513. pridie nonas Maii.* His aliisque rebus impetratis, ad bellum, Turcis obmouendum, hortator acceſſit, et, vt Iſtuanſius ſcribit, (g) *non magno labore apud nouum pontificem agendo perfecit, vt, qui exercitu ac praefenti pecunia eo tempore rem Hungaricam, ob conſumptos ab Iulio omnes aerarii et vectigalium fructus ac redditus, iuuare nequaquam poſſet; — au-*

Q q 3

Exoritate

(a) Ap. Benkő Milkou. P. I. p. 174. (b) Ibid. p. 193. (c) Hiſt. Libr. V. p. 39. (d) Ap. Benkő Milk. P. I. p. 178. (e) Ep. Agr. T. II. p. 173. (f) Ap. Peterſ. Cent. P. I. p. 187. (g) Libr. V. p. 40.

Auctoritate pontificia sacrorum diplomatum munera impertiret, quibus eis, qui contra Turcas arma sumssissent, uniuersorum criminum veniam — polliceretur. Utque Thomas maiorem auctoritatem ad cogendam militiam haberet; in vicinis quoque regnis suum latere legatum eundem creauit; et datis ad Wladislaum litteris, (a) *nonis Septembris, 1513.* operam se daturum promisit, ut, confatis Christianorum principum viribus, commune bellum in barbaros susciperetur. Quantum vero studium in diffidiis inter Christianos principes sopiendis armisque contra Turcas conuertendis adhibuerit; aliis eidem litteris prolixè significauit, (b) *datis Romae, III. kal. Ian. MDXIII.* Hostis, qui tanto metu Christianam remp. ac inprimis Hungariam perculit, erat Selimus, qui solum Ottomanicum sibi vindicaturus, primum quidem Baiazetem patrem, opera medici sui, die 23. Iunii superioris anni, veneno sustulit. Tum Achmetem, fratrem natu maiorem, ac etiam minorem Corchutum interfici iussit. Wladislaus igitur, veritus, ne hic tyrannus, tanto suorum sanguine foedatus, in Hungariam irrumperet, armatas copias ad tuendos regni limites adesse iussit, (c) *Budae, fer. 5. prox. post fest. BB. Viti et Modesti MM. A. D. 1513.* Praeludia belli fuerunt, quum ex Turcis, Semendria contra Belgradum egressis, quidam, ceteris praestantior, Hungaricae turmae praefectum ad singulare certamen prouocauit. *Mouent, inquit Tubero, (d) tam elata Turcae verba iram Georgii Scythae. — Itaque, equo calcaribus incenso*

(a) Ap. Pray Ann. P. IV. p. 348. (b) Ibid. p. 349. (c)

Ap. Wagn. Dipl. Saros. p. 21. (d) Libr. X. p. 329.

incenso, infesta hasta Turcam — petit, pectoreque transfixo, — ex equo — deiecit. (a)

A. C. 1514. Vlad. 24. Ind. 2. P. 16. A.

CCCLXXVI. Atque hic Georgius Scythia seu sicutulus, Hungarice Székely, cognomento Dósa dictus, dux erat infelicis belli rustici, quod hoc anno totam Hungariam in maximum discrimen coniecit. Bakatsius, e concilio Lateranensi, cum potestate militiam cruce signatam contra Turcas conscribendi, domum reuersus, Strigonii iam fuit 4. *Maii*, qua potestatem decanorum Cibiniensis et Coronensis, tamquam episcopus Milkouiensis, definiuit. (b) Tum vero Budam profectus, regem ad pontificium diploma vulgandum hortatus, dicebat: (c) *se non dubitare, quin breui satis magna multitudo voluntariorum militum — confluat.* Ad ea rege ne verbum quidem proloquuto, procerum magna pars Bakatsii consilium laudauit. Stephanus Telegdus *nihil temere decernendum suadebas, ne bellum, qua hostes arcere pararent, in seipsos et in propria viscera conuerteretur.* Pluribus in cardinalis sententiam inclinantibus, is in templo S. Sigismundi pro concione pontificis indultum promulgauit. Quum idem alibi quoque passim per Hungariam factum fuisset; conuenere ad castra breui tempore plurimi variae sortis mortales, religionis praetextu, compluribus locis; sed in agro et suburbanis Pestanis multo maxima pars; Varadini item et Albae et Colociae non contemnendus numerus. His Bakatsius praefecit Georgium Dosam nunc laudatum, qui, vexillo cru-

Eq 4

cis

(a) Hist. Cr. T. XVIII. p. 696.—704. (b) Ap. Benk. Milk. P. I. p. 202. (c) Istuanf. Libr. V. p. 40.—46.

cis accepto, Pestinum profectus, *sirones convocatos hortatur*: „*ut crucibus purpurei coloris ipsi quoque pectora muniant.*“ Postquam intra mensis spatium ultra 40. hominum cruce signatorum milia unis in castris visa sunt; — Georgius, quum castra, in militarem formam redacta, composuisset; — Gregorium fratrem — in exercitu legatum constituit. Interea, quum agrestes cateruatim ad castra quotidie properarent; — coacta nobilitas obviam ire, in eos — crudeliter saevire coepit, — ut ad pristinae conditionis servilia ministeria redigerentur. — Georgius, ad quem graviores in dies querelae ab agrestium turba, veris falsa miscentum, adferebantur, — nefariis armis in nobilitatem versis, agrestibus ite-
eam — debacchandi licentiam concessit. Nec mora, in Budae et Pesti suburbanis nobilium domos magni imperu de improvviso invadentes, spoliare, incendere ac obuios ex eorum numero quosvis, exquisitis tormentis cruciatus, interficere coeperant. Quae quum ad regem et cardinalem certissimis nunciis perlatae essent; — edicto vetuere: „*ne amplius quispiam cruce signaretur.*“ Georgioque cum suis omnibus, nisi intra paucos dies ad saniora consilia redirent, aqua et igne interdixerunt. — Georgius quem haec cognovisset; non diu in propinquis Budae locis moratus, exercitum bipartito — divisit, ac duobus agminibus — Szegedinum versus contendit. — Ambrosium Saberesium, ciuem Pestanum, cum tribus legionibus in iisdem castris reliquit. Postquam Tzigledinum exercitus sui partem promouisset; sanguinarum suum in equestrem ordinem odium his litteris, per Hungariam sparsis, expromsit: (a) „*Georgius*

(a) Ap. Wagn. Seep. P. IV. p. 31.

„ gius Zeckel, strenuus miles, benedictae gentis
 „ cruciferorum princeps et supremus capitaneus
 „ regis Hungariae tantummodo subditus. — Noue-
 „ ritis, quod infideles nobiles aduersus — comiti-
 „ uam cruciferorum — insurrexerunt. — Quocirca
 „ vobis, sub excommunicationis et aeternae da-
 „ mnationis poena, et etiam sub omnium bono-
 „ rum et capitum amissione mandamus, quatenus
 „ mox — venire — in oppidum Czegled debeatis,
 „ — vt sic benedicta turma manus praedictorum in-
 „ fidelium et maledictorum nobilium coercere —
 „ valeat. — “ (a)

CCCLXXVII. Rebus ad tantam perturbationem adductis, *rex et cardinalis*, pergunt Istuanfius, — *senatum frequentem conuenire iubent. Maior illius pars censebat:* „ Emerico Perenio palatino potesta-
 „ tem dandam, vt daret operam, ne quid resp.
 „ detrimenti pateretur. “ *Aliis consulentibus:* „ Io-
 „ anni potius, comiti Scepusiensi, bellum deman-
 „ dandum, “ quod palatinus podagra laboraret; probata hac sententia, per celerrimos nuncios Zapolya fuit admonitus. Interea Ioannes Bornemisza cum praetorianis cohortibus, adiunctis sibi nobilibus, *Danubium traiecit, ac Paulum Tomorem — cum equi-
 tum ala versus castra hostium — proficisci — iussit.* — Priusquam Ambrosius signum pugnae dedisset; p-
 gresses, audito hostium aduentu, arreptis equis, — *in Tomorem feruntur, et ab eo non magno negotio funduntur.* Bornemisza, priusquam acie decertaret; *sentandos — perduellium animos existimauit, si quo pacto ad sanitatem reduci possent.* Ambrosio cum nonnullis resipiscente, quum in alios tormenta dis-
 plodi.

(a) Hist. Cr. T. XVIII. p. 704.—721.

plodi iussisset; *promptissimos lenioris armaturae equites, praecedente Tomoreo, immittit; ipse cum cataphractis — subsequutus, eos in vestigio adoritur. Non tulere agrestes vim et impetum nostrorum, vixque tentato certamine, perturbati, — terga dedere. — Profligatis etiam ad Agriam et Varadinum rebellium copiis, Georgius, — evitato Szegedino, Chanadium iter flexit, vrbeque direpta, Nicolaum Chakium episcopum exquisitis suppliciis interfici iussit. Eadem crudelitate grassatus in alios nobiles, praecipue Stephanum Telegdium, motis Chanadio castris, — idibus Iuniis ad campum Vlicianum, haud procul ab arce et flumine Temeso, consedit. Sequenti die propius urbem movit. — Stephanus Bathorius, loci praefectus, a comite Scëpusiensi, qui in propinquitate erat, opem implorandam statuit, quamquam emulatione honoris — non leues inter eos similitudines intercedebant. Ad Bathorium Wladislaus iam antea copias mitti his litteris iusserat: (a) „ — Non est „ necesse, ut litteris vobis perscribamus, quantas „ insolentias, enormitates et horrenda facta rustici „ et populares, sub homine cruciatae consurgentes, „ faciunt. Sunt enim talia et tam horrenda, ut „ nemo satis explicare possit. Quare necessarium „ est, ut citissime tanto malo occurratur. — Si fidelis noster, magnif. Stephanus Bathor, comes „ Temesiensis, — cui superinde scripsimus, castra „ metaretur, et vos propterea requisierit, ad eadem „ congregari debeatis. — — Dat. Budae, in festo „ pentecostes (4. Iunii) anno dom. 1514. “ (b)*

CCCLXXVIII

(a) Ap. Wagn. Dipl. Saros. p. 22. (b) Hist. Cr. T. XVII
P. 721.—736.

CCCLXXVIII. Ioannes igitur Zapolya, tunc Transsilvaniae vaiuoda, sepositis in praesens reip. causa priuatis affectibus, maturam laborantibus opem ferre decreuit. — Quum mense Iulio, — concrepantibus tubis et tympanis, — in eosdem Vliciae campos peruentum esset; Georgius, — quantum crapulae plenus poterat, singula ducis munia obire. — Stru-ctis — ordinibus, et exardescente certamine, agrestes spe et expectatione diutius acriusque pugnauere. — Ad extremum vaiuoda praetorianum militem ac Siculos equites — immittit; quorum gladiis quum plurimi occumberent, plures vulneribus debilitarentur; vacillare aliquantum ac loco pelli coepere. Denique instantibus pertinaciter vaiuodanis, effusa fuga sequuta est. Fugientes Georgius, vixdum exhalato vino, hinc inde obequitans, — a Petro Petrouichio — non sine vulnere capitur. — Horret animus recensere dira, enormia et haecenus numquam visa vel audita miserorum supplicia. — Arreptos siquidem circiter 40. ex captiuis in obscuros carceres condunt; — et 15 dierum inedia maceratos discruciant, ut demum eis — semiambusta viuentis — Georgii membra mandenda et deglutienda offerrent. Sed ex 40. infelicissimorum hominum numero, reliquis fame tabescentibus et demortuis nonnisi 9. superfuere: inter quos Laurentium quemdam, fabrum ferrarium, — prouectissima iam aetate senem, dum pueri essemus, olim vidimus. Interea ab (ciganis) tortoribus rudi e ferro solum et corona sceptrumque, regia insignia constantur, in quod Georgius nudus infertur, coronaque, igne candenti resplendens, capiti imponitur. Adducuntur nouem illi infelices, — semineces, umbris hominum similes, ac „ vt artus Georgii, qui ignito „ ferro tacti, stridorem quemdam cum nidore emittebant, „ dentibus et morso appetant, simulque „ de-

„ deglutiant, “ iubentur. — Quod ubi metus mortis fecere; dimissi quidem fuere, inter quos faber ille ferrarius fuit; sed tres, qui abominabilem offam non deglutiuerant, illico caesi fuerunt. Georgius — forcipibus ignitis idemtidem lancinatur. Postremo, quum intolerandos dolores ferre amplius non posset; animam efflauit. — Cadaver eius — in frusta dissectum fuit, quae Budam, Pestum, Albam et Varadinum missa, furcisque suspensa, praeteruentibus spectaculo ludibrioque fuere. De ceteris quoque pari acerbitate poenae exactae sunt, ut maxima pars in furcas — suspenderentur, pars subdibus seu palis infixi, miserabilem in modum interirent. Hunc exitum habuit, factis suis congruum, Georgius Siculus, inauspicati belli funestus auctor, — cuius formidine Pannonia omnis contremuerat. Quo in bello variis praeliis ad 40. (al. 70.) hominum millia cecidisse feruntur. At Bathorius, ereptus grauissimo periculo, immortales vaiuodae gratias — agere. — Vaiuoda — illud a Bathorio contendere visus est: „ ne magistratum, — se ignaro, — am-
 „ biendum existimaret. — “ Ad quod quidem Bathorium se obstrictum reddidisse ferunt. Quibus artibus non aliud quaerebatur, quam ut, hoc sibi conciliato aemulo, veluti obice amoto, minorem ad parandum sibi regnum difficultatem experiretur, ad quod bonis malisque artibus adspirabat. Qui potuit ad regnum adspirare, superstiti vegetoque Ludouico rege? Vana haec praecoxque suspicio vix apud prudentem lectorem vllam fidem inueniet. Ceteris ad Bachiam et Albam pari felicitate profligatis, seruili bello finis quidem impositus est; tristis tamen appellatio *Curutzonum*, a voce *crux*, quam vestibus assutam habebant, et in *Curatz* Hungari detorserant, in omnes illos deriuata fuit, qui ciuile

le bellum, licet cruce signati non fuerint, excitant. (a)

CCC. XXIX. Exstincto serui bello, quia multa nobilibus damna sunt illata; rex Wladislaus, de his resarciendis sollicitus, in. 18. Octobris comitia statibus indixit, decretumque VII. condidit, quod articulis 71. constat, hoc ordine: (b) „ I. Iura „ vniuersa regalia; qualitercumque alienata; statim „ remittantur. II. Prouentus regales rex nemini „ inscribat. III. Bona, — ad coronam regiam „ pertinentia, recensentur. IV. Modus satisfactionis „ damnorum, per cruciatis illatorum V. Nobilis res suas, per rusticos spoliatas, iuramento „ recuperet. VI. Coram quibus iuramentum *istud* „ nobilis deponat? VII. Rustici, rependere damna „ refragantes, cogantur per comites ac gentes regias. VIII. Rustici ad homagia interemptorum „ nobilium soluenda cogantur. IX. In — damnis „ compensandis facientes et consentientes multentur. X. Rusticis discordantibus super deprædatione nobilium, dominus terræ — ius administrare petenti debet. XI. Negligente hoc domino, — amittitur possessio. — XII. Dominus terræ prædas, ad manus suas deuenientes, illis, „ quorum sunt, restituere tenetur. XIII. Malefactores puniantur vbique. — XIV. De poena „ capitaneorum — ceterorumque cruciatorum. — „ XV. De exactionibus a rusticis fiendis. XVI. „ Seruitium colonorum ordinarium. XVII. Munera „ colonorum. XVIII. Coloni nonam et decimam „ soluere — tenentur. XIX. Anserum prouentus „ a colonis. XX. Porcorum prouentus

„ 2

(a) Ibid. p. 736.—748. (b) Corp. Iuris Hung. T. I. p.

„ a rusticis. **XXI.** De viduis aut puellis, co-
 „ lono alterius nobilis nubentibus. **XXII.** De
 „ inquilinis taxandis. — **XXIII.** Comani et Phil-
 „ staei pari modo ad censum soluendum ac servi-
 „ tia praestanda sint adstricti. **XXIV.** Nemo, de
 „ rustica progenie natus, in episcopum eligatur.
 „ **XXV.** Migratio colonorum quomodo interdicta?
 „ **XXVI.** De violenta colonorum abductione. —
 „ **XXVII.** De officiali, in abductione coloni vim
 „ committente. **XXVIII.** De profugis colonis. —
 „ **XXIX.** De liberis ciuitatibus, Comanis aut Phi-
 „ listaeis, aliorum iobagiones abducentibus. — **XXX.**
 „ Fugitiuus colonus — capi libere potest. — **XXXI.**
 „ Comite mulctam, ratione coloni abducti, exige-
 „ re non valente, ea per communem aestimatio-
 „ nem exigatur. **XXXII.** De malefactorum per comita-
 „ tus conscriptione et punitione. **XXXIII.** — **XXXIV.**
 „ Nobiles comitatus Maramarusiensis rusticis adhae-
 „ sisse putati. **XXXV.** Bona nobilium, rusticis
 „ adhaerentium, quibus conferantur? **XXXVI.**
 „ Gratia regia in hoc insurrectionis rusticanae casu
 „ nemini suffragetur. **XXXVII.** Quid si rustici
 „ malefactores comitibus ad puniendum non assi-
 „ gnentur? **XXXVIII.** Rustici verberatorum nobi-
 „ lium viua homagia (100. flor. auri) persoluant.
 „ **XXXIX.** Rustici capitanei, centuriones, decu-
 „ riones — in hoc casu capitis damnati. **XL.** Ru-
 „ sticus, inuitus capitaneatum assumens, capitis
 „ non damnetur. **XLI.** Rusticum centurionem vel
 „ decurionem punire non permittens, in florenis
 „ 400. condemnatur. **XLII.** Rusticum aufugisse
 „ asseuerans, iuret certo numero hominum. **XLIII.**
 „ Comitibus iudicium generale in hoc casu celebrari
 „ permittatur. **XLIV.** Rustici, qui hoc tempore
 „ a dominis discesserunt, per comites restituantur.

„ *XLV.* Comitibus, in hoc casu delinquentibus, vni-
 „ uersitas nobilium vices suppleat. *XLVI.* De vai-
 „ uodis et besliis deponendis. *XLVII.* Rusticorum,
 „ qui puellas aut mulieres violarunt, poena. *XLVIII.*
 „ Presbyteri scelerati inquirantur, et carceribus
 „ per praelatos tradantur. *XLIX.* Bona, tempore
 „ disturbiorum — impetrata, statim remittantur.
 „ *L.* Comites et vice-comites quoque bona, impe-
 „ trata hoc tempore, remittant. *LI.* Res nobilium,
 „ si sint manubiae praeliorum, dominis suis resti-
 „ tuantur. — *LII.* A rusticis extortam rem spolia-
 „ to restituere nolens, maioris potentiae poena
 „ mulctetur. *LIII.* Iura possessionaria nobilibus no-
 „ uae donationis titulo regia maiestas restituat.
 „ *LIV.* Metas regni rex rectificari curet. *LV.* Per-
 „ sonalis praesentia regiae maiestatis semper Budae
 „ maneat. — *LVI.* Honor comitatus Heuesiensis
 „ personae seculari conferatur. *LVII.* Vt turres,
 „ castra, fortalicia nobiles, cum regis scitu, con-
 „ struere possint. *LVIII.* Nonae a ciuibus — sol-
 „ ui debent. *LIX.* Nullus plura beneficia eccle-
 „ siastica teneat. *LX.* Presbyteri non beneficiati,
 „ scholares, haidones, rustici arma et pyxides non
 „ gerant. *LXI.* Pastores pecudum bonae famae
 „ teneantur. — *LXII.* Possessiones nobilium inter-
 „ emtorum filiabus aut vxoribus eorum donentur.
 „ *LXIII.* Decreta comportentur, ac per singulos
 „ comitatus distribuantur. *LXIV.* Decimatores
 „ pro debito neminem arestant. *LXV.* Beneficiati,
 „ in urbem proficiscentes, quomodo regi se obli-
 „ gare debeant? — *LXVI.* Monetae exterae non
 „ inducantur; nec pecora extra regnum educantur.
 „ *LXVII.* Vt castra finitima prouideantur. *LXVIII.*
 „ Prouisores ad arces finitimas deputentur. — *LXIX.*
 „ — Nouae occupationes, stante rusticano bello,
 „ — ante

„ — ante alias causas discutiantur. *LXX.* Scriba-
 „ tur in regna vicina, ne fugientes rustici hoc
 „ casu recipiantur. — *LXXI.* Combusta loca hoc
 „ casu exempta a solutione dicat. Datum Budae,
 „ in festo B. Elisabeth viduae, — anno dom.
 „ 1514.“ (a)

CCCLXXX. Eadem die tripartitum opus Ver-
 bötzi ratum quidem Wladislaus habuit, priusquam
 tamen illud regio sigillo communiuisset; mortem
 oppetit. Leo X. priusquam de rebellionem cruce si-
 gnatorum edoctus fuisset; amplum illis stipendium
 his verbis, quum Wladislaus respondisset, ad-
 dixit: (b) „ Si ipsum exercitum conficere atque in
 „ Turcas impetum facere statueris; — quinque
 „ decies mille numum aureorum me ad id croga-
 „ turum daturumque tibi spondeo: — sin vero id
 „ tantummodo consilii suscipies, ut tuta ab hosti-
 „ bus reddere tua illa propinqua Turcis oppida,
 „ de quibus scribis, tibi satis futurum putes; his
 „ decies mille numum aureorum tibi praesto ut sint,
 „ quum me commonefeceris, curabo. — Dat.
 „ Romae, XI. kal. Octobres, anno II.* Dum has
 Wladislaus accepit; gemino iam periculo defunctus
 erat; altero, quod a cruce signatis impendebat;
 altero, quod Istuanus ita narrat: (c) „ *Accidit*,
dum tempus comitiorum, quae in Octobrem mensum
indixerat, appeteret, — ut, rege ad summum dicti
crepusculum sacra audiente, incerti homines in cubi-
culum regium sclopetis duobus crassiores glandes dis-
ploderent, rati, ut credere par est, regem isthic esse.
 — Atrocis huius facinoris auctores, quamquam dili-
 gentissime

(a) Hist. Cr. T. XVIII. p. 748.—793. (b) Ap. Pray Ann.
 P. IV. p. 360. (c) Libr. V. p. 48.

rentissime quaererentur, nusquam tamen inuenti
fuerunt. (a)

A. C. 1515. *Wlad.* 25. *Ind.* 3. *P.* 8. *A.*

CCCLXXXI. Istuanfius, Zapolyae parum addi-
ctus; *suspicionem in vaiuodanos* deriuat; Wladislaus
tamen utrique Zapolyae tantum detulit, ut, quum
Oppauientem ducatum Casimiro, duci Teschiniensi,
gubernandum contulisset, quo Hungaricis in illum
uribus consuleret, eosdem et palatinum ac iudicem
curiae sponsores habere voluerit, quod Casimirus
conditiones praescriptas obseruaturus sit. (b) *Dat.*
Budae, in festo epiphaniae domini, anno eiusdem
MDXV. Rursus suspicatur Istuanfius, Ioannem Za-
polyam, quum hoc anno contra Turcas infelici
successu pugnasset, dolo succubuisse; sic enim ad
inuidiam illi conflandam scribit: (c) *Vaiuoda, quia*
prima belli aduersus agrestes prospere successerant;
fortunam eodem semper tenore totius rei principia
subsequuturam arbitratus, bellum in Turcas susce-
pit, et ad obsidendam arcem, aequali fere interual-
lo inter Taurunum et Samandriam sitam, animum
indiecit, quae a Turcis — Caualla, a nostris vero
Sarno vocatur. — Contractis igitur copiis ad 10.
millium equitum et peditum numerum, nonis Iulii
Danubium traiecit; et tertiis castris ad Cauallam
— peruenit, tanto silentio, ut Turcis, qui Saman-
triae ac aliis in locis in praesidiis erant, de eius
tinere nihil plane constaret. — Prolatis igitur tor-
mentis

(a) Hist. Cr. T. XVIII. p. 793:—830. (b) Ap. Sommers-
berg T. I. p. 1056. (c) Libr. VI. p. 50.

mentis, — arx concuti coepta est; breuique temporis spatio tantum moeniorum dirutum, — ut Turcae, quamquam egregie se tuerentur; de conseruanda tamen ea non parum desperarent. Balibegus, Semendriae praefectus, postquam arcis vicinac periculum intellexisset, — quum — se Bannoniis imparem esse animaduerneret; ad dolos et fraudes conuersus, certos e suis Thracibus Graeci ritus Christianos subornat, qui specie transfugarum in castra vaiuodae se conferant, et apud duces ac militum praecipuos famam viresque hostium — in immensum efferant. — Quum rem haud segnius, quam edocti erant, perficissent; tantus repente paor vaiuodae animam occupauit, — ut „ tormenta ex aggeribus statim retrahenda, et cum exercitu retrocedendum esse“ iuberet; nisi Michael Paxius: „ — ne tantum flagiti-
 „ admitteret, ut, ne viso quidem hoste, tot-
 „ dam fugam capessere inciperet, “ graui increp-
 tum sermone retinisset. — Et eo quidem die Turcae ex industria in conspectum non venerunt. — Nocte, quae sequuta est, Balibegus suorum aciem promoueri iussit, ac multo maiori parti militum pedestris ordinis ardentes taedas ac faculas — attribuit. — Ipsi vero, silenti agmine progressus, quum ignes in tenebris maiorem vero speciem procul intuentibus redderent; — paullo ante illucescentem auroram aggeres, in quibus tormenta erant collocata, magno sublati clamore, aggreditur. Michael Paxio primum, eius deinde fratre Casparo, qui periclitantibus nostris opem tulerant, occiso, ceteri turpiter profugerunt. — Castra et tormenta impedimentaue omnia paruo labore hostibus cessere; ita ut vaiuoda antepartem de victis agrestibus gloriam, — re contra veros hostes male gesta, obscurasse aut amisisse censeretur. Atque hic primus ad amittendum sexto post anno

Belgradum gradus erat, quod maioribus tormentis illinc eductis ac perditis alia deinceps suffecta non fuerint. *Fuere nonnulli, subiicit Istuanfius, qui vauodam dolo cessisse exercitumque hosti prodidisse suspicarentur; quod cum iis iam tum occulta parando regno consilia miscuisse — dicerent. (a)*

CCCLXXXII. Nec ipse quidem Istuanfius temerariam hanc suspicionem credit. Certius est, quod ita scribit: *(b) Eius aduersae pugnae fama, regibus Posonium allata, priusquam cum caesare in colloquium venirent, ob dolorem amissorum militum, iacturamque tormentarii apparatus, grauis molestaque fuit. Erat tunc Wladislaus Posonii cum suo fratre Sigismundo filioque Ludouico, quo 18. Martii peruenit et pacta nuptialia suarum prolium ita coram Maximiliani legatis instaurauit, vt Annam iliam vel Ferdinandus, vel Maximilianus sub poena 300. millium florenorum; Ludouicus autem Mariam, Ferdinandi sororem, assignatis vtrique sponsae dotis nomine 200. millibus florenorum, matrimonio sibi iungeret. Haec pacta primum Wladislaus, cum eius frater Sigismundus publicis litteris firmavit (c) Posonii, 20. die Maii, anno dom. 1515. Postquam Maximilianus, grauibus imperii negotiis impeditus, patientiam trium regum, aduentum eius expectantium, quatuor fere mensibus exercuisset; de loco modoque conuentus aliquamdiu disceptatum fuit. Nec enim Wladislaus, Viennam inuitatus, se suosque liberos huius vrbis moenibus initio credere voluit; donec a Sigismundo fratre persuasus fuisset. Maximilianus, tribus regibus Viennam*

Rr 2 ingenti

(a) Hist. Cr.T. XVIII. p. 830.—850. (b) Libr. VI. p. 52.

(c) Ap. Kollar Auctar. p. 282.

ingenti cum pompa deductis, Ludouicum, iam Hungariae regem coronatum, suum in imperio vicarium, deficientibusque heredibus, in Austriacis ditionibus successorem constituit, (a) *die 20. mensis Iulii, anno dom. 1515.* Deinde foedus nuptiale cum laudatis regibus chirographo sigilloque suo communivit, (b) *22. mensis Iulii, anno dom. 1515.* Cuspinianus, quid praeterea hic decretum sit, ita promulgauit: (c) „ — Confirmarunt veram, sinceram et inuiolabilem atque firmam concordiam, amicitiam, vnionem — ad mutuam protectionem et „ defensionem contra eorum hostes quoscumque, „ et praesertim contra hostes infideles, et ad bonum „ stium suorum futurorum perniciem. — “ (d)

CCCLXXXIII. Celeberrimum hunc tot coronatorum caputum congressum Ioannes Cuspinianus, testis non tantum synchronus, sed etiam oculatus, locupletissime descripsit, et postquam uictima Iulii tres reges Neostadium ad Maximilianum profectos, ac tertia mensis Augusti diuulsos narrasset, subiicit: *Sic summa cum tranquillitate solutus est celeberrimus ille regum conuentus, sine dissidio, sine rancore, sine tumultu, sine seditione, quod felix faustumque sit!* Si tamen Istuanfium audimus: aliquem in Hungaria tumultum ac seditionem palatinus excitauit, ob hanc legem pactationibus adiectam. (e) „ Vt regnum Hungariae, si stirps Ludouici, „ uti euenit, interiret deficeretque, ad eum caesaris nepotem, qui Annam ducturus esset, eorumque „ liberos, certo iuris hereditarii nomine, recideret

(a) Ap. Pray Ann. P. IV. p. 378. (b) Ap. Koll. Anst. Dis. p. 292. (c) Ap. Bel. App. D. I. p. 296, (d) Hist. Cr. T. XVIII. p. 866.—923. (e) Libr. VI. p. 49.

„cideret.“ Atqui huius conditionis tabulae nusquam meminerunt. Non maiorem igitur fidem illa merentur, quae vano huic fundamento his verbis adstruit: (a) *Quae dum agerentur; Emericus Perenius palatinus, — saeuissimis articulorum doloribus vexatus, Posonii subsistere erat coactus. Is — per fora et plateas ciuitatis passim curru circumuectus, „contractibus illis, — quibus regnum, Hungariae „ad exteros transferretur, se, tamquam palatinum, „— alta voce contradicere“ proclamauit. — Deinde tamen, postquam Wladislaus arcem Sarosiam — hereditario iure ei promisit, simulque effecturum apud caesarem, — ut — S. R. I. princeps et dux Sarosiensis in posterum appellaretur; — eo est adductus, ut diceret: „se foederi — priuato quidem suo, sed nequaquam palatinali nomine, subscripturum. —“ Sed dum sollemnes litterae — a caesare expediuntur; — ipse in grauem morbum incidit, quo paullo post Budae e viuis excessit. Nescio, quibus e lacunis feculentam hanc narrationem Istuanfius hauserit. Certissimum enim est, Wladislaum Perenyio palatino praemortuum esse, nec illum Sarosiensis, sed Siklosiensis ducis titulum post Wladislai mortem obtinuisse. Quum igitur nonnisi tertio post anno Perenyius obierit; et illud inter Istuanfiana commenta reponendum est: *Wladislaus singulari pietate filium Ludouicum ad Danubium usque funeri (palatini) deducendo adhibuit.* (b)*

A. C. 1516. Wlad. 26. Ind. 4. P. 23. M.

CCCLXXXIV. Funeri deducendo Perenyii, qui die 5. Febr. 1519. decessit, Ludouicum adhibere
Rr 3 non

(a) Ibid. p. 50. (b) Hist. Cr. T. XVIII. p. 923.—929.

non potuit Wladislaus, qui 13. Martii 1516 mortem obiit. Istuanfius in epocha mortis Wladislai rursus errauit, quum eam ita consignauit: (a) *Lentae primum febres, deinde acerbiores, quam umquam antea, neruorum dolores, — iterum et sexagesimum aetatis annum agentem, VIII. idus Martias, exstinxerunt.* Quum Wladislaus, teste Dlugosso, (b) kalendis Martiis anno 1456. natus sit; annos aetatis 60. cum 13. diebus numerauit. Non enim VIII. sed *III. idus Martii* mortuum illum fuisse, Ludouicus filius, datis ad Sigismundum patrum litteris, ita testatur: (c) „ *Tristitia sunt, ser. rex, quae scribimus. — Orbati sumus ambo, nos patre pientissimo, maiestas V. fratre carissimo. — Podagricis primum fuit corruptus doloribus; deinde febre accedente, adens vis morbi sensim inualuit, ut nulla ope ierari potuerit, quin demum obiret. Tulit autem et aegritudinem suam, et mortem ipsam eadem patientia, qua vitae molestias et quaeque incommoda ferre consueuerat. Et prius, quam ad extrema perueniret; integris sensibus, sano et vegeto mentis intellectu, ut pium et catholicum, ut religiosum decebat principem, confessionem absoluit; eucharistiae sacramentum reuerenter et deuotissime suscepit; permisit se vngi; orauit; dum potuit, continue: cessante linguae usu, ac diuinit orantes: et ita se ad exitum praeparauit, — ut mori, quam viuere malle videretur; et exemplum cum subditis, tum principibus reliqueret bene moriendi. Deseruit autem vitam feliciter *III. idus Martii* praeteriti; — cuius corpus — memorabili pompa — ad Albam regalem — est*

(a) Libr. VI. p. 52. (b) Libr. XIII. p. 184. (c) Ap. Be. N. H. T. III. p. 241.

— est perductum. — Budae, 10. Apr. anno
 1516. Ita quidem Wladislaus officium Christiani
 hominis egregie sustinuit; regis tamen partes non
 satis expleuisse visus est. Gregorius Pethö scribit,
 (a) Bohemicam vocem *Dobse*, quoties de rebus
 grauioribus admoneretur, Wladislao familiarem fuisse.
 Passim etiam Istuanfius carpit desidiosam eius taci-
 turnitatem, qua negotia maximi ponderis alto si-
 lentio transmittere solitus fuerit. Eo regnante,
 uerunt archiepiscopi *Strigon.* Hippolytus Esten. card.
 ab an. 1487. Thomas Bakats card. 1497. *Coloc.*
 Petrus ab an. 1481. Ladislaus Gereb 1502. Gre-
 gorius Frangepanius 1503. Episcopi *Agrien.* Vrba-
 nus Dótzsi ab an. 1486. Thomas Bakáts 1493.
 Hippolytus card. 1497. *Bosnen.* Lucas 1490. Ga-
 briel 1493. Mich. Keszérü 1504. *Iaurinen.* Tho-
 mas Bakáts 1490. Franciscus 1495. Ioan. Gofz-
 onyi 1510. *Nitrien.* Fr. Georgius 1490. Anto-
 nius 1492. Nicolaus de Batska 1501. Sigismun-
 us Turzo 1504. Steph. Podmanitzki 1505. *Quin-
 ueccles.* Sigism. ab Ernust ab an. 1475. Georgius
 zakmári 1506. *Sirmien.* Steph. Crispus 1490. Ni-
 colaus 1499. Sig. Turzo 1501. Stephanus 1504.
 Johannes Ország 1505. *Transsiluan.* Ladisl. Gereb
 ab an. 1476. Dominicus 1502. Nicolaus de Bats-
 ka 1503. Sig. Turzo 1504. Franc. de Peren 1508.
 Franc. de Varda 1514. *Tsanad.* Ioan. de Zokol ab
 an. 1466. Lucas 1493. Nicol. de Chák 1500.
 Franc. de Chahol 1515. *Vacien.* Nicol. de Bathor
 ab an. 1475. Ioan. Ország 1506. Franc. de Varda
 1510. Ladisl. Szalkanus 1514. *Varad.* Valentinus
 1490. Dominicus 1495. Georgius 1502. Sigism.

Rr 4

Turzo

Turzo 1506. Franc. de Perén 1513. *Vesprim.* Ioan. Vitezius 1490. Georgius 1499. Greg. Frangepanius 1502. Petrus card. 1504. Petrus Beriszlo 1512. *Zagrab.* Osualdus ab an. 1466. Lucas 1500. Ioan. Bakáts ab Hrdöd. 1511. *Palatini:* Steph. de Zapolya 1492. Petr. Gereb 1500. Emer. de Peren 1504. *Iudices curiae:* Steph. de Bathor 1490. Paul. de Kinis 1494. Petr. Gereb 1495. Petr. C. de Bozin. 1501. *Vaiuodae Transf.* Steph. de Bathor 1490. Ladisl. Losontzi et Barthol. Dragfi 1493. C. Petr. de Bozin 1499. Ioan. de Zapolya 1510. *Bani D. Cr. Sclau.* Lad. de Egervára 1490. Emer. Derentsen 1493. Lad. de Kanisa 1493. Ioan. Coruinus 1495. Georg. de Kanisa 1498. Ioan. Coruinus 1500. Andr. Both et Franc. Balassa 1505. Petrus Beriszlo 1512. (a)

§. XIV.

LVDOVICVS II. REX XXXVI

Coepit A. C. 1516. desit A. C. 1526.

A. C. 1516. Ludou. I. Ind. 4. P. 23. M.

CCCLXXXV.

Ludouicus, anno 1506. kal. Iulii natus, decimum aetatis annum agebat; dum patri hoc anno 13. Martii pleno iure successit. Anno 1508. die 4. Iunii Hungarica, sequente Bohemica corona redimitus, nulla procerum electione vel istic, vel illic opus habuit, vt paternum solium vtroque conscenderet. Idonea tamen aetas ad moderandas tot
tanto-

(a) Hist. Cr. T. XVIII. p. 940—956.

tantorumque regnorum habenas quam illi defuisset; magna contentione disceptatum fuit, an illi gubernator ad tantum onus sustinendum addi deberet, an solis tutoribus, suprema patris voluntate constitutis, relinquendus esset. *Ludouicus*, inquit. *Istuanfius*, (a) *iustis funebribus parenti Albae persolutis, Budam rediit, comitantibus eum Thoma, card. Strigon. ac Georgio, marchione Brandeburgensi, cui Wladislaus auunculus erat, ac Ioanne Bornemisza, quibus eum pater moriens tuendum educandumque commiserat.* Ista quidem indicant, Ludouicum exsequiis patris interfuisse; sed aliud ipse videtur innuere his verbis: (b) „Quibus (exsequiis) ita peractis, consilarii nostri ex Alba huc Budam ad nos redierunt, tum ut nos consolarentur; tum ut ea, quae ad status nostri honorem et dignitatem pertinent, ordinarent.“ Nonnullis, pergit *Istuanfius*, et potissimum iis, qui factionem *vaiuodanam* per fas nefasque alendam susceperunt, gubernator eligendus videbatur. — Quibus consiliorum ambagibus neminem alium, quam *vaiuodam*, tacitis votis designabant. — Ceteri, apud quos artes *vaiuodae*, regnum ambientis, suspectae, et pueri regii cura potior erat, magnum palatinum — creandum censebant. *Istuanfius*, more suo, suis et suspicionibus indulget, et erroribus inhaeret. *Zapolyam*, superstitute sospiteque *Ludouico*, rege legitimo, regnum ambiuisse, numquam ego mihi persuasero. Hae suspensiones ex iis, quae post *Ludouici* mortem acta sunt, male formantur et occupantur. Errorem item, quo *Perenyium* palatinum acito regem *Wladislaum* obiisse scripsit, hic continuat. Er-

1. ar

(a) Libr. VI. p. 52. (b) Ap. Bal. Not. H. T. III. p. 241.

rat certe, quum turbulenta propter electionem palatini comitia nobis repraesentat. Nulla fuit necessitas eligendi nouum palatinum; quum Perenyium adhuc superstitem fuisse, praeter alia documenta, litterae, quas in fauorem Saxonicarum in Transilvania sedum, tribus post Wladislai mortem elapsis mensibus, dedit, ostendant, quarum exordium et epilogus ita habent: (a) „ Nos Emericus de Perén, „ comes comitatus Abaujvarien. regni Hung. palatinus ac iudex Comanorum. — Datum Budae, — „ ser. 2. prox. post fest. BB. Viti et Modesti MM. anno „ dom. 1516.“ Vel vnum hoc testimonium ad aduultum errorem Istuanfii conuellendum sufficere potest. (b)

CCCLXXXVI. Neque Bakatsius, si comitia tam turbulenta fuissent; ad pontificem scribere potuisset, *in conuentu Pannonico, nuper habito, omnia tranquille atque pacate acta, confecta transactaque fuisse.* Plures Leo pontifex litteras, paternae sollicitudinis plenas, post Wladislai mortem in Hungariam dedit. Ac imprimis ad Ludouicum ita scripsit: (c) „ Ex litteris Thomae, card. Strigon. legati, „ intellexi, Wladislaum, — patrem tuum, magno „ cum illorum populorum moerore et luctu, vi- „ uere desisse. Quo sane nuncio vehementer sum „ perturbatus. — Et quoniam idem legatus scripsit ad nos, patrem tuum, extremo vitae suae „ tempore, mihi te commendasse; omnes meas „ opes, omnem auctoritatem ad te fouendum or- „ nandumque polliceor. — Da operam, vt non „ minus religione, quam aetate; neque magis cor- „ poris

(a) Ap. Benkő Milk. P. I. p. 220. (b) Hist. Cr. T. XIX. p. 6.—9. 29. (c) Ap. Pray Ann. P. V. p. 17.

„ poris viribus, quam virtutibus animi subcrefcere
 „ tui te populi videant. Dat. Rom. 1516. pridie
 „ non. Apriles, pont. an. 4.“ Curam eiusdem et-
 iam card. Bakatſio commendauit, ſociumque cura-
 rum Robertum, archiepiſcopum Rheginum, eidem
 addidit, (a) *VIII. id. Apr. pont. an. 4.* Haec in-
 ter etiam Petrum Berifzlo, Veſprimien. epiſcopum,
 vt, finitimis praefidiis diligenter defenſis, regnorum
 quieti conſuleret, admonuit, (b) *nonis Aprilibus.*
 Ab eo certior redditus, in quanto periculo Dalma-
 tia, propter continuas incurſiones Turcarum, eſſet
 conſtituta, Franciſcum, regem Galliarum, vt auxi-
 lia labanti Hungariae ſubmitteret, rogauit, eique
 ſignificauit, *Iaitzam, Tininum, Clifum, Scardonam*
 a Turcis obſideri: „ Quamprimum, *inquit*, (c) quam-
 „ que celerrime ſaltem quindecies mille numum au-
 „ reorum ad nos mitte, qui vna cum noſtris alte-
 „ ris totidem illuc transmitterentur; quibus ſe opi-
 „ bus illa municipia communirent. — Idibus Maiis
 „ 1516.“ Eodem menſe primum quidem Berifz-
 lonem ad Turcarum conatus fortiter ſuſtinendos
 iterum adhortatus; deinde, datis ad Bakatſium lit-
 teris ſequenti menſe, de pacato *conuentu Pannoni-*
co, cuius ſupra meminimus, gratulatus eſt ac hor-
 ratus: (d) „ vt in inſtituendo rege puero aetate-
 „ que illa tenera et ſelectenda, et dirigenda, eum-
 „ dem conſenſum, eandem curam adhibeant; quo-
 „ ad rex ſe atque ſua regere per aetatem poſſit.“
 Quum autem Selimus nouam in Aegyptum ex-
 peditionem hoc anno ſuſceperit; legatos Budam
 induciarum cauſſa miſit, quas iisdem litteris Leo
 diſſuadet, quod non ſincere petantur; pollicitus
 pro

(a) Ibid. p. 18. (b) Ap. eumd. Prior. Auran. p. 65. (c)
 Ap. Rayn. ad annum 1516. (d) Ap. Bemb. Libr. XIII.

pro regno Hung. defendendo omnes suas opes sanguinemque etiam suum, si expediat, libentissime profuturum. — *Dat. Romae MDXVI. VIII. kal. Quintiles, pont. an. IV.* Tantam Hung. curam quis satis aeltimet? (a)

A. C. 1517. Lud. 2. Ind. 5. P. 12. A.

CCCLXXXVII. Idem ille pontifex, ab Hungaris numquam satis laudandus, ut bellum felicius cum Turcis geri posset, quinquennales omnibus Christianis inducias edixit, (b) *Romae 1517. sexto decimo kal. Apriles, pont. an. 5.* Ludouicus, de neruo belli sollicitus, Hungariae ciuitatibus certam pecuniae summam, ut Leutsouiae florenos 300. Eperiesino 150. Bartfae 175. conferendam imperauit. (c) Tum vero testamentum Bakatsii, qui hereditatem amplissimam filiis suorum fratrum addixerat, confirmauit, ac ita litteras suas conclusit: (d) „ Si „ gilla quoque fidelium — Emerici de Peren, — „ regni Hung. palatini, — et C. Petri, — iudicis „ curiae, duximus apponenda. *Dat. Budae, in „ festo B. Urbani papae, anno 1517.*“ Luculentum rursus hoc documentum est ad errorem Istuanfi, quo Perenyii mortem Wladislai morti praemissit, penitus conuellendum; sed omnium illud luculentissimum, quo docetur, illi non ducis Sarosiensis, sed Siklofiensis titulum a Maximiliano collatum esse. (e) *Dat. in oppido Badensi, die 27. mensis Septembris, anno dom. 1517.* Causam praecipuam collati huius honoris ita Maximilianus exprimit: „ **Ex in nos**

(a) Hist. Cr. T. XIX. p. 9.—29. (b) Ap. Pray Ann. P. V. p. 26. (c) Sperfogel ap. Wagn. Scep. II. p. 136. (d) Ap. Farlat. T. V. p. 524. (e) Ap. Wagn. Scep. II. p. 135.

„ nos semper fide, diligentia sedulitateque fuit,
 „ ut cum optimo quoque in his omnibus, quae
 „ ad nostram et dicti regni dignitatem attinent,
 „ facile certauerit.“ — Quare multo verosimilius
 perhibet Reuaius, Perenyium, dum lex de non
 eligendis regibus exteris in comitiis Rakosienfibus
 anno 1505. perlata fuisset, suam contestationem in-
 terposuisse. *Sella per urbem circumlatus*, inquit,
 (a) *decreti iniquitatem, ut credi volebat, detestatus,*
deprecabatur, regni iura perturbantis, quae nulla
exceptione liberum ius Hungaris permitterent, sine
ex suis mallerent, sine exteris, regem eligendi: neque
prius queri destitit, quam minis coactus, suo signo
apposito, decretum obsignauit, non ut palatinus,
quemadmodum declarabat, sed priuatus. Hanc con-
 testationem Istuanfius ad illam pactorum nuptialium
 legem, quae nusquam exstat, infeliciter transtulit.
 Heduigis quoque, Stephani de Zapolya viduae,
 mortem ad an. 1515. male defixit, cuius epistola,
 qua Kesmarkienses ad vtendum consilio Christophori
 Warkotsch admonet, exstat, (b) *ex arce Tren-*
chinienfi, sabbato post B. Michaelis, anno dom.
 1517. Nimium igitur Istuanfius utriusque vitae,
 tam Perenyii, quam Heduigis, spatia contraxit.
 Vnde rursum apparet, quanti sint momenti diplo-
 mata vel ad confirmandas, vel ad conuellendas
 historicorum narrationes. (c)

A. C. 1518. Lud. 3. Ind. 6. P. 4. A.

CCCLXXXVIII. Postquam principum Christia-
 norum oratores ideam belli, contra Turcas com-
 muni

(a) Ap. Schwandt. T. II. p. 699. (b) Ap. Wagn. Scep. IV.
 p. 138. (c) Hist. Cr. T. XIX. p. 40.—57.

muni consilio gerendi, designassent; (a) mox illam Leo pontifex cum Ludouico rege communicauit, data potestate, *siquid ipse vel addere, vel demere* vellet, *animi sui sensum atque sententiam* perscribendi. (b) *Dat. Romae, MDXVIII. VII. id. Ianuarii.* Ludouicus, ut suas in bello gerendo partes exsequi posset, duos conuentus particulares sub initium anni huius celebravit, ut, quum Ioannem Zapolyam ad generalia regni comitia Budam euocat, his verbis indicat: (c) „ — Quamquam autem duas hoc anno conuentiones habuimus, in eum finem per nos celebratas, ut in illis de auertendis — periculis consuleretur; — nostra haec tam bona voluntas — perducere ad effectum non potuit. — Statuimus igitur generalem diactam pro festo B. Georgii M. proxime venturo hic Budae iterum celebrare. — *Dat. Budae, in dom. Laetare (14. Mart.) anno dom. 1518.* „ Licet igitur Mosotzius diem et mensem conuentionum illarum non exprefferit; ex his tamen litteris intelligimus, illas ante 14. Martii hoc anno celebratas esse. *Conuentus Tolnensis articulos potiores* dumtaxat idem Mosotzius exhibet, hoc ordine: (d) „ *Art. II.* — Ut a colonis 20. vnus eques mittatur in bellum, armis instructus. *III.* Ecclesiasticae personae — a 20. colonis vnum militem in bellum mittant. *IV.* Sanctimoniales et viduae modo eodem. — *V.* Nobiles, aliis seruientes, pro se alios in bellum mittant. *VI.* Quidam comitatus pyxidarios pro equitibus mittere solent. *VII.* Rex suos rebelles in Morauia coerceat. *VIII.* Ad bellum

(a) Ap. Rayn. ad an. 1518. (c) Ap. Pray et Bemb. (d) Ap. Pray Prior. Anran. p. 71. (d) Corp. Iur. Hung. T. I. p. 337.

„ bellum omnes sine damno procedant. IX. Con-
 „ tributio denariorum 50. — XVI. — Quomodo
 „ coloni a contributione in posterum saluentur.
 „ XVII. De iudiciis et causis, quae etiam in be-
 „ lo discuti possunt. XVIII. Coloni abducti red-
 „ dantur. “ Artículo I. hic omisso praecipitur,
 „ vt de *litzae conseruatione prouideatur*. Periclitan-
 „ ti huic archi quum Ludouicus aliter succurrere non
 „ potuisset; coactus est Eperiesinum Perenyio palati-
 „ no pro certa pecuniae summa pignori dare: quod
 „ tamen quamprimum se redempturum, nec insolitis
 „ exactionibus exhauriri permissurum, Eperiesinensi-
 „ bus per litteras promisit, (a) *Budae, fer. 6. prox.*
 „ *post dom. Quasi modo* (16. Apr.) *anno dom. 1518.*
 „ Facta hac inscriptione, praecipit Eperiesinensibus,
 „ vt eidem palatino iuramentum praestarent, *Budae,*
 „ *fer. 2. prox. ante fest. BB. Viti et Modesti MM.*
 „ *anno dom. 1518.* Ex Bachiensibus porro constitu-
 „ tionibus hos articulos Mosotzius excerpfit: „ I. Gen-
 „ tes secundum numerum colonorum teneantur.
 „ II. Ecclesiasticarum personarum querimonia de
 „ intertentione militum. III. — Prouentus regis
 „ etiam cum gentibus nobilium conseruentur. —
 „ IV. Rex requisitus exsequutionem facere debet.
 „ V. Thesaurarii exsequutionem faciant; si rex et pa-
 „ latinus eam facere nequierit. VI. In causa trium-
 „ phans exsequutionem facienti viribus — assiste-
 „ re debet. VII. — Prouentus regis ab omnibus
 „ recuperentur. — XI. Ciuitates montanae in liber-
 „ tatibus pristinis conseruentur. — XII. — Telonia
 „ sicca — quae dicantur? — XIII. De auro et ar-
 „ gento e regno non exportando. — XIV. Co-
 „ quinae regis prouentus applicati. XV. Iura pa-
 „ tronatus

(a) Ap. Wagn. Dipl. Saros. p. 245.

„ tronatus ecclesiarum reuocantur. **XXI.** Bani am-
 „ bo ex castris finitimis non prodeant. — **XXVI.**
 „ Nobiles praediales ecclesiae Sexardiensis confer-
 „ uentur in libertate. **XXVII.** Nonas ciues ciuita-
 „ tum regiarum dominis terrae ex vineis soluant.
 „ **XXVIII.** Quomodo puniantur, qui ad diaetam
 „ non veniunt? **XXIX.** De nouo iudicio, quo
 „ quis se inhibet a iuramenti depositione. **XXX.**
 „ Proscribuntur secundo, qui castra finitima amise-
 „ runt. **XXXII.** Reintegratio comitatus Temesien-
 „ sis. **XXXIV.** Quod omnes status gentes suas in
 „ locis, ad hoc deputatis, interteneant. **XXXV.**
 „ Fures et alii malefactores — extirpentur. **XXXVI.**
 „ Nobiles vnus sessionis ad conseruationem mili-
 „ tum non taxentur. **XXXIX.** Consiliariorum et
 „ assessorum ex vtroque statu — cooptatio. **XL.**
 „ Quod vice - palatinus, vice - iudex curiae et pro-
 „ tonotarii consilio interesse possint. **XLI.** Brevia
 „ iudicia celebrentur. — **XLIV.** Statuta praedecla-
 „ rata durent — vsque ad diaetam festi B. Georgii
 „ M.“ Haec comitia videri possent ante 14. Iunii
 celebrata, qua Ludouicus Eperiesinenses Perenyio
 litteras pro pignoris securitate dare iussit, non ius-
 surus post conditum *art. VIII.* quo bona regia re-
 stitui iubentur. Sed enim huius rei discussio *pro vi-*
gesimo die festi epiphaniarum domini fieri iubetur.
 Cibinium tamen prius a palatino Perenyio restitu-
 tum fuisse; Ludouicus testatur, (a) *Budae, in die*
B. Luciae virginis, anno dom. 1518. (b)

A. C.

(a) Ap. Wagn. Dipl. Saros. p. 196. (b) Hist. Cr. T. XIV.
 p. 62. — 130.

A. C. 1519. Lud. 4. Ind. 7. P. 24. A.

CCCLXXXIX. Perenyius igitur palatinus, quem Istuanfius ante regem Wladislaum sepeliuit, secundum istud Ludouici diploma superstes adhuc fuit 13. Decembris, cuius obitum Cebanius figit (a) ad an. 1519. 5. *Februarii*. Praemortuus illi fuit Maximilianus 12. Ianuarii, cuius quidem beneficio titulum ducis et principis obtinuit; eo tamen numquam usus fuit: forte, quod palatini, quam principis axioma potius esse duxerit; forte, quod recipiendo hunc titulum caesaris se iuribus obnoxium reddere noluerit; forte, quod Siklosiam arcem, cuius dux creatus est, superstes adhuc Laurentius Ujlakius possederit. Quidquid horum sit, vel non sit; illud tamen certum est, diploma caesareum ante mortem eius expeditum fuisse, neque proinde verum esse, quod Istuanfius his verbis asserit: (b) *Dum — diplomata principatus a caesare expediuntur; — ipse — Budaë e viuis excessit. — Wladislaus — filium Ludouicum ad Danubium usque funerali deducendo adhibuit.* Emendata diplomatum fide chronologia, morteque Perenyii huc dilata, potest id admitti, quod Istuanfius ita subiicit: *Mortuo Perenio, Ioannes vaiuoda, et quos factioni suae addictos habebat, ad res nouandas — occasionem inuenere.* Potest enim facile credi, Ioannem Zapolyam palatini dignitatem, qua tam pater, quam patruus eius ornati fuerant, ambiuisse; nec animo satis aequo tulisse, Bathorium sibi praelatum esse. Non tamen aequè mihi credibile videtur, Bathorium Zapolyae promississe, nullum se magistratum, illo non consulto,

(a) Ap. Wagn. Scep. II. p. 135. (b) Libr. VI. p. 50.

consulto, petiturum aut admissurum esse. Promissum si huius vnicus testis est Istuanfius, qui tamen illud adeo dubiis verbis refert, vt tuto credi non possit. *Illud, inquit, (a) a Bathorio contendere visus est, ne magistratum aut quampiam officii functionem, se ignaro aut inconsulto, ambiendam existimaret, neue oblatam acciperet. — Ad quod quidem Bathorium se obstrictum reddidisse ferunt.* Ludicra tam petitio, quam promissio haec fuisset; praesertim si scopus attendatur, quem, vmbreis suspicionum abreptus, ita subiicit: *Quibus artibus non aliud quaerebatur, quam, vt — minorem ad parandum sibi regnum difficultatem experiretur.* Praeter turbulenta haec comitia celebrata sunt alia Bathoriae, quorum praecipuos articulos ita Mosotzius recenset: *(b) „Art. VII. Quod camerariis non sit „licitum pro se fodinas excoli. VIII. Camerarii „macella et educilla non teneant. — IX. Aurum „et argentum, vti tempore Mathiae regis, ad „cameram cambiatur. XXII. In Sclauonia et Transsilvania eodem modo, vti in Hungaria, fiat exsequutio iudiciorum. XLIV. Confoederationes „inter dominos inuicem dissoluantur.“* Qua parte huius anni haec vel illa comitia, in quibus Bathorius Zapolyae praelatus fuit, celebrata sint, incertum est. Id certum, a Ludouico Bathorium iam palatinum appellari die 27. mensis Augusti, litteris pro Zwyneis ad regni iudices datis. *(c)* Timon ad hunc annum scribit, *(d)* *pacem ad triennium cum Turco sancitam esse* corrigitque Nicolaum Istuanfium, qui *Barnabam Belaium cum octo annorum induciis a Selimo*

(a) Libr. V. p. 46. (b) Corp. Iur. Hung. T. I. p. 343.

(c) Ap. Wagn. Dipl. Ser. p. 401. (d) Epit. Chron. p. 216.

a *Selimo remissum esse, litteris consignauit.* Sed enim *Belaum*, mente *Iulio* hoc anno reuersum, nec octennales, nec triennales inducias adtulisse, colligimus ex *Ludouici* litteris, ad *Ioannem Ernust* 29. mensis *Augusti* datis, (a) quibus *Iaitzae*, nimium periclitanti, prouideri iubet. Neque, si pax cum *Turcis* fuisset, *Leo* pontifex ecclesiasticos et religiosos ad decimas in necessitates regni conferendas adegisset, litteris ad *Blasium Paxium* et *Philippum More* datis, (b) die 6. *Septembris*, anno 1519. (c)

A. C. 1520. Lud. 5. Ind. 8. P. 8. A.

CCCXC. *Timeri* hoc anno *Selimus* desit, kalendis *Septembris* extinctus, cui *Solimanus II.* (fatale *Hungaris* nomen) successit, qui propter inauspicatum cum *Parthis* praelium iam iam exauctorandus, ad preces et promissa versus, teste *Dubrauius*, (d) quod „ totam *Mysiam*, *Bulgariam*, *Bosnam* „ cum ipso *Bellegrado* redacturus breui in potestatem *Turcarum* esset, „ gratiam tandem recuperauit. Audita haec *Turcae* promissa *Budae* erant; sed pauci illis animum intenderunt; reliqui cum laetitia stragem hostium praesentem accipere, nihil de futuro solliciti, quasi cum vno praelio tota vis *Turcae* interiisset. Per incuriam igitur, perque epulas et conuiuia vitam amoenam *Hungari* transigebant, regemque iuuenem, qua quisque arte nouerat, circumueniebant. Quis umquam carius emtam vulturem auem audiuit; quam fuit a *Ludouico* redempta?

SS 2

Se-

(a) Ex MSS. *Wagnerianis*. (b) *Ap. Wagn. Scep. II. p. 198.*

(c) *Hist. Cr. T. XIX. p. 144.—170.* (d) *Libr. XXXIII.*

Secesserat Agriam, quam, morte episcopi vacuum, ipse per praefectum suum aliquamdiu tenuit. — Is vulturem cicurem, ad aucupium edoctam, habuit; ipsum praeterea aucupem, vario praestigiarum genere — insignem. Petit utrumque sibi dari rex. Ad haec praefectus: „Hac, inquit, conditione dono, „vt liber sim a ratione villicationis reddenda.“ Annuit rex, nutumque litteris et annulo suo roborat: „vt a 40. millibus aureum numum, quae penes „praefectum reliqua erant, liber esset.“ — Ab eiusmodi igitur leuioribus studiis vt Ludouicus abstraheretur; de uxore, ei maturius adducenda, deliberatum. Haec duo rerum adiuncta, vacans Agriensis episcopatus et proximus ad nuptias apparatus, ostendunt, hanc de vulture narrationem ad hunc potius, quam 1517. annum, collocandam esse. Hoc enim Hippolytus cardinalis, episcopus Agriensis, 3. Septembris obiit; (a) cui Ludouicus successorem Ladislaum Szalkanum; huic in Vacienti cathedra Ioannem Ország, isti Ladislaum Macedonium in Sirmientiensi dedit, (b) Budae, sabbato prox. ante fest. BB. Innocentium, anno dom. 1520. De nuptiis quoque Ludouici sub anni huius exitum deliberatum esse, patet ex legatis Oenipontum missis, vbi quemadmodum Annae cum Ferdinando, ita Mariae cum Ludouico matrimonium nouo consensu roboratum est XI. Decembris. (c)

A. C. 1521. Lud. 6. Ind. 9. P. 31. M.

CCCXCI. Nuptiis Lincii celebratis, aduentum Mariae cum obitu cardinalis Bakatsii Nicolaus Olahus

(a) Tim. Purp. Pannon. p. 107. (b) Ap. Pray Hier. P. H. p. 389. (c) Hist. Cr. T. XIX. p. 188.—204.

hus ita coniungit: (a) *Thomas Bakocz de Erdeodi, card. Strigoniensis, mortuus in mense Iunio, anno 1521. cui successit Georgius Zathmar eodem anno. Eodem anno Maria regina, deducta in Hungariam, excepta fuit Budae a rege Ludouico in mense Iunio. Post taedas nuptiales atrocissimum cum Solimano bellum exarsit, quo florentissimum olim Hungariae regnum totum paene conflagrauit. Eius scintillae iam dudum gliscebant, et adnexas Hungariae provincias saepe sub infidis induciarum cineribus exurebant ac consumebant. Sub Solimano grauius ipsam Hungariam incendium corripuit, cuius praeludia fuerunt iactura Srebernici, Tessenii, Szokolii, Tininii, quibus per summam nostrorum socordiam Turcae potiti, Iaitzam item ad ictum et praedam descripserunt. Petrus Kegleuichius, loci praefectus, exploratis hostium molitionibus, (b) suos in omnes occasiones paratos esse — iubet: excubias duplicat: ac moenia — selectis ex ordine peditum manipulariis custodienda attribuit: — „centum equites — ultra „vallem, ab hostibus infessam, silentio consistere, „ac, quum ipse signum, exploso tormento, de „disset; hostes a tergo adoriri“ iubet. Ipse vero — paullo ante crepusculum complures mulieres et puellas ex urbe emittit: easque — choros ducere, ac intenta voce canere praecipit. — Turcae, mulieres ab oppido procul discessisse conspicati, — in eas rapiendas irruunt. Mox Kegleuichius, ex urbe prouolans, a fronte; equites vero, quos nocte ultra vallem in insidiis collocatos diximus, a tergo circumfusi, eos inopinato — terrore perculsos — ita profligauere, — ut pauci, qui rem male gestam domi suis nunciarent, superfuisse viderentur. Apparet hinc, quantum inter-*

Ss 3

terfit

(a) Ap. Bel. Appar. D. I. p. 39. (b) Istuanf. L. VI. p. 55.

terfit inter ducem vigilantem ac negligentem. Ludouicus, hoc successu laetus, magnam tamen Solimani potentiam veritus, auditis eius in Hungariam apparatibus, *legatum ad Leonem X. pontificem misit Stephanum Verbötziū, regni praetorem.* — Is quum in urbem venisset; Leonem — votis et supplicationibus usque adeo intentum reperit, ut e Vaticano ad S. MARIAE, quam maiorem vocant, aedem discalceatus nudisque pedibus processerit, *DEVM O. M. fusis precibus et lacrimis orando:* „ vt reuocata animis Christianorum principum concordia, — eos „ ad inferenda arma Turcis — concitaret. “ — Verbötziū, non diu Romae detentum, Leo remisit; et „ se causae publicae iuuandae minime defuturum “ respondit. — Nec multo post venit Budam a Leone missus Thomas Vius card. — certum auri pondus adferens, ac nomine pontificis Ludouicum exhortans: „ vt Turcas, sublato formidabili hoste Selimo, languidiores redditos, e propinquo armis aggredertur: effecturum se, ut ceteri quoque principes „ Christiani, sociatis terra marique viribus, idem „ faciant. “ Cardinalem, in Hungariam profectum, sequutus fuit Thomas Nadásdius, honesta nobilique familia iuuenis, eo animi proposito, ut interpretis munere fungeretur. (a)

CCCXCII. Multarum id genus legationum Istuanfius ante bellum, cum Solimano gestum, meminit; at legationem, ad Carolum imp. et comitia Vormatiensia destinatam, ad sequentem annum reiicit: cuius tamen, hoc anno peractae, certissimum indicium est (b) *oratio, in imperiali conventu Vor-*

(a) Hist. Cr. T. XIX. p. 209.—242. (b) Ap. Pray Ann. P. V. p. 46.

Vormatiensi, coram diuo Carolo caesare ac principibus totius imperii, die 3. Aprilis, 1521. per incliti regis Hung. ac Boh. — oratores habita; typoque iam olim vulgata, quae tristissimam eorum temporum imaginem, velut in speculo, repraesentat. E tot legationibus, vitro citroque missis, apparet, magnum Hungariae discrimen a Turcis impendisse, magnamque Ludouicum sollicitudinem ad illud auertendum habuisse. Nullis tamen curis efficere potuit, quominus Belgradum, fortissimum illud non modo Hungariae, sed omnis Christianae reip. propugnaculum, a Turcis occuparetur. Duo erant, inquit Istuanfius, (a) praefecti, quibus tuendae eius urbis munus delatum erat: Emericus Ennigius, cognomento Turcus, et Franciscus Hederuarius; quorum ille — ante aliquot dies e viuis excesserat, relicto filio iuvene Valentino; hic vero certis de causis — a rege. successorem sibi mitti postulauerat, nec tamen eo expectato, domum se receperat. Quum autem Ludouicus Andream Bathorium — istuc misisset; — a Valentino et Hederuario non admissus. — Administrabant praefecturae munus duo illorum legati, Blasco nempe Olahus ac Michael Moraeus, — quorum hic postea ad Solimanum nefarie transfugisse fertur; ac in eius locum — Ioannes Morgaius successit; in arce autem Ioannes Bothus — res curabat. Hi crebrioribus nunciis et litteris opem a rege ac pecuniam et tormenta cum pilis et puluere sulphureo, quod ea superioribus annis a Ioanne Zabotiano — amissa essent, inprimis postulabant. — Sed ea omnia tam lente administrabantur, ut, dum scautae et remiges conquiruntur; — expediendarum raurium occasio — praetermissa sit. — Hac in perturbatione

S S 4

batione

batione — erant res Nandoralbae, quum „ Solimanum „ — Samandriam appulisse“ allatum est. Ast Ludouicus — ad omnes prouincias regni — mandata dedit: „ vt, — maiori, quo possint, militum numero Tolnam sub signis conueniant.“ Sed homines, reip. et patriae immemores, — adeo negligenter ea exsequuti sunt, vt pauci admodum ex iis, qui in propinquo habitabant, obtemperarent. — Solimanus, e castris Samandrianis Pyrrhum praemittendum duxit; — Achomatem autem — ad oppugnandum Sabacium ire iussit, — qui — propugnatores spe et opinione sua constantiores reperit. Postquam hi diu hostium omnes conatus feliciter elusissent; vigiliis et continuis laboribus adeo fessi, vt vix corpora sustinerent; — tandem uniuersi — eo, quem viuentes temerant, loco haud inulti cecidere. — Sabacio in possessionem reducto, Solimanus Sauum ponte — sternendum existimauit. — Quo confecto, ipsemet cum — maiori exercitus parte transiecit. (a)

CCCXCIII. Postquam Solimanus Semlinum ad deditionem adegisset, ac Balibegum ad vastandas Sirmii plagas misisset; Ludouicus, iam Tolnam profectus, — Bathorium palatinum — dare operam iussit, ne hostis — impune grassaretur. Hic Balibegum quidem fugauit; sed Tolnam reuersus, eiusdem populationi Sirmium rursus exposuit. His igitur praemissis, Solimanus ad Belgradum liberius oppugnandum omnes vires suas conuertit. Nostris tamen insigni virtute se defendentibus, — longior in dies et difficilior oppugnatio reddebatur. — Iam trigessimus dies irritae oppugnationis praeterierat; dum duo Rascii transfugiunt: a quibus hostis edoctus.

qua

(a) Hist. Cr. T. XIX. 242.—282.

qua parte muri debiliores essent, eo tormenta dirigi iussit. Dirutis magna parte moenibus exterioribus; oppidanisque Rasciis in arcem refugientibus; 800. ianitisque, quum in urbem irruissent, ex arce procellosa grandine pilarum prostratis; eadem arx tribus ex locis magna vi tormentorum oppugnari coepit. *Blasco et Bothus praefecti summa industria — milites, per stationes passim excubantes, quorum iam vix 400. supererant, inuisere; — sua munia — ea fide — obire, ut — 20. hostiles impetus, in arcem et urbem acerrime illatos, inuito corporum et animorum robore et constantia pertulissent. — Iam ipse Solimanus, — tot irritis suorum conatibus permotus, Hungaros ad mutandam fidem, aut ad urbis deditionem subigi posse vix sperabat. — Iam 40. dies obsidionis agebatur; quum — ad extremum quidam — ex iis, qui, Christiana religione abiurata, Mahometanae superstitioni se addixerunt, ad Turcarum duces profectus, ut, cuniculis actis, arcem subruerent, monuit. Eorum vno subinde succenso, Rascii territi, litteras sagittis alligatas eiaculari, de deditione cum hostibus agere coeperunt. Quum igitur illi numero Hungaris superiores essent; nec ullis seu minis, seu promissis ad saniora reduci possent; Pannonii adacti, ne domi intra moenia deserti et proditi a sociis; foris vero a truculento hoste vno eodemque tempore expugnati, extremae sortis aleam subire cogerentur; ipsi quoque de tradenda arce — cum Thracibus convenire — coacti fuere. — Profectione in diem sequentem instituta, qui fuit 29. mensis Augusti, quum inter armatos — Turcarum ordines — progredi iuberentur; Hungari, contra fidem datam, omnes extemplo caesi — fuere. — Amisso Belgrado, Ludovicus, — vehementi dolore affectus, — copias suas in opportuna loca distribuit. Triduo post*

post Belgradi iacturam ad montanas ciuitates litteras de mutatione monetarum dedit (a) *ex castris, ad oppidum Tolna positis, in festo B. Aegidii abbatis* 1521. Obseſſo Belgrado, Statilium ad Venetos pro ſollicitandis auxiliis miſit, (b) qui 30. millia nummum aureorum Hungaris periclitantibus addixerunt. Sigismundus quoque, Poloniae rex, auxilia cum ipſe miſit, tum Bohemos et Morauos, vt mitterent, admonuit, (c) *dom. prox. ante feſt. S. Mariae Magd.* A. D. 1521. (d)

A. C. 1522. Lud. 7. Ind. 10. P. 20. A

CCCXCIV. Quorum culpa Belgradum ſit amiſſum, ſcriptores variant. Blaskonem, ſeu Blaſum Olahum, Ioannem Morgaium ac Ioannem Bothum egregie munus vicarium ſuſtinuiſſe, tam Iſtuanſus, quam Tubero, qui hic deſinit, teſtantur. Primarius vterque praefectus, iisdem teſtibus, abſuit; dum Belgradum oppugnatum ac expugnatum erat. Vter eorum a rege ſucceſſorem ſibi mitti poſtulanerit; nec tamen eo exſpectato, domum ſe receperit; Iſtuanſius quidem ambigue ponit; vterque tamen, eodem teſte, punitus eſt. Comitibus, inquit, (e) poſtea habitis, quum Valentinus Turcus — ac Franciſcus Hederuarius, quorum incuria et inobedientia Belgradum amiſſum erat, citati non comparuiſſent; omnium ſuſfragiis proſcripti, et bona eorum publicata fuere. — Et Franciſcus quidem in exſilio periit; Valentinus vero, quod iuuentae vitio potius et malorum hominum prauis conſiliis, quam ſponte deliquiſſet, — in gratiam

(a) Ap. Wagn. Scep. IV. p. 82. (b) Ap. Pray Annal. P. V. p. 58. (c) Ap. Dogiel T. I. p. 28. (d) Hiſt. Cr. T. XIX. p. 280.—308. (e) Libr. VII. p. 63.

riam receptus fuit. In comitiis quidem nulla differ-
ta mentio fit alterutrius; generatim tamen omnes
auctores amissi tam Szabatsii, quàm Belgradi bonis
multantur. De his comitiis Mosotzius ita scribit:
(a) *Contributio extraordinaria regi ingens promissa;*
de qua hic articulos adscribere piguit, ad militiam
et iura pertinentibus contenti. Hos igitur dumtaxat
articulos excerpfit ex decreto IV. „ XIX. Fidelis
„ quispiam per regem constituendus, qui cusori-
„ bus monetarum assistat. XXXIV. Capitanei, non-
„ dum iurati, primo quoque tempore iurent. XXXV.
„ Capitaneorum officium et salarium. XXXVI.
„ Ecclesiarum et mulierum violatores capite ple-
„ ctantur. — XLIV. Tributa, in regnum arma et
„ victualia importantes, non tenentur soluere. LI.
„ Stipendiarii comitatum, qui pecuniam comita-
„ tus leuarunt, et in bellum non sunt profecti,
„ pecuniam restituant. — LIV. Expeditioni qui
„ non interfuerunt, bona — auferantur. — LV.
„ Actus potentiarii, qui, expeditione durante, sunt
„ patrati, — cognoscantur. LVI. Iudicia comita-
„ tum et vicariorum infra expeditionem suspensa
„ maneant. LVII. Bona, post obitum Wladislai
„ R. occupata, remittantur. LVIII. Coloni abdu-
„ cti, vel motu proprio discedentes, restituantur. —
„ LIX. Si comes nouiter quid occupet; — id co-
„ mitatus regi rescribat. — LX. Infideles, qui ca-
„ stra Nandoralbense et Sabach amiserunt, pronun-
„ ciantur.“ Qui hic non nominatur Hederuarius,
nominatim a Ludouico proscribitur, (b) *Budae, in*
festo cathedrae B. Petri, an. 1522. Cui vitio da-
tur inter cetera: „ quod Michaellem More, homi-
„ nem

(a). Corp. Iur. Hung. T. I. p. 344. (b) Ap. Pray Ann. P.
V. p. 54.

„nem sceleratissimum, — sui loco reliquit, qui—
 „ad tyrannum ipsum Solimanum de eodem castro
 „— noctu egrediens, ipsum illi prodere non fuit
 „veritus.“ (a)

CCCXCV. Quum Ludouicus, mense Martio Pragam profectus reliquam huius anni partem in Bohemia transegerit; ultra mensem Februarium ea comitia differri non potuerunt, quod dotem etiam, a patre superstite Mariae reginae constitutam, recensuit, (b) *in festo purificationis BB. V. M. an. dom. 1522.* Quatuor equitum, peditum autem 20. millibus in comitiis imperii decretis; *fuisse*, inquit Praius, (c) *Hungariae optime consultum; et eam subsidiorum spem importunum prorsus novanda religionis studium — interceptisset.* Sophius quoque Persarum princeps, suam aduersus Solimanum opem Ludouico pollicitus est; (d) qui quum alcoranum aliter, ac Turcarum potissima pars, interpretatus fuisset; magnas inter Turcas et Persas dissensiones excitauit. Sed Ludouicus prae remotis ac incertis his auxiliis, certiora, quia propinquiora, suis conditionibus conquisiturus, Bohemiam cum Maria coniuge petiit, et quantam illic rerum Hungaricarum curam habuerit; suis ad palatinum litteris expressit. (e) *dati in Broda Almanicali, feria, 2. post dem Oculi, anno dom. 1522.* „Omnibus, inquit, aliis negotiis nostris postpositis, ad ordinanda auxilia, omne studium nostrum — conuertemus.“ Id ipsum aliis ad eundem litteris, 31. Martii Praga datis, significat; sequenti vero mense Hungaros auxiliorum partim

(a) Hist. Cr. T. XIX. p. 312.—352. (b) Ap. Koller. Act. Dipl. p. 317. (c) Ann. P. V. p. 67. (d) Ibid. p. 67. (e) Ap. Pray Prior. Aur. p. 78.

partim a Carolo caesare promissorum, partim ab aliis speratorum, certiores reddidit. (a) *Dat. Pragae, tertia festi resurrectionis, anno 1522.* „Quod autem, „ inquit, ad personam nostram attinet; pro salute „ omnium vestrum et pro totius regni nostri Hung. „ defensione, omnem bellorum fortunam forti animo „ experiri, sanguinemque ac vitam etiam nostram, si opus fuerit, effundere non dubitabimus: „ et — nostrum reditum in Hungariam maturabimus. — “ Sed Ludouicus, multis in Bohemia negotiis retentus, adhuc in Octobri Pragae litteras in fauorem prioris Auranae dedit, (b) *feria 6. ante fest. B. Galli conf. anno dom. 1522.* Erat tunc prior Auranae Mathias de Barath, successus Petro Beriszloni, Turcarum insidiis intercepto caeloque, cuius loco Ludouicus, ut Istuanfius perhibet, (c) *Joanni Carlouicio, — ac Francisco Batthyanio, in Vladislai patris aula ac deinde cum ipso simul a teneris educato, viris domi militiaeque claris, provinciam (Dalm. Cr. Sclau.) administrandam tuendamque demandauit.* Hic Batthyanius ad Thomam Nadasdium serius de quadam confederatione, non tam contra regem, quam pro rege conflata, scripsit, cuius condiciones hoc anno confectae sunt (d) inter episcopos *Transsiluan.* Franciscum de Varda; *Varadien.* Franciscum de Perén; *Chanad.* Franciscum; *Sirmien.* Ioannem; procures: Ioannem Drágfi, Anton. Palochi, Andr. de Báthor, Steph. de Rozgon, Petrum de Peren, Lad. Kanisai, Franciscum Ország, Gasp. Raskai, Sigism. Bánfi, Franciscum Homonnai. — *Dat. Budae, fer. 4. prox. ante diem B. Augustini E. et C. A. D. 1522. (e)*

A. C.

(a) Ap. Wagn. Dipl. Sar. p. 26. (b) MSS. Héuenez. JJ. p. 248. (c) Libr. VII. p. 64. (d) MSS. Wagneriana. (e) Hist. Cr. T. XIX. p. 352.—388.

A. C. 1523. Lud. 8. Ind 11. P. 5. A.

CCCXCVI. Quum, Solimano bello cum Rhodis distento, remotius ab Hungaria periculum fuerit; Ludouicus suum in Hungariam reditum accelerandum non censuit. Nondum illum 8. Martii Praga discessisse, liquet ex eius litteris, ad palatinum de reperto *S. Paulli I. haeremita* capite datis, (a) *Pragae, in dom. Oculi, anno dom. 1523. Die 12. mensis Aprilis Olomucii*; sed 2. Maii iam Budae litteras dedit. His seuerissime *Martini Lutheri*, iam pridem a sancta sede apostolica una cum sequacibus eius excommunicati, librorum venditionem, emtionem, lectionem prohibet. (b) Et iam prius in comitiis, Budae festo S. Georgii M. celebratis, aduersus nouitii huius dogmatis sectatores seuerissimam legem pertulit, (c) Decreti V. hic conditi praecipuos articulos ita Mosotzius exhibet: „*Art. XVII. Officia* „ Hungaris conferantur, et non exteris. *XVIII.* „ Banderia rex interteneat in confiniis. *XIX. —* „ Nobiles de singulis decem sessionibus vnum equi- „ tem dare tenentur. *XX. Nobiles vnus sessio-* „ nis — ad expeditionem vadant. *XXI. Exerci-* „ tuantes ne tempore progressionis in bellum damna „ incolis inferant. — *XXIII. Argenti marca 6. flo-* „ renis et 50. denariis redimatur. — *XXXIV. Ar-* „ gentum et antiquae monetae non educantur. „ *XXXV. Monetarum veterum permutatio. XXXVI.* „ Merces non pluris vendantur, quam prius ven- „ ditae sint. *XXXVIII. Obuli quoque cudantur.* „ *XXXIX. Libertas detur omnibus colendi fodinas.* „ — *XL. Nemo pecunias aliquas sub nota infide-* „ litatis

(a) Ap. Pray. de S. Dextr. p. 72. (b) Ap. Pray Hier. P. II. p. 224. (c) Corp. Iur. Hung. T. I. p. 346.

„ litatis cudere in regno praesumat. *XLI.* Poena
 „ eorum, qui vocati ad generale bellum, venire
 „ noluerint. *XLII.* Exercituandi spiritualium mo-
 „ dus. *XLIV.* Capitanei in singulis comitatibus
 „ constituentur. *XLV.* Capitaneorum officia quae
 „ sint? *XLVI.* Tricesimae et loca exactionis ea-
 „ rumdem. — *XLVII.* Saxones Transsiluani con-
 „ numerentur. *LIV.* Lutherani et illorum fauto-
 „ res puniantur. *LV.* De protonotariis. *LVI.*
 „ De taxis litterarum. *LVII.* De litteris sententio-
 „ nalibus. *LVIII.* De hominibus regiis vel palati-
 „ nalibus.“ Leoni X. 2. Dec. 1521. defuncto
 Hadrianus VI. 9 Jan. prioris anni successus, Paul-
 lum Tomorium, votis, quibus ordini Seraphico
 fuit adstrictus, exsolutum, ob insignem rei milita-
 ris scientiam, archiepiscopum Colocensem a Ludo-
 wico renunciatum confirmavit; neque haec Tomo-
 rii promotio potest ultra hunc annum, quo Ha-
 drianus 14. Sept. obiit, ac 19. Nou. successorem
 Clementem VII. accepit, differri. Causam istuan-
 tium, cur is potissimum delectus fuerit, hanc assi-
 gnat, (a) quod amisso Belgrado, non Bacia tan-
 tum et Colocia, — sed etiam proximae regiones fre-
 quentioribus hostium excursionibus exponerentur; To-
 morius autem non solum sacerdotii auctoritate, sed
 etiam armis militarique virtute clarus, — ad id mu-
 xeris aptissimus haberetur. Natus is in provincia
 Gömöriensi, duarum sponsarum ante nuptias obitu
 territus, S. Francisci religionem iniuit. Eum igitur
 vel reluctantem — Ludouicus — Colocensi digni-
 tate ac earum partium militari praefectura honesta-
 vit. (b)

A. C.

(a) Libr. VII. p. 64. (b) Hist. Crit. T. XIX. p. 388.—441.

A. C. 1524. Lud. 9. Ind. 12. P. 27. M.

CCCXCVII. Haec omnia Clemens VII. confirmat, DEVMque laudat, quod illum ex milite monachum, ex monacho episcopum, ex episcopo ducem militum regno Hungariae praestiterit. (a) *Dar. Romae*, — die 20. Febr. 1524. Paulo post ex promendae virtutis occasionem Tomorio Ferhates obtulit, qui (b) 15. circiter equitum millibus ac 1000. peditibus collectis, traiecto Sauo, in Sirmium, irrupit. — Tomoraeus, de eorum consiliis et conatibus per exploratores certior redditus, — quum e peditibus pugnacem et impigrum quemque selegisset; eos Georgio Batthyanio, praefecto Varadini Petri, attribuit, additis mandatis: „vt Turcas, qui ad nauium custodiam relictis erant, aggredi, eisque fugatis, „naues — inutiles reddere conarentur.“ Quibus dispositis, in se in Ferhatem, incendiis et populationibus longe lateque metum et pauorem circumferentem, — exercitum mouere — constituit. — Ferhates, de his edoctus, suos palantes, — in ordinem aciemque cogit, atque in nostros omnibus copiis prouehitur. — Quamquam autem Turcae pugnam aegerrime sustinerent; quia tamen nullus fugae locus, nauesque procul erant; certamen ad occasum fere solis protraxere; — sed, nostris acrius prementibus, fusi et fugati, terga dedere. — Ferhates, suos fugientes fustere conatus, a Bardio — multis confossus vulneribus, interficitur. — Omnibus fere trucidatis, pauci equitum ad socios, qui nauibus custodiendis relictis erant, peruenire potuerunt. Sed, quum — naues flammis consumptas reperissent; — aut in profluentem

se

(a) Ap. Schmitt Ep. Agr. T. II. p. 255. (b) Istvánf. I. VII. p. 65.

*se praecipites proicere; — aut nostrorum gladiis se se interficiendos obiicere, aut — in servitutem tradere compellebantur. — Nostris 800. desideratis, — munera Ludouico Budam missa sunt — signa circiter 40. — Quae Ludouicum, tot tantisque aduersis successibus accumulatis animo moestum, et deiectum, non parum recrearunt. Factum autem Solimani, qui Belgradum vsque hoc anno profectus, insolentissimas ad eum litteras 20. Febr. dederat, nonnihil depresserunt. Ad eas Ludouicus modestum quidem, sed masculum Christianoque principe dignum responsum reddidit, (a) *Budae, 6. Martii, an. 1524.**

„ Quantum, *inquit*, ad fidem et DEVM nostrum
 „ crucifixum, humani generis redemptorem, adti-
 „ net, cuius tu cultum velle te extinguere scribis;
 „ facis id quidem, vt omnia, more tuo, qui non
 „ satis esse putas omnium mortalium publicum te
 „ hostem iudicari; sed, vt grauius corruas, etiam
 „ ipsi DEO immortalis, more gigantum, bellum
 „ paras. — “ Dum ferox Solimanus tanto cum
 fastu non tantum terris, sed etiam caelo bellum
 denunciauit; Clemens VII. omnem operam impendit,
 vt Hungariam a tanto discrimine, Germaniam
 a nouitio Lutheri dogmate liberam praestaret;
 pluribus in eam rem litteris tam ad metropolitās
 Strigonienſes, Georgium Szakmarium, eoque mor-
 tuo 7. Aprilis, ad Ladislaum Szalkanum, quam
 alios praesules et procures datis. (b)

A. C.

(a) Ap. Bel. N. H. T. III. p. 259. (b) Hist. Cr. T. XIX. p. 416.—480.

A. C. 1525. Lud. 10. Ind. 13. P. 16. A.

CCCXCVIII. Vt Ludouicus pro tanta victoria DEO se gratum praestaret; religionis auitae studiosissimus, quum intellexisset, quosdam in superiore Hungaria sacerdotes nouitiam carniue blandientem doctrinam amplexos esse; comitatui Saaroensi praecipit, vt comprehensos, ad Agriensem vicarium pro merito plectendos, transmitterent. (a) *Lar. Budae, die dom. post fest. S. Paulli. 1. herem. anno dom. 1525.* Sequenti mense consimile mandatum ad Bartsenses misit, (b) *sabbato prox. post fest. prificat. BB. V. M.* Nec Szalkanus archiepiscopus officio suo defuit, qui, celebrata Strigonii synodo, plebano Bistriciensi significauit, duos errorum praecones, de quibus is antea questus erat, Budae captos attineri, (c) *Bud. in dom. rogationum, 1525.* Quum patriam fidei hostes ita discerpebant; Turcae nihil non agebant, vt acceptam anni superioris clade notam delerent. Vsressus igitur, Ferhati susceptus, vt Istuanfius perhibet, (d) *coacto ad 20. et amplius millium Turcarum exercitu, ad obsidendam Iaiciam contendit.* — Ludouicus, — quamquam pro reges Illyrici — Ioannes Carluicius et Franciscus Batthyanius designati essent, — munus tamen ferendorum obsessis auxiliorum Christophoro C. Frangepano ante alios committendum duxit. Is, celeriter coacto promotoque 16. millium exercitu, haud procul vrbe, diutius iam obsessa, consedit; ibique, quum eius diei reliquum et insequens nox processisset, quiete militi concessa, dispositisque per loca idonea exiit, cetera in diem crastinum distulit. Postero die dissipatis

(a) Ap. Wagn. Dipl. Sar. p. 31. (b) Ibid. p. 152. (c) Ex autographo. (d) Libr. VII. p. 67.

dissepatis hostibus obuiis, annonam obsessis immissurus, Petrum Crusitium cum comœatu, clitel-
riorum equorum dorsis imposito, paratum esse iu-
bet. Ipse cum exercitu versus castra Turcarum
mouet. Hostibus in pugnam effusis ac ultra tres
horas acerrime praeliantibus, *Crusitius feliciter ur-
bem intrauit, et deposito comœatu ac certa pueris
sulphurei copia, nec non centuria sclopetariorum ibi-
dem praesidio relicta, incolumis ad suos rediuit.* Tri-
bus postea diebus noctibusque transactis, Frange-
panius, ante auroram paucis suos cohortatus, — tu-
bis ac tympanis crepantibus, signum inuadendi ho-
stis indicit. — Nostri in confertos hostes acerrimo
impetu ruentibus, pari utrimque pertinacia et vario
euentu aliquot horis pugnatum est. — Tandem, quum,
signiferis caesis, aliquot a nostris capta essent signa,
hostes dissipantur. — Magna promiscui et gregarii
militis strages passim edita. Castra ac tormenta —
in nostrorum potestatem deuenere. — Munera Ludo-
uico — missa sunt — 60. signa militaria; — qui
Frangepanium regnorum Dalm. Croat. et Sclau. de-
fensorem appellauit. (a)

CCCXCIX. Gemina haec victoria satis ostendit,
nondum in Hungaris virtutem bellicam exoleuisse;
Turcasque, modo eonniterentur, ab illis vinci
posse. At illi, seditionibus domesticis distracti, non
ea, qua par erat, cura vires aduersus hostem adeo
potentem compararant. Auctorem harum seditio-
num Istuanus Stephanum Verbötium facit, eam
potissimum ob causam, (b) ut, quum Ludouicus
quartum iam annum, ducta uxore, nullam prolem
susce-

T t 2.

(a) Hist. Cr. T. XIX. p. 482.—502. (b) Libr. VIII. p.

suscepisset, siquid ei humanitus contingeret, vaiuodae ad consequendum regnum certiora fundamenta iacerentur. Nimis quidem cito spes Ludouico, nondum annos 20. nato, tollendae prolis adimitur: praepostere vaiuodae seniori, post mortem Ludouici multo iunioris, regnum despondetur. Et huic arenae totum suspicionum suarum aedificium Istuanfius instruit. Non igitur hac de causa Verbötzius turbulenta comitia reddidit; sed, quod videret, regnum alias opulentissimum ad incitas redactum esse. Quaesuit ille malo huic remedium; sed male quaesuit. Non enim erat privati hominis, comitia, regis auctoritate Pestinum indicta, Hatuaninum transferre. Magnus et optime de historia patriae meritis Transsiluaniensis antistes, C. Ignatius de Batthyan, *articulos, in conuentu generali pro festo natiuitatis SS. V. M. editos 1524. et in diaeta similiter generali, pro dom. Iubilae in campo Rákos celebrata, reformatos 1525. edidit.* (a) Quos quidem auctoritate sua Ludouicus confirmasse non videtur; quum comitiis, auctoritate horum articulorum pro festo natiuitatis Hatuaninum indictis, intercesserit, (b) *Budae, fer. 2. prox. post fest. pentecostes (2. Iunii) anno dom. 1525.* Etli vero Ludouicus sub graui poena prohibuerit, nequis ad Hatuanienſe conciliabulum accederet, ipseque negauerit, eo se profecturum; ad vitanda tamen maiora mala Hatuaninum postea concessit. Licet autem Istuanfius neget, illum in scita Hatuanienſia consensisse; litterae tamen baronis Burgio, sedis apost. legati, quibus acta horum comitiorum ad Sadoletum Romam perscribit, id affirmant (c). „Rex, inquit,

(a) Leg. Eccl. T. I. p. 595. (b) Ex MSS. Wagnerianis. (c) Ap. Kovachich Vest. Com. p. 558.

„quit, omnibus (quid enim aliud faceret?) sub-
 „scripsit. Dolenter tamen se ferre addebat, quod,
 „exauctorato palatino, — in ius regium inuolaf-
 „sent. “ Nam ira regis auctoritas euiluit, vt Ste-
 phanus Verbötzius, exauctorato Bathorio, palatinus
 regni creatus fuerit. Sed acta haec anno sequen-
 te penitus antiquabuntur. Ex articulis, in campo
 Rákos decreto VI. conditis, hos dumtaxat Moso-
 tzius excerpfit: (a) „Art. III. Sigilla regis et re-
 „ginae annularia Hungaris cancellariis seruanda
 „dentur. IV. Externae nationis officiales amo-
 „ueantur. — XXIII. Monetarum extranearum in-
 „ductores cómburantur. XXX. Nobilibus partium
 „inferiorum libertas retineatur. “ Multa hic Ist-
 uanfus indigna refert, (b) Christophorum Frange-
 panium archiepiscopi Szalkani *faciem pugno contu-*
diffe, triduoque propterea manca turri clausum
 fuisse: *promiscuum vulgus Bohemici cancellarii supel-*
lectilem ingentis pretii diripuisse: nec multo post Eime-
rici Fortunati (Szerentsés) domum inuasisse, abla-
tis amplius 60. millibus numorum aureorum. His
 audaciae sceleribus nobilissimum regnum in ruinam
 praeceps ruebat. (c)

A. C. 1526. Lud. 11. Ind. 14. P. 1. A.

CD. Vt Clemens VII. discrimen, quod Hunga-
 riae magnis passibus imminebat, auerteret; crebris
 legationibus et litteris apud Europaeos principes age-
 bat, vt arma tandem, excusso letargo, contra iu-
 ratum Christiani nominis hostem capefferent. Hac
 de caussa scripsit ad Carolum imp. et Franciscum,

Tt 3

Galliae

(a) Corp. Iur. Hung. T. L. p. 348. (b) Libr. VIII. p. 71.

(c) Hist. Cr. T. XIX. p. 522.—567.

Galliae regem, 22. Febr. Kal. vero Martii ad Franciae proceres. Ab Angliae rege Henrico VIII. non contemnendis auri suppetiis impetratis, ipse 50. milia numum aureorum Ludouico destinavit. (a) Quod inter Carolum imp. et Franciscum regem bellum recruduerit; mirum non est, nullum ab his auxilium Hungaris missum fuisse. Cur vero Ferdinandus, pontificis itidem litteris interpellatus, affini periclitanti non succurrerit; Cochlæus ita causam reddit: (b) *Non solum plebs et rustica turba, verum etiam plerique optimates et nobilium trahebantur in fauorem noui euangelii atque in odium antiquae religionis et cleri. — Hinc — factum est, ut nemo Germaniae principum opem tulerit regi Hung. — Nam et domi nihil erat securum a seditiosis subditorum animis, et omnis miles a Luthero inuoluntarius iam pridem redditus fuerat ad proficiscendum contra Turcas. Scripserat enim ille: „ quod praeliari aduersus Turcas, sit repugnare DEO, visitanti iniquitates nostras per illos: — non licere Christianis bellare; sed vim et iniurias pati. — „ Derelictus itaque ab omnibus Germaniae principibus pius, innocens ac inclitus rex Ludouicus; cui non minus cum interno, quam cum externo hoste colluctandum erat. Quum magnas in montanis ciuitatibus turbas nouae doctrinae sectatores excitassent; missus ad eas componendas Verbötzius, regni Hung. palatinus, inter alia hoc constituit: (c) „ Haereses Lutheranae perpetuo renuntiabunt: ac monitionibus et mandatis ecclesiasticis, iuxta commissiorem et edictum plebanorum, — canonice tamen ingredientium, et sub obedientia Romani pontificis*

(a) Ap. Pray Ann. P. V. p. 92.—95. (b) Ibid. p. 96. (c)
Ex autographo.

„ fici ac archiepiscopi ecclesiae Strigonien. degen-
 „ tium, — tamquam veri catholici obtemperabunt:
 „ — et praemissa se se semper obseruatu-
 „ iurando promiserunt. — Datum in ciuitate Byz-
 „ thricien. in profesto BB. Tiburtii et Valeriani MM.
 „ A. D. 1526. His ille die 13. mensis Aprilis
 Neosolii peractis, ad comitia Rakosiensia, festo S.
 Georgii celebranda, se contulit. (a)

CDI. Quum istuc comparuisset, sibi-
 que periculum intentari comperisset; cum Michael Zoby no-
 ctu discessit, ut instrumentum proscriptionis, con-
 fectum Budae, quarto die termini (4. Maii) testa-
 tur. (b) Quum, inquit Istuanus, (c) dies, comi-
 tiis praestitutus, aduenisset; etiam eorum magna pars,
 qui cum Verbötzio et Zobio in partes secesserant,
 poenitentia tacti, adfuere. Sed, quum, ceteris sc-
 luntio praetermissis, Verbötzius et Zobius, veluti per-
 duellionis capita, semel atque iterum citati, ad no-
 men non respondiissent; singulorum suffragiis proscri-
 pti et in exsilium pulsi sunt. — Stephano autem
 Bathorio magistratus palatinalis, sedente pro tribu-
 nali rege, maxima cum honoris praefatione restitu-
 tus est. Conditum ibidem decretum VII. cuius ar-
 ticulos 41. Mosotzius ita recenset: (d) „ I. Rex
 „ auctoritate sua regia vtatur. II. Rex officiatus,
 „ quos vult, abrogare, et alios officiales substitue-
 „ re potest. III. Thesaurarius probus eligatur. —
 „ IV. Thesaurarius ante omnia confiniis prouideat.
 „ V. Thesaurarius prouideat, unde — rex bande-
 „ rium disponere possit. VI. Prouentus regii et
 Tt 4 „ dissipa-

(a) Hist. Cr. T. XIX. p. 574.—588. (b) Ap. Pray Ann.
 P.V. p. 87. (c) Libr. VIII. p. 72. (d) Corp. Iur. Hung. T. I.
 p. 349.

„ dissipationes prouentuum inquirantur. *VII.* The-
 „ saurarius factores probos et fideles eligat. *VIII.*
 „ Rex ad expeditionem se praeparet. — *IX.* Belli
 „ onus ultra solitum — omnes assumere debent.
 „ *X.* Coloni per singula capita assumantur in bellum
 „ in extrema necessitate. *XI.* Apparatum belli,
 „ quo maiorem poterunt, leuent. *XII.* Constitu-
 „ tiones Transsiluanienses de modo exercituand.
 „ perlegantur. *XIII.* Regia maiestas de expedicio-
 „ ne futura cum peritis rei bellicae tractet. *XIV.*
 „ Auxilium contra hostes ab externis Christianis
 „ principibus imploretur. *XV.* Amissores castro-
 „ rum finitimorum puniantur. *XVI.* Regnicolae,
 „ nonnisi magna urgente necessitate, ad diaetam
 „ conuenire cogantur. *XVII.* Diaetae Hatuanien-
 „ sis constitutiones et decreta nullius sint firmita-
 „ tis. *XVIII.* Capitaneus generalis eligatur. *XIX.*
 „ Res Boemorum direptae inquirantur. *XX.* Octa-
 „ uarum maioris et minoris celebratio. *XXI.* Be-
 „ neficia solus rex conferre possit. *XXII.* Palatin-
 „ officium vita comite duret. *XXIII.* Bona reli-
 „ giosorum locorum in medium comitatus conu-
 „ merentur. — *XXIV.* Litterae ex cancellaria, con-
 „ trariae sibi inuicem, non edantur. *XXV.* Li-
 „ terae obligatoriae, externis datae. — *XXVI.* Li-
 „ terae proscriptionales contra Stephanum Verböt-
 „ et Michaellem Zobi infideles edantur. *XXVII.*
 „ Pecuniae exercitiales — in medium comitatus
 „ conferantur. *XXVIII.* Georgius archiep. pec-
 „ niam ad redimenda bona Hung. legauit. *XXIX.*
 „ Milites conscribere omnes sine mora debent.
 „ *XXX.* Gentes dominorum, qui sine herede de-
 „ cedunt, — conferuntur. *XXXI.* Ad consiliu-
 „ 8. personae ex ordine nobilium eligantur. *XXXII.*
 „ Litterae, sub titulo palatinatus Stephani Verböt-

„ rite confectae, confirmentur. XXXIII. Praero-
 „ gatiuae super exemptione a iudicio comitis paro-
 „ chialis cassentur. XXXIV. Monetae cupreae
 „ permutatio. XXXV. Capite plectantur cupream
 „ monetam inducentes in regnum. XXXVI. Mo-
 „ netarum cuprearum camplores et eductores pu-
 „ niantur. XXXVII. Monetae externae, durante
 „ expeditione, eurrant. XXXVIII. Subsidium, non-
 „ dum exactum, exigatur. XXXIX. Oblatio sub-
 „ sidio 50. denariorum. — XL. Officia regina Hun-
 „ garis conferat. XLI. Metae inter Cumanos et
 „ Philistaeos — restaurentur.“ Regis auctoritas,
 prius depressa, his legibus vindicata fuit. (a)

CDII. De his comitiis Stephanus Broderichius,
 regis cancellarius, ex quo Nicolaus Istuanfius sua
 pleraque depromsit, ita loquitur: (b) *Decernun-
 tur ibi ea, quae ad regni defensionem pertinere vi-
 debantur, illudque inprimis: „ vt ad diem — 2.
 „ mensis Iulii — omnes regni procures — et tota
 „ nobilitas viritim cum certa rusticorum parte Tol-
 „ nam armati conueniant, hosti inde cum rege
 „ obuiam ituri.“ Rex interim ad bellum necessa-
 ria parat: principes Christianos, maxime vicinos,
 per oratores communis periculi admonet: Boemos et
 Morauos ac Slesitas tam nunciis, quam litteris vr-
 get ad auxilia — praestanda: neque omittit pontifi-
 cem Rom. urgere, quantum maxime possit, ad pecu-
 niam — adaugendam. — Permittitur praeterea in eo-
 dem conuentu regi: vt, si — videretur ei thesauri
 „ ecclesiastici pars aliqua attingenda; id ei facere
 „ liceret.“ Quod vt fieri sine aliqua noxa posset;
 Roma-*

(a) Hist. Cr. T. XIX. p. 583.—615. (b) App. ad Beafin.
 p. m. 758.

Romanus etiam pontifex suo iam diplomate indulserat. Designantur postremo — duo huic bello gerendo duces: Christophorus comes Frangepanius — et Nicolaus C. de Salm. — Rex, rebus omnibus rite consultatis, conuentum dimittit: Praeficit dimidii argenti, ex ecclesiis accipiendi, summae Ladislaui Macedonium. Quamuis autem Ludouicus, bona pontificis venia, hoc ageret; publicis tamen litteris cauit, indemnes ecclesias se redditurum; si res feliciter acta contra hostes fuerit. „ Animaduertentes, scribit ad dioecesim Varad. (a) quam atrox „ malum, quamque horrida procella huic regno „ nostro immineat a truculentissimo persecutore „ Christiani nominis perpetuoque hoste Turca, qui „ gregi dominico semper infestus, — regnum hoc „ nostrum inuadere molitur; — statuimus, tum „ extrema necessitate id exigente, tum etiam SS. „ D. N. papae permissione accedente, — ab omnibus „ ecclesiis, — item capitulis ac monasteriis, — „ dimidium omnium, pecuniarum, ornamentorum „ vasorumque aureorum et argenteorum, — diuino „ cultui dedicatorum, — exigere; — magis pium „ ducentes, — Christi fideles a perniciie — thesauro „ ecclesiae seruare, quam populum Christianum „ vna cum thesauro ecclesiae in detestabilem crucientissimi hostis seruitutem venire. — Asscuramus „ praesentibus vniuersos, quod — id totum — ex „ fisco nostro, post finitam expeditionem, integre „ refundere — volumus. — Dat. Budae, in vigilia „ B. Ioannis Bapt. anno dom. 1526.“ Ex libro rationum regiarum inter cetera Praius notat, (b) Thomam Zophka missum esse cum litteris suae maiestatis, secundo ad dominos et comitatus expeditis,

in

(a) Ap. Pray de S. Dextr. p. 54. (b) Annal. P. V. p. 102

in hanc sententiam: „ Vt statim, visis litteris ipsis,
„ comes cruentatum gladium circumferri faciat, vt
„ vniuersi mouere se debeant. “ Primum nempe
 sunt expeditae sub initium Iunii, similes illis, quas
 ad Cibirienſes in haec verba dedit: (a) „ — Pro
 „ re certissima sciatis, caesarem Turcorum, cum
 „ omni potentia et viribus suis accinctum, iam se
 „ mouisse contra nos, — contra quem nos quoque,
 „ cum toto regno nostro et totis viribus nostris,
 „ statuimus in expeditionem, DEO iuuante, pro-
 „ ficisci. Quum itaque — mandamus — sub nota
 „ perpetuae infidelitatis, quatenus — 25. pedites —
 „ Budam mittere debeatis tam tempestiue, vt hinc
 „ possint descendere ad oppidum Tolna ad festum
 „ visitationis BB. V. M. — Dat. Budae, fer. 6.
 „ prox. post fest. SS. Corporis Christi (1. Iunii)
 „ anno dom. 1526. “ Quum his litteris parum
 profecisset; nuncios alios misit, gladiumque cruen-
 tatum per comitatus circumferri iussit. (b)

CDIII. Etsi 2. Iulii praestituta fuerit, qua Tol-
 nam omnes armati conuenire debuissent; Ludouicus
 tamen ante 24. Iulii Buda mouere non potuit, quod,
 vt Broderichius scribit, (c) *paucas admodum copias*
apud se haberet. — Habuit tunc rex — equitum ac
peditum ad 3000. Eo die, quo Buda egressi sumus,
ad suburbanum Ambrosii Sarkani (tunc Erd, nunc
Hansabék dictum) peruenimus: — ubi quum aliquot
diebus rex fuisset, commoratus; neque quisquam ad
eum venisset; cum iisdem copiis — ulterius ad vi-
cinum pagum, Erchi vocatum procedit. Ibi etiam
multis diebus inutiliter consumtis, — ad Penteleum
est

(a) Ap. Waga. Dipl. Saros. p. 199. (b) Hist. Cr. T. XIX.
 p. 615.—638. (c) App. Bonf. p. 762.

est itum: — ubi nobis a vaiuoda Transsiluano nunciatum est: „ se ancipitem esse, quid agere debeat: „ —venisse ad se primum aliquot regias litteras, — quibus ad regem venire iuberetur: venisse postea Vrbani Batthyani, qui consilia quaedam de hoste, „ tergo cum vaiuoda Transalpino aggrediendo ad se detulerit: venisse postremo Stephanum Bathori de Somlyo, qui rursus priora illa mandata repetiuerit. — *His — cognitis, rex inde ad Felduár — profectus*, nunciat: vt, consiliis aliis postpositis, vaiuoda cum omnibus copiis — ad regem festinet. “ — *Et ecce, infaustus nuncius*: „ Varadinum Petri, per plures dies a nostris viriliter defensum, omnibus fere defensoribus interemtis, — in hostium potestatem venisse. “ — *Rex, hoc nuncio consternatus*, dimissis in omnem partem ad suppetias accelerandas mandatis, in Paks biduum commoratus, et erat die transfigurato saluatori sacra, Tolnam peruenit, et eo iam aliquantulum exercitu. Confluentibus illuc 4. millibus pontificiorum militum aliisque, designatur rursus, qui properet ad Draui transitum hostem occupandum idem C. palatinus, — quem quam ad Mohatsium progressum ceteri, qui mittebantur, sequi recusarent, priuilegia sua allegantes, rex subito in iram versus: „ video, inquit, ego, vnumquemque capite meo — excusationem et salutem capiti suo quaerere. Ego personam et caput meum ideo in haec pericula adduxi, vt illud pro huius regni et vestra salute omni fortunae discrimini obicerem. Nequis igitur sit, qui possit excusationem aliquam suae ignauiae capite meo praetendere; — ibo ego, DEO optimo bene iuuante, cras vobiscum in persona eo, qui alii sine me ire nolunt. “ — *Ex Tolna igitur sequenti die (14. Aug.) profecti — Zekzardum, in*

binis castris Batham peruenimus. — Quum itaque — tempus exigere videretur, — imperatorem aliquem exercitui praeficere; rex, — suffragiis omnium — secreto exploratis, quum multo maioris partis vota in monachum (Tomorium) inclinare videret; eum cum C. Georgio Scepusiensi, fratre vaiuodae, totius exercitus imperatorem declarat. Nam C. Nicolaus de Salm valetudinem aduersam excusauerat. (a)

CDIV. Multi Tomorium grauitur redarguunt, quod prius monachus, nunc archiepiscopus, militaribus se negotiis, ab instituto suo penitus alienis, immiscuerit. Verum et alias iam vidimus, inuitum illum monasticam vitam deseruisse, et nunc Broderichius testatur, quum regis voluntatem eam circa se esse videret, ut curam ducendi exercitus omnino susciperet, diu multumque reluctatum illum esse: „ nunc regularem professionem, nunc imperitiam ac virium suarum tanto oneri ferendo imparitatem “ caussatum. Frustra tam ille, quam Georgius Zapolya prouinciam deprecanti, ad locum castris prope oppidum Mohach capiendum proficiscuntur. — Non procul a Mohách aqua quaedam palustris — Krasso — fuit, ultra quam habebat Tomori 5. aut 6. equitum millia in castris. — Loco igitur castrorum cum collega prope Mohachium capto, — ipse rursus ad suos — proficiscitur, illos quoque — in castra regia secum adducturus. — Tum vero milites ad unum omnes fremere: „ — fugam meditari, „ non pugnam principes, qui talia regi suaderent, „ otio et inertiae assuetos: veniat modo rex, et „ secum in hostem arma ferat; victoriam fore in „ manibus suis. — “ Dum haec in illis castris aguntur; iam apud Mohachium omnes loca, in castris sibi designata, occupauerant. — Interea, dum
rex

(a) Hist. Cr. T. XIX. p. 632—670.

rex medio Batham inter ac Mohatsium loco noctem agit; *aduolat repente ex castris nocte intempesta — Michael Podmanitzki, ab optimatibus missus, afferens pro re certa: caesarem Turcarum Drauum iam „ transiuisse: — orare optimates regiam maiestatem, „ vt — ad eos in castra veniret. — “ Occurrebat regi consilium vaiuodae Transsiluani et C. Christophori, quorum uterque per nuncios — damnavat consilium eorum, qui regem ante tempus ad locum, hosti adeo propinquum, adduxerant; hortati: — „ ne „ ante suum saltem aduentum manus cum hoste „ confereret. “ — Mittitur ergo in castra — cancellarius, — suafurus primoribus praelii dilationem. Sed, quum nihil ille profecisset; rex sub primam lucem in castra venit, et — in domum episcopi, — oppido adiacentem, diuertit; tentaturus ibi quoque, quod per cancellarium — frustra tentauerat. — Aderat his consultationibus Paullus etiam Tomori, proxima nocte ex aliis castris — accersitus, qui rogatus primum de suorum, deinde hostium numero, — respondit: in vtrisque castris esse circiter 20. millia militum; apud hostes 300. millia; sed armis instructorum non nisi 70. millia. — Superuenere repente — missi ex aliis castris, qui — dixerunt; — monentes senatum „ ne „ regem a pugna — dehortentur: — castra — cum „ suis castris — iungerent: secus se ab hoste contra „ nos — venturos “ affirmabant. Omnibus igitur tam atroci denunciatione deterritis, pugna decernitur. — Fuit inter alios Franciscus Peréni, episcopus Varadiensis, festini ingenii iuuenis, qui regi — dixit: „ cum diem, quo pugnandum esset, — 20. „ millium Hungarorum martyrio — fore consecrandum. — “ (a)*

CDV.

CDV. Postridie castris regis cum aliis infra Mohatsum coniunctis, Turzoiani 200. pedites, ex Croatia 3000. equitum, Erdödiani 700. Bornemisziani 300. Szeretseniani 2000. *venerunt, et alii plures intra triduum.* — *Disputatum — fuerat diligenter de regis persona.* — *Decretum igitur postremo est:* „ — *ut essent, qui regis seruandi curam haberent; si quid grauius accidisset.*“ — *Acie* *eo die, quo est pugnatum, qui fuit 29. Augusti, — ita exstruere placuit:* „ — *In primo agmine duces* „ *belli erant nullo certo loco: — dextrum eius* „ *cornu banus Croatiae, — sinistram — Petrus Péreni curabat.* — *Secundum agmen, — in quo rex* „ *erat, ex equitatu magis constabat.* — *In eo —* „ *triplex erat ordo — ante regem. — Ad regis dextram* *erant antistites Strigonienensis et Zagrab. —* „ *Varad. Quinqueecclesien. Sirmienensis; — (Iaurien-* „ *sis et Vacien. ad laeuam positi erant) post cancellarium* *Nitrien. Bosnen. praepositus Alben. —* “ *Contra nos collis erat, in longum protensus, — ultra quem caesar Turcarum castra habebat. — Nobis diu suspensis et expectantibus apparuit, iam sole in vesperam inclinante, agmen hostium, per vallem — incedens, sola hastarum summitate illud prodente. —* *Signo belli dato, viriliter cum hoste concurrere hi, qui in prima acie erant: — plures ex hostibus, quam ex nostris cadunt: — et repente aduolat ad regem Andreas Báthori: „* *hostes terga dare: victoriam esse nostram: promouendum esse gradum.*“ — *Properamus igitur. — Interim, nostris hosti instantibus, — agmine regio eodem — properante, inclinari cornu dextrum coepit, et plerique ex eo cornu fugam capeffere. — Regis exercitu — ad fugam spectante, diu tamen etiam postea est pugnatum — ante ipsa tormenta, — a nobis 10. passibus non remota; donec*

*- non solum terrore, sed et fumo tormentorum omnia replente, — coacta fuit magna exercitus pars — descendere, reliquis adhuc ante tormenta viriliter pugnantis. Ceterum, quum — iam ulterius vis tormentorum et fumi sustineri posse nullo modo videretur; — ipsi etiam sunt fugere coacti. — Hostes, visa nostrorum fuga, vel fraudem subesse rati, vel pugna fatigati, diu se intra aciem suam continuerunt. — Duravit certamen iustum per vnam fere et mediam horam. — Perierunt in eo praelio — ex antistitibus: „ Ladislaus Zalkanus, archiep. Strigonien. „ Paullus Tomori, Coloc. dux belli; Franciscus „ de Perén, Varad. Philippus More, Quinqueecccl. „ Blasius Paxi, Iaur. Franciscus Chaholi, Chanad. „ Georgius de Palina, Boznen. episcopus; ex *barr-* „ *nibus*: Georgius de Zapolya, C. Scepus. alter „ belli dux; Ioan. Drágfi, iudex curiae; Franc. „ Ország, — Petr. Korláthi, Andr. Trepka, Sim. „ Horuáth, Thóm. Zechi, Gabr. Perini, Ambros. „ Sárkán, Ant. Palótzzi, Math. Czethini, C. de „ Frangepanibus, Sig. Bánfi, Franc. Hampo, Ioan. „ de Batthyán. — “ *Praeter hos nobiliores usque ad 500. Quin tum, praeter tria vel quatuor millia peditum, paucissimi euaserunt. — Nocte et die, quae pugnam insequuta est, hostes — obuia quaeque vastauerunt et combusserunt, nulli mortalium parcentes.**

(a)

CDVI. Praecipua funesto hoc bello victima cecidit Ludouicus rex, quum annum aetatis vicesimum duobus mensibus superasset, a morte patris 10. annos et sex fere menses in Hungaria regnasset. Is, signo pugnae dato, capiti galeam imposuit, vt Broderichius tunc praesens narrat, (b) *qua-*
tem-

tempore magnus in ore eius pallor apparuit, quasi futuri mali praescius. — Globorum, iam nostris etiam, qui penes regem eramus, capitibus superuolantium, crebri iactus non parum terroris omnibus incusserunt: et eo ipso tempore rex in ordine nostro non comparuit, siue priores ordines — praegressus, — siue sublatus ex acie ab his, quos a tergo habuit, nempe Czetricz, Majlath et Horuáth. — Illud mihi certo constat, eum tunc a nostro ordine et a suo loco abfuisse, quando tormenta hostilia tonare coeperunt. — Regis corpus — fuit postea repertum in hiatu quodam terrae praerupto, supra Mohachium milliario medio, sub pago, quem Czelie vocamus; qui locus tunc Danubii inundatione aquam solito maiorem habebat. Ibi simul cum equo ita, ut erat armatus, ab aquis fuit suffocatus. Quomodo haustum aquis corpus regis repertum fuerit; ad eundem Broderichium Franciscus Sársius, Iaurini praefectus, ita perscripsit: (a) „ His diebus ser. reginalis maiestas Vdalricum Czetricz — ad me miserat, „ mandaueratque, ut ipsi Czetricz, pro requisitione corporis maiestatis regiae proficiscenti, 12. „ equites meos dare — deberem. — Ego — in persona mea propria cum eodem Czetricz ad hoc „ ipsum peragendum profectus sum. — Dum loco „ appropinquaremus; Czetricz mihi a longe locum cum digito monstrauit. Festinanter illuc venimus. — Czetricz, — spretis paludibus, luto se „ iniecit: sub eis corpus regium cum reliquis commixtibus quaesuit; nec reperit: arma tamen maiestatis suae ibidem inuenit. — Non longe ab „ eisdem paludibus sepulturam nouam vidimus: „ — accur-

(a) Ap. Sommersberg et Pray ad h. a.

Epit. Chron. P. II.

„ — accurrimus omnes: ante omnes alios Cze-
 „ tricz vnguibus suis coepit terram vellica-
 „ re; nos quoque similiter. Primum a parte pe-
 „ dum aperta sepultura, dextrum pedem sepul-
 „ Czetricz arripuit: aqua duorum pileorum diligen-
 „ tissime lauit: signumque, quod maiestas regia
 „ dextro pede habebat, deprehendit: exclamauit-
 „ que voce magna: *Hoc est regiae maiestatis* — corpus!
 „ flexisque genibus, cum lacrimis osculatus est —
 „ Numquam vidi corpus exsanguis hominis tam in-
 „ corruptum, tamque non fastidiosum et minus
 „ terribile. — Ex arce laurinenfi, feria 6. post Lu-
 „ cae euang. “ seu 19. Octobris, (a)

CDVII. Regis optimi lacrimisque dignissimi
 characterem Broderichius, cui familiariter notus
 erat, ita depingit: (b) *Erat Ludouicus iuuenis pro-
 cerus, forma corporis supra alios aequales egregia,
 naturae singulari bonitate et praeclara indole, virtu-
 tis ita insignis, ut, si eum ad maturiorem aetatem
 peruenire contigisset; habuissimus in eo procul dubio
 longe optimum et praestantissimum principem. Inge-
 nio erat miti admodum, — ad omne rectum et ho-
 nestum mire flexibili, et sua etiam sponte proclui.
 Praeterea armorum tractandorum, equitandi, venan-
 di, et alia huiusmodi iuuenilia et militaria opera
 exercendi studiosus: verax, constans et secreti, si
 quod ei credidisses, tenacissimus. Eo regnante, Hun-
 garicam ecclesiam rexerunt, archiepiscopi Strigonien-
 ses; post Thomam Bakatsium, Georgius de Szakmar
 1521. Ladislaus Szalkanus 1524. Colocensis, post
 Gregorium de Frangepanibus, Fr. Paullus Tomori
 1522.*

(a) Hist. Cr. T. XIX. p. 693—703. (b) App. Bonfin. p.
 757.

1522. Episcopi *Agrienses*, post Hippolytum Estensem, Ladislaus Szalkanus 1520. Paullus de Varda 1524. *Bosnensis*, post Michaellem Keferü, Georgius de Palina † 1526. *Chanadiensis* Franciscus de Chahol 1514. *Laurinensis*, post Ioannem Gofztonium, Blasius Paxi † 1526. *Nitrien.* Stephanus Podmanitzki 1505. *Quinqueecclesiensis*, post Georgium Szakmári, Philippus More 1524. *Sirmienses*, post Ioannem Ország, Ladislaus de Macedonia 1520. Stephanus Broderich 1526. *Transsiluaniensis*, post Franciscum de Varda, Ioannes Gofztoni 1525. *Vaciensis*, post Ladislaum Szalkanum, Ioannes Ország 1520. *Varad.* Franciscus de Perén 1513. *Veszprimienses*, post Petrum Beriszlo, Paullus de Varda 1521. Thomas de Zalaháza 1526. *Zagrabiensis*, post Ioannem Bakatsium, Simon ab Erdöd 1519. Profanos magistratus gesserunt, *palatini*, post Emericum Perenyi, Stephanus Báthori 1519. Stephanus Verbötzi 1525. restitutus Báthori 1526. *Iudices curiae*: Laurentius Újlakius, dux Bosniae, 1520. Ambrosius Sárkán 1524. Ioannes Drágfi † 1526. *Vaiuoda Transsilvaniae*, Ioannes de Zapolya, *banus Croatiae* Franciscus Batthyanius et Ioannes Karlouichius, quorum iste domi relictus, ille fuga cladi Mohatsianae subductus, in communem regni salutem, cum palatino, seruati sunt. Solimanus, exustis Quinqueecclesiis, ac aliis oppidis et villis obuiis, Budam profectus, (a) eam, sine omni praesidio relictam, reperit et combussit, arce sola cum stabulo regio ac viuario ferarum relictæ. Inde dimissis — praedatoribus, quicquid inter Danubium et lacum Balatonem iacet, usque ad laurinum, omnia ferro et flamma vastauit. — Regnum vastare tantum conten-

V v 2

tus

(a) Ibid. p. 773.

tus, de arcium et locorum munitiorum expugnatione nihil habuit pensi. Plurimis ad Marothum caesis, affirmare ausum, ex his, quae cognoscere potui, perisse hac clade prope 200. millia hominum. — Ponte super Danubio ad Pestum facto, decimo quarto, quam Budam venerat, die caesar in Hungariam ulteriorem transiit. — Omnibus, quae — occupauerat, locis, atque ipsa etiam arce et ciuitate Budensi, sine ullo praesidio relictis, domum est reuersus. Hic desinit Broderichius, testis locupletissimus, sub hac clade cancellarius et episcopus Sirmiensis, deinde Vacien- sis 1537. mortuus 7. Nouembris 1539. (a)

§. XV.

IOANNES ZAPOLYA, REX XXXVII.

Coepit A. C. 1526. desit A. C. 1540.

A. C. 1526. Ioan. i. Ind. 14. P. i. A.

CDVIII.

Ioannis Zapolyae maiores, origine Sclauones, ex prouinciae Poseganae pago, Zapoly nuncupato, scribit ortos fuisse Thurnschwambius, (b) *quae vox Zapoly vel Zapolye significat post campum, vel, ex hac parte siluae.* Primi pater eius Stephanus et patruus Emericus, vterque regni Hungariae palatinus, hic anno 1487. ille 1499. mortuus, stirpem eatenus obscuram illustrarunt. Quamuis autem Emericus ob insignem litterarum cognitionem *Deák* seu litteratus fuerit appellatus; id tamen vocabulum, quum non
familiae

(a) Hist. Cr. T. XIX. p. 705. — 722. (b) Ap. Wagn. Scep. IV. p. 2.

familiae, sed scientiae fuerit, nec ad eius fratrem, nec ad huius heredes est deriuatum. At axioma *perpetui comitis Scepusiensis*, quod ille primus egregie factorum praemium a Mathia Coruino consequutus fuerat anno 1465. tam ad fratrem Stephanum, quam ad nepotem Ioannem transmisit. Ita vero laudati fratres ditiones suas auxerunt, ut 72. arces eos possedisse, memoriae proditum sit. (a) Tantarum opum heres Ioannes, licet obscuris progenitoribus ortus, geminum tamen cum regia stirpe Iagellonica nexum habuit. Nam et sororem eius, Barbaram, Sigismundus, Poloniae rex, Ludouici II. patruus, connubio sibi iunxit, et ipse paullo prius, quam moreretur, eiusdem Sigismundi regis ex altera coniuge filiam, Isabellam, uxorem accepit, ex eaque filium, Ioannem Sigismundum, sustulit. Immo, quia matrem Hedwigem, ducem Teschinensem, habuit; per eam quoque, Poloniae regibus affinitate propinquam, eisdem principibus Iagellonicis innexus erat. (b)

CDIX. Istuanfius Ioannem de Zapolya saepius in suspicionem affectati regni iam antea vocauit; sed inanibus ad id coniecturis adductis, ut alias vidimus. Mohatsiana clade narrata, rursus eandem suspicionem ita proponit: (c) *Iam vaiuoda cum exercitu Szegedinum — peruenerat, in quo ad 40. millia hominum censebantur; et Christophorus Frangepanus 15. millia Illyrici nominis armatorum ad S. Andreae oppidum, haud procul a Drauo situm, adduxerat; Bohemi praeterea et Moravi iusto numero, partim Albam regiam, partim Iaurinum, — attigerant;*
V v 3 Sed,

(a) Ibid. p. 3. (b) Hist. Cr. T. XIX. p. 725.—728, (c) Libr. VIII. p. 83.

Sed, audita funestae cladis fama, *hi quidem omnes eo, unde venerant, agminatim reuertebantur. Vaiuoda, suo usus consilio, exercitum retinuit, et munitis castris, aliquamdiu ad Szegedinum stativa habuit, ut, quorsum consilia Solimani tenderent, ibi opperiretur. Fuere, qui „ cum occulta cum hoste „ consilia iam tum tractare dicerent, ut, postquam „ Ludouicus, nullo herede superstite, fato functus „ esset, Solimani ope regnum consequeretur. — “ Nobilitatis sane animos statim post praefatam cladem largitione et perambulis muneribus, aliisque bonis simul et malis artibus sibi deuincire non destitit; donec — voto potitus est. At eundem ante cladem Mohatsianam ab ambitu regni videtur absolueret studium opem ferendi periclitanti regi, quod inter alia Broderichius his verbis expressit: (a) *Dum haec agerentur, iam vaiuoda circa Zegedinum erat cum copiis Transsiluanis: quae quum ita cito subsequi non possent; ipse, consensu leuibus rhedis, cum paucis ad regem properabat, ut vel solus praelio, quod intellexerat minime dilatum iri, interesset. Maiore fide dignus est hic auctor, qui rebus gestis interfuit, quam Heltaius, qui medio post seculo chronicon suum edidit, ac Zapolyam ad Szegedinum id dumtaxat expectasse scribit, ut Ludouicus occumberet, seque deinde regem Hungaris obtruderet; immo notu clam ad Solimanum se subduxisse, cum eoque foedus infame pepigisse. Cur igitur regnum, quod eidem addixisse fingitur, igne ferroque vastauit? cur tantam subinde Laszkus in conficiendo cum barbaris foedere difficultatem habuit? Vltro decipi vult, qui testimonio, tam male digesto, fidem adhibet.**

Ad-

(a) App. ad Bonf. p. 773.

Adhibuit tamen Ioannes Sambucus; aitque, (a) *exercitu quoque ad Mohachium tardius moto, — spem concepisse de Solimani erga se adque regnum tradendum propensa liberalitate.* Sed quo tandem ille merito hanc spem prudenter concipere potuit, qui saepe iam antea Turcis se hostem exhibuit? An etiam Frangepanius, quod ante pugnam non aduenerit, licet nec contraria mandata, sicut Zapolya, habuerit, nec tam procul a campo Moháts abfuerit, affectati regni reus peragi propterea potest? (b)

CDX. Ex his aliisque rationibus ego quidem Ioannem Zapolyam ante cladem Mohathianam ambobus suspicione liberandum esse censeo; post eam tamen ambitus merito postulatur; nec ab hoc crimine liberari; nec villo colore, qui regni vastationem otiosus spectauerit, excusari potest. Poterat, accinctus tam validis florentibusque copiis, Turcarum populationibus plusquam barbaris frenum iniicere. Nam, si his antea Hungari, licet inferiores numero, cladem ad Moháts inferre coeperunt; ipse, viribus integris dimidioque fere pluribus armatis instructus, accisos multumque iam debilitatos hostes facile terrere prohibereque potuisset, ne per Hungariam impune discurrerent, tamque libere praedas agerent, et captiuos abducerent. Id autem eo facilius praestare poterat, quo promptius reliqui Hungari suas illi vires iungere volebant, ut ex quorundam procerum et nobilium litteris, ad Bartenses et alios datis, apparet. — „Rogamus, in-
„ *quiunt*, per fidem Christi et per communem pa-
„ triae salutem, DD. vestras, — ut huic commu-
„ ni patriae, in cuius viscera hostis iam pridem

V v 4

pe-

(a) Ibid. p. 774. (b) Hist. Cr. T. XIX. p. 728.—732.

„ penetrauit, et recenti victoria exsultans et inso-
 „ lescens, longe-lateque omnia partim ferro et igni
 „ vastat, partim praesidio occupat, — velociter
 „ auxilium feratis, et quamprimum ad oppidum
 „ Verpeléth — veniatis; vbi nos quoque — castra
 „ metabimur vsque ad aduentum D. vaiuodae, qui
 „ per litteras suas et nuncios certa fide nobis
 „ promittit, — se ad nos cum numerofo et instru-
 „ ctissimo exercitu, venturum. — Datum in Mis-
 „ koltz, die dom. post fest. exaltationis S. Crucis,
 „ anno dom. 1526. Paullus, ep. Agr. Ioannes
 „ Bebek — ac nobiles electi comitatum Heves,
 „ Gewmer, Borsod, Torna et Abaujvár. “ (a) Sed
 enim Ioannes Zapolya, de sua potius dignitate,
 quam publica regni salute sollicitus, non in hostes,
 Hungariam foede diripientes, copias suas eduxit;
 sed, postquam Solimanus Octobri mense reuersus
 est, *Budam ire constituit*, vt Istuanfius scribit. (b)
Ex itinere vero ad arcem oppidumque suum Tokainum
— diuertit, copiis in subiectis campis castra metari
iussis. Hunc in locum plurimos ex proceribus ac
nobilitate conuocat; atque inprimis Petrum Perenium,
quem in seruanda, Visegradiana in arce, regni co-
rona collegam habuerat, — sibi conciliat. Is paullo
ante, quum ex praelio Mohatsiano domum profugis-
set; Antonii Palotzii; qui ea clade, nullo relicto he-
rede, perierat, arcem et oppidum Sárospatakum ar-
mis occupauerat, neque aliter vaiuodae postulatis con-
sensurus videbatur; „ nisi eam arcis et oppidi iam
 „ dicti occupationem — regia — auctoritate ratam
 „ habuisset. “ Quod quum vaiuoda facile ei indu-
 sisset; Perenius haud minore ambitione, quam auari-
 tia, non solum coronae regiae potestatem obtulit;
 sed

(a) Ap. Waga. Dipl. Sáros. p. 155. (b) Libr. IX. p. 84.

sed etiam ceteris — auctor fuit, vaiuodam, praeterito Ferdinando, regem declarandi: eique confestim vaiuoda praefecturam Transsilvaniae — de manu tradidit. — Aderant alii quoque — complures viri, — quos partim plurimis largitionibus; partim amplissimarum dignitatum consequendarum spe ad se pertraxerat. Sed ante alios Stephanus Verbötzius, — partium eius acerrimus propugnator. Eius potissimum opera factum est, ut magno applausu, magnisque sublati clamoribus Ioannes rex passim acclamaretur, decretumque — fieret: „ vt comitia Albamregiam „ coronando regi ad D. Martini ferias indicerentur, „ atque absentes quicumque procures ad ea conuocarentur.“ Hanc Ioannis electionem Tokaini peractam fuisse, his verbis Olahus quoque testatur: (a) Ioannes rex in Tokay per alteram factionem praelectus est in regem. (b)

CDXI. Quum igitur aliqui scriptores Ioannem et electum, et coronatum fuisse regem in Albenibus comitiis perhibent; nonnisi confirmationem prioris electionis intelligere dicendi sunt. Istuanfius locum electionis a loco coronationis bene discreuit. *Itum est, inquit, (c) Budam: quam quum vacuam miroque modo deformatam vidisset; — lacrimas dicitur minime tenuisse. Nouum ergo principatum, occupata arce exorsus, eam expurgatam, praesidio imposito, firmavit; ciuesque et incolas, qui in Germaniam variasque regiones profugerant, reuocauit; data spe laxandi ad certum tempus tributi. Inde ad comitia, suscipiendo coronae fastigio indicta, iter aggressus est. — Coronatio peracta fuit, praesentibus*

(a) Ap. Ecl. App. D. I. p. 39. (b) Hist. Cr. T. XIX. p. 732. — 740. (c) Libr. IX. p. 85.

sentibus fere omnibus proceribus, etiam iis, qui Ferdinando Austriaco, Annaeque, coniugi eius, in occulto fauebant. Sed, quia in superiorem Germaniam profectus, procul comitia agitabat; quid haberet de repetendo regno animi, non sine summo dolore ignorabant. Eam autem, e pontificalibus libris depromptam, Paullus Vardanus, quem vaiuoda archiepiscopum Strigonii declarauerat; ac Stephanus Brodericus, episcopus Vaciensis; Ioannes Statilius, quem ex praeposito veteris Budae episcopum Albae Iuliae non ita pridem fecerat, solitis ceremoniis perfecere. Iouius Istuanfium in geminum hunc errorem induxit, ut crederet, et Stephanum Broderichium iam tunc Vaciensem episcopum fuisse, et Paullum Vardaium Zapolyae coronam imposuisse. Primum illum errorem detexit et conuulsit Praius, certis documentis ostendendo, (a) tunc illum Sirmiensem; Ioannem Orszagium etiam anno 1527. Vaciensem episcopum fuisse; alterum Wagnerus, in lucem producto hoc Ferdinandi diplomate: (b) „Ferdinandus — notum „facimus, quod, quum R. — Stephanus Podmanitz- „ki, episcopus Nitriensis, maiestati nostrae exponi „fecerit, se accepisse, nos eidem indignari, ob „id maxime, quod Ioannem, C. Scepusiensem, — „superioribus mensibus in assertum Hungariae regem „coronauerit; ipse vero episcopus asserat, se ab „eodem comite vocatum: et quum inibi compa- „ruisset; discedere non potuerit; nisi eidem comi- „ti morem in his, quae petebat, gereret, aut vi- „tae suae discrimen subiret; huius ergo commissi „sui veniam petens, — supplicauerit, ut eum ab „omni culpa, quam propterea commeruisset, ab- „sol-

(a) Hier. P. I. p. 350. P. II. p. 390. (b) Anal. Scepus. P. IV. p. 87.

„ soluere et liberare — dignaremur; maxime, quum
 „ de praesenti, iuri et electioni legitimae, quae
 „ de persona nostra Posonii facta est, sponte ac-
 „ cesserit; — idcirco — eidem episcopo culpam
 „ omnem — remisimus. — Dat. in ciuitate nostra
 „ Viennae, die 29. Iulii, anno 1527. “ Vel hinc
 apparet, violente, nec bonis artibus, procuratum
 fuisse coronationem Ioannis Zapolyae, cuius res
 dehinc cum Ferdinandaeis ita connexae sunt, vt
 narratio quoque rerum earundem coniungenda vi-
 deatur. Ioannes porro, Budam Alba reuersus,
 Eperiesinenses de residuo pecuniae soluendo per lit-
 teras admonuit, (a) *in festo B. Clementis papae,*
an. dom. 1526. Litteris aliis solutionem illis rela-
 xauit, *Strigonii, fer. 4. prox. ante fest. S. Thomae*
apost. (b)

CDXII. Quod in fine regum Arpadianae stirpis
 praestitimus; idem, absolutis mixtae stirpis regibus,
 agendum rati, scriptores, qui praecipuam hac pe-
 riodo mixta memoriam merentur, exhibemus. Pri-
 mus ex his occurrit ANONYMVS chronicorum pa-
 triorum auctor, quem Turotzius suum describendo
 fecit. Nam, vt bene Petrus Lambecius obseruat,
 (c) *falso haecenus a quibusdam creditum est, Ioan-*
nem Turotzium — operis istius, quod sub titulo chro-
nicae Hungarorum edidit, partem I. et II. suo mar-
te et suapte ingenio conscripsisse. Contrarium enim
demonstrat augustissima bibliotheca caesarea Vindobo-
nensis, utpote in qua etiam nunc adseruatur anti-
quus anonymi cuiusdam auctoris codex membranaceus
MS. in folio, — scriptus anno MCCCLVIII. — ex
 quo

(a) Ap. Wagn. Dipl. Saros. p. 251. (b) Hist. Cr. T. XIX.
 p. 740.—756. (c) Dist. Itin. Cell. p. 61. 267.

quo Ioannes Turocienſis omnia, quae duabus illis partibus continentur, mutuatus eſt. Hic igitur anonymus chronicorum Turotzianorum partem primam et ſecundam confecit. IOANNES, archidiaconus de Kikullew, auctor eſt tertiae partis de Ludouico, cui fuit a ſecretis. Hic fontes ſuae commentationis ita pandit: (a) *Aliqua per me ipſum didici, et aliqua per alios, fide dignos, rerum notitiam habentes, intellexi.* Saepius etiam ad ipſa regis diplomata prouocat. (b) Eundem vero Ludouico ſuperſtitem fuiſſe, patet ex his de Sigismundo Mariaque verbis illius: (c) *Qui nunc corregnant in regni folio ſublimati.* Huic igitur tam antiquo, tam idoneis fontibus uſo ſcriptori tuto fides adhibetur. Hungariae chronica, tres iſtas partes complexa, paſſim Turotzii nomine laudantur; licet earum non tam ſcriptor, quam deſcriptor Turotzius haberi debeat. Quod quum obſeruamus; plagii litterarii crimen illi non intentamus. Nec enim ipſe diffitetur, aliunde ſe haec ſumſiſſe, dum ita loquitur: (d) *Rebus in his ex me feci nihil: veteres in omnibus ſequutus ſum historias.* Certe nomen ipſum Ioannis, archidiaconi de Kiküllö, tertiae parti praefixit: quumque huic per modum appendicis adiecit (e) *deſcriptionem miſerabilis caſus Caroli regis, cognomento Parui, nec non lugubre factum reginarum Hungariae;* vnde profecerit, ipſe his verbis prodit: (f) *Huius regis Caroli lugubre exitium quidam Laurentius de Monach, Venetus, — ipſa geſtarum rerum aetate compendioſo pariter et metrico carmine perſtrinxit. Quem in magna ſui parte ſequutus, maxime,*

(a) Edit. Tirn. p. 303. (b) Ibid. p. 296. 302. (c) Ibid. p. 318. (d) Ibid. p. 64. (e) Ibid. p. 321. (f) Ibid. p. 322.

xime, ne ex me aliquid facere videar, ea quae ipse contexuit, tum vero illa, meis iuuenilibus quae in annis a viris aetate pariter et fide plenis — audiui amplius, conscribere curavi. Habemus igitur huius etiam appendicis fontem et auctorem synchronum, Laurentium de Monacis, insulae Cretae cancellarium sub annum 1388. creatum.

CDXIII. Ad aetatem Ludouici I. sub quo trium Hungaricae historiae partium auctores floruerunt, referri potest etiam MICHAS MADIVS de Barbazinis, qui de *gestis Romanorum imperatorum et summorum pontificum* historiam, 29. capitibus absolutam, edidit, resque nonnullas, etiam in Hungaria Dalmatiaque gestas inter annum 1290. et 1330. attingit. Hanc primum quidem Lucius anno 1666. deinde Schwandtnerus vulgavit anno 1748. (a) praemissa Belii praefatione, qui scriptum hoc, propter rerum apparatus et orationis habitum, merito *leuidense* vocat. Huic laudatus Schwandtnerus adiecit *summam historiarum tabulam ACVTHEIS, de gestis civium Spalatinorum*, ad annum vsque 1366. Ieiunam hanc historiarum tabulam excipit *series archiepiscoporum Salonitanae et Spalatinae ecclesiae*; tum vero scriptoris anonymi libri II. *obsidionis Iadrensis, an. 1345. et 1346.* Hunc auctorem Belius appellat *oscitabundum*, immo *somnolentum*; neque siue ad rei gestae accuratorem, siue ad dictionis, qua abiecta utitur, ingenium vel tantillum attentum; — retinendum tamen, — quod non superaret facile, qui Iadrensum haec fata quomodoque praeter eum expromsisset. His adiungitur *Memoriale PAVLI de PAVLO, patricii Iadrensis,*
ab

(a) Scriptor. R. Hung. T. III, p. 636.

ab anno Christi 1371. usque ad an. Christi 1408. De hoc opere Belius iudicium suum ita promit *Schedae sunt memoriales prudentis non minus, quam rebus agendis idonei viri, plenae egregiae frugis.* Ornauit etiam aetatem Ludouici IOANNES, archidiaconus de GVERCHE, seu Goriczenſis in ecclesia Zagrabiensī, cuius quidem nullum opus typis vulgatum est; eius tamen MSS. nonnullis saepe cum laude Kerchelichius vsus est. Hic illum obiisse scribit sub Nicolao I. Zagrabiens. episcopo, (a) sub an. 1354. Laudat alibi foundationem, ab eodem factam ecclesiae S. Ioannis Bapt. parochiaeque Nououillanae 1347. (b) Plures igitur aetas Ludouici, quam anteriora secula, scriptores protulit, quo regnante, praeter Athenaeum Quinqueecclesiense, cum alibi, tum Varadini gymnasium floruit, vt ex litteris, a Praio productis, liquet. (c)

CDXIV. Ludouicus, pace belloque maximus, sibi tamen non satis magnus videbatur; nisi bellicae politicaeque virtuti scientiarum quoque gloriam adiecisset, vt Ioannes archidiaconus apud Turotium in haec verba testatur: (d) *Qui etiam post bellicam gloriam scientia litterarum clarus fuit.* Eamdem, ac etiam maiorem laudem Mathiae Coruino plerique scriptores circumponunt. Hic enim in Hungaria scientias ad eum florem euexit, vt vnum hoc regnum, quicquid apud alios doctum ac eruditum esset, siue scientiarum adminicula, siue viros multiplici doctrinarum genere conspicuos attendamus, sinu suo complecteretur. Vt primum sacra corona redimitus est; lycaeum seu Quinqueecclesiense, seu
Bu-

(a) Hist. Eccl. Zagr. p. 132. (b) Not. Prael. p. 413. (c) Hier. P. II. p. 175. (d) Chron. P. III. cap. 39.

Budensi nondum debitis adiumentis instructo, novum scientiarum omnium emporium Posonii condidit. Excitavit praeterea Budae locupletissimam bibliothecam, plurimorum calamis subinde celebratam. Hunc scientiarum amorem inspirasse videtur illi IOANNES de ZREDNA, vulgo Vitezius, quem Bonfinius *liberorum Coruini moderatorem et magistrum* appellat. (a) Hic primum ab epistolis Ioanni Hunyadio gubernatori fuit; tum, eius commendatione, Varadinensem infulam obtinuit anno 1445. demum a Mathia Coruino Strigoniensis metropolita renunciatus anno 1465. vivere desit anno 1472. Exstant plures eius epistolae, hoc titulo vulgatae: (b) „ Ioannis de Zredna, cancellariae regis Hungariae olim protonotarii, epistolae in diuersis negotiis, statum publicum regni Hungariae concernentibus, ab anno Christi MCDXLV. gubernatoris, nec non praelatorum et baronum huius regni nomine exaratae. “ Has PAVLLVS de IWANICH, dioecesis Zagrabiensis, ex qua Vitezius quoque fuit, presbyter, *altaris S. Paulli in ecclesia Varadiensi rector, et cancellariae regiae olim notarius, viuentis adhuc auctore*, congeffit et notis historicis illustravit. Post Ioannem Vitezium laudandus est eiusdem e sorore Barbara nepos, vulgo IANVS PANNONIVS, alias Ioannes Cefinge, cuius ingenii partus sunt: (c) *Annales Hungariae, heroicis versibus compositi; Tomyris laudes; Trottae constantia; vitae Bruti et Galbae, ex Plutarcho Latine versae*. Superfunt poemata diuersa, mirae suauitate fusa, postremum edita Budae 1754. Huic addendus est PELBARTVS de TEMESVAR, ord. min.

(a) Dec. III. Libr. VIII. p. 521. (b) Ap. Schwandt. T. II. p. 1. (c) Ap. Wall. Tentam. p. 30.

min. feruentissimus verbi diuini praeco, cuius *Pomerium sermonum de tempore* Hagenoae prodiit annis 1475. 1498. 1509. Eiusdem sunt: *Pomerium sermonum de B. virgine*; *Pomerium de sanctis*; *Vita S. Ioannis Eleemosynarii*; *Commentaria in Psalmos*; *quadragesimale triplex*; *aureum S. Theologiae rosarium, iuxta IV. sententiarum libros quadripartitum*. Quartum tamen librum, morte praeventus, absolueri non potuit, quem OSVALDVS a LASCO, discipulus eius suppleuit.

CDXV. Sub eodem Mathia Coruino, tres historici floruerunt: Ioannes Turotzius, Petrus Ranzanus, Antonius Bonfinius; hi quidem exteri, sed in Hungaria Mathiae beneficiis alti. Domesticus vero Turotzius, vnde tres chronicorum partes depromserit, iam diximus. Solius quartae partis auctor, tam Ranzano, quam Bonfinio vetustioribus in rebus praefendus est. Quamuis enim omnes isti fontibus iisdem, librariorum incuria iam antea vitiatis, vti fuisse videantur; eos tamen Turotzius intactos reliquit; nec erroribus veteribus novos addidit. Alii contra, quaedam e suo cerebro commenti, simplicem nudamque veritatem iis rerum adiunctis vestiuerunt, vt in veris quoque narrationibus suspecti nonnumquam habeantur. TYROTZIVS igitur prae duobus illis in testem a me vocatus plerumque fuit. RANZANVS porro, Siculus Panormitanus, ex ord. praedicat. episcopus ecclesiae Lucerinae creatus anno 1478. legatus ad Mathiam Coruinum a Ferdinando, rege Neapolitano, missus, acceptis a Beatrice regina quibusdam documentis, *epitomen rerum Hungaricarum* in indices 36. distinxit, ac postea Luceriae decessit anno 1492. BONFINIVS, Asculi natus in Italia, multis

tis regionibus perlustratis, ad Mathiam Coruinum venit anno 1485. Iussus ab eodem rege Hungarorum historiam scribere, post eius obitum eandem continuauit ad annum vsque 1495. Primus Sambucus omnes eius libros in lucem produxit, ac tribus iam antea vulgatis decadibus, quartam cum dimidia quinta, Basileae typis edidit an. MDLXVIII. Vt Bonfinius, ita plures alii, fama Mathiae regis in Hungariam exciti, lucubrationibus suis res Hungaricas illustrarunt. Ex his erat NALDVS NALDIVS, patria Florentinus, qui de laudibus Coruinianae bibliothecae libros IV. carmine heroico conscripsit, quos notitiae Hungariae nouae tomo III. Belius inseruit; item GALEOTVS MARTIVS, Narniensis Italus, qui scriptis libris in Mathiae gratiam ita semet insinuauit, vt inter familiares et quotidianos mensae regiae conuiuas censeretur, Budensque bibliothecae praeficeretur. Apud Hungaros plurimum innotuit *commentario de Mathiae Coruini, Hungariae regis, egregie, sapienter, iocose dictis et factis*, Schwandtnerianae collectioni scriptorum rerum Hungaricarum inserto. AVRELIVM BRANDOLINVM, oratoriae primum Istropoli, deinde Budae professorem; item IOANNEM MÜLLERVM REGIOMONTANVM, vtrumque multis operibus illustrem, aliosque minutiores sub Mathia Coruino scriptores silentio praetereo.

CDXVI. Vt aliae res, Mathiae rebus florentes, ita litterariae quoque, Wladislao regnante, sensim defluerunt. Celeberrimae Coruini Bibliothecae plus fere damni regis huius ignauia, quam Turcarum furor et ignorantia, videtur intulisse. *Quam,*
Epit. Chron. P. II. Xx inquit

inquit Vrsinus Velius; (a) complures *bibliocleptae* postea expilarunt, rege *Wladislao* ac filio, ut aliarum rerum negligentibus, ita et conseruandae rei incomparabilis parum studiosis. *Wladislaum* certe non paucos ex hoc scientiarum sacrario codices abalienasse, donumque viris eruditis dedisse, pluribus exemplis Schierius docet. (b) Etsi vero *Coruina* bibliotheca his gradibus sensim in ruinam impulsam fuerit; eruditorum tamen numerus, iactis sub *Coruino* fundamentis, adeo non defecit, ut *Boluslaus Lobkowitzius*, litteris anno 1501. kalendis Augusti datis, ad *Bernardum Alderman* scribere non dubitauerit: (c) „ Postremo id te cupio scire, inter omnia *Pannoniae* potissimum hoc mihi placere, quod multos inuenio cupidos litterarum et omnifariam doctos, quorum colloquio atque familiaritate uti, in deliciis habeo.“ *Wladislaum* ipsum, cuius institutor *Dlugossus* erat, ab eruditione *Nagonius*, qui libros IV. poematum in eius laudes conscripserat, extollit. (d) Eiusdem certe mandato *Bonfinius* historiam suam continuauit; quam ille tanti fecit, ut eum, a quo descripta fuerat, in numerum *Hungariae* nobilium propterea retulerit. (e) Floruit etiam, eodem regnante, societas eruditorum in *Hungaria*, quorum fama censet *Bochimius*, (f) excitam *Celtam* longinquum iter in *Pannoniam* molitum esse.

CDXVII. Ex pluribus sub *Wladislao* scriptoribus duorum dumtaxat, *Tuberonis* et *Verbötzii*, quorum

(a) De bello Pannon. p. 16. (b) Bibl. Coruin. p. 28. 31.

(c) Ap. Wall. Tentam. p. 74. (d) Edm. Prig. A. 1777.

p. 119. (e) V. Wag. Seep. P. II. p. 113. (f) De Ang.

Olpm. p. 124.

rum opera plurium manibus teruntur, hoc loco meminisse iuvat. Omnem paene, quam de TVBERONE notitiam capere possumus, exhaurit titulus, eiusdem historiae praeiectus, in haec verba: (a) „Ludouici Tuberonis, Dalmatae abbatis, commentariorum de rebus, suo tempore, nimirum ab „A. C. MCCCCXC. vsque ad A. C. MDXXII. in „Pannonia et finitimis regionibus gestis, Libri XI.“ Belius tamen cum nonnullis suspicatur, (b) *Ludouici Tuberonis nomen commenticium esse, atque ab auctore ei fini adscriptum, ut latere possit securus, et quod sibi proposuerat, scribendi libertatem eo commodius exsequi; abbatemque se dixisse, ut procul odio gratiae in viros sacros, ipse sacerdos, inuelli posse crederetur.* Multas ille voces Hungaricas ita vitiauit, ut nec ab Hungaris intelligi facile possint, ut quum pro Báthor *Báter*, pro Szilágyi *Solagii*, pro Banfi *Damphii*, pro Hunyiades *Cugniades*, Erdödius *Herdondius*, Ujlakius *Huulacenus*, Hederuarus *Hederimus* corripit; et ex *Kints-tartó*, seu thesaurarius, *Quincitartorum* effinxit. Post hunc memoria dignus est VERBÖTZIVS, magnus iuris Hungarici Tribonianus, qui patrias leges opere *tripartito* complexus est. Hunc Hanerus, nescio, cuius fidei versibus Francisci de Homorod — Sz. Pál persuasus, (c) *in Transsilvania, comitatu de Küköllö, pago speciatim Szökefalua* natum esse credidit; at Seperinius Neogradiensis illum prouinciae ciuem facit. (d) Hanc gloriam etiam Belius Neogradensibus ita tribuit: (e) *Verbörzius, — laudatissimus ille Hungarorum Vlpianus, ista regione prodiit.* A Zappolya

XX 2

(a) Ap. Schwandt. T. II. p. 107. (b) Ibid. Praef. p. IX. (c) Scriptor. R. H. et Tr. p. 98. (d) De vet. incol. Hung. p. 102. (e) Not. H. N. T. IV. p. 26.

polya cancellarius subinde renunciatus; a Solimano, Buda per fraudem potito, praetor constitutus anno 1541. non multo post, Istuanfio teste, (a) *in morbum incidit, expiatisque Christiano ritu criminibus, cuius per omnem vitam tenacissimus fuit, pecuniaque haud contemnenda in usus calamitosorum hominum ac reficienda templa testamento legata, Budae mortuus est.*

CDXVIII. Eodem morbo res litteraria sub Ludouico, quo sub Wladislao, laborabat: peraeque bibliotheca Coruiniana, priusquam barbarus hostis Budam occupasset, magnis passibus in interitum ruebat: facilitate Ludouici, non modica parte viris eruditis in praedam cesserat. Ex his Ioannes Brassicanus, Viennae ius civile professus, ita gloriatur, (b) *Ex munificentia atque liberalitate optimi regis Ludouici quosdam Graecos auctores consequutus sum, nec protritatos, nec etiam aspervandos. Eundem vero codicibus etiam Latinis, indidem sublati, suas opes litterarias auxisse, Schierius ostendit, et negat, thesaurum istum a Turcis incensum fuisse, quod nonnulli; aut eo tempore direptum, quod complures, fama potius, quam visu testes, afferunt. Non equidem, subiicit, ibo omnino inficias, aliqua damna, vel inuito Solimano, a militibus Turcicis illata fuisse; eorum praesertim codicum splendore rapaces manus alliciente, qui aureis aut argenteis laminis vestiti erant, alioue pretioso inuolucro — regabantur; verum — horum spoliatio neque priori sub regibus Wladislao et Ludouico, ubi rarioribus inhiabatur, neque posteriori militum Germanorum — erit comparanda. Sed Turcis imputabatur, quicquid ma-*
li

(a) Libr. XIV. p. 151. (b) Ap. Schier Bibl. Coru. p. 35.

*li actum fuerat. Ipsam quidem civitatem Budam exustam; at domum regis integram, vbi Coruini-
nus ille thesaurus asseruabatur, Ibraimus vezirius
postea, Hieronymo Laszkio commemoravit. (a)
Quare male Martinus Schesaeus interitum bibliothecae
his carminibus ad eundem annum deplorat:
(b)*

- „ Hic et Coruini, totum cantata per orbem,
- „ Bibliotheca perit: non sacra volumina patrum
- „ Effugere rogam: serpens neque flamma pepercit
- „ Caussidicis Baldi tricis: nil scripta Galeni
- „ Huicce malo auxilii, medicamine plena, tulere.

CDXIX. Qui funestissimam Hungaris cladem Mohatsianam omnium optime descripsit, erat STEPHANVS BRODERICHIVS, regis cancellarius, eique sub decretorio certamine proximus. Iam alias diximus, perperam illum a quibusdam iam tunc Vacientsem episcopum scribi, qui Sirmiensis episcopus, legitur etiam anno 1535. Nicolaus Olahus eidem, anno 1539. defuncto, hoc epitaphium concinnavit: (c)

- „ Hac iacēt inclusus gelida Brodericus in vrna,
- „ Cui decus et nomen pulchra corona dedit.
- „ Phaebus in aethereo donec clarescet olympo;
- „ Dum tenebras densas Cynthia clara fugat;
- „ Semper erit Stephani virtus, doctrina, perenns,
- „ Sancta fides, probitas et pietatis amor.
- „ Pontificis sacro vixit decoratus honore,
- „ Cuius in officio sedulus vsque fuit.

„ O

(a) App. Bel. Mon. IV. p. 159. (b) Ap. Wall. Tentam. p. 86. (c) Ap. Pray Hier. P. I. p. 351.

- „ O felix, claros patriae qui vidit honores;
 „ Illius ast cladem cernere non voluit.
 „ Dum nullam potuit nostris adhibere medelam
 „ Hisce malis; subito migrat ad astra poli.

O. A. M. D. G.

I N D E X

C H R O N O L O G I C U S

P. II.

- XXIV. W**ENCESLAVS. Coepit A. C. 1301. desit A. C. 1305.
 A. C. 1301. p. 4. A. 1302. p. 7. A. 1303. p. 8.
 A. 1304. p. 10. A. 1305. p. 11.
- XXV. OTTO.** Coepit A. C. 1305. desit A. C. 1308.
 A. C. 1305. p. 12. A. 1306. p. 15. A. 1307. p. 16.
 A. 1308. p. 17.
- XXVI. CAROLVS I.** Coepit A. C. 1301. pleno iure 1308.
 desit 1342.
 A. C. 1308. p. 19. A. 1309. p. 24. A.
 1310. p. 25. A. 1311. p. 27. A. 1312. p. 28. A.
 1313. p. 31. A. 1314. 1315. p. 32. A. 1317. p. 33.
 A. 1318. p. 34. A. 1320. p. 35. A. 1321. 1322. p. 36.
 A. 1323. p. 37. A. 1324. 1325. p. 38. A. 1326. p. 39.
 A. 1327. p. 40. A. 1328. 1329. p. 41. A. 1330. p. 42.
 A. 1331. p. 45. A. 1332. 1333. p. 46. A. 1334. p. 47.
 A. 1335. p. 48. A. 1336. 1337. p. 50. A. 1338. p. 51.
 A. 1339. p. 53. A. 1340. p. 54. A. 1341. p. 55. A.
 1342. p. 56.
- XXVII. LVDOVICVS I.** Coepit A. C. 1342. desit A. C. 1382.
 A. C. 1342. p. 59. A. 1343. p. 62. A. 1344. p.
 64. A. 1345. p. 66. A. 1346. p. 69. A. 1347. p. 73. A.
 1348.

1348. p. 74. A. 1349. p. 76. A. 1350. p. 78. A. 1351.
p. 79. A. 1352. p. 83. A. 1353. p. 84. A. 1354. p. 86.
A. 1355. p. 88. A. 1356. p. 90. A. 1357. p. 92.
A. 1358. p. 93. A. 1359. p. 95. A. 1360. p. 97. A. 1361.
p. 98. A. 1362. p. 99. A. 1363. p. 100. A. 1364. p. 101.
A. 1365. p. 103. A. 1366. p. 104. A. 1367. p. 107. A.
1368. p. 108. A. 1369. p. 109. A. 1370. p. 110. A.
1371. p. 111. A. 1372. p. 113. A. 1373. p. 114. A. 1374.
p. 116. A. 1375. p. 117. A. 1376. p. 118. A. 1377. p.
119. A. 1378. p. 120. A. 1379. p. 121. A. 1380. p. 123.
A. 1381. p. 125. A. 1382. p. 128.

XXVIII. MARIA. Coepit A. C. 1382. desit A. C. 1386.
A. C. 1382. p. 133. A. 1383. p. 136. A. 1384. p. 140.
A. 1385. p. 143.

XXIX. CAROLVS II. Coepit A. C. 1385. desit A. C. 1386.
A. C. 1385. p. 147. A. C. 1386. p. 150.

XXVIII. MARIA RESTITVTA. Coepit, & desit A. C. 1386.
A. C. 1386. p. 154.

XXX. SIGISMVNDVS. Coepit A. C. 1387. desit A. C.
1437.

A. C. 1387. p. 161. A. 1388. p. 164. A. 1389.
p. 168. A. 1390. p. 169. A. 1391. p. 171. A. 1392.
p. 172. A. 1393. p. 174. A. 1394. p. 176. A. 1395. p. 178.
A. 1396. p. 181. A. 1397. p. 184. A. 1398. p. 186. A.
1399. p. 188. A. 1400. p. 189. A. 1401. p. 191. A. 1402.
p. 194. A. 1403. p. 198. A. 1404. p. 201. A. 1405. p.
203. A. 1406. p. 205. A. 1407. p. 207. A. 1408. p.
208. A. 1409. p. 209. A. 1410. p. 211. A. 1411. p. 212.
A. 1412. p. 213. A. 1413. p. 220. A. 1414. p. 224. A. 1415.
p. 225. A. 1416. p. 228. A. 1417. p. 230. A. 1418. p.
232. A. 1419. p. 233. A. 1420. p. 235. A. 1421. p. 239.
A. 1422. p. 240. A. 1423. p. 242. A. 1424. p. 244. A.
1425. 1426. p. 246. A. 1427. p. 247. A. 1428. p. 249.
A. 1429. p. 251. A. 1430. p. 252. A. 1431. p. 253. A.
1432. p. 255. A. 1433. p. 256. A. 1434. p. 260. A. 1435.
p. 263. A. 1436. p. 267. A. 1437. p. 268.

XXXI. ALBERTVS. Coepit A. C. 1437. desit A. C. 1439.
A. C. 1437. p. 274. A. 1438. p. 277. A. 1439. p. 281.

XXXII. WLADISLAVS I. Coepit A. C. 1440. desit A. C.
1444.

A. C. 1440. p. 287. A. 1441. p. 300. A. 1442. p. 301.
A. 1443. p. 305. A. 1444. p. 308.

XXXIII. LADISLAVS V. Coepit A. C. 1445. desit A. C.
1457.

A. C. 1445. p. 316. A. 1446. p. 320. A. 1447. p.
324. A. 1448. p. 326. A. 1449. p. 331. A. 1450. p.
333.

333. A. 1451. p. 336. A. 1452. p. 338. A. 1453. p. 341.
A. 1454. p. 345. A. 1455. p. 348. A. 1456. p. 350. A.
1457. p. 356.

XXXIV. MATHIAS I. Coepit A. C. 1458. defuit A. C. 1490.

A. C. 1458. p. 360. A. 1459. p. 374. A. 1460. p. 385. A.
1461. p. 392. A. 1462. p. 395. A. 1463. p. 402. A. 1464. p.
408. A. 1465. p. 415. A. 1466. p. 426. A. 1467. p. 431. A.
1468. p. 436. A. 1469. p. 447. A. 1470. p. 450. A. 1471.
p. 454. A. 1472. p. 459. A. 1473. p. 465. A. 1474. p. 467.
A. 1475. p. 472. A. 1476. p. 473. A. 1477. p. 478. A.
1478. p. 485. A. 1479. p. 487. A. 1480. p. 491. A. 1481.
p. 493. A. 1482. p. 498. A. 1483. p. 500. A. 1484. p.
504. A. 1485. p. 506. A. 1486. p. 508. A. 1487. p. 513.
A. 1488. p. 516. A. 1489. p. 519. A. 1490. p. 521.

**XXXV. WLADISLAUS II. Coepit A. C. 1490. defuit A. C.
1516.**

A. C. 1490. p. 529. A. 1491. p. 543. A. 1492. p.
550. A. 1493. p. 557. A. 1494. p. 560. A. 1495. p. 567.
A. 1496. p. 571. A. 1497. p. 574. A. 1498. p. 576. A.
1499. p. 580. A. 1500. p. 581. A. 1501. p. 584. A. 1502.
p. 586. A. 1503. p. 588. A. 1504. p. 589. A. 1505. p.
594. A. 1506. p. 598. A. 1507. p. 601. A. 1508. p. 604.
A. 1509. p. 607. A. 1510. p. 608. A. 1511. p. 610. A.
1512. p. 611. A. 1513. p. 612. A. 1514. p. 615. A. 1515.
p. 625. A. 1516. p. 629.

**XXXVI. LVDOVICVS II. Coepit A. C. 1516. defuit A. C.
1526.**

A. C. 1516. p. 632. A. 1517. p. 636. A. 1518.
p. 637. A. 1519. p. 641. A. 1520. p. 643.
A. 1521. p. 644. A. 1522. p. 650. A. 1523. p.
654. A. 1524. p. 656. A. 1525. p. 658. A. 1526. p.
661.

**XXXVII. JOANNES ZAPOLYA. Coepit A. C. 1526. de-
fuit A. C. 1540.**

A. C. 1526. p. 676.

